

續修四庫全書

《續修四庫全書》編纂委員會編

續修四庫全書



上海古籍出版社

五〇三・史部・詔令奏議類

左恪靖侯奏稿初編三十八卷 左恪靖侯奏稿續編七十六卷 左恪靖侯奏稿三編六卷

(初編卷三十八至續編卷三十八) [清]左宗棠撰……………

264/03

恪靖奏稿初編卷三十八目錄

詳議創設船政章程購器募匠教習摺

船局事件仍必會銜具陳以昭大信片

鐵船槽多用銀兩擬就續撥關稅內提用片

附陳胡道往來照料聽候差遣片

咨送有裨船政官紳交船政大臣差遣片

恭報西征起程日期摺

附陳劉幫辦親喪服闋片

覆陳業經交卸閩浙督篆情形片

初編卷三十八目錄

請撥西征的餉以措危局摺

在浙送保各員陳請仍照原單給獎摺

詳議創設船政章程購器募匠教習摺

奏為詳議創設船政章程飭洋員回國購器募匠來閩教習恭摺奏祈

聖鑒事竊前議習造輪船曾將應辦情形及請

簡總理船政大臣接管籌發購器募匠銀兩各緣由業

經迭次陳明於交卸督鹽兩篆後駐營城外東教場

嚴裝以待洋員之至本月二十三日道員胡光墉偕日

意格德克碑來閩據日意格等稟呈保約條議清摺合

同規約各件業經法國總領事官白來尼印押擔保

初編卷三十八

逐加覆核均尚妥洽所有鐵廠船槽船廠學堂及中外

公廨工匠住屋築基礎岸一切工程經日意格等覓中

外殷商包辦由核定計共需銀二十四萬餘兩船槽

尤為通局最要之件應用法國新法購辦鐵板運來船

廠嵌造成槽此外一切局中應用什物由護撫周開

錫委員估價日意格德克碑俟廠工估定即回法國購

買機器輪機鋼鐵等件並購大鐵船槽一具募僱員匠

來閩一面開設學堂延致熟習中外語言文字洋師教

習英法兩國語言文字算法畫法名曰求是堂藝局挑

選本地資性通敏懇情通文字義子弟入局肄習並採辦銅鐵木料一俟船廠造成即先脩造船身庶來年機器輪機運到時可先就現成輪機配成大小輪船各一隻此後機器輪機可令中國匠作學造約計五年限內可得大輪船十一隻小輪船五隻大輪船一百五十四匹馬力可裝載百萬兩小輪船八十四匹馬力可裝載三四十萬兩均照外洋兵船式樣總計所費不逾三百萬兩惟採買物料一切有此月需多彼月需少者勢難劃一應將關稅每月協撥兵餉五萬兩劃提四萬兩歸需局

初編卷三八 二

庫另款存儲以便隨時隨付而前後牽計仍不得踰每月四萬之數以示限制抑區區之愚有不敢不書者茲局之設所重在學造西洋機器以成輪船俾中國得轉相授受為永遠之利也非如僱買輪船之徒取濟一時可比其事較僱買為難其費較僱買為鉅臣德薄能淺不足為其難又去闕在即不能為其難當此時繼舉盈之際凡費宜惜鉅費尤可惜而顧斷斷於此者竊謂海疆非此兵不能強民不能富僱募僅濟一時之需自造實無窮之利也於是則雖難有所不避雖費有所不辭

然而時需五載銀需二百數十萬兩事屬創舉成否未可預知幸而學造有成縱局外議論紛紛微臣尚有以目解設學造未能盡洋技之奇即解造輪船不能自作船主曲盡駕駛之法則費此五年之時日二百數十萬之帑金僅得大小輪船十六號機器一分鉄廠船槽船廠及各房屋雖所造輪船較尋常購買各色輪船精堅適用而估計所費多於買價一倍於大局仍少裨益責以糜帑咎何可辭凡此皆宜預為綢繆而不能預為期必者故此局之定愛臣者多以異時之咎責為臣慮局

初編卷三八 三

外阻撓為臣疑即日意格亦言此時局面既更勢難兼顧如欲停止願將已領之銀仍即繳回臣答以事在必行萬無中止之理但願一一謹守條約盡心經畫其觀厥成如有差謬當自請

朝廷嚴加議處而已察看情形尚可望其有成合將日意格德克碑合緊保約條議清摺合同規約照抄咨呈軍機處總理各國事務衙門存案外謹隨舉船政事宜十條另繕清單恭呈

御覽謹會同兼署閩浙總督臣英桂恭摺具

奏伏乞

皇太后

皇上聖鑒訓示施行謹

奏 同治五年十一月初五日

謹將船政事宜臚列十條繕具清單恭呈

御鑒

一洋員應分正副督監也日意格德克碑各有所長臣前摺曾陳及之現絕上海總領事白來尼以日意格通曉官話漢書辦事安詳合德克碑推日意格為正監督

初編卷三十八

四

德克碑為之副各咨商尤洽均無異詞一切事務均責成該兩員承辦

一宜優待藝局生徒以拔人材也藝局之設必學習英法兩國語言文字精研算草乃能依畫繪圖深明製造之法並通船主之學堪任駕駛是藝局為造就人才之地非厚給月廩不能嚴定課程非優予登進則秀良者無由進用此項學成製造駕駛之人為將來水師將材所自出擬請凡學成船主及能按圖監造者准授水師官職如係文職文生入局學者仍准保舉文職官階用

之水營以昭獎勵庶登進廣而人材自奮矣

一限期程期應分別酌定也輪船一局實專為習造輪

機而設俟鐵廠開設即為習造輪機之日故五年之限

應以鉄廠開廠之日為始一面造鉄房屋一面購運鐵

廠機器計自法國購運來閩約須十箇月十一箇月不

等日意格德克碑兩員回國後一員約五箇月帶船廠

洋匠來閩開船廠造船槽一員俟機器等件齊備交鐵

廠洋匠管解起程後先趁輪船來閩八九個月可到

一定輪機馬力並搭造小輪船也大輪船輪機馬力以

初編卷三十八

五

一百五十四匹為準除擬買現成輪機兩副外其价九副

皆開廠自造鐵廠造輪機頗費時日船廠配造成船轉

為迅速恐船廠開曠虛糜辛工因議於大輪船十一隻

外另購八十四馬力輪機五副其式與外國梗渡子兵

船相近乘船廠開工加造小輪船五隻

一飭洋員與洋匠要約也洋人其事必立合同船局延

洋匠至三十餘名之多其中賞罰進退辛工路費非明

定規約無以示信已飭日意格等擬定合同規條由法

國總領事鈐印畫押令匠洋匠一律遵守

一宜預定獎格以示鼓舞也洋員及師匠人等須優定獎格庶期盡心教導可有成效現已與日意格等議定五年限滿教習中國員匠能自按圖監造並能自行駕駛加獎日意格德克碑銀各二萬四千兩加獎各師匠等其銀六萬兩計定獎格銀共十萬八千兩如有成則日意格德克碑之忠順尤為昭著應更懇天恩再加獎勵以示優異

一購運機器等件來閩須籌小費也各項器具物料由外洋運載來閩非按洋法包紮恐多損壞非交洋行保

初編卷三六

七

險難免疎虞此項包紮保險銀兩已一並議給

一凡需用紋銀之項應准開銷銀水也閩省通行銀色向較江浙廣東為低番銀到閩無語官民皆不辨花樣但用鐵盤烙印以辨真假行之他省外洋即咸疑色船局支發各款除在閩境採辦物料無庸補水外其採買洋料等用款應准將補水銀兩作正開銷

一宜講求採鐵之法也輪機水缸需錢甚多據日意格云中國所產之鐵與外國同但開鑄之時銹鍊不得法故不合用現擬於所僱師匠中擇一兼明採鐵之人就

煤鐵兼產之處開爐提鍊庶幾省費適用此事須隨時斟酌辦理

一輪船中必需之物官籌備也輪船中應用星宿盤量天尺風雨鏡寒暑鐘羅盤水氣表千里鏡玻璃管以及墊輪機之軟皮即音陳勒索等件現飭日意格等回國探問製造器具價值如所費不過數千金即由日意格等籌購一分並約募工匠一人同來一並教造

船局事件仍必會銜具陳以昭大信片

再日意格德克碑昨次來閩稟稱輪船局一切條約皆

初編卷三六

七

臣核定仍請 臣主持此事當即告以業經請

簡總理船政大臣事有專屬自可毋庸與顧且相與成里以外亦勢難與顧也該洋員仍以為言竊維洋人素性多疑驟難管曉始事之初須堅其信揣彼疑慮之端有二不過事虞牽制費虞不繼已耳復告以身雖去閩此事究屬首先倡議事成無可居之功不成則無可道之罪如有謬誤應加議處業經

奏明在案是未嘗置身事外也至經費每月四萬兩已指開稅協餉萬無不繼之理如尙慮不繼則閩省尙有

協甘之餉四萬兩可以通融當預為籌之日意格等意始釋然應先陳明此後船局遇有陳奏事件仍沈葆楨會臣後銜以昭大信可否之處伏惟

聖裁謹

奏同治五年十一月初五日

鐵船槽多用銀兩擬就續撥關稅內提用片

再臣前會同將軍巡撫臣

奏請撥開海關結款銀四十萬兩作輪船局創始經費摺內聲明購買機器等件及募僱師匠來閩建造鐵廠

初編卷三十八

八

船槽船廠中外官員公廨工匠住屋購買地基約共需銀四十三四萬兩惟船槽為船局最要之件日意格等原議建造石船槽臣細加採訪均以難成易地為慮茲詢之日意格等據云各照法國新法改用鐵板造成船槽較為安速惟必須自法國購運前來價脚大費是以前次仍議就近取石為槽以期節省臣思石槽既造作需時又虞傾圮自不若改用鐵槽為一勞永逸之計計實現成大鐵船槽一具法國運載來閩需多用銀三萬餘兩除已

奏撥閩關結款銀四十萬兩外尚不敷銀七萬餘兩應在本年十二月起閩海關每月續撥銀五萬兩內提用以濟要需此項本係盡充輪船局每月經費現在議定每月約以四萬兩為準計可月存銀一萬兩且目前未即開廠以之移濟創始經費本屬一事更毋庸另籌挹注至買用馬尾山下民田二百餘畝作為局廠地基其畝分契價細冊應由督臣會同總理船政臣沈葆楨另行專案

初編卷三十八

九

聖鑒謹

奏同治五年十一月初五日

附陳明道往來照料聽候差遣片

再工程必期核實度支尤戒虛糜而輪船局事屬創行將來限滿果能習成與否雖據日意格德克碑一力擔承臣亦不敢遽謂確有把握但覺事不可已惟當擇人而任盡力以圖耳其中支銷款目並無例案可循公家之事往往縛於文法招於物議故敢任此事者絕少其人即如道員胡光墉素敢任事不避嫌怨從前在浙歷

辦軍糧軍火實為緩急可恃咸豐十一年冬杭城垂陷胡光墉航海運糧兼備子藥力圖援應再至錢塘江為重圍所阻心力俱瘁至今言之猶有遺憾臣入浙以後委任益專卒得其力實屬深明大義不可多得之員惟切直太過每招人忌臣茲於輪船局務

奏請將一切工料及延洋匠僱華工開藝局責成該員一手經理實為局務需才起見昨據胡光墉具稟固辭願隨同署福建布政使司現護巡撫臣周開錫辦理局務聽候總理船政差遣凡其所舉之人出具保狀經手

初編卷三十八

十一

之項出具領狀惟該員是問至一切局務及支銷款目實以臣軍上海採辦轉運諸務奉委督辦必須兼顧未能常川在閩一手經理懇請陳明等語蓋以非常之舉易滋疑議不欲一身為眾射之的也臣稔知其任事之誠招忌之故與其過重責成轉使畏難於今日不若稍寬責任仍收臂助於方來且臣軍採辦轉運局務亦需該員經理不得不免如所請准其往來照料聽候總理船政差遣總之此局非尋常工程可比即朝廷不預存綜覈之見在事者已不免有意外之虞惟

有仰懇

天恩曲蒙

鑒察庶幾率作興事敏則有功倘臣所舉非人致有貽悞仍請將臣交部嚴加議處謹附片具

奏伏乞

聖鑒諱

奏同治五年十一月初五日

咨送有裨船政官紳交船政大臣差遣片

再臣所知閩浙官紳中有裨船政之員亟宜咨送沈葆

初編卷三十六

十一

積差遣如鹽運使銜廣東補用道葉文瀾好善急公熟習洋務遇有委辦事件均能妥實經理為人敦樸可恃候選同知黃維焯迭次委赴香港廈門上海甯波及福州羅星塔等處測量沙水訪察洋務並隨同胡光墉與口意格德克碑議擬章程均能不辭勞瘁該員係丁憂在籍人員輪船局甫經議設人才最少與尋常局務不同應請旨准其留閩差委以裨要工又五品軍功員錦泉向在浙江管帶捕盜緝私各輪船熟習直隸山東江蘇閩浙

各洋面情形堪充輪船船主閩省新買輪船一隻取名華福實昨由上海展輪來閩即係員錦泉管駕來閩此船應令員錦泉管帶隸水師提督李成謀統轄為巡洋捕盜之用並令員錦泉多募宵波少年在船習練駕駛庶將來成一輪船即有駕駛一輪船之人無須外僱迨至輪船成局中船主之學亦成人不可勝用也該軍功樸實勇敢熟習洋務應請

旨破格錄用以都司留於福建水師儘先即補並

賞加遊擊銜以獎倡導之人又福建補用布政司經歷

初編卷三十六 三

徐文淵涉騰西洋圖書頗有巧思現仿製洋碼百餘尊亦均合用應一併送交沈葆楨差遣至士紳商民中可用之才應由沈葆楨隨時蒐訪札調人員差遣謹附具奏伏乞

聖鑒施行謹

奏 同治五年十一月初五日

謹將擬定藝局章程繕列清單恭呈

御覽

一各子弟到局學習後每逢端午中秋給假三日度歲

時於封印日回家開印日到局中遇外國禮拜日亦不給假每日晨起夜眠聽教習洋員訓課不准在外嬉遊致荒學業不准侮慢教師欺凌同學

一各子弟到局後飯食及患病醫藥之費均由局中給發患病較重者監督驗其病果沉重送回本家調理病痊後即行銷假

一各子弟飯食既由藝局供給仍每名月給銀四兩俾贍其家以昭體恤

一開藝局之日起每三箇月考試一次由教習洋員分

初編卷三十六 三

別等第其學有進境考列一等者賞洋銀十元二等者無賞無罰三等者記惰一次兩次連考三等者戒責三次連考三等者斥出其三次連考一等者於獎賞外另行賞給衣料以示鼓舞

一子弟入局肄習總以五年為限於入局時取具其父兄及本人甘結限內不准告請長假不得改習舊業以取專精

一藝局內宜揀派明幹正紳常川住局稽察師徒勤惰亦便剴學藝事以廣見聞其委紳等應由總理船政大

臣遴選給委

一各子弟學成後准以水師員弁擢用惟學習監工船主等事非資性穎敏人不能其有由文職文生入局者亦未便概保武職應准照軍功人員例議獎
一各子弟之學成監造者學成船主者即令合作監工船主每月薪水照外國監工船主辛工銀數發給仍特加優擢以獎異能

初編卷三十八

酉

恭報西征起程日期摺

奏為恭報微臣起程日期仰祈

聖鑒事竊臣欽奉同治五年十一月初二日

寄諭前因閩省設廠製造輪船事關緊要特經諭令吳棠接辦復經諭令左宗棠將輪船事務辦有端倪交英桂吳棠沈葆楨等經理茲據左宗棠奏請派重臣總理船政接管局務一摺該督以輪船事在必行不以去閩在邇遽行擱置實屬沈毅有為能見其大著遵奉前旨將設局造船事宜辦有眉目再行交卸起程沈葆楨辦

初編卷三十六

壬

事素來認真人亦公正廉明現雖守制家居惟事關船政大局必須經理得人該前撫務當遵奉前旨出而任事不可稍行諉卸所有船政事務即著該前撫總司其事並准其專摺奏事先刻木質關防印用以昭信守一俟局務辦成再行奏請部頒關防一切應辦事宜並需用經費均著英桂吳棠徐宗幹妥為經理隨時與沈葆楨會商不可稍有延誤道員胡光墉即著交沈葆楨差遣等因欽此欽遵恭錄咨行外臣自十月十七日交卸督鹽兩篆十九日入營本擬二十七日起程已據總兵

劉端冕副將徐連勝等於廿二廿四等日拔隊先行矣
而洋員於二十三日甫到船政事務尙須籌商奉
溫諭令緩起程仰見

聖謨廣運

訓示周詳莫名欽感茲將船局事務趕緊籌商已有眉
目十一月初一日欽奉

諭旨船政交沈葆楨總理尤深幸慰惟念西陲軍事孔
亟亟奉

命西征已踰五十餘日未敢再事耽延除將船政事宜

初編卷三十八

六

恭摺馳陳外臣即於初十日起程由江西湖北取道河
南北上

陛見謹具摺馳

奏伏乞

皇太后

皇上聖鑒謹

奏同治五年十一月初五日

附陳劉幫辦親喪服闋片

再世職雲騎尉幫辦軍務二品頂戴布政使銜阿爾剛

阿巴圖魯

簡署甘肅按察使劉典於同治二年九月十八日在浙
江臬司任內剿賊皖南聞計丁親父憂奉

旨改爲署任十月軍務稍定遵

旨回籍奔喪三年四月葬親事畢遵

旨赴浙仍領舊部中途助勦江西之賊奉

旨幫辦江皖軍務江西肅清奉

旨開浙江臬司署缺以二品頂戴幫辦福建軍務四年

五月聞境肅清賊乘虛竄入粵邊又會臣剿賊粵東四

初編卷三十八

七

年十二月巨逆盪平劉典父喪服闋矣計自同治二年
九月十八日聞計起不計聞扣至同治四年十二月十

八日已屆二十七個月服闋之期劉典在軍仍穿用素

服稟請回籍守制臣以該員回籍居喪已踰百日無補

行守制之例於上年十二月在嘉應州松口營中據咨

附奏代報服闋在案其湖南本籍會否題報則無由知

也茲承垂詢謹據實陳明伏乞

聖鑒施行謹

奏同治五年十一月初五日

覆陳業經交卸閩浙督篆情形片

再臣於十月三十日准護理福建巡撫周開錫咨呈十月二十九日兵部火票遞到

批回諭旨英桂徐宗幹奏閩省紳民懇留督臣暫緩西行一摺英桂現尚未接印著左宗棠暫緩交卸督篆尅日催督工匠上緊製造公定章程與英桂沈葆楨會商辦理前已有旨授劉典甘肅臬司著該督即行檄催劉典先行赴任並將兵將酌撥數營交劉典管帶迅速入甘該督侯吳棠到任後再行交卸來京等因欽此竊臣

初編卷三十六 六

已於十月十七日交卸督鹽兩篆十九日出駐城外營盤英桂於十七日兼署閩浙總督均經奏報英桂接奉此次

諭旨後面商交還篆務以前奉

恩旨調督陝甘其閩浙總督篆務應即送交英桂兼署祇因自粵遣閩後亟圖竭力整理吏治軍政稍盡愚忱甫經半載紀綱粗立一旦舍之遽去竊慮後此頭緒芬如難以尋繹又輪船一局正當將定未定之時不敢置身事外而德克碑日意格又未能即來定議不得不稍

留待之故當奉到

新命時自限四十日料理請務始可交卸也迨十月十七日交篆後二十三日日意格德克碑始來連日往復商確至十一月初三日輪船局務俱有眉目適先日奉到

諭旨沈葆楨總理船政接辦有人私衷稍慰而督監兩篆有英桂兼署經理裕如撫臣徐宗幹遺缺英桂已檄周開錫護理必無貽誤微臣既無復接篆務之理亦可不俟吳棠之至矣惟士民聞臣將有萬里之行不禁依

初編卷三十八 九

戀此則令臣有不能忽然勉為數日之淹一盡縹緲之誼沿途當趨程行走以速補遲耳至劉典自回籍後音問稍稀前緘商糾集舊部三千漢口會隊尚未接其覆信其進止機宜則必俟到陝後始可決也謹據實附片覆陳伏乞

聖鑒訓示謹

奏 同治五年十一月初五日

請撥西征的餉以措危局摺

奏為請撥西征的餉以措危局恭摺陳仰祈

聖鑒事竊惟陝甘兵事之難以糧餉之不繼轉運之維

艱也督撫臣屢疏號呼迫切諒已早達

宸聰臣茲奉

命徂征自忖才力無以踰楊岳斌劉蓉而先事圖維有

較楊岳斌劉蓉需費為多者如籌辦行糧招集舊部採

購軍火製備軍裝各事臣於閩浙總督任內略有籌畫

然竊計西征大局非增練馬隊請求車營別無勝算欲

初編卷三十六

三

練馬隊必先上口買馬募士著練之欲開車營必先製

造輪車安置礮械火器挑騾馬練之即此兩事需費已

不貲矣自古邊塞用兵非興屯不可蓋人之糧糗馬之

草料非儲峙豐盈不敢趣戰而西北地多斥鹵物產非

饒一經兵燹所有水草豐衍可田可牧之地多遭蹂躪

採購則荒涼滿目和糴無從轉搬則道路阻長勞費滋

甚勢不得不擇地興屯以資軍食散地招集難民衝要

分駐丁壯則籌給口食有費籌給籽種有費籌給農器

牲畜有費他如民屯團焦兵屯窩舖在在皆須經理其

須由官籌給事所需雖極繁鉅然較之採買轉輸之

費通計實為節省屯政果與軍無懸釜之憂民有重蘇

之望以逆待勞以飽制餓其於兵事尤為利便漢趙充

國之制先零罕开前效可觀也陝西腹地但宜開墾而

自隴西達甘肅各郡則非大興屯政不可回患未除之

先固難同時並舉而大兵屯駐之所必當擇要先圖此

項鉅費將安出乎他如兩省制兵額餉積欠數年甘省

兵勇百餘營宜分別留撤一切經費均非可以空言敷

衍又能不預為籌策乎頻年部撥甘省協餉按月解到

初編卷三十八

三

者幾何部臣不難按籍而稽若不顧懇

天恩准撥的餉則入關而西饑潰譁謀實在意中臣之

一身固不足惜恐西事決裂益甚不可為也除閩省協

濟甘餉即係向供臣軍之餉無庸另籌業經

奏撥銀每月四萬兩其海關協撥兵餉一欸已儘數留

濟輪船經費浙江新造之區臣前以海塘工程浩大請

將片協閩餉銀十四萬兩截至上年十月停止此時自

未敢再為悉索之舉查從前曾國藩奏停楊岳斌西征

軍餉時自定江蘇每月協甘餉銀三萬兩派浙江每月

協甘餉銀二萬兩浙江報解最勤馬新貽更請每月增解銀三萬兩合共每月五萬兩聞江蘇則報解甚稀嗣浙江又議解曾國藩馬隊協餉每月銀一萬兩此項浙江協解江南之餉應即劃抵江蘇月協甘餉銀一萬兩於事理方為允協廣東自撫 蔣益澧到任後百廢具興裁革陋規剔除弊政大得民和 昨馳函往商准將益澧覆稱商之督臣瑞麟暨各司道府無不以西北大局攸關不忍膜視必當共籌協撥以濟時艱 臣深感之應於廣東前已定撥甘餉銀一萬兩外再行設法籌解

初編卷三十六 三

銀二萬兩又廣東浙江本各議其濟輪船局經費 擬兩省每月各派銀一萬兩現經奏明輪船經費悉由閩海關協濟浙兵餉項下就近撥解可期無悞其廣東浙江擬濟輪船經費每月各一萬兩應併劃解 臣 陝甘後路糧臺作協甘月餉計每月共擬撥福建協餉銀四萬兩浙江協餉銀七萬兩廣東協餉銀四萬兩應請旨敕部照准撥濟並 敕下廣東督撫 閩浙督撫 飭司按月源源解濟以

應急需其江海關每月應濟甘餉並懇

敕下兩江督 江蘇撫 飭該監督按月解濟按季據實奏咨毋徒空言諉謝其江西湖北等省奉部撥濟甘餉銀兩 道出江西湖北河南時商各督撫 每月實可協銀若干再行

奏明辦理其江蘇湖南四川山東各省部撥甘餉俟臣到陝後咨商該省督撫 定有確數再行

奏撥總之籌兵籌餉要歸核實為各省計與其空言塞責致悞要需不若量力通籌可期實濟為陝甘計與其

初編卷三十六 三

湊集零星解裨大局不如一氣貫注戡事可期 臣為西北大局起見謹據實直陳再此摺係借用閩浙總督關防拜發合併聲明伏乞

皇太后

皇上聖鑒訓示施行謹

奏 同治五年十一月 日

在浙迭保各員陳請仍照原單給獎摺

奏為微臣在浙迭次保獎各員請

旨敕部仍照原單給獎註冊以明激勵而免掣肘恭摺具

奏仰祈

聖鑒事竊臣前准部咨以克復遂安援剿江山肅清衢郡及克復嚴州金華等城援皖援江克復杭州餘杭等城各案保獎應行駁正奏奉

諭旨依議欽此又准部咨以克復湖州等城及浙軍援

初編卷三十八 語

江克復崇石等城兩案保獎應行駁正奏奉

諭旨依議欽此欽遵行知到臣部臣精心綜覈為慎重名器起見臣何敢再三廣請惟其中勞績實難掩抑雖所保間與定章未符然有未可概論者有事後未能編查者有暫時不必刻覈者不得不為我

皇上陳之部議軍務省分人員不准保留他省此指有軍務省分人員保留無軍務省分而言原為杜規避起見若同為軍務省分而所留之省軍務更亟於原省何所用其規避部議非攻克城池擒斬要逆不准保免補

免選及兩省候補班次夫攻克城池擒斬要逆均非二

二人事也攻克城池在事人員必多但覈其尤為出力

者給予優獎不必皆首先登城也若人人考語註攻克

堅城轉圜失實矣每次擒斬巨逆首先出力者不過數

人究之戰事之所以得勝巨逆之所以伏誅不僅此數

人之力若專錄數人士心必多不服若人人考語皆註

擒斬巨逆又覺失實矣且有陣斃巨逆當時不知何人

首功事後亦無從確指者即如嘉應塔子畧之役陣斃

汪海洋其時鼓聲震天礮聲震地但見賊中自亂以旂

裏屍捨身而走何能定為誰某首功又如白霓橋之役

追軍殲斃黃文金維時各營爭論不決湖州之復後說

生賊亦僅指白旗紅邊官軍在前而已何能指其人以

實之乎臣意賊衆多至二十餘萬必不能一鼓殲除故

布置諸軍於皖南浙西及江西邊界連亘數百里為節

節截勦之計當時與將士約截勦賊功與克復城池

同並將奏稿先期宣示以鼓其氣將士聞知踴躍異常

節次截擊殺賊無算解撫無算計自皖而浙而江西追

奔逐北干有餘里敗殘之衆擁僞幼逆逸出者實不過

初編卷三十八 語

數千厥後為江西所滅是則追剿竄賊之功高出攻克城池之上也此又未可概論者也部議於隨營差遣各員必查其到營日期及所辦何事臣部各軍隨臣入浙入閩入粵閱時既久各員或因凱撤回籍或以事故離營不特遂安嚴州金華援皖援江各案內人員事隔五六年難於察悉即杭州湖州兩案江西崇仁等城一案所保各員亦多已撤營旂無從稽核行陳之間地險時危將士勞苦轉戰功固宜酬其差遣各員隨同移營進剿枕戈待旦露宿風餐其隨隊接仗陣亡與被匪戕害

初編卷三十六

奏

者倘得附案請

卹其因勞苦致疾感疫受病物故者則雖保案有名卒未得與職官比念其饑驅溷跡不獲死所情亦可哀部臣但見其得官之易思痛加裁抑而不知其艱難險阻之狀實有較捐納出身及各項議敘得官之員為尤甚者自營官統領所轄兵勇人數多寡雖有不同而管冊籍管文案管支應管軍裝以及採辦轉運各項差遣斷不能不用文員當事勢艱危之際往往求戰士易求文工難若必得文武兼資之才而後錄用古今曾有幾人

各路統領營官之廣為招延原非得已今事後疑將保案議駁何以鼓趨事赴功之心此則難以徧查不察刻覈者也臣於九月初六日奉

旨調補陝甘總督各軍將佐皆踴躍請從十一日接准部咨克復湖州等城及浙軍援江克復崇仁等城兩案保獎文員議駁殆盡除臣軍僚佐仍各願從西征外其餘檄調隨征各營出力文員均懷歸志各營官紛紛面稟營中辦事無人請由臣營派員經理臣亦無以應之伏思前奉

初編卷三十六

奏

寄諭從前南省勇丁以甘肅地方瘠苦多不願往此時若將調赴甘省勇丁酌增餉銀若干或再將員弁勇丁之從征西路者變通章程從優保舉當可勇於從事益加奮勉欽此臣愚以為保舉不必再優但使部議稍從寬恤則人心益奮軍事無虞掣肘如蒙

聖明洞鑒更

飭部臣將准駁章程悉心酌議務從博大庶功疑惟重符古義而助人心於時局不為無補所有克復浙江湖州等城江西崇仁等城兩案駁正各員除李壽棟續經

部准桑春榮在部呈明張樹葵吳作梁謝鯤化沈應奎等四員已另案覆

奏李華穠緣事叅革張鍾業經病故徐峻原趙承恩李承斌何日忠段永建等五員應照部議辦理彭振杰張潤培董寶穀傅起煬鄭由熙俞紹增麥秉良許肇元樊鐸麥節鑾陸棋等十一員應俟江西奉部駁正之案由江西撫臣咨復後再行核辦外其餘出力各員謹分別開列請單並同克復嚴州杭州遂安金湯龍蘭各郡縣城及援皖援江出力保獎奉部議駁各員一併開單恭

初編卷三六

奏

呈

御覽伏乞

天恩敕部統准查照原保續保各官階註冊給獎以昭激勸不勝感幸之至謹附驛陳

奏伏乞

皇太后

皇上聖鑒訓示施行謹

奏 同治五年十一月 日

左恪靖奏稿續編
七十卷

左恪靖侯奏稿續編總目

卷一

奏疊奉 諭旨敬陳籌辦情形摺

懇 恩飭下楊岳斌劉蓉悉力支持片

奏調廣東陸路提督高連陞隨同征剿片

奏劉典懇 恩先開甘肅按察使片

奏王加敏王文韶總辦後路糧臺片

前附陝甘總督楊岳斌摺

劉蓉片

續編總目

著陝西巡撫劉蓉摺

劉蓉片

劉蓉片

後附前任陝甘總督楊岳斌摺

卷二

甘省餉糧兩絀詳擬籌辦情形摺

籌擬購練馬隊摺

請喜昌赴陝分統馬隊片

採買戰馬請免稅放行片

奏由鄂啟行摺

謹擬剿撫捻逆情形摺

卷三

奏行期未能迅速摺

遵 旨寬籌餉項以支危局摺

江海關協甘月餉請 飭照原撥續撥銀數按月全解

片

奏隨州追賊出境行抵樊城頗備車馱刻期入關摺

奏洋商借款請 飭催速發印票片

續編總目

晉防緊要請調吉林砲手由綏遠城入晉助剿片

奏饒道傷病難支片

卷四

奏督軍分道入關摺

豫陳辦回情形片

覆陳籌辦情形摺

奏分道入秦妥籌辦理摺

奏調視瞻唐州來營差委片

奏剿捻三勝截擊回逆歸巢摺

奏陳北路回情靖邊失守片

旨籌議山西河防事宜摺

卷五

奏剿辦陝西北路回土各匪大勝摺

剿擒獲勝現檄各軍大舉截剿摺

奏甯條梁被陷米脂被擾自請議處摺

請 飭催曹克忠速赴陝甘仍統舊部片

甘省糧餉奇絀援案請辦米捐摺

請 賞給劉厚基母氏葆枝珍藥片

續編總目

三

卷六

奏甯條梁收復米脂榆林擊退鼠賊摺

奏宜君縣被陷收復片

奏吉林馬勇抵陝擬從新整理摺

奏催解四川河南山西鉛礮片

奏擒嵐北山現籌剿辦摺

奏擒逆分股狂奔截剿疊勝摺

奏各軍剿回獲勝甯州解圍正甯等縣甫失旋復摺

奏和厚兩營失利過稔東嵐摺

奏騎賊闖入安塞片

覆陳甘肅備事通籌陝甘全局摺

奏陝甘撫局勢難敷衍片

附甘肅西甯鎮總兵黃武賢致陝西撫臣喬松年稿

奏遵 旨覆陳摺

附致穆圖善信稿

卷七

擒逆北竄回逆披猖自請嚴議摺

續陳籌辦米捐情形摺

續編總目

四

奏剿回大勝岐山解圍摺

奏邠州等處剿匪情形片

奏延川收復及回擒踪跡片

剿回疊獲大勝摺

高連陞等勦賊情形片

擒逆渡河犯晉自請從重治罪摺

請調馬德昭駐守連城片

留劉典等勦辦陝回片

卷八

官軍入晉剿捻登勝摺

宜君剿回獲勝中部收復并涇州情形片

挑遣吉林馬勇片

捻回土匪合擾邵陽等處先籌痛剿摺

歸綏邊防無警請調馬隊赴晉剿捻摺

官軍進援慶陽登勝摺

入晉追捻屢勝摺

請飭湖廣迅撥協餉採辦軍米片

餉項將罄請催江南等省協餉撥案借用洋商銀兩摺

續編總目

五

請飭河南巡撫按月協解片

四川協餉請轉解甘省片

奏克復綏德及未渡河以前戰事摺

奏固原回衆自相戕害片

奏報督師入晉日期摺

捻逆東原請籌截剿摺

卷九

吉林馬隊剿捻大勝摺

請將副都統安任革職留營片

請飭催各省餉銀片

師行遇雪擬取道固關南趨截剿摺

官軍追剿獲勝已抵祁州現在趨程前進摺

行抵獲鹿遵旨駐紮仍相機進剿摺

奏撥用倉糧以濟軍食片

卷十

總統現到各軍籌剿捻逆摺

請分別防剿機宜摺

請直隸抽撥練軍嚴扼固關片

續編總目

六

行抵直隸省郊現籌進剿摺

捻逆屢近深州並劉郭喜三軍戰勝片

官軍屢獲勝仗現籌剿辦摺

官軍追捻登勝現籌合力兜剿摺

請部撥銀兩暫資接濟片

劉松山等請獎敘片

皖豫兩軍另懸賞格片

官軍剿捻迭獲大勝摺

補報郭寶昌戰事片

捻渡滹沱籌防籌剿片

卷十一

官軍追捻疊勝現籌剿辦摺

劉松山等會剿大勝片

官軍續勝現籌會剿摺

官軍剿捻大勝詳細情形摺

請陳國瑞交山西河南撫臣節制片

郭寶昌受傷給假片

由德州赴天津截剿摺

續編總目

委春壽劉松山充當翼長片

賊由天津靜海折竄分道防剿摺

馳抵吳橋會剿摺

劉松山等軍獲勝片

請獎敘中書吳士邁片

官軍追賊入直兩獲勝仗摺

賊遁運河馳回吳橋防剿摺

卷十二

遵撥甘餉以期兼顧摺

各軍獲勝彙案補報片

現籌防剿情形摺

防軍剿賊連勝摺

捻竄直境截剿疊勝摺

補報喜昌戰事片

卷十三

剿賊疊獲大勝摺

截剿竄賊大獲勝仗摺

截剿竄賊續獲大勝并安置降眾摺

續編總目

覆陳仍留西安糧臺摺

卷十四

開復處分謝恩摺

搜捕逸賊並劉松山等請獎摺

補陳劉松山等獲勝詳細情形片

請收回成命摺

覆陳善後事宜摺

料理西征並遵旨陛見摺

奏劉松山剿賊出力並會國藩知人之明片

恭謝 天恩摺

分別撤留吉林黑龍江兵勇摺

卷十五

福建採米航海濟軍懇 恩獎敘摺

遵 旨覆陳廣籌方畧摺

請指撥陝甘實餉摺

各省釐金請移作西征軍餉片

籌備晉防請催臬司赴任片

請增撥巨款以利戎機摺

續編總目

九

遵 旨覆陳摺

派員緝緝游勇片

請停皖捐分局片

卷十六

奏報旋陝日期及會籌調度摺

陝省西北兩路剿賊獲勝摺

劉端冕截剿董志原竄回續獲大勝片

劉厚基連剿清澗兩獲大勝成定康克獲奇捷片

卷十七

各路獲勝並分由山西兗鄆先固河防摺

米捐局收捐正印各項官階懇展限一年片

老湘全軍餉項欠缺雜款無著請 飭兩江督臣照

舊支解摺

軍餉匱缺請 旨飭催以維大局摺

官軍剿賊連勝摺

奏遊擊丁大洋勇額多缺請

卷十八

北路官軍大勝摺

續編總目

十

榆林邊境各軍擊賊獲勝片

回逆求撫未可深信片

劉松山徑搗賊巢獲勝並剿敗北竄回逆現籌安撫摺

請 飭部撥餉採糧接濟摺

西南路各軍剿回土各匪發勝摺

榆林緝德一律肅清片

卷十九

請於陝甘餉項外 飭撥是餉作為專款摺

截剿逆回大勝摺

宋慶一軍應否仍留豫省片

西征晚軍月餉參差請 飭安徽撫臣通籌添撥摺

請 飭袁保恆督辦糧台專摺奏事片

卷二十

回逆全股東犯迎剿大捷首逆就殲摺

覆奏刑部咨查拿獲回黨丁良貴片

請 飭催江海粵海關欠解銀兩片

追剿逆回蕩平董志原賊巢果軍叛勇戕害統將業經

殲除大略情形摺

續編總目

十一

老湘軍叛勇殺此級德州調軍進剿片

卷二十一

追剿逆回大勝蕩平董志原賊巢慶涇肅清摺

劉松山剿除級德叛軍收復州城摺

審明戕害高連陞叛逆擬辦完結收輯成營摺

請開漢中鎮總兵伍維壽缺即以李輝武借補片

請將甘肅收捐之道府州縣展限片

卷二十二

陝境肅清進駐涇州督辦甘肅軍務摺

請 飭各省力籌協餉摺

甘餉窘迫情形片

道 首覆陳摺

遴員署理府州縣辦賑墾撫輯事宜摺

甘肅臬司張岳齡開缺片

黃鼎攻克安家山寨片

陝省報捐各生冊冊由西征糧臺咨部片

劉厚基稟報軍情不實請 旨懲處片

卷二十三

續編總目

十三

進駐涇州籌辦軍務摺

進剿南路逆回連勝摺

分道進剿布置聯絡情形摺

覆陳山東等省添設甘北分局片

剿辦土匪肅清現籌會剿北路回逆摺

北路官軍連獲大勝摺

請將道員李超羣革職等因片

卷二十四

北路官軍連獲大捷摺

附穆圖書片

進剿北路逆回連獲大捷摺

馬德順陣亡請卹片

請俟捐務辦有成效分別獎叙片

卷二十五

遵查劉松山各情覆陳摺

劉松山續獲大捷摺

各軍剿回獲勝摺

郭寶昌毋庸折回山西片

續編總目

三

北路官軍收復靈州攻克堅寨摺

南路官軍疊剿河狄竄回獲勝摺

知州尹泗等死事情形片

陳明進駐平涼片

易德麟病故請卹片

合周開錫總統秦州各軍摺

卷二十六

北路官軍進剿大勝摺

官軍會剿獲勝簡敬臨深入致挫摺

遵 旨覆陳片

東南路官軍剿回逆勝摺

郭寶昌逃赴河防金運昌與劉松山合隊片

卷二十七

中路官軍剿回大勝摺

南路官軍迎剿連勝摺

請調馬德昭移駐陝境片

定邊失守請飭郭寶昌肅清湘皖兩軍餉道片

辦結土匪張貴等片

續編總目

四

北路官軍進剿疊勝摺

雷正綰等剿賊獲勝片

金運昌會剿獲勝片

請 飭部頒發湖北牙釐章程並頒給部帖片

擊辦逆匪張維並陳日新革職留營片

賊踪紛竄現籌剿辦並自請嚴議摺

請 飭定安等撥濟劉松山等軍食片

剿辦固原東山回土各匪擒斬巨逆摺

劉松山陣亡現籌辦理情形摺

請 宣劉錦棠京銜並派總統幫辦片

請 飭定安速解老洲卓勝兩軍軍食片

卷二十八

湘皖兩軍連獲勝仗摺

雷正綰等退紫請 懲處片

覆陳定邊安定失陷情形摺

截剿南竄逆回獲勝首逆伏誅摺

覆陳湘皖兩軍未能歸併片

安插制兵籌供客軍糧餉片

續編總目

五

卷二十九

截剿甘南逆回及分期河狄回股獲勝摺

湘皖兩軍大勝摺

中路官軍截剿自陝回逆回疊勝摺

節次勦辦固原鹽茶客土逆回片

卷三十

湘軍蕩平賊城並截剿河西竄回迭勝摺

金運昌勦辦後路竄賊並請獎叙片

甘肅道州縣五項再請展限片

截剿陝省回竄賊匪獲勝詳細情形摺

截剿陳林股逆獲勝摺

吳士邁病故請卹並專殺朱德樹可否免其查參片

卷三十二

攻破賊巢擒斬首要各逆會剿金積老巢摺

南路官軍克復渭源狄道兩城並率佛諦堅壘摺

請將赦天印暫行留營效力片

收撫回民安插耕墾片

兆州等處官軍連勝片

續編總目

六

隨提到營委總理營務片

北路官軍連克寨壘大獲勝仗摺

中路官軍奪取峽口大勝摺

請 飭部議黔皖甘指局分省辦理片

卷三十二

攻破金積東關巨巢連克寨壘摺

石成器變叛後畏罪自戕片

黃萬友病故請 賜諡議卹附祀片

谷圍金積老巢首逆被創摺

中路護運截勦竄回片

楊世俊迎勦河州竄回獲勝片

湘軍月餉懸欠甚鉅請 飭兩江添協籌解片

卷三十三

攻克楊明堡馬家河灘堡寨迭獲大勝摺

平羅及陝北防務情形片

成祿辦理西路軍務情形片

中南兩路官軍勦賊獲勝摺

請 飭戶部酌議河東月協甘餉片

續編總目

七

劉明燈楊芳桂募勇來甘摺

卷三十四

中南兩路官軍勦賊連勝摺

圍攻馬家河灘賊堡安置拔出陝回片

請將陝西補用道李耀南革職片

平燬馬家灘堡王洪堡陝回就撫馬化澂就擒摺

密陳馬化澂暫緩伏誅情形片

范銘部眾潰變辦理情形摺

丁賢發被回目馬添發等刺斃情形片

魏紹珍等倡首開餉立予正法片

痛勦河州竄賊陣斬巨逆片

卷三十五

金積各巢平毀首要各逆伏誅雷靈肅清摺

陳邊請開復原官原銜片

安插就撫陝回請增設平涼通判都司摺

招回王瞳助逆悍黨何生洲及河回乞撫情形片

擊獲東西兩山首逆各逆片

訊明彭慶章正法片

續編總目

六

黃萬發焚搶中衛擊獲正法片

卷三十六

南路官軍勦辦潰卒擒斬首逆摺

覆陳周開錫辦理甘南軍務情形片

請追獎勞臣以昭激勸摺

審明叛逆容屬按律擬議摺

穆生茂容屬黨與分別擬辦片

從逆武員王錫爵等凌遲處死片

卷三十七

南路各軍截剿竄匪獲勝摺

請禁絕回民新教摺

湘軍異常出力各員先行請獎摺

叛逆穆生花等卷屬按律擬議摺

復陳吳士邁擅殺游擊朱德樹案由摺

搜剿竄賊獲勝摺

南路官軍勦賊獲勝片

進規河州一時未能進取片

覆陳甘涼肅等處情形會籌布置摺

續編總目

九

卷三十八

周開錫病故請卹摺

剿除竄回餘眾攻拔階州匪巢摺

敬陳進兵事宜摺

劉錦棠請假回籍摺

甘肅道府州縣再請展限片

剿賊獲勝暨搜捕零匪片

卷三十九

官軍搜捕餘匪獲勝摺

督軍進駐靜甯片

覆陳安插陝回片

遵旨覆陳派兵前赴肅州摺

官軍進剿大勝奪據康家巖要隘摺

餉源中竭懇迅催協解摺

徐占彪啟程赴肅片

卷四十

出力員弁兵勇彙案保獎摺

辦理糧餉各員請獎片

續編總目

十

各項差使出力員弁請獎摺

董福祥等請照原獎片

陶生林請開復原官原銜片

請獎陝西長回劉秉信片

官軍先後渡洮迭獲大勝摺

追剿河州竄賊獲勝片

各軍追剿零賊平慶鹽回一帶肅清片

回日具稟投誠片

奏調譚鍾麟赴陝甘練習邊務片

卷四十一

獲陳徐占彪已赴甘州摺

官軍連破賊壘逼攻太子寺獲勝摺

赦天印請予 恩施片

覆陳楊占蔡給回民路票片

覆陳崔三等乞撫情形片

增調兵力以固餉道片

調集番眾練團禦回片

卷四十二

續編總目

三

迭攻太子寺屢勝兩挫逆回乞撫摺

分別懲辦潰退各員片

西寧各回求撫摺

覆陳徐占彪曹克忠各軍情形片

貴德丹噶爾兩廳剿回獲勝片

要犯喬得祿伏誅片

中南北三路截剿接運零匪片

卷四十三

河州撫事漸可就緒片

逼攻肅州大勝摺

北路零匪殲滅殆盡摺

剿辦甘南零匪情形片

奏籌辦甘南潰軍片

福建甘捐變通辦理片

成祿難期得力片

卷四十四

收復河州安插陝回辦理善後事宜摺

肅州官軍獲勝並甘涼防軍勦賊情形摺

續編總目

三

甘北現無成地逆賊擾掠片

甘南肅清情形片

新募湖軍來甘舊勇回湘片

卷四十五

逼攻肅州疊獲全勝摺

中衛一帶截擊竄匪片

後路肅清進駐省城片

逼攻肅州連克賊壘摺

卷四十六

進攻西寧回匪迭勝摺

西寧官軍大勝大概情形片

圍剿肅州疊獲勝仗摺

請調毅軍赴甘摺

請飭張曜入營駐靈州花馬池片

密陳西寧情形片

奇營勇潰自請議處片

徐占彪丁憂仍請留營片

卷四十七

續編總目

三

西甯剿回大捷立解城圍摺

覆陳河州東鄉回眾蠢動情形片

奇營被脅各弁請註銷官階摺

卷四十八

通攻肅州疊獲全勝摺

遵旨另籌調度摺

河南原前改為毅軍運費片

西甯回匪後辦情形片

涼州白楊墩湖勒賊獲勝片

魏德盛等摺獲被害請卹片

卷四十九

攻拔大通縣向陽堡逆巢摺

肅州官軍攻破城西賊堡摺

請將回日馬占齋等獎勵片

牟虎灘擊賊獲勝片

宋慶到省暫駐涼州片

攻克肅州附城新堡及禮拜寺堅巢摺

收復大通縣城擒斬逆目摺

續編總目

三

克復巴燕戎格擒獲叛逆摺

卷五十

高賞道員胡光墀母匾額摺

請調李雲麟差委片

進規循化獲勝摺

官軍追剿白彥虎並肅州外破援賊內截城賊迭勝摺

馮邦棟懇恩將教片

卷五十一

收復循化廳城摺

圍攻肅州勝片

金軍未能迅速出關摺

剿辦甘州逆賊獲勝片

請將黃祖福革職片

卷五十二

肅州官軍克復外城殲斃首逆摺

敬籌採糧轉運核實支銷摺

購備駝隻情形片

擒剿楊瞎油什等逆片

續編總目

逼剿肅城踞逆及親赴前敵籌辦摺

卷五十三

克復肅州盡殲虜關內肅清摺

楊世俊等懇 恩賜卹片

請 救張曜額爾慶額各帶所部出關片

袁保恆請 賞假三月片

補陳戰狀及克復城池情形片

安插肅州老弱回民片

請改撥的餉以固軍心摺

五

卷五十四

恭謝 天恩摺

陳湜請 賞假六月片

遵 旨陳明擬辦事宜摺

官軍出關分起次第行走摺

穆圖善所部暫緩出關片

請 救部會議出關官軍應增正餉片

殺軍就食甯夏片

餉需請彙為一案開單報銷摺

續編總目

張林請卹賴長請獎片

繪具新疆圖說片

劉松山懇 恩追獎片

全福凱撤回旗片

卷五十五

出關各軍餉數及糧料運腳請 餉部議摺

高武軍開抵玉門片

劉厚基等請予開復片

明春軍餉請由金順分撥片

六

遵保出力員弁摺

放天印請開復原官片

遵 旨開單報銷摺

卷五十六

出力員弁兵勇請獎摺

雷正綰李輝武請獎片

范銘請開復原官片

出關諸軍餉數糧價運腳辦理情形摺

山西應協嵩武軍駝乾銀兩請歸西征糧臺搭解片

續編總目

三

恩賞高武軍皮衣銀請撥款給領片

出關各軍運腳難拘定例片

河州南鄉回叛圍剿大勝摺

嵩武軍在哈密掣片

卷五十七

河州叛逆首要各犯伏誅地方肅清摺

覆陳移設糧臺事宜摺

附額勒和布杜嘎爾等覆陳烏城糧存無幾駝難購

辦摺

附景廉敬陳糧運事宜摺

同治十三年以後軍需請改作一年開報片

卷五十八

遵 旨督辦新疆軍務敬陳等書情形摺

請 簡派大員幫辦陝甘軍務摺

請催山東等省應解塔城專餉片

胡國龍等應繳台費暫予展緩片

卷五十九

軍餉支絀請速籌解濟摺

續編總目

美

關外新疆軍餉請仍歸戶部核撥摺

請各省勻濟餉需片

請劃撥科布多的餉片

請 飭兩江迅解老湘全軍月餉片

請 飭福建迅籌欠餉片

甘捐各局暫行停辦以清起止片

請 飭劉典迅速赴甘摺

楊昌濬可資臂助片

擬續籌巨款權濟急需摺

暫借洋商巨款以資接濟片

卷六十

哈密辦事大臣裁併營伍請 飭撥籌款摺

新疆北路臺站應由烏科等處大臣安設片

閩隴肅清彙案保獎摺

各省關籌解協餉及各項差使出力人員請獎摺

遵 旨保列記名提鎮摺

卷六十一

覆陳借用洋款摺

續編總目

三

會報抵蘭出塞日期片

聞陳新疆賊勢片

會委刊用木質閉防一切案件分別辦理片

王加敏懇 予獎叙片

馳抵肅州遣軍出圍摺

進攻瑪納斯大概情形片

欽奉 恩諭擬緩借洋款情形摺

徐占彪丁憂留營片

卷六十二

出關諸軍進至古城留防要隘摺

覆陳杜賊紛竄摺

辦理糧運情形片

官軍攻拔古牧地堅巢克復烏魯木齊迪化州大概情

形摺

遵查吉爾洪額揭參金順各款失實摺

遵查吉爾洪額片

威儀軍應行汰併摺

卷六十三

續編總目

三

攻拔古牧地克復烏魯木齊迪化州戰狀摺

李雲麟請 予恩施片

請 飭部查催協餉摺

卷六十四

官軍布置後路進規南路摺

籌調客軍以資厚集摺

籌畫交涉事務片

停撤歸化包頭夏採運片

威儀軍裁併情形片

查明襲攻瑪納斯進失利確情摺

會師攻克瑪納斯南城摺

請裁汰北路征軍摺

金順懋 恩優敘片

請 飭催會國荃速赴晉撫新任片

附陳南路師期片

卷六十五

請 飭各省開迅籌解濟摺

訊明吉爾洪額等被參各情摺

續編總目

三

金順勳奏吉爾洪額均有實跡可按片

官軍三道並進會克吐魯番兩城摺

覆陳科屬零賊竄擾片

奏請 飭催卓勝軍欠餉片

覆陳移屯實邊摺

卷六十六

攻克達坂城連克托克遜堅巢摺

請將羅長祐等獎勵片

擬保官階作為越銜加保請

飭部註冊片

嵩武軍蜀軍攻克臨詳細情形摺

請 飭撥部款暫濟急需片

卷六十七

陳明借定洋款摺

逆酋怕夏仰藥自斃摺

遵 旨統籌全局摺

奏參山西藩司紊亂餉章摺

官軍剋期進剿應防賊蹤紛竄摺

卷六十八

續編總目

三

葉保克復烏魯木齊瑪納斯出力員弁摺

後路籌兵籌餉各員懇 恩獎敘摺

查明息借洋款情形摺

官軍連復喀喇沙爾庫車進規阿克蘇摺

卷六十九

官軍窮追夷回連復阿克蘇烏付摺

奏調呂耀斗等片

歸併定西振武各營情形摺

札希德勅克請 予恩施片

卷七十

兼保嵩武軍蜀軍出力員弁摺

新疆應否改設行省請 飭會議摺

英翰因病出缺摺

變通部章廣蒐人材摺

李雲麟因病回旗片

保舉人材懇 恩擢用摺

流寓種人應遣回國布魯特部落准附中國各邊隘

應築邊牆片

續編總目

三

官軍克復西四城新疆肅清摺

張曜請改用文職片

卷七十一

懇 恩收還成命摺

仍懇 允收成命摺

請 飭催趕解協餉并借山東廣西庫款摺

胡光鼎請 予恩施片

劉典請開缺回籍摺

請 飭楊昌濬幫辦軍務片

恭謝 天恩摺

卷七十二

酌定西南留防駁隊餉章摺

護送常清明緒遺骸回旗片

籌借商款以濟要需摺

查獲逆財以充公用片

覆陳新疆情形摺

卷七十三

部駁各員弁請照原保給摺

續編總目

三

陝回逃匿俄境分道寇邊截剿淨盡摺

纏回謀逆剿捕竣事摺

吐爾扈特仍歸舊土遊牧片

西征軍需仍請開單報銷摺

安集延逆目糾眾謀逆剿捕嚴事摺

楊昌濬抵甘任事摺四摺

楊昌濬可否專摺奏事片

劉典病故懇 恩優卹摺

卷七十四

布魯特安集延合謀入寇進剿大捷摺

已故軍務人員志節可傳請 宣付史館摺

遵 旨開單報銷摺

恩旨出示曉諭摺

卷七十五

請 飭催趕解協餉摺

漏逸逆酋糾眾窺邊現籌防剿摺

賊首犯邊進剿大勝摺

請令劉錦棠幫辦軍務

續編總目

三

遵旨開單報銷摺

請 飭部查照原單覈銷片

各省關等解協餉各員併案請獎摺

新疆蕩平出力員弁案案保獎摺

卷七十六

番匪滋事剿辦獲勝摺

剿辦番匪獲勝現籌大舉授捕摺

敬陳新疆善後事宜摺

甘肅新疆防營承修工作請勅部備案摺

督師出屯哈密摺

覆陳新疆宜開設郡縣摺

遵 旨覆奏摺

請免保薦人材片

請令張曜幫辦軍務片

恭報交卸關防起程回省日期摺

附劉錦棠等規畫新疆郡縣各摺片

劉錦棠等片

劉錦棠摺

續編總目

三

劉錦棠片

恪靖奏稿續編總目終

恪靖奏稿續編卷一目錄

疊奉 諭旨敬陳籌辦情形摺

懇 恩飭下楊岳斌劉蓉悉力支持片

調廣東陸路提督高連陞隨同征剿片

劉典懇 恩先開甘肅按察使缺片

請王加敏王文韶總辦後路糧臺片

續編卷一目錄

軍機大臣 字寄同治五年十二月初六日奉
上諭前因左宗棠奏請來京陛見當經批令來見原冀
面授機宜詢問方略而現在甘省東路平慶一帶陝回
肆擾西路河狄為甘省大股回匪所聚楊岳斌既一籌
莫展而穆圖善亦不能派兵援救加以哈密失陷巴里
坤危急關內外情形同時鼎沸眷言西顧竟無人能為
朝廷分憂者左宗棠嫻於韜畧素所深知著即馳赴甘
肅督辦軍務暫時毋庸來京俟甘省軍務事竣再行奏
請將此由六百里諭令知之欽此

續編卷一

一

軍機大臣 字寄同治五年十二月十六日奉

上諭前諭左宗棠即行馳赴甘肅督辦軍務毋庸來京
該督由江西湖北行走計已將次入鄂現在陝西賊匪
已竄南山希圖直達漢濱該處棚民簽匪本屬不少設
令勾結引導西逼川疆東擾楚境皆意中事而商洛之
長嶺關竹林關漫川關等處緊與鄂西接壤其勢尤易
波及陝省兵勇不少疊經諭令劉蓉出省調度該前撫
高臥省城毫無布置諸軍互相雄長督率無人以致三
華藍田渭南臨潼等處俱被擾鼠半月以來未見奏報

不知情形究竟若何殊深西顧之憂左宗棠帶兵由湖北入秦著即確切偵探賊所向迎頭扼堵杜賊竄鄂之路如賊尚在秦即著該督迅赴陝西督飭諸軍先剿南山一帶之賊俟此股辦有眉目再赴甘肅督剿回逆劉典一軍曾否起行並著催令赴營以資得力將此由六百里諭令知之欽此

軍機大臣 字寄同治五年十二月十九日奉

上諭劉典奏因病不能即日起程並募勇尚須時日請賞假五箇月等語甘肅情形待援孔亟前因陝西賊勢

續編卷一

二

張督率無人合左宗棠由鄂入秦先行督剿陝西賊股惟左宗棠兵數不多必須劉典趕緊料理到營兵力始能稍厚若遷延數月則軍情賊勢變幻靡常局勢何堪設想劉典著賞假兩箇月一面趕緊調理一面募勇訓練尅期起行並著左宗棠李瀚章催令該臬司迅速籌辦不得稍事遲延左宗棠懷遵本月十六日寄諭帶兵迅即入秦杜賊竄鄂督同該撫等肅清陝境將此由六百里諭知左宗棠李瀚章並傳諭劉典知之欽此

軍機大臣 字寄同治五年十二月三十日奉

上諭喬松年奏官軍敗潰省城危急請調援軍並請飭穆圖善赴援慶陽劉典庫克吉泰等先剿陝捻各摺片覽奏曷勝焦急捻匪久踞陝省逼近省垣官軍從新豐追至灞橋被匪兜圍悉行潰散各營將領均不知下落省城文報阻隔危急萬分此時非有大枝勁旅星夜赴援陝事將不堪設想曾國藩李鴻章於捻匪竄陝以後將及兩月所調各營並未到陝鮑超一軍屢經諭令赴秦遷延逗留致令陝省糜爛至於此極現在陝軍俱已

續編卷一

三

潰散別無可調之兵捻匪到處竄擾幾於無地非賊著曾國藩李鴻章嚴檄鮑超劉松山兼程赴陝趕緊救援倘再任意觀望藉詞不進即著嚴參照軍法從事毋稍寬貸鮑超奏稱已定於本月二十一日由鄂省安陸起程取道樊城荆紫關入陝喬松年奏已在商州等處購備該軍糧米鮑超若再以無糧藉口或中途遲延折回該提督自問當得何罪懷之劉松山一軍即著曾國藩李鴻章遵奉前旨迅催此軍馳赴同朝並著庫克吉泰德興阿督率所部先辦陝省剿捻事務再行相機赴自

左宗棠前已有旨令其先行赴陝毋庸來京著即兼程馳往秦中與喬松年整理戎政陝省軍律廢弛已久此次潰散將領即著喬松年查明嚴叅重辦此後如有不聽號令進剿不力擅行潰退者即著左宗棠喬松年奏明在軍前正法以肅軍律並著左宗棠嚴催劉典速募湘勇成軍立限馳援陝省郭寶昌一軍著英翰飭令星夜馳赴陝省聽候喬松年調遣並將該軍餉需速為籌撥足用以便即時拔營不准片刻停留並不准英翰奏留致誤大局商城要路由英翰另撥一軍填紮以防捻

續編卷一

四

匪回竄豫境慶陽寧州回勢猖獗邵城被圍一月緊急萬分著穆圖善統率所部即日啟程赴援並將回匪力行遏剿毋任回竄陝疆穆圖善若再擁兵無賊之地藉詞觀望不赴援必當重治其罪劉蓉在陝有年一味寬縱致令將士毫無畏憚屢奉諭旨出省剿賊並不親臨前敵督戰以致諸軍進止不齊有此大挫深堪痛恨本日已明降諭旨將劉蓉革職即著喬松年飭令回籍援軍未到以前喬松年當就現有兵力認真防守省垣以固根本喬松年另片奏請飭四川等省撥解鉛礮各片

本日已諭四川河南山西各督撫如數撥解矣將此由六百里諭知會國藩李鴻章左宗棠唐克吉泰德興阿穆圖善英翰喬松年並傳諭鮑超知之欽此

續編卷一

五

軍機大臣 字寄同治五年十一月十九日奉

上諭左宗棠奏請撥西征的餉以措危局一摺據稱陝甘兵事難在糧餉不繼轉運維艱籌辦行糧等項現已略有籌畫然竊計西征大局非增練馬隊車營別無勝算其上口買馬招募土著製造輪車安置礮械火器挑練騾馬等項需費不貲西北地多斥鹵有水草可收之地半遭蹂躪勢不得不擇地興屯而籌給口食籽種農器牲畜等費需款尤鉅兩省制兵欠餉鉅甘省兵勇百餘營宜分別留撤一切經費均不能不豫為籌策頻年

續編卷一 六

前撥甘餉解到無幾若不預籌的餉恐西事益形決裂除閩省每月協濟甘餉四萬兩無庸另籌外從前曾國藩奏停西征軍餉時江蘇每月協濟銀三萬兩派浙江每月協甘銀二萬兩馬新貽請每月增解銀三萬兩共銀五萬兩嗣浙江又議解曾國藩馬隊協餉每月一萬兩此項浙江協濟江南之餉應即劃抵江蘇月協甘餉銀一萬兩方為允協廣東於前已定撥甘餉一萬兩外再籌解銀二萬兩又廣東浙江本議輪船經費每月各一萬兩應並劃解陝甘後路糧臺請飭照准撥解各等

語左宗棠督軍入甘所籌銀兩均屬萬不可緩之需即著瑞麟英桂吳棠馬新貽蔣益澧周開錫將福建協餉銀四萬兩浙江協餉銀七萬兩廣東協餉銀四萬兩按月源源解濟以應急需其江海關每月應濟甘餉並著曾國藩李鴻章郭柏蔭嚴飭該監督按月解濟按季具奏經此次撥定之後各該督撫等務當認真按期撥解不得稍存膜視致干重咎其江西等省應濟甘餉即著左宗棠於道出江西湖北河南時與該督撫商酌籌辦江蘇湖南四川山東應協甘餉即由左宗棠咨商各該

續編卷一 七

督撫妥為籌撥將此由五百里諭知曾國藩李鴻章左宗棠瑞麟英桂吳棠馬新貽蔣益澧並傳諭郭柏蔭周開錫知之欽此

附陝甘總督楊岳斌摺

奏為甘省事勢日難微臣病勢日增恐貽貽誤懇

恩飭催新任督臣左宗棠及提臣曹克忠迅即來甘恭

摺仰祈

聖鑒事竊臣向帶水師於旱地軍務本屬不諳雖不敢

稍辭勞瘁往來奔馳究竟調度未合機宜以故軍務迄

無起色自曹克忠回陝以後外間總統無人往往顧此

失彼且省內照理無人更深根本之懼即如藩司林之

望自到任以來遇事頗預論其籌糧則無升斗論其籌

續編卷一

八

餉則無錙銖有時信筆直書不求甚解於曾經入奏之

件質證無據則云尚須待查於已經詳報之文輒復取

還則云尚未入目其昏憤糊塗大率類此然使猶無嗜

好或可將勤補拙也乃該藩司性耽遊蕩終日醜醜且

於三月十八日逆匪攻城燒殺甚慘內訌外憂存亡呼

吸而該藩司竟於是日娶妾入署獨為娛樂然使虛已

和衷猶可因人成事也乃署臬司崇保與物無競該藩

司每存偏見輒秘不與會商蘭州道華祝三辦事寔心

該藩司惡其名遂轉而生妬忌總之該藩司口口炫

暴已長而寔一無所長事事自謂能辦而寔未嘗一辦

故有林瘋子之稱現值甘事如此臣才如此而操理財

用人之柄為臣幫手者又如此臣若避嫌畏罪而不言

則雖勉竭駑駘扶病支持終恐不免貽誤此臣所以憂

危惶懼而不敢不為我

皇上剴切陳之者也相應請

旨飭左宗棠及曹克忠迅即來甘以救甘事而維大局

所有甘省事勢日難微臣病勢日增恐貽貽誤懇

恩飭令左宗棠及曹克忠來甘緣由謹繕摺由驛五百

續編卷一

九

里馳陳伏乞

皇太后

皇上聖鑒訓示謹

奏

軍機大臣奉

旨另有旨欽此

軍機大臣 字寄同治六年正月十四日奉

上諭劉蓉奏復陳賊勢趨重地方現在籌辦情形請飭左宗棠星馳赴陝以一事權並陳與喬松年共事棘手鈔錄往復信函呈覽各摺片張總愚股匪現踞鄂縣之秦渡鎮花園鋪爲老巢其游騎或鳧渡渭水擾及興平武功醴泉等處爲數無多劉蓉現將潰散各營整理就緒劉松山一軍亦於去臘抵省覽所奏籌策情形欲令劉松山由義井寨徑搗老巢則各游氛不攻自息所籌未嘗不是而喬松年又欲令該軍先向西行自北而南

續編卷一

又稱不必指定所向於剿賊情形辦理殊無把握賊之慣技每多方以誤我師該逆大股皆在渭南若以游氛數十騎渡渭之故遣令勁軍株守渭北不行進剿則陝省之賊何日可平耶劉蓉固係獲咎之員然使所言尙合機宜亦當不以人廢言喬松年何得固執己見專事齟齬使諸將觀聽惶惑迷於所向左宗棠現行抵何處何以日久絕無奏報殊不可解陝甘軍事孔亟若再貽誤關繫匪輕若即星馳入陝迅籌調度以一事權並著喬松年振刷精神廣咨方畧迅督劉松山等軍進搗該

逆鄂縣老巢痛加剿洗不可爲賊牽制坐失事機如始終膠執貽誤疆事必治該撫以應得之罪懷之劉蓉原摺片著發交喬松年並鈔給左宗棠閱看將此由六百里各諭令知之欽此

附署陝西巡撫劉蓉摺片

奏爲遵

旨覆陳賊勢趨重地方及現在整頓籌辦情形恭摺具奏仰祈

聖鑒事竊臣於五年十二月二十五日曾將官軍追賊

續編卷一

十一

挫馭各情形縷晰馳呈在案本月初三日欽奉十二月二十七日

諭旨張總愚賊股業已渡渭劉蓉因循坐誤等因欽此查張逆前由藍田竄入新豐意圖就該處沙灘搶渡渭北經官軍奮力擊剿敗趨西南往鄠藍一路迭據該二縣稟報逆匪前隊竄擾亞柏槐芽各鎮而張總愚老巢仍踞鄂縣之秦渡鎮花園鋪一帶距省城約五十里其游騎或鳧渡渭水擾及興平武功醴泉等處然爲數均屬無多我軍自臘月十八日追剿失利後經臣飭令諸

將收集潰散逐加整頓計英毅軍三營現令歸併鄂太
愚統轄湘軍九營存三千餘人現令併成六營派記名
提督蕭德揚暫行統理挑選營官百長裁汰疲弱均已
次第就緒惟各軍月餉懸欠在一年以外而司庫支絀
萬分僅於除夕籌給十日之餉各營器械旗幟半多遺
失不得不添製補發亦往往苦於無費臣既交卸篆務
已無籌餉之權欲圖激勵軍心徒作仰屋之嘆日夕焦
慮無計可施幸各將卒諒臣苦衷其篤義憤但能稍資
點綴即可直振軍威又值兩江督臣曾國藩所派皖南

續編卷一

三

領劉松山一軍已於去臘二十九日到省該領所部皆
湘人軍容甚整士氣益強臣比與悉心面商此時該逆
游騎四出然我軍但能遙搗老巢賊必收集一處各路
游氛不攻自息因屬令先率所部紮駐距省三十里之
義井寨堅壁勿戰俟初旬外陝軍整頓旗幟即會同進
攻花園鋪秦渡鎮老巢相與併力大戰幸而克捷即視
賊所向分追躡截以策全功劉松山亦深以為然當於
初三日率師開越義井寨臣一面函達喬松年告以情
形旋接該撫臣覆函謂不必指定所向又檄劉厚基等

按赴興平咸陽防堵諸將領無所適從復來臣寓請示
臣以該撫臣既有檄飭未便改調祇得函止劉松山暫
緩前進又接鮑超來咨定於十二月二十一日自鍾祥
開拔由荆紫關入秦將來統帥更多意見難合則諸將
觀聽惶惑於大局益滋貽誤相應請
旨敕下督臣左宗棠星馳來陝督辦以一事權臣雖疾
病侵尋亦不敢置身事外期仍以閒散人員聯絡軍心
規畫形勢或能勉竭駑鈍終效涓埃所有現在籌辦緣
由理合附駙馳陳伏乞

續編卷一

三

皇太后

皇上聖鑒訓示謹

奏

劉蓉片

再查張總愚現率巨股踞秦渡鎮花園鋪一帶為老巢
而游騎四出或渡渭河擾及興平武功扶風乾州醴泉
等縣揆其狡謀一則多方誤我牽制兵勢一則以我軍
新挫圖乘間肆其擄掠然據興武各等縣稟報亦不過
數十騎百餘騎非有大股巨賊也故臣與劉松山熟商

此時兵力宜合併一處先搗該逆老巢則游氛自息俟其敗竄再行相機截剿不宜分兵四出徒墮賊計比接喬松年來函謂劉松山一軍宜先向西行然後自北而南庶可遏賊渡渭之謀臣不解所謂先向西行者係趨何地然後北趨何地南趨何地何以遂能遏賊渡渭因函覆喬松年請其詳細指示免諸軍迷於所向旋接覆函渾淪其詞謂不必按圖指授或有未宜轉使得以藉口等語臣謂臣欲擊賊使之北竄該撫臣則恐其北竄而預堵之查此時官軍與賊所踞之地皆在渭河以南

續編卷一

西

若使各軍西趨與武即當引軍由咸陽渡渭河北岸上駛及其折而南趨又當轉回咸陽渡渭河南岸乃可與賊相遇是所向西行再折而南者不過引軍赴北岸巡哨一次耳當我軍西趨之際游氛之在北岸者或遂折回老巢然及其折而南趨則該逆又將引而北渡誰能禁之而該撫臣謂先向西趨再折而南即可遏賊北竄此則愚臣之所不解者至謂臣欲擊使北竄則臣初無此說查該逆初趨華陰嗣竄臨潼現踞秦渡皆沿渭水南岸其蓄謀搶渡北岸蹂躪西同各屬完善雖童稚猶

能知之獨恃渭水一帶限隔渭水現雖淺涸然尚係湍流泥滓時深賊或息渡要不過數十百騎至張總愚大隊擊容屬挾輜重非搭造浮橋決不能過故此時遊踪所占地段究不能多此臣愚見所以欲由義井寨巡搗其巢翼得痛加剿洗則各處游氛自息截擊不難既以此說函覆喬松年而該撫臣覆書不置一詞但謂劉松山一軍應聽其自行酌度伏思疆臣辦理軍務即不能詳審賊勢密授機宜亦當明示趨赴何地擊剿使將卒有所遵循安有但指東南西北之虛位聽其自為趨舍

續編卷一

吉

者况劉松山一軍千里遠來於地方形勢全不熟悉尤應指示趨向乃喬松年一則謂不必按圖指授轉令有所藉口一則謂自行酌度是其居心狡猾故作游移以爲勝則可以居功敗則可以諉過該撫臣所以爲自全之計者則誠巧且工矣曾亦思朝廷所以委任疆臣界以軍事者何等重大獨安忍坐觀成敗而不之顧乎臣以病體閒散一員祇因軍事羈留迭奉諭旨命與喬松年悉心籌商辦理不敢稍涉諉卸然每

與該撫臣商酌機宜輒依違不置可否事後即竊竊私
 議巧肆擠排現值鄰省援軍漸集而喬松年始終惟用
 此術詭滑推延巧為藏身之固事勢已棘不獨各軍將
 領茫然無所適從即臣亦覺萬分棘手五中焦灼不得
 不將近日規畫情形據實陳明並抄錄往復信函恭呈
 御覽伏祈
 聖鑒訓示飭遵謹
 奏

續編卷一

六

軍機大臣 字寄同治六年正月十五日奉
 上諭前因已革陝西巡撫劉蓉操守尚好曲予優容乃
 於檢回逼近先請開缺迨賊竄陝西疊經諭令仍統軍
 務出省督剿又遷延觀望致令軍無統帥遇賊頻挫且
 於喬松年甫經到省即與龔麟肆行糾劾以致互懷猜
 忌喪師奔潰大失機宜前年已明降諭旨將劉蓉革職
 飭令回籍乃本日奏陳劉松山援陝擊賊獲勝情形一
 摺並未與喬松年會銜所稱劉松山之援陝係聞陝軍
 潰敗為該革員報仇雪恥而來又復意存攘功其寔始
 終並未出省且昨奏稱渭北並無大股賊匪喬松年牽
 制湘淮各軍不令前赴渭南今日所奏勝仗如在渭南
 則喬松年並未牽制各軍如在渭北則與昨奏又不相
 符該革撫前次疊被參劾朝廷舍短取長並未苛求今
 居心如此難逃洞鑒著左宗棠於到省後將劉蓉何日
 奉到革職回籍諭旨並本日奏到摺件是否在奉到革
 職回籍諭旨之後查明具奏此次所稱接仗各地名係
 渭南渭北及劉蓉另片所陳喬松年傳見都司李良田
 示以親厚等語並陳該撫不諳兵事各節均著左宗棠

續編卷一

七

詳查具奏劉蓉摺片均著抄給閱看喬松年甫到陝境難保不巧懷趨避而劉蓉局量褊狹所奏亦未必俱係寔情該總督當以國事爲重秉公查覈是非不可稍涉偏袒現在陝事孔急左宗棠毋論行抵何處即著星夜馳赴關中以顧大局將此由吾皇諭令知之欽此

附署陝西巡撫劉蓉摺片

奏爲援師剿賊力戰大挫兇鋒現催各軍繼進恭摺馳陳仰祈

聖鑒事竊臣於正月初七日曾將皖南鎮劉松山老湘

續編卷一

六

營各軍開赴義井寨旋令就近暫紮情形馳奏在案初八日接據劉松山等牘稱初三日進紮距省十五里之魚化鎮初四五等日叠有馬賊數百來撲均經擊退稍有斬獲張逆大股屯踞秦渡鎮花園鋪梁家橋一帶據生擒賊供該逆計圖大舉來犯決一死戰等語當飭各營嚴備以待初六日早探報大隊賊股湧來劉松山等立即派定隊伍相機迎戰辰初賊數百飛馳而來將近劉松山因飭各營留四成隊固守營壘派七成隊出營里許排列陣勢以老湘一四五六等旗列前二三旗及和

字營列左八十兩旗列右七九副前等旗居中以備衝鋒厚字營及敬字營列後壽字營馬隊張兩翼排列彼此商定無論前左右三面有大股來敵後路隊伍總宜穩持不動正布定閒馬賊數千四遠包圍而步賊萬餘結成十餘隊蜂擁撲近矛桿林立鎗礮亦多劉松山等立飭一四五六等旗奮力迎敵烟塵蔽野塵戰逾時賊勢稍卻旋復加派馬步大隊分三面冒烟猛撲勢極兇悍劉松山等指揮中左右三面各營鎗礮連環刀矛奮進該逆仍復冒死不退劉松山隨又分飭七九副前等

續編卷一

九

旗從大陣中分三面衝出十盪十決賊漸退開是時騎賊向遠包抄已出我軍之後編修張錫鏞自率淮勇百餘人奮力衝擊陷入賊陣身帶十餘傷登時殞命該逆乘勢復分馬賊衝撲營壘幸各營早已預備均經擊退其大股悍黨仍拚命猛撲我陣各勇壯氣百倍猛力抵敵該逆旋敗旋撲者七八次各勇奮猛倍常再接再厲戰約數時之久賊屍枕藉逆勢不支漸引而退該總兵等見賊氣將衰於是號鼓雷鳴呼聲震地各率隊伍衝擊賊遂大敗追奔八九里斬馘甚夥該逆悉遁秦渡

一帶戍刻收隊歸營是役自辰至戌惡戰終日共計斃
賊一千三四百名帶傷逃去者不計其數生擒百餘立
就陣前正法奪獲騾馬七十餘匹旗幟一百三十面抬
鎗七件小鎗一件其餘刀矛軍械其數查照老湘營勇
丁陣亡十八名受傷九十六名敬字三營陣亡十九名
受傷三十六名和厚兩營傷亡十三名受傷三十二名
厚字營營官陳福萬受傷較重容俟查明繕摺彙報等
情前來伏查劉松山等率師遠來喘息未定即能激勵
士卒惡戰終日痛挫兇鋒洵屬不振軍威現探張逆敗

續編卷一

三

後即將咸陽興平武功醴泉扶風各處游騎收集回巢
憤圖大舉報復牛東一帶賊騎充斥劉松山函催撥營
助戰以期痛加剿洗臣查渭河北岸游氛既經該逆調
回老巢則喬松年所欲派赴西路之師更可無庸前往
現擬派撥劉厚基鄆大愚黃鼎等各率所部併力前進
以壯聲威而摧兇焰至翰林院編修張錫鏞千里赴援
壯志未展遽即奮勇捐軀深堪憫惻劉松山稱其自到
軍營常著草履與士卒同甘苦文學之臣能堅苦自奮
如此臣寔惜之相應叩懇

天恩交部優加議卹以慰忠魂所有援師剿賊力戰大
挫兇鋒現擬派兵繼進緣由理合恭摺由駙馳陳伏乞
皇太后
皇上聖鑒訓示再此次摺件仍係借上次備用巡撫關
防印花繕發合并聲明謹

奏

劉蓉片

再楚軍自去臘十八日挫衄之後月餉欠懸飢寒交迫
死者無葬埋之費傷者無醫藥之資各軍將領日來臣

續編卷一

三

萬泣訴臣既屢次函告喬松年求為飭局給發銀兩金
不見覆二十八日臣親赴撫署告以情形該撫臣言此
事當問藩司囑臣自與林壽圖商酌林壽圖以未奉札
飭亦難專擅至除夕始發十日之餉然旗幟號衣器械
之類迄今尚未製辦給發何論餉精現值張逆被老湘
軍擊敗之後忿圖大舉劉松山自慮兵力尚薄眾寡難
敵函囑臣催速各軍踵進以期併力痛剿臣此傳劉厚
基鄆大愚黃鼎等飭令進即整備前征乃據劉厚基面
稱喬松年正在催赴咸陽興平一帶該員等稟稱請速

發器械旗幟備用而該撫臣諭令不許更待辦齊即速
進征否則必加參辦劉厚基等無可如何又來臣處分
訖查張逆巨巢既踞秦渡其各路游氛又均收回南岸
自應就近痛擊不當置兵於北岸無賊之地而軍械不
全旗幟不整是以其卒予敵安望克敵制勝之功喬松
年於兵事太不諳悉於賊勢軍情大無體察隨意指揮
視同兒戲臣寔憂之前經奏乞
天恩迅飭左宗棠來陝督辦軍務不知能否仰邀
俞允然計左宗棠即能速來逮到陝已在二月中旬現

續編卷一

三

在軍情緊急茫無主持寔堪焦灼萬一事機再誤劉松
山一軍復爲逆眾所乘則陝局不堪設想不得不據寔
陳明伏祈

聖鑒訓示謹

奏

劉蓉片

再查劉松山所統步隊約十七營馬隊三起其本部名
老湘營者十二營又壽春鎮李祥和帶和厚兩營皆屬
湘軍編修張錫鏞所帶破字三營係屬淮軍均於去臘

二十三四日行抵潼關二十九日劉松山率師到省來
見備述所部湘軍子弟聞臣軍失利之信均皆奮躍而
來思爲臣報雪仇恥已於二十五日在潼關先行度臘
二十六日即拔隊兼程來省現擬即日開赴前敵等語
臣以該軍遠來疲乏囑令伏息兩三日再行前進乃喬
松年以其爲湘軍而惡之每加褒貶謂湘軍不如淮軍
先存隔膜之見查張錫鏞前由雲南學政丁艱過蜀臣
時在四川藩司任內見其爲人樸質耐苦志操過人函
薦兩江督臣曾國藩處學習營務曾國藩旋令募淮勇

續編卷一

三

三營訓練成軍與劉松山同紮一處此次到陝劉松山
每贊該編修訓練之勤張錫鏞亦甚贊劉松山治軍之
整是該二員初無不洽之處臣以張錫鏞所募淮軍未
經戰陣每囑劉松山力爲護持並誡張錫鏞依附湘軍
勿恃銳輕進該二員亦皆深以爲然乃喬松年迭次傳
見淮營都司李良田以示親厚李良田旋向外間聲言
我軍主將係翰林曾任學古豈可由劉鎮節制况捻逆
但畏淮軍不畏湘軍等語初五日張錫鏞來至臣寓當
即告以此語囑令傳諭營弁併力同心勿懷湘淮軍之

見不期該編修即於初六日奮勇捐軀寔堪愴惻現在
淮軍三營無員統帶不得不令歸併老湘營由劉松山
拊循調度甚慮旁人挑別彼此或生歧異即難冀其得
力擬以後察看情形如不相安即函告曾國藩將此軍
調回徐州或另派安員接管理合附片陳明伏乞
聖鑒謹

奏

續編卷一

活

奏疊奉 諭旨敬陳籌辦情形摺
奏為疊奉

諭旨敬陳籌辦情形仰祈

聖鑒事竊 臣於上年十二月十六日江西九江府奉到
寄諭著即馳赴甘肅督辦軍務暫時毋庸來京俟甘省
軍務事竣再行奏請欽此二十三日行抵湖北黃州復
奉

寄諭現在陝西賊匪已竄南山希圖直達漢濱該處樹
民貧匪本屬不少設令勾結引導西逼川疆東擾楚境

續編卷一

謹

皆意中事而商洛之長嶺關竹林關漫川關等處緊與
鄖西接壤其勢尤易波及左宗棠帶兵由湖北入秦著
即確切偵探規賊所向迎頭扼堵杜賊竄鄂之路如賊
尚在秦即著該督迅赴陝西督飭諸軍先剿南山一帶
之賊俟此股辦有眉目再赴甘肅督剿回逆劉典一軍
曾否起行並著催令赴營以資得力欽此二十六日武
昌行次復欽奉

寄諭劉典奏因病不能即日起程并募勇尙需時日請
賞假五箇月等語甘肅情形待援孔亟前因陝西賊勢

鴟張督率無人令左宗棠由鄂入秦先行督剿陝西賊
股惟左宗棠兵數不多必須劉典趕緊料理到營兵力
始能稍厚若遷延數月則軍情賊勢變幻靡常局勢何
堪設想劉典著賞假兩箇月一面趕緊調理一面募勇
訓練刻期啟行左宗棠懷遵本月十六日寄諭帶兵迅
即入秦杜賊入鄂督同該撫等肅清陝境欽此竊維臣
由閩啟行時念舊部分駐兩省得力將領除蒙

恩簡放實缺外均已奏委署理要缺鎮將若檄調隨征
則閩浙頓覺空虛殊爲可慮雖各員告請西征概未敢

續編卷一

五

許其所攜以同行者僅三千餘人奏請劉典幫辦軍務
亦僅令選募舊部三千人初意南人用之西北本非所
宜祇可多挑營官哨長之才入秦後再將陝甘現存各
營兵勇分別汰留而勾撥膽技稍優弁勇充當親兵護
哨編列成營以倡勇敢之氣庶臣部行糧可資節省而
陝甘飢軍亦可漸有位置兩得之道也又臣軍頻年轉
戰東南山澤之鄉無須多用馬隊每次上口探買爲數
本屬無多當由閩拔隊之時以嶺嶠艱阻水陸敷易所
有戰馬驅以隨行必形疲乏故遂留之閩中原擬抵鄂

後派弁上口探購至鞍鞬一切又須在陝西製買故前
此預先陳明抵鄂抵西安後均不能無少耽延也昨抵
黃州接見守令始知捻逆大入鄂疆漢黃德一帶均形
震動復奉

寄諭竄陝捻逆又已擾及南山傳聞賊蹤蔓延甚廣萬
騎蹤橫鄂陝官軍均不得手臣於二十六日相度營地
暫於漢口鎮北橋口地方安紮六營二十八日入駐新
營一面飛催劉典迅速選募成軍來鄂會隊并增調各
營於原擬六千人外再加募六千合成一萬二千人均

續編卷一

七

限一月到鄂惟馬匹無從購覓託官文化爲搜索亦僅
得馬二百八十餘匹而已

諭旨飭臣由鄂入秦先剿陝逆此時臣軍步隊僅止三
千餘馬隊尙未習練雙輪獨輪車式尙未動工製造所
擬以制賊者步隊馬隊車營而皆無以應手倉卒就戎
必貽後悔臣不敢不慎也方今所患者捻匪回逆耳以
地形論中原爲重關隴爲輕以平賊論剿捻宜急剿回
宜緩以用兵次第論欲靖西陲必先清腹地然後客軍
無內顧之憂餉道免中梗之患謹則一面就地探買口

馬練習馬隊先造獨輪礮車暫應急需俟所調各營取齊由襄樊出荆紫關徑商州以赴陝西即古由武關入秦之道沿途遇賊即擊比抵陝西則製造雙輪礮車兼顧買車輪俟採買口馬到陝增練馬隊並習車營一面開設屯田總局相度秦隴緊接要隘有水草可田可牧者開設屯田一面汰遣陝甘各營去疲冗省軍食為久遠之規其願留屯田者編入冊籍指地屯牧不願留者皆遣散回各本籍禁其逗留為患然後軍制明而內訌可以免屯事起而軍食可漸裕也甘省回多於漢蘭州

續編卷一

元

雖是省會形勢孑然孤立非駐重兵不能守駐重兵則由東分勦各路之兵又以分見單不克挾全力與俱一氣掃蕩將來 臣軍入甘應先分兩大枝由東路廓清各路分別剿撫俟大局戡定然後入駐省城方合機局是故進兵陝西必先清關外之賊進兵甘肅必先清陝西之賊駐兵蘭州必先清各路之賊然後餉路常通師行無梗得以壹意進剿可免牽掣之虞亦猶之江皖布置周妥然後入浙浙江肅清然後入閩閩疆肅清然後入粵已復之地不令再被賊擾當進戰時即預收善後之

效民志克定兵力常盈事前計之雖似遲延事後觀之翻為安速也自古邊塞戰事屯田最要 臣已屢陳其利矣漢宣帝時先零羌反趙充國銳以自任其所上屯田三疏皆主持久之義宣帝屢詔謂責充國持議如初卒收底定成效可知兵事利鈍受其事者固當身任其責至於進止久速則非熟審彼己長短之形飢飽勞逸之勢隨機立斷不能此蓋未可以臆度而遙決者也 臣頻年轉戰東南於西北兵事未曾經歷所部均南方健卒於捻回伎倆並無聞見若不慎之幾先加以迫促誠恐

續編卷一

元

所事無成時局亦難設想明臣孫傳庭催促出關卒以致敗可為前鑒也伏懇 皇上假 臣便宜寬其歲月責 臣以西陲討賊之效不效則治 臣之罪以明軍令 臣惟勉竭駑鈍次第規畫以要其成勦捻回均惟事機所在若兵力未集馬隊未練屯務未舉車營未成則無所藉手以報 君父 臣雖身任咎責無補時艱此則耿耿懃懃有不能不預為披瀝者謹恭摺具陳借用湖廣總督預印馳遞伏乞

皇太后

皇上聖鑒訓示謹

奏 同治六年正月初十日

奏懇 恩飭下楊岳斌劉蓉悉力支持片

再臣之到任既不能速而平生足跡未入關隴風土情形實難遽諳悉况捻熾於東回熾於西兵情變幻靡常尤須熟練之人備諮訪而昭慎重楊岳斌劉蓉雖時艱適值經理未協機宜然在事日久尙能以勤民愛國爲心臣與該兩臣相知有年自顧才力無以踰之曾

續編卷一

拜

經據實陳

奏可否仰懇

天恩飭下楊岳斌劉蓉於微臣未到任以前仍悉力支持勿因事權不逮遽存諉謝之見庶臣得從容展布與該兩臣殫誠盡瘁冀他日稍紓朝廷西顧之憂謹披瀝愚忱伏祈

聖鑒訓示謹

奏 同治六年正月初十日

同治六年正月二十六日軍機大臣奉

旨楊岳斌登經有旨責成將甘肅軍務妥籌整理准歸該督調遣劉蓉於捻踪入陝後屢次催令出省終以抗違去冬灑橋之挫已降旨將其革職毋庸留陝以爲疲玩者戒欽此

奏調廣東陸路提督高連陞同征剿片

再臣奉

命調督陝甘時廣東陸路提督高連陞即函請隨同征剿臣以高連陞辦惠州嘉應土匪甫有頭緒正宜次第按治而臣所籌撥各省的餉尙無成數未敢遽行

續編卷一

三

奏調嗣廣東撫臣蔣益澧屢函代籌西征將領亦謂高連陞所部江北人多久從征役調令西行自較得力臣亦未敢徑諾也茲接高連陞信知所辦各處土匪業已竣事地方較平蔣益澧隨帶各營足資鎮壓而捻回人數太多臣軍不待入秦即有戰事入秦後又須兼籌防剿兵力未便過單相應請

旨飭下兩廣總督臣廣東撫臣迅調高連陞率所部九營由惠州嘉應踰嶺而北出贛州順流而下溯江抵鄂取道襄樊前進以爲臣軍後繼其行糧應由廣東籌給

亦蔣益澧前函所許也並請

飭蔣益澧於香港購辦上好洋鎗二千桿及鎗藥銅冒便交高連陞帶解前來以濟急需庶於軍大有裨益

謹附片陳明伏乞

聖鑒施行謹

奏 同治六年正月初十日

奏劉典懇 恩先開甘肅按察使片

再新授甘肅按察司劉典奉

命幫辦陝甘軍務因母年篤老衰病侵尋頻年效力行

續編卷一

三

間積勞成疾請

賞假五箇月旋奉

諭旨准假兩月劉典感荷

恩施念西事孔急不遑啓處擬即糾集舊部遴員管帶

前來一俟親病稍痊即當繼進而來誠願以前在浙臬

任內父喪未克奔赴憾抱終天此次絕裾而行言念老

母臥病在牀實有旦夕不忍言之隱恐一經履任為職

守所羈有時欲歸未能泣悔何及情詞懇惻實出至誠

臣 維劉典既欽奉

諭旨幫辦軍務馳驅戎馬之日多臬司本任政務原難

兼顧與其虛名徒擁兼有曠悞之虞不若本缺先開專

期營畫之效且幫辦與各督撫提鎮例本平行公牘咨

移無分高低若藩臬則為階級所限不但於督撫有僚

屬之義公牘用稟用申詳即於提督亦例用咨呈不能

稍亢軍興既久將士積功得官者多已擢至提鎮幫辦

分統馭之權有指擄之實而本官階級有以限之督撫

難冀其和衷提鎮每因以輕視於行間體制似有非宜

可否仰懇

續編卷一

三

皇上天恩先開劉典甘肅按察使缺

賞給京銜幫辦陝甘軍務俾得收贊助之益感荷

鴻施曷有紀極如蒙

俞允甘肅按察使欽應請

迅賜簡放或即以現署江西吉南贛甯道張岳齡補授

並請

飭下江西撫臣劉坤一令率所部三營赴任亦期稱職

該員曾經臣奏調浙江未及赴浙其帶勇紀律嚴明勤

慎敏幹臣所素知而用之甘肅堪資坐鎮足令弁兵知

法軍民相安也愚昧之見是否有當伏候

皇太后

皇上聖鑒訓示施行謹

奏同治六年正月初十日

軍機大臣奉

旨另有旨欽此

同治六年正月十八日內閣奉

上諭甘肅按察使劉典著開缺賞給三品卿銜仍留二

品頂戴幫辦左宗棠軍務甘肅按察使著張岳齡補授

續編卷一

一

欽此

奏王加敏王文韶總辦後路糧臺片

再甘餉多資東南協撥臣軍所有軍火器械多由閩浙

粵東採購搭輪船運解鄂省由漢口轉解襄樊陸運取

道荆紫關入陝應於湖北省城設立陝甘後路糧臺查

有二品頂戴按察使銜湖南補用道王加敏廉樸勤幹

歷司浙江閩浙總糧臺條理精密誠信不欺鹽運使銜

湖北漢黃德道江漢關監督王文韶才長心細器識閎

偉素為中外所信服以該兩員總辦陝甘後路糧臺收

儲臣餉需製備器械隨時接濟必期無誤其襄陽應設

水陸轉運總局荆紫關應設陸運分局陝西省城應設

甘肅總糧臺均由臣路過各處時遴委賢能各員經理

所有臣未到任以前各省應協甘餉仍照舊解交楊岳

斌糧臺收儲轉運以清款項而免轉轉理合附片陳明

伏乞

聖鑒施行謹

奏同治六年正月初十日

附前任陝甘總督楊岳斌摺

續編卷一

一

奏為西甯回匪日逞奸謀大臣受其挾制謹將詳細情

形節臣籌辦緣由恭摺密奏仰祈

聖鑒事竊照西甯回始以辯教為名互相仇殺漸致兇

鋒日熾殃及漢民數年以來焚莊掠堡慘毒情形有加

無已臣於上年入甘後急思震以兵威拯救災黎祇以

各路賊匪紛乘兵力萬難分撥其時西甯辦事大臣王

通及湟郡漢回頭目人等適紛紛咨稟以漢回兩教均

願共息爭端請臣派員查辦等情臣明知回匪狼子野

心萬難驟期向化而兵無可分不得不暫示羈縻冀圖

他日大舉遂派候補知府鍾瑛等前往查辦安撫事宜
殊同性反覆無常徒以乞撫為名依然大肆兇殘臣當
即令該府回省一面揀派總兵高得效副將孟柏林從
九沈發祥分往西甯碾柏一帶將各莊舊有團練重加
整頓並另招募馬步勁勇訓練成軍聽候調遣詎回匪
欲緩師行奸狡百出又復向玉通乞撫玉通遂親赴各
鄉逼令漢民散團護西甯鎮總兵丹金紫普警西甯道
郭襄之署西甯府達昌等專事逢迎與玉通聯成一氣
亦祇知抑勒漢民置回匪之焚擄淫殺於不問乃事不

續編卷一

奏

旋踵而辦撫回省之知府鍾瑛中途被警矣畏法撤團
之果莽寺番僧遭賊荼戮矣而玉通鞭未之聞也猶且
大張示諭令各團局僧衲漢紳定期擇地與該匪面訂
和好有言大兵臨境者官則擊問民則就地正法並將
臣派高得効等練就十二團勒具和好甘結以委員為
假冒以臣刊給關防為私刻差派府縣胥役數十人欲
將孟柏林沈發祥等拘擊拷問以逞回匪之一快又有
甚者惶屬北川營地為通甘涼要路回匪屢患竄突護
都司韓廷連督率鄉勇認真堵禦賊少則出城擊勦賊

多則守堡嚴防前後斃匪一千數百名三年之久地方
得以無恙臣以韓廷連戰守有功輿情愛戴為武弁中
不可多得之人批示嘉獎不意玉通因韓廷連入為回
匪所忌本年正月間密令丹金札普親赴北川營意將
械繫韓廷連交回目馬文義處置幾動眾怒韓廷連因
而得免而丹金札普旋將韓廷連撤任另委守備褚義
接署北川營都司事務自此益無忌憚西甯各屬搶殺
頻仍任意由北川營竄往甘涼加入無人之境玉通又
分繕札文差送山丹張掖東樂及永固營等處意仍在

續編卷一

奏

漢回兩教其敦和好飭令地方文武查辦稟復適東樂
縣丞團總王執中惑於和議派人進山說合不期該匪
陽奉陰違糾集大股將防守山丹縣屬扁都口之兵勇
營盤乘間攻陷傷斃兵勇甚多現在該匪又環攻碾柏
縣屬村堡縣城十分喫緊此玉通虐漢縱回受賊指使
據各處稟報並證以臣所聞之是在詳細情形也伏思
玉通等工於媚回牢不可破祇為一已苟且偷生遂不
顧良民之慘遭毒害百姓痛心切齒亦且恬不知非其
寔西甯郡城城外之啟開回匪司之公文之往來回匪

折之官民之出入回匪主之雖無戕官顯迹而已陰踞
城池玉通等受其挾制遂聽其主使正恐將來終難於
自保臣百計圖維萬分焦急若不早規此匪日久更成
不可收拾之勢現已密飭副將孟柏林等仍行練習舊
卒招募新軍韓廷選在淳屬號召各路鄉團較爲靈應
將該弁改署威遠堡都司以收後效一面商令護甘肅
提督鄧全忠酌帶營勇馳往碾柏籌辦軍糧俟來春正
二月間再派提督梅開泰一軍會合攻剿惟該同一聞
師至或先據城相抗亦屬意中之事然若不急圖進兵

續編卷一

美

則玉通爲同所用隄屬各廳縣之民終恐靡有孑遺此
臣萬不得已之苦衷非敢於郡垣輕言棄置也至鄧全
忠孟柏林籌餉招兵爲回匪所深恨卽爲玉通所不樂
聞因而該員等亦俱多畏縮難保玉通不又爲回匪逼
脅或將臣派官弁飾詞彈劾蒙蔽
天聰惟有仰懇
聖明衡鑒俾寔心辦事者鼓舞奮興臣之幸亦大局之
幸所有西甯回匪詳細情形並臣籌辦緣由謹繕摺由
駙五百里密陳伏乞

皇太后

皇上聖鑒謹

奏同治五年十二月二十四日

同治六年正月十八日軍機大臣奉

旨另有旨欽此

軍機大臣字寄同治六年正月十八日奉

上諭左宗棠奏敬陳籌辦情形請將劉典開缺另簡楊
岳斌奏回捻勢將勾結請飭鮑超入陝劉蓉赴涇西甯
回匪日逞奸謀大臣受其挾制各摺覽奏均悉左宗棠

續編卷一

美

所稱進兵陝西必先清關外之賊進兵甘肅必先清陝
西之賊駐兵蘭州必先清各路之賊寔爲動中竅要本
日已授該督爲欽差大臣督辦陝甘軍務並令譚廷襄
將封存關防一顆送交該大臣祇領矣摺內所稱採買
馬匹練習馬隊先造獨輪車應用俟所調各營取齊由
襄樊出荆紫關赴陝抵陝後製造雙輪礮車兼雇買車
輛俟採口馬到陝增練馬隊並習車營一面開設屯田
總局汰遣各營均著次第辦理陝西已有劉松山一軍
在彼並收集湘果各營鮑超一軍亦已令其入陝該大

臣若以所部先駐西安不慮無兵調度若必俟劉典等營一同入關深恐有稽時日著即現有兵力取道入關妥爲籌辦以副期望左宗棠未到以前喬松年務須懍遵疊次諭旨認真防剿勿稍大意劉典已開缺賞三品卿銜幫辦軍務著左宗棠催令即日募勇到陝勿任逗留張岳齡已授甘肅按察使並著飛咨劉坤一飭令該司督率所部三營赴任藉資坐鎮楊岳斌請飭鮑超速行入陝已疊經傳諭該提督星速進關援剿著左宗棠等再行嚴催劉蓉藉病不肯出省任意抗違致有瀕橋

續編卷一

罕

之挫湘果各軍捐傷大半現復與喬松年齟齬不合業經降旨將劉蓉罷斥斷難冀其得力楊岳斌所請令劉蓉赴涇之處著不准行並著喬松年酌度軍情派軍赴涇駐紮勿得視為緩圖致回捻勾結爲患益深西甯回匪日逞奸謀玉通將漢團盡行撤去受其挾制將來必難自保楊岳斌現令孟柏林等仍行練習舊卒招募新軍著密飭妥爲豫備此摺著鈔給左宗棠閱看楊岳斌在任一日務須盡一日心力不得稍存退縮之見俟左宗棠將陝省底定方能息肩也高連陞一軍已諭令瑞

麟蔣益澧飭令迅速赴陝洋鎗等項即令該提督帶解矣將此由六百里各諭令知之欽此

同治六年正月十八日內閣奉

上諭陝甘總督一等恪靖伯左宗棠著授爲欽差大臣督辦陝甘軍務欽此

續編卷一

罕

軍機大臣 字寄同治六年正月二十二日奉

上諭楊岳斌奏病勢增劇懇恩賞假調理請飭催左宗棠等入甘一摺楊岳斌所陳患病情形覽奏是深厯係著賞假一箇月安心調理惟秦省匪勢鴟張左宗棠先須入關勦辦俟秦省底定方能移師入甘左宗棠未到以前楊岳斌責無旁貸仍著懷遵疊次諭旨力疾從公將甘省兵事餉事及各路防剿機宜妥爲調處倘有疏虞仍惟楊岳斌是問曹克忠前因患病赴陝現在計可就痊該員所部各營久無將領統率軍心不固時有潰

續編卷一

聖

散之虞喬松年檄飭曹克忠迅即馳回甘省統帶舊部掃蕩逆氣倘該提督有託病遷延情事即著喬松年據寔參奏以警驕悍甘省軍事孔棘糧餉兩絀應如何全局統籌妥爲兼顧之處著左宗棠相機辦理將此由六百里各諭令知之欽此

軍機大臣 字寄同治六年正月二十三日奉

上諭前有旨授左宗棠爲欽差大臣督辦陝甘軍務因思山西與陝西毗連防堵甚關緊要捻匪業已渡渭沿河一帶尤須加意嚴防該省現派臬司陳湜帶勇防堵兵力尙單惟恐與陝西各軍聲勢不能聯絡左宗棠到陝後當妥籌兼顧所有山西在防各軍即著歸該大臣節制調遣與陝西兵勇合力防剿以期聯絡聲氣互相援應力保完善兵行餉隨並著左宗棠咨商趙長齡於陝甘新疆應解各餉籌款源源接濟將此由四百里各

續編卷一

聖

諭令知之欽此

甘肅奏稿續編卷二目錄

甘省餉糧兩紬謹擬籌辦情形摺

籌辦購練馬隊摺

請喜昌赴陝分統馬隊片

採買戰馬請免稅放行片

奏由鄂啟行摺

謹擬勘撫捻逆情形摺

續編卷二目錄

甘省餉糧兩紬謹擬籌辦情形摺

奏為甘省餉糧兩紬謹擬籌辦情形仰祈

聖鑒事竊各省欠解甘餉為數甚鉅諸臣同任封圻豈有坐視西陲危急不思拯救之理細察彼此情形實亦有自顧不遑協濟過多難於兼顧者似宜

飭令各就本省情形籌擬實解確數按月委解以期實

濟其用兵省分時艱同值既難責其舍己芸人其協濟

過多省分勻撥維艱亦難望其挹彼注此前奉

諭旨飭臣委員分赴各省守催竊維各省盈絀情形外

續編卷二

省原難驟悉底裏其籌撥多寡有無仍在各該省督撫

臣督同司道隨時相酌情形妥速籌解如其籌措無從

力所不逮雖部檄頻催臨以

朝命有時勉強塞責一二次後亦必無以應之外省委

員仰冀息於鄰封但能工其所請之詞萬無加以迫促

之事守催祇託空言撥解終無實濟其有騷累他鄉求

隨同衙參不可得資斧告竭求銷差盤費而亦難者是

委員守催仍難期有確數之實在情形也合無仰懇

天恩飭下欠解甘餉各省督撫令其各就本省情形悉

心籌議協甘的餉其用兵省分照該省現在軍營人數
餉數暫時勻出十成之一協濟甘餉責成各藩司闕道
按月委解由該督撫臣按季奏報其協撥軍餉無軍務
省分准各督撫察酌各軍得力與否酌擬減撤應協兵
勇請

旨定奪其所減撤之餉仍即按月勻加甘餉至捻回竄
驟省分如河南陝西則暫時自顧不遑尚盼鄰省協濟
更何能分潤甘省應即請

旨停其報解以昭核實至於滇黔兩省援師其餉源專

續編卷二

二

在蜀湘亦應

飭令川督湘撫以剿爲防分別撤減其素不得力謀賊
爲勝督辦撥點軍務之兆琛則虛糜湘餉及各省捐輸
爲數甚多於黔無益應請

飭令湖南撫臣竟將該軍分別撤減另擇勇幹大員代
其統領以收餉節兵精實效其甘肅口外各軍此時陝
甘軍事方殷無論力難及遠卽有餘餉只供撥濟亦虞
道梗不前應請

飭部察明其業經出塞各軍固應照常設法解濟以資

飽騰其尚未出塞各軍應暫停前進改所撥之餉暫解
甘肅糧石以資分勻撥解庶期通力合作無偏累之苦
均則無貧而各省量力而行不強以所難自可漸臻實
際此甘餉之亟應爲籌畫者也至隴外兵燹之後地畝
荒蕪糧食無從採購又地勢間隔無水路可通陸路轉
饋極形艱阻前奉

諭旨川省採米入甘轉運維艱著崇實略秉章除每月
應解成祿軍營餉銀一萬兩外卽將該省按月協銀二
萬兩派員徑解漢中交英奎採辦以省糜費欽此查漢

續編卷二

三

中採米入甘陸路亦頗迂阻而餉道貴多途購運乃免
匱乏梗阻之虞訪聞川北嘉陵江白水江上下游一帶
素稱產米之區四川廣元昭化兩縣水道與甘肅鞏秦
所轄相通若川省肯於保甯順慶兩府設立米局採米
雇船運送廣元昭化由廣元昭化剝換船筏溯流而上
或另雇駝騾腳夫剋期運解擇地存儲甘省委員迎解
軍前取携自便視楊岳斌專恃漢中購運一途較爲直
綽應請

飭下四川督臣四川藩司悉心集議力保飢軍如甘省

軍務早有起色四川亦可紓一面之防是為甘肅計者亦即所以為四川計崇實駱秉章江忠濟素抱公忠當不稍存朕視其米價運脚各臣於臣軍餉項內陸續劃撥免致偏累川省至楊岳斌任內應有甘餉仍歸楊岳斌收用臣未受篆以前萬無攘奪之理所有臣軍餉項由臣所設糧台收存運解一則界劃分明將來報銷易辦一則彼此同值時艱不容顧此失彼也籌擬情形是否有當伏乞
皇上訓示施行謹

續編卷二

四

奏 同治六年二月初三日

同治六年二月十一日內閣奉

上諭前據左宗棠奏於浙閩廣東酌派西征的餉并令浙江劃撥江蘇月餉當經諭知曾國藩等遵照辦理茲復據左宗棠奏稱欠解甘餉各省督撫亦有難兼顧者請飭就各省情形擬定實數按月委解其用兵省分酌減人數餉數勻出十成之一協濟甘餉其無軍務省分或將該省防軍酌減協濟甘肅兵勇仍按月勻加甘餉以期通力合作各等語甘省餉項支絀必得各省協濟

第軍務未平派解較多各省亦難兼顧莫如由該省督撫就各省情形酌定數目按月報解較有實濟左宗棠所陳亦係權宜辦理即著曾國藩崇實駱秉章譚廷襄曾國荃閣敬銘趙長齡劉坤一李瀚章郭柏蔭丁寶楨酌量情形每月究能撥解若干據實具奏按期撥解其或裁減兵勇勻出月餉或派得力之軍赴甘助剿均著酌量妥籌辦理毋許待託空言左宗棠又奏稱四川嘉陵白水兩江上下游素稱產米與甘肅之鞏秦接壤若於保甯順慶設立米局雇船由廣元昭化換船上溯或

續編卷二

五

雇夫運解于甘省軍食有裨自係為甘省採糧艱難起見第聞該處水路崎嶇轉運甚屬不易而甘省採糧維難亦不可不多方籌備著崇實駱秉章督同江忠濟悉心籌畫迅即興辦以資接濟其米價運脚仍由左宗棠按數撥還免致偏累欽此

籌擬購練馬隊摺

奏為籌擬購練馬隊懇

恩飭下察哈爾都統吉林阿勒楚喀副都統安達分別
辦理以濟實用事竊維西北戰事利在戎馬東南戰事
利在舟楫觀東南事機之轉在礮船練成以後可知西
北事機之轉亦必待車營馬隊練成以後也春秋時晉
侯乘鄭之小駟以禦秦為秦所敗是南馬不能富西馬
之證漢李陵提荆湖步卒五千轉戰北庭為匈奴所敗
是步隊不能當馬隊之證見在捻回猖獗官軍征剿多

續編卷二

六

年尙未歲事於時急圖掃蕩因我疆宇非講求步隊馬
隊不為功而欲善步隊馬隊之用又非講求步隊馬隊
之利不可臣謹就愚陋之見為我

皇上敬陳之捻回之害在平原曠野本騎之利官軍以
步隊當之鮮不被其輕軼矣於是而圖制賊之長宜用
車營助步隊遏其突騎固也然車營步隊足以遏突騎
守雖有餘以之抄截追剿戰尙不足則練馬隊為急以
馬力言之西產不若北產之健以馬隊言之西北之人
不若東北之雄

祖宗龍興東北平定中原中葉以來平準回靖朔漠
神武震鐸跨越古今敬繹

列聖方略官書竊以為欲平方今之患非追法

先世遺烈其道末由也回馬多西產捻馬多掠零騎故
捻之患尙劇於回所幸者捻回之馬雖多至數萬騎然
均用之野戰非如官軍隊伍鈐束之不可撼捻回諸逆
之人各一心非如官軍節制賞罰之不可亂捻回馬上
多用長矛非如官軍鎗械火器之不可敵誠於此時購
北口良馬得其人習練而節制之庶制勝有其具而賦

續編卷二

七

不足平且可藉閱歷以造就人才為

國家固根本垂久遠之計謹擬採購口馬選練馬隊兩
端乞

聖明採擇行之一馬貴精選也口北產馬之地以張家
口為採購總匯之所軍興以來用馬過多善馬難得此
次擬採買三千匹聊濟急需原貴精不貴多之意伏懇
飭下察哈爾都統察酌情形如張家口各處一時不能
精選足數或移咨歸化城將軍就近選購務親為驗別
揀日輕膺壯之馬精益求精以足三千匹一俟吉林所

募礮手行抵都門分起順解來營庶口馬到後即可派員編成札蘭管帶訓練以期迅速一馬隊宜慎募也東三省兵力素稱勁健惟根本重地不宜調發太煩聞吉林所屬地方滿漢獵戶名為礮手平日習騎耐勞徵逐猛獸火鎗最準膽力俱壯實為馬隊之選軍興以來未嘗選募從征材武之士鬱勃山澤間殊為可惜伏懇飭下吉林阿勒楚喀副都統德英於吉林所屬各處旗民台站各丁內挑選鎗馬嫻習年力精壯礮手二千五百名并購辦鞍韉三千盤作為六起每起編成五札蘭

續編卷二

八

由德英於通省實缺協佐領內揀委營總并於實缺以及即補防驍官內選派各札蘭正副各官權為管帶按照營制每馬隊百名募長夫四十名沿途各驛站照例支應車軸餵養草料由直隸山西過河入陝計算時日徵臣 早已馳抵西安得以及時編列成軍俾成勁旅庶用其所習取材既精自可盡其所長無堅不破 聞德英從前隨同伊興額在淮北等處剿辦捻逆威望卓著署吉林將軍時值馬賊肆擾能守能戰省會保固無虞深得旗民之心此次選募礮手最為要著伏懇

飭下該副都統一手料理必能糾集豪俊其掃狂氛并令該副都統如有經辦應行奏報事件會同吉林將軍隨時具奏仍懇

飭令吉林將軍督同地方滿漢各員幫同妥為招募至鞍馬價銀及選募礮手經費并懇

飭吉林將軍察哈爾都統於各該庫存項下暫為劃撥由 臣 解還歸款如該兩處庫存不敷撥給即仰懇

天恩飭下戶部先為籌撥一面行知山西巡撫於協甘月餉項下提還歸款仰免延待之虞感荷

續編卷二

九

皇仁尤無既極至召募礮手經費及薪水口分章程 臣 拜摺後即一面開單咨請兵部轉行吉林阿勒楚喀副都統知照合并聲明謹 奏 同治六年二月初二日

請喜昌赴陝分統馬隊片

再 臣 自抵鄂後即以習練馬隊為事陸續覓買口馬僅得四百六十餘匹蓋因捻氛甚熾道梗不前馬販稀至也 臣 隨營舊部馬隊員弁雖膽技尚優然未習北方戰事結隊列陣終欠固緊以之剿捻則回難期確有把握

久聞湖北軍營副都統銜吉林滿洲鑾紅旗協領喜昌
深諳馬戰人尤廉正心竊敬之適喜昌告假養傷回旗
比卽敦請來營教練挑選員弁勇丁將新購口馬拴養
騎操漸臻熟練喜昌所論北方戰事多閱歷有得之言
與臣所存諸心未敢遽以爲是者默相契合臣深惜用
之者未能盡其長也因與商定六個月假期滿後迅速
赴陝分統馬軍喜昌亦慨然諾之將來德英選舉礮手
喜昌回旗後亦可幫同照料合無仰懇

天恩飭干吉林將軍富明阿侯喜昌回旗催令於假滿

續編卷二

十

後分統新募馬隊迅速赴臣軍聽候差委俾得資指
臂之助謹附片陳明伏乞

皇上聖鑒訓示施行謹

奏 同治六年二月初三日

採買戰馬請免稅放行片

再各省採買戰馬與尋常添補營馬驛馬不同歷經奏
蒙

恩旨免稅此次請

旨飭令察哈爾都統選購戰馬俟吉林挑募礮手搭京

後順解陝西習練馬隊自應仰懇

皇恩俯准飭部移行各處按數查驗免稅施行以利征

剿謹附片具

奏伏乞

聖鑒施行謹

奏 同治六年二月初三日

軍機大臣 字寄同治六年二月十一日奉

上諭左宗棠奏籌擬購練馬隊請免馬稅並請調喜昌

赴營各摺片左宗棠現在督兵剿辦捻回必須先練馬

續編卷二

十一

隊以資得力吉林所屬地方獵戶平素習騎耐勞火鎗
有準頗屬可用著富明阿德英於旗民台站各丁內挑
選鎗馬嫻習年力精壯礮手二千五百名並購辦鞍韉
三千盤作爲六起每起編成五扎蘭並著德英於通省
實缺協佐領內揀委得力營總並於實缺及卽補驍騎
校官內選派札蘭正副各官權爲管帶以資約束每馬
隊百名另募長夫四十名所有挑選事宜卽由德英專
辦並著富明阿飭令地方各員幫同辦理務期迅募足
數不可推諉遷延致滋貽誤所需戰馬二千匹著裕瑞

於張家口各處如數購買務擇口輕膺壯之馬精益求精不得以疲瘦老羸充數如張家口各處一時不敷採買卽著裕瑞移咨福興桂成在歸化城就近精爲選購統由裕瑞親爲驗別毋許稍有含混此項馬匹俟吉林所募礮手行過京師時由裕瑞解交該營總驗收轉交左宗棠軍營其應需鞍馬價銀及選募礮手經費卽著富明阿裕瑞於該處庫項暫爲劃撥由左宗棠解還歸款如不敷撥給卽由戶部先行籌撥於山西協甘餉項內提撥歸款經過地方馬稅均著免其交納吉林佐領

續編卷二

三

喜昌現在告假回旗著富明阿飭令於假滿後統帶新募馬隊仍赴左宗棠軍營聽候差委將此由五百里各諭令知之欽此

軍機大臣 字寄同治六年二月二十七日奉 上諭前據左宗棠奏抵甘需時請暫留楊岳斌在甘辦理本日據楊岳斌奏稱八旬父母患病沉重而該督病亦增劇請飭穆圖善暫署督篆覽其情詞懇切實不忍再行挽留因令穆圖善馳赴蘭州暫署督篆以便楊岳斌交替回籍惟穆圖善西赴省垣東路防務恐無人認真堵禦該大臣到陝後尙須經理關中回捻各匪方能赴任則東路防務寔爲陝省門戶要區左宗棠此時計可起程入關著於馳抵西安後斟酌情形相機辦理免

續編卷二

三

致掣肘將此由五百里諭令知之欽此

奏由鄂啟行摺

奏為臣軍由鄂啟行恭摺由驛馳報仰祈

聖鑒事竊臣所調各營於本月上中兩旬陸續到鄂臣

逐加點驗舊部尙多當即分撥車礮酌增鎗隊編為前

中後三路十五營臣自統親兵營十哨及先鋒後勁新

前新後四營旂馬隊五起以利分布二十日令提督銜

總兵劉端冕總兵周紹濂率前路中路十營啟行二十

四日臣率提督銜總兵楊和貴後路五營馬步各營旂

繼進擬由雲夢德安隨州以達襄陽其劉典所募之四

續編卷二

齒

營亦已到鄂臣仍暫駐漢口俟劉典率親軍左右兩營

及後營到鄂隨同前進其中書科中書吳士邁之宗岳

兩營新援甘肅臬司張岳齡之平江三營廣東提督高

連陞之果勇八營則尙無來鄂消息也適據探報捻逆

大股復自鄂皖交界二郎河等處回竄廣濟鄂軍獲提

賊復繞竄蘄州蕪水鄂軍迎剿失利勢甚披猖臣軍前

進沿途或有戰事惟當慎以圖之冀紓

慈厚前奉

諭旨務須保固同朝等處兼顧山西勿為獮氛肆擾臣

維河防之要必先由潼關兜剿而西而臣軍不能速進

鮑超所部馬步全軍原擬由荆紫關入秦臣奉

諭後比即恭錄咨行並緘商於過荆紫關過龍駒寨後

取道劉先坪出大峪口以達潼關頃得其覆緘以荆紫

關一路山徑崎嶇難以整隊進行改由宛洛以入潼關

本月十五日已由樊城啟行臣軍到襄樊時鮑超全軍

必已由潼關入秦如同朝有警自可渡渭援剿臣軍行

過龍駒寨時亦當相機兼顧竊計解凍以後河防宜易

為力也愚昧之見合併陳明伏乞

續編卷二

齒

聖鑒訓示施行謹

奏同治六年二月二十三日

謹擬剿撫捻逆情形摺

再此次捻逆分犯秦鄂官軍將領勇銳素著者如郭松

林張樹珊劉銘傳等均作敗局鮑超劉松山劉維楨等

雖曾獲勝仗而悍鷙之賊究鮮損傷且鮑超正月二十

二日戰事亦頗有損失兇鋒甚熾寔較髮逆尤為難辦

傳聞捻逆初起伎倆亦本無他因前此剿捻各軍失利

時弁丁多被裹脅始以勉從為偷活之計繼因畏罪而

成反側之奸賊中所號為北隊者不獨江北河北之人居多聞東北馬軍亦頗不少官軍以步敵馬以剽銳之軍當忍鷲之寇彼已形勢既殊輕用其鋒徒張賊焰此剿捻之難甚於髮逆而剿髮逆之戰法未可施之剿捻者也 臣新集之軍絕少閱歷熟察各將領亦多恃勇輕賊之心 臣頗憂之現因西事孔棘師期不能再緩祇可於沿途勤加訓練一而遠發偵探整齊隊伍以備不虞遇賊交鋒恐難縱擊窮追為乘勢趨利之舉也至捻中北隊一起其中蒙面喪心甘為賊役者固屬法所難寬

續編卷二

六

其因畏罪懼誅之故偷息草間情出無奈者如能反正歸誠似尚可稍從曲貸可否仰懇

天恩寬其既往許其悔罪自贖以廣

皇仁伏候

聖裁訓示施行謹

奏 同治六年二月二十三日

軍機大臣 字寄同治六年三月初三日奉

上諭左宗棠奏督軍由鄂啟行請散捻逆裔從各摺片覽奏均悉陝省捻回合擾亟須知兵大員前往調度該

督聲威素著一經入秦坐鎮自可騰出陝省兵力併入前敵以利攻剿所有置造軍械及練兵籌餉各事宜即可於到秦後統籌全局次第經理庶將來肅清兩省計出萬全昨據李鴻章奏鮑超一軍由南陽取道信羅至光固一帶當諭令鮑超無論任賴等逆竄往何處何路有警即行兼程進擊現在該督既已西行秦中自可無虞而鄂省賊眾兵單剿辦殊難得手鮑超一軍著仍遵前旨留於鄂豫將任賴逆股剿滅前行移師入關所稱捻中北隊一起裹脅居多請准令悔罪歸誠等語已諭

續編卷二

七

令李鴻章譚廷襄曾國荃出示曉諭妥籌辦理矣將此由六百里諭令知之欽此

恪靖奏稿續編卷三目錄

奏行期未能迅速摺

奏遵 旨寬籌餉項以支危局摺

奏江海關協甘月餉請 飭照原撥續撥銀數按月

全解片

奏隨州追賊出境行抵樊城願備車馱刻期入關摺

奏洋商借款請 飭催各督撫速發印票片

奏晉防緊要請調吉林破手由綏遠城取道入晉助剿

片

續編卷三目錄

奏鮑超傷病難支片

奏行期未能迅速摺

奏為 微臣 行期未能迅速據實陳明仰祈

聖鑒事竊臣 於前月二十三日馳報啓行日期後二十四日行抵黃陂縣滯口地方適接逆聞 臣 軍將到又於是日回竄麻城黃岡一帶地方時鄂軍新挫漢黃一帶僅祇曾國荃所部竭力支持殊苦軍薄漢口為湖北巨鎮鄂省餉源攸繫 臣 所部雖係新集之軍漢口尙恃以為固若遠援營前進恐賊乘虛突竄未堪涉想適聞鮑超一軍經李鴻章奏調赴鄂奉

續編卷三

旨先行比卽飛咨催其速來俾 臣 得以專意西征庶期兼顧並面告徘徊襄樊引疾乞退之不可三月初四日探報拾賊於是日又已竄至黃陂縣城下蹤跡向陽店一帶竄動其疾如風 臣 比飭劉典所部五營速進滯口填紮 臣 於初六日由滯口前進駐營雙廟連日探報賊已由小河溪兩河口等處擾竄孝感雲夢一帶 臣 擬繞道出孝感雲夢擊之比至孝感則賊已西竄應城鄂軍已躡踪而前矣曾國荃前探賊意西趨舊口希圖偷渡漢水擾鄂西一帶完善地方 臣 軍盤獲賊探及逃

出難民所言皆同曾國荃咨催淮軍之在麻城及在安徽太湖河南信陽州者分道前來其鮑超一軍亦咨其前赴安陸府屬梓溪雙河一帶迨合長圍漸逼漸進聚而殲之籌畫本極周妥頃據探報賊果由皂市西趨頭隊已抵舊口矣臣軍於十六日行抵德安府城擬稍停數日俟淮軍寔軍有來鄂會師信息即由隨棗取道襄陽劉典已帶親兵馳抵澠口數日亦可繼進臣到襄陽後先雇車馱待其來會彼時如捻逆尚在舊口計淮軍各軍當已迺合長圍臣軍自無中道逗遛之理當即整

續編卷三

二

插入秦如淮軍各軍未到之先賊已由舊口竄安陸隨棗以向襄陽臣軍必有戰事臨時再當馳報所有軍行遲滯緣由謹據實馳陳伏乞

皇太后

皇上聖鑒訓示謹

奏 同治六年三月十八日

奏遵 旨寬籌餉項以支危局摺

奏為遵

旨寬籌餉項以支危局恭摺馳陳仰祈

聖鑒事竊臣欽奉

寄諭就現有兵力寬籌餉項迅赴西安調度仰見

聖謨廣運軫念西事艱難急圖補救至意臣維甘肅餉

事向恃外省協濟陝西餉事向恃本省錢糧非若東南

各省有大宗釐稅關稅堪資挹注近值捻回叠擾窘迫

殊常撫臣喬松年亟盼臣赴西安者非惟藉有餉之軍

續編卷三

三

以辦賊亦冀分臣軍之餉并哺秦軍也竊陝甘先祇剿

回今并剿捻兵力必需酌增先祇籌甘餉今并籌秦餉

餉事愈形迫促臣未接篆以前各省協甘之餉仍擬解

甘共由臣奏定的餉解濟臣軍者福建每月四萬兩廣

東每月四萬兩浙江每月加給二萬兩而已以之支給

臣軍餉需約計每月已短四五萬兩臣入秦後需用更

繁更急各省協餉由東南解秦程途遙遠水陸數易計

非百餘日不能解到各省縱按月起解在陝甘得餉已

在數月之後此數月內縱機有可乘亦不能不停兵以

待此常不及之勢也外省協餉解到立即分給各營而軍士以之清還逋欠劃扣糧價已無涓滴存留促其轉戰而前未到之餉又難預爲期必非若東南各省有釐局可以指撥錢糧可以劃提鄰疆可以挪借此又常不足之勢也賊之難辦甚於各省餉之難籌亦甚於各省若不早爲之所何以救危迫而利戎機乎竊維從前江蘇滬防喫緊時曾有由關督出口票督撫加印向洋商借銀充餉成案臣在福建亦曾行之事賴以濟上年臣在閩啓行之先福州稅務司布浪聞臣西征有期詢臣

續編卷三

四

需借餉與否臣比以各省協餉數目不知其詳未之應也聞外國每遇有兵事貸兵餉於眾商指稅項歸款商情樂從事亦易集中國仿照行之未爲失體茲當陝甘餉需艱窘之時較前此蘇州福建奚啻倍蓰與其入秦後因待餉之故遇事牽制坐失機宜曷若籌借巨款一氣貫注所損者微而所益者大比飭臣軍上海採辦轉運局委員福建補用道胡光墉試就上海洋商議借銀一百二十萬兩照江蘇辦過成案由關稅項下撥還茲據胡光墉稟復現與洋行議定允借惟據洋商稱現值

經茶兩市方興需用甚多其息銀須較前加一二厘以示體恤臣已允其咨會海關各省督撫臣將各省同治六年七月起十二月分止六箇月應協甘餉銀數咨行閩海各關監督出口票督撫加印向洋商借銀一百二十萬兩迅將印票發交胡光墉會同江蘇蘇松太道應寶時與洋商交割一面卽由滙票局滙兌山西解州一面遴委員弁持滙票赴解臣營由臣給印諭提用以期便捷計閩海關代借銀二十四萬兩粵海關代借銀二十四萬兩浙海關代借銀二十四萬兩江漢關代借銀

續編卷三

五

一十二萬兩江海關代借銀十八萬兩均由各關監督出付印票并由督撫臣加蓋關防給洋商收執在本年七八九十一十二等月各關關稅項下撥還洋商除江海關本係應協甘餉外其餘各關代借銀兩仍由各該省藩司按月撥交各關以清款項所有息銀滙費應請旨准由臣分別報銷此項銀兩還借均照關平將來協餉抵解關庫其補平銀兩由各省藩司補足統歸甘餉內劃扣似此設法籌借在各省仍祇按月應協之款並

未提前在各關旋墊旋收并無增損在各督撫_臣祇經手過目并無煩勞在陝甘費十餘萬兩息銀先得百二十萬兩應手之現餉相其緩急通融樽節集事可速調度可靈_{徵臣}得壹意經理盡瘁驅糞收薄效以答恩知尤為至幸伏懇

天恩俯俞所請速飭閩浙廣東湖北兩江江蘇各督撫_臣各行閩海粵海浙海江漢江海各關監督迅速遵辦實於陝甘大局裨益非淺謹恭摺由驛馳

奏伏乞

續編卷三

六

皇太后

皇上聖鑒訓示施行謹

奏 同治六年三月十八日

奏江海關協甘月餉請

飭照原撥續撥銀數

按月全解片

再江海關協甘餉向係每月一萬兩嗣經戶部續撥銀三萬兩江海關仍祇照舊解濟并未遵照部撥之數上年十一月間_臣請撥西征的餉欽奉_聖寄諭其江海關每月應濟甘餉並著曾國藩李鴻章郭

柏蔭嚴飭該_臣督按月解濟按季具奏欽此迄今江海關仍未遵解前署督_臣李鴻章亦并未奏明停解應請敕下兩江督_臣江蘇撫_臣飭該監督照原撥續撥銀數按月全解並即據實具奏_臣此次不得已而籌借洋款洋商候信甚殷亟須定局未及候江蘇覆奏已照江海關原撥續撥銀數指借銀每月三萬兩如江蘇一時不能遵撥關稅則江甯協甘月餉除劃歸浙江每月解銀一萬兩外尚有應解甯夏將軍穆圖善軍餉銀一萬兩陝甘督_臣軍餉銀一萬共計二萬兩亦可按月撥交江

續編卷三

七

海關抵還欠款不慮缺少穆圖善現已奉

旨暫署陝甘總督_臣未接督篆以前應解甘餉自當由

_臣分別撥解必不膜視謹附片具

奏伏乞

聖鑒施行謹

奏 同治六年三月十八日

軍機大臣 字寄同治六年三月二十五日奉

上諭左宗棠奏行抵德安擬俟淮霆各軍赴鄂再行入

陝一摺見在鄂捻西竄而淮霆各軍尚未趕到左宗棠

擬在德安稍停數日視賊所向再定進止洵能力顧大局不分畛域著該大臣探明如賊由舊日西竄即行督軍會剿以收夾擊之效惟秦中捻回交訖勢甚猖獗而喬松年等布置未能裕如如淮霆各軍趕到左宗棠仍即入關進駐西安妥爲調度左宗棠另摺奏擬援照成案於上海洋商借銀一百二十萬兩由各關稅項下撥還等語陝甘需餉孔殷各省協解恐不能如期停兵待餉於剿賊機宜未免延緩自應照該大臣所請迅籌巨款以期集事即著曾國荃等督飭各海關監督按照左

續編卷三

八

宗棠所定數目出給印票發交道員胡光墉等向洋商支解兌付山西解州一面將滙票解赴該大臣營提用所借銀兩自本年七月起分六箇月於各關稅項下撥還仍飭各該省藩司將應解甘餉按月撥交各關以清款項其餘息銀等項均著照所議辦理原摺著鈔給曾國藩等閱看另片奏江海關協濟甘餉請仍照原撥續撥數目每月解銀二萬兩或該省未能遵撥即於江南應解甘餉內劃撥二萬兩各等語即著曾國藩郭柏蔭遵照辦理其穆圖善月餉即由左宗棠撥給原片并著

鈔給曾國藩郭柏蔭閱看將此由六百里諭知曾國藩左宗棠吳桂吳棠瑞麟譚廷襄曾國荃馬新貽蔣益澧郭柏蔭并傳諭周開錫知之欽此

續編卷三

九

奏隨州追賊出境剋期入關摺

奏為隨州追賊出境行抵樊城屆備車馱剋期入關據實馳陳仰祈

聖鑒事竊臣三月十八日德安行營具奏行期未能迅速拜發後湖北撫臣曾國荃馳至德安會商長圍困賊之計維時捻逆全股麇聚天門鍾祥濱漢各處正圍偷越漢西曾國荃檄水軍扼其西與南陸軍扼其東永潞河阜市等處亦咨商劉典率所部由潯口出扼新溝惟舊口東北之京山宋河必待淮軍分紮正北之洋梓

續編卷三

十一

雙河必待鮑超之軍分紮然後長圍之勢可成賊趨舊口後日夜環伺百計偷渡均為補用提督左光培等師船擊卻曾國荃急請淮軍鮑軍速赴京山宋河洋梓雙河之約未幾淮軍統領四品銜郎中李昭慶率所部馳赴德安擬俟各營到齊進駐宋河而鮑超所部迄無進駐洋梓雙河之意賊既為師船所扼不能西渡懼官軍長圍速合不得脫也則折竄京山徐覓去路於二十四日令所部前軍進隨州二十五日率親兵各營繼之二十七日前軍由隨州進駐州西北淨明舖是日抵

隨州途聞賊於二十五日由洋梓竄入州西南之茅茨畝令偵卒覘之二十八日午後還報賊由茅茨畝竄至澧潭邊馬已到州城西之安居店二十九日臣飭親兵各營伺賊厲山店擊之臨發隨州知州潘亮功言土民倉卒聞警未盡入城愈懇臣軍緩發一日以順輿情亦念淨明舖諸軍文報忽隔厲山一帶必有賊梗賊由西而東厲山適居其中擊長蛇之腰防其首尾俱應且宜按兵俟之哺後都司丁大洋自東路探歸稱賊之大隊已至州東北三十餘里高城一帶其前隊到迤南

續編卷三

十二

十里萬家店在州城東四十里乃令各營蓐食進剿適得淨明舖各軍報是日午後賊馬數百窺營當經擊退即約令次晨亦由厲山東向擊之初一日黎明各營整隊疾進辰刻抵塔兒灣遇賊馬數百盤旋岡前忽見大軍倏至駭而奔須臾後股續由高城一帶紛至賊馬數千圍護賊眷輜重由山溝馳走以避鎗礮甫自溝尾樹林穿出即緊促民寨土垣急行官軍恐轟傷人民開花劈山各礮不及施放而賊已度險矣馬隊從南路逕追至萬家店北路各村賊館已空熟飯滿釜衣履滿地沿

途拋棄豬牛甚多悉募民收取聞東北山岡礮聲甚
緊知淨明店追軍亦到也未申之間收隊還營是夜接
淨明鋪各軍報知追賊情形與塔兒灣萬家店一路相
同捻逆一見礮車即絕叫快走略不回顧其馬力疲蹶
奔駛不速者經洋鎗叢擊人馬多斃或負創而逃約兩
路其傷斃賊人馬僅百數十而賊已向信陽一路竄出
矣初三日淮軍鳳營至隨州聞淮軍周盛波等亦至德
安臣遂於初三日取道棗陽前進初八日抵樊城是役
擊賊隨州棧寔可乘而斬獲獨少者緣臣創議獨輪車

續編卷三

三

架劈山礮抵制賊馬而以新練馬隊當賊步隊陣法新
變未審能否如意而諸將狂於剿髮逆故技沾沾自喜
恐其輕遠債事故嚴飭其初次接仗必加意審慎勿縱
擊窮迫為賊所算不料捻賊一見礮車即狂奔不止官
軍未能猛追多殺殊深慙憤也行抵樊城接劉松山黃
鼎等稟報涇陽之捷知陝捻將東趨同朝臣原擬取道
荆紫關入陝至是改議由潼關大路冀可迎頭截剿昨
據劉松山等稟報小壕大壕之捷餘賊由西北竄逸似
賊渡黃入晉之謀未息將由河津以北覓渡山西河防

僅恃臬司陳澍一軍而南北千里道遠力分恐難兼顧
臣已一面飛咨河南撫臣請速飭閩鄉防軍渡河而北
接防河津以南替出陳澍水陸各營移防河津以北期
臻周密臣行抵澠池陝州時偵察賊蹤如晉防周密即
取道潼關入同朝循河而北督同秦軍節節掃盡如捻
回或竟已過河竄晉則全局關繫甚重臣擬即率各軍
由茅津渡河先清晉省賊氛然後入秦專剿回捻兵機
因賊勢而生臣不敢以屢奉
諭旨坐鎮西安稍涉拘泥惟臣奉

續編卷三

三

命移督陝甘自三月至今因鄂捻披猖淮軍鮑軍未到
致愆師期又未能痛掃鄂氛以慰楚人之意茲復因逆
氛逼晉全局攸關又預思改道援晉先晉後秦跡類逗
留迄無以慰秦人之意是則耿耿此衷有未能自釋者
謹由驛馳陳伏乞

皇太后

皇上聖鑒訓示謹

奏 同治六年四月十八日

軍機大臣 字寄同治六年四月二十五日奉

上諭左宗棠奏隨州追賊出境行抵樊城雇備車馱刻期入關一摺鄂省軍情前據李鴻章曾國荃等奏各情形與左宗棠大略相同著李鴻章曾國荃懷遵迭次諭旨廣籌方略迅殄逆氛昨據曾國荃奏陳鮑超病症甚為靡系該提督患病以來所部各軍暫派宋國永統帶迭經有旨催令夾擊何至今未聞宋國永等與賊接仗若能移軍駐扼洋梓雙河何至賊踪亂竄著李鴻章曾國荃傳令鮑超速令宋國永等扼紮要隘聽候調度奮力剿賊如再貽誤必將宋國永等從重治罪鮑超亦不能辭咎也前據庫克吉泰等奏劉松山等軍前次獲勝賊勢已窮當諭該將軍等督飭各軍乘勝殄除并防竄

續編卷三

古

晉左宗棠節制晉省呼應始靈著隨時偵察賊踪會同趙長齡等加意防範相機掃蕩所陳取道情形朝廷不為遙制另片奏請飭催各海關速發印票等語已諭令曾國藩等迅速籌辦矣將此由六百里諭知李鴻章左宗棠曾國荃趙長齡并傳諭鮑超知之欽此

奏洋商借款請 飭催速發印票片

再 臣 此次行糧僅止五萬餘兩入關後軍餉專恃洋商

借款暫資接濟原議由山西解州運城匯兌取其距秦甚近足便取携見聞運城商銀尙充可多匯兌惟盼望各省速發印票交上海轉運局留閩道員胡光墉領取交洋商兌取現銀付與票商即可換取票商銀票至運城收兌 臣 軍有可指之餉自可迅速赴戎機倘須由晉截剿就近提用尤為便捷業經奏蒙 恩旨准行各省自當遵辦可否更請 飭催各督撫海關限令速發印票俾免稽延實於軍事大有裨益謹附片具

續編卷三

古

奏伏候

聖鑒訓示施行謹

奏 同治六年四月十八日

同治六年四月二十五日內閣奉

上諭另片奏請飭催各海關速發印票各等語已諭令曾國藩等迅速籌辦矣欽此

奏晉防緊要請調吉林礮手由綏遠城入晉助剿 片

再 臣 前奉

諭旨兼節制山西防軍山西撫臣趙長齡會緘商晉防
已責成臬司陳澍辦理防務可恃若別歸節制恐軍情
不無觀望屬臣無庸調度而陳澍書來亦言聞有叨降
諭旨撫臣久未行知臣不測撫臣意之所在但答云
聖意屢念河防原期兼顧不敢推諉併歸節制斷不紛
紜調遣總之於晉無損也茲正拜摺間復欽奉四月初
九日

寄諭晉省防務甚形喫緊趙長齡雖飭陳澍及蔣臨照
等軍分路嚴防而該省兵力未盡足恃且沿河一帶地

續編卷三

六

廣兵單守禦亦不敷分布若陝省無大枝致旅痛加截
剿勢將闖入晉疆貽誤全局左宗棠已由德安拔營著
卽趨程前進星速入關飭令各軍認真截剿毋令一賊
渡黃以保晉省完善之區欽此臣查晉省防務僅陳澍
一軍分布河津以南抵渭水入河之處止自龍門以北
近千里津涉甚多撫臣除咨委總兵蔣臨照分防外祇
委道員恒祐赴保德與臨一帶汪溥赴永甯及屬屬一
帶催辦民團誠如
聖諭地廣兵單守禦亦不敷分布也與思及此實可寒

心現在賊已由韓城郃陽北趨臣軍入關在賊之後不
但勢不相及而晉省北路河防未固卽能痛剿亦祇速
其東趨於事無益除飭秦軍劉松山黃鼎相機繞出賊
前遏其北竄飭陳澍俟豫軍渡河接防後卽移軍向河
津以北節節嚴防爲暫顧目前之計因思臣前奏調吉
林破手二千五百開練馬隊赴秦剿賊此時如已齊備
似可卽由綏遠城取道入晉助晉防剿屆時若晉省河
防尙未被賊闖入則由和林格爾托克托城清水河入
邊牆抵河曲縣循黃河東岸南下亦可壯晉省西北一

續編卷三

七

路聲威將來晉防嚴事由蒲州西渡入秦道路亦不迂
折惟所經無驛地方須由晉省遴派員弁攜帶銀兩籌
辦糧食麩料俾得進行伏乞
飭下山西撫臣屆時妥爲照料勿稍推諉又此項礮手
需遴員分統官階不必尊崇紀律必需嚴肅伏懇
聖明簡派曾經戰陣明練耐苦兩員分統西行庶便節
制是否如斯合併陳明伏乞

聖鑒訓示謹

奏 同治六年四月十八日

軍機大臣 字寄同治六年四月二十五日奉

上諭左宗棠奏晉省防務喫緊并請將前調吉林砲手
即行取道入晉等語前因左宗棠奏調吉林砲手交協
領喜昌管帶赴陝當經諭知富明阿等照料嗣據該將
軍等覆陳挑募不易已飭不必拘定二千五百名以昭
慎重其確數尙未奏報見據左宗棠奏催此項砲手馬
隊勢難再緩著富明阿富爾孫德英將砲手趕緊挑齊
喜昌尙未回吉著該將軍等先於曾經戰陣明練耐苦
力能約束者慎選兩員分起管帶入晉左宗棠片內所

續編卷三

六

稱砲手可由綏遠城取道入晉助晉防剿若賊未入晉
即飭知由和林格爾托克托等處入邊境抵河曲縣循
黃河東岸南下等語此項砲手若盡由邊外行走支應
甚難自應仍由山海關先抵直隸屆時察看山右軍情
再定所向非但支應較易且道途亦為便捷將來如入
晉境者趙長齡飭沿途妥速豫備俾利進行以備左宗
棠訓練驅策喜昌到吉後即迅飭前往毋再延緩檢回
來往同朝晉省岌岌堪虞所有山西軍務仍歸左宗棠
節制以一事權趙長齡務須和衷會籌不可先存意見

陳湜有防守黃河之責尤宜激勵所部實力嚴防毋得
貽誤將此由六百里諭知左宗棠等知之欽此

奏鮑超傷病難支片

再此次賊竄舊口官軍原可速合長圍困之曾國荃函
催鮑超戛止十有餘次鮑超總以傷病難支辭謝最後
僅令宋國丞等由樊城出紮四十里之大條岡聊以塞
責而曾國荃指紮之洋梓雙河迄無一兵駐紮前月二
十五日賊果由洋梓竄逸竊思鮑超以一兵丁累功擢
至實缺提督

續編卷三

五

錫封一等子爵

恩寵備至無以復加應如何激發天良勉圖報稱乃竟
以傷疾為由甘心失機擁兵不發屢蒙

溫旨慰勉並無愧奮圖功之念似此驕橫寔近今武臣
所僅見夫鮑超所藉以為詞者病不能戰耳其所自矜
自借者以從前臨陣遇勇受傷太重耳不知軍興十餘
載將士皆以鋒鏑餘生致身通顯如鮑超之創痕遍體
者何可勝數即鮑超所部將領臣所素知者亦寔不乏
其人古云擐甲執兵固即死也身為大將何可以此驕

人且鮑超所部馬步三十三營統領人員皆已保至提鎮鮑超所患雖重不能即戎亦應分遣各統將代已力戰以赴戎機豈可以一身之病束縛諸軍置時局於不顧臣前曾函告鮑超言其不可并於該軍統將絨牘中詳爲開示矣昨初八日行抵樊城接見該軍將領宋國丞等復以大義爲之陳說初九日臣往視鮑超病見其面色黧黑肢體厥冷病狀屬寔心煩憐之然念其此次貽誤則愚衷寔有難以釋然者詰責之間不覺聲色俱厲宋國丞等現已於十一日分統所部赴德安鮑超亦

續編卷三

三

於十三日坐船赴武昌養病連接曾國荃緘告捻逆又由信陽界折竄應山縱橫於漢黃各屬意圖由此竄皖淮軍統將本多皖人自當截其入皖宋國丞等分統鮑超所部馬步全軍由德安前進蹣跚追擊冀可爲湘軍之助與淮軍共收夾擊之功此賊若能於鄂境殲除則中原除一巨患鄂雖苦遭蹂躪而各省之保全者多矣可否請

旨飭下李鴻章曾國荃傳諭鮑超宣示

朝廷優容德意責其嚴飭所部奮勉圖功以道咎責庶

武臣之驕蹇不用命者有所憚而不敢任意妄行而朝廷馭將之道亦得矣至鮑超一軍所以能強者以所部文員多跂弛之士武職多粗厲猛起之才勇丁多桀驁不馴之輩不可一一問其由來惟鮑超能以不測之威馭之故有時得其死力然將來事平遣撤恐其中如叛勇黃矮子歐陽暉者不少矣臣於前手疏辭鮑超之歸臣節制并議減其人足其餉者以此然彼時但嫌其拙而未料其驕一至於此也其所以驕至於此者以同時軍務咸推其勇決賊亦實憚其威名故主兵之人每

續編卷三

三

遇賊悍事急輒爭欲致之以爲重耳其所以如此者蓋謂此軍本有戰功也其所以獨擅戰功者以賊強不輕戰兵少不肯戰其戰也又必以全軍併之一路雖所統至數千盈萬之多亦不肯分支故其軍馳驅往來之日多而接仗之日少其獲勝在各軍聚集之日多而獨當大股悍賊之日少也鮑超好自矜戰功報仗多夸張之詞有出人意外者主兵之人欲招致之非美其詞不可諛之而猶不應必且於章奏中逾分以優揚之於是鮑超之勇聞於天下而鮑超亦居之不疑氣矜亦日甚矣

臣識鮑超最早鮑超感臣頗深而其待臣亦恭而有禮
所以直揭其短者竊謂鮑超原可用之將能令歛其
驕橫之氣稍明義理猶可仰副

朝廷愛惜將才之盛德而鮑超亦得以功名終幸而鄂
患早平此軍似宜留於餉源稍裕省分分起妥為安插
庶免異患愚昧之見是否有當謹附片陳明伏乞

皇太后

皇上聖鑒訓示謹

奏

續編卷三

三

恪靖奏稿續編卷四目錄

奏督軍分道入關摺

豫陳辦回情形片

覆陳籌辦情形摺

奏分道入秦妥籌辦理摺

奏調祝增唐炯來營差委片

奏剿捻三勝截擊回逆歸巢摺

奏陳北路回情靖邊戡守片

遵 旨籌議山西河防事宜摺

續編卷四目錄

一

奏督軍分道入關摺

奏為鄂捻竄豫秦捻渡渭而南臣軍分道入關恭摺由
驛馳陳仰祈

聖鑒事竊臣於四月十八日馳報隨州追賊出境行抵
樊城雇備車馱剋期入關後二十一日劉典緘報師由
漢川新溝取道前來行至安陸府屬鍾祥縣豐樂河適
捻逆又由應城天門縣境竄踞天洋意將沿漢水東岸
上竄樊城賊騎已有越過安陸府者十七日劉典行抵
宜城縣隔岸十五里官莊地方飭各營結壘待之賊見

續編卷四

官軍列屯漢岸扼其去路旋即引卻十九日劉典回師
擊賊賊又於先日由洋梓向雙河竄棗陽之平林市臣
詢署安襄鄖荆道唐協和知黃龍壩峪山一帶為洋梓
雙河來路二十一日五鼓率全軍赴峪山唐協和率
五營赴黃龍壩截之二十一日未申之交臣軍抵峪山
中八條岡正築壘間唐協和馳報賊由洋梓雙河竄過
平林鮑超所部夜襲賊館頗有斬獲賊日夜狂竄午間
黃龍壩東十五里已見邊馬戍刻臣營東北兩面十餘
里均見火光臣飭峪山寨土民分起引大軍出謝家棚

張家嘴七里灣黎明過滾河直趨孟家集迎頭擊之二

十二日卯刻抵孟家集時賊已趨黃龍壩與唐協和所
部相持其前隊則已由北路竄去辰刻臣軍抵張家集
遇賊零騎逐之其與唐協和相持騎賊正思散隊猛撲
忽見大軍自張家集馳出塵氛蔽天遂捲旗撥馬而走
惟步賊落後為官軍追及正衝殺間騎賊馳回搶護官
軍馬隊從陣後衝出截擊賊不能支仍奪路狂竄官軍
馬步緊追至棋盤岡汪家集等處陣斬騎馬悍賊數十
名并長髮步賊百數十名其髮髮二三寸以下及手無

續編卷四

軍械者槩予免死奪獲馬騾數十拔出難民約千餘人
官軍惟馬隊二名帶頭等傷收隊還營二十三日辰刻
探報賊已由唐河踴淺過呂堰向新野竄去矣臣仍率
各營還樊城二十八日劉典率所部自官莊來會適接
山西臬司陳湜稟秦捻趨同朝經秦軍擊敗賊悉西竄
未嘗北趨河防無警私懷稍慰急催購雇車馱旦夕西
向臣抵樊時詢悉樊城車馱無多不敷裝運輜重軍裝
一因亂後馬騾多被劫掠物產大絀一因頻年兵差擾
累不堪車夫騾夫多致廢業一因車夫騾夫半多回民

頗以入秦爲苦比卽分遣差弁赴河南南陽新野唐縣
除旗店及老河口各處雇覓並飭地方官幫同照料兼
買民間車輛驢以期速集詎料鄂捻竄豫商民避匿
雖增雇購之價過市價倍餘尙少應者陸續湊併得大
車百餘送總兵楊和貴等營由呂堰新野赴南陽以追
鄂捻得馱騾百餘驢數十送劉典由老河口赴荆紫關
以防秦捻而臣之親兵營及總兵周紹濂中路各營中
書吳士邁之宗岳營則尙需陸續增添購雇其重費軍
裝先由水陸裝運新野俟臣到再飭地方官雇民間里

續編卷四

三

車按站遞送不致稍有擾累臣軍行資已因發給各軍
日食雇買車馱騾驢用盡又必催提後路糧臺協餉解
到乃可成行計俟協餉提到車馱取齊約尙須數日之
久由樊城抵潼關雖止十四站而步軍車隊每日需安
紮行營祇可行走六七十里以恤兵力不能求速需廿
餘日始可抵潼關與劉典由荆紫門出藍田之軍互通
聲息所有臣軍分起陸續進發情形謹據實馳陳伏乞
皇太后
皇上聖鑒訓示謹

奏同治六年五月十一日

豫陳辦回情形片

再此次陝西漢回讐殺事起細微因平時積疊過深成
此浩劫此時如專言勦無論誅不勝誅後患仍無了日
且回民自唐以來雜處中國蕃衍生息千數百年久已
別成氣類豈有一旦誅夷不留遺種之理如專言撫而
糜予曲救則良匪全無區分徒惠奸回而從前橫被戕
殘之數百萬漢民冤痛未伸何以服輿情而弭異日之
患竊惟辦理之法仍宜恪遵前奉

續編卷四

四

上諭不論漢回祇辦良匪以期解紛釋怨其樂
昇平其此次勾逆捻賊之逆回及肇衅滋事之奸回率
皆無業回民與漢之士匪游勇無異不但漢民讐之卽
良回亦未必甘心傾附如責令良回縛獻軍前懲辦或
帶引官兵尋蹤勦捕藉此區分良匪與衆棄之在同民
自解有詞在漢民亦可少蠲夙忿庶事理兩得其平惟
回民思歸故上目前求其安插周妥固已爲難後此冀
其耦居無猜尤非易事卽還詢之良回亦斷有難以釋
然者臣擬入秦後從容體察地方情形徐爲籌辦暫惟

加以兵威先將逆回痛予勦洗然後察回民乞撫之誠
偽別圖所以處之事前雖不拒其乞撫之請亦不欲率
允安插原地致後此竄蹤難行反損威信也愚昧之見
是否有當謹預為陳明伏乞

皇太后

皇上聖覽訓示遵行謹

奏同治六年五月十一日

軍機大臣 字寄同治六年五月十九日奉

上諭左宗棠奏督軍分道入關一摺劉典唐協和等軍

續編卷四

五

與鮑超所部在鄂省分路擊賊左宗棠亦親為策應將
賊壘次擊敗逼出鄂境現在逆股業已竄至東境左宗
棠正可迅速入關專辦張總愚一股該匪屢為陝軍痛
挫逆焰已衰左宗棠入關後與劉松山等軍會合夾擊
務將此股就地殄除不可令其竄入鄂豫又成蔓延不
了之局昨據庫克吉泰等奏稱捻匪被官軍在附省一
帶擊敗又復渡渭北竄逆騎飄忽異常劉典一軍仍當
由荆紫關趨赴藍田以防陝捻回竄武關之路毋稍大
意月片奏覆陳勦撫回匪事宜與喬松年前奏大畧相

同回民亦係朝廷赤子斷無盡行誅戮之理惟其中積
悍匪徒必先勦盡始可將良回分別招撫尤須月餘曠
土妥為安插勿令與漢民構衅方可久安所稱責令良
回縛獻逆回必令其導引官兵尋蹤勦捕俾漢民少蠲
夙忿之處辦理頗合機宜著俟入關時與喬松年妥為
籌辦將此由六百里各諭令知之欽此

續編卷四

六

覆陳籌辦情形摺

奏為遵

旨覆陳仰祈

聖鑒事竊臣與劉典分道入關及豫陳辦同情形業於五月十一日恭摺由驛馳奏旋因雇覓大小車輛略敷裝運輜重所迎提餉項亦到即於十三日啓行十五日次河南瓦店欽奉

寄諭有人奏練馬隊重賞格防要隘保完善四策所見不無可採著曾國藩等妥籌辦理逆騎飛竄靡常李鴻

續編卷四

七

章均當嚴密布置合力兜圍山西河防尤為緊要著左宗棠趙長齡督飭陳湜認真辦理並催陳膺福等迅速募勇赴防其防河各員應否就近歸陳湜調度著左宗棠趙長齡妥籌具奏原件著抄給閱看欽此同日又奉寄諭以任賴股匪由新野北竄張逆擾至盤鄂將由臨澗回竄豫省
飭李鶴年嚴防李鴻章督飭湘淮各軍追截英翰出境防勦劉長佑飭張樹聲籌辦河防丁寶楨擇要駐紮張逆由盤鄂趨臨澗

飭臣軍迎勦喬松年督同劉松山郭寶昌追擊先滅此

股勿任竄出與任賴等股復合敬釋

諭旨無微弗至臣勝欽服臣維山西密邇

京畿實資拱衛以形勢言之大河沿邊千數百里有險可憑騎賊雖多勢難投鞭飛渡惟道里修遠津渡處處可通禹門迤南至河渭合流之處恃有陳湜水陸各營分投防守其自禹門至北河曲保德州等處則漢綠營兵及團勇聊為點綴可恃與否不待煩陳臣前奏所以總總慮擬催吉林新募礮手循大河東岸南下入秦

續編卷四

八

者此也茲幸張逆大股已經劉松山等軍擊敗折而西趨河防無警禹門迤北祇防回匪又河流正盛偷越為難陳湜力可兼顧臣方率師西上行過澠池循河南岸亦可就近指撥是晉之河防已較前時少緩矣分防各員如歸陳湜調度呼應自靈惟各員既非擇能而使兵丁團眾又無足深恃即令歸陳湜調度鎮道能聽受節制亦似於事無益容臣路過時察酌情形與趙長齡從長計議再行陳奏逆首張總愚前由盤鄂東趨賊蹤已近臨澗旋聞關外大軍將到踉蹌西奔為劉松山所敗



現復踴淺渡渭向西北而走其急出寬路他竄無疑隴西荒瘠殊常北山屢經蹂躪此皆非賊所欲竄也臣軍出潼關可扼東竄河南之路劉典一軍出荆紫關可扼東南竄豫竄鄂之路惟南山各峪口可竄與漢以入鄂入鄂山路雖狹可通驟馬賊如鋌而走險亦所宜防臣昨臨發時得提督高連陞函報四月杪已抵長沙臣比函商請其到襄陽後溯漢水而上由鄖陽以抵沔陽之蜀河口登陸五百七十里北達西安如賊竄入興安漢中高連陞一軍可以迎勦屆時四川防軍提督周達武

續編卷四

九

亦可調其與高連陞會師以勦爲防也臣已緘商周達武矣就目前局勢而論張捻自經劉松山郭寶昌黃鼎勦敗後勢頗衰蹙臣軍三路並進足乘其微當不致任其竄出與任賴等股復合惟劉典已行抵荆紫關而臣軍取道潼關陸程多四百五十里高連陞一軍五月初旬由長沙啟行此時計已行過武昌由樊城過船沂漢而上至獨河口約在六月下旬未知均可到在賊前否耳臣惟有慎速圖之不敢遷延貽誤致失專機所有籌辦情形謹據實覆陳伏乞

皇太后

皇上聖鑒訓示謹

奏同治六年五月二十日

軍機大臣 字寄同治六年五月二十六日奉

上諭左宗棠奏覆陳籌辦防勦情形一摺並富明阿等奏勇丁起程分赴東陝請飭沿途接濟口糧車輛各摺片覽奏均悉陝省捻匪勢已窮蹙現復渡渭北竄左宗棠自應遵奉疊次諭旨迅速入關將此股就地殄除南山各峪口均與興漢可通尤當分兵堵扼以防捻匪折

續編卷四

十

武南山高連陞一軍著即催令迅由鄖陽一路赴陝以備速勦晉省河防仍著左宗棠妥籌兼顧所募砲手二千五百名現已據富明阿等奏稱如數募齊並勇丁自募長夫剋日起程每名雖給付五十日鹽糧而受募遠征函應體恤著都興阿額勒和布恩錫劉長佑趙長齡飭令經過地方官量加接濟以利進行其調赴山東之勇丁一千五百名餘丁一百五十名營官六十二員名並備差兵三十二員名均著沿途經過之將軍府尹督撫等飭令地方官協濟車輛以速進行需用車價准其



作正開銷所需勇丁整裝及留勇銀兩卽著照富明阿等所議辦理原片一件著抄給丁寶楨閱看將此由六百里各諭令知之欽此

續編卷四

十一

奏分道入秦妥籌辦理摺

奏為臣軍分道入秦抵關後詳察情形妥籌辦理仰祈聖鑒事竊臣與劉典分道入關啟行日期業經馳報臣率各營於五月十三日由樊城起行後天氣酷熱異常曷暑過征頗形沉瘁經過之處苦旱數月至二十四五等日大雨時行人心始定而途間積潦縱橫泥深沒輻車行殊不能速聞因避雨停程備極委頓六月十三日始抵陝州屬靈寶縣次日向稠桑驛以指閩鄉師行函谷之間兩面峭壁矗立一徑縈紆午後臣率各軍甫出

續編卷四

十二

谷口待後起輜重軍火未至申酉之交忽黑雲西起雷電交作頃刻大雨傾盆山溜暴發平地水深數尺後起車輛前者甫近谷口後者方自坂上迤邐而下適山衝過束水勢衝激車馬撞擊破裂至多押解之弁勇長顧短顧之車夫數十名及車騾均隨流漂出大河其中遇各營搭救得免者亦多被傷損而軍火輜重則十不存一矣幸各軍隊伍均攜軍械隨行在前礮車所載子藥毫無損失倉卒之際得以從容鎮定差免驚擾經理一日仍率所部次第啟行十八日行抵潼關駐營西關外

得劉典報十六日已抵藍田沿途勞苦情形正復相
似高連陞已於初四日行抵樊城其大隊均乘舟溯漢
而上值夏水盛發舟行頗遲計此時當可取齊拔隊而
西也捻逆屢為劉松山等所敗亟圖竄豫聞臣與劉典
大軍由東而來乃避竄渭北擾及同朝復為劉松山所
敗東阻大河為晉防水陸所扼現又返竄而西至蒲城
地境據劉松山營次稟報賊勢衰蹙人數不逾兩三萬
能戰者不過萬餘惟健馬尚多一賊數馬更替乘騎故
能騰忽如常現值伏暑時疫流行賊眾多病而官軍奔

續編卷四

吉

馳半載轉戰東西勞瘁萬狀染疫物故者多患病者亦
幾於十之二三矣陝回之敗遁甘肅者均乘捻逆之亂
絡繹回陝人數既多種類不一又有隨教之漢民及甘
省飢潰之兵勇附麗其間與之同惡相濟其蹤跡與捻
時離時合北山一帶遍受其擾此外又有土匪一種千
百成羣時出劫殺全陝境內已無完土臣駐潼關劉典
駐藍田暫資休息先遏賊出竄豫鄂之路一面偵察賊
蹤妥為調遣一面籌畫軍食調集軍需以免臨機停待
務將捻逆盡之秦中免致留毒他方又成不了之局捻

逆既平則辦理猶逆餘逆亦易為力矣謹會同幫辦軍
務三品卿銜臣劉典恭摺馳奏伏乞

皇太后

皇上聖鑒訓示施行謹

奏同治六年六月二十四日

奏祝壇唐炯來營差委片

再治軍以擇將為急而將領之才尤須就地甄拔冀其
習知山川險阻風謠民俗用其土著以辦近地之賊較
客軍尤能得力也是故教匪平而西蜀之將材出海寇

續編卷四

吉

平而閩粵之將材出則如近時江以南多用楚軍淮南
北多用淮軍此皆理勢所固然未庸強也臣自奉
命西征即立意訪求關隴人才與謀軍旅之事頃自鄂
豫入秦途間諮訪官紳如盛運使銜直隸候補道祝壇
吏幹將才為中州一時之冠雖經曾國藩劉長佑前後
保薦迄未能少盡其長而聞實相符實有未可終掩者
該員年齒方壯意氣發舒當其任事時未免有吐棄一
切之概其不為時流許與固在意中然細考其致謗之
由則有謂其恃才而矜者偏聽而誤者至於才堪慷慨

操守謹愨則同時無異詞焉臣竊以為時局艱難需才孔急人才難得自古已然有才如此正時所需而必過於吹求以一眚而掩其大德無怪持祿養交貌為謹厚者得以取容於一時而志節之士末由自振也祝壇治軍之才用之豫中已見端緒其藉隸陝西於故鄉風土人情尤所熟習聞其在曾國藩李鴻章軍中充當營務處未盡其用此時未知是否隨營抑回直隸候補應請飭下欽差大臣湖廣督臣李鴻章直隸督臣劉長佑查明監運使銜直隸候補道祝壇現在何處令其迅赴臣

續編卷四

去

軍差遣於治兵開屯各大政必有裨補又四川即補知府唐炯志堅識卓沉毅有為曾游秦中習其土俗應請旨交臣差遣委用以資臂助謹附片具

奏伏乞

聖鑒施行謹

奏

同治六年六月二十四日

軍機大臣 字寄同治六年七月初一日奉

上諭左宗棠奏各軍分道入秦抵關後妥籌辦理一摺左宗棠所率各軍冒暑遠征頗形勞瘁而於甬谷倉卒

之際得以從容鎮定覽奏甚慰捻逆疊經追勦其勢已衰正可乘機翦滅著左宗棠即督飭劉典各軍嚴密兜擊悉數殲除肅清陝境毋令出竄豫鄂復肆蔓延高連陞所部已溯漢西上並著該大臣及早迎提以厚兵力至所稱陝獨及勇兵土匪擾害情形均著隨時妥籌辦理片片奏請調員差遣等語直隸候補道祝壇已諭知劉長佑催令前往如向在李鴻章軍營著即飭令赴陝四川即補知府唐炯著歸秉章飭赴左宗棠軍營聽候差委將此由六百里各諭令知之欽此

續編卷四

去



奏勦擒三勝截擊回逆歸巢摺

奏爲官軍追勦擒逆三獲勝伏猖逆同時內犯各路官軍分道截擊遁歸老巢現籌辦理情形恭摺馳奏仰祈

聖鑒事竊擒逆自渡過渭北後盤旋於蒲富高渭之間以其地勢平坦利於馳驟也六月二十九日廣東提督劉松山記名總兵郭寶昌按察使銜留陝補用道黃鼎探賊盤踞蒲城東北高閣馮家村萃莪村一帶會商出隊擊之劉松山等行至張村郭寶昌率所部由洛河來

續編卷四

七

會七月初一日郭寶昌由東路進甫至富安村見村中賊騎已滿不知官軍倏至半在村外掠食未歸郭寶昌遽起掩之村外之賊飛奔迎拒郭寶昌擊敗之賊之在村內者已爲總兵孫立士擊敗四竄副將王立洪遊擊王鳳鳴都司宋喜元等率馬隊分馳截殺賊向蒲城狂竄官軍追之適劉松山黃鼎大隊從南橫截而出合隊追至蒲城西雙家埠羅家莊屈家村一帶收隊初二日寅刻復三路進剿行十里許即與賊遇擊敗之午刻追至興市鎮賊向富平竄逸初三日寅刻劉松山李祥相

等由中路黃鼎山左路利隊而進郭寶昌由右路依山而進帶領馬隊之副都統全福總兵楊世俊張會元等兩翼列陣後備抄襲行八里許聞右路礮聲趕劉松山等督中路急進至索家村遇賊大隊擊賊之追至昌甯村適郭寶昌黃鼎已將左右兩路賊擊敗賊亦歸併一處是處地勢坡陀逆遷溝坡縱橫賊騎不能馳騁劉松山等數路并進蹙之火械迸注電掣星流賊陣大亂劉松山飭所部衝入賊中縱橫盪決立斃長髮悍賊二百餘名騎賊狂竄不復抗拒郭寶昌復從右路追至各

續編卷四

六

軍馬步合追三十餘里至富平之何家莊收隊黃鼎料賊連日狂竄人倦馬乏當乘其疲是夜三更選壯士二百餘親率以行甫至九郎廟遇守卡賊約二十餘人臥地酣睡殺之黃鼎率數十人伏卡外令勇丁先進潛襲張家堡堡門洞開勇丁跳入亂刃斫殺賊驚駭狂竄黃鼎率數十人馳至截殺之乘勢殺入張家廟賊紛紛由堡後跳牆走黑夜顛墜死者不知其數賊大隊之踞前村者嗚嗚三似號召其眾者頃刻馬賊步賊喧呼甚急天色漸明黃鼎率所部還此六月二十九日至七月

初三日各軍追擊擒獲賊之實在情形也計是夜其斃髮捻近三千名生擒五百餘名內有賊目陳允發施見文屈中喜趙啟新徐似虎張老么等數十名並賊首李傳新楊五等妻子奪獲馬騾驢近千匹賊由富平西鼠臣松年檄統帶靖安五營記名提督陝安鎮游擊劉效忠趨三原涇陽扼之初六日賊遂鼠至三原城北五里之土官村劉效忠擊之斃悍賊八十餘名生擒十三名奪騾馬四十餘匹賊仍西鼠初七日賊騎已薄臨涇河沿道連日大雨涇水漲發賊屯路河沿一帶希圖水

續編卷四

七

落西渡忽聞官軍自後追至初八日急傍北山斜出折而東趨比官軍初十日馳至則賊之尾隊亦去盡矣十三日回鼠三原掠縣城而過劉效忠躡追至雒家堡副將銜參將張心揚路扶劉維善謀中賊伏力戰死之陣亡勇丁五十六名失馬七十一匹是日捕開賊前隊已鼠過高陵縣沿渭水北岸晝夜東鼠劉松山等追至高陵候糧未至而距賊已遠賊騎我步勢難追及臣宗棠以狡賊明知大河前橫而東趨甚速殆以官軍每次追賊皆尾賊而行意欲俟官軍悉東乃乘虛折而西趨以

逞其兇渡涇渭之計比賊致劉松山賊已去遠勿躡賊窮追致疲兵力即改道由富平出蒲城變尾追為迎頭較為得勢一面飭提督銜總兵楊和貴總兵周紹濂周金品率所部馬步各營由郃陽朝邑回軍之便馳赴華州臣劉典督所部五營及總兵劉端冕前路各營由藍田進駐臨潼與華州各營遙相聯絡皆憑渭結營扼賊南渡渭水飭劉效忠馬步五營移駐涇水西岸扼賊西渡涇水新授甘肅提督高連陞率所部十九日行抵藍田現今其休息數日俟軍裝輜重取齊即由藍田進駐

續編卷四

二

咸陽南岸擬俟賊蹤漸西臣宗棠亦即率親兵各營前進督勦其臨潼咸陽各軍屆時當架浮橋跨渭南北隨賊所向擊之此布置大略情形也至陝獨之逃入甘肅者自捻逆入陝後值官軍戰事方殷遂肆披猖分股入犯西路則甘肅靜甯州消河莊逆首李得倉一大股由甘肅華亭縣擾及鳳翔府屬龍州七月十一日鼠至州境宰相莊一帶旋於十四日由甘肅靈台鼠至鳳翔府屬之麟遊縣境招賢鎮白馬坊同時分股鼠汧陽縣屬之高崖麻夫站均由各州縣督團擊退歸巢西北路一

股則由甘肅甯州官河等處竄擾三水縣境土橋七月
初三日前記名提督譚玉龍擊之斃賊百餘名奪驃馬
二十餘賊竄清化縣境二十里原管帶勝字三營候選
同知秦國輔扼之賊退紅土圪塔譚玉龍收隊適由鎮
頭堡馳至夾擊賊遂紛潰由石門關遁回正甯縣屬之
馬攔鎮等處老巢此股賊數不過千土匪漢狗雜湊其
間勢不甚悍也北路則狗匪土匪合併一大股狗匪以
甘肅合水縣太白山及鄜州屬之王家角槐樹莊為老
巢匪目之最著者為陳陽和馬義和擁眾數萬土匪有

續編卷四

三

新營老營兩股老營匪首為董福祥新營匪首為扈正
疇時出沒於保安安塞扶峪及新集老集董福祥扶定
邊集各處無一定巢穴幸記名提督西林巴圖魯劉厚
基以馬北七營之眾分布鄜州中部洛川以及鄜州之
張村驛任家台甘泉縣之道左舖等處隨時堵剿鄜州
頗以粗安東北路一股則匪由甘肅慶陽而來匪首一
為馬長順一為呂得彥擁眾萬餘以北山董子原黃龍
山為巢穴自六月由洛川擾及澄城韓城兩縣撲城掠
野竄郃陽縣百良堡進擾兩女鎮一帶勢更披猖駐郃

陽之守將記名總兵李南華不能禦七月初五日賊離
擾至朝邑縣境謀報賊方運木赴夏陽非圖樹柵作巢
卽為結筏渡河計臣宗棠立飭總兵楊和貴周紹濂周
金品等率馬步各營由三河口渡渭勦之適初六初七
等日大雨如注河渭同時并漲風濤洶湧浮橋中斷者
再致愆師期比抵朝邑賊已聞風鼠竄十二日楊和貴
等追至露井兩女鎮一帶則賊已悉數遁歸黃龍山老
巢矣臣宗棠以賊蹤去遠追弗能及而捻逆又有折竄
東路之耗令楊和貴仍回三河口老營聽調現飭由華

續編卷四

三

陰華州進剿此各股狗逆乘機肆擾旋復遁逸之大略
也竊維陝省全局之患在捻與狗以賊勢論回狡而捻
悍狗散而捻聚以賊情論狗之通捻圖藉捻以抗拒官
軍遂其剽掠捻之通狗圖藉狗以牽制官軍使其縱橫
益狗逆意在亂秦捻逆意在竄豫彼此各有所圖兩不
相喻盜賊羣居無終日之計故旋合而旋離也官軍之
討賊也宜先捻而後狗蓋捻強於狗捻平則狗益震一
也捻在秦不過秦之患竄豫則中原之患兩害相形在
秦為輕又一也捻聞大軍自潼關荆紫關分道而來避

竄渭北其曰鼠鄂豫之念未嘗忘意俟大軍進至渭北乃乘間南渡得以善脫耳故勦擒又非先扼渭水村其偷渡不可臣宗棠前飭臬司陳澧就晉局代造師船一時未能應手暫飭陸軍分段駐紮一面搭架浮橋期期北渡截勦惟渭水漲落不時自三河口以抵咸陽五百里間可偷渡之處尚多咸陽以上蓋屬郿縣一帶水勢更小處處皆可涉淺而過陸軍萬難分布祇可臨時相機調遣隨賊所向截之并一面飭西安漢中鳳翔三府各飭所屬豫將郿縣寶雞毘連各隘口路運扼塞以免

續編卷四

圭

紛竄而昭周密所有辦理情形謹合詞馳陳伏乞

皇太后

皇上聖鑒訓示謹

奏 同治六年七月二十七日

奏陳北路回情靖邊失守片

再七月初十日 臣等欽奉

寄諭裕瑞桂成奏調蒙兵分防請調山西兵勇協防一摺陝省獨逆肆擾歸綏毘連邊隘在在應防擬條梁為山陝門戶現有另股滋擾著左宗棠喬松年等迅飭體

兵員并就地殲除毋令鼠及晉疆並將該處防務嚴密布置務臻妥協欽此 臣喬松年旋於十六日接延綏鎮陶茂森轉據延榆綏道雷壽晉六月十四日靖邊縣報賊匪圍攻縣屬張家溝當即飛咨駐紮延安之記名提督胡世英迅撥官兵由保安馳勦二十日據懷遠縣報山西解餉委員朱守正十六日管解餉銀行至石渡口驛詢據難民聲稱靖邊縣城已於十五日失守賊約二千餘人十六日分股竄擾鎮靖堡道路梗阻隨將餉銀折回查懷遠雖有波羅營兵百名防守勢力俱單陶茂

續編卷四

四

蘇比飭綏德防勦之右營遊擊李允芳帶領所部官兵五百十四員名由雙湖峪孫家灣至懷遠一帶進勦其進勦情形尚未據陶茂森續報裕瑞桂成所奏另股滋擾當即指此查靖邊懷遠地在陝西極邊西接甯夏東界榆林北倚邊牆南連北山為甯夏通歸綏孔道延榆綏兩府一州素稱荒遠中隔鄜州慶陽府所屬各縣地境本為回匪出沒之所聲息間隔著督 臣穆圖善前調記名提督胡世英統領英禮等十營駐紮延安相距最近兵力較厚此時就近調撥惟此軍為宜該提督自移

駐延安以來於軍事全不經理前此保安塞告急時
府縣稟請救援該提督推稱該軍應候穆將軍調遣迄
無派撥臣宗棠於七月初三日照飭該提督查明實在
情形及曾否赴援呈覆未接該提督覆到風聞該提督
所部英禮各營亦多逃潰七月十四日奉
寄諭穆圖善奏賊撲延安郡城官軍進剿獲勝臣等細
查并無其事胡世英如何朦稟穆圖善致穆圖善據以
上陳殊堪詫異除再檄飭相機援勦外應請
旨飭下穆圖善嚴飭胡世英就近相機馳勦毋任藉詞

續編卷四

三

誘延嗣後呈報軍情應並呈報臣等俾得互相稽核庶
免朦蔽貽誤理合據實附陳伏候

皇太后

皇上訓示施行謹

奏 同治六年七月二十七日

軍機大臣 字寄同治六年八月初四日奉

上諭左宗棠等奏官軍勦捻疊勝並徇逆同時內犯各
軍分道擊退及現籌辦情形一摺捻逆盤旋渭北經
劉松山等軍分道追擊一敗之於昌甯村再敗之於張

家廟賊鋒大挫其竄至三原之賊又經劉效忠擊敗由
高陵一帶東竄左宗棠現令劉松山由富平前進易尾
追為迎頭並飭劉端冕由藍田進駐臨潼與華州各營
憑渭扼賊均能洞見賊情著即會同庫克吉泰喬松年
督飭劉松山高連陞等乘聲威合力兜勦迅掃狂氛該
逆意圖南渡應如何規賊扼擊之處並著隨時布置徇
逆土匪乘隙四擾實以撓亂官軍著檄飭譚玉龍劉厚
基各軍務於宜君甘泉等處加意防範毋得稍涉疎虞
致剿捻各軍為賊所掣盪臣等及寶雞各峪口

續編卷四

三

該大臣等務當先事嚴防以遏旁竄延榆綏各屬為徇
匪出沒之所防務實關緊要前據穆圖善奏賊撲延安
郡城經總兵胡世英督隊進剿獲勝甚多茲據左宗棠
等奏稱保安塞告急時胡世英並未派兵往援等語
是前次勝仗該總兵顯有捏報情事著穆圖善按照左
宗棠等所奏據實查明奏參毋許瞻徇以後該處軍情
該署督等務須互相知照以杜弊端左宗棠等原片著
抄給穆圖善閱看將此由六百里各諭令知之欽此

遵旨籌議山西河防事宜摺

奏為遵

旨籌議山西河防事宜仰祈

聖鑒事竊臣宗棠前奉

諭旨山西河防尤為緊要著左宗棠趙長齡督飭陳湜認真辦理並催陳膺福等迅速募勇赴防其防河各員就近歸陳湜調度著左宗棠趙長齡妥籌具奏欽此臣宗棠覆奏俟路過時察酌情形與臣長齡從長計議再行陳奏茲抵潼關陳湜過河來見連日晤商一切據陳

續編卷四

三

湜言西路上自保德州起下至龍門口止計程千數百里原責成總兵蔣臨照馬升分段防守惟渡口甚多僅止營兵團勇散布分防實不足恃此時河流咸漲防範尙易一交冬令水橋凝結河身窄狹灘石縱橫全資陸軍憑岸堵截乃可無虞而河岸綿長非預調久經戰陣營哨各官添募勁卒數千聯絡一氣分布其間難言確有把握其保德河曲迤北邊外河岸地屬綏遠歸化轄境西通甘肅甯夏地勢遼濶斷非內地防軍所能兼顧夏間曾有西路回民乘坐大艤船至包頭地方登岸潛

入歸綏一帶商民驚疑之事現正密檄查辦此路防務不可不嚴其龍門迤南至蒲州風陵渡一帶水陸兼防似尙周妥現已加製礮船四十安置下游垣曲一帶倘再於三門以上增設礮船數十號合現有之船分布西南沿河庶山西內地河防一律鞏固矣臣等察陳湜所陳河防情形至為詳盡山西幅員南北長而東西稍狹大河自西北來至綏遠歸化所轄之薩拉齊邊境始折而南入邊歷河曲保德興臨永甯石樓永和大甯吉州鄉甯河津榮河臨晉各州縣境以抵蒲州均與陝西接

續編卷四

三

界東岸為晉西岸為秦自蒲州之風陵渡陝西潼關折而東趨歷虞鄉芮城平陸以抵垣曲均與河南接界北岸為晉南岸為豫自垣曲而東為河南濟源縣自是大河南北兩岸始隸豫轄矣就山西全境河防而言應分為三段一自歸綏所轄起至河曲縣保德州止為西北岸一自永濟起至垣曲止為南岸就三段而言西岸道路絲長津渡至多與陝西同州延安綏德各屬地址緊連為捻獮窺伺之所較南岸為尤重陳湜以水陸數千之

軍自禹門以下節節設防原屬難敷分布幸創製礮船與陸軍相依足省人力而南方勇丁生長澤國使船善於使馬用之憑河設守較北人為宜惟自禹門以上河狹灘多山西弁兵鮮經戰陣勇既不足恃倉卒調集又恐人數不齊不如由陳湜遴選營哨之才回南選募較有實濟除長齡前飭陳膺福速募千人外應令增募一千名交陳膺福統帶再加製礮船三十號并由陳湜於現在防營五千人內酌留數營防守西岸迤南及南岸一帶再派弁回南增募勁卒三千人與西南騰出

續編卷四

元

各營派赴禹門以上節節設防至保德河曲境而止其保德河曲河岸併責成大同鎮總兵馬升就近派該標將弁兵丁協防歸陳湜節制陳湜應於汾州一帶擇地駐紮居中調度凡屬內地防文武兵勇槩歸陳湜節制調遣如有粉飾疏忽抗玩軍令者由陳湜稟知等據實奏從嚴懲辦以昭儆戒庶情聯指臂隱若長城而河防可期永固矣其南岸垣曲以下接河南界若河南亦仿造礮船百餘號自濟源境起延紮至直隸界上與山西水師相連下與直隸水師通氣則為河南計可

以屏蔽懷慶衛輝彰德三府地方為山西計可以省東面數郡陸路之防兩省均得其益而合晉豫以重全河形勢拱衛

畿輔尤足以建威而銷萌是所費者小而所益者大可否仰懇

天恩飭下河南撫臣速製礮船一律設防之處出自聖裁至山西增募水陸勇丁月餉頭增兩萬有餘而船砲軍裝一切製造之費均須預籌晉省悉索已空原難設法惟事在必行即多費亦有所不敢惜况前此疊蒙

續編卷四

三

天恩四年允減京餉三十萬兩去年又

允減京餉三十萬兩

高厚宏施軫念完善地方實已無微不至即舉此項辦理防務亦固其宜現在署山西藩司胡大任素顧大局又與陳湜力圖共濟艱難自能妥為料量應否如斯辦理之處伏候

聖明酌度施行其由保德河曲以抵西北邊外薩拉齊廳一帶河岸漢蒙回商民雜處其間亟應嚴密防範除由長齡咨大同鎮總兵飭歸綏道親赴各渡口察看

情形妥籌派撥嚴密防守設卡盤查以昭慎密惟地處邊外距省為遠所有緊要機宜若待往返諮稟深虞延悞應請

飭下綏遠城將軍就近督辦防務該鎮道等統歸將軍

節制以一事權是有當理合會銜馳

奏伏乞

皇太后

皇上聖鑒訓示施行謹

奏

續編卷四

三

軍機大臣 字寄同治六年八月初二日奉

上諭左宗棠趙長齡奏遵議山西河防事宜一摺山西

河防經左宗棠行抵潼關與陳湜晤商籌畫分段設防

情形尚為詳盡惟地段綿長必須擇要扼堵水陸相依

方足以昭嚴密著該大臣傳知陳湜悉心經理力保晉

疆不可稍涉疏懈一應增兵籌防各事宜均著照該大

臣等所議辦理其保德河曲河岸即責成馬升就近派

該標將弁兵丁協防歸陳湜節制並著飭令陳湜於汾

州一帶擇地駐紮居中調度策應凡屬內地文武兵勇

概歸陳湜節制調遣如有粉飾疏忽抗玩軍令者即由

陳湜稟知左宗棠趙長齡從嚴參奏南岸垣曲以下界

接河南著李鶴年仿造礮船百餘號選派員弁駕駛自

濟源境起延紮至直隸界上與山西水師相連節節布

置以期周密至山西增募勇丁月餉及船礮軍裝一切

製造之費著趙長齡責成署藩司胡大任籌款舉辦毋

誤事機保德河曲以抵西北邊外薩拉齊廳一帶河岸

漢蒙回商民雜處防範宜周前因甘肅回民有赴歸化

購買馬匹軍裝偽造文書護照情事當經諭令裕瑞桂

續編卷四

三

成一體防範著該將軍等慎遵前奉諭旨實力督辦所

有在防各鎮道等均歸該將軍節制以一事權將此由

五百里各諭令知之欽此

恪靖奏稿續編卷五目錄

奏勦辦陝西北路回土各匪大勝摺

勦擒獲勝現檄各軍大舉截勦摺

請 飭催曹克忠速赴陝甘仍統舊部片

奏甯條梁被陷米脂被擾自請議處摺

甘省糧餉奇絀援案請辦米捐摺

請 賞給劉厚基母氏蔭枝珍藥片

續編卷五目錄

奏勦辦陝西北路回土各匪大勝摺

奏為勦辦陝省北路回土各匪攻克安塞縣屬橋扶峪

馬家莊老巢大獲勝仗殲擒要逆恭摺馳

奏仰祈

聖鑒事竊陝省北路廊延一帶回逆土匪勾結肆擾老

營土匪董福祥新營土匪扈正喜兩股出沒甘肅慶陽

甯州交界之華池及陝西安塞之橋扶峪等處其盤踞

橋扶峪新莊口方家河下寺灣陳家紙坊王家坪張河

灣石門子等處者逆首偽大元帥張幅滿偽副元帥李

續編卷五

雄安擁眾萬餘人仿照官軍編立哨隊犄角分踞連結

回逆招納叛勇實為延廓大患張幅滿者曾與董福祥

扈正喜歐狗兒等攻陷安塞甘泉二縣城本係稽誅巨

逆現復潛約回土各匪謀於七月二十五日攻延安府

城記名提督西林巴圖魯劉厚基於府村道左鋪兩捷

後軍威頗振張幅滿等將家屬輻重悉寄匿距橋扶三

十里之馬家莊以悍賊數千守之七月十二日劉厚基

分撥所部一千六百餘人留防廊州中部及廊州西南

之張村扼其內竄之路即調集所部前營中營衛營副

中營及虎威馬步小隊進勦橋扶正拔隊間橋扶之賊分股突竄距甘泉縣廿五里之勞山一帶署知縣魯學浩派令團勇堵勦深入中伏陣亡弁勇四十餘人劉厚基聞報卽飭中衛兩營星夜馳援並催副中營兼程前進十三日齊抵甘泉十四日派隊迎勦擒斬悍賊百餘名餘賊越山而遁劉厚基飭魯學浩籌辦轉運定計十六日進攻橋扶行至石門子地方賊數百人正在掠食提督劉聲集揮軍掩擊擒斬百餘名賊潰走劉厚基督隊乘夜疾行六十里襲破王家坪下灣陳家紙坊各賊

續編卷五

二

巢沿途斬敵甚衆潰賊墜岩落水死者不可數計十七日回土各匪紛紛渡河來援劉厚基派總兵王雲孚參將劉厚填都司梁得勝等以一營設伏山溝一營向前進擊鏖戰數刻賊始敗北伏兵齊起陣斬悍賊數百梁得勝襲創追斬賊目石姓並生擒逆黨貳百餘名十八日五鼓劉厚基傳令各營出六成隊冒雨進攻橋扶峪距峪十餘里張幅滿率悍黨數千抗拒劉厚基派撥隊伍緣崖循河分路並進親督小隊居中迎擊以數騎往來誘敵伺賊深入三路掩殺賊眾大敗我軍乘勢躡追

立將橋扶峪老巢毀殺賊黨百餘名餘賊狂竄馬家莊一帶我軍築壘葺舍整隊復進連破新莊口方家河賊壘數處乘勝直抵馬家莊該處依山傍水賊浚濠樹柵爲負隅計悍賊列隊柵外鎗矛林立並於隔河石猴子地方排列九節大砲數尊向官軍轟擊迭傷弁勇十餘名我軍佯示憊息密傳號令一鼓齊上喊聲震天遊擊田玉廣首先陷陣砍紅巾賊數名遊擊李作福鄧登科率馬隊從後包抄劉聲集王雲孚劉厚填及副將戴貴品朱楚文遊擊王賢俊千總余國弼等率隊伏前面

續編卷五

三

河干梁得勝及副將黃超羣都司張正喜千總甘彰輝等率隊繞出山後截其竄路劉厚基督同府經歷梁以恭縣丞馬樑臣升川王簿袁文炳等往來搏戰先以開花砲轟散隔河之賊該逆猶死拒不退逞兇撲鬥參將賀萃其千總張文彥李興藻把總黃良弼外委王佐暨馬步勇丁趙大生等均受傷陣亡我軍愈接愈厲鏖戰兩時之久劉聲集挺刃大呼衝入賊隊各弁勇蜂擁繼進李作福等從後路襲殺前後夾擊賊屍遍地該逆勢已不支急奔回柵我軍一擁殺入偽大元帥張幅滿攜

家屬二十餘口投河死悍賊復結隊衝出樸河洄竄水
大溜急悉數淹斃積屍順流而下不下數千其由寨後
逃出者又爲梁得勝黃超羣等截殺生擒偽副元帥李
雄安僞統領梁可材楊占彪僞營官趙萬勝鄭朝忠等
三十餘名賊黨千餘名搜獲象牙刻順受天歸四字偽印
一顆大帥旗二桿餘賊漏網無幾向西北竄逸奪獲騾
馬牛羊器械無算旂幟刀矛拋棄滿河數十里不斷賊
巢一律焚毀劉厚基收隊回駐橋扶峪提訊生擒各賊
中有作官軍裝束者訊係總兵胡世英所部英禮營訪

續編卷五

四

拿未獲之叛勇計一百八十五名與著名要逆李雄安
等七百餘名一併正法其餘脅從並婦女老弱概給免
死護腳賞以所獲牛羊遣回本籍劉厚基訊知回士各
匪有二十五日糾約暗襲延郡之說回軍甘泉以備不
虞是役也記名提督西林巴圖魯劉厚基以二千人破
賊眾萬餘數日之間轉戰百餘里所部將士久駐北山
迭著戰績此次更能不避艱險搗穴擒渠勞績昭彰未
可掩抑所有尤爲出力之記名提督劉聲集應請
賞給該員父母一品封典副將黃超羣戴貴品朱楚文

均請

賞加總兵銜黃超羣戴貴品並請

賞給勇號恭將劉厚填請以副將仍留四川補用並

賞給勇號遊擊田玉廣李作福請以副將儘先補用遊

擊王賢俊藍翎都司梁得勝鄭登科均請以參將儘先

補用梁德勝鄭登科並請

賞換花翎藍翎都司張正喜藍翎守備余國弼均請

賞加遊擊銜並

賞換花翎藍翎千總甘彰輝請以都司補用並

續編卷五

五

賞換花翎把總梁德華許嘉陞焦玉琴均請以守備儘

先補用梁德華焦玉琴並請

賞戴藍翎許嘉陞請

賞換花翎守備功梁榮榮姚發義均請以千總儘先拔補

並

賞戴藍翎候選州同鄧鍾衡前擊獲陷城首逆歐狗兒

此次隨克堅巢出力請免選本班以知州留陝儘先補

用補缺後應升之缺升用藍翎留陝縣丞馬燦臣隨攻

堅壘生擒逆請以知縣仍留陝西儘先補用並免交

分發銀兩候選府經歷梁以恭督隊衝鋒殲擒要逆請以知縣儘先選用並

賞戴藍翎升用主簿儘先選用從九品袁文炳每戰爭先不避矢石請以縣丞儘先選用並

賞戴藍翎其力戰陣亡之參將賀羣其千總張文彥李興藻把總黃良弼外委王佐應請

敕部議卹以慰忠魂其餘在事出力各員并可否查明彙案保獎之處出自

天恩所有攻克安塞縣屬橋扶峪馬家莊賊巢大獲勝

續編卷五

六

伏願擒要逆緣田謹合詞繕摺馳

奏伏乞

皇太后

皇上聖鑒訓示施行謹

奏 同治六年八月二十六日

同治六年九月初二日內閣奉

上諭左宗棠等奏官軍攻克安塞縣屬橋扶峪等處賊

巢殲擒要逆請將出力文武員弁獎勵一摺陝西鄜延

一帶回逆土匪肆擾勾結逆首張幅滿逆匪董福祥鳳

正喜等股紛擾安塞縣屬橋扶峪新莊口等處地方並招納叛勇謀攻延安府城經提督劉厚基於府村道左舖擊敗張幅滿將家屬輜重寄匿馬家莊分股四竄劉厚基於同劉聲集掩擊賊眾潰走復襲破王家坪下寺灣等處賊巢沿途斬獲甚眾回土各匪來援復經劉厚基設伏進剿追斬城目一名生擒逆黨二百餘名該逆率黨抗拒官軍乘勢躡追立將橋扶峪老巢踏毀連破賊壘多處馬家莊踞賊開砲向官軍轟擊遊擊田玉廣首先陷陣連砍紅巾賊數名劉聲集等分路抄襲奮勇

續編卷五

七

兜擊賊勢不支官軍一齊擁入偽大元帥張幅滿攜其家屬投河身死賊黨泗水淹斃者不下數千並將偽副元帥李雄安等三十餘名及叛勇一百八十餘名擊獲正法剿辦甚屬得手所有在事出力之文武員弁自應量予恩施以昭激勸記名提督劉聲集著賞給該員父母一品封典副將黃超羣戴貴品朱楚文均著賞加總兵銜黃超羣並賞給捷勇巴圖魯名號戴貴品並賞給勝勇巴圖魯名號參將劉厚填著以副將仍留四川補用並賞給猛勇巴圖魯名號遊擊田正廣李作福均著

以副將儘先補用王賢俊等三員均著以叅將儘先補用內梁得勝鄧登科並賞換花翎都司張正喜等二員均著賞加遊擊銜並賞換花翎千總甘彰輝著以都司補用並賞換花翎把總梁德華等三員均著以守備儘先補用梁德華焦玉琴並賞戴藍翎許嘉陞並賞換花翎軍功梁肇榮等二名均著以千總儘先拔補並賞戴藍翎州同鄧鍾衡著免選本班以知州留於陝西儘先補用補缺後以應升之缺升用縣丞馬樑臣著以知縣仍留陝西儘先補用並免交分發銀兩府經歷梁以恭

續編卷五

八

著以知縣儘先選用並賞戴藍翎從九品袁文炳著以縣丞儘先選用並賞戴藍翎陣亡之叅將賀羣其子張文彥李興藻把總黃良弼外委王佐均著交部照例議卹以慰忠魂其餘出力各員著准其彙案保奏毋庸冒濫片片奏請將運糧出力暨中伏被戕各員分別獎卹等語署陝西甘泉縣知縣湖北試用通判魯學浩力濟軍糧并深入賊巢尚能不分畛域魯學浩著免補本班以同知仍留湖北遇缺卽補並賞戴藍翎此係破格獎勵他省不得援以爲例把總康應選本係甘泉縣失

守案內應行擬罪之員此次帶團剿賊中伏被戕情殊可憫著交部照把總例議卹該部知道欽此

續編卷五

九

奏剿擒獲勝現檄各軍大舉截勦摺

奏為官軍剿擒獲勝擒逆復渡涇東竄現檄各軍大舉截勦亦摺馳陳仰祈

聖鑒事竊擒逆屢經官軍剿敗急圖回竄河南等前摺業經陳明時因涇水向漲賊難渡仍盤旋渭水北岸渭南縣屬境七月二十一日廣東提督劉松山安徽壽春鎮李祥和前提督銜記名總兵郭寶昌率所部進勦師抵渭南縣屬之官底鎮探知賊踞新莊馬家堡一帶廿三夜四鼓劉松山李祥和率所部及德發兩營分

續編卷五

十一

由中路左進郭寶昌率所部由右路進順壽安全四營馬隊張兩翼包抄天甫明即抵新莊賊倉卒拒敵官軍四面蹙之立斃堡內賊三百餘分踞各莊之賊均向東南而竄官軍分路截擊忽馬賊千餘騎橫出衝撲郭寶昌擊敗之各軍乘勝追三十餘里至永樂鎮共擒斬髮擒逆五百餘名奪騾馬百餘是夜二鼓賊折而西竄後隊猶踞渭南屬之倉頭一帶天明官軍追及悉銳衝殺擒斬約六七百名至東屯村收隊訊據投誠之賊楊春三李光保僉稱賊中最悍頭目二老坎已中砲伏誅矣

二十六日賊西竄臨潼縣屬石川河官軍追至僅斃殿後賊數十名是夜賊竄近三原縣城掠城而過劉效忠於二十七日率馬隊追之賊已由涇陽之塔底渡過涇河劉效忠斃其尾賊七八十名拔出難民百餘名二十八日賊至咸陽分撲縣城東北及南岸濱渭一帶希圖奪船偷渡均經統帶勝果三營記名總兵羅洪德擊退斃賊數十名生擒九名奪騾馬六十餘匹官軍亦有傷亡是日劉松山李祥和郭寶昌率所部至賊已竄至興平之郭空祠桑家鎮一帶旋竄乾州醴泉交界之溝里

續編卷五

十二

楊家尹家等莊八月初二日賊由興平三家莊擄船渡渭而南南過數十騎適黃鼎一軍先後由咸陽渡河駐終南鎮訶賊偷渡急起截之賊逃見南岸塵起知官軍馳至遽遁回北岸初四日劉松山李祥和郭寶昌等由陳家莊分路回擊遇賊於呂家莊一帶擊敗之共斃馬步悍賊三百餘名奪騾馬數十是夜賊復由乾州江村折回東竄初五日官軍由大馬莊橫截而出擒斬數十名追至興平屬之南四莊則賊又回竄咸陽初六日申刻由咸陽縣城竄過適臣劉典馳至急調所部過河扼

之賊見官軍嚴整不敢犯旋即縮退是夜二更後昌雨疾馳分由臨涇一帶渡涇而東自初六日起至二十夜四更止晝夜大雨傾注河渭涇洛及各溪澗細流同時盛漲二十一二十二兩日雨止而宿霧不收二十二夜至二十三日復又大雨據潼關廳報黃河疊長至二十丈分守渭河南岸各軍報渭水疊長至三丈以外各軍薪糧購運極艱以渭川南北野潦縱橫車馱均阻故也臣宗棠駐營臨潼城西距省僅五十里坐卧沮洳中炊煙欲絕卽文報亦形梗阻目覩農田秋稼多就蕩萎將

續編卷五

三

來民食軍食艱貴可知天時人事至此殊深憂灼賊自渡涇後踞涇陽屬雲陽鎮跡尙在三原富平間亦因大雨連旬不能肆其狂逞方賊之渡涇而東也臣宗棠於初十夜卽飛致主客諸軍由涇水西岸取其向三原富平大舉橫排併進冀三進殲之乃阻水半月致愆師期實非意料所及現在機局未改軍心猶奮一俟晴霽路乾卽當剋期並舉慎以圖之所有戰事情形謹合詞據實陳明伏乞

皇太后

皇上聖鑒訓示謹
奏 同治六年八月二十六日

續編卷五

三

奏甯條梁被陷米脂被擾自請議處摺

奏為靖邊縣屬甯條梁鎮被賊陷踞米脂亦有騎賊窺擾現籌辦理並請

旨將 臣 交部議處以重邊防仰祈

聖鑒事竊 臣 於八月二十二日接延榆綏道嵩壽馳稟

八月初八日據懷遠縣知縣劉昌蕃稟報初三日午後賊陷靖邊縣屬甯條梁鎮賊數約一萬多人商民紛紛

逃避又據綏德州知州沈際清稟瓦窰堡踞賊竄及距州城百餘里之折家坪州城戒嚴米脂縣知縣張守基

續編卷五

甯

稟初八日辰刻突來騎賊數百直撲縣城請咨山西撫

臣 檄調大同鎮總兵馬陞帶兵越境防剿 臣 以山西倚

河為固馬陞所部分防包頭一帶甯條梁既失則晉邊

河曲保德之防亦為喫緊而山西臬司陳澍回南增募

之勇甫於奉

旨後派員回南召募一時難以速到晉防兵力並非有

餘自應由山西撫 臣 及陳澍相機酌辦 臣 不敢強延榆

綏一帶僅祇提督銜總兵胡世英馬步十營及延榆綏

總兵陶茂森所轄綠營兵丁皆不足恃此外各軍均因

欠餉太久未及整理勉為湊調實難期得力而秦事以剿擒為急陝西至客各軍又萬難抽調再四籌維惟記名提督劉厚基一軍相距較近現因宜川報遊勇闖入搶掠該提督即由甘泉折回東趨進剿 臣 即飭其由宜川取道延川延長以赴綏德米脂遇賊即擊冀可速赴戎機現在黃河水勢盛漲晉防當可無虞 臣 已咨行山西嚴密布置如天之福能先將擒逆掃除秦省兵力始敷分布 臣 因籌剿腹地之賊未及先事綢繆致邊外要地被賊陷踞疏忽之咎實無可辭應請

續編卷五

五

旨交部議處至延榆綏道嵩壽於所轄地方軍情賊勢

漫不經心自 臣 入關後曾從未接該道一稟前此靖邊

失守亦未據該道稟報劉厚基保安塞勝仗係六七

月間事該道八月初十日發稟尚若無所聞至賊陷甯

條梁撲米脂縣城有漸近榆林之勢始據稟稱咨調蒙

兵請調山西之兵越境防剿其全無籌畫已可概見延

榆綏總兵陶茂森於靖邊失守時派右營遊擊李允芳

帶領官兵五百十四員名由懷遠進剿懷遠西距甯條

梁尚一百數十里進剿徒託空言又駐紮縣南不能扼

賊來路該總兵自派兵赴懷遠後并無續報甯條梁如何被賊陷踞情形亦未據呈報其玩視軍務已可概見相應請

旨將延榆綏道高壽延榆綏總兵陶茂森一併先摘翎頂責令振作圖功以重邊防而儆玩泄所有靖邊縣屬甯條梁鎮被賊陷踞米脂亦有騎賊窺擾現籌辦理情形謹據實馳

奏伏乞
皇太后

續編卷五

六

皇上聖鑒訓示謹

奏 同治六年八月二十六日

同治六年九月初二日內閣奉

上諭靖邊縣屬之甯條梁鎮被陷及米脂被擾情形前據裕瑞等奏報與左宗棠所奏大略相同著左宗棠懍遵前旨會商庫克吉泰喬松年迅即撥兵力圖掃蕩左宗棠以邊外要地未及先事綢繆致被賊陷自請交部議處之處著加恩寬免延榆綏道高壽稟報遲延全無籌畫延綏榆總兵陶茂森帶兵剿賊徒託空言又不能

扼賊來路均著摘去翎頂以儆玩泄欽此

請飭催曹克忠速赴陝甘仍統舊部片

再陝甘兵事分支宜多以地勢遼濶賊類甚繁也兵勇宜精不宜多以人多則饋運艱糧費則耗費重也現在舊將之堪當一路如前甘肅提督曹克忠者前因病回直隸天津本籍應懇

皇上天恩勅下直隸督臣催其速赴陝甘仍統舊部勿許藉病規避庶臣得收指臂之助謹附片陳明伏乞聖鑒訓示施行謹

續編卷五

七

奏 同治六年八月二十六日

軍機大臣 字寄同治六年九月初二日奉

上諭左宗棠等奏官軍剿擒獲勝擒逆復渡涇東甯條梁鎮被賊陷踞米脂亦有賊踪並請將田興恕易名帶隊各摺片覽奏均悉擒逆由渭南屬境於七月廿三至八月初六等日竄擾臨潼等處旋竄咸陽乘夜冒雨疾馳分由臨潼一帶渡涇而東該省大雨連旬未能剋期進剿著左宗棠等俟晴霽後督飭各軍會籌剿辦迅殄逆氛靖邊縣屬之甯條梁鎮被陷及米脂被擾情形

前據裕瑞等奏報與左宗棠所奏大略相同著左宗棠
懍遵前旨會商庫克吉泰喬松年迅即撥兵力圖掃蕩
左宗棠以邊外要地未及先事綢繆致被賊陷自請交
部議處之處著加恩寬免延榆綏道嵩壽稟報遲延全
無籌畫延榆綏總兵陶茂森帶兵剿賊徒託空言又不
能扼賊來路均著摘去翎頂以儆玩泄左宗棠請調曹
克忠赴營等語已有諭旨令劉長佑飭令來京陛見後
即行赴營矣將此由六百里諭知左宗棠庫克吉泰喬
松年並傳諭劉典知之欽此

續編卷五

六

甘省糧餉奇絀援案請辦米捐摺
奏為甘省糧餉奇絀臣軍月餉不敷甚鉅軍糧購運維
艱援案請辦米捐額懇

天恩量准推廣收捐以資接濟而裨軍食仰祈

聖鑒事竊臣軍先後入秦及續募馬步各營之在途者
併計步隊四十餘營馬隊三千餘騎綜核各營餉項及
津貼糧價採辦軍火並轉運經費每月已不下三十萬
兩臣上年奏明未接督篆以前各省原協甘餉仍解甘
肅比但擬帶數千人過征入陝約計新增閩粵浙等省

續編卷五

六

協餉十餘萬兩暫可敷衍而行至鄂豫適當捻逆披猖
因添集舊部趕購馬匹洋鎗戰事雖少餉需已增各省
原協甘餉經臣緘煩催報解倍旺於昔臣途間餉匱曾
提用十餘萬兩餘仍分起撥解臣既入陝陝甘兩省兵
事餉事均用通盤籌畫甘省果須接濟則俟洋商借款
解到酌量撥解陝省軍事方殷臣亦當與撫臣喬松年
熟籌餉事酌濟敢戰各軍資遣可撤各營議墾無主荒
土皆需巨款臣所借洋商銀兩以山西票商無可匯兌
逐批轉運計九月內尙難到齊即到齊後指用既多亦

易告罄冬春間即不免有前突後竭之虞軍餉不繼大
可慮者一也南軍乍來西土食麥未慣不能不米麥並
採以供搭放無論糧價運腳之費糧臺津貼不貲即採
辦亦甚費周折軍糧不繼大可慮者二也晝夜焦思計
惟援照臣在浙撫任內辦理米捐及撫臣喬松年現請
推廣陝省米捐各案於秦楚蜀產米之區及山西河南
兩鄰省酌辦甘肅米捐以濟軍食惟同一米捐陝省既
經撫臣變通辦理

欽差大臣湖廣督臣李鴻章復委員於河南陝州設局

續編卷五

三

變米捐爲麥捐或搭收餉票或減折麥價均未能卽有
成效臣再仿照辦理捐生無多餉原仍絀開捐與不開
等以縣金待炊之眾盼此彼相爭之捐項與購運極難
之軍米其何能稍濟急需伏查部定不准在外收捐各
條係爲力顧京餉起見自部議行令各省停收後惟前
任江西撫臣沈葆楨力陳江省艱窘經部議准展一年
撫臣喬松年援案懇請推廣部臣駁之始以淮捐州縣
爲請臣深知銅局專收各條關係京餉何敢輒有瀆陳
然念甘省兵事餉事之難與微臣籌餉籌糧之窘既視

沈葆楨在江西時艱苦倍徙亦較現在陝西一省餉事
更形窘迫不早設法辦捐則別無可開之餉源若徒循
案辦捐亦仍無可集之捐數惟有懇懇

皇上逾格恩施俯念甘肅籌餉籌糧之難甲於天下准
將京銅局專收各條酌歸甘肅米捐局收捐以廣招徠
而裨糧餉仍照江西成案自開局之日起收捐一年卽
行停止以顧京餉他省皆不得援以爲例京餉局專收
各條有以十成實銀上兌者有以五成實銀五成抄票
大錢上兌者茲甘肅餉糶均形奇窘擬請銀米兼收應

續編卷五

三

以十成實銀上兌者准交銀米各半應以五成實銀五
成抄票大錢上兌者擬以十成實銀合計米數本折一
體收捐均不搭交抄票餉票庶與京銅局章程不甚軒
輊捐生無所避就無碍京捐卽與李鴻章議辦麥捐喬
松年現改米捐兩無窒碍而陝甘兩省餉事軍事實均
有裨益謹將改捐章程及擬請推廣各條另繕清單恭
呈
御覽如蒙
恩允並懇

敕部頒發各項空白執照五千張以資填用 臣當派員
赴湖廣四川山西河南及陝西產米地方設局辦理一
俟集有成數按次請獎所捐銀米歸入軍需項下彙報
所有援案請辦米捐並懇推廣收捐緣由謹附驛馳
奏伏乞

皇太后

皇上聖鑒敕部速議施行謹

奏 同治六年八月二十六日

謹將議辦甘肅米捐及擬請推廣收捐章程八條繕列

續編卷五

三

清單恭呈

御覽

一陝西米捐章程捐納實職照籌餉例統減四成核算
凡捐米一石加耗米一斗五升運費銀三錢五分准作
捐例銀五兩此次甘局收捐除搭收實銀之項不得全
交米石及合米折價外其准交米石之捐款有因道路
寫遠及鄰省來捐者仍照陝西成案准交折色並即照
陝局新章每米一石連折耗運費折交銀二兩以庫平
實銀上兌飯銀照費令捐生照章交納隨時便搭解

一道府州縣請准暫行收捐一年為限限滿即行截止
一分缺先分缺間及前本班儘先新班遇缺儘
先補用各班次暨捐免保舉一條請均准暫行收捐示
以一年為限查分缺先等四項班次及捐免保舉京
銅局均以實銀上兌甘肅餉糈並紕應請以銀米各半
上兌

一捐免迴避各項人員捐免歷俸捐免離任三條京餉
局收五成實銀五成抄票大錢等項捐生赴甘局上兌
者既無抄票大錢可搭局中亦擬不收餉票以歸實際

續編卷五

三

擬以十成銀合米數本色折色一體收捐亦一年為限
一軍營保舉文員分發後報捐指省一條請准暫行收
捐亦以一年為限照米捐章程收捐
一米捐章程按卯繕具清單奏交戶部核議再由吏兵
等部給照辦理未能迅速此次甘局擬請比照陝省新
援皖省捐案部議核准章程改奏為咨悉由戶部發照
一俟稍有成數即換造清冊按次咨送戶部核給執照
俾捐生早奉部覆以期踴躍
一虛銜升銜加級請

封劄支各項如有願赴甘肅報捐者仍一體收捐擬請
查照米捐章程分別辦理一律不搭餉票

一或有情殷報效願以米麥項餉軍而力有未充不敷
請獎並鄉僻居民但求頂戴者擬由 臣 刊發五品以下
捐助軍糧功牌視捐數之多寡分等給予外獎存俟彙
咨

請 賞給劉厚基母氏棧枝珍藥片

再記名提督西林巴圖魯劉厚基由勇丁從征粵西川
陝積功洊保今職 宗棠未入關之先即聞其撲勇著

續編卷五

四

名毫無軍營惡習心竊重之此次陝西北路回逆勾結
固原土匪及甘肅潰勇蜂屯蟻聚勢甚披猖延安一府
四面皆賊提督銜記名總兵胡世英奉穆圖善檄委統
帶馬步十營四千餘之眾駐延防守一無區畫馴至近
府數十里之甘泉安塞兩縣一片賊氛府城亦形岌岌
劉厚基前由鄜州力援甘泉攻破府村賊巢擬乘勝攻
勦安塞賊踞各巢約胡世英夾擊胡世英不應劉厚基
即獨率所部二千人越延安府西境直搗橋扶老巢獲
此奇捷屏蔽鄜延斷賊東西勾結之路以寡擊眾厥功

甚偉其逃屬無前足規其勇其不避艱險力顧大局足
規其忠該員官階已保至記名提督業經蒙

恩賞給西林巴圖魯勇號并會

賞給封典無可復加惟前據劉厚基稟稱戎馬奔馳經
今十載未遑將母夢寐難安今年正月母親思子甚切
遠道來秦看視適鄜坊兵變奉檄即行母子一見忍淚
而別適接母親信以衰齡遠道水土不服疾病叢生忽
擬南歸諭令軍事少間稟請給假回西安省視以便束
裝返里可否請示前來情詞惻惻動人 臣 宗棠以北山

續編卷五

五

回土各逆出沒無常而其時各逆又適有勾結延安勇
丁於七月二十五夜圍襲郡城之耗劉厚基未可暫離
婉示以忠孝本非兩事暫應留防毋庸回省因聞劉厚
基平日事母頗孝母亦賢明劉厚基從前里居時下急
尙氣每遇觸發一經母諭立止人兩賢之此次劉厚基
戰功卓著應請
優加獎勵仰懇

皇上天恩賞給劉厚基母氏棧枝及

內府珍藥俾資頤養以慰孝思而明教忠之效其於風

世勵俗勸孝教忠之義實為有合准出白

逾格鴻施非_臣下所敢妄擬謹附片具陳伏乞

聖鑒訓示施行謹

奏 同治六年八月二十六日

續編卷五

三

恪靖奏稿續編卷六目錄

奏擬條梁收復米脂榆林擊退竄賊摺

奏宜君縣被陷收復片

奏吉林馬勇抵陝擬從新整理摺

奏催解四川河南山西鉛礮片

奏擒賊北山現籌勦辦摺

奏擒逆分股狂奔截勦疊勝摺

奏各軍勦回獲勝甯州解圍正甯等縣甯失旋復摺

奏和厚兩營失利邊稔東竄摺

續編卷六目錄

奏騎賊闖入安塞片

覆陳甘肅餉事通籌陝甘全局摺

奏陝甘撫局勢難敷衍片

奏遵 旨覆陳摺

奏凝條梁收復米脂榆林擊退竄賊摺

奏爲查明凝條梁被賊闖入旋即收復米脂榆林各府縣擊退撲城之賊據實馳陳仰祈

聖鑒事竊凝條梁鎮被賊陷踞行查敦奇祥阿各軍實在下落經臣等先後馳陳九月十七日據凝條梁巡檢李夢蘭申報八月初二日夜半探報距梁西南四十里泥梁子有回匪竄擾駐梁之統帶黑龍七起官兵記名副都統敦奇祥阿副將銜儘先游擊蕭明發共圍守禦蕭明發分堵西南三口敦奇祥阿分守東南三口初三

續編卷六

一

日辰刻大雨馬賊二千餘步賊七八百蜂擁而來蕭明發督隊轟擊馬賊從東南巷衝焚殺搜搶敦奇祥阿不能禦蕭明發所部帶傷甚多遣人求援於敦奇祥阿不應適記名副都統薩斌圖率馬隊數十蒙兵數百名馳來策應蕭明發與合隊衝擊賊始敗退凝條梁初四日已刻賊復來撲營蕭明發禦之南街駐安邊之營總恭領托雲佈聞警馳來同薩斌圖各率所部馬隊衝擊追殺十餘里殺賊數十名奪回器械牲畜甚夥是夜托雲佈仍回安邊初六日駐紮定邊之記名副都統貴陞帶

兵到凝條梁人心始定此凝條梁被賊闖入並未盤踞

之實在情形也其攻撲米脂榆林府縣城池之賊八月初七日竄擾米脂龐家一帶初八日辰刻騎賊數百直撲縣城知縣張守基督圍守禦賊知有備未敢近逼初九日黎明賊馬步千餘復撲西南北三門城上鎗礮轟擊斃騎馬賊數名賊即退卻已刻延榆綏鎮陶茂森派署左營游擊楊樹棠帶兵自南路趕到城中圍練亦啟東門出戰賊向西北沿山而竄十三四等日擾及榆林縣南之鎮川魚河等堡十五日馬步賊由東南而來分

續編卷六

二

兩路撲城城上鎗礮轟擊賊即退十六日已革游擊李允芳由米脂追賊而來已抵下鹽灣榆林縣知縣嚴書麟會同署中營游擊牛玉林率兵勇出城會剿賊於歸德堡賊遂西竄懷遠縣境適李允芳帶前隊行抵魚河堡西南遇賊龍耳岸後隊續至擊敗之賊竄米脂懷遠交界之武家坡白家岔一帶懷遠縣知縣劉昌蕃率鄉勇扼之馬道崙賊仍回竄小里河石灣等處二十七日有賊千餘竄至石雲坪帶勇童生劉方軌孔昭勛等及團紳魯述周方守正等率團勇擊之賊敗回石灣

劉方執孔昭助等蹙蹙緊追二十八日抵卧牛城前起
團勇截其去路後起馳至夾擊斃賊數百奪獲駝騾十
五隻驢一百一十餘頭馬十九匹羊一千三百餘隻洋
鎗三桿鳥鎗二十餘桿旂幟六十餘件搜獲江湖哥老
會盟單驗視皆兩湖江西川黔勇丁從甘肅潰回者此
米脂榆林先後擊退撲城賊匪懷遠團勇截勦竄賊之
實在情形也臣等竊維陝西北山之賊均由甘肅而來
固原土匪及各飢潰勇丁相與勾結間有回匪夾雜其
中馬賊多而步賊少四出剽掠跡飄忽幸皆無甚伎

續編卷六

三

倘地方文武能憑城固守將弁肯盡力勦截不難就地
殲除惟其地邊遠荒瘠迥殊內地營兵餉匱已久名存
實亡客軍遠道援剿不能隨地徵糧轉饋則勞費萬狀
仍難剋期必至非俟大局粗定不能全力注之此時兵
事餉事實難兼顧然揣度情形尙不至遽貽晉邊之害
也擬條梁之變亦多係土匪潰勇勾通回匪所致僅祇
被闖入劫掠旋即擊退並未盤踞因地居邊外傳聞異
詞故文報每多失實現有官軍鎮壓當無他虞臣宗棠
前調記名提督劉厚基由延川取道綏德米脂馳往剿

辦現在地方收靜毋庸前往仍飭其暫防宜君白水一
帶以重鄜防而預遏捻逆北竄之路其米脂綏德榆林
守城擊賊各文武官紳容臣等核明彙案酌保數員懇
恩獎勵其擬條梁帶兵各員功過攸分應由穆圖善查
明辦理謹據實馳陳伏乞

皇太后

皇上聖鑒訓示謹

奏 同治六年十一月初一日

奏宜君縣被陷收復片

續編卷六

四

再記名提督劉厚基自肅清延鄜交界各縣後駐軍鄜
州八月初二日忽接探報土匪兩三千自甘肅合水縣
竄至劉厚基即帶隊往勦行至羌村適與賊遇賊見官
軍倏至駭而奔劉厚基追至山峽縱兵擊之擒斬五六
百名奪獲驢馬匹數百餘匪仍由孤掌窪竄回老巢
初四日接洛川縣報回逆二千餘由中部縣境渡惠家
河而來所部駐防中部之總兵張榮華探悉竄中步之
賊約兩股其由宜君縣苦泉坪楊家店焦家坪竄來之
賊尙在後未至均甘肅甯州回逆也適連日大雨山水

暴漲不能拔營十八日啓行至交口阻水不前二十日渡河二十一日途次接張榮華稟報是日出隊至四聖村遇騎賊千餘應戰竟日擄斬二百餘奪獲牲畜軍械旗幟甚夥二十四日劉厚基馳至牛湖嘴與賊僅隔一溝是夜踰溝潛襲各堡之賊斃賊百餘二十五日督隊踰溝甫上山梁該逆即分數股前來抗拒劉厚基分三路衝擊更番接仗歷至半日斃賊頗多而賊仍不退乃用開花礮轟其中堅賊始潰官軍乘之殲賊約數百名生擒百餘名奪騾馬牛驢數百頭追至厚子坪始行

續編卷六

五

收隊餘賊仍由雙柳竄回老巢訊據生擒回逆劉元賽文志等供如此次由甘肅甯州竄來回逆共兩股此股係馮正剛爲首回中呼阿渾者也尙有一股係余阿所帶已由楊家店焦家坪竄犯宜君矣劉厚基訊決後即傳令援隊援宜君二十六日行至中途聞宜君縣城已於二十五日辰刻被賊闖入知縣張杰遇害賊偵官軍將至旋即由楊家店退向甯州老巢去矣劉厚基二十七日未刻馳抵縣城廩生屈朝海王家駿稟劄見來諭知署宜君營參將花翎都司秀順典史胡光煦馬蘭巡

檢徐廷俊等均尙在城隨即遣覓秀順則遍體刀矛重傷偃卧北門城樓不能起立細詰失陷之故因久雨城垣坍塌十三處約共二百餘丈知縣張杰稟請修築適連日陰雨尙未開工而賊已迫近張杰因縣無存糧不肯請兵惟募馬蘭勇丁百名入城防守勇首郭大順暗與回逆引回逆由缺口闖入回逆入城搜掠財物旋即倉皇遁走劉厚基留張榮華一營駐守捕治叛勇正法此宜君縣城被回逆闖入旋即收復之實在情形也臣等查宜君縣城素稱苦瘠八月以來大雨兼旬城垣坍塌過甚當回匪竄撲時知縣張杰因無糧供應未及請兵叛勇內應遂致被賊闖入比劉厚基聞警馳至則已無及宜君縣知縣張杰被戕情形甚爲慘烈應請旨飭部照例議卹以慰忠魂署宜君營參將都司秀順撥城固守身受刀矛重傷二十餘處比劉厚基馳至秀順尙在北門城樓實與尋常營員失守迥異應請旨革職暫留署任以示區別其餘文武應歸另案查辦所有宜君縣城池被賊闖入旋即收復情形謹據實附片馳陳伏乞

續編卷六

六

皇太后

皇上聖覽施行謹

奏 同治六年十月初一日

軍機大臣 字寄同治六年十月初七日奉

上諭左宗棠等奏查明凝條梁收復米脂榆林擊退賊匪並宜君縣城失守後收復情形各摺片凝條梁被賊攻撲闌入街巷敦奇祥阿不能抵禦蕭明發請援時又不能救經薩斌圖等奮力衝擊賊始敗退本日已諭令穆圖善將該員等功過核寔查明分別奏辦矣米脂榆

續編卷六

七

林撲城之賊雖經陝省兵勇擊退惟北路餘匪尙未殄盡左宗棠等當督飭地方文武寔力殲除不可稍存大意宜君城垣於失守後經劉厚基馳往收復惟陷城之賊並未被剿先期遁歸甯州難保其不去而復來與捻匪勾結著左宗棠喬松年分派兵勇於郿延交界一帶嚴密扼截毋任回竄宜君縣知縣張杰臨難捐軀殊堪憫惻著交部議卹都司秀順被傷甚重著革職留營免其議罪左宗棠另摺奏新募吉林砲手冗雜不堪應用等語此項馬隊沿途逃逸甚多馬匹亦多倒斃本日已

明降諭旨將原募草率之富明阿議處矣其帶兵之員沿途未能約束亦難辭咎著左宗棠查明恭處現在存營勇丁仍著該大臣酌挑選擇其尙堪適用者留營訓練其餘概行裁撤責成派出之員管帶回旂毋任仍前逃逸陝省剿捻情形現在若何著該大臣隨時馳奏以慰厯係將此由六百里各諭令知之欽此

續編卷六

八

奏吉林馬勇抵陝擬從新整理摺

奏為吉林馬勇齊抵陝省現擬從新整理恭摺陳仰
祈

聖鑒事竊臣前奏調吉林破手二千五百名帶解察哈
爾採購馬三千匹入陝助剿荷蒙

聖慈俞允七月二十八日潼關營次欽奉

寄諭長善奏吉林現募赴陝勇丁良莠不齊請飭左宗
棠等密查等語吉林應募勇丁本非實業獵戶現據長
善聲稱內多直隸山東游民永平府屬又居其大半沿

續編卷六

九

途逃散頗多進關以後潛逸更眾恐有馬賊餘黨錯雜
其間此次勇丁到陝後應如何約束駕馭俾無生事之
慮著左宗棠妥慎籌辦欽此跪聆之餘深為失望是日
馬勇頭起至潼關八月初九九月初四初九十一等日
後四起始陸續入陝臣於潼關及臨潼營次接見吉林
將軍富明阿所派副統領常林正統領桂廉各起營總
札蘭員詢知馬匹沿途倒斃及病廢寄養各州縣報斃
者數逾一半現僅存馬千餘尙陸續報斃勇丁二千五
百名除沿途逃走數百名現到陝省者破手不過四百

有奇此外老弱疲乏吸食洋烟不習騎者不知其數聞
各營總在途亦有收留補缺者臣見其不堪赴戰暫令
駐紮省關先委已革都統銜前護軍統領常星阿點驗
分別等第俟臣奏派分帶之記名副都統喜昌到營再
令與常星阿妥籌辦理長善所奏慮其良莠不齊致添
馬賊具見其顧全大局深心惟臣所苦者富明阿所募
勇丁既如此冗雜不堪是非駕馭約束之難而從新整
理汰留訓練之尤難也詢據各營總僉稱吉林將軍副
都統派充營總時並未令隨同選募所有勇丁均係臨

續編卷六

十

時招湊派歸管帶迫促登程數日後始將勇丁花名冊
發給不但良莠難分即姓名籍貫真假亦未及查認臣
昨訊決搜槍民人財物之吉林二起馬勇崔萬三遍查
冊籍並無其名再四研訊始知即冊名之崔保山即此
可見原募之草率至軍裝一項尤關緊要現五起勇丁
所携器械均不適用鞍轡粘屨亦不齊全及閱所造送
軍裝冊內湊列抬鎗一項尤非馬隊所需遠道携將徒
滋重累夫以數千里外徵調之軍糜十餘萬兩至艱之
餉竭沿途數十州縣供億之力而乃得此二千有奇冗

難疲之不堪征戰之卒現在坐食需費將來汰遣需費當茲糧餉奇絀之際何以堪之富明阿昔肯稍為盡心庸遽謬幸至此况前奉

諭旨儘數挑選不必拘定二千五百名之數細心訪查不可以無業游民充數致滋流弊

明訓洞燭幾先尤當懷遵乎臣與富明阿未曾共事前頗聞其在江南軍營時性情乖謬故此大請調吉林廠手懇

飭德英一手經理富明阿或因此心存芥蒂惟既銳以

續編卷六

七

自任自當以軍務為重豈宜操以輕心此則不能為富明阿解者也所有吉林馬到陝日期及從新整理難以趣戰寔在情形謹據直陳伏乞

皇太后

皇上聖鑒訓示謹

奏 同治六年十月初一日

同治六年十月初七日內閣奉

上諭左宗棠奏吉林馬勇齊抵陝省現擬從新整理一

摺吉林所募馬隊沿途逃散甚多人頗冗雜不但良莠

難分即姓名籍貫多致舛錯軍械鞍轡亦不齊全吉林將軍富明阿辦理草率著交部議處欽此

奏催解四川河南山西鉛礦片

再上年十二月奉

諭旨飭四川趕辦黑鉛十二萬觔由陝省委員前往接運嗣經員委往領迄今尚未報解又河山西各協陝省硫磺每月五千觔自四年九月起截至本年九月止河南欠解十二萬觔山西欠解七萬觔鉛磺兩項陝省素不出產現值攻剿喫緊之際需用尤殷陝局往往因鉛

續編卷六

七

礦缺乏停工待造臣軍所需向由鄂省後路糧台購料製造因水陸程途迢遞二千餘里轉運極艱寔難如期解濟亟應由陝省就近製造俾免缺乏相應請

旨飭下四川河南山西督撫臣將欠解陝西鉛磺迅速如數辦解並河南山西兩省將以後應解鉛磺勛按月批解以資配造而利攻剿謹附片陳明伏乞

聖鑒施行謹

奏 同治六年十月初一日

軍機大臣 字寄同治六年十月初七日奉

上諭左宗棠奏請飭催欠解鉛礮等語本日據駱秉章奏應解陝省黑鉛二十萬觔業已如數撥解惟河南山西每月應各協陝省硫礮五千斤自四年迄今河南上欠解十二萬斤山西欠解七萬斤陝省現值攻剿吃緊之際需用尤急豈可令鉛礮缺乏停止待造著李鶴年趙長齡卽將欠解陝西鉛礮迅速如數辦解並將以後應解礮斤按月批解不准再有宕延左宗棠於鉛礮解到後卽著趕緊製造以利攻剿將此由五百里各諭令知之欽此

續編卷六

三

奏擒竄北山現籌剿辦摺

奏爲官軍大舉逼圍擒逆竄入北山現籌剿辦情形恭摺馳陳仰祈

聖覽事竊自八月二十六日以後擒逆由三原富平之閒渡擾高陵及臨潼渭南各縣北岸各村堡雨後零騎四出覓食兼窺河岸大股未得竄動官軍苦爲雨阻亦未克進兵九月初一初二初六等日大雨不止軌輒不通薪糧告匱臣宗棠檄主客各軍之在西路者先就涇河西岸浚濠削坂杜賊回竄之路十一日輕騎赴涇西

續編卷六

四

各軍面與臣劉典廣東陸路提督劉松山安徽壽春鎮李祥和前提督銜記名總兵郭寶昌甘肅提督高連陞按察使銜陝西補用道黃鼎商議方略以提督蕭德經總兵羅洪德于奇泮副將王其發參將劉竹田游擊劉德良各營與黃鼎一軍分扼涇河西岸北自白陵谷山脚起迤東而南至涇河入渭處止又飭提督劉效忠一軍扼耀州山口皆倚山憑水築壘浚濠以重後路營壘甫成臣劉典卽與劉松山李祥和郭寶昌高連陞各軍渡涇進剿十四十五十六等日大雨傾注官軍冒雨覓

渡三日始渡畢臣宗棠於十五日回臨潼營次臣劉典與高連陞兩軍十六日齊抵高陵劉松山李祥和郭寶昌亦至三原賊見西路各軍進逼大股潛移臨潼渭南富平蒲城交界之瀾鹽灘游騎自臨潼北岸至華州北岸上下窺伺見南岸防軍嚴密勢難偷渡乃圖拼死衝突復向西竄二十二三等日臣劉典復與高連陞復由雨金鎮進紮相橋康橋一帶賊騎倏前倏後時相窺擾比官軍出隊排擊則復鼠竄而去劉松山李祥和郭寶昌各軍同時由北面進駐富平自二十一日至二十六

續編卷六

五

日大雨以風官軍不能遽進乃修浚雷村順陽河牛村母豬河康橋一帶水陸障濠於富臨屬境設第二重關鎖賊見西路官軍日逼度不得脫遂鋌而走險二十七

城西五里張村占地約近百里劉厚基於鄜州甘泉力扼其北竄延綏之路臣劉典與高連陞率所部進耀州前隊已抵同官高連陞及提督銜總兵劉端冕率輕騎追之此十月初五日以前賊被逼窘蹙竄入北山之寔在情形也臣等竊維捻逆所恃者萬馬縱橫利於平地茲經官軍進逼鋌走北山已失其飄忽慣技惟秦省兵燹之後蓋藏久已罄竭無糧可裹北山荒瘠殊甚又不能就地徵糧各軍入山追逐必先於山外採儲以供携取現已飭廣為購運并加給各統領行賞使其沿途自

續編卷六

六

行覓竄以利進行察看賊蹤趨向不外北竄西竄兩途西竄則必於三水邠涇一帶折而南奔其患在蜀在鄂臣劉典及高連陞黃鼎等軍截之北竄則必由鄜延綏榆一帶折而東趨其患在晉記名提督劉厚基截之廣東提督劉松山壽春鎮總兵李祥和總兵郭寶昌追之如賊敢窺渡黃河劉松山郭寶昌即渡河入晉助晉軍截劉厚基仍留河之西岸以固秦疆務將此起巨寇悉數殲除免釀異禍臣等惟有殫誠盡力慎以圖之斷不敢稍涉迂回致誤大局已將調度情形咨行山西撫

臣及山西臬司陳澧協辦大學士四川督臣駱秉章四
川防軍提督周達武矣所有捻逆竄入北山現在籌辦
情形謹據實馳陳伏乞

皇太后

皇上聖鑒訓示施行謹

奏 同治六年十月十三日

軍機大臣 字寄同治六年十月十九日奉

上諭左宗棠奏捻逆竄入北山現籌辦情形一摺捻
逆經官軍大舉進逼遁入北山勢必由邠洛上竄延綏

續編卷六

七

該處荒瘠殊甚非賊所注意恐藉此東趨晉省山西西
路沿河一帶在在與陝省毘連防務喫緊轉瞬河流冰
凍尤爲可慮著趙長齡督飭在防將士扼要嚴守並著
飭令陳澧相機兼顧沿河船隻悉心提歸東岸毋稍疏
忽賊騎倘渡河而東則蔓延綏榆勢將靡所底止豈劉
松山郭寶昌兩軍所能殄盡晉省爲畿輔屏翰左宗棠
當如何力籌兼顧陝省兵力不爲不厚總當就地破除
不可以驅賊出境卽爲了事倘任賊東渡闖入晉疆惟
左宗棠是問劉厚基一軍兵力尙單截賊恐未盡得力

左宗棠庫克吉泰喬松年劉典當熟商機宜妥籌調度
潼商一帶亦宜嚴密布置以防捻逆回撲由此出關邠
涇一路並著分撥得力將士加意嚴防毋任賊由西南
竄出繞逸川鄂蜀省北路及楚北襄鄭一帶著駱秉章
李瀚章等各添兵勇分路扼守以固邊境將此由六百
里諭知左宗棠駱秉章庫克吉泰李翰章喬松年趙長
齡並傳諭劉典何璟知之欽此

續編卷六

六



奏擒逆分股狂奔裁剿疊勝摺

奏為擒逆竄入北山後分股狂奔官軍分路截剿疊獲勝仗現籌剿辦情形恭摺陳仰祈

聖鑒事竊擒逆經大舉逼剿竄入北山兩獲小勝本月初五日以前情形業經臣等馳報是日已刻賊復由郟州境之隆坊吉子險一帶折向洛川東北竄擾記名提督劉厚基尋蹤掩擊行至距洛川十里安公村遇賊尾隊出其不意擊之斃髮賊數十名生擒滿髮賊八名訊稱前隊分起在前攻寨掠食劉厚基即令其引路行至

續編卷六

七

永鄉鎮霍家村見賊果分撲兩寨即麾軍擊之陣斬賊五六十名前路地勢險狹官軍嚴陣追逼賊之墜崖死及經尋才刺斃者不下二百餘名生擒賊目宋三元及連天福姚宗望等二十三名奪獲馬騾驢百餘匹大小旗幟八十四桿洋礮二十四桿餘賊奪路狂奔山谷皆滿訊據宋三元供山東濟甯人藍旗巨逆宋景詩之黨也今在張五黑黃旗內當頭目姚宗望係邱天將部下當頭目其洋礮則由回逆轉購而來逆眾因吉子險張村遍地荒草無從掠食故走此路覓糧訊畢斬之劉厚

基方調分駐中部三營至洛川會隊初六夜諜賊已分兩股一由街子河一由舊縣均於前途合竄郟州劉厚基即夜馳向郟州初七日抵郟城始知初五日擊敗之賊是其分股其另股已於初五日竄到郟州城外五里監軍台比經劉厚基所部副中營四川補用副將劉厚填出隊迎擊劈山抬鎗輪斃賊頗多鎗礮止刀矛接殺斃悍賊十餘名奪獲大旗七桿戰馬九匹而賊來益眾官軍弁勇陣亡十餘名因而挫退入營擒逆隨圍劉厚填營盤并分撲州城東南二門經郟州知州田景瀛

續編卷六

三

儘先參將署都司張鵬程吏目孟振鈞督民團嬰城固守賊連撲十數次均經擊退悍賊旋衝入外城復經田景瀛督民團殺退相持一日一夜官軍力竭不支正危急聞劉厚基所部駐甘泉縣之左營赴郟救援聞城中礮聲不絕比即督隊由北門衝入一面助守州城一面出隊掩擊賊始解圍敗竄復分三股一由任家台走府村一由道左舖走甘泉一由牛武鎮走出家灣劉厚基正派隊追剿聞忽有西路狗土各逆數千乘機從羊圈大宜村撲郟州城垣劉厚基仍留劉厚填副中營及

由甘泉來援之左營都司曾祥萬副將劉文華率所部助鄜州防勦劉厚基即於初八日進援甘泉縣行至道左舖見騎賊數百排陣以待劉厚基飭各營留五成隊修築營壘五成隊出擊連放開花礮劈山礮斃賊數十奪獲大旗五桿賊且戰且奔劉厚基躡追至甄家灣破賊館數處正追勦間忽西路隔河馬步賊千餘蜂擁來援副將李作福首先衝擊連斃賊三名李作福旋被賊圍困身受數傷墜馬勇丁已傷亡數名劉厚基見官軍勢已難支即帶馬隊衝入救出李作福鎗礮連轟將賊

續編卷六

三

擊退賊旋向甘泉竄出是夜五更劉厚基親率馬隊由開道馳赴甘泉初九日已刻行抵甘泉城外正值逆賊大股逼撲縣城復見劉厚基旗幟解圍遁走甘泉縣知縣魯學浩率團眾開礮轟擊賊復由甘泉縣城東八里之蟬溝入山竄東鄉清泉鎮劉厚基收隊入縣城小憩藉息兵力探報牛武鎮之賊已由麻子街竄走任家台之賊亦由府村竄走其地皆屬甘泉東鄉北可通延安府城南可通宜川縣城劉厚基擬隨賊所向擊之十二日由牛武鎮一帶追剿十四日卯刻抵宜川縣城而賊

之前隊已於初十日竄至甘泉縣東之臨鎮宜川縣北之雲巖鎮並分股擾及宜川縣東北之蘭家哨劉厚基慮賊窺渡黃河或南竄韓城十五日移紮宜川城東五里甘草坪扼之臣宗棠前以韓城神道嶺及澄城北路空虛慮賊折而南趨已飭總兵李南華率所部分扼神道嶺及各峪口而咨廣東提督劉松山壽春鎮總兵李祥和總兵郭寶昌各率所部全軍於十三日由白水洛川進宜川延川延長追剿恰與竄宜川之賊相值尙未接其到宜川續報此捻逆北竄鄜州甘泉均經官軍

續編卷六

三

擊退解圍疊獲勝仗旋折由東南趨宜川縣境之寶在情形也其西南另股捻逆勾結回逆之犯耀州者十三日回逆突至耀州城西三十餘里官莊十四日辰刻記名提督劉劬忠潛師襲之賊知官軍有備遽向東北奪路入山而竄劉劬忠收隊旋聞此股已竄州城北三十餘里黃鋪一帶劫去軍糧二千七百斤是夜五鼓劉劬忠仍率八成隊伍馳往擊之迨至黃埔則賊又竄近同官縣城東南十餘里之宜興高村劉劬忠督隊襲之斃賊約數百名奪獲騾驢數十其犯同官者十四日辰刻

檢回數千合股紛竄縣城數里時高連陞總兵劉端冕已輕騎追賊至洛川各營半留宜君半留同官待調臣劉典已抵宜君縣屬苦泉所部除已撥三營赴防三水外餘僅留三成隊伍在耀州駐防同官副將范克復等商之署同官縣知縣王浩令左右兩哨會同臣劉典等所留隊伍迎勦范克復所部副將周萬祥自金鎖關聞警回援由南門出劉端冕所部副將譚同聲會督各營隊伍前往助剿鎗礮連環轟擊斃賊數十忽騎賊數千由西原覓水衝至范克復率左右兩哨及親兵兩哨馳

續編卷六

三

往接應步賊從左右兩山包抄而下周萬祥令左哨百長花翎守備謝元信從西原上令右哨百長花翎游擊曹啟瑞從中路衝擊賊勢兇猛曹啟瑞被圍周萬祥往援相繼陣亡弁勇同時陣亡者二十九名受重傷二十四名譚同聲突前手斬紅旗擒目一名忽飛子中腦當即斃絕游擊黃緒鴻接戰整隊相持至晚始克收隊知縣王浩以檢回合勢賊數眾多飛稟臣劉典迅速回援臣劉典并飛致高連陞劉端冕馳回速勦十五日辰刻親率隨身弁勇四百餘名折回金鎖關一面築壘一面

派都司銜守備劉上吉馳諭同官各營留存隊伍固守待援而文生喻鴻吉亦先日商之參將周萬國等將各營併作兩營以便固守是日申刻高連陞所部正四營由宜川回抵金鎖關未暇傳餐即空腹赴同援勦臣劉典以援兵已集城壘無虞劉効忠又自南來賊必敗竄敗竄必由焦家坪苦無多兵可撥勉派親兵數十即夜赴焦家坪設伏待之十六日寅刻高連陞續派所部副四營及內外八哨親兵續回金鎖關臣劉典即商派貴州候補同知洪惟善同副前副右兩營赴同官協勦派

續編卷六

三

副左副後營內外八哨及親兵隊徑赴焦家坪截擊黎明賊仍率隊攻城范克復竭力堵禦高連陞所部提督銜總兵丁賢發從西寨之南進副將陳得勝總兵高有志均從西寨之北進副將朱桂馥鄧玉魁及參將李國良從西寨之東北進鎗礮齊轟刀矛並舉斃賊甚多賊拚死回撲十餘次騎賊繞抄繼以步卒勢極兇狠丁賢發怒馬祈陣斃黃旗滿髮賊首一名正割取首級左手為賊洋鎗子所傷各勇乘勝齊進賊遂大敗紛紛向北竄走官軍緊追斃悍賊數百馬驟倒地者無數賊果由

焦家坪竄走臣劉典率親兵數十名由金鎖關踰高嶺而進甫登嶺即見賊隊紛竄中隔一溝遂揚旗發號相併而行聞前途礮聲不絕知臣已得手適臣劉典所部總兵黃有功李大有率隊由中部續到即飭其緣嶺而進以壯聲威焦家坪各軍正鏖戰聞高連陞劉端冕由洛川一日夜馳二百六十里趕至換馬飛赴前途督戰益急至二更始收隊回營兩戰共計殺斃羶斃擒回各逆實近二千名帶傷而逃者不計其數敗賊旋由西北竄走未獲盡殲而兇鋒實已大挫此十五六兩日西路

續編卷六

三

官軍截剿擒回大獲勝仗之實在情形也臣等竊維擒逆之竄入北山非其本意各路軍營擒獲生賊訊供賊黨無不怨張總愚失計者故已北竄至甘泉而復折由東南以走宜川北境俟西竄股逆勾結回匪合併將南趨韓城出山否則俟冰橋結成可以過河犯晉現在劉厚基已到宜川結營縣東五十里甘草坪正扼其南竄韓城之路又距黃河岸僅四十里亦可扼其偷渡之路韓城神道嶺既派軍扼紮而劉松山郭寶昌全軍復由洛川以向宜川是南竄一著渡河一著似可無虞若由

延川延長北竄則劉松山等軍蹣跚追剿亦難善脫惟由洛川宜君中部一帶南竄出山或徑西竄以趨邠鳳不可不防臣等當慎以圖之務將此股悍賊盡之秦中稍紓

慮念現據各路探報回匪土匪甘肅飢潰之軍及各處游勇已多附入其中賊數雖有增加若能聚而殲之又未嘗非秦事一大轉機也此次截剿擒回各匪實在出力各弁勇已飭存記彙保其血戰陣亡之副將周萬祥楊瑞庭游擊曹啟瑞劉貴和盧得生游擊銜都司蔣福

續編卷六

三

榮都司周明勝周友勝龍昌騎守備董占魁劉仕炳吳榮任何光照吳金標並鎗子傷腦回營殞命之副將譚同聲應請

飭部從優議給

卹典以慰忠魂所有截剿羶勝情形謹據實馳

奏伏乞

皇太后

皇上聖鑒訓示施行謹

奏 同治六年十月二十四日

奏各軍剿回獲勝甯州解圍正甯等縣甫失旋復

摺

奏為官軍進剿回逆甘肅甯州解圍邠涇防軍剿回獲勝及甘肅正甯陝西寶雞兩縣被回逆闖入旋皆收復各情形恭摺馳

奏仰祈

聖鑒事竊臣宗棠准陝西提雷正綰咨呈八月二十四日據報回逆於二十二日突至甘肅甯州西南關外攻撲甚急當選帶奮勇之士一千人星馳赴援行抵清

續編卷六

三

華堡回逆飛騎迎敵我軍結陣而進鏖戰四時賊眾我寡互有傷亡日暮收隊駐紮早勝地方次日派都司李廣珠率二百人由東原越澗潛伏東城左側伺間入城為內外夾擊之計自率隊由南原下南川誘回逆至清華堡時已初更城中礮聲震山谷該逆飛奔回顧我軍乘勢躡追直抵城邊李廣珠自城中出該逆腹背受敵夜間不辨官兵多真遂各狂竄我軍乘勢追擊先後斃賊二百餘名奪獲驃馬數十匹遂解甯州之圍其駐紮甘肅涇州之記名提督張在山一軍回逆回馮均福禹

得彥等移巢鎮原縣屬之肅金鎮蒲河川窺伺涇州南北兩原八月初三二十九月初十二十七十九等日屢派所部游擊馮秀章副將項上達趙占魁劉明泰鐘本起喻佑勝等於羅漢洞毛家堡周家坪紫金坡小流陳家堡等處率隊剿擊屢有斬馘生擒李英兒蘇二蘇五等六名奪驃馬三四十匹該逆未受大創仍敢由蒲河川至荔家堡涇河川一帶圍攻村堡二十九日張在山力即督隊會合雷正綰派赴涇州助剿之游擊趙金彪馬隊馳赴涇河川是夜四鼓上原十一月初一日黎

續編卷六

六

明抵荔家堡一鼓直前陣斬回逆數十名餘賊向蒲河川奔逸初三日張在山勒兵進剿蒲河川馬隊先薄賊壘該逆據險抗拒不利騎戰趙金彪與張在山所部游擊王朝科下馬持矛大呼陷陣刺死悍賊數名張在山疾馳下坂併力攻擊斃賊二三百名奪獲驃馬牲畜三百餘頭毀其巢餘逆向肅金鎮竄逸此涇州防軍剿回獲勝情形也初四日甯州龍灣里回逆擾及甘肅正甯縣之山河鎮初六夜突入縣城旋據署陝西三水縣知縣况瀚稟報正甯縣知縣黃紹薪隨同雷正綰所派援

兵於初九日收復正甯縣城尙未接雷正綰咨報而此股回逆寢擾三水之陽坡頭職田鎮先是臣宗棠因正甯失守檄駐紮陝西邠州之已革提督譚玉龍一軍兼顧三水十一日譚玉龍率所部馳職田鎮先選精銳百餘名由閒道入城協守卽分三路進剿回逆逞兇搏戰譚玉龍令軍士佯退俟其逼近以礮山礮排擊之斃賊無數逆騎返奔自相蹂躪我軍乘勝掩殺追至聖來溝又斃賊數百名奪獲驟馬二百餘匹長矛二百餘桿生擒逆回十一名訊供阿潭馮均幅率黨入陝來助髮捻

續編卷六

完

等語卽陣前斬之十二三日復分道追剿截殺多名十五日收隊回邠此邠州防軍赴三水剿回獲勝情形也另股回逆由甘肅竄入陝西隴汧境地於十一日突陷寶雞縣城經臣宗棠檄提督銜記名總兵楊和貴後路五營總兵周金品馬隊由咸陽西上會同勦辦並飭道員黃鼎赴邠之軍改赴鳳翔以壯西路聲援該逆旋於十六日遁去臣等竊惟秦隴辦賊之局先擒後回近因捻入北山回逆意我腹地兵單輒敢乘虛內犯自應分兵西路兼遏回氛臣宗棠仍檄楊和貴等西向寶雞

以資防剿並于三水一帶酌撥數營西與邠涇防軍聯絡東與同官宜君勦擒之軍聯絡以固秦圍並催雷正綰張在山合兵進搗回巢除俟查悉正甯寶雞兩縣文武下落另再陳

奏外謹錄臣宗棠臣劉典諭回告示兩道恭呈

御覽所有甯州解圍及各軍勦回獲勝正甯寶雞兩縣失守收復各情形謹合詞恭摺馳

奏伏乞

皇太后

續編卷六

幸

皇上聖鑒訓示施行謹

奏同治六年十月二十四日

軍機大臣 字寄同治六年十月三十日

上諭左宗棠等奏擒逆竄入北山分股狂奔官軍截勦疊勝並各軍勦回獲勝甯州解圍正甯等縣甫失旋復情形各一摺覽奏均悉擒逆由邠州境折向洛川經提督劉厚基連番追勦突圍劉厚填營盤劉厚基卽出隊擊追遂分竄甘泉擾及宜川縣雲巖鎮等處其西路捻股勾結回逆攻犯耀州州城及竄近同官縣各地方亦

經提督劉劬忠等分馳掩擊斃賊甚多現在劉厚基等由宜川洛川等處分路前進正可乘此聲威痛殲醜類著左宗棠庫克吉泰喬松年劉典嚴檄劉松山等各率所部分投勦截使該逆不得喘息就地殄除惟捻蹤飄瞥靡常郵死所屬各邑在在與晉省毗連轉瞬冰橋凝結難保其不合併東趨過河犯晉左宗棠等仍當慎選疊次諭旨督飭各營將士實力堵扼毋任闖入晉疆更形延蔓陣亡之副將周萬祥楊瑞庭游擊曹啟瑞劉貴和盧得生游擊銜都司蔣福榮都司周明勝周友勝龍

續編卷六


三

昌騏守備董占魁劉仕炳吳榮任何光照吳金標並受傷殞命之副將譚同聲均著交部從優議卹以慰忠魂甘肅回逆攻撲甯州州城都司李廣珠出奇擊賊追斃多名甯州得以解圍涇州一帶踴回復經張在山分勦獲勝正甯寶雞兩城失陷譚玉龍楊和貴等先後分道援勦旋經收復此次回匪疊為官軍摧挫其餘漸衰著左宗棠等飭知雷正綰張在山等分督各軍相機進勦以期早靖逆氛陝甘回患已深自應隨時變通辦理左宗棠等呈遞曉諭回民分別勦撫告示兩件尙合機宜

著即廣行張示以消反側將此由六百里諭知左宗棠庫克吉泰喬松年並傳諭劉典知之欽此

續編卷六

三



奏和厚兩營失利及遏擒東竄摺

奏為官軍由洛川進剿擒逆途遇回逆和厚兩營失利各軍回援擊敗回逆並力遏擒逆東竄情形據實馳

奏仰祈

聖覽事竊官軍截剿擒回疊獲小勝兩獲大勝十月十六日以前情形業經恭摺馳報此尚未得廣東提督劉松山等追賊消息二十八日准劉松山及總兵郭寶昌報稱自十七日駐中部之合搖子地方探聞擒逆已竄宜川亟思催隊緊追奈此一帶均係峻嶺深坑馱載軍

續編卷六

三

裝動輒傾跌塞路數日內倒斃騾馬幾百匹步隊亦僅能魚貫而行不能成列前隊一經出險即須急行讓空道路以待後隊踵至首尾每難相顧十九日因見洛河水急路狹晷渡需時劉松山率前隊十二營先後渡河進發留三營在後繼進郭寶昌一軍亦銜尾前行其最後者為安徽壽春鎮李祥和所部和厚兩營劉松山將抵洛川縣城接後隊提督黃萬友飛報後路礮聲不絕恐有戰事當將留後三營折回郭寶昌已督率馳回策應行至山頂據報回逆數百騎突竄太賢村適李祥和

及提督劉芳桂隊伍小憩村旁瞥見賊騎馳至李祥和即率親軍衝擊倉卒之際官軍與賊不分李祥和左右衝突各親軍亦人為戰少頃賊騎復增李祥和戰馬均中礮子遂下馬持矛連刺數賊右臂受鎗子傷仍裹創血戰各弁勇奮力衝殺斃賊頗多劉芳桂率親兵數十人斫圍直入賊亦舍騎持戰李祥和身被十創復被賊矛中喉遂歿於陣劉芳桂面被賊刃斫傷身受矛傷多處正危急間郭寶昌馳至揮軍奮擊斃賊數十名賊稍卻黃萬友亦至帶同厚字營與郭寶昌分路並擊賊

續編卷六

四

敗退向東北龍安鎮竄走時已日暮未便窮追遂將和厚兩營輜重及陣亡將士屍骸收至洛河東岸是役其陣亡弁勇八十八人受傷三十八人劉松山是夕回軍與郭寶昌合隊二十日五鼓出隊尋蹤追剿行八里據探報賊已遠遁遂收隊二十一日仍赴洛川劉松山留劉芳桂在洛川調治以黃萬友權領和厚兩營事據中部縣知縣黃召堂稟報此股回逆即十六日官軍在同官焦家坪剿敗之賊經郭寶昌黃萬友擊退後已向鄜州張村驛一帶竄去其大股擒逆提督劉厚基署甘

泉縣知縣魯學浩報稱十六七等日該逆分擾宜川之雲岩九卽廟北地新集延長之交口岔口等處臣已飛催劉松山郭寶昌兩軍仍遵前議由宜川延長延川一帶沿河抄截劉厚基分途追擊並檄甘肅提督高連陞由鄜州甘泉延安綏德一路邀截扼其北竄務將此股捻逆就秦地殲除不敢稍涉大意仍商請三品卿銜幫辦陝甘軍務臣劉典扼洛川宜君同官一帶杜捻逆西南出山及回逆東窺合捻之路臣於二十四日欽奉十月十九日

續編卷六

謹

寄諭左宗棠奏捻逆竄入北山現籌剿辦情形一摺晉省為畿輔屏翰左宗棠當如何力籌兼顧陝西兵力不為不厚總當就地殲除不可以驅賊出境卽為了事儻任賊東渡闖入晉疆惟左宗棠是問等因欽此跪聆之下惶悚無地伏念臣入秦之際卽深以捻逆他竄為慮故與劉典分道入秦杜其竄豫竄楚之路臣入潼關後凡所布置均為就地殲賊起見不但晉省為畿輔屏翰不敢容賊東犯卽豫楚蜀等省亦不肯任其奔逸故與各將領咨諏方畧大舉圍逼期殲賊於渭洛

之間捻逆知無竄路銜走入山北山荒瘠殊常官軍追剿皆以無糧不能急進臣不惜重貲分道設局轉運而其中實有人力難施之處加以回逆內犯牽制我軍劉典高連陞劉松山郭寶昌劉厚基各軍先後皆被牽擾頻滯師行夙夜惴惴深以捻逆直趨北路為懼今幸賊未遠竄劉松山等均尚能及賊抄擊事機尚有可乘至於山西防務臣在潼關時卽與山西按察使司陳湜熟計倘交冬令宜注重河曲保德一帶以備水橋今陳湜請催晉兵二千名赴河保由山西大同鎮馬陞督防又

續編卷六

美

分所部忠字等四營剋期疾趨北路與馬陞協防陳湜所部四營約可於十一月初十日以前到防其所調晉兵不知能否無誤臣奉命節制山西河防敢不兼顧惟自山西至河保已千數百里不但臣鞭長莫及卽陳湜亦慮呼應不靈臣豈敢遽謂確有把握故時存萬一之慮與劉松山郭寶昌先申東渡之約臣生平以驅賊為恥况晉防關係匪輕豈竟不知緩急臣之私願固期殲賊秦中而不能不防其竄晉及豫楚對三省者則力小任重不免時存過慮也

十九日之役李祥和猝遇回逆力戰陣亡深堪悼惜該
總兵爲羅澤南舊部轉戰數省屢立奇功入秦後戰績
尤爲卓著可否請

旨將記名提督

賞穿黃馬褂雲騎尉世職安徽壽春鎮總兵李祥和

飭部照提督陣亡例議卹並懇

恩予謚附祀羅澤南湖南專祠以慰忠魂出自

天恩所有官軍追捻和厚兩遇回失利各軍擊退回逆

并力遏捻逆東竄情形謹據實馳陳伏乞

續編卷六

三

皇太后

皇上聖覽訓示施行謹

奏 同治六年十一月初一日

奏騎賊闖入安塞片

再據延安府膚施縣知縣何啟錕稟報十月初七日甘
泉縣屬之勞山突來馬步賊匪數千人初八日有賊騎
至郡南二十里舖初九日至距城七八里地方窺伺經
延安營參將李玉珍及保安糧台委員侍衛卓凌阿等
率親兵出城迎探賊即退去十一月勞山賊悉竄郡屬

之南泥灣又據署安塞縣知縣王魯庭稟報十二日騎
賊由膚施之劉家莊至該縣南門磔子溝步賊緣山薄
城縣城跨山一面本無高垣賊眾搭梯攻城不能抵禦
縣城被陷各等語伏查十三日至十七日捻逆大股皆
在宜川延長之間此股由膚施縣境闖入安塞之賊或
係髮捻另股由甘泉東趨將赴宜延合併者現在延安
有無賊蹤及安塞是否尙爲賊踞未得續報現已檄高
連陞馳赴延綏一帶相機截剿一俟得有續報再行馳
奏謹附片具陳伏乞

續編卷六

三

聖鑒訓示謹

奏 同治六年十一月初一日

軍機大臣 字寄同治六年十一月初七日奉

上諭左宗棠奏和厚兩營遇回失利並遏捻東竄情形
暨騎賊闖入安塞縣城各摺片李祥和所部和厚兩營
由洛川追剿捻逆行至太賢村地方猝遇回逆衝突李
祥和力戰陣亡本口已明降諭旨將該總兵交部議卹
並准其子謚附祀矣此次官軍進剿因山路險峻以致
遇回失利傷損將弁多人雖經劉松山等尋蹤追擊而

該逆業已遠颺其大股捻逆仍分擾宜川延長等處是
回捻互相擾亂竄北竄東均未可定著左宗棠庫克吉
泰喬松年檄催劉松山等軍分途抄截使回捻不得相
結就地殲除劉典亦當督飭將士嚴扼洛川宜君一帶
以遏逆蹤紛竄晉省河防曾經諭令趙長齡飭令陳湜
妥為防範此時宜川延長一帶賊蹤麇集逼近河壩尤
不可不加意嚴防著趙長齡傳知該臬司嚴督所部晝
夜梭巡探明何路警急迅即相機堵剿如因防守不密
致逆匪竄擾晉疆惟趙長齡陳湜是問左宗棠仍當隨

續編卷六

五

時兼顧力保完善不得以驅賊出陝爲了事前據裕瑞
等有回匪欲於封河時由草地竄包頭歸化城之奏已
令裕瑞等撥兵分防惟歸綏一帶兵力尙單著趙長齡
迅催前調之太原大同兩鎮兵二千名趕緊前赴裕瑞
軍營以資厚集裕瑞桂成務當於包頭等鎮要隘處所
力籌堵禦毋任回眾乘閒內犯以致防勦益難勞山賊
匪由膚施縣境闖入安塞縣城左宗棠已檄高連陞馳
赴延綏一帶截剿著飭令該提督趕緊進攻毋令久踞
該處失陷情形並著左宗棠查明具奏將此由六百里

諭知左宗棠庫克吉泰裕瑞喬松年趙長齡桂成並傳
諭劉典陳湜知之欽此

續編卷六

四

覆陳甘肅餉事通籌陝甘全局摺

奏為遵

旨覆陳甘肅餉事通籌陝甘全局從長計議據寔馳

奏仰祈

聖覽事竊臣 欽奉同治六年五月二十三日

寄諭穆圖善奏甘省軍餉奇絀請將各省協餉變通辦理一摺所有本年三月以前及續解餉銀仍由湖北徑解漢中交陳丕業經收轉解林壽圖不得擅行截留致誤大局惟前據左宗棠奏稱借用洋商銀一百二十萬

續編卷六

呈

兩自本年七月起分六箇月於各關稅項下撥還由各省將應解甘餉撥交各關是本年七月以後各省協甘之餉已歸左宗棠收欸此後甘省軍餉左宗棠即當遵照前旨酌定數目按月撥給以資接濟等因欽此又奉九月初七日

寄諭西安糧台應否裁撤並著左宗棠等酌度奏聞辦理等因欽此又奉十月初七日

寄諭穆圖善奏請飭催各省協甘餉銀並籌撥雷正綰軍餉各等語著左宗棠李瀚章會同李鴻章分飭陝

西藩司及湖北後路糧台遇有協甘餉銀隨到隨解不准停積截留致誤軍食等因欽此仰見我

皇上軫念西陲於嚴催餉運之中仍寓通盤籌畫之意臣伏查甘肅地方荒瘠承平之日專恃各省協撥軍興以來餉絀兵增遂致困敝不可收拾陝甘歸督臣統轄甘有事則陝受其害陝無事則甘蒙其利安陝乃能固甘此如一家一人之事不可區而為二也前督臣楊岳斌設甘肅後路糧台於西安以陝西布政使林壽圖領其事支應平固慶涇各軍初制甚善迨甘事日棘楊岳

續編卷六

呈

斌不及通籌餉事林壽圖身任陝藩兼辦甘肅糧台平固慶涇各軍如有飢譁陝西先受其害自應酌量截留甘餉接濟其截留也仍以餉甘軍非以餉陝軍也楊岳斌後令道員陳丕業於漢中改設糧台轉餉運解泰安不由西安經過亦明知林壽圖勢處萬難而急於自救目前不遑兼顧本非其心之所安畢竟自漢中秦安運解甘省餉道時形梗阻楊岳斌亦未盡得改道之利也上年九月臣承

恩命調任陝甘籌西征的餉兼催各省協餉各省以甘

餉為臣軍所需故急於措解去冬甘餉之旺為比歲所無_臣方由閩起程凡餉銀軍裝多由閩浙湖南運至湖北乃設陝甘後路糧台於鄂楊岳斌恐_臣截留甘餉情見乎詞_臣念甘肅需餉之殷冀楊岳斌得餉後整飭各軍維持甘局_臣度隴時亦可資其兵力比_臣又但擬前帶五六千人自鄂而秦徐圖入隴計新增閩粵浙三省協餉尙可支持故有不截甘餉之議嗣因捻逆張總愚入秦後兇醜更張任杜賴汝洗又盤旋鄂境不能不添募勇丁為剿捻之計遂至增兵數倍加以購買騾馬車

續編卷六

聖

馱料量行費需用更為繁鉅_臣軍月餉僅福建四萬兩浙江二萬兩不敷甚鉅入秦之際已不能不挹注甘餉入秦後芻糧騰貴運奇艱費益不貲而陝甘各軍之極困者既不能不略予通融客軍之出力者尤不能不時其緩急_臣舍甘餉無可動之款而甘軍數經敗潰其勇數已大減於楊岳斌在甘時以所得協餉計之亦尙不至窘於往歲若以甘餉全界甘省甘軍能辦賊與否_臣既不敢知而_臣軍且立困於中道此_臣動用甘餉緣由不得不直陳於

君父之前者也_臣所籌借洋商銀兩除水脚保險滙費息銀外實可得一百一十餘萬兩此事先為上海稅務司所極幸道員胡光埔設法辦成已不免稍稽時日而山西解州票商因晉省河防戒嚴不敢諾承滙解洋款多由各省實解鄂台舟至湖北安陸府屬又值鍾祥獅子口堤決不能迅速輓運頭批解到已在九月下旬_臣軍待餉正亟應手而盡二批到時除分潤各營外籌湊銀六萬兩撥解甘省而_臣軍各營餉項現已積欠三四月不等此後洋商借款陸續運到即須陸續撥用計本

續編卷六

聖

年十一十二兩月支發軍餉糧價即行竭蹶各省明春協餉就令正月即解已須三月抵秦已恐停兵待餉况陝西軍務方殷主客各軍糧價及涇慶各軍又不能不隨時勻濟此洋商借款未能按月多濟甘軍之實在情形也查甘軍餉項除六月間據陳不業稟報續由漢中收解銀十五萬五千餘兩外經_臣催撥四川協餉銀共四萬兩近又撥浙江協餉銀十萬兩籌解署督_臣穆圖善本年秋冬江甯月餉銀六萬兩又催提山西河東協餉由林壽圖先後撥解銀六萬兩撥給甘軍總兵胡世

英所部餉銀一萬兩並飭四川援甘局將翎捐一項催繳解甘約尙可得十餘萬兩計自六月間臣入秦後其撥銀三十七八萬兩併陳不業林壽圖前後所解總計約六十餘萬兩甘省前數年所得協餉尙未必如此之多從前數年奏咨案牘可查也然臣猶思竭籌畫以濟甘軍一俟三批洋款到日卽再撥銀五萬飭林壽圖委員迅解秦安轉解蘭州以應甘省年終之用一面飛咨四川督臣於前此臣商懇川省代辦軍米內先儘署督臣酌提濟用將來米捐如能起色亦就近於四川捐局

續編卷六 畢

隨時酌撥濟甘雖事有先後緩急亦斷不敢膜視甘軍重煩
宸念惟署督臣穆圖善現飭林壽圖撤西安糧台悉以餉事歸秦安糧台又分撥山西河東協餉歸雷正綰委員守催而令曹克忠舊部張在山涇州一軍仰給於雷正綰涇軍先存疑慮在署督臣恐林壽圖截留餉銀因併西安糧台撤去正與楊岳斌漢中轉餉事出一轍而以涇軍餉事寄之雷正綰坐使涇軍解體實覺非宜若令慶涇各軍概取給於秦安糧台又鞭長莫及慶涇防

軍皆將渙散陝省卽有剝膚之災自古用兵西北必多籌運道以備不虞似此專注漢中秦安一路設有梗阻必致貽誤且自西安至甘十六站自漢中至甘二十七站遠近攸殊於漢中設分局轉運四川銀米可也若轉運各省甘餉於道里軍情兩無所取此後臣軍入甘亦必仍於西安設陝甘總糧台則現設西安之甘肅後路糧台豈有撤理林壽圖雖再四懇請裁撤臣未允行良以事勢了然無煩再計此西安糧台未便裁撤之實在情形也竊謂寇來自外急藩籬而緩堂奧用兵於內後

續編卷六 畢

枝幹而先本根督臣總制陝甘當籌兩省全局甘省此時之患在兵多而不能戰或被奸回軟圍或與土匪勾連現在存營名冊未可覆按而陝省西北各路已大受甘軍之累卽如胡世英一軍十營經署督臣檄來延安其逃勇從賊抗拒官兵曾爲提督劉厚基所擒斬胡世英來陝日久坐視回土各逆剽掠會無一矢相加欲撤之使去則欠餉已巨欲督之使戰則挫衄無疑卽此類推甘軍大略可想陝省拾回交託又益以甘軍潰勇串合蔓延勢方岌岌陝境不靖甘餉從何轉運軍事旣先

陝後甘餉事亦不得不移緩就急。今日在陝固不能視甘肅為遠方異日入甘亦仍必以陝西為根本可否敕下署督臣穆圖善將甘軍屢經詳潰有名無實各營核實察驗綜計每月掙節支用約實需餉糧若干咨臣商辦然後議立兩省分總糧台酌量緩急分別撥濟乃為正辦至於議撫議餉必俟陝境捻平之後臣軍向甘始可辦理蓋現在議餉因無兵力議撫頗受回欺是甘餉僅可暫為點綴不能以全力注之即臣將來以全力注甘亦必先籌轉運先籌屯墾而後可以下手亦斷不

續編卷六

聖

能苟且目前為一時權宜之計致蹈故轍愚拙之見甘肅改設之台祇宜責令就近轉輸川湖餉米陝省現設之甘肅後路糧台仍留以司協餉之總匯不可因遷就日前自誤大局是否存當謹據實覆陳伏乞

皇太后

皇上聖鑒訓示施行謹

奏 同治六年十一月初四日

奏陝甘撫局勢難敷衍片

再甘肅近日情形臣處毫無聞見地方文武官軍紳及

帶兵將領臣無素識之人一切無從訪察正拜摺開喬松年接到西甯鎮總兵黃武賢所寄一緘似撫局已有不能敷衍之勢臣既有所見不敢壅於上聞謹照錄原緘一併恭呈

御覽

謹錄甘肅西甯鎮總兵黃武賢致陝西撫臣喬松年原緘恭呈

御覽

啟者弟自去歲七月內在甘屬隴城大營荷蒙

續編卷六

異

奏留軍營効用九月內隨同晉省先後各情形佈泐數函未識得邀青覽否茲於本年正月內弟奉文飭赴新任以專責成等因遵即束裝起程三月初三日接印任事無如地方擾害年久萬民塗炭至甚營伍絕餉多年有兵即似無兵弟自去年至今到任以來地方苦不可言刻下衣食難堪世間未有見過餓死總兵也所有在城文武官員被匪挾制多年任其使喚非

朝廷之官也至城鄉內外漢莊任從匪類日夜搶奪姦淫如似已物民不敢阻官不敢辦任從匪意慘不勝言

弟亦不得已暫且然之如似籠中雞鳥無異至貴德廳承丞全家二月十六日被害到今不能完結官亦不敢理問後因該處番子不服代其報警將城外回莊一律燒盡該匪入城盤踞相持月餘至五月內馬彘三由山後巴燕戎帶人來甯並調甯地狗眾前往貴德救援番子聞風而逃將百餘漢莊及城內外文武衙門廟宇燒成焦土北川新城四月十七日已經失守並將威望堡百餘漢莊燒如灰塵如此情形披猖不知後來如何了結刻下穆將軍署理督印楊宮保卸任止准投誠不准

續編卷六

兇

勦辦自數年以來漢民不准入城若再一年西甯漢人絕矣弟現在坐井觀天舍姪被殺無法可施祇有除死方休而已素叨雅愛肅滅奉聞再本年三月內前宮保楊派令梅開泰軍門鄧護提軍全忠統領十餘營進勦西碾先住碾伯縣將馬莊米拉三溝賊巢一律勦滅淨盡直抵巴燕戎其功不小辦理甚是得手不料於六月二十三日因何事故全軍潰回碾伯縣軍裝器械俱失兵勇現住碾伯縣滋擾萬民塗炭鄧提軍雖漸次收錄數營亦無益於事其兩軍門諒必各有心病致悞大局

未知將來如何結局

軍機大臣 字寄同治六年十一月十一日奉

上諭左宗棠奏覆陳甘肅餉事通籌陝甘全局俟軍行人甘卽當接篆任事並西甯撫局難恃各摺片據稱穆圖善現飭林壽圖撤西安糧台悉以餉事歸秦安糧台又撥分撥山西河東協餉歸雷正綰委員守催而以涇軍餉事寄之雷正綰恐涇軍先存疑慮若令慶涇各軍概取給於秦安糧台又鞭長莫及且用兵西北必多籌運道以備不虞似此專注漢中秦安一路設有梗阻必

續編卷六

卒

致貽誤等語所籌深中款要現設西安之甘肅後路糧台卽著左宗棠飭令林壽圖妥爲辦理毋庸議裁撤其甘肅改設之台卽責令就近轉輸川湖餉米以資撥運穆圖善務將甘軍覈實察驗節支用綜計每月約實需餉糧若干咨明左宗棠商辦左宗棠亦當彼此兼顧源源接濟俾免譁潰之虞甘軍雖有一百四十營之多據左宗棠奏稱楊岳斌去甘之先多已逃潰現在存勇斷不及半著穆圖善切實查覈毋任各營官按籍索餉致涉虛冒各營兵丁缺額暫時無庸招募以節餉需

左宗棠速將擒逆剿除並陝甘交界之回節節掃蕩馳赴甘境將該省兵餉剿撫各事宜實心籌辦以副委任並著穆圖善俟左宗棠入甘後即將總督關防派員齎送該督軍營八月十六日河狄回逆叛圍蘭省情形著穆圖善具實查奏仍隨時與左宗棠商妥辦左宗棠奏喬松年接據總兵黃武賢函稱西甯危殆情形撫局已有能不一行之勢著穆圖善查明據實具奏仍一面咨照玉通會籌辦法以遏亂萌黃武賢原信著鈔給穆圖善閱看將此由五百里各諭令知之欽此

續編卷六

至

奏遵 旨覆陳摺

奏為遵

旨覆陳仰祈

聖覽事竊臣正拜摺聞欽奉十月二十四日

寄諭穆圖善奏甘省協餉久缺遞陳情形一摺甘肅現駐各軍應歸該省發餉者共有一百四十餘營之多所需糧石既難就地採辦應需餉銀本省亦無從籌款省台及秦台所收川湖等省解到之欸杯水車薪計尚不敷一月支放之數現據該署督臚陳兵勇並應需糧數

續編卷六

至

日及缺餉危迫情形所奏自非虛飾甘省餉缺已久饑軍譁潰堪虞若再不速撥接濟勢將不可收拾著左宗棠按照穆圖善摺內所陳各情量籌接濟並著迅速撥銀前往以維大局左宗棠身任甘督自應及早赴任未便久住陝省著將陝省擒匪速行殄滅俟軍務辦有頭緒即行馳赴甘境穆圖善原摺著鈔給左宗棠閱看等因欽此臣查著督臣穆圖善原摺所稱甘軍有一百四十營之多均非不戰而食屯兵無賊之地等語各省協甘的餉不及二十萬兩而甘軍除慶涇等軍由西安糧

台發餉外其在甘肅各台支餉者每月額餉尙需四十餘萬兩真不待知者而知其難楊岳斌入甘時銳進蘭州於後路未暇深慮迨身入重地顧此失彼後路時梗乃不得已而思增兵益餉勉強支持已爲失計聞其去甘之先所部各軍已多不戰而潰或相率潛逃存營人數實已減少穆圖善接署督篆後甘省各營勇丁又或潰散爲匪或私入秦楚軍中充勇計現在存勇斷不及半此匪臣一人逆億之詞也穆圖善既一意主撫其分駐各處之營果有戰事與否臣不敢知但道路傳聞穆

續編卷六

臺

圖善於八月十六日勒兵出郭受河狄逆回之降倉卒被賺陣亡提鎮參游數人弁勇多名回逆遂圍甘肅省城幸彭楚漢至始得解圍其餘近接陝界之回逆方各出巢內犯陝境甘軍當少戰事臣自大關以來未接穆圖善緘商兵餉進止機宜八月十四日曾致信穆圖善婉陳一切竊謂甘回非盡不可撫必痛加懲創使逆回有所畏設法安插使良回有所歸而後撫局可成甘軍非盡不可戰必簡汰疲乏核併虛浮以所轄節之餉勻加精銳有制之軍使一軍有一軍之餉一軍得一軍之

力而後戰事可恃若不早爲變計指望不可必得之協餉遠贍飢軍聽各統領營官按月索取而又無以應之其虛勇既挂名餉籍概成積欠其實勇不敷日食未免搜害民間營官不能行其軍令勇丁必致別滋事端將如病者之遍體風痺不能運動何以爲剿更何以爲撫臣身任陝甘總督不能早清陝境入甘任事夙夜疚心此時穆圖善所辦之事即臣異日接辦之事心有所知豈敢以未嘗預聞置之不顧至甘軍待餉危迫臣籌撥銀米已縷悉具陳臣俟剿捻事竣自當先剿陝甘交界

續編卷六

臺

之回節節掃盪而西惟不敢冒昧從事急趨蘭州致蹈楊岳斌故轍亦不敢久曠職守而以危苦之事累人擬請救下署督臣穆圖善俟臣軍行入甘境即將陝甘總督關防派員資送臣營臣即當接篆任事穆圖善縱不相催臣亦擬屆時請旨區區愚忱斷不敢有所選擇有所趨避致負平生也謹據實覆奏并鈔錄致穆圖善信稿恭呈御覽伏乞

皇太后

皇上聖覽訓示施行謹

奏 同治六年十一月初四日

謹錄八月十四日致穆圖善信稿恭呈

御覽

甘省籌餉難於籌兵籌糧難於籌餉天下共知第奉

命之始專辦甘事專勦回逆而已嗣張捻巨股由豫竄

秦秦軍大挫賊欲頓張始奉

命先剿陝賊以局勢論必先秦後隴以賊情論必先捻

續編卷六

奏

後回事理昭然無待詞費而秦中自漢回肇衅以來積

成浩劫論者謂西北遭禍最遲而受禍獨慘蓋較東南

為尤甚弟從東南而來證以所見所聞良不誣也見在

捻回並熾西同風素稱腴郡既已屢遭蹂躪滿目瘡痍

北山各郡縣又以回匪陸續回竄及潰勇土匪源源而

來擄殺幾無虛日官軍因餉賸疲情渙氣頽難期振

作入秦以來詢及軍儲則司庫無數萬之存而各軍懸

欠已十七八箇月留之固不能期其得力空言遣撤勢

又不能詢及餉源則地丁徵收十不及一釐稅則秦不

暢旺近因商賈罕至更復寥寥此種光景尋處亦有

所聞矣正擬乘捻逆東竄渭北連雨水漲之時悉銳攻

勦如天之福果能一鼓殲除滅此巨寇則當整兵西向

挑秦軍之銳者隨同節節進勦遣秦軍之疲者散令回

籍然後秦之軍與餉皆可移而之隴弟與閣下同辦一

事視秦與隴何有厚薄之分而局勢自有緩急辦事自

有先後則固不得不預為籌及譬猶人家當窘乏之際

子弟急謀析產各營私窟者其家銷亡必速昆弟內外

共支門戶夜思早作刻苦撐持者其家道亦必漸次興

續編卷六

奏

盛如初家與

國事同一理即弟與老兄今日所處何以異乎弟處借

兌洋欸尙未見到蓋由洋商有意居奇索取重息而山

西票商因風鶴疊警不敢匯兌致有遲延前奉

諭旨飭在此項內酌撥恐處未能久待現飭將四川

解到高軍門月餉三萬兩先撥交陳道丕業運解尊處

并飭英臬司將餉捐一欸儘數起解聊應急需希飭彈

收是幸米拉溝既已得手玉公又恐撓撫議致干

廷詰弟竊意玉公似未免為奸回所誤大抵回民願撫

亦未嘗非其本意然必我能勦然後伊可甘心就撫我誠心辦撫然後伊之就撫亦出誠心否則我以此聊示羈縻伊亦以此故相侮弄而已應如何處置覆陳希卽示知爲幸蘭垣標兵旣祇存二百餘名自可暫停招募一則節餉一則餉薄不能得好兵徒事虛糜並無實際現在用兵各省營兵缺額均皆停招甚有僅存營名並無額兵者閩浙兩江均如此卽陝甘亦然事勢所在不得不然想蘭垣尤宜照辦弟因秦事羈身一切偏勞費心照料殊抱不安凡有關繫各件如可從容處置者乞

續編卷六

五

隨時示及俾得竭其一得之愚並資練習是幸

恪靖奏稿續編卷七目錄

擒逆北虜回逆披猖自請嚴議摺

續陳籌辦米捐情形摺

剿回大勝岐山解圍摺

邠州等處剿回情形片

延川收復及回擒蹤迹片

剿回查獲大勝摺

高連陞等剿賊情形片

擒逆渡河犯晉自請從重治罪摺

續編卷七目錄

請調馬德昭駐守運城片

留劉典等剿辦陝回片

擒逆北竄回逆披猖自請嚴議摺

奏為擒逆北竄連陷延川綏德兩州縣現籌分途截剿
狗逆同時披猖蔓延日廣現籌分途堵禦並請

旨先將臣交部嚴加議處仰祈

聖鑒事臣於本月初一日具報劉松山郭寶昌兩軍由

洛川追賊中途突遇狗逆阻截李祥和劉芳桂先後傷
亡其時擒逆尙盤踞空川北界也提督劉厚基覘賊於

二十二三等日北竄延長二十四夜丑刻急起追之行

二百三十里二十六日至延川縣南二十餘里曹家灣

續編卷七

連日擊賊共擒斬百數十名訊據賊供賊之前隊已於

二十二日分股陷踞延川縣城前隊仍向清澗而竄劉
厚基擬於二十八日滾營前進先剿延川踞賊然後進

清澗綏德以免後顧之虞頃據吳堡縣知縣呂懋勳初

一日馳報擒逆由清澗直趨綏德州前月二十七夜四

鼓勇丁內變勾擒入州城遂陷山西按察使陳湜稟報

略同竊維臣當擒逆北竄之時原調劉松山郭寶昌由

洛川宜川延長延川清澗吳堡綏德一帶以抵榆林葢

欲傍大河西岸截賊東竄也嗣賊由鄜州甘泉折竄宜

川劉松山郭寶昌各軍正由白水洛川以赴宜川恰與

擒逆和值正冀機勢稍順不料李祥和劉芳桂行走落

後十九日遇狗逆失利劉松山等還軍救援又因候糧

重購糧食延誤數日至二十七八等日始齊抵宜川而

賊已於二十二日陷延川二十七日陷綏德矣前據劉

松山呈報二十九日由宜川取道延安相機追剿臣比

飛緘以綏德榆林為歸重之所不可徒事尾追計劉松

山等於此數日內早已行過延安如聞綏德失守必速

赴榆林但相距日遠此時尙未得其續報耳臣前在潼

續編卷七

關時與陳湜細談山西防河要略如防偷渡則以提西

岸船隻過東岸為要但能辦理切實必無疏誤至冰橋

之結向在大雪後或冬至前後亦有一定處所如吉州

之麻子灘至馬糞灘齊鄉之碗窩村至莊子嶺向來結

冰最長現在賊已竄過延長陷延川綏德追軍已抵延

川之南是甯鄉吉州一帶縱將來結冰亦無可慮其綏

德州對岸之永甯甯鄉葭州對岸之興縣臨縣神木府

谷對岸之河曲保德臣前已咨行山西撫臣趙長齡按

察使陳湜大同鎮總兵馬陞早為準備惟馬陞以鐵轡

存營兵丁僅二千餘名呈覆祇能援一千名赴防河曲保德臣嫌其單仍飭陳湜速催所部協防河保一帶兩岸山高徑仄水橋結成亦頗難渡入冬以來天氣晴和尙非結冰橋之時捻逆畏追師速至或未必入留所慮者前次片奏由膚施關入安塞縣之身股臣疑其前赴宜延台併頃據署安塞縣知縣王魯庭稟報縣城於十五日收復未詳賊踪所向而署甘泉縣知縣魯學浩稟報安塞之賊是邱大肚現向北路真武洞竄走係走銀條梁大路恐其由銀條梁邊外竄犯包頭而甘肅土匪

續編卷七

三

董福祥仍踞花馬池其甘肅之潰卒游勇哥老會匪股數紛繁必互相勾結秦省兵力既難追截甘省防軍又難深恃臣不得已又飭陳湜將所部親兵等營赴河保替出大同防河保之兵預防包頭以期兼顧此捻逆紛竄現在籌辦之實在情形也捻逆竄入北山後潛勾猖逆牽制官軍前經劉典高連陞於前月十五六等日痛剿後克氛稍挫然陝獨之遁入甘肅慶陽邠州正甯鎮原清水者同時竄擾絡繹奔赴鳳邠汧隴之間日日警報紛來竄難收復後前月二十八日晨刻有大股猖逆

自汧陽徑赴鳳翔府城總兵孫立士督所部馬步三營縱橫血戰死之三營均敗弁勇傷亡甚多適臣派提督銜總兵楊和貴帶後路五營總兵周金品馬隊三百餘行抵扶風二十八日聞鳳翔被圍二十九日由扶風赴援行過岐山縣西二十餘里橫水鎮日已暮矣騎賊從空堡衝出楊和貴排礮轟擊之昏黑之間不辨擊斃多少賊敗走楊貴和周金品仍復結隊徐行二鼓後始抵郡城東門計是日已行一百一十五里矣夜分急築營堡三十日黎明賊眾蜂擁而來騎賊五六千由東西兩

續編卷七

四

路直撲城壘楊貴和周金品各率馬步隊分布東西兩門橫排齊進嚴整如一悍賊猛撲而前我軍呼聲震天鎗礮齊轟立斃衝鋒悍賊四十餘人馬帶傷者無數賊遂奔潰城圍立解追至三汭鋪而還而先夜橫水擊斃之賊於是日紛竄岐山扶風兩縣之間已出官軍之後本月初一初二等日騎賊愈增岐山勢殊岌岌楊和貴尙無報至臣方調防渭各營西趨扼之而澄城忽報鄜州境內猖逆又向洛川白水竄入縣境黃龍山馮原等處將犯韓城郃陽而渭防又急現飛調臣部中路五營

之在宜君者速回臣擬親率西行也鳳翔縣知縣盛獲
狗逆李坏榮據供甘肅狄河狗逆已由清水張家川而
來令伊來鳳翔探信是即甘肅招撫未成旋撲省城之
悍賊臣前飭道員黃鼎率所部八營由邠州赴鳳翔據
報三十日可抵汧陽計可相檄夾擊然亦未得其到汧
陽後續報此狗逆乘間紛竄現籌剿辦之實在情形也
計主客各軍之在陝省者劉松山所部一萬有奇郭寶
昌三千人劉厚基馬步三千有奇此為剿擒之軍高連
陞五千人本飭其由鄜甘以赴延安現為宜君中部之

續編卷七

五

狗逆所牽制日日出隊未得痛剿不能即赴延安劉典
一軍五千人分駐同官耀州三水防剿狗土各匪臣部
各營共一萬有奇除楊和貴周金品馬步三千餘現在
鳳翔總兵周紹濂所部二千餘現在宜君外其中書吳
士邁之宗岳軍千餘現在渭防其升營奇營新前新左
兩旗新立清渭水師兩營及臣親兵營千餘名均分布
潼關華州華陰渭南臨潼一帶所調之吉林馬隊現飭
記名副都統喜昌勉挑千餘名從新訓練向未能戰所
有嗜好太重及游手無賴之徒正擬撤遣令歸旗籍此

外陝省舊有各軍均因欠餉太久士氣不振向係每月
給十日口糧每食不飽臣憫其苦每月加給五日口糧
而陝省兵燹之餘百物昂貴雖月給半餉亦究難免饑
寒臣雖責之以義不能諭之以情也以現在局勢言之
捻自南而北千有餘里獨自西而東亦千有餘里而主
客各軍之數僅止於此合計不敵山東諸軍三分之一
而陝西剿擒兼以剿狗又須兼顧甘肅之餉剿甘肅之
賊兵力餉事之應手與否臣不敢知事之獲濟與否臣
亦不敢知惟有殫誠盡瘁圖之而已竊念臣軍自六月

續編卷七

六

中旬入關以來先為時疫所苦八月初六以後至九月
二十七日捻逆北竄中間為大雨積潦所厄事機不順
莫甚於此然自問亦實有調度乖方之處兵事餉事向
歸臣一手主持自當獨任其責現在局勢艱危州縣城
池登陷臣無所逃責應請
旨將臣交部嚴加議處以示懲警其失守文書下落及
應請
卹典各將弁容即查明續報謹據實馳陳伏乞
皇太后

皇上聖鑒訓示施行謹

奏同治六年十一月初八日

續陳籌辦米捐情形摺

奏為續陳籌辦米捐情形恭摺仰祈

聖鑒事竊臣前請推廣米捐以濟甘餉一摺奉

旨戶部速議具奏單併發欽此昨准陝西撫臣喬松年

將戶部核覆臣所請推廣米捐一摺抄咨到臣除臣原

單所稱廣平本係庫平繕單時庫字誤作廣字業經咨

部更正外查部臣核覆各條惟分缺先前分缺間前本

續編卷七

七

班儘先新班遇缺儘先補用各班次及道府州縣應

交捐免保舉之項未准收捐應毋庸議其餘核准各條

應即條列設局收捐章程咨部核考惟道府州縣五項

及捐免回避難任應俸並保舉各員分發後報捐指省

各條限收捐一年者部議以部覆奏奉

旨之日起扣足一年即行停止竊思由臣行營委員赴

各省設局及咨報收捐章程聽候部復均需時日自部

臣覆奏奉

旨之日起限未免為時太促名為一年實恐不足十月

現在陝省收捐州縣一條已奉部復准白設局之日起

限所有甘肅推廣米捐准收一年各條應請

敕部亦准以設局之日起限各省設局先後不齊應即

以此次戶部核准收捐章程咨覆到臣行營之日為設

局之日以昭劃一及據前辦四川捐務道員楊柄銓面

稟川省勸辦職銜貢監各捐頗堪積少成多須多發執

照方易勸捐等語合再懇

恩勅部再發五七八品職銜空白部照五千張貢監

空白部監照各五千張並前請各項空白執照五千張

續編卷七

八

一併發遞臣營以便分發各局填用至前護理陝甘總

督恩麟奏准六條除捐免回避難任三條外其捐免坐

補及在任候選捐免引

見降革人員捐復四項本准甘省免收可否並邀

恩准歸入米捐辦理並由戶部鈔發議覆恩麟原摺六

條以資遵守之處出自

聖裁除將設局收捐章程咨請戶部核覆外謹將籌辦

米捐情形恭摺附驛具

奏伏乞

皇太后

皇上聖鑒訓示施行再此次收捐濟餉臣軍與甘軍均資撥用如前次部文已行甘省督署臣穆圖善業經委員設局則與臣所委之員合局辦理如穆圖善仍咨臣酌定則由臣委員設局將所收捐款隨時酌量分撥合併陳明謹

奏 同治六年十一月初八日

軍機大臣 字寄同治六年十一月十四日奉

上諭左宗棠奏擒逆連陷延川綏德兩城回逆同時披

續編卷七

九

猖自請嚴議並續陳籌辦米捐情形各一招覽奏已悉擒匪由延長竄陷延川縣城前股由清澗直趨綏德州城亦被竄陷鳳汧一帶回氛復熾亟應迅籌剿辦劉松山等軍已由且川延安進剿即著左宗棠喬松年庫克吉泰檄飭劉松山等分途截剿將失守各城迅圖攻克劉典亦當派兵進剿力遏賊氛延綏各屬與晉省僅一河之隔處處可渡著趙長齡仍遵前旨嚴飭陳湜兼顧督率在防各軍加意防範將西岸船隻盡數提過東岸毋令擾及晉境致干重咎河曲保德一帶尤關緊要左

宗棠已飭總兵馬際撥兵一千名與陳湜所部親兵前往防守並著趙長齡飭令該臬司等勤加偵探加意嚴防勿任一匪竄越其闌入安塞之匪現向真武洞竄走思由銀條梁邊外竄犯包頭與花馬池等匪互相勾結左宗棠已飭令陳湜騰出大同防軍前往包頭堵禦並著裕瑞桂成趙長齡檄飭帶兵各員確探賊蹤妥籌布置毋任該匪闖入左宗棠務當妥為布置責令帶兵各員由東北逼向西南以期力保完善鳳隴等處回氛猖獗甘肅回匪乘機竄擾意在與擒匪相結牽制官軍著

續編卷七

十

左宗棠嚴飭楊和貴等與黃鼎等軍合力夾擊並將鳳翔及洛川白水等股迅籌剿滅毋任蔓延為患致剿辦更難得手左宗棠統兵剿擒任令該匪竄陷延川綏德兩城殊難辭咎著加恩改為交部議處所陳籌辦捐米章程即著照所請辦理將此由六百里諭知左宗棠庫克吉泰裕瑞桂成喬松年趙長齡並傳諭劉典陳湜知之欽此

奏剿回大勝岐山解圍摺

奏爲官軍截剿陝甘大股悍回於汧陽鳳翔兩次大獲全勝并解岐山之圍回逆被創返竄恭摺馳陳仰祈聖鑒事竊臣宗棠於本月初八日具報分途籌剿捻逆堵禦回逆情形其時鳳翔府城雖已解圍而陝西大股悍回崔三正賊甘肅河州狄道悍回米賈張非兩大股合併入犯勢更披猖內而岐山扶風外而汧陽隴州同時告急提督銜記名總兵楊和貴總兵周金品自十月三十日擊退圍撲鳳翔之賊次日正擬東剿岐山之賊

續編卷七

二

忽聞河狄悍回米賈一股已至鳳翔四十餘里之柳林舖因卽勒兵迎剿時道員黃鼎一軍適由靈臺赴汧本月初一日行抵距汧陽之二十里之紅旗鎮知河狄逆回張非一股於辰刻竄撲汧陽縣城經該縣知縣鄒常泰擊退踞城東二十里之黃里舖遂於初二日五鼓馳赴城東五里之龍王廟該逆圍攻集後堡寨已垂破矣黃鼎飭五營築壘自率三營及親兵馬隊進至余家嘴該逆列步賊四五千於楊家原上而以騎賊四千餘分布汧川黃鼎正指揮間該逆步騎兩路分撲官軍黃鼎

督隊轟擊雖迭斃悍逆而該逆愈撲愈近刀矛相接副

將銜參將徐占彪率正營自後馳來大呼陷陣縣丞雷炯參將陳金彪率副營自左路上原抄下奮力進擊斃賊百餘名賊皆返奔步賊自相擁擠墜崖落澗者四五百名悉被雷炯陳金彪等圍殺生擒回目王拴拴馬者馬等八十三名餘賊潰逃徐占彪與副將邱國良馬隊由川中追逐直抵黃里舖騎賊悉敗入村中首逆張非披紅袍嗾黨回撲徐占彪督隊鏖戰邱國良抄出村後擲火燒屋該逆驚惶失措徐占彪乘勢掩入馬牛填咽

續編卷七

三

回眾大亂官軍用矛戳張非中背墜馬陣斬回逆千餘名比迫出街口騎賊見我軍兵單勒馬返撲我軍稍卻徐占彪手及退後者一名督隊出街口堵禦黃鼎急從楊家原抄下擊賊之腰賊勢不支悉由五里坡黃家原邊子一帶奔上高原憑高死拒分千餘騎由原上繞下截我後路黃鼎飛調參將劉竹田鎮西右營游擊劉德良德字營由原上橫截騎賊並調派都司龍常右營總兵趙雲鳳後營分兩路上擊五里坡之賊都司楊朝元左營與副將王其發發字營分兩路上擊黃家原之賊

龍常等直上五里坡賊中飛石如雨右營幫辦縣丞楊作舟被石中腦陣亡勇丁亡者三名傷者十餘名賊即還直撲下營官官長勝哨長朱蘭亭下馬持矛率隊迎擊我軍卻而復前龍常揮眾猛進斃悍賊數十名賊敗退原上黃鼎令千總夏桂林以炸炮擊之五發斃賊甚夥五里坡之賊遂潰楊朝元進至楊家原半坡勇丁受石子傷數名王其發繼由左側分兩路衝上勇丁被賊飛石中傷者又數名王其發督隊奪路而上斃悍賊十餘名楊朝元亦乘勢衝上左右夾擊共斃賊二百餘名

續編卷七

三

其原上繞下之騎賊亦為劉竹田劉德良輩斃多名賊眾同時敗走彭祖原日暮收隊分駐黃里舖龍王廟是日共斃賊約三千名生擒八十餘名奪獲馬匹騾驢約有三千有奇又子鎗四十三桿旂幟糧食山積訊據馬者馬供甘肅河州人與首逆米賈張非同鄉米賈為阿渾又名甘牛阿張非歸其誦造米賈張非因捻逆勾結各選擇黨一萬內有番回父子鎗手一千名欲往西安會合捻逆共攻省城等語當即斬之此黃鼎一軍在涇陽剿回大獲勝仗之實在情形也張非一股受創後餘

賊與米賈崔三兩股合併方縱橫鳳翔岐山扶風之間初一二等日大股至岐山破城外各堡攻城甚急楊和貴周金品之赴鳳翔也因急於趨程留輜重斃賊之重贅者於岐山縣城交所部各營幕友周其俊等率馬步弁丁二百餘名護之至是分布四城誓以死守屢次擊退撲城之賊初二日馬隊右營幫辦副將吳禧德自宗棠行營至岐山入城督防初三日賊騎突入城西附郭土堡楊和貴幕友軍功徐樹桐率壯士十餘名縋城擊賊鎗斃悍賊多名賊猶抗戰親兵熊國亮斫斃騎賊

續編卷七

四

一名賊卻走各勇奮擊賊且戰且走共斃賊三十餘名徐樹桐熊國亮均被鎗子傷斃勇丁陣亡三名受傷四名初四日賊騎大至城西里許蟻聚蜂屯吳禧德周其俊商令親兵守備姚銓多發開花礮擊之再發斃賊騎數十名賊駭而奔少頃復攻破城南姚家堡旋向西南折竄其擾及扶風境內者攻寨掠糧四處焚殺至四五等日亦漸西去維時宗棠所調援師甫從宜君臨潼分道西上楊和貴等初四日出擊鳳翔柳林舖東竄之賊賊分各堡中而大股東向奔竄官軍搜剿伏賊鎗斃

甚夥追二十餘里仍回鳳翔賊目見官軍隊伍甚單後無策應初五夜悉合岐扶騎賊環伏鳳翔之四頭果園關村太相寺等處初六日辰刻游騎圍攻鳳郡東廩桿村堡意圖誘我出擊肆其包抄楊和貴揣該逆將已重圍陷我然非深入不能多殲悍賊遂率五營九成隊二千餘人作梅花陣成列而出周金品馬隊三百餘騎分列步隊兩旁將抵郡東桃源堡賊佯退誘我比官軍前進伏賊齊出一由四頭果園犯官軍之前一由關村太相寺襲官軍之後分股由西路東路塘坊三崗子抄官

續編卷七

五

軍之左右騎賊步賊約共兩萬數千如墻而進氣殊驕甚楊和貴周金品從容結隊且戰且行鎗礮連環轟擊斃賊已不少矣而悍賊仍恃眾環撲如故楊和貴周金品率壯士四百餘精騎八十餘從陣中出向賊勢最厚之四頭果園塘坊等處奮威衝殺一面嚴飭各營結陣隨行痛轟四圍之賊賊下馬撥矛叢刺前者甫卻後者繼進自己至申慶戰四時之久賊屍枕藉猶復拚死搏鬥官軍愈戰愈奮銳不可當楊和貴所部營官參將劉春藻哨官副將枕後德游擊虞有勝均裹創血戰各弁

勇無不一以當十共斃悍賊二千餘名斃賊馬二三百匹帶傷而逃者不可數計正酣戰間黃鼎已馳抵鳳郡未及傳餐遽出隊分路策應楊和貴周金品從賊中橫截而出兩面夾擊斃賊尤夥賊遂大敗紛紛竄走比官軍收隊回城則漏已二下矣是戰於危險之中克獲全捷僅陣亡勇丁一名受傷二十餘人城中士人驚怖之餘見官軍殺賊無數無不舉手加額也賊自此次大敗後固匿不出初七日三鼓悉向鳳翔東北川口入山繞道狂逸黃鼎追至靈臺不及而返此楊和貴等鳳翔剿

續編卷七

六

回大獲全勝及分守岐山縣城擊退悍回大股之實在情形也臣等查此次陝回崔三糾合甘肅河狄悍回米賈張非兩大股共三萬餘人乘官軍入山剿擒伺間內犯有長驅直入之勢臣宗棠先檄黃鼎自邠赴鳳黃鼎偵賊至沂出其不意截擊張非一股先破後路之賊楊和貴周金品馬步不滿三千人所到者僅三米賈兩大股方其馳抵鳳翔賊已分股竄擾岐山扶風一帶出官軍之後矣孤軍中立勢極危險臣能以礮車堅陣破騎賊二萬有奇殺傷過當實出望外即留守端重之馬步

一百餘人當此劇寇環攻竟能憑城擊賊得保無虞亦非始願所及臣宗棠方檄總兵周紹濂由宜君折回總兵左日升於奇泮山臨潼拔隊來渭西上正擬自率親兵繼發而楊和貴等初六日大捷之報率至以此暫緩西行是役陝甘巨股悍回併力東趨兇饒甚熾黃鼎楊和貴以寡擊眾以步敵馬一以奇勝一以正勝機勢湊拍戰績昭彰應懇

天恩優加獎勵以作士氣提督銜記名總兵楊勇巴圖魯楊和貴請以提督記名請

續編卷七

七

旨簡放並請

賞換清字勇號總兵周金品請

賞給勇號按察使銜留陝補用道員勇巴圖魯黃鼎

請交軍機處記名遇有陝甘道員缺出請

旨簡放並

賞加二品頂戴黃鼎所部尤為出力之補用總兵趙雲

鳳請交部從優議叙升用總兵陝西補用副將邱國良

請

賞給勇號總兵銜副將王其發請以總兵儘先補用副

將銜參將徐占彪頃金彪章占雄均請以副將儘先補用徐占彪並請

賞給勇號參將劉竹田請

賞加副將銜游擊劉德良請

賞加參將銜都司楊朝元龍常均請以游擊儘先補用

守備銜藍翎千總朱蘭亭請以守備儘先補用並請

賞換花翎把總周廷楨請以千總儘先補用並

賞戴藍翎遇缺即選知縣王時邁請

賞加同知銜五品銜即選縣丞雷炯請俟選缺後以知

續編卷七

六

縣儘先補用候選教諭侯肇封請俟選缺後以知縣不

論雙單月遇缺即選力戰陣亡之即選縣丞楊作舟請

勅部照知縣陣亡例從優議卹外委楊國昌請照把總

陣亡例從優議卹以慰忠魂其楊和貴周金品所部尤

為出力各員弁及岐山守城員弁勇丁應請

獎者最多俟楊和貴等開擬保單到日再行會核續

奏請

獎其餘在事出力各員弁可否擇尤彙案保

奏之處出自

天恩所有汧陽鳳翔剿辦陝甘悍回大獲全勝並岐山解圍各緣由謹合詞恭摺馳

奏伏乞

皇太后

皇上聖鑒訓示施行謹

奏 同治六年十一月二十二日

同治六年十一月二十八日內閣奉

上諭左宗棠等奏官軍剿回大勝岐山解圍一摺陝西

回匪崔三糾合甘肅回匪米賈張非等股匪竄汧陽鳳

續編卷七

五

翔等處道員黃鼎等率軍截擊張非股匪十一月初二日在汧川黃里舖五里坡處迭次接仗共斃賊三千名生擒八十餘名奪驟馬三千有奇旗械輜糧甚多該匪被剿後與崔三米賈合竄鳳翔岐山扶風等境總兵楊和貴等分兵堅守岐山擊退撲城賊匪縣城解圍初四五六等日出擊鳳翔竄匪無戰不勝共斃悍賊二千餘名黃鼎一軍復馳出策應兩面夾擊斃賊尤多該逆等遂向鳳翔東北川口繞道竄走此次官軍以少破眾大挫賊鋒洵屬異常出力在事員弁自應量予恩施以紹

激勸總兵楊和貴著以提督記名請旨簡放並賞換瑚

松額巴圖魯名號周金品著賞給鋒勇巴圖魯名號道

員黃鼎著以陝甘道員用並賞加二品頂戴黃鼎所部

尤為出力之總兵趙雲鳳著交部從優議敘副將邱國

良著賞給壯勇巴圖魯名號王其發著以總兵儘先補

用參將徐占彪等三員均著以副將儘先補用徐占彪

並賞堅勇巴圖魯名號劉竹田著賞加副將銜游擊劉

德良賞加參將銜都司楊朝元等二員均著以游擊儘

先補用千總朱蘭亭著以守備儘先補用並賞換花翎

續編卷七

五

把總周廷楨著以千總儘先補用賞戴藍翎知縣王時進著賞加同知銜縣丞雷炯著俟選缺後以知縣儘先補用教諭侯肇封著俟選缺後以知縣不論雙單月選缺即選陣亡縣丞楊作舟著照知縣陣亡例從優議卹外委楊國昌著照把總陣亡例從優議卹楊和貴等所部尤為出力各員及其餘出力各員弁均著左宗棠等核寔奏請獎勵該部知道欽此

奏邠州等處剿匪情形片

再陝甘回逆及潰勇土匪分股竄擾邠州三水宜君中

部洛川一帶經臣等分飭堵剿已革提督譚玉龍一軍於十月三十日剿辦邠州紅崖堡安家堡等處回逆斃賊數十名十一月初一日督隊進剿州北永樂鎮踞逆該逆四五千騎分三路猛撲譚玉龍亦分三路迎擊鏖戰三時斃賊四五百名賊潰走參將張德林首先陷陣身被七創千總張玉林頭受炮子兩傷皆歿於陣傷亡勇丁十七名初二日賊騎繞向三水初四日至距縣城二十里之太峪鎮臣劉典飭總兵陳集賢副將李世顏副將銜參將蕭雅泗參將祝鑑嵩賀潤蘭禦之城西十

續編卷七

三

里南宮太乙兩村間賊設伏羅家嘴更分三股撲陣數次我軍屹立不動則復分五路以兩路鈔我軍後兩路左右圍裹一路六七百騎當前挑戰陳集賢等分路迎剿轟斃騎賊甚多賊舍騎搏戰我軍鎗炮環施斃賊數十名奪馬六匹賊即敗遁初六日回逆五千餘人復由甘肅正甯犯邠境譚玉龍由永樂鎮迎擊賊眾殊死鬥另股虜至我軍漸卻譚玉龍轟擊退後勇丁二名各勇直前奮殺賊遂敗北我軍追五六里適三水各營擊敗之賊竄近永樂譚玉龍回軍轉擊鎗斃二人賊即繞路

奔歸正甯宮河州巢穴是日共斃賊三四百名生擒七名奪獲賊馬四十餘匹我軍陣亡勇丁十五名受傷二十九名初七日另股回逆七八千人復西路入犯譚玉龍派馬隊二百騎馳扼西路白吉鎮派副將胡日盛等帶奮勇千人分伏溝中自督隊擊彭家川大股接戰間一砲轟斃當先紅衣賊目四名賊返奔追至崖側斃賊三四百名房嶺底廟兩路伏兵各有斬馘賊不敢前惟龔家莊賊勢較重伏兵不能阻遏由白堡折向永樂譚玉龍移兵向西北攔截適提督蕭德經總兵羅洪德各

續編卷七

三

率所部剿敗三水甘家寨攻塞回逆追殺十餘里聞報馳援兵威頓壯賊遂飛奔回巢我軍陣亡勇丁六名受傷十一人十一日復有賊騎五六百撲近永樂比譚玉龍出隊賊即馳遁此邠州三水各營剿回疊勝之實在情形也其宜君一帶回土各逆之圖內犯者臣劉典所部各營除分防三水外復分紮宜君同官耀州三交界之米子要隘臣劉典自駐金鎖關並分兵駐守同官以通運道自初一日起屢經出隊襲擊逆眾望風即遁初八日賊騎二千餘由楊家店東竄臣劉典以古泉爲同

官東北水西要衝亟分兩哨扼紫初九日賊由榆樹坪南竄臣劉典飭駐米子之提督銜總兵劉端冕總兵黃有功李大有進剿遇賊于高廟出賊不意擊斃賊十人賊駭走復追殺數十名生擒五名奪驃馬五匹臣劉典慮其乘虛以襲宜君飛飭李大有與總兵甘大有副將唐俊元各抽隊伍於初十日辰刻馳抵宜君該逆馬步數千人果圍襲縣城前股已竄至城北教場李大有等乘賊未集擊之該逆分撲我軍勢極克悍我軍嚴陣轟擊傷賊甚多午刻賊鋒始挫李大有甘大有唐俊元三

續編卷七

三

路衝殺賊猶回撲十餘次我軍乘勝猛擊陣斬悍賊數十名賊敗遁復竄斃尾賊數十名奪獲牲畜糧糧無算我軍僅受傷一名賊遁至距城二十餘里之高家村我軍收隊入城臣劉典復飭黃有功率隊馳駐以厚兵力並飭都司丁大洋率騎向北路糜子墩偵探回騎數百驟至即列隊排擊陣斃悍賊二十餘名受傷墜馬者甚眾該逆大股屬集丁大洋已被賊圍裹下馬步戰手斬悍賊數名哨長郭榮陞亦斬悍賊數名身被二十一矛傷猶裂創血戰忽賊騎百餘又自後衝入我勇丁三

名失馬七匹李大有督所部馳援賊即解去丁大洋復率二十餘騎追殺屠賊三名奪馬二匹而還郭榮陞踣馬回營旋於次日因傷重殞命其甘肅提督高連陞一臣宗棠先檄令向鄜甘進發而鄜州宜君一帶回逆潰勇土匪蜂屯蟻聚倏卻倏前初七日高連陞馳抵洛川縣北五里孝義村適回逆數千攻堡子頭地方村寨游騎薄城片股踞舊縣菩提原分股入黃龍山內犯澄城白水各境初八日高連陞馳剿堡子頭圍塞之賊遊擊吳國富率馬隊掩至塞後高連陞督將士向塞前衝

續編卷七

三

殺斃賊多名塞圍頓解乘勝追過山前訶賊設伏山溝遂勒馬山嶺調步隊三路進擊吳國富自左右山凹抄出步賊先敗騎賊隨之我軍追殺十餘里斃賊二百餘名墜崖落澗死者無數餘賊向鄜州羊圈一帶逃去其入犯澄白之回逆聞堡子頭股匪經官軍擊敗即向西北宵遁嗣探圍攻鄜州之回土各匪亦相繼解圍遁走鄜州之路漸通高連陞十二日回軍宜君十四日行抵偏橋規賊尙踞彭村高連陞即率各營由偏橋北繞出高家村擊之賊見官軍至即又紛竄追過兩重山嶺猶

狂奔不止僅擊斃落後騎賊而還高連陞飭總兵高有志等五營回駐宜君縣城一營駐古泉護餉道而自率五營駐偏橋以扼洛川中部宜君要衝遏其內犯腹地此宜君洛川剿回邊勝之實在情形也所有力戰捐軀之參將張德林守備郭榮陞千總張玉林均請勅部各照陣亡例議卹以慰忠魂謹附片具奏伏乞聖鑒訓示施行謹

奏 同治六年十一月二十二日

軍機大臣 字寄同治六年十一月二十八日奉

續編卷七

三

上諭左宗棠奏邠州等處剿匪情形等語回逆及潰勇土匪竄擾邠州三水宜君中部洛川一帶經譚玉龍等軍由邠州之紅崖堡等處分路進剿由正甯犯邠之甘回及另股回匪均經擊敗左宗棠檄飭譚玉龍等軍乘勝進攻務將邠州等處之匪節節掃蕩以期漸次廓清宜君洛川之匪經劉典等軍進剿亦有斬馘賊俱敗遁脚宜之路漸通著左宗棠會商劉典激勵將弁合力兜擊毋令該逆闖入晉疆擾及完善之區陝甘毗境賊勢鴟張庫克吉泰會否帶兵出省著即懷遵前旨是力剿

辦毋再遷延下咎左宗棠喬松年務當悉心籌商妥為布置迅殄逆氛此次力戰捐軀之參將張得林守備郭榮陞千總張玉林均著交部各照陣亡例議卹以慰忠魂其綏德州失守之總兵陶茂森署知州沈際清本日已批諭均著革職等因著左宗棠按律懲辦以肅戎行黃河冰凍陝省之賊處處可以竄晉且匪蹤已及葭州逼近河干防務極關緊要趙長齡督飭陳湜將沿河一帶嚴密布置連環偵探毋稍疎虞將此由六百里諭知左宗棠庫克吉泰喬松年趙長齡並傳諭劉典陳湜

續編卷七

三

知之欽此

奏延川收復及回捻蹤迹片

再延川綏德兩城失守後記名提督劉厚基於十月二十八日派四營分兩路由清東灣山岡壓下一營及小隊循河而北自率馬隊前驅捻逆百餘騎列城外以待劉厚基督隊前擊鎗斃賊賊即卻退復刺斃十餘名賊逆奔劉厚基所派各營皆至賊遂由延川北門狂竄劉厚基入城復斃賊數十名生擒十五名訊據生賊供稱該逆本無攻城之意因見四圍皆山城身毋堪堪

寥落遂即攻破初欲在此過冬嗣聞官兵至又向前竄走訊明後均即斬之城中文武准訓導趙國珍典史陳桂芬兩員查驗屍骸被戕甚慘其餘尚未查悉劉厚基旋即拔隊追賊嗣據延榆綏鎮總兵陶茂森稟稱則攻陷綏德州城者確是回逆陶茂森於州城未陷之前十月二十四二十五等日守城擊賊生擒逆回馬如金白鳳山訊知此股回逆係由慶陽九月初十日離巢繞道延安山中而來又據吳堡縣知縣呂懋勛及田西按察使陳湜來稟均稱賊踞綏德州城尚未竄動續據劉厚

續編卷七

毛

基稟報本月初四師抵清澗探悉陷綏德州者實是回逆現於城外要隘築壘而守四出劫掠捻逆聞州城尙有積糧現亦陸續竄赴州城吳堡縣知縣呂懋勛報十一月初六日辰刻有騎賊千餘由綏德棗林坪竄至朱家川大河西岸山西防軍隔河施放鎗礮賊知有備回撲縣城又經城上鎗礮擊退賊旋由西北辛家溝一帶竄去初八日又有另股由米脂竄入縣境據米脂縣知縣張守基報十一月初二初三等日有賊撲城陶茂森及署綏德州知州沈際清於綏德州城失路後退守米

脂城擊賊是吳堡初八日所報由米脂縣竄來之賊當即此股惟米脂稱係回逆非捻逆與吳堡所報不同大約十月二十七日竄陷綏德州城者實係慶陽回逆由延安北路山徑橫竄而出尾捻逆北行其中甘肅潰卒土匪從而附和騎賊步賊約計不過萬餘至捻逆則於州城未陷之前陸續竄過其踪跡距葭州不遠現又併入綏德州城爲就糧待水之計劉厚基抵清澗後分兩營由山路赴榆林守城而催劉松山郭寶昌速到清澗取齊趁捻回各逆併聚綏德之時合力圍剿劉松山

續編卷七

天

郭寶昌於初四日已抵延川初六日可抵清澗已令察探賊蹤迅予截剿入冬以來天氣晴和冰橋尙未凝結似機局實有可乘所有檢回蹤跡軍行日期謹先附片陳明此次延川縣訓導趙國珍典史陳桂芬城陷殉難署都司韓錫恩於綏德州失陷時白北城殉難均應請旨敕卹照例議卹其綏德州失守之延榆綏鎮陶茂森署知州沈際清應請旨一併革職等因其餘各文武俟查明實在下落再行陳明分別辦理伏乞

聖鑒施行謹

奏 同治六年十一月二十二日

軍機大臣奉

旨趙國珍等均著照例議卹陶茂森沈際清均著革職
拿問按律定擬該部知道欽此

續編卷七

三

軍機大臣 字寄同治六年十一月十九日奉

上諭裕瑞桂成奏賊匪圍窺口外現籌防剿一摺董高
二逆分路滋擾定邊一帶逆黨由西路日漸東趨均思
鼠越邊外蒙兵單薄防不勝防而搶逆現又竄陷延綏
河頭一帶防務尤關緊要裕瑞等已將恒昌帶防河保
之兵撤回包鎮等處並將一間房駐紮大同官兵調赴
包頭交馬陞分布防守即著飭令該總兵扼要布置力
遏狂氛賊蹤日逼晉邊包頭地當衝要左宗棠當速派
兵勇將此股賊匪截回毋任肆意奔突致滋延蔓趙長

續編卷七

三

節催令迅速赴防毋得顧此失彼陝甘毗境賊匪騷張
左宗棠遠在臨潼鞭長莫及庫克吉泰何得安坐省垣
不思振作著即統帶所部出省相機剿辦倘再畏難株
守即當重治其罪至派出前敵各軍如相距較遠即著
飭其相機剿辦不得藉候指示致誤戎機察哈爾距歸
綏不遠轍德恩等所帶蒙兵何以尙不見到著杜慶爾
嚴飭該參領等剋期帶兵前赴歸綏聽候裕瑞等調遣
裕瑞等當就現有兵力嚴密堵禦一面檄令各盟旗嚴
守游牧地界杜賊闖入所籌團防勸捐事宜著該將軍

等實力舉行期有神益又據文盛奏稱德勒克多爾濟
病痊求賞差使一摺已明降諭旨令該將軍前赴包頭
會同裕瑞等辦理防務矣德勒克多爾濟病體初痊卽
不自耽安逸力圖報效深堪嘉尚著卽迅赴歸綏將包
頭等處防務會同裕瑞等悉心籌畫德克勒多爾濟曾
任綏遠城將軍於該處情形熟悉必能辦理裕如著文
盛知照該將軍尅期起程用副委用將此由六百里各
諭令知之欽此

續編卷七

三



軍機大臣 字寄同治六年十一月二十二日奉

上諭前因捻匪竄陷延綏兩城回逆滋擾定邊一帶圖
竄邊外晉省西路及歸化包頭等處防堵緊要經諭
令裕瑞趙長齡等妥籌堵禦並據趙長齡奏稱如河保
邊防喫緊該撫卽親帶本標兵丁出省扼紮茲據給事
中劉慶奏稱晉防緊要河保清水河等處防務陳湜不
能兼顧請飭趙長齡統兵嚴扼西北裕瑞派兵嚴扼清
水河一帶陳湜嚴防永甯以下等語所奏不爲無見匪
蹤逼近晉疆西北各路恐河冰凍結天險不足深恃所

續編卷七

三

有晉省西北防務著趙長齡稟遵奏次請旨妥爲布置
嚴飭陳湜就近將晉西防務實力籌辦並著該撫酌量
情形如須出省調度卽親統弁兵前往堵禦以保完善
其北路清水河薩拉齊一帶裕瑞桂成當派撥勁兵實
力扼守並于各要隘先籌堵遏飭各盟旗嚴守牧地毋
稍疎失昨有旨諭令庫克吉泰統兵出省將陝甘接壤
賊匪相機剿辦卽著陳湜遵前旨迅速出省截剿不准稍
涉遷延致干重咎左宗棠喬松年當力顧全局檄飭追
剿各軍將延綏等處賊匪認真兜剿由西北截向東南

毋任竄越鄰疆蔓延為患劉慶原摺均著抄給閱看將此由六百里各諭令知之欽此

續編卷七

三

奏剿回盪獲大勝摺

奏為官軍痛剿回逆盪獲大勝恭摺馳陳仰祈
聖鑒事竊十一月二十二日臣等會將西路剿回大獲
全勝及邠州三水宜君洛川等處剿回盪勝各情形合
詞恭報惟時宜君一帶回股最為紛雜出沒飄忽難屢
經擊敗而倏去倏來時虞內犯臣劉典因甘肅提督高
連陞方自洛川擊退回逆還駐宜君偏橋鎮飭提督銜
記名總兵劉端冕由米子馳赴高連陞行營會商兜剿
高連陞先聞回逆麇聚偏橋西北五十里之窩坪鎮攻

續編卷七

讀

寨收糧十一月十八日率總兵賀三元副將陳得勝何
世載鄧玉魁參將賀茂林等於午刻馳抵窩坪分派隊
伍由山左右並進高連陞自山巔馳下該逆恃山谿險
阻不意官軍突至急釋寨圍併力拒戰高連陞督隊轟
斃當先騎賊十餘名乘勢掩擊賊敗潰其另股搜掘窩
糧者經左右兩路弁勇同時截擊計共斃賊三百餘名
負傷踰澗而遁者計斃澗冰盡赤奪獲馬驢七十五匹
時已日暮軍士尚未午餐乃以所奪糧食四百餘石及
衣服衾褥交團紳散給難民收隊回營劉端冕適至商

定分道裹糧兜剿建莊等處回逆先是臣劉典以劉端冕方會高連陞于偏橋飭總兵黃有功李大有自古泉回駐米子要隘以防回逆乘虛窺伺比劉端冕二十日黎明回營果有回逆于餘騎突至距營十里之鳳凰山並有騎賊十餘名募至濠邊旋即折竄劉端冕料賊有伏飭總兵甘大有副將唐俊元由右參將喻先知參將銜游擊劉仕祁由左繞下山麓偃旗疾進自率中營由山岡進擊行五里賊見我兵單伏賊齊起猛撲劉端冕督隊還轟殲當先悍賊數名甘大有等自左右山麓抄

續編卷七

三

至鎗礮向上斜擊尤爲得勢斃賊數十名該逆退至鳳凰山後據險抗拒騎賊皆下馬死鬥劉端冕督隊鏖戰黃有功李大有甫回米子未及傳餐即率隊馳擊賊見官軍踵至棄險而奔劉端冕等奮力追擊山徑險窄墜崖死者五十餘騎轟斃殺斃者百數十名擊傷無數追十餘里賊目復喉數十騎返撲經官軍擊斃戴紅風帽賊目一名悍賊五騎殲馬七匹餘賊悉向楊家店奔竄官軍酉刻收隊此二十日剿回獲勝之實在情形也臣劉典聞報飛飭劉端冕等即於次日進攻楊家店賊巢

是夜劉端冕探悉該逆萬餘人分踞鳳陽坡黨家店楊家店一帶蔓延十餘里遂與李大有等商定二十一日丑刻出隊銜枚疾趨黎明抵鳳陽坡黃有功李大有由右甘大有唐俊元劉仕祁由左分道下嶺抄擊劉端冕與喻先知由中路進抵村口游擊王開福千總戴禮富策馬入村手刃守卡賊二名軍士齊進賊眾倉猝無措狂叫分逃官軍分路截殺斃賊甚夥左右兩路隊伍皆至奮威追殺沿途斃賊百餘名直抵楊家店劉端冕督隊進攻各營分路並進傷賊不計其數賊猶勒馬回門

續編卷七

美

官軍嚴陣壓擊斬悍賊百餘名賊始兩路奔竄追擊十餘里復掩殺尾賊數十名生擒王平安等八十二名白丑至巴士馬飢乏遂收隊駐楊家店此二十一日大獲勝仗之實在情形也方官軍酣戰時臣劉典馳抵鳳凰山劉端冕派弁解到生賊訊據王平安供此股回逆係禹阿渾郭阿渾所管僞元帥馬壯元帶四千餘人阿渾蘇萬元帶八千餘人告奮勇來攻耀州十四日由董志原起程探官軍方擊宜君股逆十九夜抵楊家店二十日急圖乘虛襲陷米子營壘不料爲官軍擊敗馬壯元

受鎗子重傷蘇萬元疑是莊糾逃另股再圖入犯不料官軍緊追復又收潰臣劉典以該逆東竄建莊宜乘其喘息未定急予痛剿飭浙江補用縣丞邵杜馳赴楊家店飭各營乘月進剿劉端冕商令李大有唐俊元劉仕祁山大路進自與喻先知由曹家河小路進比李大等有等至建莊四面兜剿該逆疲乏之餘多繫馬身旁向火窟睡忽聞官軍掩至急起狂奔左逼峻嶺右為劉端冕等截阻倉黃亂竄迎刃即倒黎明有奪路竄向中部之店頭者甘大有唐俊元劉仕祁追殺十餘里斬馘不

續編卷七

三

可勝數其緣崖走者經劉端冕李大有黃有功喻先知等督勇轟擊人馬傷墜屍填深谷李大有等循嶺追擊十餘里該逆不復能成隊矣軍士寒夜渡水十數次冰凝草履倍增重奮追剿三日夜翻山越澗勞頓難堪遂收隊回營是役計斃回逆約二千名轟斃墜斃之馬騾約二千有奇生擒韓有德等一百三十餘名收取賊馬百有餘匹訊據賊供馬壯元於二十日受傷後昇至楊家店西北三十里之轉角地方即已氣絕蘇萬元一股經此次月夜猛擊殺斃甚多被脅甘民逃散殆盡計竄

歸老巢者無幾矣此二十二日大獲勝仗之實在情形也臣等查回逆馬壯元蘇萬元瞰劉端冕赴高連陞行營會商戰事圖陷米子營壘劉端冕回營迎剿三戰三捷二十一二十二兩戰乘夜猛攻機神敏速以二千餘人三日各疾行百餘里大破萬餘生力之賊偽元帥馬壯元伏誅而官軍並未傷亡一人尤足伸天討而作士氣劉端冕撲勇奮發曉暢機宜各將士忍飢耐寒奮勉用命其勞績實有未可掩抑者應請旨將提督銜記名總兵格洪額巴圖魯劉端冕以提督

續編卷七

三

由軍機處記名候旨簡用記名總兵振勇巴圖魯黃有功請交部從優議敘總兵李大有請賞給勇號開浙補用副將唐俊元請賞加總兵銜花翎游擊王開福請以參將補用藍翎千總戴禮富請以守備補用並賞換花翎浙江補用縣丞邵杜請以知縣改留陝西儘先補用其餘在事出力各員并可否擇尤彙案保獎之處出自

天恩所有本月十八二十二等日官軍在
宜君一帶痛剿回逆悉獲大勝各情形謹合詞恭摺馳

奏伏乞

皇太后

皇上聖鑒訓示施行謹

奏 同治六年十一月二十九日

高連陞等剿賊情形片

再正拜摺間接據高連陞呈報十一月二十一日因劉
端冕駐軍米子地方正與賊相持未及赴會剿之約遂

續編卷七

五

於未刻裏糧馳赴密坪進搗譚家灣回巢該逆分路抗
拒高連陞飭總兵高有志副將李瑞林朱桂馥游擊吳
國富擊左路馬步悍賊副將陳得勝何世載鄧玉魁擊
密坪對河岸角村來犯之賊白督參將賀茂林江蘇縣
丞羅壽昌截擊密坪河下之賊回逆馬步約四千餘人
冒死衝撲高連陞督隊擊斃騎賊多名奮力壓剿賊邵
退高有志等乘勢進擊三路賊均敗走迨至譚家灣賊
復返撲數次官軍鎗擊矛刺傷賊甚眾賊遂棄巢狂奔
高連陞督隊壓迫復斃悍賊二百餘名奪獲驃馬五十

餘匹餘賊向車泉越嶺竄遁日暮收隊回駐密坪岸角
一帶次日黎明留高有志李瑞林朱桂馥扼密坪自率
各營馳抵車泉賊騎數百布列前山高連陞飭吳國富
由山澗中繞出賊後賊即馳遁詢據難民僉稱回逆自
譚家灣巢穴被官軍踏毀後懼特甚漏夜向雙柳樹
竄去此數百騎乃其斷後悍賊也高連陞督隊疾馳三
十里抵雙柳樹該逆未及午餐聞官軍至倉卒迎拒官
軍直前奮擊斃賊甚多賊復分路竄走陳得勝等躡踪
追殺賊屍枕藉正追剿間密坪復有另股賊至乃令

續編卷七

四

吳國富駐雙柳樹促陳得勝等收隊分兵回援密坪忽
見雙柳樹之左突來回逆數千高連陞與吳國富即各
占一嶺陳得勝等分起設伏該逆不敢撲近高連陞派
洋鎗隊隨吳國富馬隊出賊之左繞至賊後擊斃數賊
賊遂驚潰伏兵齊起賊折而北竄復擊斃尾賊十餘名
生擒一名訊供此股回逆五千餘人係郭阿渾馬三保
高三碼由甘肅西華池前來犯陝逆首現傳令遁回甘
境其譚家灣踞逆別是一股訊畢斬之收隊回密坪詢
知撲營回逆已經高有志等出隊擊退追殺十餘名斃

賊多名是夕探悉路店頭之回逆相率遁去二十三日
出隴至張家寨雙柳樹店頭等處探擊賊去已遠審坪
附近數十里均無賊踪蓋官軍已追近甘肅甯州邊界
矣此高連陞所部二十一二十二等日剿回獲勝之實
在情形也其雙柳樹擊敗之賊中途又合甘肅土匪南
竄曹家河二十四夜三鼓劉端冕令李大有黃有功甘
大有唐俊元由大路進喻先知劉仕祁由右路抄擊劉
端冕居中策應二十五日黎明抵曹家河賊屢敗之後
見官軍即驚走李大有等分途追剿均有斬馘喻先知

續編卷七

聖

等自入寶嶺抄出見賊向三官廟竄走率隊截剿賊無
去路越積隴溝而遁官軍馳及悉滅之共斃賊五六百
名生擒三十餘名奪獲騾馬百餘頭此劉端冕等二十
五日續獲勝仗之實存情形也其甘肅正甯宮河川回
逆出擾陝邊屢為三水邠州防軍所挫比聞官軍各路
叠獲大捷賊胆益落提督蕭德經自邠州東秦堡剿回
獲勝後聞宮河回逆聚議於二十三夜分向距宮河三
十里之梅子坪合股西竄即於二十三夜四鼓出隊疾
進宮河川該逆前股甫行蕭德經令總兵江得意副將

蕭以純游擊姚松齡等三路縱火其未竄之賊見官軍
驟至出巢拒敵蕭以純首先陷陣各將士左右衝擊斃
賊數百名奪獲牲畜甚夥解散難民二千餘人將宮河
回逆者巢踏毀附近各堡一律肅清官軍略有傷亡此
蕭德經所部二十四日進剿宮河川回逆攻毀老巢獲
勝情形也甘肅甯州正甯回逆及陝西回逆之竄擾廊
州中部宜君一帶者至是已受大創半回甘境不得
與捻逆勾合矣高連陞譚家灣之戰參將羅少林匹馬
陷陣手及悍賊旋為賊矛刺死審坪之戰參將傅洪達

續編卷七

聖

追賊猛進受傷陣亡應請
收部將參將羅少林傅洪達均照例從優議卹以慰忠
魂謹附片馳陳伏乞
聖鑒施行謹
奏 同治六年十一月二十九日
同治六年十二月初六日內閣奉
上諭左宗棠等奏官軍剿回迭勝請將出力人員獎勵
一摺回逆腐聚宜君之偏橋審坪鎮等處總兵劉端冕
會商高連陞分道兜剿由建莊追至鳳凰山後該逆據

險抗拒劉端冕率隊馳擊賊甚多賊向楊家店鳳陽
坡分竄圖陷米子營壘官軍連次迎剿所向皆捷血將
偽元帥馬壯元殲斃剿辦尙屬得手所有出力文武各
員自應量予獎勵總兵劉端冕著以提督交軍機處記
名候旨簡放黃有功著交部從優議敘李大有著賞給
勝勇巴圖魯名號副將唐俊元著賞加總兵銜游擊王
開福著以參將補用千總戴禮富著以守備補用並賞
換花翎浙江補用縣丞邵杜著以知縣改留陝西儘先
補用其餘在事各員著准其擇尤彙案保獎仍著在宗

續編卷七

聖

榮督飭劉端冕等各率將士乘勝追擊以清餘孽身片
奏高連陞所部參將羅少林等在譚家灣等處剿賊陣
亡殊堪憫惻參將羅少林傳洪達均著交部照例從優
議卹該部知道欽此

擒逆渡河犯晉自請從重治罪摺

奏為擒逆渡河犯晉請

旨將臣從重治罪恭摺馳陳仰祈

聖鑒事竊十一月二十二日臣附報擒逆竄踞綏德情
形後接劉厚基稟報初六七等日劉松山郭寶昌先後
齊抵清澗縣商同初九日大舉規復綏德劉厚基及所
派赴榆林之右後二營途中遇賊均獲小勝嗣接參革
綏德州知州沈際清十一日稟報帶團隨同各軍克復
州城臣以未得劉厚基劉松山等稟報確實情形未敢

續編卷七

聖

率行馳報自得初八日劉厚基一稟後各軍亦迄無續
報到營即沈際清一稟亦係繞由山西遞到二十八日
據探捻回各逆回竄宜川韓城河濱正在籌調西路剿
回之師分途截剿二十九日酉刻接據山西河東道楊
寶臣飛稟擒逆已於二十三日由宜川縣龍王迎一帶
渡河犯山西吉州轄境旋據續報逆於二十六七等日
南竄河津等語臣聞報之下憂憤無措劉松山郭寶昌
兩軍前准山西撫臣趙長齡咨催令其由永甯渡河北
剿此時該兩軍或已從上游過河亦未可定臣一面飛

咨趙長齡如劉松山郭寶昌既在上游渡河應從賊之
北面繞過東面先顧直隸邊境再偵賊蹤所至進逼痛
剿劉松山郭寶昌兩軍剿擒屢捷為賊所憚臣未入秦
之初秦境賴兩軍擊賊得免淪胥若令繞過賊東迎頭
截擊大局或期有濟應請

旨飭下山西撫臣趙長齡確探賊蹤所向催劉松山郭
寶昌兩軍兼程前進由晉之東路兜剿而西毋得躡踪
尾追又落賊後至臣軍多在秦邊剿辦回逆現在臨潼
者僅臣親兵千餘人及副將戴定邦一營其中部宜君

續編卷七

聖

同官耀州三水各路防軍屢捷後本日准劉典緘報距
米子三十餘里青草坪一帶又到有甘肅賊騎萬餘而
長武縣亦報復有甘回大股窺伺其劉典高連陞兩軍
萬難抽撥現飛飭黃鼎譚玉龍率所部由麟遊赴邠州
長武極力堵截而飛調西路數千人星夜東來臣擬俟
各營調到即親率入晉督剿其陝境防剿回逆事務應
請

飭下三品卿銜臣劉典甘肅提督臣高連陞暫為督辦
以一事權遇有軍務事件會同撫臣奏報捻逆竄入西

西臣調度無方罪實難追應請

旨將臣先行從重治罪以肅軍政所有捻逆竄擾晉境
微臣擬親率各營入晉情形謹由駢馳

奏伏乞

皇太后

皇上聖鑒訓示施行謹

奏 同治六年十一月三十日

請調馬德昭駐守運城片

再捻氛擾及河津逼近解州運城為河東鹽務重地關

續編卷七

聖

繫京餉據河東道楊寶臣稟運城現無兵勇請撥距蒲
州較近之兵迅速赴援前來臣軍各營駐紮地方無與
山西蒲州相近者若俟調到西路各營再飭馳援深恐
緩不及事查駐紮潼關城後禁溝之豫軍提督馬德昭
四營與河東較近上年曾赴山西協防蒲境賴以鎮定
現在潼關以外無庸扼堵正可移緩就急臣已一面飛
調馬德昭赴山西解州運城駐守飭楊寶臣將臣所存
匯票餉銀酌提辦糧供馬德昭軍食并咨河南撫臣李
鶴年查照俟臣軍馳抵運城後馬德昭所部仍俟李鶴

年酌量勸導附片馳

奏伏乞

聖鑒施行謹

奏同治六年十一月三十日

留劉典等剿辦陝回片

再臣此次擬入晉助剿原以大局攸關妄冀收桑榆之效非敢置陝甘危境於度外也臣所擬調西路數營非臣躬親調度不可即劉松山郭寶昌兩軍素稱勁旅而主持亦不可無人若臣不入晉徒派數營前往助剿則

續編卷七

吳

彼此情勢睽斷難得力且軍既抽調精銳赴晉助剿僅留親兵駐秦於秦事亦必無濟捻逆既窺晉疆則陝西軍事但剿回逆劉典高連陞謀勇兼資臣所素信如果假以事權尙期勝任一俟晉事略定臣屆時回陝赴甘亦不至顧此失彼區區愚忱竊念事須權其輕重非敢稍存避就之思謹附片瀝陳伏乞

聖鑒訓示施行謹

奏同治六年十一月三十日

軍機大臣 字寄同治六年十二月初八日奉

上諭前因捻逆竄過黃河擾及晉疆疊經諭令左宗棠

督兵入晉先顧大局茲據左宗棠奏捻逆渡河犯晉自請治罪並調馬德昭駐守運城留劉典等剿辦陝回各摺片覽奏均悉捻匪由吉州南竄河津蒲解一帶防務喫緊運城鹽庫為餉源所自出左宗棠現調馬德昭一軍進紮運城著即檄令星夜拔營馳赴該處駐紮相機進剿並著李鶴年一體嚴催飭令尅日起程不得稍延時日左宗棠當懷遵查諭迅速入晉督剿劉松山郭寶昌兩軍並著左宗棠趙長齡迅速催提兼程來晉繞由

續編卷七

吳

東路兜剿而西與陳湜所部會合夾擊昨因東省捻股殲除將盡李鴻章兵力有餘已諭令該大臣等將程文炳宋慶兩軍由山東直隸赴晉助剿張曜一軍由山東移赴河北堵剿該將領等到晉豫後即著歸左宗棠調遣並著一面催提以厚兵力此次捻匪入晉該大臣竟未能立時得信日久始得消息朝廷焦盼已久前經吏部遵旨將該大臣嚴議革職已加恩改為革職留任所請從重治罪之處著暫行寬免該大臣當思奮勉立功力圖自贖倘再仍前貽誤寬典豈能再邀且該大臣由

聞浙總督調任陝甘授為欽差大臣督辦陝甘軍務倚任不為不重若不振奮精神力求成效清夜自思何以自安陝省回匪未靖且續有由甘東犯大股該處軍務即着責成劉典高連陞庫克吉泰喬松年會籌剿辦喬松年責任封圻亦當會商劉典等調度不得置身事外本日據前任太僕寺卿徐繼畬給事中白恩佑御史郭從矩等奏陳山西軍務布置機宜並請飭陳國瑞余承恩帶兵赴晉各謂已諭令官文節令余承恩統帶所部西行入晉矣陳國瑞前已有旨令赴山東歸丁寶楨差

續編卷七

四九

委現在東省軍務較鬆陳國瑞等改發山西交左宗棠差遣即著該員與宋慶程文炳合統兵赴晉與余承恩所部均歸左宗棠節制調遣徐繼畬白恩佑原摺均著鈔給左宗棠趙長齡閱看郭從矩原摺著摘鈔給左宗棠等閱看該京卿等所陳布置機宜並著左宗棠趙長齡斟酌情形辦理將此由六百里諭知左宗棠庫克吉泰喬松年趙長林李鶴年並傳諭劉典知之

恪靖奏稿續編卷八目錄

官軍入晉勦捻疊勝摺

宜君勦回獲勝中部收復并涇州情形片

排遣吉林馬勇片

捻回土匪合擾邠陽等處先籌痛剿摺

歸綏邊防無警請調馬隊赴晉勦捻摺

官軍進援慶陽疊勝摺

入晉追捻屢勝摺

請飭湖廣迅撥協餉採辦軍米片

續編卷八目錄

餉項將罄請催江南等省協餉撥案借用洋商銀兩摺

請飭河南巡撫按月協解片

四川協餉請轉解甘省片

奏克復綏德及未渡河以前戰事摺

奏固原回衆自相戕害片

奏報督師入晉日期摺

捻逆東竄謹籌截剿摺

軍機大臣 字寄同治六年十二月初三日奉

上諭裕瑞桂成奏撥兵遏守口外要隘籌辦布置情形
趙長齡奏陝匪竄入吉州抽兵堵剿各一摺陝省回榆
時思竄越晉省裕瑞擬於包頭河口駐兵防守而以察
哈爾馬隊并續調官兵分撥防邊兼爲後路策應并請
飭令左宗棠撥出一旅渡黃入晉進趨河保所屬固屬
周妥惟此時陝匪已由宜川搶越水橋竄入吉州黃河
業經失險晉省所屬地方在在均堪竄擾左宗棠督辦
軍務日久未能肅事反縱賊踪東渡趙長齡陳湜毫無

續編卷八

備禦致賊竄入晉疆實堪痛恨均著交部嚴加議處趙
長齡見已帶兵出省著即撤調各路兵勇相機扼要堵
截并著陳湜督率所部進出隰州一帶迎剿毋令蔓延
他處左宗棠前奏有捻回如過河竄晉即擬率軍先清
晉省再行入秦并有令劉松山郭寶昌等軍追入晉省
之議著該大臣一面撥兵渡河赴晉追剿一面相度機
宜親督各軍入晉將此股賊匪就地殲除力贖前愆倘
再因循玩忽任令蔓延四竄致誤大局自問當得何罪
陝省回榆交乘左宗棠并賞與庫克吉泰喬松年劉典

會同勦辦迅速殄滅毋再玩延晉省毗連直豫到處可
通官文李鶴年務宜迅籌兵勇揀派得力將弁扼要嚴
守勿任竄入邊境太原省城著趙長齡飭令胡大任嚴
密守禦陝捻既竄晉境難保沿邊一帶回逆不乘機由
草地竄近薩托等處著裕瑞等督飭馬陸各軍實力防
堵毋稍疏虞將此由六百里加緊諭知官文左宗棠庫
克吉泰裕瑞桂成喬松年趙長齡李鶴年并傳諭劉典
陳湜知之欽此

續編卷八

二

奏官軍入晉追擒賊摺

奏為官軍渡河入晉追剿擒逆克復吉州追退鄉甯踞
賊并解河津稷山之圍叠獲勝仗謹先將大略情形馳
報仰祈

聖鑒事竊捻逆渡河犯境臣已於十一月三十日恭摺
馳報并以運城鹽務重地飛調豫軍就近援守附片陳
明旋據前甘州提督馬德昭呈稱於本月初一日戌時
全軍渡河馳援還城計初四日必可抵防矣初三日接
郭寶昌絳州來稟知劉松山郭寶昌兩軍業經渡河其

續編卷八

三

稟報渡河日期與克復綏德州城及前在北山勦擒
回軍報則至今尚未接到見據郭寶昌稟十一月二十
五日與劉松山探悉擒逆攻破吉州鄉甯兩城即於二
十六日五鼓分路進剿沿途賊騎絡繹往來郭寶昌令
遊擊李華文率馬隊掩擊擒斬數十墜崖死者更衆行
至吉州城西五里城中賊四五百人出拒郭寶昌飭副
將宋朝如胡國龍副將銜遊擊隋君廷方廷芝率隊迎
擊副將郭運昌王鳳鳴率馬隊繞出賊右該逆正與宋
朝如等下馬死鬪適郭運昌等自右橫截斃賊六七十

名生擒五十餘名奪馬百餘匹該逆奪路向東敗走不
及入城劉松山亦擊敗城北之賊遂將州城克復郭寶
昌所部陣亡勇丁十餘名此二十六日劉松山郭寶昌
兩軍克復吉州實在情形也是夜劉松山郭寶昌留千
餘人駐吉州守護輜重二十七日五鼓各督隊向鄉甯
進剿行三十餘里探悉捻逆甫出城竄走復疾馳三十
餘里追及尾賊劉松山郭寶昌揮軍奮擊賊即狂竄追
十餘里日暮收隊夜間該逆前股已進河津後股在西
魚口一帶阻官軍出山之路劉松山郭寶昌即於二十

續編卷八

四

八日五鼓故隊辰刻出口賊騎七八百悉被官軍衝散
郭寶昌督隊追殺三十餘里斃賊三百餘名生擒八十
餘名奪獲騾馬三百餘匹擒逆大股方圍河津縣城見
敗賊被勦南竄亦相率遁去官軍夜圍楊秀邨二十九
日五鼓拔行遇賊騎百餘李華文王鳳鳴等率馬隊擊
之擒斬甚多據生賊供稱逆首張總愚方率大股圍攻
稷山縣城城垂破矣郭寶昌督隊馳抵稷山城西二里
許遙見城上飄石如雨賊猶猛攻即揮馬隊擊之賊駭
走躡追二十餘里張逆見官軍逼近率千餘騎回頭猛

撲郭寶昌傷馬隊奮擊千總張宗之李大有首先階陣
身被鎗子重傷各勇奮進正鏖戰間宋朝如等出隊馳
至降卒指認首逆張總愚鎗礮隊連環向擊張逆敗逃
官軍乘勢追殺二十餘里至絳州城西十里之龍泉鎮
收隊是日陣斃長髮老賊六七十名沿途斃賊三四百
名奪獲騾馬六百餘匹救出難民千餘人郭寶昌所部
陣亡九名受傷二十餘名此十一月二十七二十八二
十九等日追賊獲勝鄉甯賊遁河津稷山解圍之大畧
情形也劉松山一軍文報由陝境馳遞者因回逆土匪

續編卷八

五

中梗尙未遞到計斬馘亦當不少惟山西河東河道楊
寶臣稟報捻逆分股竄擾太平縣境而劉松山郭寶昌
兩軍前月三十日以前尙無追過太平縣之耗是捻逆
此時或已於太平合股前竄無從懸揣臣已飭劉松山
郭寶昌速於韓侯嶺以南躡踪緊追前有險隘難以善
脫遇晉軍攔截可收全功否則須繞道而東截其折犯
直隸之路方於大局有濟也見已一面咨行山西撫臣
趙長齡按察使陳湜派兵嚴扼韓侯嶺等處險要隘口
矣臣聞前竄河津稷山等處慮賊垂涎河東蒲解運城

其時未接劉松山郭寶昌呈報行抵何處消息擬調西
路十營親率渡河就近截剿茲賊既已經劉松山郭寶
昌擊敗折而北竄劉松山郭寶昌又已猛蹙而前臣卽
率步軍出潼關渡河前進距賊已千餘里日遠一日勢
不相及且其勢又出劉松山郭寶昌之後於棧局殊無
所取而未及渡河之賊經劉松山郭寶昌截斷者登據
宜川韓城澄城邵陽稟報蜂屯蟻聚倏往倏來人數實
亦不少臣見調西路之兵取齊後擬先將秦境廓清然
後整旆東行庶在秦之賊不致乘隙狡狴入晉境之賊

續編卷八

六

不致續有增益乃期兼顧惟慮賊如由平陽迤北折而
東趨劉松山郭寶昌之軍或落賊後則太行西麓仍不
免竄越之虞見調軍翼長記名副都統喜昌所練吉
林馬隊一千二百騎步隊二百名並經西安將軍臣庫
克吉泰精選所部副都統安住全福馬隊五百三十騎
與喜昌合隊由潼關取道河南孟津渡河出天井關趨
山西澤潞一帶相機截剿爲直隸增城外屏藩爲山西
壯東路聲勢已於初五初六初七等日啟行臣均發兩
月口糧馬乾銀共五萬餘兩足敷裹帶之用過臣營時

親加駝門上飽馬騰駝齊勻擊似尚可用其河南直隸各關應請

飭下各督撫臣嚴加防守以杜窺伺所有追軍入晉屢獲勝仗大畧情形及先派馬隊由河南取道傍太行西麓相機截剿緣由謹據實地陳伏乞

皇太后

皇上聖鑒訓示施行謹

奏 同治六年十二月初八日

軍機大臣 字寄同治六年十二月十四日奉

續編卷八

上諭左宗棠奏官軍人晉勦擒獲勝情形一摺覽奏已悉所稱克復吉州並解河津稷山之圍與趙長齡所奏略同惟現在捻蹤已至淇洞劉松山郭寶昌兩軍由平陽進勦該大臣調善昌安在全福馬隊從天井關趨澤潞一帶相機截擊尚屬合宜即著催令迅速前進以期迎頭攔擊韓侯嶺為太原門戶前經陳湜派兵扼守趙長齡計日亦可趕到著即督飭各軍嚴加防守毋許一匪窺越致滋蔓延宜川一帶捻逆雖多晉省無知兵大員督辦事無承稟恐未能迅速肅事前調宋慶程文炳

等軍備獲鹿赴晉張曜余承恩兩軍由臨沼關進發並將陳國瑞發往該大臣軍營差遣客兵愈多必得左宗棠親往督辦方可調度合宜著仍遵前旨兼程東征其宜川等處捻匪另派委員防勦俾得移緩就急廓清晉境再行返旆而西以紓屢念並著陳湜嚴防西面沿河一帶毋使匪眾再有闖入直隸河南各要隘送諭官文李鶴年加意嚴防慎遵前旨相機辦理毋稍疏懈昨據御史王道源奏條陳晉省防勦事宜所稱進兵道途固屬詳細第兵機無定難以遙制著左宗棠趙長齡酌量

續編卷八

八

調度閣敬銘如已就痊並著趙長齡知照合赴大原省城幫辦防守事宜並將右嶺關預為布置晉省團練有名無寔丁憂候補侍讀邢世長人素諳飭趙長齡俾知該員會同原辦之紳士田雨公趙德轍體察民情認真妥辦河保暨歸化包頭一帶著裕瑞等督飭馬陞各軍並新調察哈爾官兵嚴密堵禦口外各廳晉趙長齡酌量派員幫同稽查勦辦期免疏虞王道源原摺著抄給左宗棠趙長齡閱看將此由六百里諭知官文左宗棠裕瑞桂成趙長齡李鶴年並傳諭陳湜知之欽此

宜君剿回獲勝中部收復并涇州情形片

再十一月二十六夜劉興問宜君石底于又有大股回土各匪由吳家邊竄至青草坪飛飭提督銜記名總兵劉端冕等星夜由米子出隊以杜該逆窺伺廟灣內犯擡州之路劉端冕等即分道逆擊二十七日黎明齊抵青草坪該逆聞風先遁以遊騎分佔山崗防官軍追擊劉端冕與參將喻先知躡追十餘里至茅茨嶺賊眾回撲劉端冕督隊奮擊當斃執旗騎賊三名賊即敗潰追至轉角地方日暮收隊計其斃賊一百八十餘名生擒

續編卷八

九

五十三名奪獲牛馬騾驢共一百六十七頭旗幟刀矛無算當將耕牛發給鄉民認領此劉端冕等迎剿另股回土各匪獲勝情形也其洛川中部一帶回土各匪經高連陞擊退後遠遁邠州張邠驛王家角一帶時有雲騎窺探距中部四十里之隆坊鎮出沒無常高連陞派參將彭德沅赴中部坐探二十八日辰刻彭德沅督傷回營據報二十七夜四鼓突有回土各匪數千人由隆坊直薄中部縣緣梯入城比率隨偵探親兵巷戰身被數擒賊眾麤至遂從西門城上躍出馳回稟報等語高

連陞即督隊往剿已刻抵中部該逆正在焚掠見官軍

至紛紛竄走高連陞督隊涉河分路進擊該逆越嶺狂奔追十餘里至大賢村賊騎駛進不及而還入城救火安撫商民衙署倉廩均未被毀居民被害者幸尚不多惟總兵胡世英委員領解餉銀軍火適至縣城所解餉銀一萬兩火藥數百斤號衣數百件均被搶去高連陞因賊已遠竄又遇大雪未便窮追留副將鄧玉魁一營七成行隊駐紮縣城以資鎮壓自率各營回駐偏橋此十一月二十七夜中部縣城突被回土匪闖入高連陞

續編卷八

十

督隊馳剿次日即收復縣城之實情形也見在洛川以北邠州延安一帶回氛四塞劉厚基一軍久未得其稟報而甘肅各路回逆及陝回之被剿入甘者皆屯踞甘肅涇州境內緣涇防提督張在山及涇州印委各員稟報該州四圍皆賊出城二十里悉為回巢民間寨堡盡被攻破占踞賊眾七八萬涇州萬分危急等語臣查涇州為陝甘咽喉地勢最當衝要上年楊岳斌劉蓉等調集七十餘營會剿犯涇之回始得全保州城此次回眾更多於上年而臣所派西路鳳翔岐山一帶之十餘

營除見調隨征入晉陸續東來外僅有二營駐守鳳翔不能調派進剿幸邠州三水防剿稍鬆已飛飭道員黃鼎及已革提督譚玉麟兩軍移緩就急由邠州長武馳援涇州矣除中郎文武下落再行查明具奏外所有宜君青草坪剿回獲勝及中郎縣城猝被回土各匪闖入失去餉銀軍火旋即收復縣城并涇州危急見籌接勦各情形謹附片馳陳伏乞聖鑒訓示施行謹奏 同治六年十二月初八日

續編卷八

上

軍機大臣奉

旨覽奏均悉中部等處匪徒雖經擊退難保不再萌窺伺著責成劉典高連陞相機勦辦涇州回氛甚熾著飛飭黃鼎譚玉龍迅速赴援毋稍延緩中部文武各員下落并著左宗棠查明具奏欽此

挑選吉林馬勇片

再臣前奏吉林馬勇難以越戰擬從新整理情形欽奉寄諭左宗棠另摺奏新募吉林礮手冗雜不堪應用等語此項馬隊沿途逃逸甚多馬匹亦多倒斃本日已明

降諭旨將原募草率之富明阿議處矣其帶兵之員沿途未能約束亦難辭咎著左宗棠查明參處見在存營勇丁仍著該大臣斟酌挑選擇其尙堪適用者留營訓練其餘槩行裁撤責成派出之員管帶回所毋任沿途逃逸等因欽此欽遵行知都統銜前護軍統領常星阿認真挑選適記名副都統喜昌來營復委赴省關與常星阿從新揀汰據稱礮手實屬無多臣比飭將尙堪訓練者亦准收錄乃得一千二百四十人另選營總扎蘭管帶分爲四營其次亦留三百餘名隨同練習由喜昌

續編卷八

上

專司訓練蓋以此起馬勇遠道來秦用餉已巨汰遺時又需籌費但使需以時日能訓練成軍即多費坐食亦終勝於遣撤之虛擲巨款也又次者酌量改補長夫除補夫及病故外尙有五百零四名實係不堪訓練當飭原派正統領桂廉將何如資遣帶回悉心酌議去後據桂廉稟復除甲兵西丹旂丁八十餘名外僅有吉林民勇十五名奉天民勇四十四名共五十九名實係吉林奉天民籍有家可歸應仍帶回原籍其餘流寓奉天民勇五十四名直隸民勇一百三十名山東民勇一百六

十一名山西民勇十七名江南民勇二名共三百六十四名雖係募自吉林其實到吉林未久不但無家可歸且係游手之徒擬請就地遣散令其各回原籍等語臣查桂廉所稟尙係實在情形與其全行帶回吉林徒多糜遣撤之費不若就地遣散回籍俾該民勇等得歸故里而吉林省城亦藉少游手好閒之徒業經分起交桂廉與原派副都統常林帶赴潼關資遣回籍其裁撤員弁及甲兵丹旂丁八十一名吉林奉天民勇五十九名均各寬給川資由桂廉等管帶各回旅籍沿途地方官

續編卷八

三

但給車輛不准稍有需索擾累桂廉等管帶秦馬匹初因天旱馬渴繼爲水潦所困以行迫促勇丁沿途逃逸該統領營總既非勝募之弁行迫促弁未給冊點名途中遇水遇雨以素未相習之新勇長征數千里又值淫霖積潦跋涉維艱致多逃逸其未能約束之咎似尙可原庶懇恩免予查叅見在挑留之弁兵丁勇經喜昌實力整理盡心訓練大異從前馬匹加以秣養亦有九百餘匹堪用臣復籌配一百餘匹換給洋鎗八百餘桿更資得力

除將遣回游籍員弁甲兵西丹旂丁民勇錄冊咨送吉林將軍查照外謹附片具

奏伏乞

聖鑒訓示施行謹

奏 同治六年十二月初八日

續編卷八

古

擒回土匪合擾邵陽等處先籌痛剿摺

奏為黃河西岸宜川韓城一帶地方擒回土匪糾合竄擾出沒邵陽澄城洛川各境先籌痛剿以免續竄晉境而保秦省腹地恭摺馳

奏仰祈

聖鑒事竊臣於本月初八日曾將官軍入晉剿擒屢獲勝仗大畧情形及未渡河之賊亟籌剿除以期兼顧各情恭摺陳報時方據邵陽稟報賊騎由邵陽陳益邨甘河子等處竄至澄城之岔河邨由八十畝川入山奔赴

續編卷八

五

洛川之石堡曹店等處而韓城縣又報宜川一帶擒回各逆分由神道嶺沙河腦窺牛心峽白馬灘等處意圖內犯迺檄調西路之總兵周紹濂二千人周金品三百餘騎由岐山鳳翔馳抵臨潼當飭營務處提督銜總兵馬復震率親兵四百餘人督同駐紮蒲城之副將戴定邦一營會同周紹濂周金品所部由邵陽韓城取道黃河西岸前赴宜川兜擊而西劉典亦抽調提督銜總兵劉端冕二千人益以總兵李大有一營及親兵三哨赴洛川兜剿高連陞所部駐宜君偏橋鎮以備截擊

其鳳翔調回之記名提督楊和貴五營則令暫駐渭北

以候調遣務期先將此股擒回土匪痛予剿洗庶不致續渡冰橋更增晉境之賊而秦中腹地亦免再遭蹂躪乃為秦晉兼顧昨於十一日接據山西按察使陳湜初五日稟報據探渡河竄晉之髮捻老賊不過數千人劉松山等初四日在洪洞擊賊大獲勝仗該逆回竄平陽又為晉軍邀擊等語又據提督馬德昭呈報擒逆復由太平之大李村渡汾而南竄擾聞喜曲沃絳縣一帶運城城防經馬德昭初四日到防布置已有頭緒等語劉

續編卷八

六

松山郭寶昌初四日獲勝情形尚未接其續報以馬德昭所探賊踪揣度劉松山等回軍追剿情形官軍當已在賊之東而所派赴澤潞一帶之馬隊更在劉松山郭寶昌兩軍之東喜昌所部一千二百騎初八日已抵潼關十七八可抵澤州府境安住全福所部五百餘騎距喜昌行程不過一日此起馬隊速到太行西麓則晉省東路聲勢已壯當可杜賊東竄之謀山西撫臣乍聞賊入晉境未悉賊數多寡及是否全股渡河其奏報緊急情狀自在意中合將近日所接各稟報大畧情形先

行陳及所有臣見籌先剿黃河西岸捻回土匪以期秦晉兼顧緣由謹由驛馳陳伏乞

皇太后

皇上聖鑒訓示施行謹

奏

歸綏邊防無警請調馬隊赴晉剿捻摺

奏為甘肅回土各匪業經定邊官軍擊退歸綏邊防無警西安將軍所部馬隊已調由河南赴晉邊截剿捻逆庫克吉泰應否緩赴陝甘毗境請

續編卷八

七

旨遵行事竊臣於十一月二十四日欽奉

寄諭以董高二逆分路滋擾定邊一帶逆黨由西路日漸東趨蒙兵單薄防不勝防而捻逆現又竄陷延綏包頭一帶防務尤關緊要左宗棠當速派兵勇將此股截回無任肆意奔突庫克吉泰著卽統帶所部出省相機剿辦二十七日欽奉

寄諭昨有旨諭庫克吉泰統兵出省將陝甘接壤賊匪相機剿辦卽著懍遵前旨迅速出省截剿不准稍涉遷延致干重咎欽此庫克吉泰接奉

諭旨後比卽欽遵出省恭摺陳報臣維陝甘邊境在甘為靈州在陝為定邊山靈州而南為環縣為慶陽府合水縣為甯州涇州東連陝西邊界由定邊而東南為靖邊東北為懷遠又東北為榆林府由榆林而東北始接歸綏邊界綏遠城將軍前奏董高二逆滋擾定邊一帶係指十月十九日蒙兵接仗失利而言維時臣接甘泉縣稟捻逆邱大壯竄向銀條梁一路亦慮其與董幅祥合夥東趨包頭故於大同鎮馬陞撥兵千名防河保時雖嫌其單而不敢強其多調誠慮顧此失彼也現在邱

續編卷八

八

逆已折而南竄其已由龍王辿七狼窩過河竄晉與否未可知而此逆之寔本東竄明矣董高二逆本甘肅環縣土匪與甘回一黨而飢民潰卒爭附從之頃接統領英禮效勇步十營提督銜總兵胡世英十一月初四日定邊縣來稟據稱十月十五日帶隊行抵銀條梁十七日接防守安邊之營總領托雲佈緘稱回逆馬步數千犯磚井安邊一帶胡世英十八日至安邊十九日會同托雲佈及營總敦奇祥阿各帶馬隊馳至磚井則蒙兵已被逆賊擊敗折損馬隊二百餘二十三日有騎馬

回逆三百餘竄撲安邊東門三十里之郭家渠胡世英與記名副都統貴陞率馬步隊截之沙灘中一鼓殲之奪獲戰馬二百餘匹其南山屯聚之賊時又下竄靖邊屬之張家砭石渡口等處二十八三十日等獨首馬拉拉白有義糾集蒙城維州禹王城半箇城墨城子一帶狗眾圍撲定邊縣城貴陞聞警趕回定邊堵擊陣亡馬隊官兵十三員名十一月初一日胡世英留營守安邊親率馬步隊回援是夜抵定邊東門外十五里梁家園即督隊襲之城圍立解初二日胡世英貴陞合隊追賊

續編卷八

九

三十里至鹽廠堡擒斬數名該逆均已由草地向西南竄去胡世英旋收隊駐定邊北胡世英一軍及安邊定邊靖邊派防馬隊擊退回土賊匪之大畧情形也計穆圖善當已據定馳報緩遠城將軍裕瑞因十月十九日蒙兵失利思預嚴包頭之防計拜摺後亦必偵知此起賊蹤距銀條梁又遠矣庫克吉泰此時赴陝甘毗境進剿必取道涇州慶陽邊境北行以向靈州山徑峻狹馬隊既難施展地方又經兵燹土曠人稀軍糧芻豆無從採運恐未到靈州先已自困此所宜慮者一也慶陽被

回土各匪圍困已久穆圖善未接督篆之前原擬先解慶陽之圍嗣因戎務倥傯不果雷正綰商調涇防提督張在山所部三營隊伍會合親率前進援期現尙未能解此重圍而涇州又被陝獨得珍馮君福等圍逼涇州文武告急之稟言獨至多至七八萬近復攻破近城民寨數十被脅從逆者亦復不少臣前調道員黃鼎已革提督譚玉龍率十三營由長武進剿其時尙未知賊勢披猖至此也須所調西路各營馳至而汧陽涇州警報旋來臣方憂西路空虛無軍援應庫克吉泰若復北

續編卷八

三

行則西路祇有鳳翔防軍總兵左日升于奇洋兩營岐山扶風興平武功乾州醴泉一帶虛無一兵縱黃鼎譚玉龍轉戰而前事機順利而後顧茫然局勢終欠周妥此可慮者二也庫克吉泰所部馬隊如全福安任尙稱能戰然長征日久馬力漸疲挑選精騎僅五百餘耳前因捻逆竄入山西臣擬渡河進剿庫克吉泰緘商先其所急令同臣部新練吉林馬隊相繼東行現隨庫克吉泰出省者馬隊無多所部步隊僅總兵王其發一營副將吳得勝一營又早撥道員黃鼎統帶將士均楚屬所

產用之邊塞慮非所宜此外尚有出勇一營其中多曹克忠部卒北人尙自不乏然亦單矣庫克吉泰率此過征所歷皆積年賊窟穴難言確有把握此可慮者三也竊維董高二逆老巢在花馬池一帶距甯夏不遠由甯夏而東吳旂地方原駐有步隊三營安邊靖邊定邊駐有馬隊數起延安駐胡世英英禮效勇十營沿邊馬步皆由甘肅派撥之防軍而現署甯夏將軍金順勇毅善戰臣久聞其名入秦以來備詢諸將士馬隊統帥之材無不首推金順者可否仰懇

續編卷八

三

皇上天恩飭下署甯夏將軍金順挑選所部精騎並統沿邊馬步各隊及胡世英各營於草長麥熟時尅期東征除此積年邊患實爲時局之幸由甯夏出師先犁其巢穴得高屋建瓴之勢利一也沿邊各馬隊無所統紀步軍無人節制不能捍圍備善擾民以甯夏將軍統馭甘肅兵馬威尊令肅利二也收鹽池之利以贍軍紓蒙古之患以恤藩部利三也愚昧之見是否有當謹據實直陳伏乞皇太后

皇上聖鑒訓示施行謹
奏 同治六年十二月二十二日

官軍援慶陽疊勝摺

奏爲官軍進援甘肅慶陽府沿途疊獲勝仗攻拔回巢收撫土匪已抵慶陽盤客地方防軍聯絡恭摺陳仰
竊 聖鑒事竊回原提雷正綰一軍合提督張在山派赴各營於十月二十四十一月初一等日先後進至早勝地方將距早勝十餘里之曹家堡下雷家小戶曹家石

續編卷八

三

家城子等處賊騎於初二日一戰擊退斃賊二百餘名生擒四名落澗死者甚衆餘賊退踞溝東初三日雷正綰督隊踰溝進剿密遣副將朱學義等統赴賊後兩面夾擊斃賊百餘名奪馬二十七匹賊向平子一帶竄遁官軍回駐早勝向慶陽一路前進由清華堡秦家堡安定堡節節剿洗遂抵甯州之武漢原原北賊巢林立並有回土各逆於大莊築卡慶陽要路雷正綰於十六七入等日派隊環攻大莊賊卡至十九日五鼓拔之獲鎗礮百餘件驟馬無數當將卡中回土各匪分別誅宥附

近之路戶邵家金曹百戶村等處十餘寨均聞風震懾雷正綰所部於攻大莊賊卡時陣亡都司左金玉劉振彪外委楊桂林及勇丁共十三名受傷十六員名二十一日雷正綰酌撥隊伍扼制要隘以顧後路糧運親督總兵沈大興參將郭萬春游擊趙金標都司李廣珠已革提督劉正高及張在山所部副將鍾本起游擊顏宣等進紮黑莊大安堡距甯州所屬之襄樂賊巢僅十餘里雷正綰調知回衆方往上川運糧乘夜督隊襲擊斃賊百餘名奪獲騾馬驢共四百餘匹將賊截而爲二

續編卷八

三

股西竄一股奔回襄樂二十二日官軍直逼襄樂賊巢雷正綰督隊環攻諭解脅從一鼓克之當將悍回悉數殲誅救出難民七百餘名官軍受傷三十五名二十三日辰刻援賊大至馬步約三四人雷正綰出隊迎擊陣斃悍回數十名川中坎窞既多騎賊不能馳騁官軍奮力進剿復斃賊二百餘名生擒十六名奪獲騾馬二百餘匹日暮收隊該逆已敗退方村附近一帶矣二十五日五鼓雷正綰令沈大興劉正高率隊分伏左右溝中親督趙金標李廣珠等由川中進行十餘里逆回率

黨拒鬪官軍佯退俟賊追近伏兵齊起斃賊甚夥生擒四十六名奪騾馬百餘匹賊大敗狂奔官軍蹙踪追擊沿途斬馘甚多方村土匪遂開堡迎降縛獻回逆雷正綰訊明回逆斬之赦漢民之被脅者自方村至慶陽官軍所駐之盤客地方計三十里其間二十餘里悉爲賊藪雷正綰檄駐紮盤客之總兵孟玉德等出隊與雷正綰夾擊各匪以通大道二十六日黎明雷正綰甫抵路旁一堡孟玉德等馳至聲勢更壯各堡匪黨懾於軍威不敢抗拒羅拜乞撫遂收三十餘堡受降二萬餘人分

續編卷八

四

別遣散糧路已通雷正綰已抵盤客與孟玉德等防軍聯絡距慶陽僅八十餘里矣臣等伏查甯州慶陽之間徧地皆賊雷正綰激勵將士轉戰而前所過之處擒馘回逆解散脅從已距慶陽不遠從此掃蕩而前直抵慶郡當可迅解城圍所有官軍進援慶陽沿途疊獲勝仗攻拔回巢收撫土匪情形謹合詞恭摺馳陳伏乞皇太后

皇上聖鑒訓示施行謹

奏 同治六年十二月十五日

軍機大臣 字寄同治六年十二月二十二日奉

上諭左宗棠奏擒回土匪合擾邵陽等處先籌痛剿以免續竄晉境官軍入晉後剿擒屢勝賊向西南敗竄歸綏邊防無警已調馬隊由河南赴晉剿擒穆圖善奏河州東鄉回匪圖抄官軍後路現在布置情形各摺片覽奏均悉黃河西岸各匪糾合竄擾邵陽澄城洛州等處意圖內犯左宗棠現飭周紹濂等營分投防剿即著檄飭派出各軍協力兜剿務將此股擒回土匪就地殲除毋令續渡冰橋更增晉境之賊其竄晉擒匪前據趙長

續編卷八

五

節李鶴年先後奏報該匪由山沃南竄垣曲並已竄近河南濟源縣境河北軍情甚形喫緊著左宗棠仍遵旨兼程赴晉惟匪蹤現已南趨應如何擇地駐紮居中調度之處並著妥籌辦理左宗棠當激勵官軍分路截擊以期一鼓聚殲毋令四出蔓延又成不了之局該大臣赴晉後並著庫克吉泰喬松年劉典督飭各軍嚴遏匪蹤勿稍鬆懈左宗棠以西路空虛庫克吉泰若復北行無軍援應著即照所請庫克吉泰暫緩前赴陝甘毗境該將軍現在咸陽即體察情形相機布置以壯聲援賊

蹤距銀條梁雖遠包頭等處防務仍著裕瑞桂成妥籌兼顧嚴防回竄毋稍疏虞董高二逆老巢在花馬池一帶必須搗其巢穴方能制賊死命該處距甯夏甚近金順帶隊尙稱勇敢著即挑選所部精騎並統率沿邊馬步各隊及胡世英各營尅期東征迅殲醜類甘肅河州東鄉回匪糾黨抗拒官軍穆圖善以兵力未齊尙難進取先將前敵事務布置暫行旋省即著嚴檄王得勝等趕緊拔隊前進不得託故遷延穆圖善俟各軍進發仍即由省督辦以起事機副將胡先勝在站坪地方接仗

續編卷八

美

少邵幾至貽誤暫行革去頂翎以示薄懲正在寄諭間據左宗棠等奏雷正綰等軍進援慶陽沿途迭獲勝仗攻拔回巢收撫土匪雷正綰已抵盤峇地方距慶陽僅八十餘里著左宗棠等嚴飭雷正綰統率所部與孟玉德等防軍互相聯絡掃蕩而前迅解城圍肅清疆圉將此由六百里諭知左宗棠庫克吉泰穆圖善裕瑞喬松年金順桂成並傳諭劉典知之欽此

入晉追擒屢勝摺

奏為官軍入晉後追剿擒逆屢獲勝仗弁於洪洞地方繞出賊前分路截剿大獲勝仗賊向西南敗竄謹將廣東提督劉松山戰事恭摺先行馳奏仰祈

聖鑒事竊劉松山郭寶昌兩軍入晉追剿擒逆克吉州追退鄉甯踞賊解河津稷山兩縣城圍大略情形臣已據郭寶昌稟於本月初八日恭摺陳報嗣據劉松山呈報十一月二十六日進攻吉州北城騎賊出城分路拒

續編卷八

三

戰步賊負郭列隊援應官軍擊斃騎賊甚多步賊疊前猛撲騎賊旁抄劉松山督隊鏖戰陣斃悍賊尤夥賊勢不支傍城東竄劉松山一面派隊追擊一面攻入北門時郭寶昌亦入西門城中之賊及傍城東竄之賊經官軍併力截殺四散潰逃復追殺五六百名墮溝死者無算追出二十餘里而還劉松山一軍是日共斃賊千餘名生擒二百餘名奪獲騾馬六百餘匹軍械數千件我軍陣亡勇丁七名受傷二十四名其鄉甯河津稷山解圍情形與郭寶昌所報相同劉松山所部沿途斃賊八

九百名奪獲騾馬二百餘匹陣亡勇丁二名受傷六名此克復吉州及鄉甯河津稷山等處追賊解圍各勝仗中劉松山一軍殺賊情形也本月初一日劉松山與郭寶昌由絳州東北分路追賊初二日抵平陽府初三日兩軍合追二十里至喬李鎮又行七八里始及賊騎賊反撲經馬隊擊卻乘勝追七八里沿途斬馘甚夥日暮收隊是夜探悉擒逆悉踞柏家莊新莊原店一帶盤踞多邨已近洪洞又訊據生賊供騎賊分踞新莊原店向前開路張逆帶步賊踞柏家莊在後把尾等語劉松山

續編卷八

三

郭寶昌商留兩營守壘多放號火虛張聲勢於三鼓各督隊銜枚疾趨由南路折至東北繞出賊前郭寶昌攻新莊劉松山攻原店初四日黎明劉松山飭提督易德麟總兵喻執益由左提督何作霖胡文高余虎恩提督銜總兵楊世俊由右自率提督陶定昇易致中由中路進攻原店踞賊並飭提督李就山唐光輝楊福交胡文高相機策應賊祇防官軍躡追不意忽從前路襲擊驚惶失措劉松山督中左兩路將士衝入立破原店賊巢余虎恩楊世俊見賊眾潰走率馬隊自右抄出擊斃悍

賊不計其數何作霖胡文尚李就山唐光輝等分從左路猛進迭破賊巢適郭寶昌攻破新莊由左路追擊而來比卽合隊齊追賊騎被官軍追急不能成隊向西南敗走官軍奮力追殺直抵柏家莊首逆張總愚見騎賊潰敗糾黨傍村列隊迎拒官軍直前衝擊鎗礮環施刀矛繼進立斃悍賊數十名張逆亦向西南奔竄官軍追至康衢西阻小河該逆馬步蜂擁爭渡陷於淖者不可勝數悉被官軍追斬賊向平陽府回竄劉松山等收隊駐康衢自初三夜三鼓至是日酉刻猶未傳餐也是

續編卷八

三

役共計斬擒逆賊七八百名破賊巢數十處奪獲驛馬千餘匹拔出難民二千有奇賊中軍械拋棄滿地約已去三分之一劉松山所部陣亡弁勇四名受傷十三名郭寶昌攻破新莊獲勝情形尚未接其稟報此初二三等日官軍追賊獲勝及初四日官軍馳赴洪洞一帶繞出賊前迎頭截剿大獲全勝擒逆被削折竄之大略情形也伏查擒逆於十一月二十三日夜五鼓渡河劉松山郭寶昌自上游西岸疾馳截剿擊散未渡之賊卽於二十四日渡河追剿尙屬力赴戎機故臣於劉松山郭

寶昌自請治罪呈稟到時既念其入晉追剿已獲屢勝又以其自知引咎不媿廉恥之將益愛重之但勉以發憤勦賊不敢自存分謗之心歸咎將領此次劉松山郭寶昌星夜馳繞賊前痛加懲創使賊不得直趨東北實屬忠勇奮發深願大局劉松山此報係初九日在絳縣發遞計郭寶昌亦可抵絳縣矣據提督馬德昭及山西河東道楊寶臣探稟賊於初七日由絳縣趨橫嶺關有由垣曲出山之勢垣曲東路封門口爲入豫要隘業經山西按察使陳湜撥垣曲水師勇丁扼守隘口臣又飛

續編卷八

三

咨河南撫臣嚴防封門口要隘及垣曲池東一帶各要隘以杜該逆窺伺豫省河北三府之計如能嚴扼隘口不令出山則劉松山等自絳縣躡追或可殲之晉豫之交也所有官軍進剿擒逆屢獲勝仗及洪洞地方繞截痛剿大獲全勝賊向西南敗竄大略情形謹先具摺馳奏伏乞

皇太后

皇上聖鑒訓示施行謹

奏同治六年十二月十二日

請飭湖廣巡撥協餉採辦軍糧片

再本年陝西為秋霖所苦平陸成江歲收歉薄而兵燹之後地畝半就荒蕪現在糧價翔貴省城附近一帶米價粟價每斗均需錢二千文以上麵價每斤亦一百三十文為百年來僅見之事渭河南北糧價稍平之處又為山西商販羅運一律昂貴明歲青黃不接之際民食軍糧匱絕寔在意中臣現將應發各營欠餉酌留購糧而餉銀將竭糧路又窮若徒從陝境採辦更恐搜羅太盡大妨民食聞湖南秋收豐稔糧價較平尚堪購運康

續編卷八

三

熙雍正年間曾轉運楚米至陝平糶成案可援現在湖南北兩省均有欠餉可催儘可藉資採辦查湖北協甘餉銀臣過鄂時與湖廣督臣湖北撫臣籌議會奏每月解銀二萬兩維時湖北布政司現護理撫臣何璟面稱此數必可按月撥解無誤現計湖北所解協餉除七月以後由清庫撥解江漢關歸還洋商借款外其六月以前協餉就湖北來文併籌濟臣軍行費銀二萬兩亦抵一月甘餉綜計尚欠解五六月銀四萬兩湖南欠解尤多應請

敕下湖廣督臣湖北湖南撫臣飭湖北藩司迅撥銀四萬兩湖南藩司迅撥銀二萬兩均解交臣陝甘後路糧臺道員王加敏及會辦糧臺事務湖北按察使王文韶委員採辦軍米分批轉運由漢江一流而上入甲河至陝西山陽縣之湯川關陸運至西安以供軍食水陸程途迢遠轉運艱難非仰懇天恩飭下湖廣督臣湖南湖北撫臣迅將欠欸籌撥起解則購運又需時日深虞緩不濟急謹附片馳陳伏乞聖鑒施行謹

續編卷八

三

奏同治六年十二月十二日

餉項將罄請催江南等省協餉援案借用洋商銀

兩摺

奏為臣軍餉項將罄需用正繁且亟願懇

天恩催提各省協餉以支危局並擬援案借用洋商銀

兩恭摺馳陳仰祈

聖鑒事竊臣所收各省協餉及洋商借款除酌撥甘省

津貼陝軍及慶涇一帶甘軍並酌濟客軍外以之散放

臣軍餉項本即不敷年終之用數月以來節蓄支發均

留各營餉項以爲敷衍之計新舊各營餉項已積欠三四五月不等近派馬隊赴晉省東路發給兩月行糧驟提銀五萬餘兩瞬屆年終各營稍事點綴所留供漚注之各營存餉亦無幾矣而需用繁亟更倍徒於初人秦時歲款糧費不得不預爲廣購以供來歲軍需四月間四月之糧雖可待楚米運濟其來春三箇月軍食不能不就地先爲採儲秦省今歲昂貴異常計籌買三箇月糧所費寔屬不貲祇此勻留各營存餉不以購糧則來春糧價日益騰貴欲購更難以之購糧則開正以後將

續編卷八

三

並各營鹽菜銀兩亦無從籌發若移師入晉則糧價運脚所費尤鉅此來年春季軍需用迫切之寔在情形也陝甘回逆糜聚慶涇一帶陝回有具稟求撫者以其情詞雖切而不繳馬械攻堡掠糧如故且所稟求歸原籍萬不能准乃就前發分別勸撫告示逐條詰責指其罪狀示以生路仍一意進剿匪回以免墮其計中回之求撫雖屬是情但撫回與撫髮捻不同撫陝回尤與撫甘回不同籍隸西回鳳各回衆與漢民仇隙既深必不能相安無事自無准其回籍之理計惟於近陝之甘

境或陝省北山一帶漢回無仇漢民較少荒地較多之處徙漢置回所寓徙戎之意方可以規久遠而免後患則移徙漢民有費安插降回有費陝甘接壤之區飢民難民相率爲盜股數衆多官軍進剿或環蹙乞命求求生路情寔可矜亦須安插賑濟則收撫從匪窮民又有費雖駐秦剿回軍事已漸及甘境若勦撫得手正宜籌發牛具籽種與懇荒地則興墾屯田又有費甘省兵多餉少其應裁撤者須及時酌撤即陝軍亦有可撤者均以積欠太巨欲撤不能徒增積欠若再因循將愈不

續編卷八

四

可收拾則撤遣勇營更需鉅費此陝甘全局需用極繁必須及早籌之寔在情形也本年各省協餉其經借洋欸省分除抵撥洋欸外欠解尙不甚多惟廣東備數撥解福建則並提前解至七年二月止此外惟江西按月撥解各督撫力顧西陲危局源源接濟寔深賴之惟陝甘需用殷繁此後若仍俟各省按月解濟則隨到隨盡必無應手巨欸堪以斟酌緩急隨時妥辦擬援本年三月間

奏借洋欸成案再由江蘇浙江福建湖北廣東各海關

監督出給印票由各督撫臣加蓋關防交道員胡光墉籌借洋商銀二百萬兩會同江蘇蘇松太道應寶時與洋商交河由江甯浙江福建湖北廣東各藩司於同治七年二月至十一月連開十個月應協甘餉項下按月撥還解各海關發還洋商清欸一切查照上屆成案辦理惟胡光墉上屆籌借洋欸極費經營比以上海稅務司不肯畫押幾被阻撓聞總稅務司赫德到後曾言借餉於眾商外國常有之事並不須多費息銀等語可否敕下總理各國事務衙門轉飭赫德會辦此事督飭上

續編卷八

三

海稅務司畫押以期速成而息銀亦冀可稍省至臣軍迫需之欸則洋欸尙不能濟急惟有仰懇天恩敕下江南浙江湖北廣東各督撫臣將同治七年正二兩月協餉及本年未解協餉於明春正二兩月之交迅為籌解以支危局臣力小任重處此無可籌畫之區徒嗟仰屋近如山東山西協餉又以該省方有軍務未便咨催即所請推廣米捐雖將開局而章程甫出或謂捐數貴於京銅局及黔皖各捐深恐捐生不前仍無寔濟晝夜籌思莫名焦灼若不及早綢繆寔恐臨時束

手貽誤匪輕合願懇

皇上天恩俯念臣軍待餉情形危迫機局緊要

迅賜允照單開擬催擬借欸目分別施行是於陝甘大局裨益非淺除將擬催各省協餉及擬借洋商銀兩指撥協餉歸欸各銀數另繕清單恭呈

御覽謹由驛馳

奏伏乞

皇太后

皇上聖鑒訓示施行謹

續編卷八

美

奏同治六年十二月十五日

謹將擬催各省協餉及擬借洋商銀兩撥案指撥協餉歸欸各銀數臚列清單恭呈

御覽

一江南本年六月分協餉銀二萬兩七年正二兩月分協餉銀四萬兩共銀六萬兩

一浙江七年正二兩月分協餉銀共十四萬兩

一湖北除本年五六月分協餉銀四萬兩已附片請旨催解作辦米欸項外擬再催解七年正二兩月分協

餉銀共四萬兩

一廣東七年正二兩月分協餉銀共八萬兩

以上共協銀三十二萬兩懇

恩飭下江南浙江湖北廣東各督撫臣咨行各關監督

各歲三三月迫需

一江蘇海關監督代借洋商銀三十萬兩由江甯藩司

於七年三月至冬月連開十箇月應協甘餉項下撥還

一浙江浙海關監督代借洋商銀七十萬兩由浙江藩

司於七年三月至十一月連開十箇月應協新舊甘餉

續編卷八

三

項下撥還

一福建閩海關監督代借洋商銀四十萬兩由福建藩

司於七年三月至十一月連開十箇月應協甘餉項下

撥還

一廣東粵海關監督代借洋商銀四十萬兩由廣東藩

司於七年三月至十一月連開十箇月應協甘餉項下

撥還以上擬借洋商銀二百萬兩懇

恩敕下江南福建浙江湖北廣東各督撫臣咨行各關

監督各出印票由各督撫臣加蓋關防發交道員胡光

埔迅速籌辦會同江蘇蘇松太道應實時與洋商交割
分批起解並請

敕下總理各國事務衙門轉飭總稅務司赫德代為籌

商督同上海稅務司畫押妥辦

請飭河南巡撫按月協解片

再河南協甘餉銀經部臣指撥每月一萬五千兩河南

未能照解臣前以河南方防勦逆捻恐其不遑兼顧未

敢回請協濟即部臣議令河南籌解臣營一月甘餉銀

一萬五千兩亦未咨催本年七月間以籌辦軍士寒衣

續編卷八

三

秦中物力人工均有未逮咨商河南撫臣李鶴年飭司

籌款代為分辦旋據河南布政司卡寶第詳稱所發寒

衣價銀一萬一千九百二十兩作為協解甘餉銀兩扣

算由河南撫臣咨部查照臣夏間自湖北取道河南宛

洛以達秦關所過之關見其堡寨林立民氣尙固雖類

歲捻氛出沒而堅壁清野保全寔多寔非各省所及亦

非臣始料所及也本年秋收秦款豫豐兩省糧價殊絕

豫省養軍雖未減於昔而民力物產奚啻十倍過之陝

甘鄰近省分山西四川湖北而外惟河南執轍易道轉

運尤速緩急可恃以接濟應懇

恩赦下河南撫臣仍照部臣原議按月撥解甘餉銀一

萬五千兩以咨協濟謹附片具

奏伏乞

聖鑒施行謹

奏同治六年十二月十五日

四川協餉請轉解甘省片

再四川與甘肅唇齒相依所有四川協甘餉銀就解甘省較為近便應請

續編卷八

彙

敕下四川督臣飭司將本年應協甘餉除扣還穀價外

一併解交甘肅委員轉解甘省以資接濟謹附片陳

奏伏乞

聖鑒施行謹

奏同治六年十二月十五日

軍機大臣 字寄同治六年十二月二十二日奉

上諭左宗棠奏請飭湖廣巡撫撥解協餉採辦軍米等

語本年陝西米糧昂貴軍糧缺乏採辦維艱據左宗棠

奏湖北欠解五六兩月協餉銀四萬兩湖南欠解尤多

亟應籌解採買以資接濟著郭柏蔭李瀚章劉峴何璟

各飭該藩司由湖北巡撥銀四萬兩湖南巡撥銀二萬

兩均解交陝甘後路總辦王加敏等委採辦軍米分批

轉運由漢江派流而上入甲河至陝西山陽縣之漫川

關陸運至西安以供軍食毋稍遲誤正在寄諭聞左宗

棠奏餉項將罄需用緊急請催提江南等省協餉撥案

擬借用洋商銀兩開單呈覽並請飭河南巡撫仍按月

協解各片摺左宗棠新舊各營餉項積欠三四五月不

等需用浩繁必須及早完備所有江南湖北浙江廣東

續編卷八

罕

應解同治七年正二兩月協餉及本年未解協餉著會

國藩瑞麟馬新貽郭柏蔭李瀚章丁日昌李福泰何璟

各照單開如數籌撥務於明年正二月間解到該大臣

軍營以應急需本年三月間左宗棠奏借洋款藉資接

濟深有利自可援案辦理所有續借用洋商銀二百

萬兩除已諭總理各國事務衙門辦理外著會國藩瑞

麟英桂馬新貽郭柏蔭李瀚章丁日昌李福泰李寶第

何璟傳諭各關監督按單各出印票由各該督撫加蓋

關防發交道員胡光墉迅速籌辦會同應實時與洋商

交割分批起解左宗棠原單均著抄給閱看河南部定協甘餉銀該省未能照解著李鶴年仍照部議按月籌撥銀一萬五千兩解交左宗棠軍營毋稍遲延將此由五百里諭知曾國藩瑞麟英桂馬新貽郭柏蔭丁日昌李瀚章劉峴李福泰李鴻年卡寶第並傳諭何璟知之欽此

奏克復綏德及未渡河以前戰事摺

奏為補報官軍克復綏德州城獲勝情形及廣東提督劉松山安徽壽春鎮郭寶昌兩軍未渡黃河以前戰事

續編卷八

三

恭摺陳仰祈

聖鑒事竊自劉松山郭寶昌於十一月初六七抵清澗後久未得其軍報節經臣宗棠專弁資送緘牘交韓城宜川轉遞輒為回氛所阻近始陸續接得劉松山及郭寶昌北山一帶所發各件而提督劉松山稟報亦至十一月初九夜劉松山郭寶昌劉厚基偵知西德回逆甚眾亟自田莊進薄綏德劉松山攻其南劉厚基攻其東郭寶昌派二營助攻東路自督步隊攻綏德之東北以馬隊伏城東各莊距城數里逆回東南分拒各軍迎擊

之劉松山進逼南關賊收路猛撲郭寶昌劉厚基督隊進攻賊亦死鬥各軍奮力轟擊各斃悍回數十名劉松山攻破南關賊卡該逆驚潰不及入城均經官軍左右截殺城中賊大亂悉向西北兩門奪竄劉松山一面派隊追剿一面奪路入南門郭寶昌劉厚基亦攻入東門穿城搜殺即出城合軍追勦斃賊甚夥追至距城二十餘里之石家灣收隊回城是日各軍擊斃賊約共三千名撲河死者無算奪獲騾馬牲畜旂幟軍械不可勝數救出難民三千餘名劉松山所部陣亡守備王春濤把

續編卷八

三

總張藻林及勇丁七名劉厚基所部陣亡都司羅瑞卿守備張成保把總董興成彭玉林戴祥發等五名此十一月初十日官軍剿回大獲勝仗克復綏德州城之寔在情形也十一日據探回逆向西北竄走劉松山等正思先其所急探勦捻逆十二日據報捻騎數百踞州西南數十里地方當各派馬隊探至城西七十里之苗家坪附近一帶擒獲逆二名訊供張逆經回逆勾結前來綏德待冰渡河等語十三日各軍出隊至苗家坪東數里據賊中逃出難民僉稱捻逆因官軍已克綏德回逆

業向西北竄走遂向西南折竄適米脂西北有大股回
逆劉厚基率二營往勦留四營守綏德劉松山等以回
逆竄西北捻逆竄西南均恐折而向東窺渡黃河苗家
坪地勢適中賊若繞向東趨南北均可馳截因暫駐以
探賊踪十六日據探報捻逆向瓦窑堡一帶竄走維時
劉厚基已調留守綏德四營北行劉松山等以捻回均
距綏德不遠亟須布置城防乃可追賊即夕還軍綏德
留營駐守以顧河防適山西有約劉松山郭寶昌由軍
渡過河之議劉松山等以捻逆竄瓦窑堡稍東即係延

續編卷八 聖

川軍渡東岸皆山師行須繞山後與賊隔河又隔一山
殊無所取不若由清澗延川延長宜川循西岸截勦猶
可及賊賊復陳湜去後十八日拔行二十一日行至距
宜川交口二十里地方聞交口西南二十里劉管村羊
獻坪一帶有大股回逆盤踞劉松山等西刻抵交口派
隊築壘護守輜重二十二日五鼓各率七成隊先期回
逆以清後路劉松山等督隊襲劉管村郭寶昌攻羊獻
坪回逆列隊拒敵副將王立洪王鳳鳴等躍馬陷陣賊
圍之數重郭寶昌揮軍進擊賊益死鬥王立洪被賊鎗

矛穿胸即歿於陣各將士奮力衝殺遂破羊獻坪回巢
劉松山亦鏖戰良久始攻入劉管村伏溝竄匿者抄擊
無遺賊向南路奔竄兩軍合追四十里至張家灘駐宿
沿途復斃賊四五百名是役也轟斃殺斃之賊及墮澗
死者約千餘名奪騾馬五百餘匹軍械無算劉松山所
部陣亡都司戴星懷及弁勇二名受傷十一名郭寶昌
所部受傷勇丁四十餘名此二十二日官軍中途勦回
攻破劉管村羊獻坪獲勝情形也是夜五鼓忽據馬探
馳報宜川南溝哨一帶踞有捻逆劉松山等以捻逆竄

續編卷八 聖

近河干亟留二營待後路輜重各按隊疾馳二十三日
西刻抵南溝哨旋據馬探續報龍王迺七郎窩東西兩
岸均有火光劉松山郭寶昌即督隊向龍王迺進發行
十餘里馬隊擒獲騎賊訊供捻逆於二十三日五鼓衝
過冰橋等語及至龍王迺賊眾馬步約三千人結陣河
干扼守冰橋官軍直前轟擊斃賊甚多劉松山郭寶昌
督飭各將士奮力衝擊復斃逆二三百名賊大敗上
原奔竄西刻官軍悉渡冰橋追勦竄賊至距河十餘里
之史家莊沿途殺賊二百餘名時已昏黑軍士所裹糗

精悉已食盡飢疲殊甚遂收隊分駢能王延七郎竊東岸以待輜重此二十四日官軍鶴勒擒逆渡河追賊情形也劉松山郭寶昌木思循河被賊不意二十二日爲劉營村羊獻坪大股回逆所牽制盡一日之力痛剿窮追比經擊敗回逆而擒逆已渡冰橋矣劉松山郭寶昌劉厚基所請克復綏德州城者員獎敘以未能扼截擒逆暫行停保而各軍勦回戰事未便概置弗論且其中力戰陣亡各員弁仍宜一體請

旨賜卹以慰忠魂總兵銜花翎儘先副將王立洪克復

續編卷八

呈

綏德州城郭寶昌開單木城請保總兵并給勇號王立洪旋在羊獻坪陣亡可否

敕部照總兵例議卹都司戴星懷羅瑞卿守備王春濤張成保把總張藻林董興成彭玉林戴祥發均請

敕部各照例議卹合將克復綏德獲勝情形及劉松山郭寶昌未渡河以前戰事恭摺補報伏乞

皇太后

皇上聖鑒施行謹

奏

奏固原回衆自相戕害片

再准固原提臣雷正綰咨稱降回孫義章徒黨因從前孫義章謀殺降回赫明堂赫明堂之黨曾爲復仇謀殺孫義章彼此積嫌械鬥時相仇殺本年十月三十日孫義章之黨復殺傷赫明堂徒衆十數人聲言尙欲逐戶搜殺固原城中人心驚惶黑城子回民李正雲馬得忠馬得興等排解息事居民得以無恐據固原州知州蔣方直稟報並請派弁彈壓前來當即派委妥弁前往彈壓等語查固原城中漢民甚少回衆尋仇械鬥已弁一

續編卷八

呈

次此次勢尤洶洶正恐別滋事端茲據雷正綰次報實祇回衆自相戕害旋經勸息除咨復雷正綰咨得文武印委各員妥爲鎮壓外謹附片具

奏伏乞

聖鑒施行謹

奏同治六年十二月十七日

奏報督師入晉日期摺

奏為恭報 微臣 率師入晉啟行日期仰祈

聖鑒事 臣 派兵赴韓城宜川一帶截勦未渡黃河之賊及劉松山郭寶昌於山西洪洞地方繞出賊前大獲勝仗各情形曾於本月二十四等日先後恭摺馳報昨據喜昌馬德昭各探報捻逆於初九初十等日由垣曲縣東竄河南濟源縣境 臣 以該逆既竄豫省河北一帶若徒走東路則畿南防務必殷晉省兵力太單斷難足恃劉松山郭寶昌初十日五鼓由絳縣向東南覓徑繞

續編卷八

吳

截 臣 慮垣曲以東山徑崎嶇不如山南易行劉松山等軍必致又落賊後即 臣 派赴澤潞攔勦之喜昌等馬隊一千七百餘騎亦成尾追就此時局勢而論 臣 仍宜由晉境東趨規賊所嚮出賊之北由直隸南路出兵冀與追軍收夾擊之效如山行不遇大雪可迅踰太行以達畿甸擬即於十八日拔隊入晉 臣 親兵三哨及副將戴定邦一營之赴宜川者飭其由韓城邵陽一帶渡河馳赴山西聞喜與 臣 合隊前進陝省回土各逆及髮捻尾股不時出沒防勦正需兵力 臣 所調西路各營如總兵

周金品周紹濂馬步二千數百人仍不能不留之秦中 臣 但率親兵一千三百人及提督楊和貴二千五百人副將戴定邦五百人副將楊鳳元都司丁大洋新集馬步六百餘人合計四千九百餘人馬隊則不及百騎僅供哨探之用此外皆步隊也喜昌等一千七百餘騎未能即與 臣 合隊祇可令其會合劉松山郭寶昌兩軍緊追痛勦 臣 所帶皆步隊自陝西臨潼至直隸千數百里遠道長征天寒營短每日安營支帳約僅可行六七十里而止到防恐需時日惟有趨程前進以速補遲而已

續編卷八

吳

臣 前月三十日拜發一摺尚未奉到 批回現因啟行迫促未便拘泥候 旨已將陝甘軍務咨交劉典暫行代辦蓋以 臣 軍將領皆劉典所深知餉事原委亦劉典所素悉也遇有軍務劉典仍會商庫克吉泰喬松年聯銜奏報一面抄摺咨會 臣 處俾得與聞所有 微臣 啟行日期謹繕摺馳奏伏乞 皇太后 皇上聖鑒訓示謹

奏同治六年十二月十七日

軍機大臣 字寄同治六年十二月二十三日奉

上諭左宗棠奏率師入晉啟行日期一摺賊匪由垣曲東竄河南濟源縣境劉松山郭寶昌兩軍已落賊後喜昌等前赴澤潞馬隊亦成尾追之勢左宗棠現擬親督兵勇由晉省赴直隸迎頭繞截惟賊騎剽疾異常現已竄至濟源恐其深入河北各州縣地方平原曠衍奔馳益疾左宗棠當隨時確探賊蹤應由何路繞道東行著隨時酌度辦理總期趨行迅速繞前堵截不可落後是

續編卷八

兇

道致成不了之局所有陝省軍路即交庫克吉泰喬松年劉典督辦務期就地將回捻各逆殄除勿稍鬆勁捻設是否全數竄入濟源抑另有分股盤踞晉省現在晉省勦辦情形若何著趙長齡速行具奏並著該撫迅督各軍嚴密布置扼守要隘毋任續渡冰橋直隸與晉省交界各要隘已據官文奏稱派兵堵截著即飭令征防將士實力嚴守不准稍形鬆懈余承恩一軍並著官文飭令迅速入晉助剿李鶴年當飭河北防軍認真堵截並嚴催張曜等軍兼程馳赴河北各軍截擊勿任蔓延

是為至要將此由六百里各諭令知之欽此

續編卷八

率

擒逆東竄謹籌截勦摺

奏為擒逆東竄謹籌截勦情形請

旨施行恭摺陳仰祈

聖鑒事竊臣於本年十二月十七日已刻馳報率師入

晉啟行日期拜摺後欽奉十二月初七日

寄諭山東賊已窮蹙李鴻章所部兵力甚厚足敷勦辦

著即飭令宋慶程文炳各統所部由山東直隸尅日西

行入晉境後覘賊所向與陝境各軍會籌夾擊張曜軍

著即移紮河北等因欽此是日酉刻始准兵部火票遞

續編卷八

聖

回臣十一月三十日拜發摺片欽奉

寄諭左宗棠當慎遵查諭迅速入晉督勦昨因東省捻

股殲除將盡李鴻章兵力有餘已諭令該大臣等將程

文炳宋慶兩軍由山西移紮河北堵截該將領等到晉

豫後即著歸左宗棠統遣並著一面催提以厚兵力等

因欽此十八日酉刻在臨潼驛口途次欽奉十二月初

九日

寄諭飭李鶴年將張曜宋慶兩軍迅速調撥而十二月

初十日調張曜余承恩兩軍由臨潼關進發宋慶程文

炳兩軍由直隸進剿之

旨已先於十二月十五日欽奉

寄諭是張曜余承恩宋慶程文炳已均取道直隸以向

山西矣二十日丑刻在華州赤水途次准兵部火票遞

回臣十二月初八日拜發一摺欽奉

寄諭催臣兼程東征臣於二十一日行抵潼關二十二

日飭前隊及隨營軍裝輜重過河窮日之力尙難渡盡

臣於二十三日繼進即由山西蒲州聞喜翼城一帶東

趨入直隸境後自北而南諸督軍迎勦以期繞前攔截

續編卷八

聖

惟臣所部悉屬步隊遼路一帶山徑崎嶇行走苦不能

速現據探報賊踪東趨河南衛輝府境喜昌全福安住

劉松山郭寶昌等馬步各軍馳抵懷慶又落賊後臣已

飛飭喜昌等由河南彰德入直隸磁州出廣平順德一

帶攔勦並咨行劉松山等一體繞前截擊務先出賊之

北再行向南壓勦此時山西已無賊踪其張曜余承恩

宋慶程文炳各軍均可無庸入晉應請

旨飭令均赴直隸廣平順德一帶進勦抑臣更有慮者

擒逆自絳縣東竄委乘輜重步賊悉騎驪馬意在狂奔

聞其中有宋景詩之黨難保不徑趨大名糾合宋景詩
餘黨教匪以圖併力抗拒官軍山東賊已殄除請
赦下李鴻章撥勁軍馳赴直隸大名一帶進剿以杜勾
結所有現籌截剿情形恭摺馳陳伏乞

皇太后

皇上聖鑒訓示施行謹

奏 同治六年十二月二十二日

軍機大臣 字寄同治六年十二月二十九日奉

上諭左宗棠奏捻逆東竄現籌截剿情形丁寶楨奏捻

續編卷八

語

竄豫魯等布河北勦辦事宜各一摺覽奏均悉賊蹤東
趨河南衛輝府境左宗棠現飭嵩昌等入直隸磁州出
廣平順德一帶攔截劉松山等統出賊之北面向南壓
勦即著嚴檄各軍分路進攻迅掃逆氛左宗棠現由蒲
州渡河取道聞喜翼城東趨入直應如何擇要駐紮居
中調度之處著左宗棠妥籌辦理嵩昌等馬隊到河南
彰德後即可迎頭截剿不必拘定指示道路以免迂折
張曜余承恩宋慶程文炳各軍著官文李鴻章李鶴年
催令該員等分途前進星速會剿左宗棠以捻逆中有

宋景詩之黨難保不徑趨大名糾合宋景詩之餘黨教
匪圖抗官軍請飭李鴻章撥勁軍馳赴大名一帶以杜
勾結前已寄諭李鴻章飭令劉銘傳善慶等所部稍爲
休息移師赴豫即著左宗棠與李鴻章會商檄飭該提
督規賊所向定力殲除各軍到防後均歸左宗棠節制
調遣官文當懷遵前旨馳赴省南嚴密布置毋稍疏虞
現在駐京之黑龍江馬隊一千名著神機營王大臣整
頓齊備後派往直隸並現在直隸之吉林馬隊均交春
壽統帶歸官文調遣以資厚集捻匪並趨河北亟應迅

續編卷八

語

加勦辦東捻既已殄除著李鴻章統率勁旅前赴河南
豫爲截剿地步以免臨時周章如衛懷一帶兵力不敷
並著添派得力之師渡河會剿趙長齡現由韓侯嶺進
駐澤州一帶務當督嚴密守禦遇賊即擊臬司陳湜現
駐何處西路河防仍當督同該臬司認真截剿倘任陝
賊續渡冰橋惟趙長齡陳湜是問李鶴年扼紮衛輝著
卽就現有兵力攔頭截擊毋任匪勢蔓延東昌一帶防
務緊要著丁寶楨檄飭派出各軍妥籌防守該撫並卽
親赴東昌相機布置丁寶楨所調吉林黑龍江馬隊務

當起緊訓練俾得迅速成軍以備調遣將此諭知神機營王大臣由六百里諭知官文李鴻章左宗棠丁寶楨李鶴年趙長齡並傳諭陳湜知之欽此

軍機大臣 字寄同治六年十二月二十八日奉

上諭前因左宗棠奏請借用洋商銀兩當經諭令該衙門妥籌辦理茲據總理各國事務衙門奏稱照案借銀行息大重四成洋稅一項不妨暫為通融請將左宗棠原擬代借之款劃分為二一半提用洋稅一半由各海關向洋商借用開單呈覽等語左宗棠軍餉待用甚急

續編卷八

奏

該衙門所籌辦法既可節省息銀又可不要需白是兩全之道即著會同藩等按照該衙門所擬各節先由應解部款四成洋稅項下提出銀一百萬兩飛速解交左宗棠軍營支用其一百萬兩由各海關出具印票由各督撫加蓋關防交胡光墉應實時向洋商借用江甯等省各藩司於應協甘餉項下撥還並委解部庫交納歸還四成洋稅之款仍足二百萬兩之數左宗棠於以上兩項銀兩隨收隨報總理各國事務衙門俾便查催該大臣素顧大局必能仰體籌餉之艱撙節動用迅捕

逆氛以慰朝廷西顧之憂其單開數目著各該督撫等督飭按月分別起解毋許稍延至四成洋稅係解部要款並著按期撥解如有遲延即着照撥解京餉章程查明參辦原摺單均著鈔給閱看將此由六百里諭知會國藩左宗棠英桂馬新貽瑞麟郭柏蔭丁日昌李瀚章卡寶第李福泰並傳諭何璟知之欽此

續編卷八

奏

恪靖奏稿續編卷九目錄

吉林馬隊剿捻大勝摺

請將副都統安住革職留營片

請飭催各省餉銀片

師行過雪擬取道固關南趨截剿摺

官軍追剿獲勝已抵祁州現在趨程前進摺

行抵獲鹿遵旨駐紮仍相機進剿摺

奏撥用倉糧以濟軍食片

續編卷九目錄

吉林馬隊剿捻大勝摺

奏為吉林馬隊剿捻大勝恭摺馳陳仰祈

聖鑒事竊臣前派喜昌全福安住各馬隊由豫境馳繞賊前截剿捻逆業經馳報喜昌等先後行抵河南府適記名副都統全福猝患傷寒病證稟請留洛醫治調令所部隨喜昌前進喜昌率所部馬隊先由孟津渡河於上年十二月二十一日抵河內縣屬清華鎮東二十里之合村地方探悉賊騎相距不遠喜昌飭各營列成方陣自與營總富珠哩趙福信率精騎三百探蹤進剿甫

續編卷九

一

行四里賊騎六百餘突前猛撲經官軍整隊迎擊斃賊百餘名賊返奔喜昌正調隊追剿聞賊眾傾巢回犯馬步悍賊及沿途裹脅之眾共約一萬五六千人四面圍撲喜昌飭富珠哩列陣於北趙福信列陣於東營總博奇圖列陣於南營營總西常阿列陣於西互相聯絡以親兵隊往來策應喜昌見賊悉眾而至勢極兇悍嚴飭各營員弁丁勇結陣迎敵皆下馬擎鎗以待禁生擒禁奪旂械馬匹見賊逼近度鎗子可及則次第連環轟之所以整行列而遏侵軼也賊欺官軍旁無援應逞兇猛

撲以為必可撼也雖死傷疊積戀戰如故自未至成慶
戰四時該逆旋卻旋前者一十二次均經擊敗約斃賊
八九百名賊乃徐退甫二里許仍吹角整隊來撲喜昌
派精騎三百餘四面衝殺賊仍敗潰時已昏黑士馬飢
疲乃令各營發號仍按方陣領馬收隊該逆每乘官軍
出隊收隊倉卒之際勒馬回衝得以逞志至是亦紛紛
拍馬而前官軍仍結陣迎擊斃賊多名賊復棄馬而步
挺矛齊刺官軍亦以刀矛格殺夾施鎗礮昏夜不辨斃
賊多少賊遂復大潰比收隊回合村適劉松山郭寶昌

續編卷九

二

聞報馳至時已交二十二日子刻矣計是日約其斃悍
賊一千數百負創而遁者不知其數賊中旗械拋棄滿
地是役也官軍以千二百騎擊敗大夥擒逆惡戰六時
之久所殺皆是悍賊則喜昌數月精心訓練平日講求
陣勢之效也其營總各員均係遴選樸勇習戰之才臨
陣身先士卒膽壯氣定參領德陞驍騎校魁福各被矛
傷均裹創血戰不退一步各勇丁皆踴躍用命鎗法命
中有一發殪三四賊者自馬隊剿擒以來似此區區新
練之軍破十倍餘兇悍之賊實所僅見設當募練之初

能精選而多致之束以樸將資以良馬臣不可藉手稍
寬咎責乎所有此次尤為出力各員弁兵勇應懇

皇上天恩俯准查明保獎以昭激勸勇丁陣亡二十一
名受矛傷者八十餘名戰馬帶傷六十餘匹已飭分別
給予卹養銀兩及買馬換給矣該賊於二十一日被創
後由修武縣屬稍折而西屯踞城西三十里之板橋一
帶劉松山郭寶昌前抵濟源東二十里之陳村因軍火
糧餉均已告罄派員迎提以備進剿現已與喜昌會合
共圍繞道截剿計數日內當有戰事臣於二十七二十

續編卷九

三

八三十等日在西夏縣聞喜曲沃道中疊奉
寄諭飭臣兼程赴晉擇地駐紮居中調度隨時確探賊
蹤繞道東行

聖謨廣運欽佩難名臣查賊蹤在懷慶一帶彰衛喫重
畿南尤須嚴密防範此時情形臣自宜馳赴直隸順德
一帶督諸軍向南壓剿方可與諸軍收夾擊之效自山
西至直隸順德以取道肅關遼州為近而澤潞一帶山
徑積雪凍滑難行深恐求速轉滯臣現擬由平陽大道
至太谷入山趨遼州以達畿甸臣自起程以來曉夜遑

行步軍衝營奪奔走旬餘適屆年終曲沃大平之間
新遭蹂躪軍驟缺乏不得不暫駐一二日以待輜重而
允軍士度歲之請惟當沿途趨行以速補運所有_臣軍
馬隊馳剿捻逆大獲勝仗情形及_{微臣}繞道東行緣由
謹繕摺具

奏伏乞

皇太后

皇上聖鑒訓示施行謹

奏 同治七年正月初二日

續編卷九

四

請將副都統安住革職留營片

再西安副都統安住及記名副都統全福各帶所部馬
隊行抵河南府適全福瘁病暫留洛陽醫治據稟將所
部交喜昌統帶乃安住竟不令隨河喜昌剿賊擅將全
福所部一併兼帶二十一日之戰喜昌所部四營晝夜
鏖戰安住近在一方並不出隊策應實不可解查安住
平日尚稱能戰惟時藉病回西安調養自耽安逸此次
過_行營時_下曾面飭兼程前進與喜昌等合隊剿賊
乃喜昌四營戰至六時之久安住所部及全福所部五

百餘騎並不出隊乘謬怯懦無可原恕應請

旨將西安副都統安住革職姑令留營再觀後效以重
軍令所有安住及全福兩起馬隊即併歸喜昌總統以
一事權謹附片具

奏伏乞

聖鑒施行謹

奏 同治七年正月初二日

請飭催各省餉銀片

再_臣軍餉項窘迫情形前已恭摺馳

續編卷九

五

奏准兵部火票遞回原摺後開軍機大臣奉

旨另有旨欽此尚未欽奉

上諭_臣未便啟行催趨_臣所留交劉典之餉既屬萬分
竭蹶_臣所隨帶入晉各營及喜昌等馬隊均僅有兩月
行糧喜昌等起程較早一月餉銀業已支用現僅存一
月餉乾馬隊購辦芻糧尤不容緩正須設法早籌除咨
呈軍機處請將_臣前次所陳餉事摺片欽奉
上諭恭錄咨照外仍懇

天恩俯賜飭催各省督撫迅速辦理謹附片具

奏伏乞

聖鑒施行謹

奏 同治七年正月初二日

軍機大臣 字寄同治七年正月初七日奉

上諭左宗棠奏吉林馬隊剿捻大勝並請將副都統革職留營英翰奏續派勁軍馳赴北路趙長齡奏請飭余承恩統師入晉各摺片覽奏均悉左宗棠所派喜昌等各馬隊行抵河內縣屬之合村地方突遇捻騎圍撲喜昌等列隊迎擊鎗礮環施計經一晝夜之久共斃悍賊

續編卷九

六

一千餘名賊眾大潰寔屬奮勇可喜所有此次尤為出力各員著左宗棠擇尤保獎河北賊蹤麇集必須大兵各剿方能痛掃逆氛左宗棠現在因澤潞一帶積雪難行擬從平陽大道入山趨遼州由直隸順德一路前赴河北著即探賊所向繞前歷剿劉松山郭寶昌業已馳抵濟源即著飭令該提督等會同喜昌等乘勝兜擊毋任該逆得以喘息副都統安住延不出隊殊屬乖謬著即革職留營以觀後效所有安住全福所帶馬隊著交喜昌統帶俾資得力前有旨令李鴻章催令劉銘傳善

慶溫德勒克西逃赴河北該提督等諒已登程仍著遵古微催分路前行不准稍有延緩李鴻章亦當速督各軍前赴河南相機調度英翰現改派陸鴻慶等隨同牛師韓前赴河北隨地游擊騰出方長華一軍仍由河北馳赴直豫所籌尙妥著分飭該將弁等剋期前進其程文炳一軍亦即檄令由臨清鉅鹿一路趨行以便會合諸軍奮力剿擊李鶴年計已馳抵衛輝何以數日來未見奏報著該撫迅將近日常軍情賊情詳細奏聞並著督飭各軍乘勢兜擊以期就地殄除趙長齡奏晉省現無

續編卷九

七

賊蹤與臬司陳湜分等防堵前調余承恩赴晉余承恩一軍現在直境剿賊毋庸調派前往俟各援軍到直後再候諭旨遵行西路河防仍形緊急著趙長齡傳知陳湜嚴密防守如再有一賊渡河致晉西復遭蹂躪即將該臬司軍法從事該撫等具有天良諒不至仍前玩泄增朝廷西顧之憂左宗棠前請飭湖廣等省迅撥協餉當經諭令會國藩等按單籌撥所有是日寄信諭旨已令軍機處抄給閱看矣正在寄諭間據官文奏稱前敵各軍迎剿情形並賊蹤擾及開河營張曜宋慶兩軍已

抵封邱各摺片揔逆由臨漳等處分股渡河經同知余
沛恩等會督兵勇迎剿獲勝其中內廣過河之賊現已
擾及開州之并店地方直省軍情甚屬喫緊著官文懍
遵前諭剋期馳赴大名廣平一帶相機扼紮並嚴飭唐
訓方等各帶所部趕緊分布毋稍疎虞春壽宗和所帶
馬隊尙稱得力並著該署督令其合隊迎剿毋庸另行
分撥致形單薄駐紮南苑之黑龍江馬隊一千名著神
機營酌赴直隸交春壽統帶並歸官文調遣以厚兵力
張曜宋慶兩軍已抵封邱卽著官文李鶴年等檄令張

續編卷九

八

曜等繞出賊前與直隸各軍合力痛加剿洗以遏北犯
陳國瑞已由廣平進發著卽會合張曜宋慶兩軍寔力
進剿如張曜等軍一時未能會合或先與春壽所統馬
隊會齊以便相機截擊賊蹤逼近畿疆李鴻章英翰務
當嚴飭劉銘傳程文炳各軍並善慶溫德勒克西等馬
隊兼程前來如有遲延玩愒等情惟李鴻章是問丁寶
楨前奏正月初旬親赴東昌相機辦理現賊蹤北竄該
撫計早出省著卽逸派勁軍赴大廣一帶迎頭截擊其
吉林黑龍江丹丁馬隊如已訓練齊集亦卽派赴直隸

交春壽統帶該副都統久經行陣帶隊素稱得力著官
文傳諭該副都統會合各軍步隊寔力迎剿官文所派
洋鎗砲隊及津軍馬步練兵卽著崇厚遴選得力員弁
管帶起程交官文調遣以資厚集津郡一帶亦宜豫防
著崇厚挑派得力之兵嚴密布置庶免臨時周章將此
諭知神機營並六百里各諭令知之欽此

續編卷九

九

奏師行遇雪擬取道回關南趨截剿摺

奏為師行遇雪定擬取道回關南趨截剿恭摺陳仰

祈 聖鑒事竊臣前因翼城至壺關五百餘里雪後凍滑

路難行時山西撫臣趙長齡已向澤州進發臣之馬步

各軍又東過懷慶以地勢計之澤潞一帶山內山外均

已有備遂擬由大道赴太谷後取道遼州以達直隸沙

河沿途徧詢晉省官民均稱遼州山徑亦甚險窄並據

署山西布政使胡大任兩次稟稱遼州山徑荒僻軌轍

續編卷九

十一

不通夫驟缺乏峻嶺陰壑冰雪未消甚難行走王等度

間初八日在靈石韓侯嶺途次又復遇雪是日隨營軍

裝輜重多半落後初九日冒雪行八十里抵介休縣不

能不暫駐待之此番雪勢較上臘更厚遼州山徑凍滑

萬難迅速趨行且臣全軍輜重僅飭山西州縣代雇車

一百三十八輛按站照民價給錢銜途州縣臨時雇覓

尚不免遲誤行期若雪後深入荒山更恐夫驟缺乏徑

路艱阻求速轉運現擬改道出井陘由獲鹿欒城柏鄉

馳赴順德一帶相機督剿此次行路酌量人力地勢每

日自五六十里至八九十里不等以天寒多雪暑短道

長苦難剋期而至現據記名副都統喜昌上臘二十七

日稟報已與劉松山郭寶昌兩軍馳抵河南新鄉縣探

悉捻逆前股已擾至衛輝城西後股尚踞李家村查新

城距李家村三十里距衛輝五十里計追及該逆必有

戰事已飭各軍躡蹤痛剿期與豫軍共收夾擊之效臣

慮豫軍與臣軍東西並集賊或覓徑回竄晉省南路已

飭山西按察使陳澍撥兵增南路之防並咨趙長齡嚴

密防堵臣又續調提督劉效忠馬步五營由豫境馳渡

續編卷九

十二

黃河扼垣曲封門口一帶俾追軍一意前進免虞後顧

所有臣軍途次遇雪定擬取道回關南趨截剿及現飭

馬步各軍躡蹤痛剿捻逆情形謹繕摺馳

奏伏乞

皇太后

皇上聖鑒訓示施行謹

奏 同治七年正月十一日

同治七年正月十二日內閣奉

上諭前因捻逆竄擾直隸平鄉等境李鴻章等未能催提劉銘傳等軍迅速赴援降旨將李鴻章李鶴年先行交部嚴加議處本日據官文崇厚奏捻匪北竄衝水定州一帶丁寶楨奏帶兵出省豫籌北援等語覽奏曷勝憤懣朝廷特命官文署理直隸總督剿匪是其專責乃毫無布置任令捻逆北趨日肆蔓延寔屬有負委任左宗棠於張總愚捻股未能在陝省就地殲除致令紛竄山西河南擾及畿輔調度無方官文左宗棠著交部嚴

續編卷九

三

加議處李鴻章身任欽差大臣爲朝廷素所倚畀當此匪蹤北擾宜何如速派援軍同心剿賊乃體奉諭旨既未催令劉銘傳暨善慶溫德勒克西等軍趨程前進又日久無一字覆奏是何居心着拔去雙眼花翎並褫去黃馬褂革去騎都尉世職李鶴年未能迅速出省督剿會殄逆氛以致捻逆竄入直境擾及近畿所調宋慶等援軍又不遵旨飭令分途前進失誤戎機著革去頭品頂戴並摘去翎頂劉銘傳暨善慶溫德勒克西各軍是否李鴻章於接奉諭旨後未經催令起程抑係該員等

任意遲延宋慶張曜兩軍先後寄諭李鴻章李鶴年飭令繞赴直境迎頭壓剿乃均由豫省渡河致落賊後是否該員等不聽調度抑係李鴻章李鶴年不遵諭旨令其改道赴豫著李鴻章李鶴年據寔覆奏再行分別懲處除丁寶楨帶兵入直諭令迅速前進外所有前調劉銘傳等軍仍著官文等迅速催提以資兜剿欽此

續編卷九

三

奏官軍追剿獲勝已抵祁州現在趨程前進摺

奏為官軍追剿獲勝已抵直隸祁州及微臣行抵壽陽

縣城趨程前進恭摺馳陳仰祈

聖鑒事竊臣前將取道固關緣由恭摺馳陳本月十六

日行抵壽陽接據已革西安右翼副都統安住呈報於

本年正月初三日與喜昌會合劉松山郭寶昌兩軍至

磁州蒙家莊一帶星夜前進初五日申刻抵南和小陵

村等處聞捻逆在鉅鹿迤北一帶遂各督隊由賊西繞

進以圖自北壓剿而南行至四更繞過賊巢約已及半

續編卷九

西

賊知官軍至出巢迎拒各軍分道進剿斃賊甚夥生擒

三百餘名奪獲騾馬四五百匹迨至馬莊駐宿仍即兼

程前進於初十日已抵祁州等語其劉松山郭寶昌喜

昌稟報尚未據遞到正在繕摺間欽奉本月初十二

兩日

寄諭跪讀之下憂憤無措賊蹤於十二日擾及定州所

屬據定興滿城兩縣于夾板上粘簽申明十三四等日

該境各有賊騎是賊之零騎已駛擾保定以北計劉松

山郭寶昌喜昌等各軍初十日抵祁州後距保定不過

百數十里必已逃圖繞截該逆專恃馳騁颯忽得以詭

避官軍且屢敗之餘不甚戀戰尤不敢攻撲城池應請

旨敕下順天府尹臣直隸總督臣嚴飭各州縣閉城固

守計追軍緊蹙其後狂寇斷無能為若劉松山等能馳

至良鄉一帶壓剿而南更為得勢臣軍由壽陽前進太

行險隘冰雪滿山雖日策步隊趨行亦須數日方得出

山賊踪已至近畿臣未能逃出賊前督兵痛剿捫心自

問罪不容誅一俟行抵獲鹿再當偵賊所嚮相機籌剿

所有追軍獲勝初十日馳抵祁州及微臣行抵壽陽趨

續編卷九

五

程前進各情形謹繕摺馳

奏伏乞

皇太后

皇上聖鑒訓示施行再安住全福兩員現承准神機營

王大臣咨調歸直隸督臣調遣臣已檄飭遵照辦理合

併陳明謹

奏 同治七年正月十七日

軍機大臣 字寄同治七年正月十三日

上諭本日據官文馳奏逆匪竄至清苑催軍繞截並喜昌等軍繞至賊前及隆平剿賊各摺片覽奏均悉逆匪於初十日夜間由定州直撲清苑省城戒嚴喜昌劉松山郭寶昌各軍於十一日已經趕到該將士等星夜兼程馳赴近畿應援深慰朝廷期望屬奮勇可喜本日已有諭旨先行交部優敘矣陳國瑞亦于是日帶隊趕至保定並催宋慶張曜兩軍於次日到省均屬奮勇春壽余承恩等軍由高陽繞路前赴保定此時當亦可到

續編卷九

六

官文計已督軍出城迎頭會剿總期由北面進壓逼向南趨節節痛剿是為至要本日據神機營王大臣奏派兵分路防剿情形所有派出馬步兵二千七百餘員名著即赴涿州一帶酌量情形防剿其餘二千一百餘員名著即前赴雄縣霸州一帶防剿其備調之黑龍江馬隊四百餘著趕緊補齊馬匹相機調撥逆騎剿疾異常難保不由保定橫向東趨繞赴北路涿州雄縣等處兵力未厚官文當慎為留意隨時相機飭令保定諸軍力固西北勿稍疎忽致誤全局崇厚前派之天津洋鎗練

軍兵二千名並著速飭馳赴河間等處與神機營所派防軍聯絡聲勢以固京南一路鄭魁士一軍著由附京東北趨向西南迎頭截剿丁寶楨昨擬帶莫組紳等軍北援如兵勢尚單著即添得力之隊星夜趕赴北路迎頭堵剿並著速飭黑龍江丹丁一併北來以厚兵力山東臨德東昌河防仍著嚴密堵遏勿令賊騎竄渡山西界連直隸各山口要隘趙長齡當慎遵前諭派撥兵勇堵截勿任賊蹤竄越晉易州重地關係匪輕著官文慎遵昨日諭旨密籌布置如有一賊竄向西北惟官文

續編卷九

七

是問近畿情形如此緊要李鴻章當慎遵疊次諭旨督率所部迅速入直並飛催劉銘傳善慶溫德勒克西等軍北來會剿淨掃賊氛河北一帶李鶴年亦當速籌兵勇嚴密堵禦以防賊蹤回竄牛師韓一軍著英翰嚴催入直程文炳如遷延不行北上著官文英翰速行嚴參治罪左宗棠現在行抵何處何以數日並無報來該大臣縱賊入直若再不起緊繞出賊前自問該當何罪耶將此諭知神機營並由六百里加緊諭知官文李鴻章左宗棠英翰丁寶楨李鶴年趙長齡崇厚並傳諭鄭魁

士知之欽此

續編卷九

六

奏行抵獲鹿遵 旨駐紮仍相機進剿摺

奏為微臣行抵獲鹿遵

旨駐紮仍相機進剿恭摺陳仰祈

聖鑒事竊臣於正月二十一日在井陘途次欽奉

寄諭前據左宗棠馳奏稱行抵介休由固關取道赴直

當因賊蹤北擾諭令迅速前來現賊已由安平祁州南

鼠北路情形較鬆劉松山喜昌等軍跟蹤追剿甚為出

力丁寶楨亦督兵馳抵雄縣兵力已厚足敷剿辦恐該

逆聞風回竄晉省平遼等處仍應嚴防左宗棠計程當

續編卷九

五

可行抵井陘即著在井陘獲鹿一帶扼要駐紮杜賊入

晉之路並知會趙長齡派兵於晉東各隘口嚴密布置

儻有賊蹤竄近即可整軍以待痛加剿洗將此由六百

里諭令知之欽此當即恭錄咨會趙長齡欽遵辦理臣

於二十二日行抵獲鹿一面安紮營壘分犒士卒將軍

裝及患病勇丁寄頓縣城一面確探賊蹤準備截擊前

據郭寶昌稟擒獲賊目謝應校訊供張逆總愚有竄天

津之意如不能竄則挑留悍賊輕騎馳突冀圖漏網現

聞賊中被裹人民紛紛逃逸似賊供不為無因請

飭下三口通商大臣兵部侍郎崇厚山東撫臣丁寶楨於河間天津嚴爲扼截臣於劉松山郭寶昌等稟報賊蹤南竄時亦飭其催偵賊蹤從容南下臣之此行原求力衛

幾何稍贖縱賊入晉入直之罪現在賊蹤漸南亦當視賊所向親督鋒鏑誓殄此賊以盡愚忱劉松山郭寶昌等既經官文調令跟蹤漸逼俟賊遠出北路然後進擊或前途另有大軍前來彼此知會合力痛剿今臣既抵獲鹿自未可拘守一隅坐待賊至惟有力顧晉省東路

續編卷九

辛

由西而東督率所部遇賊即擊以期迅殄狂氛臣軍會集兵力已厚所有節次欽奉

諭旨調歸徵臣節制總統已到未到各軍應請

旨仍歸各原省督撫臣及直隸督臣調遣以免紛紜至

晉省東路防軍已兼軍薄而南路垣曲封門口要隘僅

撥制兵三百餘名扼守萬一賊由河北竄走豫軍已調

赴保定勢難趕到賊前設由懷慶擱入則晉省腹地又

將處處糜爛臣前調提督劉劬忠率所部由河南東離

渡過河出垣曲扼紫封門口者此也旋准撫臣喬松年

賊谷寶難復陷調劬忠防剿西路逆回未及入晉此路仍屬可虞現值春令漸深可否

飭下山西撫臣轉飭臬司陳澍如河冰漸釋應仍酌帶

所部勇丁分布防守以期周密謹將臣軍行抵獲鹿日

期及現籌辦理情形據實馳陳伏乞

皇太后

皇上聖鑒訓示施行謹

奏同治七年正月二十三日

奏擬用倉糧以濟軍食片

續編卷九

壬

再畿南一帶糧食缺乏前據劉松山呈稱沿途購辦軍

糧甚屬艱難臣抵獲鹿思購備數日行糧亦若不能應

手除咨直隸督臣派委得力道府爲臣軍營劉松山郭

寶昌各軍購備軍糧草料以資飽騰仍由營發給價值

外誠恐直隸各屬去歲歉收採辦不能足用可否

敕下倉場侍郎迅飭坐糧廳撥借滑米一萬石交通永

道轉運保定候臣派員迎取以濟軍食之處出自

天恩如蒙

俞允臣即咨行浙江撫臣暨藩司於應解正月二月甘

餉項下剗欸買補搭運天津交納以重正供謹附片具陳伏乞

聖鑒施行謹

奏 同治七年正月二十三日

軍機大臣 字寄同治七年正月二十六日奉

上諭左宗棠奏行抵獲鹿相機進剿丁寶楨奏剿賊獲勝各摺覽奏均悉本日已明降諭旨將現到直隸之各省官軍歸左宗棠總統並將王心安賞還原職頂翎矣擒之竄陷饒陽經丁寶楨派令王心安帶隊進剿收復

續編卷九

三

縣城慶戰兩晝夜將賊匪擊敗該逆現向西南竄遁丁寶楨由山東督軍北來首先奮勇派兵擊賊獲勝保衛近畿深堪嘉尚著即整頓師旅相機進剿毋稍鬆勁直隸前敵各軍如劉松山郭寶昌壽昌張曜宋慶程文炳等所部均距賊蹤不遠何以並未會合進攻僅止王心安三千人孤軍深入天津鎗隊練軍與東軍同在一路何以亦不會同前進是否有推諉觀望情事著官文崇厚查明具奏並著催令各軍乘勢迅速追剿以期一鼓殄除現在各路援軍雲集深慮進止不齊未能協力同

心其圖掃蕩左宗棠現抵直境所有前敵追賊各軍均著該大臣總統以一號令賊騎飄忽靡定現在追賊各軍並著該大臣飭令各將領相機進剿不必往返請令拘泥稽延致悞事機左宗棠未經接辦之先所有剿賊事宜仍著責成官文遵照前日諭旨責令劉松山郭寶昌壽昌張曜宋慶春壽余承恩陳國瑞程文炳等專收犄角之勢四面進攻各分隊伍更番疊戰晝夜剿襲以免耽延時日至東北兩路仍責成官文丁寶楨崇厚調度各軍嚴行防剿東南兩路責成李鴻章嚴密堵禦其

續編卷九

三

派出進剿馬步隊入直境後亦歸左宗棠調遣以一事權西南一路責成李鶴年於直隸交界處所是力扼截英翰率所部仍在河南北擇要駐紮與李鶴年聯絡聲勢以上各路防務專責成各該督撫如賊由何路竄出即惟何路官軍是問其前敵進剿各軍如有觀望遷延不遵調度者左宗棠亦當據實參奏毋得徇隱干咎各省官兵各有本省應領之餉倘遇缺乏著官文崇厚隨時撥濟河南封門口為入山西垣曲要口據左宗棠奏防兵單薄如賊由北回竄晉省難資得力著趙長謙另

派得力將弁扼紮以固晉省門戶其吉州等處河防仍著陳澐在該處辦理左宗棠另片奏請撥坐糧廳漕米轉運保定等語各路援軍前已令戶部撥銀二十萬兩交官文分辦軍需並令崇厚由天津撥解洋米分運直境各處接濟倘有不敷再由官文崇厚酌量奏請撥解倉場所存米石以濟軍食將此由六百里各諭令知之欽此

同治七年正月二十六日內閣奉

上諭左宗棠另片奏請撥座糧廳漕米轉運保定等語

續編卷九 旨

各路援軍前已令戶部撥銀二十萬兩交官文分辦軍需並令崇厚由天津撥解洋米分運直境各處接濟倘有不敷再由官文崇厚酌量奏請撥解倉場所存米石以濟軍食欽此

格請奏稿續編卷十目錄

總統現到各軍籌餉捻逆摺

請分別防剿機宜摺

請直隸抽撥練軍嚴扼固關片

行抵直隸省郊現籌進剿摺

捻逆竄近深州並劉郭喜三軍戰勝片

官軍疊獲勝仗現籌剿辦摺

官軍追捻登勝現籌合力兜剿摺

請部撥銀兩暫資接濟片

續編卷十目錄

劉松山等請獎敘片

皖豫兩軍另懸賞格片

官軍剿捻迭獲大勝摺

補報郭寶昌戰事片

捻渡滹沱籌防籌勦片

奏總統現到各軍籌剿捻逆摺

奏為遵

旨總統現到各軍籌剿捻逆恭摺陳仰祈

聖鑒事竊 於正月二十九日在正定營次准兵部火

票選到同治七年正月二十六日內閣奉

上諭欽差大臣左宗棠現在行抵獲鹿所有直隸現到

各路官軍均著歸該大臣總統調度欽此同日欽奉

奇諭仰蒙

聖謨廣運

續編卷十

指授機宜曷勝欽感 臣自行抵獲鹿一面派弁確探賊

蹤一面採辦軍糧以備裹帶前進二十六日聞賊據東

鹿窺渡漳沱 未及候糧即督隊赴漳沱河北依橋扼

紮以防該逆循河西竄旋據探報該逆因水泮不得南

渡復由東鹿深澤向西北竄走並擾及定州北境適接

劉松山郭寶昌來稟兩軍於正月二十二日四鼓會同

安住馬隊在饒陽西北王岡兩襲賊獲勝斃賊約

四百名北騾馬三百餘匹解散脅從二千餘名至二十

五日已追入深州境內而賊從西北詭避復向北趨 臣

比即移駐正定東北以各營自獲鹿至正定官紳購辦

糧草不敷日用東北一帶採辦尤難不得不稍謀裹帶

以備戰事正在催糧拔隊間接張曜宋慶稟報二十七

日馳出賊前自保定西路迤紮至滿城山麓出隊截剿

獲勝克遏狂氛賊已折向南竄矣並據張曜等稟稱劉

松山郭寶昌已馳抵保定 臣比即由新樂赴定州一面

咨行現到直隸之各路官軍在賊之北者向南壓剿在

賊之東者自東北向西南進剿在賊之西者自西北向

東南進剿各將前進日期報 臣以便相機籌辦各軍亦

續編卷十

二

互相知會聲勢聯絡步步逼壓如至漳沱河北各軍厚

集機局緊湊即蹙賊於河濱倘各軍距賊遠近不同不

能如期並至即俟該逆渡河後北路局勢更穩再痛加

剿洗 臣至定州後如賊逾定州東南 臣亦即移營南下

與各軍聯絡進剿一切機宜謹當與署直隸督 山東

撫 河南撫 妥為商酌所有現籌剿賊情形謹繕摺

馳陳伏乞

皇太后

皇上聖鑒訓示施行謹

奏 同治七年二月初二日

軍機大臣 字寄同治六年二月初五日奉

上諭左宗棠奏總統各軍籌剿捻逆一摺所陳三路進兵并令各軍互相知會聯絡聲勢為步步進逼之計布置頗合機宜惟賊勢現由邢定高陽分擾任邱河間意在東撲天津昨已諭令官文於潘鼎新程文炳兩軍內揀派得力之軍馳赴雄縣任邱大城等處分紮扼截東北矣丁寶楨現住河間楊飛雄陳濟清等分紮鄭州任邱其河間以南阜城景德等處尙覺空虛賊騎避兵繞

續編卷十

三

竄踰隙乘虛是其慣技左宗棠現住正定距前敵較遠應行移紮何處并如何調撥各軍扼截或分路進兜以剿為防杜賊竄津並紛竄東北之處均著該大臣慎遵昨日諭旨相度機宜酌量辦理將此由六百里諭令知之欽此

請分別防剿機宜摺

奏為謹擬分別防剿機宜恭摺馳陳仰祈

聖鑒事竊臣於本月初二日在正定營次具陳籌剿情形後據探報賊踪竄蘇縣高陽一帶劉松山郭寶昌喜昌各軍均赴安州截剿昨於初三日欽奉二月初一日寄諭潘鼎新程文炳兩軍甫經趕到著即在北面穩紮以固京畿門戶藉可暫事休息其餘張曜宋慶劉松山郭寶昌喜昌等軍均著官文催令分路進攻務須由北向南節節壓剿以期痛殲醜類左宗棠著由西南一路

續編卷十

四

趕緊進次以期兜襲嚴密等因欽此臣維捻逆慣技在飄忽馳騁避實乘虛始猶馬步夾雜近則掠馬最多即步賊亦均乘馬臨陣則步賊下馬挺矛攢刺而騎賊分抄官軍之後其乘官軍也每在出隊收隊行路未及成列之時遇官軍堅不可撼則望風遠引瞬息數十里俟官軍迫及則又盤折回旋亟避以疲我其欲東也必先西趨其欲北也必先南下多方以誤我賊馬而我步賊輕捷而我重擊賊恣掠而馳官軍必待糧而走賊專用長矛官軍則必兼用鎗礮賊之輜重少官軍之輜重多

故賊速而官軍遲尾追之戰多迎頭之戰少盤繞之日多相持之日少也現在諸賊妄圖北犯暫無南竄之意直隸地勢平行無岡阜塘梁足限戎馬主客各將領身經百戰與劇賊周旋日久非不思迅與驅除早圖蕪役也而局勢固有難焉者賊蹤現距

京畿不過三百餘里官軍南趨賊必北嚮迫官軍折而北趨慮將又落賊後一也現在諸軍均幸已繞至賊北矣然賊由東南而西北諸軍盡馳而西賊由西南而東北諸軍又將盡馳而東無論往返奔馳兵力必漸形勞

續編卷十

五

億且恐官軍遊聚一方狂寇有時或且乘虛肆逞終遂其北犯之計二也劉松山郭寶昌晉昌與臣書均煩以此為慮而欲於近

京之處設立重防然後放心向南縱擊臣維

畿內西南路以涿州為總要南路以固安為總要茲值各軍雲集應請

欽派樸健將領率勁旅兩支一駐涿州一駐固安責令嚴防以重形勢此為近防之軍即賊蹤稍遠亦未可遽撤也保定河間天津三郡鼎峙保定距河間近而天津

距河間稍遠現有重兵在河間如天津有警尚可橫出截之然三郡屏蔽

畿郊防軍倘涉空虛必多罅隙此為且防且剿之軍須隨時調度不可併聚一方亦不可悉數南下也其進剿之軍則視賊所向併力攻剿如將逆賊逼過滹沱則與山東河南諸軍共收夾擊之效如賊逸出而北則與保定河間天津諸軍共收夾擊之效較之專防而不能剿專剿而無以為防者稍覺周妥臣謹擬就諭指前敵各軍遵

續編卷十

六

旨分別調撥以專責成庶冀剿足以剿防足以防無前突後竭之虞無顧彼失此之患辦理或可漸有把握惟智小謀大力小任重不敢不慎之又慎耳臣於初四日行抵定州因沿途雇車駟極艱而派員購到軍糧已解新樂及軍火落後者無車駟裝運阻滯不前定州雖可橫出高陽而軍無隔宿之儲道出祁州博雅一帶新遭蹂躪無從採購軍糧萬難由此前進擬徑由望都以抵保定與官文迎盤商籌布置及各軍糧料轉運事宜即赴前敵督率諸軍一意進剿前奉

帝諭前敵進剿各軍如有觀望遷延不遵調度者左宗
棠當據實參奏毋得徇隱于咎臣膺茲重任又正當罪
孽山積之餘更何忍稍遲已私致誤大局不但與各督
撫臣商確一切竝取和衷即諸將領功過所在臣既履
行間自當一秉至公據實上達倘有私毫欺隱屈抑戰
功抑或有意姑容致涉徇縱皆足以失軍心而墮眾志

一經

聖明察出更將何地自容臣雖至愚極陋不敢出此所
有預擬分別防剿及取道前進事宜謹拜摺馳陳伏乞

續編卷十

七

皇太后

皇上聖鑒訓示施行謹

奏 同治七年二月初六日

請直隸抽撥練軍嚴扼固關片

再片 疊次欽奉

寄諭以井陘為入晉大道

命臣嚴防首獲鹿入山逾太行至晉境以固關為最險
但得一干節制之師扼守關隘賊騎斷難挺走該處糧
既不足井泉亦少駐軍太多無所飲食臣既奉

命統各軍進剿日趨東北勢難兼顧固關臣所部五千
人又未便再事分撥致單兵力應請

敕下直隸臣抽撥練軍一千人迅往固關嚴扼入晉
之路倘賊踪西竄前阻關隘後有追師山逕不能馳騁
必難善脫也謹附片馳

奏伏乞

聖鑒施行謹

奏 同治七年二月初六日

軍機大臣 字寄同治七年二月初八日奉

續編卷十

八

上諭左宗棠奏分別防剿機宜并請派練軍駐紮固關
各摺片覽奏俱悉成勢現由獻縣竄擾青縣涿州一路
有神機營駐紮丁寶楨現往河間即可北顧固安一帶
本日已諭令撥兵馳赴大城任邱等處會合津軍嚴密
扼紮并諭令左宗棠官文進營到松山郭寶昌喜昌張
曜宋慶等軍專意進剿程文炳暨春壽所統馬隊分赴
任邱大城各處協力防剿保衛畿南矣前據神機營王
大臣奏擬請各路統兵大臣并各督撫分路防剿當經
諭令左宗棠官文專顧西北現在賊勢趨重東南津郡

喫緊兵力又單保定一帶情形稍鬆左宗棠日內計已
到省即著與官文商度機宜并迅催各軍分路進攻或
繞前迎擊或躡踪追剿不可稍形鬆懈恭親王等距前
敵較遠左宗棠當即馳赴東南迅督各軍迎頭截剿痛
掃逆氛一切進止務宜不必專候神機營指示以期迅
速其西北一路防務即著黃成官文辦理固關一路空
虛可慮著官文酌派得力直軍一千名交唐訓方統帶
或另派統將帶赴該處防堵以杜賊匪回竄置量將此
由六百里各諭令知之欽此

續編卷十

九

行抵直隸省郊現籌進剿摺

奏為 臣 軍行抵直隸省郊現籌進剿情形恭摺馳陳仰
祈

聖鑒事竊 臣 於本月初七日已刻督隊馳抵直隸省郊
駐營黃家莊自定州以北各站糧不敷用所帶行糧支
食無餘軍裝輜重因雪消泥深半滯中道就省換車尙
須湊集 臣 一面與官文籌商防剿機宜一面催趨軍裝
採辦行糧即出高陽相機進剿適准崇厚來咨捻逆游
騎逼近青滄津南喫緊旋據深州探報賊騎於初四日

續編卷十

十

回竄州境距城僅十餘里等語賊情狡詐難保非西南
游擊牽誤我軍仍逞其圖犯津沽之計 臣 抵高陽後如
賊仍趨東路 臣 即馳赴天津之北向南壓剿如賊由深
州西南竄走即檄程文炳自高陽急起追截 臣 亦即由
東北而西南檄諸軍奮擊現已飛飭前敵各軍偵賊所
嚮分道兜剿並合力顧津南一帶矣 臣 少官文十四歲
筋力較可支持 臣 既親赴前敵督剿有人而保定城屏
蔽 敵郊最關緊要督 臣 出省人心不免驚疑且恐逆蹤顯

督歷常出省之後仍須回顧翻不如從容靜鎮免啟戎
心官文現正料理前進臣勸其少緩候
旨遵行應否

飭官文留鎮省垣之處出自

聖裁所有臣軍行抵保定現籌進剿情形謹繕摺馳陳
伏乞

皇太后

皇上聖鑒訓示施行謹

奏 同治七年二月初十日

續編卷十

士

赫逆竄近深州並劉郭喜三軍戰勝片

再正拜摺聞欽奉二月初八日

寄諭並遞回

批摺跪讀之下仰見

宸謨廣遠

訓示周詳莫名欽感領接深州稟報大股捻逆竄近州
境而郭寶昌稟報初四夜與劉松山喜昌會軍進剿大
獲勝仗竄賊由西南竄走是賊現竄近深州而滄青界
內已無賊也所有各軍初四夜戰勝情形容續詳報

陳謹附片具

奏伏乞

聖鑒謹

奏 同治七年二月初十日

軍機大臣 字寄同治七年二月十二日奉

上諭左宗棠奏行抵保定現籌進剿并劉松山等會剿
獲勝各摺片捻逆在獻縣境內被官軍剿敗折向深州
一帶竄擾劉松山郭寶昌喜昌等業經各率所部會同
追擊左宗棠即著出省馳赴前敵嚴檄該將士等實力

續編卷十

士

兜剿迅殄賊氛勿任匪蹤到處蹂躪青滄界內無賊東
路情形稍鬆該大臣當由東北迤向西南痛將賊匪剿
洗勿任回竄程文炳一軍即著飭令由高陽一帶視賊
所向節節進剿毋庸調赴大城任邱一帶春壽所部馬
隊并山東新到之吉林黑龍江馬隊千五百名著左宗
棠官文飭令春壽一併帶赴前敵會剿官文即著留駐
省城嚴防北路并接濟前敵各營軍火糧餉勿令缺乏
賊勢漸趨西南固關為山右門戶防守緊要前經諭令
官文酌撥唐訓方帶兵千名或另派得力兵將前往該

處防守著即遵前旨妥速辦理山西平定盂縣一帶
併遼州各山路要隘著鄭敦謹迅速派兵堵扼以杜賊
竄晉疆之路毋稍大意將此由六百里各諭令知之欽
此

續編卷十

三

官軍獲勝仗現籌勦辦摺

奏為官軍兜剿擒逆叠獲勝仗現籌勦辦情形恭摺馳
陳仰祈

聖鑒事竊劉松山等於本月初四日在獻縣南家堡等
處大獲勝仗後擒逆復向東南折竄初十日劉松山郭
寶昌等均由東追勦出賊之北賊歸澤州東南二十
餘里高舖頭五子白一帶劉松山等緘約張曜安慶自
西北向東南進發劉松山等自北而南兩面夾擊是夜
四鼓出隊劉松山在右郭寶昌在左喜昌馬隊反劉松

續編卷十

四

山郭寶昌所部馬隊分為右路之右左路之左進至高
舖頭天色微明該逆馬步散處各村驚遽失錯賊向西
南紛竄各巢之賊同時驚亂劉松山亟飭所部分道驟
進當將西城五口等村賊巢十餘處一律攻破斃賊甚
多敗賊悉向北梨園村竄走各軍蹙踪追及逆首張總
愚率悍賊數千冒死返撲劉松山督隊鏖戰聞郭寶昌
已將五子白等處賊巢攻破馳至合隊聲威更盛奮力
衝殺斃賊數百名賊不能支悉向南敗走喜昌所部馬
隊復將馬隆莊馬莊趙家馬頭南梨園鄭家莊一帶踏

賊擊敗賊三百餘名馬步各軍追勒二十餘里至陳
家莊沿途斃賊尤夥劉松山等恐尾追太急該逆復折
而北商定直向西路十一日酉刻抵深州迤西之東陽
頭收隊是役劉松山郭寶昌喜昌各軍共擒斬悍賊一
千餘名奪獲騾馬軍械無算解散脅從數千名官軍陣
亡五名受傷三十二名此十一日官軍在深州東南勒
擒大獲勝仗之實在情形也十二日五鼓劉松山郭寶
昌宋慶喜昌分道西進至東鹿屬之舊城一帶聞賊正
向邢州北竄各統所部掣向北趨即趨行前進中途遇

續編卷十

五

賊即擊馬隊徑穿賊陣將賊衝為數段步軍乘勢蹙之
立刃悍賊數百奪賊騾馬五百有奇逆賊紛紛敗竄不
復能如常日之堅悍矣蓋倉卒抗拒尚未成列也十三
日午刻追至博野屬之南郭村忽據探報賊向東來遂
合排隊迎擊正進隊間賊騎已圍撲郭寶昌各營劉松
山催隊亟由郭寶昌隊伍東南面馳出迎擊分中左兩
路進郭寶昌由右路進喜昌馬隊張兩翼夾擊劉松山
郭寶昌所部馬隊直前衝鋒大股賊分作數十團蜂
擁突至步賊繼進官軍奮威猛進鎗環擊賊騎紛紛

敗潰步賊望塵先遁官軍乘勢掩殺宋慶等適由北面
壓勒而來軍威益壯賊悉向西竄各軍合追二十餘里
收隊而還方賊之衝撲郭寶昌營盤也郭寶昌乘輕騎
來臣宗棠行營商議進勒機宜開道回營之際突向衝
撲參將郭運昌等出隊擊之郭寶昌行近本營二里隨
身僅騎卒三十耳賊漸馳而前識其為郭寶昌急喊死
黨圍之數重副將王鳳鳴率隊來援郭寶昌與隨身騎
卒左右馳突斃悍賊數名始得與王鳳鳴會合于總
岳正江力護王將被鎗子中胸前陣亡已保知縣府經

續編卷十

六

魁方開第在後遇害傷亡兵勇十餘名此十三日各軍
在博野境內截勒獲勝之實在情形也是日臣宗棠適
抵益縣聞賊東趨出隊邀擊賊之探騎為臣軍擒斬十
餘名獲騾馬十餘匹比聞賊聞郭寶昌營加隊助剿未
至而賊已敗遁矣臣宗棠於十一日出高陽與程文炳
會晤十二日至益縣十三日將輜重分寄縣城十四日
西行追賊行抵望都之界南村與劉松山喜昌宋慶會
晤知賊踪南竄沿途備問滹沱河橋梁水勢慮其由正
定趨獲鹿乃與各將領計議以張曜宋慶兩軍自邢州

東西南下向西南逼期約松山郭寶昌等各軍自北而南兼顧西路敵糧程文炳趨正定期慶賊於河濱即於十五日進至鄭州南四十里之北張村十六日於深澤道中聞張曜未慶劉松山郭寶昌等擊賊獲勝斃悍賊又多尚未接據晉軍呈報途次詢問鄉民前此賊過時踞村落八九十處今僅古二十餘處軍械拋棄過多有並無兵器者賊勢不為不蹙但苦無險阻以限其往奔之路尙未能迅速敵事現已添調春壽善慶馬隊馳赴前敵以利追奔但期逼向西南則局勢較易得手

續編卷十

七

惟當和衷協力共籌防剿以冀仰紓

宸厪所有官軍勤給屢勝及現籌兜勦情形謹合詞恭摺

奏伏乞

皇太后

皇上聖鑒訓示施行謹

奏 同治七年二月十八日

軍機大臣 字寄二月二十二日奉

上諭官文左宗棠奏深州等處勦賊獲勝並李鴻章奏

安平勦賊疊勝各一摺覽奏忻慰具見該大臣等調度有方將士用命本日已明降諭旨宣示即著官文左宗棠李鴻章乘此聲威迭飭各軍商同兜勦慶之傳沁河濱一鼓殲除同膺懋賞所有劉松山等軍陣亡之官兵及千總岳正江知縣方開第均著左宗棠查明奏請優卹李鴻章所部之陣亡提保總兵銜副將尹昌景參將擬保副將龔興祖均著交部從優議卹見在賊勢已蹙左宗棠擬添調春壽善慶馬隊以利馳逐春壽所部馬隊前本有旨會同陳國瑞步隊作為游擊之師左宗棠

續編卷十

六

係統兵大臣即著隨時調度將春壽陳國瑞一併調赴前敵以資攻剿乘可相機策應各軍李鴻章因景德空虛恐該逆被勦東竄津郡又形喫重見飭周盛傳挑隊徑趨武強小河口截勦為郭松林等後援兼以屏蔽東路該大臣擬暫駐景州即著照所請辦理倘賊有向東北竄逸之信仍著該大臣進紮河間以資堵剿丁寶楨即著飭王心安等軍相機提策隨時偵探毋致稍有疏失崇厚亦當飭令陳濟清等軍加意防範不可以賊踪略遠稍涉大意保定一帶仍著官文妥為防範毋令乘

聞賊逆是為至要將此由六百里各諭令知之欽此

續編卷十

九

官軍追擒叠勝現等合力兜剿摺

奏為官軍追截擒逆叠勝仗賊由東南折賊東北被擊忽向西南現籌合力兜剿恭摺奏祈

聖鑒事竊本月十三日以前劫賊獲勝情形臣等已於十八日恭摺陳報十五日午間宋慶率所部行抵深澤縣南十餘里逆騎三餘三面馳至當經宋慶擊敗是夜二鼓張曜率所部繼至合隊劉松山等調悉賊踪嘉款深澤縣南二十餘里各村當城約宋慶張曜兩軍由北而南劉松山自與郭寶昌喜昌各軍由西北向東南進

續編卷十

十

剿宋慶亦偵知城南三十里西華集一帶賊館甚多即與張曜商乘夜襲剿三鼓後銜枚疾進十六日寅刻直逼西華集派隊由左右先鈔賊後各率精銳奪卡而人賊正熾黨抗拒忽聞官軍鈔至村後遂駭而奔官軍分股壓剿將西華集賊踞一帶村莊奪回敗賊向南潰逃漸又向東官軍躡踪追剿該逆未敢回拒計生擒悍賊一百餘名斬殺無算解散脅從尤眾各村遺棄騾馬輜重不計其數比劉松山等督隊逼近賊巢聞東西炮聲知宋慶等已在接仗催軍亟進劉松山由左郭寶昌

由右喜昌及全福馬隊進右路之右劉松山郭寶昌所部馬隊進左路之左西面賊巢悍逆正圖向東援應東面之賊忽被馬隊衝擊其小教村之賊為馬隊截斷該逆不及竄遁被官軍擒獲殆盡各軍躡追二十餘里薄暮收隊計共斃老賊數百名救出難民無數賊中拋棄軍械沿途甚夥此十六日宋慶張曜劉松山郭寶昌喜昌各軍東西夾擊大獲勝仗之實在情形也先是屢據探報賊愈滯沱河水勢甚洶決意竄過是日宗棠行營在賊北五十餘里賊騎東西橫出有西南趨晉州境

續編卷十

三

者慮其於藁城晉州交界之陳村桃園涉淺及由正定過橋因與各將領計議以宋慶張曜赴東北路劉松山郭寶昌喜昌馬步軍赴北兼顧西面其程文炳一軍與宗棠親軍赴西路十六日據程文炳報稱賊在深澤南路潰敗後已折向東北即飭程文炳改赴東北會剿而自率親兵各營赴無極擬殲賊於陳村桃園水濱也是口中西間賊至安平西北適李鴻章前隊郭松林楊鼎勳兩軍自景州武邑武強繞至安平與賊相值該兩軍接仗情形已由李鴻章馳報矣十七日賊眾竄至饒

陽東三十里左右之孔中旺蔡家莊前南旺村一帶劉松山郭寶昌喜昌程文炳宋慶張曜各軍均集饒陽乘夜分路進剿十八日丑刻程文炳由西南面進攻前南旺村一帶劉松山郭寶昌喜昌宋慶張曜由東北面分道齊進程文炳一軍行二十餘里聞賊中吹角聲亟催軍疾進程文炳督同總兵李得勝提督銜總兵李鎮國三路排進以總兵劉先文在後策應賊眾益棄輜重向東南狂奔當將前南旺村餘賊四五十名搜殺淨盡督隊躡追劉松山等各軍由東北面壓剿而前已將賊眾

續編卷十

三

所踞各村奮圍擊賊甚夥天明各軍會合四面兜擊該逆力不支策馬紛竄受傷不計其數向南奪路而走各軍躡追二十餘里沿途擒斬甚多直至獻縣西河低村始各收隊是役共斃悍賊七百餘名生擒二百餘名拔出難民數千人奪獲騾馬器械無算此十八日劉松山郭寶昌喜昌程文炳宋慶張曜各軍兜剿獲勝之大略情形也是夜賊由饒陽以南向西竄走據郭松林楊鼎勳呈報十八九兩日擊賊獲勝賊趨深州等語十九日劉松山等均向西追剿二十日追至距晉州二十里之

一頁 4

石村偵知賊騎已至晉州西南慮其折向北趨乃分兵向西北繞進二十一日賊騎果向西北比見官軍立即駭遁折向東南竄走各軍分道追擊均有斬馘二十二日抵深州東十里之張姓莊詢悉該逆踞宿大洪營一帶劉松山飛緘約各軍進剿劉松山由右郭寶昌由左馬隊在步隊兩傍張翼以進賊見官軍至即向東潰走各軍乘勢追擊其左路王家莊之賊不及出村經郭寶昌所部擒斬甚夥各軍合追二十餘里沿途殺賊尤多是役共擒斬悍賊約三百餘名奪獲軍械騾馬無數拔

續編卷十

三

出難民尤眾此二十二二兩日劉松山郭寶昌各軍追剿獲勝之大略情形也 宗棠於十七日追賊至無極之石村聞賊折向東南擬即改赴東路而行營已乏糧三日途中零星探買日不敷食不得已於十八日馳至正定將派員購到之糧裹帶以行比思直趨河間二十三日行過肅符五里駐紮牛軍莊賊從東南而西南稍折而西北仍向東南至是被各軍追急忽向東北竄至肅寧比據探馬回報賊騎已突近副將楊鳳元營門楊鳳元率馬隊數十騎迎擊步隊繼進賊分正南東

南西南三路猛衝而來楊鳳元派隊分投截剿鎗矛並進斃賊多名被創落馬者無算生擒四十餘名奪獲騾馬百餘匹賊與楊鳳元短兵相接之際疑為郭寶昌馬隊比知 宗棠親軍且戰且走步隊各營成列而出楊鳳元已向西南追擊數里而還時已昏黑賊騎皆狂奔而去矣是夜四鼓楊鳳元復與哨長馬開先分帶馬隊乘霧追襲斃賊匪多名賊眾驚潰遺棄騾馬旂械不可勝數二十四日黎明 宗棠督親軍及各營跟踪追剿行約二十餘里追及斷後騎賊當飭提督楊和貴副

續編卷十

四

將楊鳳元都司丁太洋等各派馬隊數十騎直前衝擊斃賊數十名傷者無算生擒百餘名分別斬釋餘賊向西南狂竄難民乘間得脫者將以千計奪獲騾馬五百餘匹其遺棄中途之騾馬不下一千匹悉任鄉民牽去禁軍士爭取以免亂行訊據生賊供二十三日賊伺隙向東北奔竄不意官軍突起迎擊將賊截為二段直至二十四日午後始繞避官軍悉向西南合股等語適程文炳馬隊馳至即調集所部馬步各營向西南排進復追二十餘里至博野屬之莊河頭收隊程文炳二鼓後

即出隊已飭向邢州歸勦臣宗棠於二十五日西北向
 營縣以顧高陽前路此二十三十四日臣宗棠親軍被勦
 擒逆跟蹤追擊兩獲勝仗之實在情形也月初四日
 縣獲勝後大小已十餘戰以二十八日兩戰為大捷
 然谷軍步多騎少賊稍受創即絕迹狂駛未能一鼓
 擒臣宗棠有催調馬隊趕赴前敵之議賊經屢敗之今
 勢甚窮蹙其黨或薙髮潛逃或臨陣乞撫賊情似已
 解十一日之役郭寶昌陣前受騎賊頭目張九兒隨帶
 騎賊三十餘名之降並陣斬賊目方黑兒劉連李廣人

續編卷十 奏

劉鳳山謝哀兒吳長法等十八日之役程文炳陣獲賊
 目陳清元王大忠等又據生賊供稱十八日之戰賊首
 李老懷已於陣前伏誅等語劉松山曾報陣斬賊目數
 名未詳其名凡臨陣擒斬賊中大小頭目無暇審訊非
 偶遇降人持認則固不知誰何也據程文炳面稱二十
 二三兩夜劉松山郭寶昌喜昌宋慶張曜等軍均有戰
 事尚未得其詳報即十六日之捷據程文炳呈報前來
 而劉松山郭寶昌喜昌宋慶張曜呈報未至尚未悉其
 戰事詳細情形臣宗棠行營無二三日停駐加以東

西陲定文報固有時繞道流滯耳俟查有擒斬賊目再
 當續報其郭松林楊鼎勛兩軍戰事應由李鴻章陳報
臣等但就其時日彙敘軍情賊勢不復重敘接仗情形
 以歸簡要據賊中逃出難民稟稱自十三四兩日自邢
 州起至今十餘夜馬不解鞍人不安臥聞鎗炮聲即驚
 呼駭其窮蹙情形可想而官軍亦皆晝夜不遑休
 息矣臣宗棠一俟探的賊踪與將領計議即拔隊再進
 激勵將士更番迭戰設法兜剿期登賊於滹沱河濱所
 有官軍追剿擒逆登獲勝仗及現籌兜剿情形謹合詞

續編卷十 奏

恭摺馳報伏乞
 皇太后
 皇上聖鑒訓示謹
 奏 同治七年二月二十七日
 同治七年二月二十七日內閣奉
 上諭官文左宗棠奏逆匪擒逆登獲勝仗一摺前據官
 文左宗棠奏報本月十三日以前剿賊獲勝情形業經
 降旨宣示十六日宋慶張曜劉松山郭寶昌喜昌追賊
 於深澤境內將西華集一帶賊巢攻破其小教郵之賊

亦擒戮殆盡乘勝追殺沿途斬賊甚夥賊竄向安平
經郭松林等截擊大勝已據李鴻章馳報賊自安平擊
敗後竄入饒陽劉松山郭寶昌喜昌程文炳宋慶張曜
各軍於十八日分路進剿程文炳催軍進擊賊眾狂奔
當將南旺村餘賊搜殺跟踪進躡劉松山等軍亦將賊
踞各村奪回會合兜擊逆眾不支紛紛敗遁二十一二
等日復追及於深州境內均有擒斬二十三日賊敗竄
至肅甯副將楊鳳元率隊迎擊短兵相接賊又大敗乘
勢追襲餘賊向西南狂奔程文炳率所部跟追直至博

續編卷十

三

野縣境先後其黨賊目方顯兒等多名擒斬悍賊不計
其數救出難民數千奪獲器械牲畜無算賊勢大蹙勒
辦甚爲得手劉松山郭寶昌喜昌程文炳宋慶張曜追
勦此股賊匪晝夜奔馳迭獲勝仗實屬奮勇出力劉松
山著賞換達桑阿巴圖魯名號郭寶昌著賞換法福靈
阿巴圖魯名號宋慶著賞換格松額巴圖魯名號張曜
著交部從優議敘喜昌程文炳均著交部議敘以示鼓
勵仍著左宗棠等激勵各軍同心滅賊迅竟全功官文
前奏張曜宋慶北援迅速安住亦督隊奮勉當令傳旨

嘉獎俟立有戰功卽行獎勵此次張曜宋慶旣因勦賊
獲勝予以恩施已革副都統安住著開復革職留營處
分其餘各營將士俟立有功績再行分別加恩該部知
道欽此

請部撥銀兩暫資接濟片

再臣宗棠隨營餉銀並山西解到正月分協餉動用外
現僅存萬餘兩各營酌發每月鹽菜銀兩及各路採辦
糧料各項費已不資茲值各軍協力奮剿所需實項尤
應及時發給需用更繁且亟臣宗棠糧台所收餉銀正

續編卷十

三

應迅解陝西以濟急需非待四成洋稅及籌借洋款收
到一二批不能勻解行營值此兵機順利需用甚迫之
際合無仰懇

天恩飭部迅撥現銀五萬兩交臣宗棠行營暫資接濟
由臣宗棠分別歸款報銷謹附片具陳伏乞

聖鑒施行謹

奏 同治七年二月二十七日

劉松山等請獎敘片

再劉松山郭寶昌兩軍上年十一月間克復陝西綏德

州城呈請叙出力員弁臣宗棠接其呈報之日已在賊渡黃河之後當以賊渡黃河未能過截暫停獎敘查綏德之役在捻逆渡河前十餘日該兩軍員弁實有微勞且自劉松山郭寶昌由晉入直屢著戰功劉松山郭寶昌蒙

天恩優敘所部員弁轉戰山西河南直隸三省又已三月可否將該兩軍克復綏德州戰功彙歸入直後各戰先行

給子獎敘以資鼓勵出自

續編卷十

元

逾格鴻施至劉松山郭寶昌未得清字勇號可否

賞換清字勇號以示獎勵之處亦出

恩施謹附片具

奏伏乞

聖鑒施行謹

奏 同治七年二月二十七日

院豫兩軍另懸賞格片

再各省赴直之軍由各督撫臣挑選勁放迅速啟行其

薪糧均由各省照舊章支放而舊章支放之數不同即

如楚湘淮各軍勇丁每名每日一錢四分親兵每名每日一錢五分長夫或一錢二分或一錢不等大致不甚懸殊勇夫尚無異說惟院豫兩省舊章則勇勇一名每應領銀一錢或八分長夫六分當其在本省征期時糧價平減雖為數無多尚堪敷衍又有別議津貼者故軍情亦習而安之現在入直正值年荒物貴之時糧食翔貴軍士所領餉銀無多倍形支絀欲普議增加則于各該省餉章有碍欲置之不論則彼此相形之下未免厚薄攸分臣等何敢存見好要譽之心然念此中關係軍

續編卷十

三

情慮無以鼓其樂事赴功之心再四籌維惟有于院豫

兩軍懸立首級賞格斬逆首逆級一顆聰明髮長一

尺以上者給銀二十兩髮長五寸以上者給銀五兩近

尺者給銀十兩其餘炮轟斃不能指出出力之人及羣

勇攢刺接仗之際未及割取首級者亦由各將領據實

報知臨時給賞備銀兩其奔獲驛馬者亦准酌給賞

銀藉鼓勵之資為津貼之費庶可合眾志以賦同仇楚

湘淮各軍口糧優厚自不能以此藉口至逆首張德愚

張五罪及賊中各頭目之稍著者生擒陣斬從優懸立

賞格則各軍一律無庸區別以作士氣而速戎機似較有益此項賞犒銀兩應請

旨准其作正開銷是否有當伏乞

聖鑒訓示施行謹

奏 同治七年二月二十七日

軍機大臣 字寄同治七年二月二十九日奉

上諭左宗棠官文奏追剿捻逆迭獲勝仗請撥餉銀并調劑皖豫兩軍餉項各摺片李鶴年奏豫軍追剿迭勝布置情形一摺覽奏均悉捻逆盤旋於深澤晉州饒陽

續編卷十

三

清苑獻縣肅甯無極等處屢經官軍擊剿獲勝擒斬甚多本日已明降諭旨宣示并將出力之劉松山等分別獎勵矣捻逆被各路官軍痛剿折翼狂奔自東南逃向東北復由東北折向西南勢極窮蹙正宜乘此機會力圖盡殲滹沱河水勢消長無定若不乘此水漲之時亟行殄滅設被賊騎搶渡而南蔓延將何底止郭松林楊鼎勳等軍自安平饒陽獲勝後見在進剿情形何如日久未據李鴻章奏報著即迅速陳奏左宗棠李鴻章官文等務當振奮精神合力同心共圖聚殲之舉不可稍

涉延緩致誤機宜丁寶楨亦當於河間西南兩面嚴密防剿與左宗棠李鴻章各營和衷共濟互相聯絡不可稍分畛域皖豫兩省赴直援剿各營勇糧月額較湘淮等軍數少左宗棠擬於皖豫兩軍斬獲首級奪獲騾馬加懸賞格藉資津貼等情均著照所議辦理該大臣隨營餉項不敷著戶部迅撥現銀五萬兩解赴該營應用以濟急需即由左宗棠隨時籌撥戶部歸款該大臣當趕緊督軍滅賊勿再遷延左宗棠另片奏請將陝省克復綏德州城出力各員弁獎勵等語劉松山山郭寶昌

續編卷十

三

在直境剿賊出力本日已加恩賞給清字勇號其餘出力各員弁著准其錄入直隸戰功案內擇尤酌保勿許冒濫李鶴年所奏豫軍戰勝情形與左宗棠所奏大略相同牛帥韓方長華兩軍分紮楚旺臨漳兩處馬德昭一軍改紮滑滑之交即著李鶴年飭令嚴密堵禦設遇賊匪搶渡滹沱南竄即合此起防軍迎頭截擊以杜蔓延陝豫交界處所仍著該撫隨時防範毋稍大意將此由六百里各諭令知之欽此

官軍剿擒叠獲大勝摺

奏為官軍追剿擒逆叠獲大勝恭摺馳陳仰祈

聖鑒事竊擒逆于二月二十二日由深州折向東北竄走其前隊至肅寧者經臣宗棠擊敗復向西南二十三日薄暮事也續據宋慶張曜稟報是日兩軍疾追百餘里探悉賊踞陽東北王莊曲里溝輪一帶向隔五十餘里宋慶張曜以各軍節次五更擊賊賊數受創輒于三更先行覓路奔竄以避官軍乃各定計先時進剿激勵將士銜枚疾起甫交三更逼近賊館當即揮軍猛撲

續編卷十

三

直指邱道及偽幼沃王張五孩即張五黑所踞兩大村進擊其零星賊騎則置之賊于驚亂之際猶思抗拒官軍奮力冲擊立將邱張兩逆所踞大村攻毀矛刃齊揮斬殺無數邱道一股勒洗殆盡逆首張總愚復糾集四面踞賊抵死回撲宋慶張曜分股接戰鎗矛叢擊計一時許賊勢不支亡命奔竄其下馬死拒之賊皆不及上馬驚逸失措官軍乘勢掩殺賊屍枕藉賊向北狂竄復遇臣宗棠親軍擊退以時計之正四更大霧中副將楊鳳元與哨長馮開先率輕騎追擊時也宋慶張曜兩

軍是役生擒賊眾八百餘人內有賊目張立堂蘇付恩陳小奎等三名張立堂即七丈隊賊首之一尙有積年髮捻二百十三名均即詵明正法陣斃悍賊甚多奪獲騾馬二千數百匹旂幟長矛鎗炮共二千三百餘件賊目龐四印率騎賊一百三十餘名脅從難民四百餘名跪道旁乞降宋慶張曜受之此二十三日宋慶張曜兩軍乘夜追剿大獲勝仗情形也其程文炳一軍二十四日與臣宗棠追賊至安平北二十五里之莊河頭一帶二更後由安平新店拔隊疾馳六十餘里甫交五更偵

續編卷一

三

知賊在深晉接壤之王家莊段家莊馬村等處將馬刃斂一秣不敢入村即向西南狂遁程文炳即飭總兵李得勝向西南抄擊總兵李振國從北路橫截自率總兵劉先文叅將王心忠從後躡追又行十餘里王心忠率馬隊在前遙見賊騎二千餘結陣以待程文炳知為賊中斷後悍賊飭王心忠縱馬進擊劉先文率步隊飛馳策應並催李振國等兩面齊進鎗礮環施烟霧四塞賊不測官軍多少驚悸敗潰官軍三面邀擊追殺十餘里至深澤縣西之梁村計蕪斃及陣斬之賊約三四百人

生擒數十名奪獲驃馬五六百匹拔出難民不下三千
 餘人據難民供稱張五孩受鎗子傷故賊騎皆驚惶紛
 竄不敢戀戰等語程文炳恐賊由正定過橋督隊向正
 定進發此二十五日程文炳一軍追襲捻逆大獲勝仗
 情形也據宋慶張曜二十四日辰刻來稟劉松山郭寶
 昌壽昌各軍亦均馳抵深澤聞二十五日深澤趙八莊
 一帶官軍勦賊復獲勝仗未知何路官軍接仗尙未得
 該將領呈報二十三日宋慶張曜兩軍一晝夜行一百
 六十餘里痛殄賊氛大獲勝仗該營哨各員激勵士卒
 奮勉用命實屬異常出力應請將記名總兵程之美
 賞給勇號副將銜河南恭親劉廷請以副將儘先補用
 賞加總兵銜儘先恭將強勇巴圖魯李永芳請以副將
 儘先補用恭將楊春祥游擊蔣尙鈞賈蕙山均請
 賞給勇號都司吳守義請以游擊儘先補用守備馬玉
 崑請以都司補用並請
 賞給勇號都司銜守備馮桂增藍翎守備宋得勝均請
 以都司補用宋得勝并
 賞換花翎守備銜千總程允和請以都司補用並

續編卷十

三

賞戴花翎千總唐廣興請以守備補用並
 賞加都司銜以昭激勸所有官軍進剿捻逆登獲大勝
 情形謹合詞恭摺
 奏伏乞
 皇太后
 皇上聖鑒訓示施行謹
 奏同治七年一月二十九
 補報郭寶昌戰事片
 再二月十八日之捷郭寶昌向孔家莊進剿賊騎結陣
 迎敵副將王鳳鳴馳入賊中奮力攻擊賊始向逆首張
 總愚所踞孔中旺村奔逃郭寶昌飭游擊楊傳典入村
 馳勦張逆率步賊抗拒其義子張和尙與張五孩及賊
 目張玉率騎賊兩面鈔至猛衝數次當經參將郭運昌
 等率步隊並進正處戰開降入張九兒槍擊張和尙應
 鎗而斃張五孩等馳前奪屍復經官軍鎗斃張玉適各
 軍破賊來曹賊大敗南奔據生賊供張五孩左臂亦受
 鎗傷其小賊日死者甚夥等語除奪賊旂械驃馬外並
 奪三開花炮四座劈山礮六尊郭寶昌所部陣亡哨長

續編卷十

三

張建業一員傷亡勇丁二十餘名二十二日之捷郭宗
昌首抵大其營附近之封家村以步隊扼村口王鳳鳴
等率馬隊後人賊眾因老賊假寐防守稍懈被官軍馳
入擒斬多名其越牆遁者經步隊圍殺殆盡張逆胞弟
張三及賊目唐玉均中鎗斃該處所踞老賊無一漏網
並將王莊等處賊巢攻毀計陳斬悍賊百餘名生擒八
十餘名據郭寶昌稟報前來合即續報其喜昌十八二
十二兩日及劉松山十八日戰勝情形尙未接其文報
也謹附片馳陳伏乞

續編卷十

三

聖鑒施行謹

奏 同治七年二月二十九日

擒渡漳沱等防籌勦片

再 臣 宗棠於二月二十八日已刻行抵定州接據正定
府晉州藁城縣無極縣各探報擒逆於二十五日三鼓
在晉州桃園相古莊一帶涉渡全渡漳沱向晉州知州
陸邦輝稟稱二十五日已刻始見賊騎數十成羣向西
南竄走不敢近城嗣見六股絡繹而來幼童屠多器械
無幾申刻過盡向西南涉水竄渡三鼓亦皆過盡賊之

人馬淹斃甚多渡沱河北岸已無賊踪等語計各軍必
已陸續追勦 臣 宗棠二十九日即向正定進發渡漳沱
而南進勦而漳沱北岸未可空虛應請
飭涿州等處防軍拔赴保定替出保定附近防軍進紮
漳沱北岸各橋梁淺灘以固正定河間天津三府門戶
漳沱河水深處多即橋梁未經折毀者亦不過數道尙
易分布至馬隊利於馳逐不宜派令防守置精騎於無
用之地擬請將馬隊悉調過河以利追逐其春壽馬隊
請

續編卷十

美

旨飭令與劉松山郭寶昌合隊陳國瑞如嫌兵單仍即
令其會合攻勦不必別立一旅其喜昌全福馬隊俟 臣
宗棠渡河即當調令合隊前進蓋賊踪靡定 臣 宗棠與
諸將有時須分路迎勦而所部馬隊僅百餘騎步隊不
足五千人不能收追奔逐北之效也賊既渡河東路有
李鴻章大軍迎勦賊必趨重南路應請
敕下河南撫卍山西撫 臣 分別防勦以杜紛竄謹附片
馳 奏伏乞

聖鑒施行謹

奏 同治七年二月二十九日

軍機大臣 字寄同治七年三月初二日奉

上諭恭親王等奏擒逆渡河南竄請飭各路統兵大臣
迅圖追剿左宗棠等奏勦擒迭勝並殲斃賊目及渡河
南竄情形各摺片均悉張曜宋慶督軍在饒陽東
北乘夜擊賊直搗中堅程文炳追賊深澤晉州等處將
斷後悍賊痛剿擒斬甚多張曜宋慶一晝夜馳逐一百
六十餘里尤屬迅速本日已明降諭旨將該營出力將

續編卷十

堯

弁照請獎勵矣賊目張和尙張玉均為郭寶昌所部鎗
斃張五孩亦被鎗傷該逆敗殘已極向滹沱水淺處所
竄渡前以滹沱水勢消長臆定諭令左宗棠等務乘水
漲之時逼諸河濱迅圖聚殲今賊果由水淺處所涉渡
南竄距京師雖為較遠惟未能在滹沱北首迅籌殲滅
失此機會甚屬可惜滹沱以南地勢平衍若不振奮精
神將此股殲除致令蔓延肆竄難於收拾必將該大臣
等重治其咎以儆玩泄著左宗棠迅督前敵諸軍儘力
追剿毋任喘息並將善慶溫德勒克西馬隊調度南岸

興春壽馬隊合軍以利追逐陳國瑞馬步勇隊亦著飭
令一體追剿潘鼎新等軍即著官文飭令移紮滹沱北
岸扼要駐紮以防回竄應否調赴南岸之處並著左宗
棠酌量調遣恩承所部京兵即移紮保定一帶與官文
妥籌駐防丁寶楨所部即移紮直東交界地方以顧東
省門戶兼顧河間以南並飭東省各軍嚴扼臨清濮范
一帶其定安富和富爾琿鄭魁士等軍即著移紮河間
以紮一帶並著官文恩承妥籌調度崇厚所派天津洋
鎗練隊即著飭令該統將陳濟清等與定安等聯絡聲

續編卷十

甲

勢兼顧津防余奉恩唐訓方劉景芳及直隸駐省各軍
均著官文派令扼要移紮接捕河北擒餘土匪兼顧省
防李鴻章所部郭松林等軍即著飭令由滹沱河南迅
速前進並著親督所部兼程進剿與左宗棠合力夾擊
該大臣等務當戮力同心和衷共濟迅圖蕩事不可稍
存意見致誤事機賊勢見當窮蹙北路官兵厚集該逆
非東京臨清東昌即西甯晉省李鴻章由錦州一帶進
兵當兼顧東南一路以防捻逆與大名及濮范等處匪
徒勾結晉省與直境交界山隘甚多防兵力單尤覺可

慮左宗棠見在定州當一面督兵進剿一面兼顧晉省
山隘以杜賊踪西竄其平定遼瀋各山口鄭敦謹當加
意嚴防毋令闖入晉省致成不了之局大順一帶與豫
省交界處所著李鶴年督飭皖豫防軍妥籌堵遏遇賊
竄近亦即當越境截剿毋任蔓延張之萬所派姚廣武
等軍曾否到豫并著李鶴年迅速催過河北一帶歸李
鶴年調遣以厚兵力本日據英翰奏請回旂穿孝一摺
見在捻渡滹沱勢將南竄豫境防務喫緊皖軍牛師韓
等部均在河北該署撫見在續派黃秉鈞等軍由陳州

續編卷十

聖

批趨衛輝止須大員分路統帶仍著該署撫遵奉前旨
回駐沐省與李鶴年協力籌防如遇賊踪竄近豫疆即
著該署撫渡河與李鶴年會剿俟捻逆蕩平後再行回
所補行穿孝以遂孝思將此由六百里各諭令知之欽
此

同治七年三月初二日內閣奉

上諭官文左宗棠奏官軍追剿捻逆迭獲大勝一摺捻
逆前竄饒陽等境屢經官軍擊敗二月二十三日賊在
饒陽東北王莊等處宋慶張曜激勵將士於三更時直

偏賊館揮軍猛撲立將張邱兩逆所踞大村攻毀斬殺
無算即逆一股剿洗殆盡逆首張總愚糾黨回撲官軍
分投接戰賊勢不支兵勇乘勢掩殺賊屍枕藉該匪向
北逃竄復經官軍擊敗是役計生擒賊眾八百餘人內
有賊目張立堂蘇付恩陳小奎等三名均訊明正法奪
獲騾馬軍械甚夥救出難民四百餘人二十五日左宗
棠親督各軍由安平拔隊進剿賊在深晉之交聞風狂
竄程文炳統軍追蹙督飭王心忠等馬步各隊兩面齊
進鎗炮環施該匪驚惶敗潰官軍追至深澤縣之梁村

續編卷十

聖

陣斬賊匪三四百人生擒數十名奪獲騾馬五六百匹
救出難民三千餘人此次宋慶張曜兩軍晝夜行一百
六十餘里痛挫賊鋒將弁頗為出力總兵程之偉著賞
給勳勇巴圖魯名號參將劉廷著以副將儘先補用並
賞加總兵銜李永著著以副將儘先補用楊春祥著賞
給勳勇巴圖魯名號遊擊蔣尙鈞著賞給信勇巴圖魯
名號賈蕙山著賞給著勇巴圖魯名號都司吳守義著
以遊擊儘先補用守備馬玉峴著以都司補用並賞振
勇巴圖魯名號李廷昌著以都司補用並賞加遊擊銜

馮桂等二員均著以都司儘先補用內宋得勝並賞
換花翎千總程尤和著以都司補用並賞戴花翎廣
興著以守備補用並賞加都司銜以示鼓勵該部知道
另片奏二月十八日之捷郭寶昌在孔家莊進剿賊
逾時鎗斃張逆之義子張和尙及逆首張玉二名賊目
死者甚眾二十二日之捷郭寶昌在封家村鎗斃張逆
之胞弟張三及賊目唐玉該處老賊無一漏網勦辦均
為得手仍著左宗棠等督飭各軍實力兜剿迅掃賊氛
毋任蔓延欽此

續編卷十

聖

恪靖奏稿續編卷十一目錄

官軍追捻疊勝現籌剿辦摺

劉松山等會剿大勝片

官軍續勝現籌會剿摺

官軍勦捻大勝詳細情形摺

請陳國瑞交山西河南撫臣節制片

郭寶昌受傷給假片

由德州赴天津截剿摺

委春壽劉松山充當翼長片

續編卷十一目錄

賊由天津靜海折竄分道防剿摺

馳抵吳橋會剿摺

劉松山等軍獲勝片

請獎敘中書吳士邁片

官軍追賊入直兩獲勝仗摺

賊遁運河馳回吳橋防剿摺

官軍追擒查勝現籌勦辦摺

奏為官軍追截擒逆查獲勝捷現籌勦辦情形恭摺馳陳仰祈

聖鑒事竊擒逆自清化折竄被豫軍擊敗後由原武揚武向延津封邱一帶東竄各軍隊追截本月初八日賊騎馳近延津南關經該縣督勇用礮擊退初九日酉刻劉松山郭寶昌喜昌等抵延津之張家莊偵知賊踞封邱之謝店岳寨陳道趙村康店華莊等處即於是夜三鼓寄留輜重拔隊進勦劉松山傍北向謝店一帶進郭

續編卷十一

寶昌傍南向岳寨一帶進馬隊均在後繼發劉松山行距謝店數里賊已吹角齊隊當令提督易德麟李就山胡文高唐光輝由左提督楊福交胡文貴蘇松鎮章合才由右自率提督陶定昇易致中何作霖總兵喻執益居中分三路前進以提督蕭章開李雲貫楊清源黃萬友總兵周國勝知縣李樹棠各營為策應比抵謝店步賊依村結陣騎賊從兩面直前猛衝當經擊斃數十名賊不能支即向陳道敗走步賊亦即上馬皆遁時已黎明官軍乘勢猛追立將陳道康店踞賊一併擊敗比見

郭寶昌所部與賊鏖戰正緊飛飭右路楊福交等助戰合力擊敗悍賊併歸一路敗逃張總愚見官軍追急賊黨同撲騎賊兩面衝突抄出官軍之後步賊挺矛猛撲劉松山督隊鏖戰適時殺賊甚多鎗斃賊馬尤夥賊始卻走喜昌與全福春山吳爾廣額各馬隊擊左路抄後騎賊劉松山所部馬隊擊右路抄後騎賊各有擒斬馬步合兵追擊二十餘里至封邱之劉古村追殺悍賊甚多敗賊向東北竄走計初九夜間接戰至初十日收隊時擒斬悍賊雖其祇五六百名而酣戰時賊中人馬

續編卷十一

二

受傷不可勝數破賊巢二十餘處奪獲騾馬六百餘匹軍械無算劉松山所部總哨官記名提督周盈瑞力戰陣亡哨長記名總兵譚上連受鎗子重傷併陣亡弁勇十七名受傷四十四名郭寶昌所部戰事尚未接其稟報據劉松山喜昌程文炳張曜宋慶呈報均稱郭寶昌因身先士卒擒逆首張總愚致頸被刀刺喉中鎗子傷且甚重俟得該軍稟報再行續陳其程文炳一軍初九日向延津封邱進發夜見太行隄以南已有火光催軍並進初十日辰刻抵封邱東北二十餘里之白台梁

谷一帶造見飛塵蔽天謂爲賊騎程文炳飭參將王心忠馬隊向東北抄擊總兵劉先文李鎮國自東截之李得勝在後策應自率馬步親兵營進剿賊眾正向東趨官軍出其不意突前迎擊守備韓大武率隊直搗中堅各路馬步分頭衝殺約有一時許斃賊無數賊不測官軍虛實紛紛潰散張總愚猝挾悍賊二千餘騎自東衝至步賊蜂擁進圍撲官軍程文炳揮軍迎敵李得勝率隊馳至士氣更壯程文炳飭劉先文自右衝殺李鎮國向前接戰自率親兵迴環策應內外夾擊回合十餘

續編卷十一

三

次韓大武與都司李得勝手刃紅旗悍賊數名賊勢披靡悉向東北敗走程文炳督隊追殺十餘里至滑縣之老莊甯莊等處始行收隊計前後擒斬陣斃及轟傷者共約一千餘名奪獲驟馬軍械甚夥官軍陣亡守備范錫之一員受傷十餘名方劉松山收隊駐劉古村時聞程文炳在北面自西而東遇賊大戰亟督隊馳援旋聞程文炳已將賊擊敗始令收隊此初十日封邱境內劉松山等勦賊獲勝並程文炳一軍大獲勝仗情形也張曜於初十日行抵滑縣之大劉莊探悉賊騎已有由長

坦直奔東北者遂與宋慶會商劉松山等擬由滑濬繞赴南樂朝城截剿十二日申酉之間宋慶張曜均抵滑縣東南吳村一帶偵悉賊踪不遠正擬蓐食前進該逆先向宋慶所部猛撲宋慶督參將劉廷等整隊迎擊營官馬玉坤程永和鄧林楓均下馬步戰擊敗北面之賊擒斬數百名張曜督總兵程之偉等率隊繼進由南兜繞直抄賊後奮力縱擊敗其騎賊副將蔣東才率隊壓擊該逆三面受敵紛紛敗潰遺械徧野追十餘里賊復回拒適劉松山馬德昭馳至賊向東奔程文炳牛師韓

續編卷十一

四

亦由東南來會該逆復折奔東北張曜又追十餘里至王新莊日暮收隊是役該逆搏鬥更猛宋慶張曜所部傷亡亦多已飭查明開報此十二日豫軍在滑縣東南克獲勝仗情形也竊維近日賊情窮而益悍蓋以大河阻其前追師躡其後首逆張總愚賊諸賊於死裏求生急圖返噬故其死黨皆乘健馬拚命衝突以薄我軍而各軍轉戰日久究不免稍形勞頓各將領急於滅賊往往奮不顧身轉戰愈力傷折頗多郭寶昌因欲陣擒逆首以致登受重傷能否醫調痊愈尙未可知而該軍進

剿正繁之時急切乏員統領殊恐不能得力臣宗棠前奏所以不忍過加督責者此也臣宗棠抵彰德時郭松林楊鼎勛向滑滑前進接據郭松林緘報十二日午刻行抵滑縣擬於卽夜馳赴開州清豐一路進剿李鴻章十三日已由大名啟行赴南樂開州臣宗棠十五日馳赴大名拜摺後亦卽由大名前進分道會剿務期迅殄狂氛以紓宸厯所有官軍追勦登獲勝仗現籌剿辦情形謹合詞恭摺馳陳伏乞

續編卷十一

五

皇太后

皇上聖鑒訓示施行謹

奏 同治七年三月十七日

劉松山等會剿大勝片

再正拜摺間接據張曜宋慶郭松林楊鼎勛稟緘十三日劉松山喜昌及郭寶昌所部會同張曜宋慶馬德昭在滑縣封邱之間痛剿捻逆截賊爲二大獲勝仗郭松林楊鼎勛由滑縣之北繞出東南壓剿與劉松山等軍不期而會牛師韓亦率馬隊馳至該逆三面受敵驚惶

無措旋向西南封邱延津之間突竄是役鏖戰極惡殺賊極多郭松林楊鼎勛兩軍大獲勝捷情形計李鴻章業已馳報所有陝豫各軍合剿大勝詳細情形俟得劉松山等呈報再行恭摺馳陳臣宗棠前聞賊自封邱長垣東竄李鴻章必將移師亟趨大名冀與晤商一切現在賊既復向西南李鴻章聞將回駐大名臣宗棠仍卽視賊所向赴彰衛一帶督剿謹附片馳

奏伏乞

聖鑒謹

續編卷十一

六

奏 同治七年三月十七日

軍機大臣 字寄同治七年三月二十一日奉

上諭左宗棠奏官軍剿捻疊勝並擬馳赴彰衛督剿各摺片昨據李鴻章李鶴年先後馳奏情形大略相同已諭令該大臣等分路兜剿著卽懍遵前旨嚴飭各軍相機剿辦毋令旁竄致成不了之局現在逆勢窮蹙拚命狠鬪冀圖逃逸實在意中我軍當於奮勇之中仍寓持重之意劉松山等軍追剿旣屬勞苦而郭寶昌欲生擒首逆致受重傷尤可嘉尚卽著左宗棠李鴻章英翰李

鶴年傳諭各將領令其奮勉圖功一俟奏凱必當大加
賞賚用酬殊勲左宗棠擬赴彰衛一帶督剿著卽相機
馳往道情詭譎難保不乘虛西竄該大臣務當於澤絳
各隘口仍撥兵嚴防並著鄭敦謹隨時督飭防軍加意
堵扼毋稍大意李鴻章現在東路如賊有東竄之信卽
著督兵迎擊並著丁寶楨妥爲防範官文於滹沱南岸
務遵歷次諭旨派兵嚴堵李鶴年英翰卽著會同左宗
棠所派各軍四面兜剿以期迅奏膚公所有力戰陣亡
之提督周盈瑞守備范錫之並兵勇等均著左宗棠查

續編卷十一 七

明奏請優卹將此由六百里各諭令知之欽此

官軍續勝現等會剿摺

奏爲官軍剿擒續獲勝仗賊踪折向東竄旋趨東北謀
渡衛河官軍來河躡追力遏北竄賊旁逸山東邊界現
等會剿情形恭摺陳仰乞

聖鑒事竊捻逆自三月十三日受創後向西南駛竄十
五日辰刻程文炳一軍行抵衛輝城北十餘里地方營
見道左五里許飛塵蔽天程文炳嚴陣以待令馬隊潛
抄賊後賊果向步隊猛撲分股盤旋程文炳督隊環施
鎗炮賊勢稍卻旋又突前死鬪官軍仍整隊環擊賊眾

續編卷十一 八

卻而復前者三營經擊退悍賊帶傷墜馬者甚多維時
郭松林楊鼎勳兩軍適從西南馳至程文炳飭長矛隊
乘勢猛進賊向東北敗走馬隊從北面橫截而出裹騎
賊約四百餘名殲擒殆盡其大股賊仍向東北飛奔而
逸是役陣斃悍賊三百餘名生擒三百餘名轟傷賊馬
五六百匹程文炳所部受傷十餘人喜昌春山聞鎗炮
聲催隊前進賊騎六七團向北飛撲當派富珠之西常
阿納蘇肯等向前迎擊擒斬五十餘名其郭松林等獲
勝情形由李鴻章陳報此十五日衛輝迤北程文炳喜

昌等軍剿賊獲勝情形也十七日到松山程文炳全福
馳抵延津縣東北二十里胡家莊偵賊復由東北折竄
西南又由延津迤南徑向西竄十八日辰刻各軍由延
津北向西南進至陽武屬延州寨適賊已竄至寨西七
八里一帶村莊劉松山即商令程文炳由寨東進石路
自率所部與全福馬隊由寨西進左路橫出截之甫行
二里遇賊賊近于猛撲而來劉松山麾各營急進奮威
衝殺賊賊為兩提督陶定昇易致中諭執益易德麟由
左路擊前股之賊提督李就山胡文高唐光輝楊福交

續編卷十一

九

蘇松鎮總兵章合才由左路擊後股之賊劉松山自率
提督胡文貴蕭章開李仁貴楊清源總兵周國勝居中
策應商令全福及提督余虎思馬隊相機抄擊賊勢不
支紛向東北狂竄斬截甚多其落後之賊二百餘悉被
擒斬迨至夾隄大風揚沙咫尺莫辨遂收隊就近村駐
紮是役計共殺賊三四百名生擒一百七十餘名內有
賊目趙四保王正三胡老元等數犯立於陣前正法解
散脅從不計其數奪獲騾馬四百餘匹軍械無算官軍
陣亡五名受傷十八名記名總兵何明順單騎陷陳被

賊翁子洞曾陣亡此十八日到松山程文炳全福等延
津東北剿賊獲勝情形也 臣宗棠時在大名營次聞賊
趨西南即於八日拔隊三晝夜馳抵湯陰擬親赴衛輝
督剿二十一日冒雨至宜溝驛適李鴻章營務處浙江
處州鎮總兵馬德順自 臣宗棠行營回開州行抵滑縣
五隆渡見賊騎趨東北窺渡衛河飛騎回報時喜昌等
馬隊方以賊勢北趨馳赴宜溝行營合隊遂令喜昌與
春壽各率馬隊先發 臣宗棠率步軍繼之是夜四鼓向
五隆渡口疾趨春壽喜昌抵五隆賊隔河窺見旋即循

續編卷十一

十

河竄走 臣宗棠繼至察看衛河淺處甚多河身又狹虛
賊涉淺竄渡即督馬步各隊循河追截賊方於五隆東
北牽船欲渡見官軍馬隊馳近即毀渡船箭焚器具棄
而登岸復向東北 臣宗棠飭馬隊探道直至大名東南
之龍王廟渡口步軍疾馳繼進行近大名聞賊至龍王
廟南岸知北岸官軍大至折而向東率親軍赴大名計
二十二日寅刻至二十四日午刻循河紆迴截行二百
八十里馬步各隊飢疲實甚幸賊以西岸官軍大至未
敢渡衛犯直而大股則已向山東朝城冠縣莘縣聊城

一帶竄走現與劉松山張曜宋慶程文炳商飭各軍
挑選馬步隊伍採備軍食即日親率渡衛向臨清州一
帶前進視賊所向由北面厭刺而下與李鴻章南路追
軍合力夾擊不敢以登奉
諭旨飭顧西路拘泥不前至十五日以後賊蹤奔竄李
鴻章所部戰事計已由李鴻章馳報矣所有官軍剿擒
獲賊及賊窺衛河官軍夾河躡追賊竄東境現籌會剿
各情形謹合詞恭摺馳
奏伏乞

續編卷十一 十一

皇太后

皇上聖鑒訓示施行謹

奏 同治七年三月二十八日

官軍剿擒大勝詳細情形摺

奏為恭報三月十三日官軍剿擒大勝詳細情形仰乞
聖鑒事竊 臣等前將三月十三日官軍在滑縣境內兜
剿擒逆獲勝大略情形附片陳報茲據劉松山呈報張
曜宋慶劉松山喜昌等先後行抵滑縣之莫村一帶正
駐營間探報賊騎已至宋慶營前劉松山整隊前往賊
方與豫軍相持見官軍大至即向東北敗走官軍合力
追擊沿途擒斬頗多日暮收隊十三日五鼓劉松山喜
昌等向東北繞進以圖截剿行三十餘里至小寨賊之

續編卷十一 十一

輜重已悉數前行其馬步悍賊盡伏村中村後伺官軍
至峰擁而出騎賊兩旁分抄步賊直前猛撲劉松山將
輜重圍聚一處四面列陣結方陣以禦賊賊窺見官軍
輜重益逼兇衝撲四五次均經官軍鎗炮環擊刀矛撥
刺陣斃馬步悍賊百數十名傷者甚眾賊始漸卻劉松
山撥營專守輜重派隊分路進擊以所部馬隊與喜昌
等馬隊張左右翼以進賊見官軍布隊其左右兩路騎
賊及抄過官軍後路之騎賊悉退併前而排列待戰劉
松山麾軍猛進賊殊死鬪官軍愈戰愈厲斃賊甚夥賊

向西敗走方馬步官軍整隊壓擊之際騎賊三十餘團
猛撲馬隊先經營總富珠哩博奇圖西常阿訥蘇肯帶
隊擊敗該逆紛紛北走喜昌督富珠哩博奇圖趙福信
等春山督營總雙全保陞等合全福所部擊賊之腰賊
仍列隊拒敵我軍整隊環擊斃賊百餘名賊敗走劉松
山喜昌等合軍追殺聞北面炮聲不絕則郭松林楊鼎
勛兩軍正由北盤勦而南也賊見官軍數面追殺折向
西南奔竄又值張曜一軍暨西常阿訥蘇肯馬隊自東
南向西北截出賊愈胆落狂奔官軍乘勝又追二十里

續編卷十一

三

餘至滑縣西南沿途殺賊不計其數劉松山等因屢戰
甚久暫令軍士憩息飛調輜重合隊復行二十餘里至
劉家村一帶駐紮是役劉松山喜昌張曜宋慶各軍共
計殺賊一千餘名生擒二百餘名賊目張元六邱正洪
胡同吉馬大觀等四名均為劉松山所部擒斬援出難
民以數千計奪獲戰馬三百餘匹軍械無算劉松山所
部參將唐永清力戰陣亡應請
旨交部從優議卹以慰忠魂其餘陣亡弁勇十四名受
傷三十七名容再查明辦理所有三月十三日官軍剿

擒大勝詳細情形謹合詞恭摺補

奏伏乞

皇太后

皇上聖鑒訓示施行謹

奏 同治七年三月二十八日

請陳國瑞交山西河南撫臣節制片

再 臣 宗棠欽奉三月十七日

諭旨陳國瑞本係交左宗棠差遣嗣因逆氛逼近畿輔
是以改歸神機營節制今捻逆既深入豫境著仍歸左

續編卷十一

四

宗棠節制並著該大臣傳諭令其將神機營前給鈐記
繳回由左宗棠派員解交神機營查照前敵各將領之
例另給木記以資稟報軍情之用該侍衛所部勇丁並
不得逾三千之數著左宗棠詳細查明妥為裁撤嗣後
該侍衛營中軍餉軍械即由左宗棠隨時撥給此中輕
重機宜該大臣自能斟酌辦理也欽此竊惟陳國瑞
一軍前據咨報已於初十一等日前往山西約計程
途此時當已由壺關出天井以赴濟源 臣 現又由宜溝
折回大名相距更遠所有刊給木記飭繳神機營前給

鈐記委員解京查銷之處已謹遵

諭旨咨請山西撫臣就近欽遵辦理該軍勇丁不得過三千人之數已遵

自行知陳國瑞飭其恪遵毋准擅違致干察辦至該軍軍餉軍械如以三千人為度按照湘淮各軍營制每人每月合餉銀六千兩計算每月約共需銀一萬八千兩此外再寬籌銀二千兩津貼公費綽有餘裕此項月餉二萬兩即請

飭下山西撫臣於應協臣軍月餉內劃解陳國瑞以資

續編卷十一

五

支應其軍械一項如但止三千人之數實已敷用無須再給似可不必議增惟臣宗棠軍行靡定勢難隨時查察可否

飭下山西撫臣一併節制該軍遇有違慢由各撫臣隨時查明參辦更可無虞延悞應否如斯伏候

聖裁謹據實覆陳伏乞

聖鑒訓示施行謹

奏 同治七年三月二十八日

郭寶昌受傷給假片

再壽春鎮總兵郭寶昌初十日之戰因急於生擒逆首

張總愚夤夜身率輕騎越過賊館十數直逼張逆館前致被伏賊叢傷首領頂石偏受刀傷四領下牙傷一右手背刀傷五勝中洋鎗子二倒臥林間賊意其已死未及加刃旋經其弟郭運昌及劉松山率隊馳援昇歸封邱之岳寨氣息僅存其隨行之輕騎三十餘則人馬均斃矣郭寶昌昨馳函來言比時不省人事次日稍蘇近能啜薄粥當可無虞惟岳寨本是荒村醫藥難覓乞假兩月過河養傷並將受傷時所帶綿風帽委弁齎臣

續編卷十一

六

驗刀痕四條長三四寸均深透裏血痕濃染不禁涕出當准給假養傷札飭記名總兵郭運昌權領該軍聽劉松山節制調遣即率所部前來合隊欽奉

上諭嘉賞比又恭錄行知復加存問所有郭寶昌受傷給假緣由謹附片陳明伏乞

聖鑒謹

奏

軍機大臣 字寄同治七年四月初三日奏

上諭左宗棠奏剿捻獲勝派兵赴山東追剿崇厚奏捻

竄存平派隊堵扼丁寶楨奏官軍在在平剿擒大勝並
王正起等追賊疊勝各摺片覽奏均悉丁寶楨所派王
正起等軍並王心安所部於二十六七等日兩次剿賊
於在平境內迭獲勝仗惟本日據恭親王等陳奏接據
探報擒逆於三十日竄至在平德平邊馬已至德州吳
橋以北東光以南均見火光是東軍雖獲勝仗而逆蹤
實已北竄各軍仍落賊後此次逆匪狂奔注意河間天
津著崇厚迅飭余承恩劉景芳陳濟清等軍確探賊蹤
迎頭攔截毋令闖入津郡恩承現在望都地非扼要並

續編卷十一

七

著迅即整隊前赴河間會同定安鄭魁士等妥為堵剿
恩承所統馬步各軍應如何擇要駐紮著該侍郎與官
文安籌調派該將軍等兵力尙單著官文添撥勁旅協
同堵扼以固北路前經疊諭李鴻章嚴防東北兩路乃
仍令逆蹤紛竄若不迅圖補救該大臣問心何以自安
現在定安崇厚恩承等軍俱形單薄著李鴻章迅督諸
軍迅赴吳橋一帶扼要駐紮以為前敵諸軍調度郭松
林楊鼎勳潘鼎新等軍已由高唐繞出德州並著該大
臣飛催統前迎擊毋許再有遲誤致干重咎丁寶楨責

任封圻不能遏賊東竄致令復擾近畿不得以獲有勝
仗稍形鬆懈並不得專候左宗棠李鴻章會商致延日
時著即督軍出境追剿以續前愆並催王正起等先赴
直境迎頭攔截以為北路屏蔽該逆雖全股東竄而追
軍趕到恐又折回南擾是官軍徒奔馳道路於事何濟
左宗棠仍酌量情形於直東交界處所扼紮整陣以待
所有劉松山等軍即催令前進到直東後就近暫歸李
鴻章節制以一事權儻左宗棠已入東境追剿即著英
翰移軍於開州大名一帶扼紮以防回竄所有東軍陣

續編卷十一

六

亡弁勇著丁寶楨查明奏請優卹左宗棠等另摺奏滑
縣剿擒獲勝情形請將陣亡參將優卹等語參將唐永
清著交部從優議卹片另奏請將陳國瑞歸山西河南
撫臣節制等語該侍衛榮騫性成非威望素著者難以
震懾其心仍著左宗棠隨時調度不必有所顧忌該侍
衛所部勇丁現已逾三千名之數並著左宗棠嚴飭汰
裁妥為辦理毋令滋生事端該大臣身為統帥不得該
諸他人為自全之計俟事定後朝廷自有處置也將此
由六百里各諭令知之欽此

同治七年四月初五日內閣奉

上諭前因捻匪竄遁河南衛輝一帶迭經諭令李鶴年就地剿辦該撫屢次摺奏亦以滅賊自任並稱兵力已漫無布置任令滑濬等處沿河東趨既未能痛加剿洗復縱賊竄入東境擾及畿疆張曜宋慶等軍會否出境繞前兜擊亦未見有奏報貽誤軍情實難辭咎李鶴年著交部嚴加議處左宗棠李鴻章總統諸軍由東西大道兩路進剿若能嚴密堵截何至任賊回竄現在該逆

續編卷十一

五

已擾及東光吳橋一帶該大臣等追軍又落賊後調度無方亦有應得之咎左宗棠李鴻章均著先行交部議處仍責令該大臣等督率各軍繞前兜擊進將此股賊匪剋期殄滅毋再稽延致干重咎欽此

由德州赴天津截剿摺

奏為官軍由德州啟行循運河西岸馳赴天津力圖截剿情形仰祈

聖鑒事竊臣前因捻逆由開州南樂向東北竄走臣率親軍循衛河西岸馳抵大名與劉松山張曜宋慶會師旋由大名夾衛河兩岸馳赴臨清已於前月二十八日馳報矣抵臨清後偵賊已竄過運河即由臨清前進初四日抵德州偵賊又已越過吳橋向東北竄走是日面商劉松山張曜宋慶各率所部於初五日分兩起由柘

續編卷十一

辛

園過河取道直隸河間府景州屬連鎮及交河之泊頭一帶循運河西岸以向天津喜昌春壽各率所部馬隊作第三起由山東德州屬劉智廟向連鎮泊頭臣與程文炳率所部作第四起繼之初六日行抵連鎮計張曜宋慶劉松山已過泊頭喜昌春壽馬隊亦可銜尾繼至竊維捻逆由吳橋向東北竄走意在逕擾津沽李鴻章所部郭松林楊鼎勳潘鼎新等三軍早抵吳橋聞已向天津進發臣昨在德州晤丁寶楨知已嚴催王正起莫組紳等繞越賊前以援天津是運河以東各軍雲集臣

所部各軍若再由東路繼進則西岸空虛運河水面狹而船隻多勢難斷其西渡倘賊擄船西竄河間保定各屬又將被賊紛擾局勢更壞不若取道運河西岸覬賊所向相機截擊較為周妥如確探賊蹤相距不遠即搭架浮橋東渡會剿或攔頭或橫截屆時各軍自相約會不必候 臣 調度致有稽延此意已與馬步各軍統領預為言及察看軍情均知奮勉至李鴻章前此所商圍制一策雖制擒良圖然地遠兵分與現在局勢不合 臣 已據所見緘復矣 奉前月三十日

續編卷十一

三

諭旨此次賊由豫直竄入東境搶渡運河究係何隊攔截不力皆各該大臣督撫等查明嚴參將該統將等從重懲辦以肅軍律計李鴻章丁寶楨已據 直陳 臣 不敢妄有論列惟 臣 調度無方不能迭殲由直入豫之匪實為心疚既不敢飾詞諉過亦不敢希圖引避巧卸仔肩惟有靜聽 廷議而已所有現籌截剿情形理合據實直陳伏乞 皇太后 皇上聖鑒訓示謹

奏 同治七年四月初七日

軍機大臣奉

旨覽奏與昨日丁寶楨奏報大畧相同已寄諭該大臣等迅速督兵於運河東西兩岸分路截剿以防北竄著即懍遵登次諭旨妥籌辦理毋再遲延致干重咎捻匪由直而豫而東直犯津郡剽疾異常官兵即節落後該大臣既稱不敢飾詞諉過亦不敢希圖引避巧卸仔肩即當振刷精神力圖補救逃將此股逆匪聚殲無遺以副委任若再事延緩致令遠颺或其東奔西突擾及完

續編卷十一

三

善震驚畿輔徒事跟踪尾擊剿辦迄無成功雖廷議寬大亦不能為該大臣曲為優容也懍之此旨併著該大臣抄給李鴻章閱看欽此

委春壽劉松山充當翼長片

再軍營之有翼長原因專責成利分布而設 臣 軍馬隊初起冗雜殊甚經喜昌到陝訓練經時漸有起色自委充當翼長以來軍務諸有條理深資其力嗣奉 諭旨齊齊哈爾都統春壽 臣 調度 臣 與商籌一切察其人樸實忠勇尤有局量現委充翼長將侍衛看山協

領莫爾廣額兩營馬隊隸之至步軍翼長急須擇人劉
松山戰功卓著早邀

聖明洞鑒其人識量恢闊心地篤實寬而有制嚴而不
苛與人共事從無居功誇過之念各統將素所傾服現
委充步軍翼長庶幾馬步各盡其長軍務可期速嚴謹
附片陳明伏祈

聖鑒謹

奏 同治七年四月初七日

續編卷十一

三

賊由天津靜海折竄分道防剿摺

奏為賊由天津靜海折竄而南 臣軍分道防剿恭摺馳
陳仰祈

聖鑒事竊 臣於初七日卯刻連鎮行次具摺馳報馬步
各軍逕向天津次第前進拜摺後率所部急馳是日抵
交河之文家廟初八日抵青縣之興濟鎮適接探報賊
於初七日自靜海縣東竄至縣屬四當口尾股尙在天
津縣屬之衛南窪劉松山張曜宋慶等各率所部於初
八日由青縣東北三十里唐官屯渡運河而東向前截

續編卷十一

三

剿春馮喜昌自靜海縣遣弁來詢進止 臣已飭其星速
東渡會合步軍前進惟西岸未可空虛 臣擬於初九日
在青縣購辦兩三日軍食仍由西岸折回過連鎮後
始敢東渡督剿蓋心先固直省逼賊趨東南然後可會
合李鴻章丁寶楨英翰諸軍蹙之河海間也連日奔馳
仍未遇賊愧憤難名南皮界上遇漕運督 臣張之萬胞
弟張之京奉老母避難赴德州具述南皮被陷情形頗
悉深咎余承恩畏賊不前距南皮二十餘里任賊破城
飽掠而去張之京在稠人中曾見張逆總愚下馬狀似

負痛四處覓醫療傷甚急有人親見其左肩上鎗子走出聞賊中均言張五孩伏誅後其繼恩復帶重傷人心慌亂思散者多惟賊中大小頭目多張姓死黨故受其劫制賊之能戰者不過數千此次勾賊犯天津實鹽梟高岩所致高岩滄州下窪高家口人因兵役追捕緊促糾集鹽梟馬賊約三千人投入賊夥故賊數有增又從前諸賊盡使長矛此時雙筒洋鎗幾於無賊無之所劫奪之馬又多足該賊已感復張之驗所之逃出難民所言略同臣既有所聞不敢緘默竊謂直東官軍實已數

續編卷十一 五

倍於賊而工卒轉戰疲勞將領虛報勝捷兩者於軍情實有關係慮所及謹據實馳報伏乞

皇太后

皇上聖鑒訓示謹

奏 同治七年日月初九日

軍機大臣 字壽同治七年四月十七日奉

上諭左宗棠奏賊由天津靜海折竄而南分道防剿李鴻章奏行抵東昌所派各軍節節抄前攔剿各一摺捻逆自靜海縣東竄至縣屬四營口餘股仍在天津縣屬

之南南淮左宗棠現擬由西岸折回過連鎮後再行東渡督剿著該大臣星馳前進會合李鴻章等官軍蹙之河海之間會籌聚殲昨日又明降諭旨催令李鴻章赴北路其已到之皖豫各軍均歸調度茲覽李鴻章奏報旬日以來始抵東昌擬赴德州吳橋等處扼紮實形遲緩捻蹤折回北犯剿疾靡定正宜力圖掃蕩保衛畿疆以副委任李鴻章身為統帥合圍既無把握斷無在賊縱橫不籌殄滅之理著即兼程北上與左宗棠和衷商榷規賊所向迭殲醜類儘再遙延觀望致賊四出紛竄

續編卷十一 美

該大臣問心何以自安丁寶楨現駐交河即與左宗棠李鴻章協力同心會籌夾擊英勦所部各營未識行抵何處若聞起緊前進相不策應前諭恩承於河間以北扼要駐紮應如何與左宗棠等聯給聲援協同剿洗之處即著恩承妥為調度此次南皮被陷余承恩畏賊不前距南皮二十餘里任賊破城飽掠而去實堪痛恨著宗厚就近查明據實參奏毋稍徇隱據左宗棠奏現入勾賊犯津實鹽梟高岩所致高岩係滄州下窪高家口人糾集鹽梟馬賊約三千人投入賊夥賊數有增等語

亟應將梟匪嚴行搜捕方不致互相勾結捻勢復張著
官文崇厚相副官軍會同各該州縣地方官將鹽梟認
真緝捕將匪首高岩逆速拏獲以孤捻勢直東官軍
實已數倍於賊近聞將領有虛報勝捷等弊著左宗棠
官文丁寶楨崇厚於直東將領中查明何員虛報勝仗
任意欺飾卽著據實嚴參以肅軍律儆扶同徇隱別經
發覺恐該大臣督撫等不能當此重咎也前月二十六
日左宗棠所發摺報尙未遞到卽著查明在何處航延
仍一面另繕復奏將此由六百里各諭令知欽此

續編卷十一

三

馳抵吳橋會剿摺

奏爲馳抵吳橋敵陳會剿情形恭摺仰祈

聖鑒事竊臣於初九日馳報分道防剿情形後旋即由
與濟鎮東渡沿河岸而南十四日行抵吳橋縣過泊頭
時見運河水勢增長西岸民團齊集各渡口詢問土人
知上流漳衛兩水陡漲丈許較之上年水發最早比抵
連鎮則水已平掃堤根適晤郭松林自天津南趨將抵
德州詢知過捷地時已商同潘鼎新楊鼎勛等將減水
河開掘開洩水注海靜海青縣滄州一帶藉資節敵抵

續編卷十一

三

吳橋聞李鴻章已先一日到德州丁寶楨亦由河間馳
至現會籌黃運之防接英翰初七日滑縣道口來緘稱
卽向東昌進發所擬制賊之法與李鴻章意見相同并
言黃流增漲賊難飛渡也以現在局勢言之賊自津郡
折而南趨一入東境東阻大海南阻黃河西則運河一
水縈紆足限戎馬之足惟張秋因河流倒灌淤成平陸
兒植黃運交漲淤沙得水漸潰皆可陷馬足而斷人行
李鴻章現與丁寶楨經營黃運之防英翰又適抵東昌
兵力更厚東西南三面台天時地利兼而有之又得人

力補幹彌縫當可制賊北面有劉松山張曜宋慶喜昌春壽王正起莫組紳等馬步大隊追壓而下將士和輯一心不辭勞瘁軍情實有可恃惟臣與各軍分道後僅接過劉松山張曜宋慶一次呈報距賊均不過三四十里以後有無戰事尚未接據續報山東郡縣不知臣軍處所並無偵報申遞近時各處民團為馬賊所苦見有騎馬經過者輒予殺害否則拘留不遣縱示以印照護票亦不見信臣軍所發馬探從無依限馳回者有時遺步卒雇土人護送前行百數十里外便難蹤跡以故

續編卷十一

完

前敵各軍消息不克時通傾據馬探飛報賊蹤已由武定竄及平原禹城之間追軍已跟蹤前進相距不過十里所有戰事尚未據各軍馳報臣軍與程文炳暫駐吳橋在賊之北一面購備行糧一面偵察賊蹤相機速剿理合據實馳陳伏乞

皇太后

皇上聖鑒訓示

奏 同治七年四月十七日

劉松山等軍獲勝片

再正拜摺間適據劉松山春壽喜昌宋慶張曜等呈報十一日追賊至海豐陽信賊復南奔劉松山等馬步各軍沿途均有擒斬生擒髮捻一百十餘名而奪其馬內有賊目劉萬落馬玉林兩名比即訊明軍前正法十二日追及武定府城邊賊眾回撲宋慶於城東率隊迎擊斃賊數十名獲騾馬二百餘頭賊之大股向武定城南圍竄西北劉松山張曜春壽各率所部由城西截擊立斃悍賊百餘鎗礮連環施放賊之應聲而倒者不少十三日各軍合隊躡追及商河縣北積窪邊賊倉惶無措

續編卷十一

幸

劉松山率所部由右張曜率所部由左春壽喜昌率馬隊分為兩翼繼之適宋慶又率所部由東路馳至各軍奮威衝殺賊勢不支紛紛亂竄馬步各隊於積窪追殺二十餘里賊屍枕藉斬馘淹斃者約八百餘名生擒髮捻約數百計拔出難民一二千名訊據活賊供稱張逆總愚仍思由運河西岸竄逸蓋不知運河水勢驟漲也是役受傷弁勇其計五十七員名老湘營副將沈義勝縱橫血戰胸受鎗傷立限陣前該員從征多年忠勇素著一旦中鎗陣亡實堪悼實仰懇

天恩飭部照總兵例從優議卹以慰忠魂而昭激勸謹
附片馳陳伏乞

聖鑒施行謹

奏 同治七年四月十七日

請獎叙中書吳士邁片

再陝西軍務自奉

諭旨命劉典署陝西巡撫以來一切順利臣在軍中無
日不接陝西文武稟報私懷稍為慰愜頃接劉典鈔摺
咨會並恭錄

續編卷十一

三

批諭見示祇悉一切如果堅持分別剴撫初議隨時立
應西事自有轉機其隨摺請保各員均臣部曲細意察
核實無浮濫惟有原奏所未及而臣所深知如中書科
中書吳士邁一員堅辭保舉遂未及開列臣不敢不據
實籲懇

恩施吳士邁籍隸湖南巴陵敦品立學不求聞達而行
德鄉里甚至素為士論所與嘗於所居洞庭湖旁廣設
救生船以拯沉溺大湖南北往來商旅羣歌誦之感豐
二年粵寇攻長沙前湖北撫臣屬其部勒漁戶杜賊北

竄會剿賊奪民船數千由洞庭蔽江而下武漢遂陷時
論頗有議其疎脫者不知書生無官守之責無與兵之
權倉卒邀集漁人以當剽寇又未嘗領公家一錢固未
可以全湖疎防咎之也吳士邁乃引為罪深自刻責蓄
志訓練鄉人子弟求雪此耻咸豐十二年臣入浙時吳
士邁隨已革浙江臬司李元度來營臣見其所練宗岳
軍一營部伍整肅欲留用之時臣方以捐忿不用命遣
撤李元度軍吳士邁義不獨留同治五年冬臣在閩奉
移督陝甘之

續編卷十一

三

命吳士邁適自湖南來臣延入戎幕途間與之講求興
屯以實邊寨裕軍食之策遂令其回湘招舊日宗岳營
徒卒為軍屯用吳士邁旋歸糾合舊部五百人並招集
銳卒七百入秦會隊晤時即言志在力戰雪耻不求保
薦如有戰功乞勿請叙臣壯其志而憐其老遇有戰事
不欲令其獨前而吳士邁之請益方自入秦以來晝夜
訓示士卒諄諄如村塾師啖粗糲臥濕地與下卒共之
以此得士心而兼得民譽現據吳士邁稟報三月初八
日剿辦竄擾三水淳化逆回大獲奇勝擒敵至數十名

之多兇鋒大挫請錄所部弁卒之功而仍申不求獎叙之約臣究不忍任其掩抑也合無仰懇

天恩俯念中書吳士邁烈士苦心戰功卓著

賞加員外郎銜並

賞戴花翎以示優異而作士氣於世道人心不無裨補謹附片陳明伏乞

聖鑒謹

奏 同治七年四月十七日

同治七年四月二十日內閣奉

續編卷十一

三

上諭左宗棠奏請將戰功卓著之員獎勵等語中書科中書吳士邁由湖南本籍訓練鄉兵招集銳卒同左宗棠入陝剿賊此次剿辦竄擾三水等處回匪大獲奇捷擒賊數千實屬異常出力吳士邁著賞加員外郎銜並賞戴花翎以示獎勵該部知道欽此

官軍追賊入直兩獲勝仗摺

奏為官軍由山東平原追賊入直兩獲勝仗現在追剿情形恭摺馳報仰祈

聖鑒事竊臣於十七日在吳橋行營具陳會剿情形及馬步隊獲勝情形後十九日接據甯津縣稟賊於是日竄至縣東南五里之老鴉林是夜五鼓援營向甯津進發二十日午刻行抵甯津縣西關接據劉松山等稟稱賊由在平折竄十八日各營追賊至平原城東適與賊遇賊見官軍至即捨命狂奔劉松山張曜宋慶春壽喜

續編卷十一

三

昌共商即夜銜枚急進襲之劉松山由中路宋慶由右張曜由左春壽喜昌率馬隊繼之馳五十餘里遇賊各軍馬步排隊齊進立破馬家集任家集李家樓十餘村莊村外騎賊四散竄走春壽喜昌由兩邊衝出迤北各村踞賊亦即驚潰各軍遇賊即擊生擒髮捻二百餘名斃賊約數百名拔出難民數千豫軍馬隊營總陳永春面受鎗傷甚重弁勇帶傷者尚未及驗悉也十九日大雨如注三十日丑刻劉松山等冒雨分率所部急進馳抵甯津屬白家集賊忽返門遇積窪乃下馬拒戰各軍

奮威歷剿賊不能支又經馬隊分途抄襲合隊追殺約二十餘里賊屍枕藉生擒髮捻二百餘器械輜重尤多各軍帶傷弁勇三十餘名是日臣率所部及提督程文炳各營由吳橋抵甯津是夜會晤劉松山等始悉是日戰勝情形商議分四路追賊劉松山張曜宋慶爲三支向東北春壽壽昌率馬隊繼之臣宗棠並程文炳爲一支向正北以指滄州捷地滅河二十二日未刻臣宗棠馳至滅河南岸賈家莊晤善慶溫德勒克西知賊於是日辰刻猛撲滅河經善慶溫德勒克西擊退賊南竄迤

續編卷十一

三五

行而東怡與劉松山等馬步各軍相值如賊沿滅河南岸以向東北則馬步各軍與潘鼎新楊鼎勳防滅河之軍可收夾擊之效遇賊海隅聚而殲之如賊徑向東南則劉松山等軍截之而英翰丁寶楨所部復指武定迤西機局更察臣宗棠一面遵

旨將張曜宋慶程文炳春壽壽昌各軍咨交李鴻章總統聽其節制調度其郭運昌一軍則已經英翰奏歸統帶矣臣拜摺後仍卽向鹽山一路前進以此時運河水勢尙旺河間一帶皆可無虞而東岸百姓盡過西岸戰

雖不足防則有餘實無須以剿賊之軍代作防局計自德州以至津沽下游水勢本較甚於上游節交夏令不至驟行涸退萬一久晴水落臣當急顧兩岸之防不至疎誤俟到鹽山後再定行止臣之此行原爲滅賊起見就現在局勢防與剿未可偏廢李鴻章意在先防後剿臣意在且防且剿兩者並無異同亦似並行不悖若不顧大局不察時勢但執成見故相阻撓則亦難逃聖明洞鑒也區區愚忱伏祈

皇太后

續編卷十一

美

皇上聖鑒訓示施行謹

奏 同治七年四月二十三日

賊逼運河馳回吳橋防剿摺

奏爲官軍追賊舊滄州克獲小勝賊折向西南近逼山東運河臣回吳橋相機防剿恭摺馳陳仰祈
聖鑒事竊二十二日辰刻賊北撲滄州滅河石橋經善慶溫德克勒西擊退南竄迤而東向適與劉松山張曜宋慶春壽喜昌馬步各隊相值經臣於二十三日辰刻馳報拜摺後旋即向鹽山進發行抵城西十八里地方探悉賊由西南竄走乃改道向正南是夜抵宋村接劉松山等稟報二十二日賊東竄至舊滄州方圖於滅河

續編卷十一

三

淺處搶渡正窺探間忽見大軍馳至急難繞避乃陔死黨西來迎拒宋慶率所部衝擊劉松山張曜由北向東截之鎗炮連環轟擊賊之應聲而倒者甚眾鏖戰半時賊始敗退進行向西南各軍徑由正南衝殺乃折向東南以趨鹽山各軍追二十里收隊是役計生擒悍賊一百餘名略訊數語斬之知賊之北竄意在天津覓購子藥且掣引追軍與之俱北仍遂其竄撲運西之計劉松山等仍向東南追擊臣乃引軍而南徑指甯津二十四日未刻抵甯津劉松山等馳報賊由鹽山掠樂陵而過

邊馬已及德平察賊行蹤南多而西少各軍擬由德平之北橫出驅令南行而後向西南擊之臣以甯津地雖居中而賊既由德平南少西竄走追軍又出其北則甯津自可無虞回竄賊之南竄意在西撲運河則吳橋較甯津爲要二十五日仍馳回吳橋連日偵探賊蹤已由臨邑平原向西南而竄代理卓勝營總兵郭運昌二十五日由恩縣馳報擬於次日赴平原縣南迎擊求與劉松山合隊剿賊蓋以兩軍素洽不欲離也據陵縣報二十七日賊已過高唐追軍緊躡其後意郭運昌已躡追

續編卷十一

三

而南而劉松山等馬步各軍亦當距賊不遠矣賊既過高唐賊必由清平博平莊平以撲運河臣得郭松林二十一日東昌來緘言已築牆六十里丁寶楨十九日來緘言牆工限十日竣事以時日計之則賊至牆成西岸防兵有所憑藉東岸追兵又可速至機局寔爲湊拍賊如運竄張秋不能越過則地勢愈逼滅之必矣臣之所慮賊吳橋不敢前進者以此地距德州僅五十里可以北顧直隸運河可以南防狂寇回竄倘賊或竄過西岸尙可由德州橋口渡師西出截其北竄也謹一併馳

陳伏乞

皇太后

皇上聖鑒訓示施行謹

奏 同治七年四月二十九日

軍機大臣 字寄同治七年閏四月初二日奉

上諭左宗棠奏賊踪近逼山東運河現回吳橋防剿英
翰奏暫駐臨清布置防務並郭運昌等軍擊賊獲勝各
一摺捻股竄舊滄州經未慶等追擊折向東南由鹽山
掠及樂陵德平一帶郭運昌等軍敗賊於思縣城南賊

續編卷十一

三

復走清平縣境是賊之縱橫奔突總思搶渡運河現在
東昌沿運一帶牆工計已竣事追剿各軍不下十萬機
勢實有可乘左宗棠務將運西力加扼守商同英翰丁
寶楨嚴飭劉松山等軍相機夾擊以為且防且剿之計
其臨清迤北等處並著李鴻章官文趕緊派撥隊伍前
往填紮丁寶楨亦當督同郭松林等嚴扼張秋一路並
與英翰所統各軍聯絡聲勢毋任匪蹤竄越如稍有疏
虞必惟丁寶楨等是問至前敵調派事宜乃李鴻章專
責該大臣務須嚴督准湘各軍奮加勦擊依限滅賊迅

奏膚公倘日久疎防致賊勢復行延蔓則就各有歸朝
廷不能為之曲貸也英翰現赴觀音嘴一帶河下著即
將防務妥為布置並籌進剿其張從龍一軍即歸該署
撫調度以厚兵力將此由六百里各諭令知之欽此

續編卷十一

四

恪情奏稿續編卷十二目錄

遵撥甘餉以期兼顧摺

各軍獲勝彙案補報片

現籌防剿情形摺

防軍剿賊連勝摺

擒竄直境截剿疊勝摺

補報喜昌戰事片

續編卷十二目錄

遵撥甘餉以期兼顧摺

奏為遵

旨籌撥甘餉以期兼顧事 臣 欽奉四月十六日

寄諭穆圖善奏甘省餉需甚急請飭各省督撫將協甘專款徑解甘肅等語前因穆圖善奏請分撥甘餉設立後路糧臺並由漢中採辦兵米各摺片當交戶部速議具奏本日據該部奏稱甘餉十分竭蹶前飭勻撥並請飭王文韶辦理後路糧台各等語甘省軍務緊急餉項十分匱乏必須各該省分別撥濟方免譁賈之虞即著

續編卷十二

一

照該部所議辦理左宗棠身任甘督本屬責無旁貸豈得坐視甘餉缺乏置之不顧著於前項借款解到時飭令糧台酌度分撥戶部摺著鈔給左宗棠穆圖善閱看並著該督等行知各該省迅速籌解無稍蒂欠致悞要需欽此竊維陝甘兩省同值時艱徵臣任重兼圻穆圖善見權督篆所辦者一人之事豈宜在陝言陝在甘言甘於轄境中復存此畧爾界之見茲奉

諭旨於前項借款解到時飭令酌度分撥臣查前項借款合四成洋稅共二百萬兩原擬兩省公用除臣軍赴

直所有餉需經費應於此項二百萬兩內劃提俟事竣核銷作為陝甘公款外所有上項銀兩應兩股平分一半給陝一半給甘以免轉轍惟平慶涇固四府州雷正綰張在山譚玉龍等各軍本係甘軍甘餉舊由河東協甘款下解交甘肅後路糧臺發給上年冬間穆圖善催河東協餉徑解秦州致各軍餉源頓失所望臣於山西途次接到林壽圖稟報當飭於陝餉內勉為指解並照節雷正綰等力加裁汰歸併以期核寔此數軍者以甘軍駐甘地應食甘餉從前於陝西設立甘肅後路糧台

續編卷十二

二

亦因便於就近發餉之故四府州地勢為秦隴關鍵自唐以來涇原邠甯常稱重鎮而現為陝甘回逆出沒之衝勾結盤踞之所尤不可無軍鎮應將來陝事底定臣軍分道入甘此其必由之路臣上年奏明穆圖善撥陝西後路糧臺歸併秦州之議者以此平慶涇固地方被害最深最久丁絕產荒軍糧尙須從長武一帶購運各文武將領號呼迫切之稟日達於陝劉典林壽圖於無可羅掘之時勉強湊撥而自顧不遑萬難兼及又田興恕謫戍赴甘時其舊部多從之時值穆圖善調秦州

之軍赴省秦州空虛署鞏秦階道豫師商留其部由一營為護台之用而難於籌餉臣飭其專供軍食而月餉則由臣撥給此亦應由甘省支銷者此外應由甘省支銷之款臣由陝赴晉入直東文案輜重多寄頓沿途地方行營無從查考今既擬以洋款半給甘肅則應劃清甘省應支之款歸西安所設甘肅後路糧台支發以昭公允臣現飭王文韶王加敏於洋款過鄂時先提銀二十萬兩交甘肅委員解甘下存之銀仍統解陝西交林壽圖將甘肅餉項核算酌留若干就近勻撥一面將長

續編卷十二

三

存之項陸續解甘以期兼顧是留甘省應得之餉濟甘省應餉之軍於甘省絲毫無所損矣必盡提協餉統道秦州置平慶涇固於不顧乎此遵旨酌度分撥借款寔情也其山西山東河南等省應協甘餉由各省分半徑解甘肅秦州糧台湖南江西協款由王文韶催收一半交甘肅委員領解河東道每年蘭州常餉由山西撫臣徑解蘭州四川協甘采米月餉上年十月以後由四川督臣起解臣現已一面分別咨行催取矣所有遵

旨籌撥甘餉情形謹據寔履陳伏乞

皇上聖鑒訓示施行謹

奏 同治七年閏四月十八日

軍機大臣奉

旨戶部知道欽此

各軍獲勝彙案補報片

再據劉松山張曜宋慶春壽喜昌稟報初四日追賊至德平李家莊賊不及防劉松山由中路張曜由左宋慶由右春壽喜昌張兩翼同進三面夾擊賊敗奔走數里

續編卷十二

四

值小港橫前各軍蹙之生擒賊目楊沅黃應順李中和及長髮悍賊一百二十餘名得戰馬二百餘匹陣斬髮逆三四百名而劉松山所部哨官記名總兵宋發興宋慶所部哨官守備李學文皆深陷賊陣中炮殞命各軍傷亡兵勇共四十餘名賊敗向東北轉向正東而竄初六日竄過海豐東北四十里復折向慶雲縣東北境劉松山等追及之騎賊二千餘忽拚死反撲劉松山麾所部奮威衝殺立斃執旂賊數十名張曜復由閑家莊繞出賊後宋慶與春壽喜昌亦由大李莊橫截而出賊遂

敗潰斃賊二百餘名初七日追過鹽山至滄州界是夜四鼓擒首高老步韓錦生等率黨三百餘周老鳳率黨七十餘詣劉松山張曜軍前乞撫訊知賊中洵懼殊甚張總愚嘆各賊擄板片繩索向泊頭下口一帶搶撲運河劉松山等立於五鼓拔營初八日午刻馳抵下口附近村莊見賊方搶運板片箱櫃劉松山等馬步並進賊勢不支折向西南紛竄劉松山等循東岸追殺三十餘里至東光縣南沿途共斃賊數百生擒三十餘名賊方擬搶撲連鎮聞臣軍已移駐連鎮遂繞由梁家集撲吳

續編卷十二

五

橋適臣由連鎮徑趨吳橋劉松山等各軍亦躡追而至而賊又從東南逸出所有初九日以前劉松山張曜宋慶春壽喜昌馬步各軍追剿獲勝情形謹彙案補報所有陣亡之記名總兵宋發興守備李學文應懇天恩飭部從優議卹以慰忠魂其初九日以後前敵諸軍戰事應概由李鴻章彙報以免歧互謹附片陳明伏乞

聖鑒訓示施行謹

奏 同治七年閏四月十八日

軍機大臣奉

旨宋發興李學文均著交部從優議卹欽此

續編卷十二

六

現籌防剿情形摺

奏爲現籌防剿情形仰祈

聖鑒事竊臣前因捻逆圖由東昌竄越運河北窺東昌一帶牆工已成防軍厚集追軍又緊躡其後度不得逞遂折向東北疾趨仍圖撲直隸運河臣時在吳橋慮直隸運河地段綿長防軍單薄所恃居民羣萃西岸自相團結憑河固守惟中段連鎮上下數十里間向無大村鎮民居星散牆工未興如運河水勢仍前泛漲尙可恃以無虞無如連日暢晴計日落數寸旬日則已數尺局

續編卷十二

七

勢懸殊東岸民人時以賊至相恐投避西岸西岸斷渡不納風謠頻起一日數驚臣於初六日四鼓率親軍五千衝枚急進初七日未刻馳抵連鎮探騎回報數十里內尙無賊蹤因包連鎮築壘開壕屏蔽要津以重形勢並移全軍駐之初八日未刻賊騎由南皮界竄至東光縣城邊將犯連鎮大隊距連鎮已不過三十餘里蓋不知臣軍已先夕移據其地也臣得報後一面促修壕壘一面派騎兵分途偵之遇賊邊騎分段掩截擒老賊牛景兒等及從前官軍被擄者共二十餘並奪其馬訛知

賊意直注連鎮途聞連鎮已有官軍駐紮改向正南急趨各起邊馬亦均折回南竄是夜四鼓臣復引軍赴吳橋初九日辰刻抵西關賊則已於先夕由吳橋迤東向南竄去矣比劉松山張曜宋慶程文炳郭運昌喜昌馬步各軍馳至吳橋則已無及臣以連鎮緊要所修墻壕未固是日仍馳回連鎮察度賊情妄思竄越運河西岸別覓生路如運河防固則猛撲滅河亦在意中訛據生擒各賊及降人所供大略相同竊維防剿各軍均集德州臨清東昌一帶此外惟滄州滅河駐有楊鼎勛一

續編卷十二

八

軍余承恩劉景芳各營約計馬步尙有一萬四五千而運西則僅劉祺三營明義博崇武馬隊兩起臣屢奉諭旨嚴扼運西所部亦止親軍五千人自吳橋轄境起至滄州捷地滅河水路一百六十餘里兵力實止滅河防軍之半而臣駐東岸連鎮以剿爲防除守壘外出隊入成不滿四千之數且剿且防兵力不敷現在各軍任防者約六七萬前敵之軍除劉松山郭寶昌喜昌馬步三軍外尙四萬有奇聞陳國瑞帶來勇丁亦一萬二千有奇是南路防剿之軍多於北路不止數倍近奉

諭旨又須酌撥數營分防滅河藉資休息而揣度賊勢既不得遲於南必仍肆志於北待其既北而防之必落賊後無疑且劉松山喜昌馬步兩軍由陝西山西河南直隸以至山東與剿辦之寇相追逐積有歲時兵馬實形勞頓若不及時稍予休息誠恐無益有損劉松山實一時名將近時數數接晤肌膚銳減詢知咯血之疾日甚一日雖滅賊之志未衰而臣不能無慮也其張曜宋慶程文炳春壽馬步各軍均已交李鴻章調度正緊躡賊蹤向西南追剿臣現調劉松山移軍回紮東光縣北

續編卷十二

九

二十里下口一帶郭運昌紮柳莊一帶北距滅河尙七十里分劉松山所部記名提督黃萬友帶兩營蘇松鎮總兵章合才帶一營馬隊一營與郭運昌所部一營共合五營前赴滅河運河交接地方分紮一面各滅河防軍湖南提督楊鼎勛將現駐滅河口之營勻縮十里向東移紮以便劉景芳余承恩等營節遞勻滅移向東北以期周密黃萬友等馬步五營所以移駐滅河偏四百里者以其地防務緊要黃萬友宿將可恃又本係劉松山軍中分統之員一軍分紮聲息時通可期互爲聯絡

也其減河東北濱海各處乞

飭下崇厚將現紮各軍勻撥分紮可期周妥再查減河洩運入海河形係向東迤北其入海之處距津郡不過數十里賊如窺伺東北似天津之軍亦可馳往策應以壯聲援津郡既恃減河爲外護臨時派軍策應減河防軍卽所以固津郡之防較之增調久戰疲勞之軍更爲可恃至臣與劉松山郭運昌喜昌馬步數軍雖暫時分減運之防兼資休息然揣度賊情不久必仍將北竄尙可易尾追之軍取攔頭橫截之勢於剿局不無微助區

續編卷十二

十

區之愚仍不外且防且剿而已所有現籌防剿情形謹據寔直陳伏乞

皇太后

皇上聖鑒訓示謹

奏 同治七年閏四月十八日

軍機大臣 字寄同治七年閏四月二十日奉

上諭左宗棠奏現籌防剿情形一摺捻逆現竄在平高唐博平等處脅經東皖及陳國瑞各軍擊敗該逆圖竄運西不遂勢必仍折而北向東意吳橋及天津減河一

帶搶渡左宗棠分防地段自吳橋至滄州減河捷地一

百六十餘里僅止親軍五千人並劉祺三營及明慶博崇武馬隊兩起兵力較單該大臣現調劉松山移軍回紮東光所屬之下口一帶郭運昌軍移紮柳莊一帶並分劉松山所部黃萬文章合才四營郭運昌所部一營前赴減河運河交接地方駐紮兼令楊鼎勛所部現駐減河之營勻縮十里向東移紮以便劉景芳余承恩等營接遞勻減移向東北籌辦尙屬妥協至減河下游入海處所距津郡僅數十里該處防軍卽可由津軍內就

續編卷十二

十一

近撥往著崇厚卽撥津軍各營並添募勇丁前赴下游河岸嚴密扼守勿稍推諉左宗棠崇厚既經專辦防務卽當加意嚴守不得稍涉疎懈其進剿事宜卽著責成李鴻章認真辦理務當督飭現在前敵各隊並陳國瑞一軍儘力追剿與各處防軍互相策應俾得迅殄賊氛春壽所統馬步各軍著李鴻章飭赴減河一帶協同防守如遇賊蹤北竄卽可迎頭截剿並與喜昌所部馬隊聯絡聲勢以厚兵力將此由六百里各諭令知之欽此

軍機大臣 字寄同治七年閏四月二十四日奉

上諭前因捻逆竄擾直東大肆猖獗疊經諭令左宗棠李鴻章督兵剿辦並立定期限於一月內剿辦淨盡現在限期已滿而賊匪全股尙未蕩平仍復奔突自如該大臣等辦理毫無成效本日已明降諭旨將左宗棠李鴻章交部嚴加議處並令都興阿管理神機營事務授為欽差大臣令其督帶春壽所部馬隊並張曜宋慶陳國瑞步隊前往助剿其餘吉林黑龍江馬隊亦歸調遣兼命崇厚幫辦都興阿軍務仍駐天津督辦防守事

續編卷十二

七

宜都興阿久歷戎行於管帶馬隊事務尤為熟悉是以令其前赴直東一帶會同左宗棠李鴻章剿賊期於追剿迅速早行蒞事該大臣務當與左宗棠李鴻章等合力同心妥商籌辦不可稍分畛域崇厚亦當妥籌軍火糧餉接濟都興阿軍營並將天津防務嚴密布置不得稍形鬆懈左宗棠李鴻章都興阿同辦一事尤當互相聯絡隨地策應於運河防務固宜盡力布置於會剿事宜亦不可稍涉推諉致懈軍心官文丁寶楨英翰於防務事宜當隨時與都興阿左宗棠李鴻章合力籌辦不

可稍有觀望以期共殄賊氛懋應上賞將此由六百里各諭令知之欽此

續編卷十二

七

防軍剿賊連勝摺

奏爲防軍剿截北竄之賊連獲勝仗現正分途追剿謹據寔馳陳仰祈

聖鑒事竊臣於閏四月十八日具奏防剿情形即聲明揣度情形不久仍將北竄可亦尾追之軍取攔頭橫截之勢拜摺後劉松山郭運昌連日修砌營壘一面搬運天津委解軍米存儲營內以備行糧將士亦以時稍資休息二十一日臣所發甯津吳橋山東陵縣坐探均報賊於十八日經張曜宋慶痛剿後十九日由山東臨邑

續編卷十二

五

北竄德平縣縣城東西南三面均有賊蹤邊騎擾及城下二十日午後賊之前股似向東竄臣竊料追軍緊蹙賊後計期可抵陵縣甯津一帶賊必東趨樂陵北趨鹽山比即馳函商之劉松山郭運昌向鹽山橫出截之劉松山郭運昌等即於二十二日拔營向東路進發二十三日劉松山於途中得報賊竄山東武定府城西三十餘里楊家園八里泡西北二十五里溫家莊即與郭運昌商赴樂陵比抵樂陵城東北十餘里之于家莊詢知賊又竄向海豐縣之東南一帶劉松山慮北面空虛急

與郭運昌議北出鹽山截之二十四日晡間馳抵鹽山縣城東南八里之劉家莊詢知賊至海豐縣屬之大山一帶在官軍正東七十里即於夜深月出時潛師東出行五十餘里抵小山暫憩樹林中適副將譚拔萃覘賊回報賊由東來折向北趨距我軍僅十里散漫馳騁似不知前有官軍者劉松山即分軍由中右兩路郭運昌由左路整隊而進馬隊張兩翼隨之甫行二里許賊瞥見官軍即便停止列隊官軍及其未成列也三路猛撲之賊不及支紛紛敗潰張總愚急喚馬步各悍黨回拒

續編卷十二

五

官軍奮衝殺賊下馬猛撲數次傷斃頗多乃向南潰竄劉松山郭運昌麾各營歷擊而南追至二十餘里沿途賊屍枕籍官軍方小憩取飲詎據活賊供前而十餘里小港前橫水不過尺而積淤甚深劉松山立飭各隊飛奔前進行八九里許賊正過港殿後之馬步悍賊忽見追軍又至急列隊回撲維時郭松林潘鼎新陳國瑞等追賊適抵港南已過港之賊復折而北劉松山郭運昌齊隊猛擊賊遂向西奔竄其東面零賊前過港而北者希圖歸併西向經官軍截擊擒斬略盡各營乘勝追

殺二十五里至蘇家集天色已晚乃令收隊是日疾馳一百三十餘里兩獲勝仗計斃悍賊五六百名生擒二百餘名傷賊人馬不計其數救出難民亦無數拾取洋鎗長矛數百件奪獲騾馬四百餘匹官軍陣亡十五名受傷五十四名是夜賊於鹽山東虛燒望火以疑我軍而大股於五鼓踰鹽山而西踞城外數里村莊四出掠食劉松山等於三鼓後按隊由鹽山東北向西急進天明已抵鹽山城北賊不虞官軍速至也見即紛竄劉松山郭運昌令所部馬隊分路抄殺步隊繼之其未及竄

續編卷十二

六

出者約一二百人經官軍馬隊圍殺淨盡四面各村踞賊聞後路馬賊經官軍圍殺急喉大股回撲俟騎賊抄過官軍之後馬步各賊乃拚死猛撲官軍靜以待之賊近則先鎗後矛且藉且刺鏖戰一時悍賊斃者甚夥乃紛向西南敗竄劉松山郭運昌合隊追殺二十餘里計共擒斬悍賊四五百名內有賊目唐金生趙春元等數名奪獲騾馬軍械甚多兩軍受傷者十八名而已是日午後復追至樂陵縣之于家莊計且戰且追者又一百三十餘里始令收隊而臣處甯津坐探馳報是日賊竄

至甯津縣東陽盤街東南樓子莊適東軍副將王心安帶所部十三營馳抵甯津城東二十七日卯刻出賊不意截擊大獲勝仗斃賊五六百名而劉松山等稟中朱及聲紋及之或係賊之分股未可定也二十七日午刻劉松山郭運昌追賊至德平屬之孔家鎮各營小憩村林中忽正南騎賊千餘突撲郭運昌隊伍郭運昌嚴陣擊之斃賊亦多比劉松山整隊來援賊去又遠是日追至德平城西北數里之李家樓探賊仍由德平之南竄去查德平之南與商河濟陽緊連西與臨邑陵縣接壤

續編卷十二

七

李鴻章前調郭松林潘鼎新兩軍追賊時令張曜宋慶回高唐夏津一帶原以待賊回竄防護運西此次賊由武定海豐竄鹽山妄圖竄何滅河賊蹤所至距滅河不過三四十里幸劉松山郭運昌兩軍自運河東岸橫截西出以剿爲防連獲勝仗賊始折而南趨其必窺伺運防別覓生路固在意中所幸南路兵力厚集追軍又趨重南路賊雖回竄必不得逞惟北路兵力本單劉松山郭運昌仍須調回北路乃期周妥此次連日追逐計程又七百餘里將士並未嘗藉詞允其休息稍存觀望似

尚知以大局爲重 亦未忍再加迫促惟喜昌所部馬
隊二十五日已抵樂陵誤聞劉松山等已赴武定擬往
會剿而劉松山等時在鹽山東北剿賊未及合隊未免
空勞往返耳其郭松林潘鼎新陳國瑞王心安等軍戰
事應由李鴻章丁寶楨馳報所有劉松山郭寶昌連日
追剿獲勝情形謹據寔馳陳伏乞

皇太后

皇上聖鑒訓示謹

奏 同治七年閏四月二十九日

續編卷十二

六

軍機大臣 字寄同治七年五月初二日奉

上諭左宗棠奏防軍截賊北竄連獲勝仗並追剿情形
李鶴年奏豫軍各勝防運情形各摺捻逆由臨邑德平
竄海豐鹽山一帶官軍於上月二十四日以後疊次追
剿獲勝均有擒斬劉松山等由樂平亟赴鹽山截剿北
竄之路辦理尙合機宜賊蹤雖已由德平南竄仍虞伺
隙折回左宗棠當飭在防各軍嚴密扼守運河天津減
河下游著崇厚一體嚴防勿稍疎懈德州至臨清東昌
一帶李鴻章當與英翰丁寶楨等督飭各路官軍防剿

兼施勿任撲越運河並嚴飭各營認真痛剿不得沾沾

以小勝自喜稍涉鬆勁都與阿現已前赴天津著即齊

集馬步各軍趕緊進剿既可杜其回竄兼可追剿迅速

並著左宗棠李鴻章英翰丁寶楨各飭所部一面嚴守

運河一面與都與阿聯絡聲勢會合夾擊不得因有都

與阿進剿遂至互相觀望總期和衷共濟合力同心膚

公早奏方爲盡心公事李鶴年所陳張曜等軍在夏津

等處獲勝情形尙係十一日以前之事現在賊仍由北

路南竄東昌臨清一帶正須嚴防馬德昭一軍已經李

續編卷十二

九

鶴年派赴東昌著即飭令該提督會同在防各營認真
過截該撫現帶四營馳赴大名著與臨清東昌防軍就
近策應隨時赴援以固運防並嚴飭帶隊員弁約束兵
勇毋任騷擾地方是爲重要將此由六百里各諭令知
之欽此

擒竄直境截剿叠勝摺

奏爲擒逆復竄犯直境官軍截剿叠獲勝仗現籌防剿情形恭摺馳陳仰祈

聖鑒事竊前月杪劉松山郭運昌喜昌等馬步各軍擊賊獲勝賊敗竄山東劉松山等收隊回運東原防藉資休息甫數日賊由東昌向東北回竄武定一帶騎賊已近海豐劉松山得報卽於初九日未刻率所部馬步各營與郭運昌及喜昌所部副都統富珠哩協領銜吉林佐領納蘇肯等擬向鹽山橫出截之初十日行至鹽山

續編卷十二

干

縣西南四十里調騎賊已竄至縣東南一帶遂折向正北冀繞越賊前爲攔頭之師是日行一百二十里抵鹽山城北李家莊聞賊已竄至鹽山東及東北游家莊程村一帶距營四十里東西相望然不意官軍速至也劉松山令軍士暫憩作炊三更食畢銜枚疾進繞山賊北壓剿而南行五十里直逼游家莊程村天尙未曙分步軍爲四路居中馬隊張兩翼隨之賊偵官軍三面掩至倉卒列隊抗拒官軍急起擊之擒斬甚夥各村踞賊聞鎗礮聲緊紛吹角齊隊富珠哩納蘇肯於時率各馬

隊馳至乘勢分路蹙之賊不及成列悉向東南敗竄官軍齊隊追殺約五六里賊因黨夥四散乃回旗列隊以俟劉松山郭運昌飭各營猛擊之鎗礮止刀矛接應戰半時賊始敗潰紛向東南奔竄官軍追至海豐縣屬之新集前阻一港賊乃折向東北而走劉松山等以尾追徒勞仍向正北截之行二十餘里至海豐縣屬之小山賊見官軍復阻其前乃折向西南趨官軍躡之僅擒斬尾賊百餘忽大雨如注暫憩片時午後雨止整隊急行十餘里至鹽山屬之丁村賊方避雨散踞各村掠食意

續編卷十二

圭

官軍已追一晝夜必不卽至卧者坐者倚樹而憩者拋械而嬉者散漫無復忌畏忽見官軍馬步隊到號呼齊隊官軍分路衝殺賊數段羣賊各跨馬覓路奔逃約分三起一向西南一向正南一向東南官軍急起追殺十餘里至舊城始收隊計自初十夜至十一日且追且剿且行且戰往復角逐一百四十餘里約其斃悍擒是五六百名有無頭目在內未暇認別生擒逆目李生新及長髮賊一百八十餘名拔出短髮及新裏難民無數奪獲戰馬騎騾五百餘匹沿途拾取輜重旂械亦

無數劉松山所部陣亡者六名受傷者二十四名郭運昌所部陣亡者二名受傷者九名吉林馬隊受傷者二名此初十夜十一日劉松山郭運昌富珠哩訥蘇肯馬步官軍截賊鹽山海豐等境獲勝是在情形也是夜初更賊蹤距營約四十里有騎賊赴營投誠供張總愚以官軍太逼滅運兩河不可竄越賊諸賊明早向南逃走別覓活路劉松山郭運昌傳令各營就近加薪舉火示賊以形二鼓後潛師向鹽山南路橫出擊之行五十餘里天明抵滄州屬之張三村適與賊遇賊以騎賊抗追

續編卷十二

三

師而令騎馬之步賊及排尾各賊急由南路竄遁劉松山郭運昌督各營開放連環鎗礮傷斃騎賊甚多騎賊敗潰官軍奮威衝殺截賊爲二左路之賊徑向南奔右路之賊不能合併遂向西奔復折而南官軍分追二十餘里抵滄州屬之宋村沿途又擒斬悍賊一二百名奪獲騾馬器械不少午刻馳抵南皮屬之許家莊一帶馬探回報賊之由張三村南竄者行至鹽山縣盤村適遇張曜宋慶自南來迎頭截殺賊又大敗生擒賊目李幼順韓耿及髮捻一百三十餘名拔出短髮及新裹難民

七百餘人斬獲無算劉松山及張曜宋慶等從此路壓剿而南一由南路兜剿而北彼此相距數百里不期而遇機勢拍寔出望外其右路之賊由南皮東光邊境竄迎者申初竄至黎家集距運鎮僅二十里臣方派隊截剿旋探賊已向甯津竄去追之不及酉刻竄甯津城北繞東南急馳戌刻已至柴胡店蓋一日疾馳二百餘里圍與南竄德平之賊合併也十三日五鼓劉松山等追賊向西南行十餘里與張曜宋慶會晤合隊南趨至山東德平縣邱家莊馳報戰狀敗賊由德平竄去此十

續編卷十二

三

二日劉松山等軍剿賊獲勝是在情形也其張曜宋慶獲勝情形應由李鴻章奏報察看賊蹤似將由陵縣臨邑一帶南趨張曜宋慶已由德平躡蹤而南南路兵力厚集當可收夾擊之效李鴻章前飭各軍於德州陵縣濟陽一帶掘壕築牆擬通賊一隅殲之計工程亦可次第告成臣現飭劉松山等馬步軍勒兵甯津以待所有官軍截剿獲勝情形謹據是馳報伏乞

皇太后

皇上聖鑒訓示謹

奏 同治七年五月十六日

補報喜昌戰事片

再臣於前月二十九日馳報防軍截剿北竄之賊連獲勝仗摺尾附陳喜昌所有馬隊二十五日已抵樂陵未及合隊空勞往返其時蓋未接喜昌稟報故也拜摺後兩日接喜昌稟二十六日在樂陵探得賊蹤在海豐卽帶隊趨行一百五十里抵海豐縣東北適賊又已由鹽山南竄喜昌等於是夜四更拔營由慶雲縣橫出截之二十七日行抵樂陵縣西遇騎賊六七百列隊抗拒各

續編卷十二

語

營施放連環鎗破斃賊三十餘名敗賊紛紛向南竄駛其疾如風營總富珠哩訥蘇肯乘勝追擊陣斬悍賊八十餘名生擒三名至德平縣北十里于家集收隊二十八日始與劉松山郭運昌合隊前拜摺時不知喜昌馬隊二十七日戰事故有未及合隊空勞往返等語茲據稟陳應卽補敘又前摺所敘王心安二十七日甯津城東斃賊五六百名嗣經查明并無其事由甯津坐探聽該軍傳言之誤相應一併附陳以昭核寔伏乞聖鑒

奏 同治七年五月十六日

軍機大臣 字寄同治七年五月十八日奉

上諭左宗棠奏檢覈直境截剿疊勝現籌防剿情形摺劉松山郭運昌喜昌等軍追賊至鹽山海豐滄州等處疊獲勝仗擒斬甚夥該逆分起逃竄復經官軍追殺均向德平南趨昨據李鴻章奏稱擬就馬頰河沿岸築牆並於臨邑陵縣等處築挖牆壕與馬頰河民圩接續茲據左宗棠奏稱李鴻章在德州陵縣濟陽掘壕築牆與李鴻章昨奏大略相同左宗棠當督飭諸軍迎頭截擊

續編卷十二

三五

以固裏圍牆壕一面仍將沿運河牆聯絡民團兵勇嚴密扼守並知會李鴻章丁寶楨英翰一體防運河岸牆不可稍有疎虞致令賊蹤竄越甯津一帶防剿事宜並著左宗棠督飭劉松山等軍妥籌兼顧將此由六百里諭令知之欽此

恪靖奏稿續編卷十三目錄

勦賊疊獲大勝摺

截勦竄賊大獲勝仗摺

載勦竄賊續獲大勝并安置降眾摺

覆陳仍留西安糧臺摺

續編卷十三目錄

一

勦賊疊獲大勝摺

奏為官軍勦賊疊獲大勝恭摺報仰祈

聖鑒事竊劉松山郭運昌富珠哩訥蘇肯馬步諸軍截

賊鹽山海豐滄州各境獲勝勒兵甯津以待情形業經

臣於十六日馳陳賊由陵縣臨邑南竄濟陽張曜宋慶

道之李鴻章丁寶楨英翰等率所部諸軍方挺刃以待

賊至合圍困之詎張逆狡甚沿途見官軍橫牆已成獨

留濟陽東面數十里缺口尚未修築知官軍將俟其深

入而圈制之也甫到濟陽即傍河沿東北行十六日賊

續編卷十三

一

踪已近武定十八日又自武定竄樂陵邊騎向海豐霽

化一帶紛馳而去劉松山偵知之會商郭運昌富珠哩

訥蘇肯各率所部馬步全隊由甯津進鹽山二十日馳

抵鹽山偵賊之大隊向踞海豐東及霽化北而邊騎則

抵海豐大山以南劉松山等向正南少東進之二十二

日抵海豐縣城北十二里邵家莊訶賊又折竄陽信南

四十五里之欽風鎮劉中口潘鼎新陳國瑞已向欽風

鎮前進張曜宋慶亦適由樂陵東北馳來度賊俟官軍

畢集後復將北竄也姑屯海豐西十四里高家莊待之

二十四夜初更馬探飛報城北竄海豐正東少北之水灣集龐家集吳家廟路場莊等十餘處距高家莊約四十餘里乃發令向東北急進五鼓逼近賊巢賊祇防南路各軍夤夜襲之不意我軍橫繞而來出其北面也劉松山分所部兩路由左郭運昌由右富珠哩訥蘇肯率吉林馬隊與劉松山郭運昌所部馬隊由步軍兩旁齊進鼓聲起立將水灣集龐家集吳家廟三莊圍住賊首張總道不知所爲三莊之賊約七八百均不及上馬經官軍刀斫矛刺斬殺略盡各莊之賊聞鎗礮聲駭倉忙

續編卷十三 二

齊隊官軍乘勝馬步縱擊將賊衝爲數段賊奪路狂奔而該地棗林錯雜勳多室礙驟馬不能馳走刀矛不能轉側賊益窘甚劉松山等緊追十數里賊忽向西奔竄官軍馬步從北面向西壓之忽見後路塵起知先經衝散各賊將尋前面逸賊合併立派馬隊分馳截之擒斬略盡復向前躡追三十餘里至慶雲城南是日且戰且追蓋已一百四十餘里矣天色將暝大雨驟至始今收隊計共斃賊近千名生擒四百七十餘名內有賊目張達魁趙誠來李中春張飛鵬胡立信等多名訊明斬之

其不及辨認者不計也奪獲驟馬一千五百餘匹旂幟刀矛千數百件劉松山所部陣亡七名受傷者四十二名郭運昌所部陣亡三名受傷者三十名吉林馬隊受傷者七名此二十五日劉松山郭運昌富珠哩訥蘇肯等馬步官軍擊賊海豐大獲勝仗實在情形也二十六日早大雨未歇午刻雨止劉松山仍率隊西行六十餘里至南皮成家莊晡間偵賊竄踞砥橋劉祥家一帶地在成家莊西四十餘里劉松山等傳令馬步各營是夜二更出隊四鼓行近賊巢獲賊訊供知張總愚自二十

續編卷十三 三

五日大創後不敢散踞村房見均圍聚砥橋各村樹林下將行矣劉松山商令郭運昌富珠哩訥蘇肯從賊北向南進親率所部向西進比至砥橋賊始驚覺紛向南路潰走官軍併力轟擊斃賊甚多乘勝猛追二十里抵甯津縣之耿家園沿途又擒斬百數十名午後仍向西南進至李家橋日暮收隊二更探賊忽折由東南竄三寶店地在李家橋東南約四十里劉松山等三鼓拔隊前進三十餘里見三寶店火光更大角聲四起近村之賊均向三寶店竄走劉松山令步隊左右兩路同馬

隊先進張遠勢爲包抄之兵中路由大路緩進爲正兵天明抵三寶店賊喉悍黨列隊拒官軍後路之賊先向東路竄逸中路鼓聲起鎗礮連環轟擊賊敗東趨適左右兩路馬步抄出三面圍殺賊益不支霎時尸橫遍野驟馬軍械拋棄地者無算各軍緊追二十餘里收隊計斬悍賊數百名生擒賊目郭永泰及小頭目劉中和張順昌李福泰等多名餘賊二百餘名奪獲騾馬八百餘匹官軍共陣亡七名受傷二十六名此二十七八日劉松山郭運昌富珠哩訥蘇肯勦賊南皮之砥橋甯津

續編卷十三

四

之耿家園三寶店一帶大獲勝仗之實在情形也方賊之竄海豐也臣於二十日率親軍各營由東光至南皮交界之朴莊擬俟賊由西南竄出近勦之嗣賊因劉松山等馬步各軍遮其西路徑趨南面而其時連鎮一帶運流復落防務緊要二十四日仍引軍回連鎮老營二十七日晨間探報先夜賊竄至東光縣東五十餘里董莊縣東四十里燈明寺已見邊騎卽夜又向甯津竄去午刻臣派親軍各營馬步全隊赴吳橋甯津之交截之是夜駐吳橋之雙柳店賊見西北路塵起料官軍大至

卽折向東南竄走各營於是夜四鼓向東南急進二十八日未刻行九十餘里抵山東陵縣之升圖鎮沿途遇散逸之賊絡繹不絕或匿秫林中或赤體無衣或有馬無鞍見官軍至輒伏地乞命亦有自訴苦楚不堪求速死者驗其髮長尺許相貌猙獰者斬之餘則押帶歸營訊明籍貫分別遣釋以廣

續編卷十三

五

才供二十七日午前張總愚由砥橋敗竄一處正小憩閒忽見白旂紅邊穿新號衣官軍衝入館中伊卽上馬逃遁詢以張總愚下落伊不能知查此賊係張總愚親隨爲張逆管馬者據供前情是張逆已經官軍追及而劉松山稟中並未聲敘不喻其故張逆性最狡詐屢敗之餘深自隱匿臨戰每易衣換旂或竄入別隊以圖倖免臣擬暫留該犯以備質也此次逆賊被創兇醜大衰觀其黨夥披離不能歸隊已可槩見然巨逆自知罪惡滔天難邀曲宥皖豫諸匪以原籍辦理過嚴歸路已斷

其首隸山陝一帶裹脅之人又以直東民團兇狠異常恐遭殺害其不得不忍死嘯聚苟活須臾亦人情之常本非他日之黨堅交秘可比臣愚竊謂賊無不滅之理亦斷無盡殺之理如果將士一心隨賊所在或迎截或橫擊或尾追此倡彼隨聲勢聯絡則以十倍之官軍擊數千之悍賊亦有餘力所謂賊無不滅之理也其輸誠求撫之匪如經給以免死護照回籍後別無違犯則地方官司不准牽引舊案絕其自新之機至於兵團之盤詰宜嚴而擅殺在所當禁所謂賊無盡殺之理也見在

續編卷十三 六

賊踪折向東北劉松山等馬步各軍仍駐甯津之北相機而動惟南路兵力甚厚而直隸運河一帶除臣所部駐運東且防且勦外西岸僅安陵有劉祺三營十五里口有李昌連兩營自連鎮北至滅河一百七十餘里僅遵化練軍三營此外全係民團又難一律勻布似難深恃見擬與官文都興阿共籌妥策務計萬全仰紓宵旰靡念所有勦賊獲勝情形謹據實馳陳其李鴻章丁寶楨所部各軍戰事應由其馳報合併聲明伏乞皇太后

皇上聖鑒訓示謹

奏同治六年七月初一日

軍機大臣 字寄同治七年六月初三日奉

上諭左宗棠奏官軍勦賊疊勝一摺捻股竄踞海豐經劉松山郭運昌等軍奮勦獲勝追至砥橋三寶店等處生擒賊目多名賊敗東趨復由吳橋之東南竄走各軍進抵陵縣沿途散賊甚多現在賊蹤折向東北劉松山等仍駐甯津相機追勦此股賊匪迭為南北官軍所敗其勢已衰惟張逆狡異常非乘其黨夥披離四面兜

卷十三 七

擊不能殄此渠魁左宗棠務趁官軍得手之時檄令劉松山等各率所部會合南北各軍乘機勦洗李鴻章英翰丁寶楨亦當嚴飭各將領前截後追毋任該逆得以喘息仍一面固守運防使無竄越都興阿計已馳抵滅河何以久無奏報即著會同崇厚迅飭陳國瑞等併力前進以期南北夾擊迅掃逆氛捻眾雖多其中勢窮被脅無路逃歸者諒亦不少茲據左宗棠奏稱賊無不滅及賊無盡殺等語不為無見嗣後官軍接仗該逆眾如有投械乞降非罪在不赦者著該大臣督撫等分別遣

釋給以免死護照回籍後如別無違犯地方官概不准
牽引舊案故爲誅求並著出示曉諭各該州縣所屬圩
團遇此項人欺造歸只准隨時盤詰毋得藉端擅殺以
示矜全並一面出示如有能將該逆首縛獻者給予重
賞使賊眾自相猜忌易於一鼓成擒左宗棠現駐運東
其西岸僅安陵有劉祺三營十五里口僅有李昌運兩
營連鎮北至滅河僅遵化練軍三營其餘全係民團又
難勻布逆蹤屢圖北竄直隸運河一帶空虛甚屬可慮
卽著左宗棠就近會商都興阿崇厚妥籌布置以壯北

續編卷一三

八

路聲威並著官文嚴飭臬司張樹聲於河間等處民團
妥爲勸諭與各官軍聯絡聲勢實力嚴防毋令賊蹤擾
及復肆蔓延將此由六百里各諭令知之欽此

截勦竄賊大獲勝仗摺

奏爲官軍截勦竄賊大獲勝仗據實馳陳仰祈

聖鑒事竊五月二十七八等日劉松山郭運昌富珠哩
訥蘇魯截賊南皮之祇橋甯津之耿家園三寶店一帶
大獲勝仗臣軍由連鎮躡追至山東陵縣之升園鎮一
帶接捕逸賊多名各情形臣於六月初一日馳報時卽
將逆賊被創兇獸大衰觀其夥黨披離不能歸隊已可
槩見據實馳陳矣劉松山等駐軍甯津東北訶察賊蹤
知其盤旋南河武定名處屢據輸誠賊日供稱張逆意

續編卷一三

九

在邀集黨夥出沒東北東南一帶誘官軍畢集東面則
竊竄運西以覓生路臣宗棠以狡賊明知東迫大海北
阻滅河斷無自趨絕路之理飭劉松山等暫駐甯津勤
發確探視賊所向截之初四日黃河漸漲初五初六兩
日平陸成川賊由武定地南向南河竄走劉松山等馬
步與賊相距匪遙爲積水所阻不能進擊初七日繞道
西南行初九日仍回甯津迤東之薛家莊據探報賊
踪在山東臨邑之陳家圩及濟陽之白菜窪一帶時則
張曜宋慶兩軍駐臨邑東南四十餘里之下溝郭松林

王心俊莫組紳等駐臨邑城東南十餘里二十二三等
目均未披動劉松山知賊將北竄矣益為之備迭據偵
騎馳報賊由東南疾馳而來十五夜初更賊抵甯津正
南西南二十餘里孫家集趙家莊向家莊一帶騎賊已
漸及縣城西南劉松山等令軍士傳餐畢捲旂急道避
淖而行五鼓始抵賊巢賊不料官軍奄至恟懼不知所
為劉松山郭運昌步隊分三路直搗中堅富珠哩訥蘇
肯馬隊及湘卓各營馬隊分從兩旁並進先圍趙家莊
向家莊之賊斃賊數百兩村之賊始盡各路馬步均衝

續編卷十二

十一

入賊中縱橫抉盪賊紛紛潰竄維時野潦縱橫林叢彌
望賊入其中自相蹂藉官軍乘勢蹻踏斬獲益多正追
殺間有賊目張大福率張五孩舊黨七百餘下馬乞降
劉松山等受之挑其健者隨行餘均赴甯津聽候發落
追殺二十里忽大雨如注復冒雨追殺十里軍士衣履
盡溼所配帶之火藥亦均須換領有賊目洪順林率馬
賊百餘伏地乞降受之復整隊追至吳橋縣之大李家
探報張總愚正候諸賊向三元渡口撲渡劉松山等派
隊兜剿賊已經西岸官軍及礮船轟退聞後路官軍又

至遂折而南竄劉松山等於十六夜五鼓復各率所部
追之計十五夜十六日由甯津追剿至吳橋縣東北共
計斃悍賊一千三百名生擒六百餘名內有江天曜
洪光明張星暉李元龍朱東顯等多名受降賊目除張
大福洪元林外據郭運昌稟賊目張鳳超率黨夥四百
九十七名於出隊時款營乞降又有賊目魯克桂及其
子魯全春先約殺張總愚來降者至是率黨數百赴營
乞撫自稱逆目邱元才已經其黨刺殺仍俟立功自贖
又有賊目周六焦仲赴該營自稱有眾三千乞撫聞劉

續編卷十三

十二

松山十六夜五更出隊時有賊目率黨二千乞撫之事
尚未接報臣當賊踪竄至吳橋時派隊截剿沿途亦搽
獲逆賊百餘獲馬數十訊斬賊目徐世華支金玉黃萬
元屈舒賢屈起元周秋王春兒楊曙兒丁元兒等九犯
均從逆四年髮長尺許者餘並分別安置擬俟事定按
名遞籍降人中如有兇悍嗜亂者亦斷不令其倖免刑
誅致貽異日之患也據各賊供張總愚並未帶傷亦無
雜髮之事近因黨羽離心各思就撫憂懼無措此次折
竄西北本圖由東光泊頭一帶猛撲運河經老湘卓勝

等軍衝截始擊隊徑向西竄賊數存者多不過數千賊
目張總道邱遠才前幾日在鹽河邊經官軍擊敗同溺
斃水窪中陳二老坎亦在其內眾詞如一據此則張總
道邱遠才陳二老坎等逆目致死之由不同而其死則
確矣投降劉松山軍前之張大福奴供係張總愚之叔
所帶降人係張五孩舊黨即劉松山所稟亦同據此則
張總愚逆族死黨所存無多而賊勢披離亦確矣臣見
飭劉松山郭運昌等乘勝窮追誓滅此賊適黃運大漲
賊路愈窮以理勢論似成事可期然利鈍則亦未可預

續編卷十三

三

計也惟當殫誠盡瘁慎以圖之而已此次劉松山所部
花翎副將雷致祥花翎遊擊江春生衝入賊中血戰捐
軀實堪痛惜應請

旨交部從優議卹以慰忠魂謹據實馳陳伏

皇太后

皇上聖鑒訓示施行謹

奏 同治七年六月二十日

軍機大臣 字寄同治七年六月二十二日奉

上諭左宗棠奏官軍剿賊大勝並英翰奏皖軍戰勝收

降現在追剿情形各摺覽奏均悉捻逆由商河北竄經
劉松山等截擊大獲勝仗逆日張大福等先後乞降現
在酌量辦理該逆等窮蹙來歸自應分別遣留妥為安
置以孤賊勢英翰此次收降之擒首楊榮桂等並著妥
為鈐束挑選精壯用作前鋒使之効力行間不至再生
反側惟左宗棠摺內前稱賊目洪順林後又稱洪元林
是否即係一人著查明覆奏逆賊周六焦仲有眾三千
赴郭運昌營乞撫十六日夜又有賊目率眾二千赴劉
松山營乞撫之事郭運昌等現在已否收降作何安插

續編卷十三

三

著左宗棠查明一併覆奏並著該大臣督撫等嚴飭各
將領遇有乞撫之眾務須悉心稽察妥為鈐制前據李
鴻章迭次具奏剿賊大捷各情本日復據左宗棠英翰
所奏情形大略相同賊黨業已離散必不能久張總愚
雖未得確耗而其勢已孤著該大臣督撫等遵照前旨
出示懸賞使之互相疑貳張總愚係著名逆首荼毒生
靈重煩兵力諒該大臣督撫等同深憤怒斷不任其漏
網即著嚴飭各軍加緊追剿俾得剋日殲除以慰屢繫
左宗棠奏副將雷致祥遊擊江春生力戰陣亡著交部

從優賜卹將此由六百里各諭令知之欽此

續編卷十三

四

敵初竄城續獲大勝並安置降眾摺
奏為官軍截剿竄賊續獲大勝見籌追剿並安置降眾
情形據實馳陳仰祈

聖鑒事竊劉松山郭運昌馬步各軍十六日甯津吳橋
大獲勝仗並收撫降眾情形業經臣於二十日馳報十
七日五鼓出隊追賊適賊目湯松茂率騎賊及被脅難
民伏道乞撫劉松山受之簡其能戰之三百餘騎隨行
幼弱困乏者委將弁送回甯津分別安置申刻追及賊
之尾隊壽營營總余虎恩率馬隊馳入賊中正衝殺間

續編卷十三

五

賊掣隊分撲四面環集余虎恩率各騎縱橫血戰斃賊
數十名賊欺其單拚命鏖鬪騎兵受傷者二十餘名戰
馬亦各帶重傷劉松山等大隊馳至見余虎恩被圍立
即齊隊猛擊斃賊約百餘名賊向德平一路敗竄十九
日追至德平屬之周家莊忽得探報賊竄向商河劉松
山知其誘官軍南趨仍將由東北逸出也屬郭運昌率
所部回甯津扼之二十日劉松山富珠哩訥蘇肯各率
所部向東北前進行五十餘里抵樂陵之程家莊適與
賊遇賊瞥見官軍即向北飛奔官軍緊蹙之擒斬二百

餘名是夜抵臨山縣之張家村適探騎帶茹降賊回營
據供賊盡聚保和寨一處距營約二十餘里劉松山以
賊每防官軍四五更襲擊必不料官軍昏夜進攻也遂
令各營飽食以待初更潛師急進行二十里擒坐卡賊
六名斬之又行數里徑抵保和寨賊始驚覺賊之上馬
者雖列隊抗拒其未及上馬及未成列者倉忙奔竄官
軍奮威衝殺霎時賊屍枕藉其寨內未及逃竄之賊則
盡殲之賊大股向西奔竄其衝斷各小股有向正北竄
者有向西北西南竄者維時月明如晝官軍分路縱擊

續編卷十三 六

賊之竄伏稀叢中者亦捕斬百餘名比天明向正北竄
去之花旗賊目周祿帶騎賊二百餘馳回乞降劉松山
受之仍整隊向西追擊行三十餘里詢賊甫竄抵陳古
村張村劉松山等各率所部急進張村之賊即向東南
竄走其陳古村之賊因隔一港未及與張村賊眾合併
者約三四百名則已截殺略盡矣計共斃賊一千三四
百名奪騾馬一千四百餘匹生擒賊目李秀春成大義
陳原廷等及餘賊三百五十名均陣前正法此二十二
十一等日劉松山富珠哩訥蘇肯追勦逆賊大獲勝仗

之實在情形也昆查逆捻連受大創敗殘之賊不過二
三千人能戰者不滿千人其中尙多軍械不全者首逆
張總愚屢次求死爲其黨所持暫免逆賊實窘蹙已極
將士暑雨奔馳勞瘁萬狀見多患疾症吐血者然壯氣
彌厲並未稍形懈弛臣以張曜宋慶陳國瑞等軍接續
南追而南路兵力既厚目前黃運交漲賊之去路已窮
必仍折而北竄飭劉松山郭運昌於德平樂陵一帶相
機兜勦並以連鎮池北連流東漫防務少鬆復飭臣親
軍各營一駐甯津之大柳一駐吳橋之梁家集以防漏

續編卷十三 七

逸臣仍率親軍千餘駐連鎮以顧運防其收撫降眾先
後兵計七千有奇挑其壯健者雜置前敵其疲困者暫
留老營編入隊伍其被擄孩童詢明籍貫分別資送歸
籍見刊護照路票兩種護照備給隨陣就撫之人路票
備給被裹之老幼難民分別遣散大約老弱疲乏者先
予分起資遣其壯健者則須俟事定後審編明白然後
資遣回籍方期周妥也此次力戰陣亡之藍翎守備張
得升藍翎把總胡松林應懇
天恩飭部從優議卹以慰忠魂所有續獲勝仗及籌辦

情形請據實馳陳伏乞

皇太后

皇上聖鑒訓示施行謹

奏同治七年六月二十六日

軍機大臣 字寄同治七年六月二十九日奉

上諭左宗棠奏截剿竄賊續獲大勝並安置降眾情形一摺劉松山等軍由甯津吳橋等處追賊直至鹽山沿途獲勝並於鹽山之保和寨夜襲賊隊斬戮甚多生擒賊目多名迭次收降難民賊眾分別遣留該逆敗殘之

續編卷十三

七

餘僅止二三千人能戰者不滿千人兼多軍械不全其窘蹙情形已可概見正宜乘此機會力圖殲滅著左宗棠李鴻章英翰丁寶楨會督諸軍合力兜擊務期及早殄滅以奏膚功賊匪被剿情勢必乘隙圍竄運西左宗棠李鴻章當力籌扼截勿稍疏虞並著都興阿一面嚴顧運防一面督軍會勦崇厚亦當力籌軍火糧餉接濟都興阿軍營以應急需至各路軍營所收降眾惟有令在前敵殺賊如不肯盡力或與賊暗通消息者左宗棠等飭令前敵統將即行正法沿河一帶防務現值喫

緊之時不可將降眾措置其間致貽後患該大臣等務須慎之又慎不得稍涉大意其給發照票散遣老弱降眾難民一節亦宜詳慎辦理不可掉以輕心致令奸匪混跡渡河又形滋蔓此次力戰陣亡之守備張得升把總胡松林均著交部從優議卹將此由六百里各諭令知之欽此

續編卷十三

七

覆陳仍留西安糧臺摺

奏為遵

旨覆陳事竊臣欽奉

寄諭西安糧臺本為轉運甘省軍餉而設屢次議撤議留辦理殊覺歧異著左宗棠將林壽圖所奏各情詳細酌度所有西征糧臺應否截撤之處即著奏明辦理原摺著鈔給閱看將此諭令知之欽此臣於上年臨潼行營欽奉

寄諭左宗棠奏覆陳甘肅餉事通籌陝甘全局俟軍行

續編卷十三

三

入甘即當接篆任事並西南撫局難恃各摺片據稱穆圖善見飭林壽圖撤西安糧臺悉以餉事歸秦安糧臺又分撥山西河東協餉歸雷正綰委員守催而以涇州軍餉專寄之雷正綰恐涇軍先行疑慮若令慶涇各軍概取給於秦安糧臺又輓長莫及且用兵西北必多籌運道以備不虞似此專注漢中秦安一路設有梗阻必致貽誤等語深中窽要見設西安之甘肅後路糧臺即著左宗棠飭林壽圖妥為辦理毋庸遽議裁撤其甘肅改設之臺即責令就近轉輸川湖餉米以資撥運穆圖

善務將甘軍移濟察驗摺節支用總計每月約需餉銀若干查明左宗棠商辦左宗棠亦當彼此兼顧源源接濟俾免譁漬之虞欽此臣茲復奉

諭旨垂詢西安糧臺應否裁撤竊維甘省後路糧臺設於西秦原以司協餉之總匯總督兼轄陝甘兩省兵事餉事皆應通籌兩省藩司皆其屬吏甘肅後路糧臺原為支應慶涇諸軍而設西安糧臺一撤無論後此由秦入隴餉道中斷不能從此進兵即以目前局勢而言甘陝各回俱嘯聚該處一帶據為老巢既不能停兵以任

續編卷十三

三

賊之縱橫詎能停餉而任兵之飢潰林壽圖此奏自因穆圖善奏撤西安糧臺改歸秦安不欲顯拂其意又前奉

上諭慶涇各營餉需由秦安糧臺勻撥毋庸林壽圖兼顧念西安糧臺餉源已絕正可藉此息肩惟思平慶涇固一帶北通甯夏南達鞏秦地居秦隴道中實兩省孔道糧臺專設秦安相去千里中隔賊氛無論豎撤餉空各營失望即使西安糧臺餉需充足而道途險遠展轉輻輳亦有輓長莫及之虞且平慶涇固一帶在陝甘兩

省視之雖同是邊地而合陝甘兩省言之則當兩省中
史實為腹地歷代關隴軍事未有不從此著手者地勢
然也即臣將來回旆關中分道入隴亦必於此開屯購
軍屬兵秣馬於進取之時即寓善後之策庶幾左顧右
盼聲息相通方於兩省地方戎務均有實濟此西安所
設甘肅後路糧臺斷不可撤之實在情形也應請
飭下林壽圖仍遵

前旨妥為經理毋庸遽議裁撤並請

旨飭下山西撫臣仍將原協慶涇之餉照舊撥解西安

續編卷十三 三

糧臺並由臣隨時提撥協甘各款通融接濟庶餉有來
源臺非虛設林壽圖亦毋庸其推諉矣至陝甘同一
彫翹之區而甘肅尤素稱荒瘠見雖通融接濟藉資敷
衍實則杯水車薪奚裨大局以陝省出入各款通計每
年不敷之數約一百數十萬兩此則限於時勢無可如
何非俟中原兵氣全銷不能以全力注之西北非俟關
中元氣漸復不能以全力移之隴中局勢如斯穆圖善
之屢次陳請未非無病而呻臣之力主先秦後隴亦非
敢心存歧視謹因覆陳西安所設甘肅後路糧臺不可

裁撤實在情形一併瀝陳伏乞

皇太后

皇上聖鑒訓示施行謹

奏同治七年六月二十六日

軍機大臣 字寄同治七年六月二十九日奉

上諭前因林壽圖奏請裁撤西安糧臺當令左宗棠酌
度具奏茲據左宗棠奏稱西安所設甘肅後路糧臺原
為支應慶涇諸軍而設西安糧臺一撤秦隴餉道中斷
平慶涇固一帶實兩省孔道糧臺專設秦安遠道轉輸

續編卷十三 三

亦有難長莫及之虞西安所設甘肅後路糧臺斷不可
撤等語左宗棠身任兼圻自應總權兩省而言通盤籌
畫既據酌度定議即著林壽圖仍遵前旨將西安糧臺
各事宜照舊妥為經理毋庸推諉並著左宗棠隨時提
撥協甘各餉通融接濟俾得餉項有著克購餉軍甘省
荒瘠情形既為該大臣所深悉且現存兵數尚有百四
十餘營之多軍士待哺嗷嗷豈能枵腹荷戈雖先秦後
隴勢有固然而唇齒相依實為安危所繫該大臣務當
妥籌兼顧以濟急需不可稍存歧視致虞謬濟山西原

協慶涇之餉者鄭敦謹明舊撥解西安糧臺以歸簡易
穆圖善即行轉飭林壽圖於協餉到時隨時提撥以資
接濟將此由六百里諭知左宗棠穆圖善鄭敦謹並傳
諭林壽圖知之欽此

續編卷十三

旨

恪靖奏稿續編卷十四目錄

開復處分謝 恩摺

搜捕逸賊並劉松山等請獎摺

補陳劉松山等獲勝詳細情形片

請收回 成命摺

覆陳善後事宜摺

料理西征並遵 旨陛見摺

奏劉松山剿賊出力並曾國藩知人之明片

恭謝 天恩摺

續編卷一四目錄

分別撤留吉林黑龍江兵勇摺

軍機大臣 字寄同治七年七月初二日奉

上諭李鴻章奏連日督軍追剿屢獲大捷西捻全股蕩平並飭各軍查明張總愚下落各摺片覽奏實深欣慰本日已明降諭旨宣示並將李鴻章等先予恩施矣各路官軍進剿張逆在鹽山滄州及德平博平清平等處迭獲大捷逆目次第乞降大股賊匪全數擒斬惟逆首張總愚是否擊斃抑係淹死未據查明著李鴻章等督飭各軍嚴密搜尋該逆無論是死是生總須訪查確實無令渠魁漏網該逆之姪張正江亦尙無下落著一併

續編卷十四

一

查明具奏並著都興阿左宗棠李鴻章英翰丁寶楨飭令該將領乘此聲威搜捕餘匪務絕根株運河等處官軍圍練並著都興阿左宗棠李鴻章官文崇厚英翰丁寶楨等責令各該兵團加意嚴防認真守禦且張總愚屢圖鳧水偷渡以求倖脫尤不可稍涉大意各營迭次收降甚眾該大臣督撫等當妥籌善策分別遣散並令將馬匹器械一律呈繳現在兵勇尙難遽撤至將來遣撤之時尤當分起撤回妥為辦理斷不可吝惜小費就近在直東遣散以致滋生事端陳國瑞所收降人偽准

王邱元才諒卽邱遠才卽著都興阿飭令該侍衛派隊將邱元才及該降眾送至英翰軍營交該署撫妥為鈐束正在寄諭間據英翰馳奏各軍逼賊於徒駭河大獲全勝首逆張總愚投水伏誅逆屍尙未尋獲等語仍著李鴻章等檄飭各軍會同搜捕務得確情是爲至要將此由六百里各諭令知之欽此

續編卷十四

二

開復處分謝 恩摺

奏為恭謝

天恩仰乞

聖鑒事竊臣於七月初五日承准神機營行知七月初二日內閣奉

上諭本日據李鴻章英翰由六百里加緊馳奏官軍會剿捻逆全股蕩平大概情形各一摺覽奏深為欣慰左宗棠縱賊出陝追剿尙屬迅速抵直隸後督軍截擊扼守運防亦頗嚴密著將該大臣迭次降革處分一併先

續編卷十四 三

行開復欽此跪讀之下慙感難名當即恭設香案望

闕叩頭恭謝

天恩伏念微臣軍符忝紹韜略未嫻屬秦隴之多艱兩

支巨寇忽并汾之告警遽失前禽戴罪星馳瞻

畿郊而每懷靡及總師月捷歷瀛鄭而載賦同仇方憂

巨憝稽誅捫心難以自釋詎冀

殊恩曾被折首共慶有嘉吉語遙傳人天懽喜

慈厯用慰瑕類蠲除重蒙

覆幬之施東歸猶慄載荷

生成之德西節仍持卡惟有盡瘁馳驅不遑燕息殫誠

規畫用答

鴻施期明節制於

三驅冀協師中於九伐所有感激下忱謹具摺叩謝

天恩伏乞

皇太后

皇上聖鑒訓示謹

奏 同治七年七月十一日

續編卷十四 四

同治七年七月初十日內閣奉

上諭本日據李鴻章由六百里加緊馳奏剿辦捻逆全股蕩平地方一律肅清並查明首逆張總愚投水淹斃一摺覽奏之餘寔深嘉悅捻逆自倡亂東南十有餘年竄擾數省生民受其荼毒神人共憤罪惡貫盈上年派李鴻章為欽差大臣剿除任柱賴汶洗等股匪本年正月間逆匪張總愚復糾合匪眾肆擾山西河南直隸窺伺畿疆經官文英翰丁寶楨李鶴年督兵防剿並經左宗棠統軍追擊剿逆復調李鴻章赴直東一帶督剿以

續編卷十四

五

收眾志成城之效現經李鴻章會同各軍督率各將領蕩平捻逆並將餘匪搜捕淨盡具見該大臣督撫等協力同心肅清公克奏前已賞還李鴻章雙眼花翎騎都尉世職黃馬褂並開復處分及左宗棠等降革處分均予開復自應分別再沛恩施以昭懋賞李鴻章著賞加太子太保銜並以湖廣總督協辦大學士左宗棠著賞加太子太保銜並交部照一等軍功議敘丁寶楨英翰均著賞加太子少保銜並交部照一等軍功議敘李鶴年著賞戴花翎並交部照一等軍功議敘崇厚當捻逆攻

撲天津時督率兵勇紳團力保郡城並籌濟各營糧石餉需源源不絕寔屬著有勞績崇厚著賞加太子少保銜頭品頂戴並賞戴雙眼花翎兩江總督曾國藩籌辦淮軍後路糧餉軍火俾李鴻章等克竟全功著交部從優議敘署直隸總督大學士官文前在湖廣總督任內暨本年捻匪竄直時均因會剿不力爰經降旨懲處此次捻股悉平著加恩開復太子太保銜暨剿捻不力革職留任處分並賞還雙眼花翎以示錫爵酬庸用彰慶賞至意欽此

續編卷十四

六

搜捕逸賊並劉松山等請獎摺

奏為馬步各軍因搜捕逸賊尚未收隊現在辦理情形謹據寔馳陳仰祈

聖鑒事竊劉松山郭運昌富珠哩納蘇肯等於前月二十日二十一日續獲大勝賊勢極蹙情形臣於二十六日馳報嗣據劉松山等呈稱二十八日追賊至山東高唐州南之張村遇劉銘傳所部馬隊聞賊已悉數擒斬乃引軍北還初一夜抵甯津營次沿途收獲甫經雜髮之老賊金本立據供二十七日張總愚經官軍衝斷後

續編卷十四 七

與賊目張正祥王老貫率餘黨逃逸初二日劉松山將金本利解至臣營臣親加訊究所供逆首竄逸餘黨尙多情形雖未足盡信然其時張總愚既無確寔下落自應盡力搜捕比即飭劉松山等挑選馬步各隊及臣軍分駐大柳梁家集之馬隊分道前進劉松山等並挑降人騎馬隨行初三夜四鼓分向東北慶雲鹽山各路排搜而南至初八日因所攜乾糧告罄暫回甯津據報沿途搜捕未見賊踪而居民傳說各異有言賊甫過者有言賊在某處者有言賊止零星數十騎或十數騎經

過未停者有言賊騎尙餘數百薙髮買糧假充官兵者追經督隊掩捕則蹤跡杳如彌望林叢徒勞踣緝疊次欽奉

諭旨務得逆首確寔下落而臣處所聞既有異詞搜尋又無寔據若遽以空詞入

告正恐有心立異無以仰慰

慈慮如其附和隨聲寔覺言匪由衷捫心何能自釋此微臣未敢及早馳報之寔情也初三日曾將賊供張逆逃逸情形緘告李鴻章初八日接李鴻章鈔送二十九

續編卷十四 八

日拜發全股蕩平大概情形摺片稿知張總愚尙無確寔下落摺內所敘張正江逃至南鎮遇駱國忠兩軍堵住拏獲極多並未明言擒斬臣意張正江或即賊供在逃之張正祥比即刊發捕獲張總愚張正祥王老貫賞格仍飭劉松山等挑選馬步各軍分途搜捕一面移行運河西岸水路各軍暫緩撤防以昭慎密現在尙未收隊頃奉初十日

諭旨李鴻章奏查明逆首投水淹斃得有降賊確供各軍搜捕餘匪淨盡直東一律肅清是張逆寔已淹斃縱

張正祥王老賈暫稽顯戮亦可徐圖弋獲不致別釀事端計劉松山等派隊海捕又逾五日如得實在消息亦必稟詢進止臣自當酌度示知免致枉勞兵力也至事後最宜慎者處置降人一節臣軍所收降眾先後共計七千餘除破擄孩童籍隸本地者約千餘名當經各軍遣散外其已經族屬認領者數百名此外籍隸山西陝西及河北三府為臣軍歸途所必經者約四五百名擬安插各哨隨同行走就地資遣回籍其疲乏病弱者約不過數百名遣之無虞惟其中壯健兇悍者不下四千

續編卷十四 九

現經劉松山郭運昌挑留數百隨同搜捕餘均在甯津營次此輩野性難馴防之不可疎而操之不可蹙臣擬以軍令鈐束挈歸陝西隨時斟酌辦理大約收降之要在嚴禁搜奪財物及無故欺凌侮辱以導引善機銷其悍戾之氣而察其狂悖險鷲于犯軍令者鋤而去之庶可安反側而潛弭異患此次所收降人內有逆首陳玉成張樂行餘黨江南髮逆兩淮捻逆遺種頗多非辦理寬猛協宜緩急中節斷難期其弭首降心胥就軌度其效固難期之於一時而一切機權操縱之說非所尙也

其善後各節容即具摺陳明至劉松山郭寶昌兩軍喜昌所部馬隊欽奉

恩旨飭臣迅速查明奏請

優獎現在諸軍分道搜捕尙未收隊回營核辦尙須時日惟前月十六七及二十二等日該各軍克獲大捷當時曾各具稟開單請隨摺保獎臣以歲事在卽勛其共竟全功同膺

懋賞不必先懇

恩施以明勞在人前功居人後之義各將士等亦均感

續編卷十四 十

奮思報馳驅效命未敢少休茲奉

恩諭臣謹一面宣播

皇仁傳示各軍聊慰其希

恩望

澤之意一面將劉松山等前次所開隨摺請

獎各員核明開單先懇

天恩獎勵用昭激勸至劉松山郭寶昌郭運昌喜昌勞

績卓越久邀

聖明洞鑒而劉松山忠誠素著謀勇兼資為各軍所推

許眾論僉同驗之功蹟均堪覆按臣處委獲生賊以賊中所憚首推老湘即恩承李鴻章獲訊賊供亦大略如是而其尤異者就撫諸賊無不願投劉松山軍營即積年老賊如邱元才亦先擬投劉松山遣頭目洪順林繞道乞降中途乃為陳國瑞收錄是其明證也廣東陸路提督達桑阿巴圖魯

賞戴花翎劉松山官職已崇在事最久應如何破格加恩優獎之處非臣下所敢妄擬伏候

聖裁提督銜安徽壽春鎮總兵法凌阿巴圖魯

續編卷十四

七

賞戴花翎郭寶昌現已傷愈由河南起程前來尙未到

營應請以提督記名遇缺請

旨簡放其應如何再加

恩優獎之處出自

天恩記名總兵銜僧額巴圖魯郭運昌應請

旨加提督銜遇有總兵缺出儘先題奏請

旨簡放記名副都統吉林滿洲鑲紅旗協領喜昌請

賞加勇號並開吉林滿洲鑲紅旗底缺聽候

簡用如蒙

俯允喜昌所開協領缺應由軍營遴補現有頭品頂戴記名遇缺儘先奏補副都統效勇巴圖魯富珠哩樸誠銳勇久著勞績堪以先行拔補應請旨遵行其各軍勞績卓著員弁容臣核明彙奏保獎以彰戰績而勵戎行所有各軍連日搜捕現在辦理情形及遵

旨保獎人員並繕清單附

奏伏候

皇太后

續編卷十四

七

皇上聖鑒訓示施行謹

奏 同治七年七月十四日

補陳劉松山等獲勝詳細情形摺

再劉松山等軍六月十七日由吳橋甯津追賊獲勝賊

目湯松茂率眾乞撫業經臣於二十六日將大概情形

馳報續於二十八日接劉松山郭寶昌富珠哩訥蘇肯

等稟報始悉是日大捷詳細情形據稱十六日吳橋甯

津獲勝後探悉賊在西南距營約四十里劉松山等四

更出隊行數里遇馬賊數人送信來營賊目湯松茂率

眾二千餘人特來乞降另有賊目周世遠魯成信張鳳儀焦長林等共率眾千餘亦來乞撫均相隔不遠劉松山派弁往探旋據探弁帶湯松茂到營據稱帶眾抄營因張總愚知覺追散數百現有一千四五百人軍械已毀特來投誠等語劉松山受之即令各歸各隊派員帶隨隊伍之後復進十餘里申刻抵德州屬之汴梁鎮遇賊由南向北而來劉松山等隨即列隊劉松山所部由中右兩路進郭運昌所部由左路進富珠哩訥蘇肯馬隊與老湘卓勝馬隊張兩翼以進該逆不料官軍突至

續編卷十四 三

倉皇列隊餘賊紛紛亂竄我軍奮力猛進鎗礮齊施刀矛並舉斃賊甚多賊勢不支悉向東南奔竄我軍追殺五六里張總愚復率悍賊拚命衝撲又經官軍奮力衝殺賊敵不住仍向東南敗竄我軍又追十餘里至馬家莊時已一鼓遂收隊駐宿是役共計斃賊七八百名生擒三百餘名內有頭目宋五元程秉清蘇春喜許連珍等多名均訊明正法解散難民甚多奪驟馬千餘匹馬隊營官提督余虎恩受兩傷甚重其餘弁勇亦有傷亡內副將蘇正遠守備沈有貴力戰陣亡應請

旨敕部從優議卹所有六月十七日劉松山等大獲勝捷詳細情形附片補陳伏乞

聖鑒謹

奏 同治七年七月十四日

同治七年七月十七日內閣奉

上諭左宗棠奏查明劉松山等軍迭次剿擒出力各員弁開單懇請獎勵一摺提督劉松山郭寶昌兩軍上年冬間由陝入晉跟蹤剿擒迭著勤勞本年復會合李鴻章派出各軍力籌兜剿俾逆全股肅清洵屬著有勞

續編卷十四 古

績自應量予獎敘提督劉松山著賞穿黃馬褂並賞給三等輕車都尉世職郭寶昌著賞還黃馬褂交軍機處記名遇有提督缺出請旨簡放並賞給騎都尉世職郭運昌著賞給提督銜遇有總兵缺出請旨簡放喜昌著賞頭品頂戴即開協領底缺富珠哩著補授吉林滿洲廂紅旗協領其餘單開之提督易德麟等兩員著交部照一等軍功例從優議敘總兵革合才等十四員均著交部從優議敘提督熊隆名著換瑚松額巴圖魯名號周國勝著賞換博奇巴圖魯名號喻執益著賞換綽武

巴圖魯名號楊見山著賞換西林巴圖魯名號周雲祥著賞換剛安巴圖魯名號潘運璋著賞換達春巴圖魯名號蘇大德著賞換呼敦巴圖魯名號洪必勝著賞換法克精阿巴圖魯名號總兵李占椿著賞換奇車博巴圖魯名號提督許得龍等三員均著賞給正一品封典總兵熊有常等四員均著交軍機處記名遇有提督缺出請旨簡放總兵王鳳鳴等三員均著以提督交軍機處記名請旨簡放副將方廷芳等五員均著以總兵交軍機處記名請旨簡放郭占榮著賞加總兵銜參將李

續編卷十四

五

華文著以副將補用並賞加總兵銜馮殿英等三員均著以副將儘先推補內張懷玉並賞加總兵銜佐領訥蘇肯著以協領即補德凌阿等二員均著以副都統請旨記名簡放佐領明慶著賞加二品銜委營總德明等二員均著以佐領即補先換頂戴以示優獎該部知道欽此

請收回 成命摺

奏為叩懇

天恩收回成命事竊臣於七月十七日連鎮行營准

兵部火票遞到七月初十日內閣奉

上諭本日據李鴻章由六百里加緊馳奏剿辦捻匪全

股蕩平地方一律肅清並查明首逆張總愚投水淹斃

一摺覽奏之餘實深嘉悅左宗棠著賞加太子太保銜

並交部照一等軍功議叙欽此跪讀再三感激涕零罔

知攸措伏思逆捻乘冰橋過晉臣疏於籌慮咎無可辭

續編卷十四

六

追賊直豫之交未能早日蕙事迫賊竄山東直窺津沽

臣且防且剿又未能依限滅賊雖劉松山等馬步各軍

盡力追剿捷狀頻聞而臣之調度無方已可概見緣頻

年南北奔馳精力銷耗前在浙江軍營病後失調致患

殮泄纏延至今不愈雖須髮如舊而神明已衰左手足

前患筋惕肉跳諸證近復加足背浮腫艱於乘騎故移

營連鎮以來僅止親身出隊一次智慮不如從前筋力

亦近頹廢臣亦未嘗不以此自恨也本擬事平後以衰

病自陳懇

恩罷斥而西事方殷未敢遽為退休之請非但受

恩過重於心有所不安抑且所事無成於義有所不可

蒙慈復殊恩優習官銜議敘一等前功既無可言後效

更不可必若復不自忖量居然忝竊正恐無以服將士之心雖

天恩高厚不難曲示優容而微臣清夜自思能無愧怍

合無仰懇

聖慈俯鑒愚衷收回成命俾臣得安心供職勉效馳驅

庶撫分循涯免憂隕越渥荷

續編卷十四

七

高厚鴻施感且不朽謹懇誠願請伏乞

皇太后

皇上聖鑒訓示施行謹

奏 同治七年七月十五日

同治七年七月二十二日內閣奉

上諭前因捻逆蕩平施恩在事諸臣賞加左宗棠太子

太保銜並交部照一等軍功議敘茲據左宗棠奏稱追

剿無功難以忝竊請收回成命覽其情詞甚為懇摯惟

國家論功行賞自有常經該大臣其他効馳驅用副委

任毋許固辭欽此

續編卷十四

六

覆陳善後事宜摺

奏為覆陳善後事宜仰祈

聖鑒事竊臣於七月初七日連鎮行營欽奉

寄諭英翰奏善後章程各條並請撤皖軍各摺片所奏不為無見其請撤直隸練軍留勇扼紮一節都與阿左宗棠李鴻章官文俱久歷戎行目覩畿輔情形崇厚在津年久亦深知其得失即著該大臣會商良策以昭核實西征事宜前因崇厚陳奏曾諭該大臣等於軍務完竣擇其願留軍營者挑選入關除劉松山郭寶昌所部

續編卷十四

九

兩軍應山左宗棠統帶回陝接辦回務外其各營勇丁著李鴻章左宗棠酌量情形奏聞候旨派往皖省應留重兵並免其查究前案自係權宜辦理李鴻章籍隸皖省都與阿亦久在江南情形自必熟悉並著會商覆奏欽此竊維直隸創練六軍原為建威銷萌之計迨去冬今春梟匪捻逆兩次擾犯練軍不能制於是朱學勸有請裁撤練軍之奏英翰有另選淮皖豫大枝勁旅一萬八千人分駐東西南三路之奏一在節虛糜一在求實效其主撤練軍則一也誠以直隸新練戰事罕經與其

徒有虛名無裨實用易若仍遵舊制可節餉需而現在捻逆既平亟謀遣撤與其散之四方漫無統紀曷若萃其精銳拱衛

畿郊臣愚竊謂練兵可撤而直隸武備究不宜荒今擬概行裁撤無論額兵情類意渙更難望其振作有加且恐因缺望而偶語紛呶難於禁約此練軍未宜盡撤之實情也遠軍入衛近

畿雖與唐代府兵之意略同然彼用制兵此用募勇制兵多有身家募勇半無根著客軍與土著雜處難保耕

續編卷十四

三

市無驚且一萬八千人分為三路每路各設一統將無論用非其才難資鈐束亦恐彼此未能和協貽誤機宜至勇丁至一萬八千人統攝固非易事總統並顧三路稽察亦慮難周大凡總統之才既須廉勇明幹威愛素孚尤必其部曲中人才稍多乃供分布臣於淮皖豫諸將領雖未能徧觀盡識然就所聞所見言之實亦未敢輕相許與此客軍未宜久駐直隸之實情也方今制兵之不足用由於餉薄而兵不能精亦由營伍習氣已深驟難更革承平無事之時制兵徒供差遣干把外額按

缺遞升副參各員專講應酬何知戰陣一旦令當前敵所用非其所習縱令壯健過人而閱歷未深難免倉皇失措又管轄太多兵至百名以上千把外額占去數名又各占役操兵數名守其舊規牢不可破是雖有練兵之名究難觀練兵之效也臣觀劉長佑練軍章程條理精密所演陳圖亦極合式就中惟營中文員多由上司差派練營呼應不靈月餉徑令赴部請領又餘下一項有名無實數者均宜更正裁撤而總統分統文武翼長須斟酌去留未經戰陣之參游都守千把外額尤應撤

續編卷十四

三

退歸伍按照勇營官什長百長之例均選久於戰陣屢經保擢者充之庶幾營伍習氣得以蠲除未經戰陣之兵丁得久經戰陣之勇目節制訓練倡其勇敢之氣亦將爭自濯磨日有起色矣至練軍未經更定之先各軍概經撤遣直隸須得勁軍為緝捕梟匪游勇之用本任提督劉銘傳戰功久著在淮軍中紀律頗嚴應否飭下該提督精選六七千人駐紮保定河間之中暫資鎮壓責成該提督將練軍歸其整理俟練軍有效即將該軍陸續裁撤似於直隸練軍一事必有實濟而兵民

暫時相處實可無扞格之虞官文都與阿曾有緘來商榷亦頗以盡撤練軍為疑臣此次覆奏未及會銜合併聲明伏乞

皇太后

皇上聖鑒訓示施行謹

奏 同治七年七月二十日

軍機大臣奉

旨著交神機營王大臣俟各該大臣督撫等覆奏到時一併妥議具奏欽此

續編卷十四

三

料理西征並遵

旨陛見摺

奏為遵

旨料理西征一俟就緒即先由水路北行

陛見仰祈

聖鑒事竊七月十三日連鎮營次欽奉

寄諭昨據李鴻章馳奏查明逆首投水確情餘匪淨盡直東一律肅清請循例陛見等情當經諭令該大臣將在營兵勇移撤後再行來京陛見惟現在陝甘等省軍務緊急須左宗棠統帶所部劉松山郭寶昌喜昌等

軍回剿左宗棠卽飭令劉松山等軍一面拔營由山西渡河入陝將鄜延綏榆等處回氛節節掃蕩左宗棠著先行來京陛見陝省回氛紛擾股數繁多除劉松山等軍外各營將弁如有忠勇奮發願西往從征者並著李鴻章左宗棠英翰曉諭各營聽候遴選歸左宗棠節制郭寶昌傷病計已全愈如尙未能銷假卽著郭運昌帶領該總兵舊部先行西進前據崇厚英翰所陳善後各條並著李鴻章左宗棠妥議奏欽此跪讀之餘敬悉聖慈軫念西陲速期底定至意比經恭錄行知劉松山

續編卷十四

三

郭運昌喜昌欽遵辦理十八日據劉松山郭運昌等稟稱初十日劉松山派隊一由東北一由正北郭運昌全福率隊由德平商河傍黃河出濱州利津一帶搜捕均於海濱會齊十六日鹽山及小山一路隊伍回甯津十七日商河武定一路隊伍回甯津沿途積潦縱橫積粟深茂各處新成圩寨鉦鼓相聞鄉團引導徧搜並無蹤跡其派出之順營總兵楊世俊記名副都統全福由樂陵出海豐亦可次第撤回居民驚疑頓釋劉松山等由甯津拔回連鎮東南臣現編審降人妥爲鈐束催調

天津存餉散給各營以作行糧一俟稍有頭緒卽分起西還臣卽先行入覲

天顏籲請

訓示大約旬日以外卽可成行惟保定河間一帶秋水甚漲官道漫溢馬步難行運河兩岸決口未塞車馬時虞阻滯擬輜重由運河顧舟運赴河南彰德隊伍由景州西行赴彰德臣先由水路駛赴天津赴都入

觀將來卽由保定南下至彰德乃趨衛懷渡河西向所

續編卷十四

三

以不復取道山西者緣徑道險仄大隊難行而劉松山郭寶昌所部將士久從征役紛紛乞假過河後尙須從新整理乃可入陝也

諭旨除劉松山等軍外各營將弁如有忠勇奮發願西往從征者並著李鴻章左宗棠英翰曉諭各營聽候遴選歸左宗棠節制臣維陝甘之事籌餉難於籌兵籌糧難於籌餉籌轉運尤難於籌糧臣在陝時已曾約畧陳明矣從前勝保多隆阿入秦楊岳斌度隴皆務徵調兵勇爲迅速驅除之計卒至兵多餉絀回患未平而潰軍

叛卒之禍起譬猶貧人無隔宿之糧而張筵召客強作
豪舉有不噫其謬者乎論者謂兩淮之人強悍健鬪用
之秦隴可以挫回逆之兇鋒銷淮皖之隱患於計誠為
兩得臣又以為不然江淮之民尚氣任俠古昔已然非
生而嗜亂也巨逆如張樂行苗沛霖亦非果具梟雄之
資素蓄不軌之謀也始奇其詐力而獎進之繼悟其愚
弄而牢籠之終恨其桀黠遂圖舉其類而盡殄之譬猶
癰疽初發不用內托外消之方其後乃為剜肉之計也
淮皖諸軍皆新立功其將領皆富貴矣若擇其樸勇而

續編卷十四

三

稍明紀律者分統之以資鎮壓又擇廉惠稍知方略之
守令拊循而化誨之不出數年積習當可一變不此之
務乃思移淮皖之隱患於秦隴乎隱患在
畿郊驅而遠之可也所謂移腹心之疾置諸股肱也隱
患在淮皖如圖驅之秦隴是移股肱之疾於股肱不可
也論者又謂淮皖以軍入秦隴必仍由淮皖給餉臣乃
過為之慮無乃太愚不知淮軍之餉千人每月約銀六
千左右雖與楚軍相等然近時每年止發九箇月之餉
計算每勇每月不過三兩有奇此狙公賦茅之說也士

卒之驕逸而難禁制其弊由此皖軍則每勇每月不過
二兩四錢糧食由官給領亦不過三兩有奇豫軍亦然
若至秦隴則糧價昂貴較之各省奚啻倍蓰若不籌津
貼固無以齊其力而服其心若竟籌津貼此項餉銀又
將安出臣於張曜宋慶程文炳歸統時曾請行首功之
賞計張曜宋慶兩軍賞過銀一萬餘兩程文炳一軍賞
過銀三千餘兩此暫時之計耳若處糧價昂貴之地歷
窮年累月之久勢何能支迨日久無功而或生他變而
罪臣不善拊循不善駕馭臣固無辭然將如秦隴何哉

續編卷十四

三

臣不得不早為之計也現在各省將領營求入陝者多
未必即為忠勇奮發無須招之使來各省挑軍入陝之
舉必將有之未必容臣挑選臣擬俟回陝後將陝甘餉
事悉心考究度可養勇若干再擇營哨各官赴安徽河
西開募以符楚軍舊例此時誠未敢草率從事致貽後
悔謹因
聖明垂詢而仰陳之伏乞
皇太后
皇上聖鑒訓示謹

奏 同治七年七月二十日

軍機大臣 字壽同治七年七月二十三日奉

上諭左宗棠奏遵覆善後事宜並料理西征各摺片李鴻章奏辦理善後並陸續撤勇籌辦降眾各摺片覽奏均悉准院等軍現既無願往陝境自請投効之人左宗棠亦稱其於西征情形不便且淮軍月餉數目與各營優絀亦殊諸多未便該大臣擬就現有兵力辦理陝省軍務如需續行添兵即擬在皖豫等省另行招募著照所議辦理直隸所屬地方李鴻章既稱南勇與民情恐

續編卷十四

毛

不相習且久役思歸著即照所議將劉銘傳郭松林等軍陸續裁撤分駐徐州濟甯周家口等處速行籌補欠餉俟補足後即行裁撤歸籍英翰所部皖軍前據該撫奏稱擬挑留一萬二千名分爲四枝選派將領扼紮要地鎮守曾經諭令李鴻章等會商茲據李鴻章覆奏與該撫意見相同著英翰即將遣將選兵並分駐何處妥籌布置李鴻章所陳駕馭降眾事宜本日已明降諭旨飭令兩江安徽各督撫妥辦矣蒙亳一帶民風素稱強悍將來散遣降眾歸籍錯處尤易滋生事端英翰當慎

選賢能牧令妥爲整頓李鴻章請令皖撫常駐穎壽一帶就近督察按制所陳不爲無見著英翰妥議具奏捻股投降賊目及兇惡反覆並籍隸蒙亳從逆多年之匪業經李鴻章派員正法其餘脅從降眾均著收回軍械分別遣留妥爲安插所請撫輯慶鹽等處難民並彈壓土匪一節本日已諭令官文崇厚辦理並諭令丁寶楨於武定一帶一律照辦李鴻章另片奏請將傅振邦獎勵等語本日已明降諭旨將傅振邦照請獎敘並令其來京陛見矣將此由五百里諭令知之欽此

續編卷十四

庚

奏劉松山勦賊出力並曾國藩知人之明片

再劉松山本湖南已故道員

賜諡壯武王奎舊部 臣 十餘年前即知之而未之奇也嗣由湖南從征入皖爲曾國藩所賞拔雖論功按階平進而屬望有加 臣 嘗私論曾國藩素稱知人晚得劉松山尤徵卓識劉松山由皖豫轉戰各省曾國藩嘗足其軍食以相待解餉至一百數十萬兩之多俾其一心辦賊無憂缺乏用能保垂危之秦救不支之晉速衛畿甸以步當馬爲天下先即此次巨股蕩平平心而言

何嘗非劉松山之力臣以此服曾國藩知人之明謀國之忠實非臣所能及特自各省言之不能不目之為秦軍以各軍言之不能不目之為臣部臣無其實而居其名撫衷多愧合無仰懇

天恩將曾國藩之能任劉松山其心主於以人事

君其效歸於大神時局詳明宣示以為疆臣有用人之責者勸伏候

聖鑒訓示施行謹

奏 同治七年七月二十日

續編卷十四

三

恭謝 天恩摺

奏為恭謝

天恩仰祈

聖鑒事同治七年七月二十四日內閣奉

上諭前因捻逆蕩平施恩在事諸臣賞加左宗棠太子太保銜並交部照一等軍功議敘茲據左宗棠奏稱追勦無功難以忝竊請收回成命覽其情詞甚為懇摯惟國家論功行賞自有常經該大臣其勉效馳驅用副委任毋許固辭欽此跪誦之下感悚難名伏念臣忝總師

續編卷十四

三

干未嫻韜略仗

皇威之震疊幸奏膚公藉羣策之匡持克殲殘寇寸勞

未效內顧滋慙迺蒙

丹詔特頒

優加甄敘更得青宮備列

寵冠班聯臣何人斯膺茲

曠典惟有慙遵

聖諭益勵秉忱圖補救於方來俾拯火熱水深之患效馳驅而恐後用體

宵衣旰食之心所有微臣感激下忱理合繕摺恭謝

天恩伏乞

皇太后

皇上聖鑒謹

奏 同治七年七月二十九日

續編卷十四

三

分別撤留吉林黑龍江兵勇摺

奏為撤留吉林黑龍江兵勇仰祈

聖鑒事竊臣軍上年北行原帶馬隊兵勇共有兩起一為喜昌新練之馬隊一為全福安住舊有之馬隊嗣於春壽歸臣總統時臣以山東撫臣咨送之春山莫爾賚額兩起隸之而以訥蘇肯一起併歸喜昌以當前敵茲當凱旋在即馬隊各將領均以出征有年願得暫歸休息臣維古昔之勞還役還卒也莫不念其勞而恤其私即室家之故飲食之微凡將卒所不敢直陳者無不曲

續編卷十四

三

為體念代為抒寫此佚道使民民忘其勞之義也吉林黑龍江馬隊自軍興以來轉戰十數年戎馬關山未遑啓處茲幸直東肅清距家非遠若復強之西征似無以慰其懷歸之意且其中實有久役疲勞傷病增劇必須撤歸調養者臣令喜昌詳加察驗將應准撤之官兵丁勇八百六十九員名交頭品頂戴題奏副都統新補吉林鑲紅協領富珠哩帶回吉林旗籍富珠哩蓋已出征十有八年矣全福所帶之黑龍江官兵一百三十二員名吉林頭二起官兵四百餘員名均交全福帶回旗籍

內挑留官兵二百七十一員名准回旗休息數月後仍
由全福帶赴陝西隨同征剿并令全福於原籍伊通河
挑選民勇三百名歸併成營一同帶赴陝西以資得力
其增募之民勇應需買馬製備號衣及官兵赴陝盤川
共發過銀一萬八千六百兩交全福具領來時無須沿
途應付此籌畫撤回旗籍之官兵丁勇及准假增募赴
陝之官兵丁勇也其挑留願隨西征官兵丁勇七百八
十一員名分爲三營委佐領哈豐阿吉勒杭阿德明爲
營總其缺額一百二十餘名卽由哈豐阿等就地挑選

續編卷十四

三

民勇補之同 臣軍統領馬軍之擬保提督浙江處州總
兵馬德順一併前赴陝西聽候調遣所有分別撤留吉
林黑龍江官兵丁勇數目除咨兵部吉林將軍黑龍江
將軍外謹具摺陳明伏乞

皇太后

皇上聖鑒訓示施行謹

奏 同治七年七月二十九日

軍機大臣奏

旨均著照所議辦理惟增募民勇是否可用仍著該大

臣隨時體察倘實在不能得力卽行撤回斷不可意存
遷就致誤戎機欽此

續編卷十四

三

恪靖奏稿續編卷十五目錄

福建採米航海濟軍懇 恩獎敘摺

遵 旨覆陳廣籌方畧摺

請指撥陝甘實餉摺

各省釐金請移作西征軍餉片

籌備晉防請催臬司赴任片

請增撥巨欸以利戎機摺

遵 旨覆陳摺

派員緝緝游勇片

續編卷十五目錄

請停皖捐分局片

福建採米航海濟軍懇 恩獎敘摺

奏為福建籌贖採購大米十萬石航海濟軍於軍務大有裨益謹據實陳明懇天

天恩獎敘尤為出力之員以昭激勸事竊用兵之要軍食為先直隸自上年旱潦頻仍民間蓋藏空虛糧價翔貴而官軍追賊所歷均曾被蹂躪之區州縣局城枯坐視城外客軍往來絡繹乞糴無從閉目不理村戶集鎮人民早已逃匿一空僅留老廢守瞭向其告糴百無一應其併村結寨諸處當兵賊難分時見有人馬經過動

續編卷十五

輒執仗鳴鉦堅拒不納每當追剿緊急時糧盡食乏致誤師期兵勇因買糧入村滋生事端互相詬病甚或激成仇恨彼此各有藉口直東一帶兵民鬩隙之深大半由茲而起署閩浙督 臣 英桂總理船政前江西撫 臣 沈葆楨籌措巨欸採購大米十萬石航海濟軍然後諸軍無飢乏之虞得以一意進剿賊須掠食而行猶有停待官軍則轉饋相繼得免稽延南人食稻腸胃相宜疾病罕生筋力亦健以故盛暑行師日與剽悍劇賊角逐於炎威震鑠之中而損折尙少用能迅赴戎機剋期掃滅

是則英桂沈葆楨公忠士誼_臣等及諸將士宜同深感仰者也此議發於前護福建巡撫署福建藩司延建邵道周開錫及福建前署藩司卽補道夏獻綸嗣後周開錫由閩赴滬料理採運一切夏獻綸赴天津驗收均屬著有微勞應請

旨將周開錫交部從優議敘夏獻綸到津後兼轉_臣軍上海購存軍裝洋火藥並在津製備軍裝該員從前隨_臣江皖浙閩軍營辦理營務疊著勞績於_臣軍營制素所諳悉此次航海來津辦理轉運贊畫機宜尤資裨益

續編卷十五 二

可否仍以福建道員儘先題奏之處出自

天恩伏乞

皇太后

皇上聖鑒訓示施行謹

奏 同治七年八月初一日

同治七年八月初六日內閣奉

上諭左宗棠奏請將購米濟軍之員獎勵等語道員周開錫著交部從優議敘夏獻綸著仍以福建道員儘先題奏欽此

遵 旨覆陳廣籌方畧摺

奏為遵

旨覆陳仰祈

聖鑒事竊_臣於七月二十四日連鎮行營八月初五日

天津途次兩奉

寄諭敬悉金順奏稱土回各匪股數甚多蔓延設米並

有髮逆袁姓大股竄至綏德

諭令廣籌方畧妥為兼顧鄭敦謹奏請調得力官兵赴

榆林進剿

續編卷十五 三

諭令酌度情形夾擊兼顧仰見西陲兵事方殷至煩

聖慮竊維陝西所患回土各匪出沒靡常_臣上年入關

維持捻逆披猖未遑悉力搜剿嗣蒙

特簡劉典署理撫篆陝西軍務日有起色稍紓

朝廷西顧之憂金順所陳髮逆袁姓大股竄至綏德似

卽指雲巖踞逆髮捻袁大魁而言此股已經劉典派道

員魏光燾提督劉端冕及提督劉厚基所部會剿犁集

搗穴一鼓殲除惟首逆及隨身死黨數十漏逸未獲諒

茲敗殘小醜暫無能為設米一帶鼠匪多由花馬池定

邊一帶竄來陝之北鄙與甘肅接壤各處山谷盤互素為土匪藏匿之所其頭目以董福祥扈彰為最著前據各路稟董福祥扈彰均已就撫劉典函中亦畧及之惟慮人數眾多安插不易未能日久帖然榆林綏德距西安千里而遙距花馬池定邊一帶亦近千里山程荒遠郵傳濶稀無事時文牘往還已虞沈滯亂後音書寥寂傳聞互異固在意中金順拜摺時尙未知雲巖剿辦竣事故未免總總過慮耳至鄭敦謹請調得力官兵赴榆林進剿意在以入秦進剿之師為山西防邊之用事期

續編卷十五

四

兼濟局勢攸宜現在凱旋各軍因河開大名一帶積潦縱橫自東徂西官道多遭漫溢人馬難行臣未拔營之前屢次遣人探視回報皆同故擬由景州取道鉅鹿任縣一帶以向彰德衛輝俟臣入覲後南旋會隊然後渡師孟津返旆西嚮其未能取道并陘諸徑由晉入秦亦實由前途被水淹阻車馱絕跡致然不僅太行之險為可憚也

諭旨飭臣酌度情形抽派得力將弁由河保一帶渡河西向榆林節節進剿以扼賊匪東竄臣擬俟行抵懷慶

後再察陝邊兵情賊勢以定行止至劉松山所部因從征既久疲病過多前此回湘召募勇丁二千北來更補現已由鄂抵豫該軍渡河後必須在洛陽一帶暫駐從新訓練一律完整乃可率以西趨郭運昌一軍過河後各將士有須給假更換者入關之期亦未能速即臣之親軍各營入關後亦必須逐加整理始可即戎未可加以迫促也山西防務既以北路為重自應早為籌備綢繆於未雨之先綏遠城將軍大同鎮總兵責有專屬兵力原不為軍既不過河助剿以剿為防亦宜慮河設防

續編卷十五

五

萬防於剿豈宜遠恃鄰省剿賊官軍為固圍之計果如鄭敦謹所奏由晉渡河扼守榆林相機進剿從此秦賊不復東窺晉防亦臻鞏固豈非臣之至願特晉防自歸化陟托清等處由西北折而南由南折而東一千六七百里恃恃河流一綫扼賊東趨秦軍剿賊轉戰而前勢難停車久駐河岸而回土各匪勢既蔓延北山一帶路徑紛雜臣軍雖節節掃蕩而西保無漏逸餘匪乘虛東犯苟晉防稍有罅漏終難免金堤蟻穴之虞上年綏德方復而逆賊忽從西南疾趨乘水東竄為大局憂迫本

年三月山西增募之湘軍遵調前來已無及矣事後追思悔恨何益合無仰懇

天恩飭下山西撫臣統遠城將軍預將轄境防務早為籌畫自薩托清以訖垣曲水陸交嚴期無滲漏如須調兵募勇即於水橋未成之先上緊布置勿如前此諉謝因循再蹈覆轍是所至幸 雖愚昧亦頗知大局為重凡心力所可盡者斷不稍分畛域自重愆尤區區愚忱冀邀 鑒察謹一併據實覆陳伏乞

續編卷十五

六

皇太后

皇上聖鑒訓示施示謹

奏 同治七年八月初一日

軍機大臣 字寄同治七年八月十二日奉

上諭左宗棠奏遵籌布置情形一摺晉防自歸化薩托清等處由北而南一千六七百里秦軍進剿勢難久駐河岸回土各匪勢既蔓延北山一帶路徑紛雜難保無漏逸餘匪乘虛東犯左宗棠所奏亦係實在情形所有晉省北路防務鄭敦謹當會商定安桂成悉心籌畫河

保以南沿河各邑防堵該署撫亦應督飭帶兵各員弁嚴密布置如須調兵募勇務於水橋未成之先趕緊籌辦毋得專恃鄰軍援剿坐失機宜晉省防務秦師固難專任而於一切布置機宜左宗棠仍當全局統籌力扼賊匪勿使東竄如有大股賊匪逼近晉邊仍應迅撥兵勇入晉會剿以保完區該大臣無論從何路入陝總以兵由東進逼賊西趨最為要著秦回日肆披猖亟須添派勁旅協同剿洗劉松山郭運昌等營即著左宗棠檄令趕緊訓練俾迅速成軍剋期西進掃蕩逆氛將此諭

續編卷十五

七

知左宗棠並由五百里諭令鄭敦謹定安桂成知之欽此

請指撥陝甘實餉摺

奏為陝甘餉源奇絀請

旨飭下軍機大臣會同戶部籌議指撥實餉以奠危疆

仰祈

聖鑒事竊陝甘籌餉之艱天下共知其所以異於諸省者地方荒瘠物產非饒一也舟楫不通懋遷不便二也各省雖遭捻逆髮逆之害然或旋擾旋復或陝區被擾瘠地猶得苟全或衝途被擾僻鄉猶能自固陝甘回漢錯處互相仇殺六七年並無甯宇新曠已廢舊藏旋空

續編卷十五

八

搜掠既頻避移無所三也變亂以來漢回人民死亡大半牲畜掠食鮮存種藝既乏壯丁耕墾並少牛馬生穀無資利源遂塞四也兵勇餉數各省雖贏縮不同然日食所需尚易點綴以粮價平減購致非難故也陝甘則食物翔貴數倍他方兵勇日啖細糧二斤即需銀一錢有奇即按日給予實銀一飽之外並無存留鹽菜衣服復將安出五也各省地丁錢糧之外均有牙釐雜稅捐輸各項勉供挹注陝西釐稅每年尚可得十萬兩內外甘省則併此無之捐輸則兩省均難籌辦軍興既久公

私交困六也各省轉運雖極繁重然陸有車馱水有舟楫又有民夫足供願運陝甘則山徑犖确沙磧荒遠所恃以轉饋者惟馱與夫馱則騾馬難供夫則願覓不出

且粮糗尅料事事艱難勞費倍常七也用兵之道剿撫兼施撫之為難尤甚於剿剿者戰勝之後別無籌畫撫則受降之後更費綢繆各省受降惟籌給資遣散令其各歸原籍而已陝甘則費由內作漢回皆是土著散遣無歸非籌安插之地給牲畜籽種不可其未及安插之先非酌籌口食之資不可用費浩繁難以數計八也陝

續編卷十五

九

甘用兵頗多為時又久亂後荒瘠殊常購粮不易各軍每於人煙稠密種植稍多地方隨宜安紮營壘始藉藉稱保護莊稼給錢辦粮繼則捐派民間不給價值甚且擄掠殆盡民不敢爭以致轉徙流離變而為匪或被逆回蓄養苟且偷生甘為從教之人黨惡助逆章奏中所稱甘省仇民土匪大率此類居多若不及早核實汰存予以實餉俾其有所藉口則軍令有所不行垂盡之殘黎靡有孑遺未荒之土地盡成榛莽而西陲之事不可復問矣臣之立意仿漢趙充國議開屯以省轉饋撫輯

無業災民且防且剿且戰且耕不專恃軍威為戡定之計者區區之愚蓋以辦回逆與剿羣寇不同陝甘事勢與各省情形各別將欲奠此一方永弭後患則固不敢急旦夕之效而忘遠大之規也通計陝西每年缺餉一百五六十萬兩甘肅每年缺餉二百餘萬兩而屯田之資撫輯之費不與焉茲幸捻逆蕩平海內兵事漸息餉事亦藉資周轉合無仰懇

天恩飭下軍機大臣會同戶部酌議籌撥陝甘的餉俾微臣得從容整理以奠危疆則陝甘軍民共戴

續編卷十五

十一

皇仁於無窮而臣亦得仰賴

鴻施稍寬咎責矣其劉松山一軍餉需向由兩江接濟曾國藩於此軍始終加意保全并無延誤臣前已附片

陳明未蒙

宣示茲馬新貽調督兩江應併懇

聖慈飭下該督臣照常協撥俾得有所展布不勝欽感之至所有陝甘餉源奇絀請

飭會籌指撥寔餉情形謹據寔陳明伏乞

皇太后

皇上聖鑒訓示施行謹奏 同治七年八月十六

各省釐金請移作西征軍餉片

再臣軍入陝餉需必須隨時接濟而近來各省協餉未能如期撥解縱使函牘交催多以空言搪塞陝甘距東南各省較遠轉運維艱即各省協濟有款報解之後亦非數月不能到陝往往停軍待餉致誤機宜臣於上年兩次奏請借撥洋餉由各該藩司解還各海關歸款誠以借款由各省歸還於款目並無出入而臣軍得此巨

續編卷十五

十二

款即可預先籌畫立濟要需現在軍初蕩平東南各省餉事足敷周轉雖釐金一項曾奉

諭旨量為裁減酌留大宗統計為數尙鉅似可移作西

征軍餉臣軍除前奉部撥各餉外此次江蘇江西湖北

四川等省復有請

旨加撥之餉應如何按月提撥妥為經理抑仍准臣援照上年成案酌借洋款由釐金項下歸還俾臣兩行無

顧慮之處伏乞

飭部一併會同速為議覆施行無任感激待

命之至謹附片具陳伏乞

聖鑒施行謹

奏 同治七年八月十六日

籌備晉防請催臬司赴任片

再臣欽奉七年八月十二日

上諭晉省北路防務鄭敦謹當會商定安桂成悉力籌畫河保迤南沿河各區防堵該署撫亦應督飭帶兵各員并嚴密布置加須調兵募勇務於冰橋未成之先趕緊籌辦毋得專恃鄰軍援剿坐失機宜晉省防務素師

續編卷十五 三

固難專任而於一切布置機宜左宗棠仍當全局統籌力扼賊匪勿使東竄等因欽此昨承召見復承

聖諭諄諄以晉防為念跪聆之下仰見

宸謨廣運至為周詳臣敢不竭盡心力之所能為以冀

稍酬

高厚查晉防自薩托清等處由北而南一千六七百里每當冰橋合成之際無險可扼深為可虞現蒙飭山西撫臣鄭敦謹等預籌布置鄭敦謹等似應一面

另籌調兵一面先儘現有兵力嚴為設防惟就臣見聞

所及晉省將領得力者頗覺乏人已革山西臬司陳澍

雖係獲咎之員然於兵事尚有關歷現已交卸臬司篆

務調度恐有難靈應由山西撫臣發給該革員統帶關

防責令仍辦防務暫資統攝如能奮勉出力再行量請

恩施新授山西臬司蔣益澧并請

飭催迅速赴任該員從征有年勞績卓著應行選募勇

丁若干請

諭令該臬司自行酌度辦理所需餉項即由湖南湖北

續編卷十五 三

督撫臣先為墊給以利師行可否令其督辦山西防務

專摺奏事俾免牽制之處出自

逾格鴻慈謹附片具

奏伏乞

聖鑒謹

奏 同治七年八月十六日

軍機大臣 字寄同治七年八月十八日奉

上諭左宗棠奏籌備晉防請催臬司赴任等語晉省西

北兩路防務緊要自應於冰橋未成之先豫籌堵遏方

免臨時張皇左宗棠請令鄭敦謹一面另籌調兵募勇
一面先儘現有兵力嚴為設防即著該署撫懷遵疊次
諭旨實力嚴防如另有可調之兵暨添募勇丁之處並
著趕緊籌畫以期有備無患已革臬司陳湜因病乞假
旋省已諭令仍赴防所惟既交卸臬司篆務深恐調度
不靈反致誤事著鄭敦謹刊就木質關防發交該革員
開用責令督率各員嚴密防堵以資統攝新任臬司蔣
益澧屢催赴任迄未成行晉省防務喫緊何得托故遷
延著劉崑傳知蔣益澧迅即馳赴本任應行選募勇丁

續編卷十五

古

若干即由該臬司自行酌度辦理所須餉項著郭相蔭
劉崑何璟先為墊給以利進行蔣益澧到任接辦防務
後所有在防文武兵勇概歸節制調遣如有粉飾疏忽
抗玩軍令者即由蔣益澧稟知鄭敦謹從嚴參奏其一
切應辦事宜並著蔣益澧隨時與鄭敦謹妥商籌辦以
副委任左宗棠本有節制晉省軍務之責一切布置機
宜仍著該大臣妥籌兼顧毋得稍分畛域貽誤事機湖
北湖南各營保奏記名提鎮人員其中如有曉暢戎機
長於訓練能定心定力整頓營務者著郭相蔭劉崑悉

心察訪出具切寔考語隨時奏聞候旨錄用將此諭知
左宗棠並由五百里諭知鄭敦謹郭相蔭劉崑並傳諭
何璟知之欽此

續編卷十五

古

請增撥巨款以利戎機摺

奏為餉項苦絀懇

恩增撥巨款以利戎機而奠危局仰祈

聖鑒事竊陝甘變亂已久軍威不振其原因由於餉源奇絀無以養軍致士氣日頹無以制賊迫為時既久賊勢仍張復議廣募客軍以求速戰之效於是兵數日增而餉事日絀非僅不能制賊且更以增賊今之士匪哥老匪游勇潰勇則皆無餉之軍不能制賊反以增賊之明驗也餉足則將能馭軍而軍不敢犯兵能衛民而民不

續編卷十五

七

受擾不足則反是聖人論政以足食為先如不得已則以去兵為急事理昭然豈必今異於古陝甘餉源之絀人皆知之陝西每年缺餉一百四十餘萬兩甘肅每年缺餉三百餘萬兩均經署撫臣劉典署督臣穆圖善陳奏臣前疏請撥定餉謂陝西每年缺餉一百五六十萬兩蓋並臣親軍各營合計不僅一百四十餘萬兩也謂甘肅每年缺餉二百餘萬兩蓋除歸併陝西供支之甘軍而言謂約止二百餘萬兩也合兩省計之缺餉總在四百餘萬兩從前髮逆捻逆未平天下之患在東南財

賦之鄉中原腹心之地勢固難以全注之西北一隅疆

臣坐視淪胥不敢為過望之請計臣但期敷衍無以應

如願之求往復空文徒成畫餅茲幸捻氛淨掃海宇蕩

本各省解嚴與民休息計清釐積欠酌留兵勇為費雖

尚不貲而節出之餉需贏餘之釐金洋稅總不下千餘

萬兩用東南之財賦贍西北之甲兵各省勢本有餘而

陝甘則得半斯足此可為陝甘常年經費請者也

諭旨允軍機大臣戶部之請撥各海關六成洋稅項下

銀一百萬兩為臣西征定餉由臣酌撥甘肅自本年十

續編卷十五

七

二月起按月協解為數本不為少惟臣親軍各營五千餘外新開馬隊九營挑留吉林馬隊三起此外劉松山新增步隊三營馬隊一營郭運昌新增馬隊一營又全福增募吉林民勇馬隊三百皆踰於常額計日授食每月即需八九萬兩何有贏餘分撥甘肅且此項既自十一月起算各海關縱如數如期協解水陸程途逾數千里非俟明年春夏之交頭批不能抵陝此數月閒懸軍待餉遇有調發何以應之或者陝餉尚有存餘堪資挹注則挪彼應此事猶可為而途次接閱劉典抄摺咨會

知洋款業經用盡林壽圖詳稱司庫一空如洗穆圖善方索分洋款咄咄逼人即欲稍事通融憑何著手而尤可惜者秦中兵事經劉典調度大有轉機諸將士盡力殫誠著有成績觀回逆之分議移巢土匪之款營乞撫可見其震懼兵威茲復聞臣弭節西旋軍容甚盛其恟懼是在意中如果糧餉充裕因其恟懼攻之事半功倍留奏諸將領絨牆頻來亦均有急擊勿失之請臣謂臣方挈重兵鉅餉還秦勤撫兼籌事無不克而不知臣方垂橐入關兵力雖屬有餘餉事無從取給也無論籌勦

續編卷一五 五

則必與行糧儲芻粟設轉運籌撫則必籌安插給口食散籽種非有寬餘款項應手不能隨時舉辦即令按兵坐食一無所事又能枵腹忍飢遠待數千里外隔年之協餉以舉火哉合無仰懇

天恩飭兩江督臣江蘇撫臣湖廣督臣湖北撫臣兩廣督臣廣東撫臣粵海關監督各海關六成洋稅各照軍機大臣戶部原撥之數共計一百萬兩提前協解務於今臘明正到陝以應急需如各海關一時未能湊集如數即援照成案仍由各督撫臣出備印票交臣上海轉

運局福建道員胡光墉領收轉向洋商借取現銀解陝以期捷速仍由各督撫臣按期撥還歸款其息銀先於借款內劃扣統由臣報銷計此項提前數月到陝臣可將亟應辦理各事及時籌辦不致坐失事機而於各海關款目仍無出入其此項未到之前遇有緊急機宜陝西無款可籌并懇

續編卷十五 五

天恩飭下山西撫臣於河東鹽課項下無論京協各款提撥二十萬兩迅速解陝庶期就近有款接濟掣肘無虞臣得一意經營別無顧慮陝西大局之幸也至陝甘全局之安危不爭一時兵事之利鈍緣地方彫弊異常又頭緒紛繁刻難就理一面用兵即須一面籌辦善後庶幾一了百了後必無災診疾雖在延醫處方必須購藥藥品足備攻達乃神治重病則藥不得輕治久病則功難求速應仍懇

天恩飭下軍機大臣會同戶部妥籌陝甘常年寔餉自明年伊始事定而止每歲於各海關洋稅各省釐金項下劃提銀四百萬兩分給陝甘酌時勢之緩急定協餉之多寡臣當率在事諸臣盡心力之所能到者電勉

圖維與西事相終始期挈全境還之

朝廷斷不敢或作或輟虛負

恩知亦不致以餘粟餘財自汙素節區區愚悃冀荷

鑒原所有兵情賊勢及分支洋款細數應俟抵西安後

會同劉典據寔馳報合併聲明伏乞

皇太后

皇上聖鑒訓示施行謹

奏 同治七年九月二十四日

軍機大臣奉

續編卷十五

手

旨軍機大臣會同戶部速議具奏

遵 旨覆陳摺

奏為遵

旨覆陳事竊臣於九月十二日湯陰縣宜溝行次欽奉
九月初十日

寄諭給事中陳廷經奏西陲未靖宜及時抽調會勦屯
墾招安敬陳管見一摺現在直東等省雖已肅清而粵
捻各股降眾在各軍中尚不下三兩萬人各省凱撤兵
勇為數亦多陝甘軍務方殷左宗棠所帶之兵不過三
萬該給事中以東皖等省或酌留萬餘人或數千人坐

續編卷十五

手

耗糧餉不如驅使勦賊請留養精銳以杜亂萌分路進
兵防勦互用及時興屯兼備安撫所陳不為無見陝甘
防勦事宜是左宗棠專責李鴻章勦賊有年於東南將
士性情知之最悉該大臣等均屬國家重臣當此邊陲
未靖自應急籌長策以收底定之功著即就該給事中
所奏各條彼此緘商務須屏除成見通籌全局迅速奏
聞以資採擇欽此跪聆之下敬仰我

皇上眷念西陲急籌底定至意竊維陝甘不靖山西所
恃以為固者黃河白塞上地東折而南流足以陷戎馬

之尼耳兵從秦出由東而西晉防尤宜布置謹嚴毫無罅漏然後秦軍進剿無前突後竭之虞晉防復嚴得形格勢禁之道庶幾屏蔽寬而關鍵利大局固而異患銷是故欲重黃河之險固宜合秦晉以通籌而欲一秦晉之心又宜分防勦而并任也按山西河防自河曲保德以南夾岸山谷迤邐有險可據前據陳湜緘稱已一律修砌壘卡設險增防似西河一帶尚可無虞近奉諭旨飭豫軍分防中路並以大支徑駐榆林接李鶴年緘稱已遵調張曜宋慶各增募數營赴防是北路亦期

續編卷十五

三

嚴固惟綏遠歸化地界極邊薩托清等處黃流淺漫地勢平衍間該處兵力殊不足恃定安來緘亦以此為慮此固秦晉所難代謀者也陝回被剿窮蹙鋌走草地亦在意中似宜預事防維早為之所臣前於陛辭後接晤李鴻章論及西事亦深知秦隴餉事太絀不能用眾而旋有簡選銳卒相助之說三品銜候補翰林院侍講學士袁保恒曾為臣言伊故父袁甲三舊部併隸李鴻章中多可用者意欲於淮軍中選募成軍自當一路臣甚壯之該員現在都寓可否

飭下袁保恒令其赴淮選募成軍刻期入晉徑駐歸化城作為游剿之師相機截擊於大局實有裨益所有該軍餉需自應由李鴻章寬為籌備李鴻章如赴新任應為酌定的餉源源籌解方無掣肘之虞併請飭下李鴻章妥為籌畫山西塞外有此一軍局勢庶臻嚴密如蒙

俞允則金順一軍俟宋慶到榆林後應仍回駐定邊花馬池聯絡銀條梁甯夏一帶以扼草地之衝秦之北路隴之東北晉之西北均可相庇以安矣至袁保恒已蒙

續編卷十五

三

恩擢至翰林學士例得奏事如蒙簡派所有該處軍務應否令其會同定安具摺馳報以期徑捷之處出自

聖裁所有遵

旨覆陳原由謹據實馳

奏伏乞

皇太后

皇上聖鑒訓示施行謹

奏 同治七年九月二十四日

派員緝游勇片

再臣於前月十九日

陛辭後二十六日啟行南下九月初八日行抵河南彰德府入親軍營會師西向時因各軍製備寒衣未齊駐候四日十二日始克拔行十八日馳抵懷慶府孟縣分起渡河因河南辦工運料船隻調赴下游渡船稀少臣軍馬步二萬四千有奇戰馬車馱頭日數已逾萬按日以次渡河開值西北頂風尤難順速計尚須兩三日全軍始克畢渡由直隸拔營以來沿途皆支帳安鍋兵勇

續編卷十五

五

野處不入城市採購一切均照民間時價軍民相安惟入豫境以後時有游勇冒充官兵於師行前後數十里間公行剽劫即告假弁勇亦時遭其害緣地方當四達之衢各省革勇游勇及散遣之勇易於會聚為害商旅已派員緝緝并飭附近地方官隨時查拏懲處直隸河南秋稼豐稔民氣恬熙尚堪仰慰

慈廩謹附片陳明伏乞

聖鑒謹

奏 同治七年九月二十四日

軍機大臣 字寄同治七年九月二十九日奉

上諭左宗棠奏籌防歸綏派員緝游勇吳坤修奏請派大員督辦省防長江皖南各釐請歸還安徽會辦隄事宜各摺片覽奏均悉綏遠歸化地界極邊薩托清等處黃流淺漫防務極關緊要著左宗棠會商定安等嚴密防維妥為布置該大臣請飭袁保恒選募淮軍徑駐歸化並令會同定安奏事之處均毋庸議陝甘匪勢蔓延左宗棠當統率各營迅速殄除醜類豫省游勇冒充官軍於師行前後數十里間公行剽劫弁勇亦遭其

續編卷十五

五

害左宗棠雖已派員搜捕李鶴年當隨時督飭地方官寔力嚴拏按律懲辦皖境游匪乘機搶掠去省數里劫案迭出哥老案匪到處皆有尤慮互相勾結吳坤修現駐壽州未能兼顧所有省城防務著即責成裕祿認真辦理遇有匪徒滋擾盡法懲治以靖地方山東至清淮一帶亦有游勇混迹搶掠行旅著張之萬丁寶楨飭屬嚴拏務獲究辦吳坤修所稱皖餉之絀現聞淮軍議撤請以長江皖南釐金除每年撥歸水師三十二萬兩外其餘概歸安徽等語即著曾國藩馬新貽丁日昌吳坤

修會商辦理豫省決開隋隄借道放水皖境宿州及靈泗等處必罹重災民命攸關不可不慎益加慎著曾國藩馬新貽張之萬蘇廷魁李鶴年吳坤修悉心籌商妥為辦理毋得以鄰為壑貽害民生將此由六百里諭知曾國藩左宗棠馬新貽張之萬蘇廷魁丁日昌丁寶楨李鶴年並傳諭吳坤修知之欽此

請停皖捐分局片

再臣據陝西捐餉總局詳稱陝甘餉源日涸亟盼捐款接濟惟查皖捐章程輕減異常各捐生避重就輕以致

續編卷十五 奏

陝甘軍務毫無起色現在東南肅清皖省防軍漸次裁撤該省餉事料無庸藉助各省捐輸所有皖捐各省分局應請一律飭停俾陝甘捐務稍期應手等情前來臣覆查無異應請

旨飭部核議安撫所設各省捐局應否一律停止俾陝甘捐局不致盡成虛設謹附片具陳伏乞

聖鑒訓示施行謹

奏 同治七年九月二十日奉

軍機大臣奉

旨戶部議奏欽此

續編卷十五 奏

恪靖奏稿續編卷十六目錄

奏報旋陝日期及會籌調度摺

陝省西北兩路剿賊獲勝摺

劉端冕截剿董志原竄回續獲大勝片

劉厚基進剿清湖兩獲大勝成定康克獲奇捷片

續編卷十六目錄

奏報旋陝日期及會籌調度摺

奏為恭報微臣旋陝日期及會籌調度情形仰祈

聖鑒事竊臣於九月二十七口孟津渡河後按站遺行

沿途得各路軍報知回土各匪雖肆鴟張而各路布置

既得地勢將領復極一時之選大局穩固差可無虞私

懷稍慰十三日行抵西安庫克吉泰劉典率同副都統

司道各員跪請

聖安畢臣晤商一切連日會籌軍事調度軍食而甘肅

提督高連陞署漢中鎮總兵李輝武道員黃鼎魏光燾

續編卷十六

閩臣西還各自防所來見稟商軍事臣比逐一詳詢益

知劉典運籌之審陝西全局東北延榆綏一帶為甘肅

土匪所侵擾人數甚多潰勇游勇飢民居其大半亦有

甘回附麗其中西南收回盤踞董志原老巢號稱十八

營其地本甘肅甯州轄境北接慶陽南連邠鳳東北直

達邠延陝回而外甘回漢回之嗜亂無歸者漢民之被

脅從教者亦屬雜其中合計兩路回土各匪人數近二

十萬幸將士一心每戰皆捷斬滅過當

皇威暢而人心定大局應可無虞所有近時各軍獲勝

情形謹會銜馳報見與劉典熟議乘勝進逼分途剿辦以速戎機高連陞一軍分營進駐廟莊楊家店一帶周紹濂一軍分營進雙柳樹魏光燾一軍由張村進王家角以漸達慶陽劉端冕一軍仍駐鄜州甘泉以扼東西關鍵此為中北路之兵調吳士邁全軍赴鳳翔與黃鼎鄂州之軍張岳齡喻步連沂隴之軍李輝武寶雞之軍相聯絡臣復調步隊兩營馬隊八營赴鳳翔預備會剿此為西南路之兵兩路皆所以剿回也吳士邁劉端冕既剿敗楊馬諸回酋鄜州洛川甘泉肅清劉厚基成定

續編卷十六 二

康既剿敗高李諸土匪延長延川青澗綏德亦漸有肅清之望臣現調郭連昌所部卓勝馬步八營由同州韓城赴宜川以進延長適郭運昌累得寒疾甚重行至同州馳稟請假現令提督蔡光武代領其軍二十三日始拔營前進其劉松山全軍現在洛陽整理尙須時日臣擬飭其由茅津渡河入山西乘冰橋赴陝以期周密現據韓城縣稟禹門以上冰橋早成雖晉防今歲增兵修堡守禦較嚴土匪伎倆遠不如捻然臣親承慈諭剿賊須由東而西不敢不慎益加慎其榆林有金

順之馬步十二營改兵為勇四營兵力本不為單惟金順所部終須移駐靖遠一帶頃接張曜稟初九日始由汴啟行計抵榆林尙須月餘非俟張曜到後金順不能移赴靖遠且所部英禮十營慮不足恃也此東北路北路之兵尙待綢繆者臣前疏請增歸綏之軍未荷俞允竊慮終須稍留

聖意頃據黃鼎面稟董志原回巢所需百貨近從金積堡遠自歸化城轉販而來土年包頭地方曾有回逆買馬之事似所稟未盡無因大抵陝甘之患未平歸綏之

續編卷十六 三

防斷不宜弛以蒙兵綠營駐防之兵均難深恃而地當京畿右臂設險宜先期明宣府大同邊防並重良非無故也伏乞聖慈曲垂鑒納臣所帶親兵一營後路五營吉林馬隊三起現結營西安城西擬俟各軍到防河東之餉提到再相南北兩路緩急赴之至回土各匪聞臣軍回陝亦頗懷震懼現據各路稟報有移巢者有乞撫者然皆未足信惟當不執成見慎以圖之以求仰紓聖慮所有會籌布置情形謹據稟馳

奏伏乞

皇太后

皇上聖鑒訓示謹

奏同治七年十月二十六日

續編卷十六

四

陝省西北兩路剿賊獲勝摺

奏為陝省西北兩路各軍連日剿賊獲勝現籌防剿各情形恭摺仰祈

聖鑒事竊陝甘各軍攻剿靈台涇州一帶竄賊獲勝該逆敗退董志原並分股竄擾宜川地境撥營剿辦各情形業經臣庫克吉泰等陳報九月二十一日洛川守將劉竹田訓知回騎數百竄至龔家原之葫蘆河劉竹田率輕騎擊之二十二夜直搗葫蘆河賊巢克之躡追至王家河賊勿回拒官軍奮威衝殺斬悍賊十餘騎而還

續編卷十六

五

二十九日賊騎數千由甘泉府村竄入直趨勞山分股竄及麻子街提督劉端冕所部分防甘泉道左舖之左營總兵銜副將劉士祈聞警率隊至老人舍擊之斃賊不少逆勢頓挫仍由原路竄去少頃大股復從麻子街蜂擁而至劉仕祈留總兵陳光明率三成隊守營派該營後哨列隊河溝防後路自率親兵及三哨七成隊出擊正酣戰間另股逆騎萬餘忽繞由對岸山溝衝至駱馱原將後哨重疊圍裹劉仕祈一面飛報鄜州請援一面率隊回救而山後騎步各賊併勢壓下又圍劉仕祈

隊劉仕所縱橫血戰猛氣甚厲賊欺其單旋却旋進弁勇傷亡已多劉仕所身帶十餘創猶手刃悍賊數名力竭而殞其前哨哨官留陝泰將曾恒勝並游擊魯桂德把總謝文泰均因翼蔽劉仕所植立不移同歿於陣弁勇陣亡者七十餘名是日劉端冕探悉大股竄至鄜州城北二十里之劉家岔一帶率中後兩營往剿中途得劉仕所急報即令副將喻先知率後營從榆林橋徑趨道左備覓該逆正圍攻左營壘即麾所部衝殺圍解賊遁復併力而前急趨劉仕所戰所則已無及矣劉端

續編卷十六

六

冕將岔口村賊擊敗後率所部合隊追剿至麻子街斬殿後賊十數名生擒七名據供此股回逆係余馬兩偽帥率眾五萬分作三股一攻鄜州一竄延安一竄宜川等語訊畢斬之劉端冕令後營暫駐道左舖自率中營回鄜城十月初二日回逆大股分竄開撫鎮廂西鎮馬蹄莊舊縣等處分防舊縣之總兵凌默發堅守舊縣城堡逆不得逞逆騎數千竄至牛德鎮將趨鄜州劉端冕聞報飛飭駐道左舖之左後兩營准備俟該逆回竄麻子街即出隊截擊一面督率中前兩營及馬隊赴鄜截

剿行十餘里遇逆騎數千飛奔而來馬隊向前衝殺斬悍賊十餘名賊瞥見我軍步隊大至即回馬狂奔劉端冕督隊猛追將近午午鎮該逆大股列陣平原意圖拒敵我軍抬陣以進始以劈礮向賊聚處轟擊斃賊百餘名繼以洋鎗連環迭進戰十餘回合擊斃悍賊十餘名該逆漸却官軍奮威衝殺賊益不支遂向英汪鎮鼠竄而去劉端冕仍率隊回鄜此九月二十九月初二等日劉端冕剿賊獲勝情形也其由英汪鎮竄至吉子峴之賊已及洛川屬之交口河一帶提督周紹濂率中後

續編卷十六

七

兩營於初三日馳赴鞍子頭會合所部左營扼之交口擊敗之賊復分兩股遁去其一股竄赴洛川東北兩鄉圍攻樂安金牌草地各寨適臣劉典調赴洛川剿賊之員外郎銜中書吳士邁先日起到縣境旋令禮營哨官都司李耀卿等率隊赴援草地民寨令副將謝盛楠率義營援黃章民寨令游擊余清勝率智營援金牌民寨令副將劉竹田率鎮西營提督銜邱時成率馬隊泰將劉厚福率仁營援樂安民寨初三日卯刻分四路而進劉竹田等行近樂安寨忽聞該寨已於先日被賊攻破

劉竹田卽率所部直撲南門寨中踞逆方列械抵拒因見仁營與馬隊由左右抄出恐斷後路遂盡棄糧畜由北門竄去旋復勒馬擁眾拒敵劉竹田劉厚福邱時成等三面夾擊斃賊多名賊遂北竄謝盛楠余清勝至黃章金牌等寨賊望見旂幟亦卽解圍北竄李耀卿等至草地該逆正在環攻民寨各路敗賊併集一處李耀卿大呼陷陣賊勢披靡且戰且走少頃仁義智營與馬隊鎮西各營躡踪追至洛川縣知縣王浩鄜州州判周貴庠各督團丁亦到四面夾擊斃賊多名奪獲糧畜甚夥

續編卷十六

八

該逆由舊縣一帶竄去我軍追至田家村忽據探報東鄉有回騎數千亦在圍攻民寨遂令收隊回援適東鄉槐柏塔子坪五十村童張彭溪北頃南頃各寨民人來營請援吳士邁卽留邱時成馬隊與鎮西營留防北路兼顧糧運令仁義禮智四營於初四日赴東鄉進剿行六十餘里至槐柏寨已近黃昏該逆聞風均退向塔子坪一帶塔子坪距槐柏十五里北頃距槐柏二十五里南頃距槐柏三十里爲該逆回竄必由之路遂傳令三更造飯三更出隊維時總兵朱德樹知縣張遂生率信

誠兩營隊伍亦至遂分三路進剿禮仁兩營進剿塔子坪義營與知縣王浩率團丁進剿北頃信誠兩營進剿南頃智營伏於南頃三里外之溝口並派親兵兩哨伏於溝口左右五更時五營齊撲大小鎗礮連環轟擊聲震山谷逆賊倉皇失措莫知所之轟斃焚斃隨處谷罅樹石而斃者不計其數其由各路竄遁之賊甫近溝口復經智營伏兵邀擊鮮得脫者計斃賊紛二千有奇奪獲馬騾千餘匹洋鎗二十三桿生擒四十三名訊明斬之其各路糧畜先派同知李謙升知縣蕭啟基從九羅

續編卷十六

九

日章縣丞曾貴和分督親兵四處收集隨傳就近各寨民自行搬取糧食認領耕牛當時未經認領者卽交洛川縣散給貧農惟戰馬騾驢留當兵勇此十月初三四等日吳士邁一軍剿賊洛川克獲大勝之情形也其由吉子峴退竄者初四日提督周紹濂飭副將周玉林率隊赴安子頭與左營合駐初六日逆騎數百竄至石家峴大股數千聚踞古樓村周紹濂卽夜令副將劉甫田率右營於初七日出隊石家峴令前左兩營總兵董玉春及周玉林各率所部取道阿當寨由右路直趨古樓

村除留隊守中部城外自率中營督同泰將毛正明率後營中右後三哨取道王村由左路進赴隆防令總兵李良穆分率後營前左兩哨扼伏王村要隘以防石家峴竄逆周紹濂抵隆坊時前左兩營已與該逆接仗兩路列隊鎗礮環攻該逆漫山遍野躍馬衝撲周紹濂率中營四哨由右向古樓村包抄前進飭毛正明率所部及守備周崑率中營後哨由左進維時前左兩營已擊斃當先悍逆十餘名落馬賊見我軍左右抄出各弁勇銳氣百倍進戰愈力總兵趙興雲副將陳高華都司周

續編卷十六 十

曙良各率隊於右路奮勇衝突而前毛正明下馬挺矛殺入副將劉鳳舞游擊周雲吉守備周崑率隊隨之兩路鎗礮交轟賊益不支紛向馬鞍村原路竄去計其斃賊三百餘名會雪勢愈勁山路凝滑收隊而返此十月初七日周紹濂剿賊中部獲勝情形也同時竄擾西路者回酋馮阿渾郭阿渾張萬寶馬正和馬長順馬文舉等十月初一日由董志原糾黨內犯竄至隴州陽家河一帶連亘四五十里初三日直逼城下鹽運使銜試用道候補知府喻步蓮率所部義勝三營截擊該逆且戰

且走一股萬餘人由隴城西走曹家灣折竄州南白家河朝天坡等處一股七八千人由隴城東走折竄州南蘇家灣臨林川八渡等處並分屯杜陽迤邐下趨悍騎駛至距汧陽二十五里之寇家河而自隴城南竄之賊尙紛至未已甘肅臬司張岳齡慮上良朝那之賊由新集鎮逆犯大灣領派參將胡弼武帶隊馳赴龍頭伏龍等堡以遏闖入馮坊河之路復督各營扼剿於寇家河初五日八渡之賊竄擾新街鎮零騎擾至寶鷄之縣頭鎮初六日道員魏光燾率馬步七營馳赴汧陽會同張

續編卷十六 十一

岳齡進剿初七日出隊行至草碧灘遇賊騎擊之返奔忽大雨如注將士衣履盡濕遂暫駐稍憩是日署漢中鎮總兵李輝武亦由寶鷄防所率部馳抵新街初八日大雪難行探報回逆有由上良東趨者李輝武恐其乘虛闖入寶鳳仍率隊回寶鷄張岳齡等訶賊尙踞隴境初九日雪止乘霧進抵杜陽查探該處係逆酋張萬寶所帶聞風宵遁其自八渡竄出者因官軍攔截仍伏山中未刻各營抵隴州與義勝各營連絡分路探防諸賊以官軍大集先後乘夜出竄自南而西距州城十餘里

如繩如蟻絡繹不絕知府喻步蓮獲賊探據供馮馬各酋原擬飽掠後由杜陽草碧分隊回巢不料官軍大至祇得傍州城奪路夜竄喻步蓮密派勇丁二百名潛伏要隘截之斬獲頗多初十日卯刻張岳齡率所部出西門至溫水溝見該逆滿布川原馱糧絡繹向西北楊家河一路而走斷後騎賊三千餘人一見官軍即齊隊衝突張岳齡派副將李獻厚知縣鍾顯謨率中營從右進總兵黃儲寶州判唐楚榮率左營從左進總兵蕭賞謙府經歷余修鳳率右營從平頭原下擊親督知縣余家

續編卷十六

三

珍帶親兵繼之道員魏光燾派總兵吳禮德周勝元各率馬隊踵至張兩翼包抄該逆分途抗拒都司張佐廷率十餘騎首先突陣轟斃馬賊多名參將陳清輝左手受矛傷力戰不退吳禮德等馬隊奮勇抄截平江營劈山礮中轟逆勢不支紛紛敗潰然猶時散時聚奔而復戰正在追殺間忽把關口橫出一股前來迎敵喻步蓮繼至整隊當之總兵蕭羣魁擊其左參將龔曉亭擊其右參將劉寶元敵其中喻步蓮自率撫標馬隊及中營親兵緊相策應該處深溝陡岸逆騎不能馳騁亟以排

礮轟之逆眾擁擠自相踐踏我軍齊隊進擊該逆棄械狂奔劉寶元率馬勇跟追約三里許為該逆伏騎所困總兵蕭羣魁等率哨弁游擊張金榜千總彭雲開外委魯大元策馬赴援步隊續至該逆始大敗而逃於是恪靖馬隊逐北谷中平江義勝各營躡蹤原上遇賊即殺伏屍縱橫雪地為赤直至距城四十餘里之李家河蘇家圍始行收隊魏光燾於先夜五更率武威升奇各營出隊向南原潛伏天色甫明該逆果由山內蜂擁而來為數不下萬餘伺其過半即率伏兵齊出截擊該逆猝

續編卷十六

三

不及防紛紛驚潰立斬四十餘名羣逆忽齧聚併力轉關我軍列陣逼剿鎗礮齊施悍黨下馬持矛猛撲各將士奮力相搏鏖戰逾時升用提督左日升總兵于奇泮同副將石茂林陳家貴游擊張清和千維槐等各手刃數賊該逆敗近河岸猶敢回拒升奇兩營協力奮擊賊乃大敗左日升等追殺二十里至米家山魏光燾督武威中後兩營追至玉村川逆酋立馬橫刀喊黨死鬪魏光燾飭總兵熊道瀆參將王致和由小路抄賊之後參將何昌梓由大路擊賊之前兩面夾攻游擊魏紀奎率

親隨馬隊陣斬賊酋一名賊盜震駭追殺三十里至余家堡沿途擒斬賊黨日晩始行收隊張岳齡自楊家河折回州城南抵太平堡得悉武威等軍獲勝追奔遂列陣南原至此始行會合收隊回營尙恐南山內外餘匪伏匿爲患張岳齡等於十一日督同各營官帶隊分路入山搜捕均有擒斬隴州境內一律肅清是役計共殺賊二千有奇生擒三百五十七名奪驟馬千數百匹拋棄糧食填塞道路均任窮民收取訛據擒賊供稱逆酋聞大軍十萬西來亟圖廣擴畜糧爲分巢抗拒之計因

續編卷十六

十四

窺隴州兵單可以飽掠不料鳳郡沂寶各軍迭集致受此挫訛畢分別斬釋此十月初四初七初九初十一等日張岳齡魏光燾喻步運等剿賊大獲勝仗之定在情形也所有此次尤爲出力之總兵雄勇巴圖魯黃儲寶留江補用總兵蕭賞謙請
賞加提督銜總兵銜留陝補用副將節勇巴圖魯李獻厚請以總兵仍留陝西補用花翎湖南補用都司張佐廷請以游擊仍歸湖南遇缺即補藍翎運同銜遇缺儘先選用知縣鍾顯謨請以同知儘先選用同知銜藍翎

州吏目補用州判唐楚榮請補州判後以知縣遇缺即選升用提督補用總兵左日升提督銜補用總兵于奇泮均請

旨交部從優議敘福建簡放總兵摯勇巴圖魯吳禮德福建儘先補用總兵熊道濱均請

賞加提督銜補用總兵周勝元兩湖儘先補用副將陳家貴均請

賞給勇號留閩儘先補用副將石茂林請

賞加總兵銜即選泰將何昌梓花翎儘先補用泰將王

續編卷十六

十五

政和副將銜儘先補用泰將劉洪勝均請以副將儘先補用福建補用游擊張清和花翎湖南補用游擊魏紀整均請以泰將仍留原省補用花翎儘先補用游擊于維棟請以泰將儘先補用總兵蕭羣魁副將銜四川補用泰將翼曉亭副將銜泰將劉寶元均請
賞給勇號副將銜儘先泰將嚴昭順請以副將儘先補用泰將銜儘先補用游擊張金榜請以泰將儘先補用並加副將銜藍翎千總彭雲開請以守備儘先補用儘先外委魯大元請以把總儘先補用並

賞戴藍翎以昭激勸其力戰捐軀之總兵銜儘先補用副將劉仕祈人素樸勇邁城大股蜂擁而至縱橫血戰力竭捐軀深堪憫惜應請

旨交部照總兵例議卹留陝補用參將曾恒勝游擊魯桂德把總謝文泰力衛主將卒以身殉應請

飭部照例議卹以慰忠魂所有西北兩路官軍獲勝情形謹合詞馳陳伏乞

皇太后

皇上聖鑒訓示施行謹

續編卷十六

去

奏 同治七年十月二十六日

劉端冕截剿董志原竄回續獲大勝片

再正拜摺間復接統領楚軍前路記名提督劉端冕稟報初九日詢知洛川逆回經吳士適擊敗後復回竄邠州境袁家寨開撫鎮邠西鎮等處夜攻寨堡劉端冕卽飭總兵陳光明率中前左三營三成隊伍留防邠城近隘飭右營及鎮西營於初十日馳赴舊縣剿親率中前兩營由相思鎮前進午刻馳抵舊縣謀報賊尙踞袁家寨開撫鎮未動適大雪紛飛頃刻盈尺官軍亦難前

進是夜四更雪止出隊十一日卯刻抵袁家寨比飭右

營鎮西營繞高原下扼賊東竄中前兩營從正路進馬隊列高原上防賊包抄天明直逼寨前賊聞鼓聲大震

倉卒出寨拒敵官軍奮威衝殺立斬悍回百餘賊騎因雪擁山徑顛蹶不前官軍併力蹙之窘而東趨適遇右

營鎮西營從寨東兜剿而上鎗礮齊轟斃賊不少賊向開撫鎮北竄官軍乘勝躡追沿途擒斬尤眾是夜收隊

袁家寨四鼓出隊十二日黎明擊之開撫鎮鏖戰三時追戰十餘里斬賊四百級生擒賊目羅平兒等十七名

續編卷十六

七

賊向屈家灣英汪鎮一路遁走劉端冕慮其將由勞山麻子街道左舖舊路歸巢飭右營鎮西營仍回原防自率中前兩營於十三日回邠飭駐甘泉之後營准備截擊十四日戌刻賊果由麻子街道左舖兩路回竄十五日中前兩營及馬隊五更出隊十六日甫抵道左舖賊正搶渡官軍薄之溺斃中流者無數其由麻子街竄出之賊經後營截擊擒斬亦多計劉端冕一軍一十二十五等日三戰共陣斬悍回千餘名奪獲糧食牛驢旂幟鎗矛無數訊據生擒賊目等供回酋楊文治馬生彥

等擬攻韓城作巢穴開大軍自同州來遂決計西竄歸巢十二日開撫鎮之戰楊文治左脅中礮子傷未知其死活也據此則由鄜甘東竄回逆盪經痛剿兇鋒亦少挫矣所有劉端冕一軍截剿董志原東竄回逆續獲大勝情形謹附片陳明伏乞

聖鑒謹

奏 同治七年十月二十六日

劉厚基進剿清澗兩獲大勝成定康克復奇捷片再陝西延綏一帶甘肅土匪董福祥李登等不時出沒

續編卷十六

六

股數甚夥除履彰一股業於延安就撫外餘皆四出竄擾巖谷之間蜂屯蟻聚號稱十餘萬游勇潰卒黨附之者計亦不止數千據延榆綏鎮總兵劉厚基稟報由延安赴榆林署任行抵清澗訶知土匪於縣境攻寨掠食勢日猖獗遂擬駐營搜剿九月二十五日謀報縣城東北四十里有土匪大股圍攻師家溝一帶民寨甚急劉厚基即派隊分道馳援副將李作福鄧登科都司姚發義先進乘其不備擊之斃賊二三百名羣匪敗退郝寨王寨圍解追過一山大股馬步各匪蜂擁而至劉厚基

令總兵田玉廣提督王雲李游擊陳國珍分三路齊進親率馬隊繼之叅將李恒勝張正喜鄧萬盛等首先陷陣立斬賊目數名賊勢稍卻劉厚基縱馬衝擊號鼓齊鳴三路畢集鎗礮止刀矛接賊屍遍野官軍奮威衝殺銳氣百倍賊擁擠墮崖墜澗者無算逐北至師家溝復前追十餘里始收隊還計其斃賊千餘名生擒三百餘名奪獲馬騾驢千餘頭牛羊糧食甚夥訊據匪目李玉青余貴保供此股匪目為匪首高福祥所統之李雙良李棟均甘肅固原州人此次由綏德州之雙湖峪入

續編卷十六

六

訛畢斬之是夜探報另股回眾正在九里山掠食剿敗之匪已到曹家溝圍與合勢攻掠民寨劉厚基即令各營向九里山進二十七日卯刻抵奧林寺分遣王雲李游擊陳國珍先由左右山路急繞賊後田玉廣由中路迎擊馬隊繼之鄧萬盛及清澗縣知縣趙聿灝帶練勇扼各隘口匪眾聞官軍且至率黨向前抗拒劉厚基度王雲李等已出其後親督中路馬步各隊併力進擊正鏖戰間陣後鎗礮齊震匪眾知官軍已繞出其後倉皇紛竄官軍四面縱擊遇賊即斃計其斬賊千餘名生擒

百餘獲騾馬二百餘匹追過曹家溝二十里至柱腰坪
乃還此九月二十六七日劉厚基進剿清澗土匪兩
獲大勝是在情形也署綏德州知州道銜知府成定康
緘報九月二十八九等日董福祥李登等率眾數萬句
結回酋馬天喜突犯州境成定康得報後密率所部三
營隊伍伏於田莊鎮之薛家寨初一日黎明大股驟至
成定康出其不意麾所部三面截擊賊駭而奔官軍鎗
礮刀矛並進霎時賊屍枕藉並生擒馬天喜計共殺賊
四千有奇奪賊騾馬二千有奇克復奇提其詳細情形

續編卷十六

三

尚未據稟報然成定康曾在臣宗棠軍營辦理營務有
年習知其血性過人素好奇計信其所陳非妄也初四
日劉厚基飭陳國珍王雲孚及副將胥榮富迎擊慕家
河掠食之匪斃匪數百生擒匪目陳永思等七十五名
奪獲旂幟軍械數百件騾驢四百餘匹初六日搜剿柴
家坂攻寨之匪匪眾解圍鼠竄劉厚基於初八日進綏
德州所有東北路勘匪登獲大勝情形謹據寔馳陳伏
乞

聖鑒謹

奏同治七年十月二十六日

同治七年十一月初三日內閣奉

上諭左宗棠等奏官軍分路剿賊迭勝請將出力陣亡
員弁懇恩獎勵賜卹一摺甘肅董志原踞賊分股竄擾
陝西鄜州洛川中部各境經提督劉端冕周紹濂中書
吳士邁等先後截剿連日獲勝其竄擾西路賊匪直倡
隴州亦經臬司張岳齡等督率各軍協力奮擊殺賊二
千餘名生擒三百餘名奪獲騾馬千數百匹隴州境內
一律肅清剿辦尚爲得手仍著左宗棠等督飭各軍乘

續編卷十六

三

勢進剿迭掃賊氛此次尤爲出力之總兵黃儲寶著賞
謙均著賞加提督銜副將李獻厚著以總兵仍留陝西
補用都司張廷著以游擊仍歸湖南遇缺即補知縣
鍾顯謨著以同知儘先選用州判唐楚榮著俟補州判
後以知縣遇缺即選提督左日升總兵于奇泮均著交
部從優議叙總兵吳應德熊道濱均著賞加提督銜周
勝元著賞給勝勇巴圖魯名號副將陳家貴著賞給鋒
勇巴圖魯名號石茂林著賞加總兵銜參將何昌梓王
政知劉洪勝均著以副將儘先補用福建游擊張情和

高爾遜擊魏紀黎均著以參將仍留原省補用遊擊于維槐著以參將儘先補用總兵蕭羣魁著賞給勳勇巴圖魯名號參將龔曉亭著賞給傑勇巴圖魯名號劉寶元著賞給彰勇巴圖魯名號昭順著以副將儘先補用遊擊張金榜著以參將儘先補用並賞加副將銜千總彭雲開著以守備儘先補用外委魯大元著以把總儘先補用並賞戴藍翎陣亡之總兵銜副將劉仕祈著交部照總兵例議卹參將曾恒勝遊擊魯佳德把總謝文泰均著照例議卹該部知道欽此

續編卷十六

三

軍機大臣 字寄同治七年十一月初三日奉

上諭左宗棠等奏陝省西北兩路剿賊獲勝情形並劉端冕截剿董志原東竄回逆續獲大勝及東北路剿匪獲勝情形暨該大臣抵陝籌度軍情鄭敦謹奏賊犯河干越河擊退飭兵勇嚴防各摺片已明降諭旨將陝省出力之總兵黃儲賢等獎敘陣亡副將劉仕祈等議卹矣此次劉端冕吳士邁等軍擊敗鄜州洛川等處竄回周紹濂擊敗中部賊匪張岳齡等擊敗隴州等處竄匪其中鄜東竄回逆復經劉端冕截剿大勝延綏一帶土

匪亦經劉厚基成定康進剿獲勝鄜州等處已經肅清延長等州縣亦漸有肅清之望左宗棠行抵西安著與庫克吉泰劉典會商調度乘此得手之際督軍分途進剿所有高連陞等軍即著照該大臣所擬調撥扼紮以資分剿陝省土回各匪雖以董志原為淵藪而北豎高樹嶺等處有回匪窺伺河干當此冰橋已結尤當加意截其東竄之路歸綏一帶防兵不多朝廷亦深慮其地廣兵單第恐淮軍前往扼紮人地不甚相宜著定安等隨時酌量情形如果兵力不敷防剿即奏明於風土相

續編卷十六

三

宜地方酌調官兵前往鎮攝陝省窺伺河干之匪已經官軍擊退難保不狡焉思逞總兵馬陞本係專防河保一路現在添調官兵千名即著鄭敦謹督飭該總兵認真梭巡遇賊即擊並著嚴飭陳湜在中路巡防不得稍有疏忽張曜一軍已抵汾境儘古鄉有警准其酌留數營以厚兵力宋慶前已赴豫著李鶴年仍遵前旨催令該提督統率所部迅速入晉扼紮汾州一帶毋稍延緩郭寶昌現在患病自應暫行調理前據英翰奏稱郭寶昌傷疾已愈添兵助剿即著吳坤修催令剋期赴陝並

著李鶴年檄令星夜遊行沿途勿稍耽延該提督素稱
勇敢諒不肯稍有逗留也陝西土回各匪雖有畏懼乞
撫各情該將領等亦同心剿賊但當不執成見以收寔
效左宗棠久在軍中熟悉情偽必能調度合宜以副委
任也將此由六百里諭知左宗棠庫克吉泰定安鄭敦
謹李鶴年劉典桂成並傳諭吳坤修知之欽此

續編卷十六

諭

恪靖奏稿續編卷十七目錄

各路獲勝並分由山西兜剿先固河防摺

米捐局收捐正印各項官階懇展限一年片

老湘全軍餉項欠缺雜款無著請 飭兩江督臣照

舊支解摺

軍餉匱缺請 旨飭催以維大局摺

官軍剿賊連勝摺

奏遊擊丁大洋勇額多缺請 旨正法片

續編卷十七目錄

各路獲勝並分由山西兜剿先固河防摺

奏為各路擊賊獲勝現籌剿辦並分由山西兜剿先固河防仰祈

聖鑒事竊陝西西北兩路剿賊獲勝十月十五日以前戰事業經會銜馳報所有署綏德州知州成定康十月朔一日大破田莊鎮薛家寨回土各匪已據其賊報馳陳嗣接成定康續稟詳細情形悉與賊報無異初六月土匪頭目李雙良賧延榆綏鎮總兵劉厚基將赴綏德妄圖截取輜重襲攻劉厚基留駐田莊之提督王雲孚

續編卷十七

一

營壘初七日大股回土各匪恠擁倏至王雲孚出隊攻擊眾寡不敵為賊所敗憑壘固守賊眾數萬肉薄壘外併力環攻一晝夜不退王雲孚誓死拒守鎗矛殲賊甚多而弁丁傷亡者已數十計遣人於薄暮由賊中穿出赴綏德求援成定康聞警傳令飽食出隊即夜三鼓親率所部及都司殷忠廷由華家灣進飭喻先恕戴光明由子柏灣進約銜枚即走度行近田莊見火箭上射即併力猛進卻者斬將近五鼓距田莊約四五里聞鎗礮聲緊知賊攻壘甚急火箭上射兩路並進又二里山石

斜徑旁通飭殷忠廷設伏谷口防抄尾之賊成定康所部與左路衝殺而出賊見援軍逼近果分股自斜徑抄來殷忠廷扼之斃賊數十名騎賊先敗成定康及喻先恕戴光明兩路奮威衝殺天明劉厚基所遣援軍游擊李萬盛亦至王雲孚見援軍四集率所部從壘中躍出各營併力環擊銳氣百倍追殺二十餘里斃賊二千餘名奪獲馬匹旗械無算自此痛剿之後綏德州附近六七十里地方已無賊蹤其雙湖峪三皇苑老巢之賊移踞周家發李家河兩處時分股竄擾清澗米脂縣境

續編卷十七

二

十月二十六七等日成定康率各部營進駐綏德吳堡交壤之義合鎮賊望風而竄成定康以米脂清澗尚有賊出沒州城未可解嚴仍即收隊回州二十九日署吳堡縣知縣呂懋勛報有馬步賊眾數千回竄縣屬霍家溝應牛寨兩寨旋被攻陷成定康適患寒疾立飭福建候補同知陳瑞芝率各營由義合鎮進剿十一月初一夜師抵應牛溝殷忠廷突襲寨後斬關而入斬賊數十級賊倉皇出走寨外各營挺矛攢刺斃賊極多初二日黎明乘勝進圍霍家溝寨亦一鼓而下其詳細情形尙

未據稟報惟同時清澗縣亦有賊攻撲成定康之軍仍須返旆而南急援清澗此綏德一軍連獲大勝實在情形也其延安東北一帶時有甘肅土匪竄擾十月十二日記名總兵劉厚基督帶刑部主事周瑞松調知賊圍攻劉家寨甚急是日由府城拔隊行八十里抵何家寨即夜五鼓潛師急進行至距劉家寨五里溝口遇賊奪其瞭望大旗殺賊三名行里許有賊二三百列隊川口官軍大呼衝入立斬數十級生擒匪首呂興福等七名餘皆紛潰劉家寨之危遂解乘勝整隊前進行過一山

續編卷十七

三

騎賊五六百飛奔迎戰副將黃超羣陳振贊等躍馬陷陣立斬賊目一名而奪其馬訊據生賊知騎馬賊目係偽營官李霸四川潰卒也羣賊喪膽鼠竄官軍長驅疾追前途遇賊六七千劉厚基飭礮隊分起轟擊斃騎賊五名賊皆奔潰復整隊歷之羣賊因山險路仄擠墮巖澗者不計其數日暮收隊計共陣斬三十餘名生擒數十名奪獲驃馬七十餘匹牛驢三千餘頭餘賊遁回定邊縣新城老巢劉厚填等以距延安甚遠收隊回郡此延安一軍擊賊獲勝情形也甘泉鄜州地居陝西北路

之中為董志原回逆東西奔竄衝要記名提督劉端冕率所部駐鄜派副將喻先知率後營填紮甘泉以資扼截十月三十日探報甘泉屬之高家哨靈溝各有由董志原出竄丁賊約六七千人突至圍撲城垣二鼓賊至喻先知率弁勇憑城以待昏夜鎗礮轟擊賊知有備即時引還黎明輕騎復至喻先知出城迎擊斃賊數十名賊仍卻退而遠望塵氛大起和三大股首至一而收隊回城一面馳告劉端冕迅速赴援初一夜看賊復至城下呼噪攻撲留陝副將喻經魁副將黎恩齊周紹濂

續編卷十七

四

及各弁勇植立垛口開鎗礮轟擊斃賊不知多少其悍賊冒死擊梯及頭頂板片登城者甫及垛口輒經官軍揮刃砍下賊氣益沮然猶在近城窺伺未遽退也黎明城南角聲隱隱頃刻劉端冕率馬部大隊夾河馳至城上歡聲雷動劉端冕如賊猶未遁即傳令營帶前營留陝知縣邵杜上大和山趨立路自率中營趨右路鼓聲起整隊猛進賊駭而退奔喻先知開城出隊復從北路截之三路併力窮追至高家哨乃合收隊計是夜共斃賊七八百名生擒王虎兒等二十一名軍前正法餘賊

分竄洛川白水澄城地界適道員魏光燾等前檄率所部由鄜州進王次角行至蒲城尋蹤掩擊臣宗棠亦飭提督蔡光武帶卓勝馬步全軍由韓城出宜川截其乘冰東竄之路而與魏光燾夾攻之功賊知大軍四集遠從澄城雷原鎮遁去此甘泉殺賊解圍實在情形也其另股回逆同時竄犯邠州麟游蔓及河隴署隴州知州喻兆圭稟十一月初四日已刻州西之亭口一帶突來騎賊數百直衝至大佛寺里許之七里灣道員黃鼎所部新提督迎勦鏖戰良久擬保千總張吉珍陣亡弁

續編卷十七

五

勇傷亡數名游擊向占元馳往策應賊欺官軍甚單直前搏戰正相搏間適存城各營隊伍踵至賊即曰南原竄去黃鼎飭副後營及馬隊躡蹤緊追初八日抵拜河賊方攻太白堡見軍掩至即解圍竄去初九日追至雷堡則賊已由亭口竄去矣其竄擾汧陽者甘肅臬司張岳澍飭參將胡弼武擊之初九日遇賊黃嵩潛伏兵突出首先刺斃紅衣賊一名落馬胡弼武率隊急擊斃賊多名追至邱家莊收隊此邠州河陽擊賊獲勝情形也竊維西陲兵事東北延榆綏一帶土匪董福祥李登

等股及甘回蘇阿渾等不時竄擾近日賊蹤偏注米脂葭州迤北神木府谷地界西南自鄜州以至邠鳳陝回不時竄擾而甘回亦有時附入其中賊蹤雖蔓延千數百里人數尚多至二十餘萬然屢敗之餘勢均衰蹙如山西能扼其東趨甘肅能扼其西竄則秦軍分途勦辦亦無難就地滅除所慮各台兵力難齊賊匪乘虛輒入將有防不勝防勦不勝勦者臣等謹就目前籌畫情形分別陳之秦之東北所恃黃河天險與晉共之今歲水橋凝結較早晉軍備多力分誠恐百密一疏貽誤大局

續編卷十七

六

論旨飭張曜由河曲保德渡河以入榆林宋慶由德渡河入晉扼汾州晉之西防固已嚴密計張曜此時可以馳抵河保安惟宋慶倘無人晉之期臣宗棠前檄劉松山馬步全軍由陝州茅津渡河入晉徑赴汾州乘冰渡河入陝據劉松山呈報十二月全軍始克渡畢計此時可抵平陽一帶其到汾州在宋慶之前將飛檄劉松山到汾後於河之西岸擇地駐紮廣購軍糧一面探聽北路一帶軍情自酌進止如河保進南首防穩固則乘冰橋赴綏德榆林進勦否則北向以赴茂棧此軍以固晉

爲王不必以赴陝爲急也其宋慶之軍可由太原北趨
甯武朔平一帶爲歸綏後勁如歸綏有警亦可就近赴
之汾防既有劉松山兼顧則宋慶似可無庸駐汾應請
飭下山西撫臣傳諭宋慶酌量辦理以期均布周妥其
陝回十八營踞志原爲老巢食竭力殫四出剽掠其
求撫也每以無糧爲詞而於如何安插永遠不侵不叛
一切事宜未能據實傾吐各路探稟回衆有北竄金積
堡西竄甘肅之議近亦有移眷口入平涼者臣等前摺
所籌布置情形原爲逼巢會剿起見現正籌商安營處

續編卷十七

七

運軍糧然後併力前進乃爲穩慎秦中用兵之難迥異
他方者以此大致以杜其北竄爲要不能保其必不北
竄也所有各路戰勝及現籌布置情形謹合詞馳

奏伏乞

皇太后

皇上聖鑒訓示施行謹

奏 同治七年十一月十一日

軍機大臣 字寄同治七年十一月二十八日奉

上諭左宗棠等奏各路擊賊獲勝現籌布置情形鄭敦

謹奏沿河擊退竄匪並請飭未慶毋庸入晉各摺片覽
奏均悉綏德延安等處土回各匪疊經成定康劉厚基
各軍勦擊殲斃甚多賊勢漸已衰蹙左宗棠檄令劉松
山一軍由陝州茅津渡河入晉徑赴汾州並以宋慶一
軍北趨甯胡爲歸綏後勁所籌甚是著即飭令劉松山
於到汾後擇地駐紮先固晉防並探听軍情自酌進止
該軍餉項本日已諭知馬新貽等照舊措解矣張曜不
久即抵榆林自可與金順會商戰事惟黃河冰橋早結
秦之東北仍應力籌兼顧扼賊東趨著左宗棠庫克吉

續編卷十七

八

泰劉典迅飭劉端冕等分途追擊痛殄逆氛使不得乘
機北竄其踞並志原之陝回食竭求撫能否就地安插
並著該大臣等隨時酌辦沿河賊股分竄永甯大甯等
處隨經晉軍擊回難保不乘隙偷渡仍著鄭敦謹督率
在防將士及沿河各地方文武於河水未泮之前晝夜
梭巡見賊即擊不准稍有疏虞宋慶現已由豫起程該
軍行抵晉境時該署撫當慎選前哨卽令該提督統率
所部徑赴歸綏以資戡集郭寶昌軍需餉方殷未便任
其久待鄭敦謹仍飭該藩司按月籌發不必以蘇餉抵

解致有缺乏其江蘇月協山西餉銀一萬兩已諭知馬
新貽等按月發解歸綏地方緊要定安等當就現有兵
力妥為堵禦一面咨令馬陞加意嚴防俟神機營所撥
各隊到綏即會同杜嘎爾相機進擊用靖邊陲將此由
六百里各諭令知之欽此

米捐收捐正印各項官階懇展限一年片

再陝西捐餉局章程前陝西撫臣奏准變通推廣米捐
州縣兩項陝局暨各省陝西分局均准收捐以一年為
限滿即停止嗣臣宗棠以甘省糧餉奇絀奏准援案辦

續編卷十七

九

理米捐於陝西湖廣等省分途設立甘省米捐局道府
州縣五項官階及捐免迴避坐補歷俸在任候選捐免
引

見降革人員捐復軍營保舉文員分發後報捐指省等
項均准赴甘捐各局上兌仍以一年為限滿即停止均
先後飭局遵辦在案頃據陝甘捐餉局兼辦甘省米捐
局司道詳稱陝捐於六年十一月初一日開局甘捐於
六年十二月初二日開局現在一年限屆而捐項毫無
贏餘兼之大兵雲集需餉浩繁秦隴地方連年兵燹錢

糧薪稅均不足恃全賴捐輸挹注若道府州縣等項一
概停止是用款愈增餉源愈涸應請將道府州縣等捐
展限一年仍俟限滿即行停止等情前來臣宗棠臣典
會核無異合無仰懇

天恩俯念陝甘軍務正殷籌餉萬難准將道府州縣五
項及捐免迴避各項甘局再行收捐一年州縣兩項陝
局再行收捐一年以裨餉糈而維大局謹附片會陳伏
乞

聖鑒施行謹

續編卷十七

十

奏同治七年十一月二十二日

軍機大臣奉

旨戶部議奏欽此

老湘全軍餉項欠缺雜款無著請飭兩江督臣照
舊支解摺

奏為劉松山老湘全軍餉項欠缺雜款無著請

旨飭下兩江督臣照舊解支以符定案事竊臣欽奉同

治七年十月二十三日

上諭曾國藩奏老湘軍餉仍歸江蘇接濟英翰等奏

籌撥西征軍餉酌定轉運章程各摺片劉松山所統老
和營餉項向由江南供支該軍現在西征所有餉項自
應仍歸江蘇接濟即著馬新貽丁日昌每月撥撥該軍
餉銀六萬兩以資飽騰欽此欽遵在案當即恭錄行知
該軍去後茲據統領老湘軍廣東恫路提督劉松山將
該軍應需額餉暨應領雜項臚列欸目呈請核辦前來
臣查劉松山原部步隊十七營馬隊兩營每月應需額
餉六萬四千五百兩而新添之壽字馬隊三營步隊一
營不在此數今江蘇協撥該軍餉銀月六萬兩以該軍

續編卷十七 十一

提督原部計每月即缺額餉四千有奇合新添馬步四
營所缺額餉計之則每月缺餉一萬五二千兩至帳棚
車輛爲軍營所必不可少該軍帳棚一項向章由金陵
糧臺給價自行製辦計每營每年更換一次應領制錢
八百二十餘千該軍老湘十營棚價自同治七年正月
起和厚兩營棚價自同治六年正月起副前旗棚價自
同治六年六月起副中左右後四旗棚價自同治六年
五月起壽字前營馬隊棚價自同治六年十一月起續
設壽字左營馬隊棚價自同治七年閏四月十五日起

概未給發計截至同治七年底止各營應領棚價制錢
約兩萬餘千文以銀合錢約應領銀一萬數千兩其車
輛一項該軍向章步隊每營給大車九輛馬隊每營給
大車五輛每輛例價銀八十兩由各營官領價購備除
該提督原部各營均已照章給領外其續設之副中左
右後步隊四營應用大車三十六輛壽字左營馬隊應
用大車五輛共應領銀三千二百餘兩該軍前次西征
因秦中米價昂貴經曾國藩奏准自同治六年正月起
無論員弁勇夫每名每月加發米價銀四錢五分在案

續編卷十七 十二

所有續設之壽字左營馬隊從同治七年閏四月十五
日起至年底止約應領加發米價銀一千餘兩又該軍
原設壽字前營馬勇額馬二百十四營哨幫辦額馬二
十六匹每百匹每年准報倒馬三十六匹每馬一匹給
價銀十七兩五錢同治六年分馬勇倒馬例價已經發
給營哨幫辦倒馬例價尚未請領計應補領銀一百五
十餘兩七年分照額應報倒馬九十九匹應領銀一千
七百餘兩而屢次打仗暨偵探公幹被害受傷各弁勇
丁共應領卹養等項銀二萬零三十五兩九屬要需該

提督以上年逐日征勦事平後即整理西征不得不從
權辦理挪移餉項購辦帳棚車輛發給餉養米價馬價
稍為敷衍亟盼金陵糧臺陸續籌撥以資彌補現該提
督接奉曾國藩移知該軍已奏定由江南月協餉銀六
萬兩此外各款未便再由江南糧臺另算籌撥等因此
後之協撥為數既屬不敷以前之積欠挪移又歸無著
辦理實為掣肘合無仰

天恩俯念西事方殷劉松山一軍尤為得力

飭下新任兩江督臣馬新貽做照舊案供支老湘月餉

續編卷十七

七

其帳棚郵養等項由江南籌給俾該軍餉精無虞缺乏
於山西秦隴防剿諸務實有裨益所有老湘全軍額餉
短絀領項虛懸情形謹繕摺馳

奏伏乞

皇太后

皇上聖鑒訓示施行謹

奏同治七年十一月二十二

軍餉匱缺請

旨飭催以維大局摺

奏為軍餉匱缺請

旨飭催以維大局事竊臣西征實餉前蒙

恩允部撥六成洋稅銀一百萬兩叠經催解僅准湖北
咨復飭江漢關撥解銀八萬兩交鄂設後路糧臺轉解
閩浙督臣借撥四成洋稅銀十萬兩浙海關五萬兩交
上海轉運局匯解其江海關之五十萬兩馬新貽函稱
年內無款撥解此外則并無一字見復統計西征實餉
年內僅祇江漢關八萬兩到陝閩之十萬浙之五萬雖

續編卷十七

兩

定於十月二十五日在解州運城匯兌明正或可到省
餘均無望矣以戰事論回首畏勦求撫其情甚迫項據
道銜知府署綏德州成定康稟土匪李登李雙良等呈
求撫其情亦迫劉松山又已馳抵山西永甯州賊之畏
勦本在意中復見大軍進逼就撫之心益決臣與劉典
擬并圖之然言勦則必須儲芻粟轉運備行糧言撫
則必給口食籌安插開屯田兩者均非實餉到手通融
挹注隨機立應不可前蒙

恩准撥河東鹽課二十萬兩四川鹽釐二十萬兩臣

遵

諭旨以四川之二十萬兩撥歸甘肅以河東之二十萬兩撥歸陝西彼此就近提取稍期近捷然臣與劉典各軍已欠餉七八箇月未發雖河東鹽餉二十萬兩年內可以到齊而山西照常應解郭寶昌一軍及臣軍月餉自八月至十一月四箇月共計十四萬兩未解河東本欠慶陽雷正綰軍餉五萬兩未解是

續編卷十七

五

此失彼於陝餉終無實濟其

奏提四川鹽釐二十萬兩甫准吳棠允撥三萬兩而陝甘委員在蜀勸捐已發各縣之貢監從九部監執照五千餘張則已經吳棠

奏請歸併成都重慶兩局餘均飭令撤繳是甘肅得四川見銀三萬兩失去捐餉二十餘萬兩也臣與劉典各軍月餉僅發至本年五月及前四月止已積欠七八箇月而年內入餉僅止二十八萬計尙不敷一月之放其勦撫之資更將何所指望乎陝甘窘迫之狀如此待用

之繁且鉅如此而

諭旨准撥之餉如此續奏山西四川之餉又如此臣計無復之一死曷足塞責不得不瀝陳哀籲

君父之前萬一陝甘危局得以瓦全臣可稍延殘喘國家之福陝甘之幸亦臣之幸也倘陝甘將來或因無餉而致決裂臣無所逃罪而內外諸臣謀

國之疏宥有不能無遺議者伏念臣初次請撥西征實餉部臣以六成洋稅應夫豈不知各海關六成洋稅之早已提空也嗣請撥常年實餉四百萬兩部臣緩俟各

續編卷十七

六

署奏到之日始議劃撥夫豈不知各省釐稅千數百萬兩本為

國家同有之款各省可撥之款也臣原奏據陝西撫臣署陝甘督臣陳明短缺實餉四百餘萬兩其各省現協之款本不在內而部臣又誤將見協之餉歸併臣續請之四百萬兩計算夫豈不知陝甘常年應撥之餉本不止四百萬兩也部臣為肅清之各省籌應留之款獨不當為陝甘籌應撥之款乎各省均專籌本省撤兵留兵之餉獨不當為陝甘籌用兵之餉乎至於安徽撫臣英

翰署撫臣吳坤修奏增郭寶昌馬步隊三千名合之該軍入陝者七千有奇不過藉西征之名以留皖餉安插皖勇名爲協陝實則無益於陝西之兵事而有損於陝西之餉事又無論也應否請旨飭下部臣籌撥陝甘實餉飭各省督撫海關諸臣速撥陝甘實餉彼此至誠許與急救危疆之處出自宸衷獨斷臣之愚誠已盡於此伏乞皇太后

續編卷十七

七

皇上聖鑒訓示謹

奏 同治七年十二月初十日

軍機大臣奉

旨戶部速議具奏欽此

官軍剿賊連勝摺

奏爲官軍剿賊連獲勝仗據實馳陳仰祈

聖鑒事竊十月初及十一月初旬各軍剿賊獲勝情形業經臣等於十一月二十一日馳報并將分軍由山西兜勦先固河防調撥機宜據實陳明續據道銜知府署綏德州知州成定康稟報官軍自連破應牛寨霍家溝生擒匪目張萬雲斬之匪回張登第乞降留閩補用同知陳瑞芝受之十一月初八日成定康率所部進張家塢遇見匪衆千餘攻劉家寨甚急卽飭參將戴光明由

續編卷十七

六

右都司殷忠廷由左而自率親軍及總兵喻先恕中路急進將劉家寨賊騎數百由寨後小溝橫截而出突圍成定康及喻先恕先鋒親兵各隊成定康喻先恕皆下馬步戰親擊洋鎗連環轟擊斃賊數名盛戰數刻各哨勇丁飛奔而至鎗礮齊施賊卽敗遁步賊奪路狂奔適戴光明由右路至截其去路羣賊回旂反撲成定康喻先恕麾所部截之寨民百餘亦持械追逐賊馳而左復與殷忠廷遇各路會集環攻頃刻賊屍填滿坑坎僅一賊目同十餘騎衝出此股悉數就殲計共斃賊千餘

獲馬騾五百餘匹訊據生賊供衝逸之賊即頭目辛滿城曾約同賊目張萬飛由義合堡內竄尙未到也張萬飛聞辛滿城經官軍擊敗不敢內竄改由義合堡南竄出攻雷家寨雷家寨距州城七十里十一日辰刻成定康率師追之行抵薛家莊訶知賊已由雷家溝竄渡無定河盤踞峪口海座灣一帶正攻王家寨成定康飭陳瑞芝先赴河邊架浮橋是夜五更潛師夜起十二日辰刻渡河進擊方半渡時賊騎數百蜂擁而至殷忠廷整隊迎擊酣戰數刻賊光明率隊踵至賊皆下馬挺矛

續編卷十七

九

格爾成定康率所部由左路抄出賊後號鼓齊鳴賊駭而奔官軍乘勢掩殺追過王家山賊復回拒鄧萬盛徐尙清督隊猛擊賊光明帶洋鎗隊陣轟斃悍賊數十賊敗向張家台喻先恕股出延率隊追至殿子溝邱家寨一帶收隊計是役共斃賊數百名生擒百名奪獲騾馬三百餘匹餘賊向清澗竄逸此成定康十一月初八十二等日痛剿高逆餘黨張萬飛辛滿城獲勝實在情形也見據成定康稟二十六日進剿清澗踞賊賊目李登李雙良辛滿城等畏勦乞撫臣等飭熱察賊情及安

插地方稟候核酌尙未接據續報其榆林一帶戰事已由金順馳報矣董志原回逆迭經剿敗兇鋒大挫然因飢掠食踪跡靡常十一月十五日探報馬八禮率回土各匪二千餘竄至隴州城西四十里之咸宜關運司銜陝西試用道喻步蓮卽於是夜三鼓率副將劉寶元總兵訶擊魁副將龔曉亭由曹家灣進天明抵咸宜鎮桐賊在黃家溝卽捲旂襲之殺賊三四百名生擒回逆魯三元洪包連及土匪周七等十餘名奪獲騾馬百數十匹十九夜提督周紹濂所部副將張大雄會勦竄擾中

續編卷十七

辛

部縣屬之五家原逆回斃悍回百餘騎其另股一竄西家溝一竄宜君屬之偏橋而大股則仍踞店頭二十日張大雄商同副將劉甫田李寶光各自防所率隊截之周紹濂得報卽夜飭總兵董玉春扼降坊一面料理中部城防親率所部及參將毛正明於是夜初更向蘇家峴進行十餘里見村前火光知賊屯踞未動潛起撲之賊覺驚號遠滅其火是時夜黑不辨賊數多寡惟視火光明處轟擊賊衆亂竄人馬自相蹂藉分向店頭而遁適董玉春率所部由四瀆裏橫截而出斬賊尤多正收

隊間透開偏橋一帶鎗礮聲知張大雄周玉林劉甫田等正在接仗周紹濂率隊向西布莊前進半路接探報知賊以四五百騎抗拒張大雄等營步賊急護所掠之牲糧向趙家寨王家莊而遁已經張大雄劉甫田周玉林前後夾擊斃賊甚多步賊盡棄所掠畜糧潰走周紹濂飭毛正明逃扼黎原而自率中營馳赴張寨時則皓月東升霜華皎潔遙見逆騎紛馳而來周紹濂麾各軍前截後追頃刻賊屍枕藉其墜坑塹死者亦無數計共斃賊千餘名生擒十餘名訊知逆目舒阿渾已於陣前

續編卷十七

三

獲斃矣兩路分竄之賊殲除殆盡僅餘百餘騎投歸店頭大夥其首先竄過之賊約二三百騎則已竄至洛川澄城郃陽白水等處倏隱倏現尚未捕斬淨盡此周紹濂一軍截勦中部宜君竄掠之回逆兩獲勝仗之情形也十九日回逆數千突入甘肅慶陽府屬正甯縣城知縣黃紹薪率防勇巷戰正苦不支賊以空城荒寂一無所掠旋亦退去新授陝安道黃鼎福建候補知府劉倬雲聞警各率所部馳援二十一日黎明劉倬雲行抵正甯四村原上甫成列而賊騎數百突至副將劉忠發祝

鑑嵩督隊奮擊立斃賊數十名賊即向南王原紛竄劉倬雲合兩營列隊于家村自率各營列陣前進行抵正甯縣南見城上旂幟森然知黃鼎之軍已至矣劉倬雲以正甯兵力已厚而三水縣職田鎮空虛立飭四營收回三水自率親兵與總兵徐萬福助黃鼎勦北原之賊正拔隊間忽三水老營報到午刻突來大股回逆竄至職田附近之羊坡頭阿塔坪等處肆掠距職田不過數里劉倬雲急率隊回援三鼓後回營料賊敗必由大灣南莊槐樹坡關家川首嶺而遁令劉忠發祝鑑嵩及

續編卷十七

三

都司王蓋臣伏於關家川扼之自率四營向羊坡頭進勦天明抵羊坡頭列方陣分左右進遇賊探騎擊敗之各村之賊齊出抗拒總兵周玉堂徐萬福都司李躍騎等奮威衝殺斃賊數百名賊向大灣疾遁劉倬雲知前路逼仄催軍猛擊賊擠墜澗壑者無數官軍追出谷口截賊為二其大股向關家川鼠竄適劉忠發祝鑑嵩王蓋臣等馳至賊正回頭抗拒追軍不虞劉忠發等處關家川溝中突起震懼失措官軍兩面夾擊斃賊又數百名日暮收隊計共斃賊千餘名生擒二十餘名軍前正

法奪驪馬二百餘匹黃鼎於二十一日由邠州世店馳
援正甯沿途遇賊即擊約斃賊百數十名收隊入城廿
二日追賊文家川知羊坡頭之賊已經劉倬雲擊敗收
隊回邠州而連日接據各路探報逆騎數大股分擾邠
州三水北境永樂堡底廟鎮澆場麻園東西牛家堡一
帶黃鼎擬俟賊踪稍定擊之二十七夜三鼓出隊馳四
十餘里天明上永樂原見騎賊方攻陷師家河堡寨搬
運糧食黃鼎飭參將林定遠截之而親率三營徑搗底
廟之賊甫至底廟原適師家河賊已經林定遠擊敗由

續編卷十七

三

店子阿向底廟竄來副將李王春即率親軍扼之而林
定遠又自後猛蹶而至賊窘感莫支皆棄馬跳巖求免
官軍併力毒刺無得脫者總兵韋占雄徑攻底廟原賊
方憑壁穩抗而麻園之賊又至知縣雷炯督隊截之正
鏖戰間韋占雄已督隊躍上堡牆堡中羣賊冒死由後
門竄走併入大股維時總兵徐占彪副將陳春萬趙興
隆皮呂魁率所部各營已破東牛家堡永樂堡之羣賊
均奔集底廟騎賊約四千餘步賊約七八百見官軍僅
四營在底廟遂四路齊撲兩營黃鼎布方陣屹立不動

調林定遠游擊何玉超從右路澆場抄出賊後親督兩
營指方陣而進遇賊撲進則鎗礮四面轟之賊即旋卻
旋前鎗礮亦再接再厲斃賊甚多賊向後路狂奔適遇
林定遠何玉超馳至賊懼不得脫復分披抗拒官軍夾
擊之其向寺村旁竄者黃鼎麾所部截斷二百餘騎斃
賊而奪其馬追至寺村賊紛紛下官河原竄遁水疑路
滑跌斃又多乃收隊回底廟而徐占彪等由底廟牛家
堡收隊回營亦斃賊百餘名計黃鼎一軍是役其殺賊
千數百名奪戰馬二百餘匹生擒十餘名而官軍陣亡

續編卷十七

四

馬隊隊長儘先副將明占魁勇丁之帶重傷者五十二
名維時劉倬雲率隊由職田馳至適遇敗賊從四村竄
向郭家村即整隊截擊復斃賊數十名訊據生賊供稱
此次竄擾邠州三水北路之賊係回目白彥虎馬長順
鄒阿渾等各股其馮得彥崔偉即崔三陳林馬正和等
逆酋則方赴隴州求撫其黨赴水羅城一帶擄糧未與
俱來此劉倬雲黃鼎兩軍十一月二十二二十三二十
八日擊敗董志原逆回大獲勝仗實在情形也其另股
渡涇河而南者擾及長武靈臺兩縣北路二十七日陝

西提督雷正綰督同總兵關定邦先擊長武北路之賊
行抵封頭堡即與賊遇雷正綰關定邦督率衝殺立斃
悍賊數十名賊即敗潰沿途追殺共計斃賊二百餘名
生擒逆回馬順兒虎秀哩正法奪獲驃馬二百餘匹賊
奔回董志原老巢適涇州知州林發深飛報回逆撲涇
州甚急雷正綰即率所部援剿二十八日馳抵涇州三
十里舖賊已聞風遠遁涇州解嚴此股似即馬正和等
分出掠食黨夥生賊所供水羅城擄糧之賊也竊維董
志原回逆號稱十八營回目馮君福楊文智馬生彥三

續編卷十七

董

逆已竄入金積堡所有夥黨均歸併白彥虎馬長順等
其禹得彥崔魏馬正和陳林等在諸回酋中頗稱桀黠
見因屢次出巢掠食均經官軍痛剿飢蹙日甚浼同日
肅清水縣已撫回目李得昌由隴州返稟前來等公
同閱看情詞似非虛妄然撫之為難較甚於勦雖未便
槩予峻拒絕其就撫之機亦未可遽許招安隨其緩勦
之計除仍開誠曉示外仍飭各軍迅速轉運芻粟約期
移營進逼慎以圖之所有見在各軍戰勝情形謹合詞
據實馳

奏伏乞

皇太后

皇上聖鑒訓示施行謹

奏 同治七年十二月初十日

軍機大臣 字寄同治七年十二月十六日奉

上諭左宗棠等奏官軍剿賊迭勝情形一摺高逆餘黨
張萬飛等糾合內竄經成定康痛剿獲勝餘賊向清澗
竄逸周紹濂一軍復將中節宜君竄賊擊退董志原逆
回突入甘肅正甯縣城並分擾邠州三水北境均經劉

續編卷十七

柔

倬雲黃鼎兩軍擊敗其竄撲涇州之賊亦經雷正綰馳
援解圍勦辦均為得手惟洛川澄城郃陽白水等處尚
有賊騎出沒著仍飭周紹濂實力搜捕悉數殲除並飭
成定康將竄向清澗之賊迅速追剿董志原賊匪雖已
被擊回巢而來去無定仍當督飭各軍分投堵剿遇賊
即擊勿令深入陝境其榆林一帶其邊外竄匪雖經金
順督軍追剿而後路必須有兵策應杜其續竄之路使
邊外之賊勢成孤立較易殲除且延榆綏沿河一帶尤
必隨處有兵截擊庶不至竄越鄰疆左宗棠庫克吉泰

劉典務當妥籌兼顧以維全局回日禹得彥等遞稟求撫未必可恃該大臣等當嚴飭諸軍奮力進剿懾以兵威察其真心悔罪酌量收撫方爲一勞永逸之計陝甘賊匪頭緒紛繁應如何入手次第剪除之處著左宗棠等熟籌方畧迅圖大舉毋稍遷延將此由六百里各諭令知之欽此

遊擊丁太洋勇額多缺請 旨正法片

再_臣所部花翎游擊丁太洋自福建汀州投誠後由軍功從征閩粵積功保升都司前年_臣過九江丁太洋堅

續編卷十七 三

請入營投效上年隨_臣入陝見其臨陣奮勇始令其募帶一營隨_臣赴直隸山東剿賊洵保今職該員初猶謹飭西旋以後漸形驕逸不守營規彰德會隊以後沿途察其隊伍不整似有缺額因道途曉夜趨行不便點驗比抵西安結營西關外密飭總理行營營務處道員祝增李耀南按棚點驗竟缺額至一百四十餘名之多比調集該營親閱該營點名小操無可掩飾比將該營官撤退發西安府看管聽候參辦該營勇額亦經補足派員管帶伏念花翎游擊丁太洋由投誠積功保至游擊

充當營官不知感奮圖報竟敢缺短勇額至一百四十餘名希圖冒銷錢糧雖月餉僅發至本年五月止冒銷之餉尚未入已然貪詐情形業經敗露若不從嚴懲辦何以肅軍律而儆效尤應請 旨正法軍前以昭炯戒伏乞

聖鑒訓示施行謹

奏 同治七年十二月初十日

軍機大臣 字寄同治七年十二月十六日奉

上諭左宗棠片奏游擊丁太洋所部勇丁缺額甚多意

續編卷十七 三

圖官餉著即於軍前正法欽此

恪靖奏稿續編卷十八目錄

北路官軍大勝摺

榆林邊境各軍擊賊獲勝片

回逆求撫未可深信片

劉松山徑搗賊巢獲勝並剿敗北竄回逆現籌安撫摺

請飭部撥餉採糧接濟摺

西南路各軍剿回土各匪叠勝摺

榆林綏德一律肅清片

續編卷十八目錄

一

北路官軍大勝摺

奏為北路官軍大獲勝仗據實馳陳仰祈

聖鑒事竊榆林綏德州一帶疊獲勝仗情形業經臣等

於十二月初十日馳報嗣據署綏德州知州道銜知府

成定康等稟報十一月二十七日進剿清澗之賊師次

石嘴驛詢知駱駝舖柏樹坵樓子場王家溝一帶均有

大股盤踞成定康軍至駱駝舖賊已分踞郝家山一帶

排陣來迎成定康令營官鄧萬盛李占榮等先伏於柳

莊山之旁以防抄襲之賊乃三路鼓行而前賊從郝家

續編卷十八

一

山一齊衝出柏樹坵樓子場王家溝之賊亦蜂擁而至

勢殊驕其成定康令營官殷忠廷戴光明各率所部當

左右兩路而白率喻先恕及馬隊當中路忽騎賊數百

躍馬橫戈從柳莊山口而出為鄧萬盛李占榮等伏兵

所敗賊為奪氣官軍知其餒也遽前薄之哨長周克齊

首先踏陣喻先恕繼之殷忠廷戴光明左右銳進賊不

能支紛紛敗潰追殺三十餘里斃賊千餘名救出難民

數百而清澗北境各處之賊均向老君殿一帶奔竄成

定康收隊馳抵清澗縣城時已二鼓矣知縣趙圭瀨請

剿西南清溝峪原家溝賊適劉厚基所部後營官知縣梁以恭已馳抵縣城二十八日梁以恭追賊老張坵則賊已遠颺僅斬其斷後騎賊百數十名而還成定康旋即收隊回城戌刻探報縣東李家寨周家坵塲高家嶺一帶存賊數千攻民寨甚急成定康令各營募食潛師擊之二十九日午刻馳抵麻子坵距李家寨約四五里偵賊方撲李家寨成定康令梁以恭由左殷忠廷繼之喻先恕由右鄧萬盛李占榮繼之親率戴光明爲中路馬隊繼之行甫二里馬步賊數千紛來抗拒中路官

續編卷十八

二

軍悉銳奮擊正酣戰間右路已由槐黃峪截出賊潰走高腰坵成定康飭李長榮領馬隊衝殺步隊分路兜剿賊屍枕籍左路方進周家坵塲適賊由後抄襲梁以恭回旗力拒殷忠廷飭所部分左右翼抄之賊潰走高山嶺官軍三路會合窮追十餘里斃賊數百名生擒百餘名此署綏德知州成定康剿清澗股匪獲勝情形也劉松山全軍馳抵山西永甯州詢知賊衆聚擾榆林東北晉軍扼之東岸而豫軍記名提督張曜已馳抵河曲料北路可以無虞乃急購行糧爲渡河擊賊計十二月初

三日前隊渡河抵綏德州留所部三千人於山西之軍渡地方防東岸初六日率所部馬步馳抵綏德州城晤商成定康以賊擾榆林其大股腐聚榆林西南懷遠縣之小理川大理川以及安定保安塞靖邊一帶必不料官軍由山西兜剿而西也宜及其猝不及備直搗各股老巢庶榆林邊內邊外各賊急於回顧而榆林及歸綏可以解嚴初八日劉松山率所部由綏德州西行繞北路由岔把溝自北而南成定康由州西七十里大理川自南而北會師夾擊是夜劉松山行至吳家山訶北

續編卷十八

三

路無賊賊巢在小理川之南大理川之北縱橫二十餘里劉松山飭提督易德麟率前軍蘇松鎮總兵張合才率左軍並馬隊前營右營先攻大理川西續家灣一帶賊巢兼扼其窺西北之路劉松山俟其拔行十餘里後親率中軍及馬隊中營後營由右進飭提督蕭章開率右軍由左直撲小理川一帶賊巢甫行二十里賊已驚覺紛紛出巢抗拒排列十餘山氣殊驕甚劉松山飭各軍奮威衝殺賊不能支奪路狂竄官軍乘勝壓擊立將小理川店子寺一帶賊巢二十餘處一律掃蕩賊向山

南大理川周家嶺而竄賊數百不能越山沿小理川西遁中後兩營馬隊追及殲之官軍追近周家嶺數里沿途賊屍枕藉敗賊見官軍緊逼不敢入周家嶺老巢而巢中羣賊競出村排隊抗拒劉松山分步隊兩支由左路一枝由右路一支爲後拒馬隊從右路之右斜抄而出正布陣間賊呼躍而前搗戰甚急官軍靜以待之少頃鼓聲起三路殺入賊遂大敗棄巢竄附近各賊見周家嶺大巢已填不戰而潰時則新月初升官軍分路追剿數里沿途擒斬無算是日成定康由三皇坊進午

續編卷十八 四

刻行抵樓見破見賊壘數座橫踞道旁成定康飭各營更番迭進不遺猛撲意俟劉松山攻破周家嶺賊無所歸可多殺也未正留陝補用總兵喻先恕湖南補用副將戴光明參將張德榮遊擊殷忠廷易培文成景星鄧萬盛都司古楚南李志剛李占榮守備余發勝把總李長樂福建候補同知陳瑞芝各率銳卒仰攻火器環轟壘賊膽落官軍乘勢奮躍先登連破十餘壘殺賊無算復搗三眼泉劉家坪一帶卡壘破之追八九里適劉松山已連踏賊壘破周家嶺大巢而來兩軍會合縱擊

賊更披靡窮追西南六七里始令收隊是夜五鼓易德麟章合才適由大理川西續家灣一帶掃蕩而來踏平賊壘二十餘處擒斬亦多計是役共破賊壘百餘十處斃賊五六千名生擒三千餘名解散脅從二萬有奇奪獲騾馬驢三千餘匹此十二月初九日劉松山成定康兩軍大破綏德懷遠各處賊巢實在情形也初十日劉松山成定康派隊搜山均有擒斬是夜三鼓劉松山飭易德麟章合才率前左兩軍及各右後兩營馬隊向西南追剿自率中軍與蕭章開所部右軍及中前兩營馬

續編卷十八 五

隊會合成定康一軍分兩路西追行六十里卽與大股賊遇劉松山商令陳定康由右路自率所部步軍出左路馬隊出左路之左相機抄襲賊見官軍驟至駭而奔僅留悍賊殿後官軍乘勢蹙之悍賊亦奔躡追二十里及之南岔路狹溝深賊擁擠不前官軍數面縱擊登時擒斬千餘名其越山潰走者尚數千又追十餘里沿途擒斬無數是夜各軍就地安紮二更陳定康向西繞北而進劉松山率蕭章開及馬隊向西進行三十餘里見小理溝火光長約數十里劉松山因溝狹山高不便列

隊飭蕭章開右軍先進親率中軍繼之馬隊居後魚貫而行獲賊探數名訊知賊畏剿甚前隊已行後股待發蕭章開卽分兩路沿溝而進時曉日東昇警覩前途賊眾擁擠聞官軍號聲遠行返撲蕭章開率所部奮勇衝殺斃殿後悍賊甚多賊悉潰走蕭章開急躡之其循左路岔溝奔竄者約一二千名劉松山麾中軍擊之擒斬殆盡其右路竄去者經成定康緊追擒斬其眾亦鮮脫者惟越山逃逸者約七八千均向西路狂奔而去十三日卯刻劉松山率馬步各軍急追行五十里許復遇敗

續編卷十八

六

賊且追且擊賊狂奔不止追二十餘里忽遇成定康軍至截其去路賊向西南狂竄兩軍夾擊其紛向西北下溝者經成定康截殺殆盡其向西南竄去者劉松山截殺至李家岔沿途斃賊一千數百名救出難民數千奪獲騾馬器械無算收隊時初更矣旋晤易德麟章合才據稱十一日馳至宋家坪探報距營四十里玉梯山一帶帶賊盤踞是夜分路襲之掃平賊巢二十餘處賊向西南紛竄易德麟章合才及馬隊會合猛追賊狂奔不止道右一村頗大踞賊約七八百未及竄走官軍分兩

營圍之賊目鄭有才出降官軍一面受降一面躡蹤進剿又追二十餘里沿途斃賊約二千有奇生擒近千拔出老少男婦不下數千時已午正易德麟章合才令頭隊少憩傳餐未刻又整隊繼進行十餘里將近瓦窰堡巨巢賊正在造飯聚隊不虞官軍復至也倉忙出竄易德麟等飭馬隊從堡兩旁抄出步隊分數起截殺將賊衝為數段賊屍遍野又追二十餘里至樂家坪時已二鼓矣十三日復追至南川僅截殺尾賊數百餘賊已向西南散竄易德麟等因裹糧已罄不能再追遂收隊

續編卷十八

七

回安定縣就辦行糧通計劉松山所部全軍及成定康一軍上臘十一二十三等日殺賊萬餘生擒賊匪約五千有奇內有大小頭目四五十名因日夜追剿奔馳均於陣前正法未遑研訊也奪獲戰馬騾驢四千五百餘匹器械無算救出難民以數萬計劉松山全軍僅陣亡弁丁十五名受傷二十七名成定康一軍僅陣亡五名有哨長藍翎把總杜宗太一名受傷將弁勇丁二十九名而已成定康以綏德州職守攸關而所屬米脂有股匪攻撲堡寨遂稟商劉松山撤隊回州劉松山以竄

擾草地及榆林邊內外之賊係逆首董福祥黨夥而老巢則在靖邊由榆林至靖邊一帶賊巢林立官軍由綏德州西北西南迤邐而前已有大蛇中斷之勢若引軍而西節節搜剿則榆邊內外之賊必急於回顧而東北一帶河防自可解嚴特邊牆內外被賊擾掠已久商旅不通前路無可因之糧就地無可移之粟而各軍所持行糧又已告罄裹帶無貲殊深焦灼十四日屯軍安定僅獲粟米六千餘斤即宰所獲騾驢雜者充食是夜三鼓率各軍向西北進行五十里適道充鄉導之降卒飛

續編卷十八

九

報敗殘首逆李雙良高萬全率其黨亦向西北竄走現與官軍僅隔胡家山一山劉松山即令易德麟蕭章開各率所部前左兩軍立由右進小川繞出賊北截之右後兩營馬隊護其輜重俟兩軍拔行半時許劉松山自率中軍章合才率左軍分路西進橫擊之踰胡家山而西聞鎗礮聲緊知易德麟蕭章開兩軍已接仗矣劉松山麾中左兩軍急進賊見官軍馳至駭而奔官軍躡追至小李莊截賊數段兩路沿途擒斬約千餘名拔出難民數千名收隊回胡家山尋訪土人知小李莊之北四

十里為隆慶鎮西北為黑牛川邱家坪兩處相距二十里三巢皆賊首董福祥之黨也是夜四鼓劉松山率各軍疾進十五日辰刻馳抵隆慶鎮賊已於先夕初更遁合黑牛川邱家坪兩巢矣劉松山親率易德麟由右向邱家坪先進飭章合才蕭章開遲半時許率所部由左以向黑牛川蓋邱家坪較黑牛川遠十餘里欲其取齊會剿也劉松山兩軍行三十餘里甫近邱家坪賊卡賊已列隊出拒左右兩山有賊如林旗械亦整劉松山飭易德麟分其軍為兩左右攀躋擊兩山之賊而自率

續編卷十八

九

中軍分前後隊直撲賊卡逼卡里許揚旗吹號聲之時左右兩路亦均搶上半山三路鎗礮齊轟震山谷賊乍視軍威惶駭殊甚礮止煙銷見賊陣已動急起乘之立將邱家坪賊巢攻破乘勢猛追八里許沿途又掃賊巢十餘處適張合才蕭章開亦破黑牛川馬營灣一帶賊巢十餘處而來兩股敗賊已歸併一路官軍排追數里沿途賊屍駢列計共斃賊千五六百名解散脅從數千名兩口共奪騾驢二千餘匹軍械七八千件敗賊竄逸鎮靖堡官軍二鼓收隊點驗勇丁陣亡三名受傷十

二名而已是夜提訊陣擒賊目孔福興呂萬源朱有祥李益昭周其慶李元福何良如等均供鎮堡靖堡堅固董福祥恃爲巢穴其眷屬則竊踞靖邊縣城訊畢斬之劉松山擬次日進攻鎮靖堡逕搗賊巢待榆邊賊還救而傾之尙未接其續報則師行日遠北山之北驛路處處梗阻軍報須從榆綏晉邊山西乃達西安也臣等竊維榆延北境橫抵甯夏正當河套迤南古爲用兵之地自陝回倡亂甘回繼之環慶平涼民人自相團結以與回門敗喪之餘流爲盜賊情實可原董福祥高二扈彰

續編卷十八

十

之徒阻兵多年官軍未遑征討浸假而失業無賴之徒附之浸假而飢軍潰卒附之旋又勾結甘回蘇阿渾等助逆馴致戕官踞城潛圖遠竄而罪乃不可赦矣上年扈彰畏罪輸誠投臣典營次求撫臣典受之爲之安插延安其黨之散附高逆者不少故高逆一股多至十餘萬衆以兼有扈彰之黨也此次劉松山成定康所剿者高逆巨股其漏遺者實已不過數千其大小頭目殲除殆盡傾接延安守將劉厚填刑部主事周瑞松報十二月二十四日李雙良高萬全南竄距延安五十餘里之

人和黨不過騎賊數百步賊數千經劉厚填周瑞松派隊截剿復斃賊數百名生擒三十餘名其窮蹙可想臣等前接成定康稟李雙良乞撫曾允其分別安插不意其猶豫不決自取殲滅也劉松山全軍抵甯甯時知北路榆郡一帶兵力漸厚遂決計渡河西剿直搗賊巢竭六晝夜之力轉戰七百餘里實有勁風掃縹之勢計其擒斬數萬拔出難民數萬奪獲馬騾驢七千有奇軍械山積洵足伸

續編卷十八

十一

天討而快人心十五六兩日劉松山所剿之賊即董福祥悍黨計董逆聞大軍深入必急於回救榆邊內外白可解嚴而春令漸深河永待泮首防或可無虞其於大局實有神益惟師行既遠裹糧告罄臣等雖籌銀委員在山內承甯採運軍食而距該軍數百里轉漕不前所慮不在賊多而在糧運不繼雖聞大捷仍不免有喜而憂陝甘軍務較難於各省將士苦況較甚於各省者此也所有尤爲出力之將領士卒已飭存記聽候冀懇恩施伏乞

皇太后

皇上訓示施行謹
奏 同治八年正月十三日

榆林邊境各軍擊賊獲勝片

再北路榆林邊境之賊東窺河干北侵草地均首逆董
福祥嫉之董福祥寄其孥於境邊而率其醜類四出剽
掠較李雙良為狡上年十二月初四日記名提督張裕
飭前起各營官總兵王連三遊擊王明泰提督楊春祥
副將徐效孟於是夜二鼓由河曲履水渡河先攻法寺
胡灣之賊斃賊三四百名楊春祥追至古城子復斃賊

續編卷十八

三

百餘名獲馬二百餘匹初六初八等日楊春祥等擊石
界子各處騎賊均有擒斬張曜令王連三等進駐五拉
合蘇自率所部渡河會剿十三日副都統全順延綏鎮
總兵劉厚基由十里長灘會商張曜由五勞不拉向北
路進行約百里距準噶爾貝子營盤二十里之慶達瓦
廟探報有賊在敢執漢盤踞未動即督隊前進行抵拉
林一帶遙見溝中火光隱隱騎賊數百正在造飯遽前
薄之擒斬數十名獲馬百餘賊即潰竄張曜督所部緊
躡賊蹤追二十里收隊暫駐瞥見迤西西北火光燭天

張曜令各營尊食聽令五鼓親率各營由敢執漢盤踞
西進行三十里訶賊尙踞達拉川遂整隊前進徐效孟
楊春祥王明泰等見賊即擊賊紛紛敗潰張曜督各軍
追之擒斬數百名賊分路鼠竄一向正西一向西南猶
盤旋邊外各處張曜督各營緊追十四夜乘月色皎潔
馳七十餘里抵臺陽川二庫地方訶賊眾悉聚於此張
曜飭李富貴王明泰潛繞西北截賊去路飭各隊分路
壓擊連踏賊巢三十餘處斬賊遂多十五日黎明正分
隊搜殺間忽有賊步騎數千紛紛回撲官軍整隊迎擊

續編卷十八

三

賊不能支屍橫遍野陣擒賊目馬明及陳彥王守成蘇
旺林等二百餘名訛明軍前正法解散脅從數百名官
軍陣亡者僅千總胡桂發及勇丁二名受傷十七名而
河西及準噶爾地貝子境內均無賊蹤此張曜一軍由
河曲履水而西連獲勝仗實在情形也其金順劉厚基
兩軍據報十二月初六日波羅營西有大股賊竄至酌
留副將萬金榮遊擊李考祥三營守波羅扼之自帶所
部七營步隊及馬隊百餘名兼程東行十二月初六日
馳抵府谷之鎮羌堡探知賊距邊外古城法寺胡家灣

直至十里長灘地周百餘里初九日五鼓金順率所部及劉厚基之中營前進行四十餘里遇賊數千擊敗之擒斬約千餘名是日駐軍古城規賊踞十里長灘初十日劉厚基率馬步三營會剿十一日進攻賊已於先夕棄巢先遁矣金順劉厚基尾追二百餘里直抵哈慶當王廟收隊沿途斃賊近千名生擒數十名十四日仍回駐古城賊已悉數西竄晤商張曜暫留古城金順劉厚基遂折回榆林剿葭州米脂之賊十九日抵榆劉厚基接據所部後營知縣梁以恭稟報初十夜率該營弁勇

續編卷十八

西

已將米脂桃花茄攻寨之賊擊敗斃賊數百名寨圍遂解臣等竊維竄犯歸綏榆林之賊及葭米之賊皆董福祥等黨夥經張曜金順劉厚基成定康疊次擊敗劉松山又急由綏德掃蕩而西搗其巢穴東北敗餘之賊必急於回顧可知不但歸綏邊境遊氛漸斂卽榆林綏德亦廓清有期北路機局實爲順利附片陳明仰慰慈廑伏乞

聖鑒訓示施行謹

奏 同治八年正月十三日

回逆求撫未可深信片

再董志原回逆上年十二月初旬以前迭經官軍擊敗情形已經臣等馳報其初旬以後仍一面求撫一面分途竄犯迭經各軍剿敗現又遞呈求撫其情詞亦漸近軌轍而包藏禍心仍所不免臣等未敢將就了事仍飭各軍戒備如初大約回中種類不一心亦不齊其求撫雖是真心而各懷自便之圖未可以尋常賊情付度臣等惟當和衷商榷以求一了百了所有各軍戰勝情形容卽續報伏祈

續編卷十八

東

聖鑒訓示施行謹

奏 同治八年正月十三日

軍機大臣 字寄同治八年正月十八日奉

上諭左宗棠等奏北路官軍獲勝剿辦竄邊賊匪續獲勝仗回逆求撫未可深信各摺片覽奏均悉成定康劉松山等軍由清澗及綏德等處進剿疊獲大捷事機極爲順利在事尤爲出力之將領士卒著左宗棠等存記欽此保奏候旨施恩匪勢現極窮蹙左宗棠庫克吉泰劉典務當飭令各軍乘此聲威分路進攻將敗殘餘匪

悉數殲除為次第廓清之計董福祥恃鎮靖堡為堅巢其眷屬則竊踞靖邊該逆一日不除賊黨一日不盡著左宗棠等檄飭劉松山統所部進攻鎮靖堡運搆賊巢迭殲醜類惟師行日遠轉饋愈難應如何源源接濟俾軍食不致缺乏之處著該大臣等妥籌辦理竄邊逆匪經張曜等叠次擊敗劉松山又由綏德掃蕩而西直搗董福祥老巢該逆急於回顧不但歸綏游氛漸斂即榆林等處官軍剿辦亦易得手著左宗棠等激勵將士迭赴戎機毋稍延緩董志原回逆首鼠兩端現又求撫左

續編卷十八

六

宗棠等恐其包藏禍心未敢將就了事所見甚是該大臣等務當相機妥為辦理勿稍大意將此由六百里各諭令知之欽此

劉松山徑搗賊巢獲勝並剿敗北竄回逆現籌安撫摺

奏為劉松山一軍徑搗賊巢殲擒餘逆並截剿北竄逆獲勝現籌安撫事宜仰祈

聖鑒事竊劉松山上臘十六日大獲勝仗後擬十八日進攻鎮靖堡業經臣等於正月十三日馳報其時方以未得到松山續報為疑拜摺後接劉松山除日捷報始知上臘二十日曾將十八日追至鎮靖堡董福祥跪乞投誠應否准予安置各事宜馳稟請示 臣等迄未接到

續編卷十八

七

料是驛遞沈失應俟行查據劉松山續發報稱二十日發稟後即催董福祥之父董世有及董福祿迭將鎮靖堡及靖邊縣城所有降眾難民造冊呈核旋據董世有訴稱各股徒眾疊蒙截剿其畏誅者或向榆林米脂一帶或向延長靈武董福祥隨身三四千人不知竄向何處現已專人喚回稟懇寬限數日其屬彰餘黨未就撫者經叠次剿辦亦請鎮靖堡造冊乞撫南路探報賊首李棟即李登李雙良張萬會即張萬飛姬滿春等糾集餘黨屯踞洛珠川一帶距堡一百三十餘里二十三日

劉松山飭章合才率左軍蕭章開率右軍及右後兩營馬隊取道烏牛川進剿正拔行間西路探報有回逆一股出西而來屯踞定邊縣屬之高小灣距堡西一百三十里劉松山自率中軍飭易德麟率前軍卽夜三鼓潛師西進令步隊兩營守老營護輜重二十四日行一百里駐張家溝馬隊營官提督余虎恩擒獲回逆四名訊係回日令其假官軍裝束前來偵探者據供此股回衆約三四千皆騎馬從下馬關維州萌城一帶而來現踞高小灣回首爲馬萬得馬棘子劉松山訊畢卽傳令三

續編卷十八

六

鼓傳發出隊行二十餘里遙見高山灣一帶火光隱隱塵軍分路急進徑逼高小灣回逆聞官軍突至驚駭失措有騎無鞍之馬亂逸者有牽馬狂奔而馬不前者官軍急起蹙之其未及竄逃之賊敗匿民房劉松山督中路馬步立將民房圍住前面各村之賊不復回顧各圖逃命易德麟率所部及中軍隊伍躡蹤追之連破賊館七八處時已天明見回逆悉向西路逃走劉松山飛飭馬隊兩營隨易德麟步隊分路追殺十餘里擒斬約二百餘名其高小灣被圍各悍回經中路各營搜殺淨

盡得脫者不過十餘人是股共計斃悍回約六百餘名生擒二百餘名奪獲戰馬六百餘匹洋鎗三十餘桿刀矛千餘件而官軍陣亡者二名受傷者十四名而已二十六日停軍高小灣探報逆回已遁歸老巢二十八日收隊還鎮靖堡適章合才蕭長開剿洛珠川之賊事畢振旅言旋詢知二十四日五鼓師抵洛珠川出賊不意騎賊雖列隊抗拒而步賊已紛紛潰走章合才蕭章開整隊壓之賊向西南狂逸不止窮追三十餘里沿途斃賊千餘名生擒三百餘名拔出難民男婦數千奪獲

續編卷十八

七

騾馬二百餘匹騾驢六百頭官軍僅受傷三名而已復接留駐山西軍渡提督何作霖稟稱二十二日聞吳堡北境有賊二千由蠓喇峪竄至攻破三和源白家場一帶民寨比卽商同提督周國勝楊清源由軍渡過河行二十餘里抵石堆山見賊圍攻民寨卽督隊猛撲賊見官軍大至解圍狂竄官軍乘勢蹙之緊追三十里至汪家渠沿途斃賊百數十名生擒四十三名奪獲騾馬八十餘匹賊敗向西南何作霖仍收隊還軍渡此劉松山全軍三剿土匪一剿回逆克獲全捷實在情形也惟是

劉松山渡河而西縱橫掃蕩由綏德而西北至懷遠折而南至安定復西至靖邊之鎮靖堡又西至定邊屬之高小灣現收隊暫還鎮靖所屬皆荒墟廢井人煙斷絕深入賊窟前無可因之糧鎮靖堡距綏德州已四百餘里綏德州距山西永甯州該軍採運軍糧之處又一百餘里餉饋不繼疊接劉松山牘稱軍糧告罄宰驢驘雜表充飢各營運糧騾馬又芻秣闕乏多已餓斃_臣等遠隔千里不能代為設措徒切隱憂而榆延綏兩郡一州積年巨寇經劉松山此次痛剿實已震懾兵威或稽顙

續編卷十八

三

輸誠或嚮風迎附皆懇請免予駢誅就地安插以天理人情言之此輩初本

朝廷赤子弄兵潢池斷無抗拒之理以事勢言之此輩因禦回力竭無家可歸迫而為匪較回逆之阻兵安忍窮蹙來歸其罪猶有可恕今辦回尚議剿撫兼施而於禦回之匪不予安插亦拂我

皇上仁育義正大德好生之心其榆延綏屬災民之更宜速圖撫賑則固無論也願安插非有見成之款就近速為撥解不可土匪難民已多飢斃非急籌糧食速

為散給不可而陝庫無款可籌_臣等餉源早涸實屬無計可施懇懇

皇上天恩飭綏遠城將軍於邊外代籌糧食交副都統金順轉輸入邊接濟均於另片陳明而榆林漸已解嚴有張曜劉厚基兩軍足資控制金順一軍應即請旨令其援赴靖定一帶駐紮一便轉運邊外雜糧一便防剿西路回逆於目前局勢似為相宜_臣等會籌延榆綏目前應辦事宜意見相同不得不據實陳明請旨伏乞

續編卷十八

三

皇太后

皇上聖鑒訓示施行謹

奏 同治八年正月十九日

請 飭部撥採糧接濟片

再陝省用兵以籌糧為要兵燹後亦惟籌糧為難現時大兵雲集自延鄜進南以至汧隴各軍所需糧食草料或就地採辦或由外省購運來陝車駝夫馬絡繹載途勞費萬狀延鄜各屬池北以迄沿邊如金順劉松山劉厚基成定康郭寶昌等所部兵勇馬步五六十營餉糧

既急轉運尤艱北山以內兵燹連年土地荒廢過多無糧可辦勢不能不於山西沿河一帶設局採購以期運捷然延綏北境如眉施安寨保安安定定邊靖邊各縣地接邊荒道險且遠即由山西採運轉輸亦苦鞭長莫及因思榆林邊外東至綏遠城西至花馬池中間附近邊牆之包頭磴口等處民人向來懇種水地產糧最多客商隨處開設牛棧囤積售賣以爲常業聞金順等頻年軍糧卽取給於此惟其地分隸綏遠城將軍所轄薩清托等五廳若由陝派員越省攜銀採運人地生疏恐

續編卷十八

三

多窒礙况所需糶本過鉅陝西司道各庫一空如洗各省協濟之款解到寥寥前欠既多一到卽盡無從籌此鉅款以濟急需而榆綏各屬難民降衆計男婦大小不下二三十萬口又未可坐視其槁死荒谷不得已借提江南解到劉松山軍餉銀五萬兩以二萬兩解交金順以三萬兩解交成定康作爲賑撫安插之費聊濟目前然亦杯水車薪無裨大局合無仰懇天恩飭下戶部迅撥庫款現銀十萬兩徑解綏遠城飭下綏遠城將軍定安速派幹員分赴各牛棧定購糧

石相度地理遠近解交副都統金順轉發成定康爲賑撫安插之用庶冀無數殘黎得沐

皇仁稍延殘喘此時距秋成之期甚遠安輯之後尙需爲籌口食籌牛種耕具俾其各安耕鑿永爲良民則猶待餉項有出始能通融挹注其應手與否非_臣等所敢知也除咨請定安金順檄飭成定康辦理復函商定安懇其代展一籌並派西安佐領喜勝馳赴綏遠城面陳一切伏懇

聖慈垂念邊方殘黎飢苦情形

續編卷十八

三

特允於全

飭部速與撥解_臣等曷勝感荷之至所有會籌辦理緣由謹合詞縷陳請

旨伏乞

聖鑒訓示施行謹

奏 同治八年正月十九日

軍機大臣 字寄同治八年正月二十四日奉

上諭左宗棠等奏劉松山一軍徑搗賊巢獲勝並勦敗北竄回逆現籌安撫事宜及請飭部撥餉採買糧石接

濟各摺片覽奏均悉劉松山一軍自殺德掃蕩而西至靖邊之鎮靖堡又至定邊之高小灣三剿上匪一剿回匪均獲大勝洵屬謀勇兼優深堪嘉尚土匪董福祥之父董世有及董福祿畏懾聲威將鎮靖堡及靖邊縣城降眾難民造冊乞撫恩彰餘黨亦詣鎮靖堡乞降左宗棠等因其罪尚可恕不忍峻拒自係目覩其畏懾真情確有把握卽著該大臣等妥爲安插惟董福祥隨帶三四千人未經招回尙未可恃著左宗棠等嚴飭董世有迅速喚回毋令遷延變計其未投誠之賊首李棟等仍

續編卷十八

雷

著飭令劉松山各軍奮力追剿以淨根株陝省北山素稱瘠苦籌糧爲難亦係實情本日已飭戶部撥給部帑十萬兩解赴歸綏著定安於此項銀兩解到後派委員分赴各牛根定購糧石解交金順大營轉發成定康以備賑撫安插之用第恐歸綏各屬一時未能得如許之糧並著定安設法採買解往毋令缺乏金順一軍前因穆圖善奏請飭赴定邊一帶會諭該副都統酌度辦理現在榆林既有張曜等軍是實控制著金順仍遵前旨如東路可以無事卽仍回靖定一帶駐紮以資堵剿將

此出六百里各諭令知之欽此

續編卷十八

五

西南路各軍剿回土各匪叠勝摺

奏爲陝省西南路官軍剿辦回土各匪叠獲勝仗據實馳陳仰祈

聖鑒事竊陝西北山延鄜甘泉一帶處處與董志原回巢毗連回逆因飢掠食出沒靡常而土匪潰勇夜則伏匿山巖晝則聚衆肆擾此剿彼竄蹤跡亦復無定楚軍前路記名提督劉端冕一軍於十一月下旬由鄜州率隊赴延搜捕附郡土匪十二月初八日擊賊於陳家紙坊克之又擊之下寺灣臨村之賊搜殺畧盡而村外巖

續編卷一八

三

洞十餘處穴山臨水嵌空陡峻僅鳥道一線可通實爲匪衆逋逃之藪劉端冕飭各弁丁猱升而上甫及巖口賊礮石紛下登時中傷數名副將張復盛攀登仰攻復中石並跌巖下劉端冕親督各營弁丁冒死衝上前者墮下後者復進賊始敗潰巖洞以次平燬計斃賊二百餘名生擒張保兒等三十餘名奪獲軍械無數是夜隨據探報董志原回逆數千已由新集將台東竄劉端冕遂率隊於初九日馳回甘泉初十日列隊高家哨時賊馬步蜂擁而至督親官軍步賊退立山岡馬賊逕前搏

戰副將王開福都司盧華前直衝賊陣中鎗陣亡賊合力猛撲官軍屹立不動鎗礮連轟子如雨注賊勢不支

官軍大呼乘之步賊先奔馬賊繼潰仍由將臺一路飛馳而去同時復有回騎數百由交口槐柏鎮竄入上曹村片股擾及三义河並有大股由太白鎮竄麻子街以出甘泉勞山十三日劉端冕飭知縣邵杜總兵文明章率前營東出洛川以攻上曹村令副將劉竹田率鎮西營南出秦關以剿三义河自率中左右後各營分駐甘泉勞山麻子街以防大股竄入一面函請統領武威軍

續編卷一八

三

道員魏光燾會師助剿十九日賊前騎數百由府村口進撲麻子街官軍探報賊騎數千已竄至蘇家河廟嘴一帶劉端冕知大股踵至慮勞山兵單遂自率各營星夜馳剿二十三日黎明登高瞭視廟嘴以至勞山十餘里塵埃蔽天知回衆大至比飭先鋒馬隊及後營由大路迎擊左右兩營循山左繞進禦賊包抄而自率中營由河干橫截而出部署甫定賊數百騎已馳騁而來步賊繼至後營列方陣以進鎗礮環擊賊不敢進先鋒馬隊突前衝之中營復自河干截出前賊敗走而後賊復

蜂擁而至已革鄜州都司張鵬程躍馬陷陣中鎗遺殞
賊乘勢猛撲我軍鎗礮盡擊斃賊數名賊死拒不退自
辰至午相持未下維時劉端冕所派之前營邵杜文明
章已率隊掃蕩上曹村股匪並剿平土匪鄒光連聞旁
山有警即拔隊星馳適從賊後掩擊而至而左右兩營
亦同時擊敗包抄之賊由山左突出前後夾擊賊大敗
奔潰官軍縱橫歷擊計其殺賊五百餘名生擒張慶恒
王八癩子等三十餘名奪獲騾馬三百餘匹餘賊悉向
王家坪一路西竄其前竄三义河另股經劉端冕派令

續編卷十八

美

鎮西營副將劉竹田由秦關馳剿十五日敗賊於苦桐
堡十九日追敗之於陶池二十二日駐師白水適澄城
有回騎數百與前賊會合循洛河上竄已至下乞佛村
魏光燾委從九張兆熊解餉路過突與賊遇張兆熊即
寄餉堡內而自率百餘人與賊鬥劉竹田聞前途有賊
率所部自白水截出至朱牛鎮鎗礮聲緊乘勢衝入賊
大驚駭劉竹田大呼乘之張兆熊復自內奮勇夾擊賊
大潰我軍追至馬家河賊分路下原循洛河而走劉竹
田急令精辦劉臣儀率馬隊馳赴上游攔截而自率步

隊沿河跟剿追至馬家河兩岸高原賊不能上劉臣儀
又自上壓擊而下溝中之賊無路奔逃悉為官軍擒斬
生擒逆目馬化祥解省訊辦此劉端冕一軍劉竹田一
營十二月間痛剿回土各匪迭獲大勝實在情形也
臣等聞上匪陳瘋子即陳海春與潰勇陳一本沈淮清糾
合逃勇飢民勾結回逆竄擾宜洛各境即密飭統帶猛
營遊擊張雲松副將張星元就近搜捕十二月初九日
遊擊蔡春榮密約孟家嘴外委李汝淵襲賊於老密坡
分布勇丁扼住山口自率壯勇直入該逆逃竄無路拚

續編卷十八

美

死格鬥傷我軍十餘人賊亦死亡相繼我軍奮勇衝殺
劉竹田亦率眾踵至助剿逆首陳海春等以次就擒餘
黨百餘人無一脫者正收隊回宜川途次忽聞回騎千
餘屯居縣境東北土基村撫標左軍副前營副將唐寅
清已率隊馳剿張雲松張星元恐其力單即調齊三營
星馳助之十三日辰刻抵村各勇奮力攻撲唐寅清繞
出村前首尾夾擊斃賊八九十名餘賊北竄張雲松等
督隊追擊沿途均有斬獲日暮收回宜川維時記名提
督郭運昌率卓勝軍前隊陸續赴宜聞前賊北竄已至

甘肅鎮遠商請張雲松留防後路而自率各營並會同唐寅清追剿十七日擊甘肅鎮之賊敗之十九日復擊之雲岩斃賊頗多二十二日追至百尺鎮賊奔竄不及悉脫回撲千總王化成衝入賊隊中矛陣亡賊追撲益勵提督蔡光武總兵李華文等急麾軍排擊而下鎗矛迭施斃前賊數名賊漸披靡會猛營亦由宜川馳至前後夾擊賊大敗西竄官軍分途追殺餘衆四散奔逃悉由延川安定一路竄去此張雲松三營及郭運昌卓勝一軍十二月間剿賊獲勝實在情形也當各軍剿賊甘

續編卷十八

三

鄜宜延之交其時董志原回逆適分股由太白山河平子等鎮東犯而涇南汧隴靈臺各處亦有賊騎竄入多或千餘少亦數百其從太白山河入者十四日渡惠道河入安子頭統帶武威軍陝西題補道魏光燾在中部聞報卽率隊渡河直趨槐柏鎮截剿至則該逆已過槐柏擾及橋章十五日魏光燾追及之敗賊於石堡川賊竄要險十六日提督左日升副將伍正得攻要險之賊賊倚山布陣猛撲直前遊擊史秀成衝入賊中身受數矛傷登時殞命把總鄭有德力救亦中矛陣亡賊騎四

合副將王正和急率親兵大呼陷陣總兵吳禮德周勝元率馬隊橫擊鎗轟矛刺立斬悍賊數名左日升于奇泮乘勢衝殺賊大潰魏光燾麾軍奮擊斃賊百餘追殺二十餘里餘賊由街子河一路西竄其從山河走平子鎮入者十一日至湫波頭十二日至麻園總兵張福齊率師自職田馳剿十三日賊以數百騎東竄馬欄鎮而以另股撲底廟牽制官軍張福齊督隊攻之賊未及列陣總兵蕭寶林周玉堂等突前衝殺縱橫馳驟鎗矛叠施賊勢披靡副將祝鑑嵩參將劉忠發大呼繼進賊大

續編卷十八

三

敗仍由平子鎮竄回張福齊撤隊回職田卽派徐萬福黃有本等營東迫馬欄之賊沿途探賊已入石門關遂星夜擊截殺落後賊十餘名前賊策騎飛馳已由照金鎮一路竄入時甘肅提督高連陞在同官聞報卽整隊東馳十八日至曹村聞賊已由道賢鎮竄澄城十九日抵澄則賊已竄至趙村武安村一帶高連陞慮賊騎蹙忽非步隊可及也遂令步軍回防而率馬隊漏夜馳擊二十日抵趙村天未明官軍一擁而入賊驚起殲除過半餘賊棄馬奔入武安村賊盡出列隊以拒副將謝春

臺把總張世發怒馬衝入賊並力環刺謝春臺殞於陣前張世發身受數矛傷力戰不退遊擊桂錫楨急率百騎由原上抄出村後高連陞督中軍排擊而前再接再厲賊敗入村口官軍奮威衝入賊大敗繞村而逃官軍分途追殺桂錫楨亦自村後抄出賊無路走悉棄馬滾溝而下官軍乘之殺斃跌斃之賊無數餘賊翻溝奔上咸和原連夜竄走榆樹河二十二日道員魏先熹截之於丁家原擒斬淨盡此魏先熹張福齊高連陞等軍十二月間剿回大勝情形也其由董志原南竄涇州之賊

續編卷十八

三

十一日至丁郎十二日破董家堡固原提督雷正綰自早勝馳擊賊不虞官軍驟至閉門拒守官軍四面環攻賊礮石雨下官軍被傷十餘名副將余國榮肉薄而登復中鎗斃命雷正綰督勇從缺口急攻前隊被傷後隊繼進鎗礮連環轟擊賊不能支退入堡內官軍奪門而入分途搜殺賊無可逃計堡內賊二百餘名悉殲無遺並奪獲騾馬百餘匹援出難民無數其渡涇河由崇信南竄之賊分爲三股其由靈臺高崖入者約八百餘騎十六日破瓦子潭踞之十七日員外郎銜中書吳士邁

自鳳翔馳至麻夫站十八日昌雪進攻午後抵山下賊尙未覺總兵朱德樹參將劉厚福等分路上山賊倉皇拒敵官軍奮勇衝突鎗矛並施登時斃賊數十名賊大敗竄下山官軍從後躡擊雪深路滑賊顛撲墜巖者無數官軍跟追二十餘里沿途斬殺三四百名餘賊仍由靈臺寨子山北竄其由崇信靈臺之間竄入隴州東境者甘肅按察司張岳齡自汧陽進擊十九日探賊踞麻家臺約馬三百餘人張岳齡潛師夜起二十一日黎明馳抵賊巢參將陳泰益大呼直入賊驚覺紛出抵拒官

續編卷十八

三

軍奮威衝殺立斃悍賊十餘賊棄麻家臺而遁官軍乘勝追擊賊回撲數次官軍愈進愈猛賊無可乘遂大敗奔潰追至鎖匙坑又斃賊數十名餘眾悉向齊家塬奔逸其竄入隴州北境之賊十六日攻雷家堡未下試用道候補知府喻步蓮率師援之賊解堡圍而去二十日走胡道村二十二日至草家堡伐木梯四面環攻二十三日喻步蓮得報星馳賊見官軍復至卽撤圍列隊猛撲直前官軍屹不少動賊稍卻副將劉寶林乘勢衝入蕭羣魁龔曉亭等大呼繼之左右夾擊鎗礮紛下賊死

傷枕籍大敗奔潰官軍追殺十餘里餘賊悉向崇信飛奔而去此十二月間雷正紹吳士邁張岳齡喻步蓮等軍剿回獲勝實在情形也傾據延安守將劉厚填刑部主事周瑞松稟報土匪李雙良高萬全經劉松山剿敗率眾南竄本年正月初一日其黨尙榜陳明桂擾及西河溝劉厚填馳至廟店山截之賊恃險抗拒官軍奮力仰攻鎗礮雨至賊陣亂總兵羅長春副將陳振贊田山後突入官軍分道上山城無路走官軍四面環擊陣斬尙榜陳明桂餘賊擒斬殆盡其宜洛一帶回逆前經郭

續編卷十八

言

運昌張雲松等擊敗而後股尙出沒於宜韓境地正月初七日竄至白馬灘提督郭寶昌適抵韓城星夜馳剿距賊數里卽見白馬灘一帶火光甚熾官軍疾馳掩擊賊驚竄隨據生擒回逆供稱賊後股尙在石堡川郭寶昌比飭提督王鳳鳴等率馬隊前驅自率步隊由關家山繞擊初八日黎明抵石堡賊已列隊川上扼險以待王鳳鳴等逕前衝撲賊死拒鎗矛互擊正在相持適郭寶昌已繞過關家山率步軍由山口壓擊而下前後夾擊賊大敗紛竄官軍分途掩殺斃賊二百餘名奪獲騾

馬百餘匹餘眾翻山向延長西北一路竄去此正月初旬劉厚填郭寶昌剿賊獲勝實在情形也是時延長延川一帶回逆自上臈由甘泉竄入飽掠將歸前隊已向甘泉大股尙踞金盆灣等處劉端冕知賊必趨勞山而情歸之宜急擊也遂伏軍於勞山左右以待之一面函請魏光燾率師會剿初九日探賊已過臨鎮午後步騎並至揚旂鳴角紛向勞山大路西馳劉端冕見賊輜重在後戒各軍毋遽進俟前賊過半突出喻經魁文明章大呼橫截而出前賊回馬猛撲官軍擊敗之其截斷後

續編卷十八

言

賊亦相顧驚潰拋棄糧食奪路狂奔官軍奮威衝殺躡蹤緊追初十日至劉家屯敗之又敗之於廟嘴擒斬甚眾奪獲糧食二千餘袋騾馬五百餘匹十一日追至岳家屯斬斷後賊百餘名前賊已由山府谷一路西竄魏光燾前接劉端冕函報卽拔隊赴甘泉中途忽聞賊自金盆灣分百餘騎竄至太平村初八日至桃源相距僅廿餘里魏光燾移師剿之賊倉卒出敵官軍分路排擊而進四面圍攻村內之賊斬殺淨盡初九日仍擬赴甘泉助剿途次得報知賊已爲劉端冕擊敗仍由勞山走府

村計必取將臺槐樹莊一路回竄魏光燾即率隊西馳十一日抵張村十二日抵府村探賊已竄將臺十三日尋食擊之賊列隊回拒魏光燾厲軍奮擊縱橫盪決斃賊無算賊大敗盡棄所掠糧食約向廟耳石廠子兩路狂奔十四日正擬拔隊窮追忽探報偽胡元帥率黨數千由府村踵至魏光燾遂分軍伏將臺邀之自率親軍待敵十五日辰後賊層至營觀官軍步賊即竄而北馬賊逕前撲陣官軍奮擊之賊且戰且退追十餘里伏發官軍從賊陣中突出賊驚潰狂竄委棄糧袋軍械填塞

續編卷十八

奏

道路官軍數路追擊擒斬千計奪獲騾駝駱馬千餘匹所掠糧食盡為官軍奪回餘賊悉由大白鎮竄回老巢此正月十五日以前劉端冕魏光燾剿辦歸巢回逆連獲大勝實在情形也臣等竊維董志原回逆雖迭經剿敗兇殘漸衰而自延鄭迤南以達汧隴賊騎紛紛四出冒死掠食幾於無日無之官軍非裹糧數日不能盡力窮追又步騎相懸常有不及之勢土匪董福祥等業已投誠然敗殘零匪遊騎無歸仍復伏處山巖乘虛竄掠各弁勇星馳露宿疲饋不遑往往擊回匪而土匪忽來

剿土匪而回逆踵至東西交警羽檄紛馳雖釜底遊魂終歸撲滅而人數較眾究未能責效於數戰之間臣等惟當嚴飭各軍迅將北山餘匪一律剿除然後合力掃蕩而西以紓

聖廑至此次陣亡之副將王開福謝春臺余國榮遊擊史秀成都司盧華前已革鄭州都司張鵬程千總王化成把總鄭有德等力戰捐軀均堪憫惜應請飭部照例議卹已革鄭州都司張鵬程並請

旨開復原官交部照都司例議卹以慰忠魂所有上年

續編卷十八

奏

十二月間及本年正月十五以前西南路各軍戰勝情形謹合詞據實馳

奏伏乞

皇太后

皇上聖鑒訓示施行謹

奏 同治八年正月二十三日

榆林綏德一律肅清片

再榆林綏德土匪董福祥倚靖邊鎮靖堡一帶為老巢自率悍黨數千並分遣賊眾四出竄掠道銜知府署綏德州

知州成定康既隨劉松山轉戰而西忽聞董逆由府谷
神木竄入葭米遂急率隊回州上年十二月十八日師
次何家岔十九日至王家峽探報該逆向東折竄已至
開花寺劉家塢等處逼近黃河成定康即令陳瑞芝龍
錫慶督率各旗冒雪前進初更抵棘針店距賊尚三十
餘里二十日整隊前行沿途即遇騎賊數百由右路衝
來經陳瑞芝戴光明喻先恕麾隊衝擊賊即疾走我軍
追至劉家塢賊萬餘分踞左右山坡嚴陣以待陳瑞芝
即率喻先恕戴光明由右成光熙率李長樂等由左龍

續編卷十八

美

錫慶率成榮華等由中路策應賊見我軍三路進攻蜂
擁來撲陳瑞芝率隊進擊鎗礮矛刺斃賊數名賊陣未
動龍錫慶即由中路衝出賊死拒喊聲震山谷正在相
持成光熙遽自左路山下掩至哨官張德榮徐尙清等
躍馬上山礮賊先鋒白聯桂賊氣奪李長樂率馬隊縱
橫陷陣中右兩路乘勢衝突陣斬黃衣賊日二名賊大
潰追至劉家下塢奪路狂奔我軍分途掩殺斃賊數百
名奪獲騾馬四百餘匹窮追二十餘里沿途擒斬無算
餘賊向西北竄逸時值高逆餘黨張萬飛自張家臺敗

後乘我軍西剿收合各處餘賊復得數千竄入綏德州
南至王家溝一帶成定康即飛調各旗隊伍於二十二
日回州二十三日進駐雷家溝二十四日抵王家溝該
逆正攻民寨甚急突見我軍數路掩至步賊大亂狂奔
而馬賊猶復直前抵拒軍功李炳運發一鎗適中狐裘
賊日一名落馬後訊知爲偽幫辦胡梯雲甘肅固原廩
生也賊見匪目就殲無復鬥志各旗乘勝衝殺賊悉奔
潰我軍跟蹤追剿及之於柏樹坪二十五日又及之於
清潤河計其斃賊三百餘名奪獲騾馬百餘匹餘眾竄

續編卷十八

美

向延川二十六日擾及頁河子撫標親兵前營記名提
督劉聲集在延川聞報即率隊馳剿陣斬紅旗賊日數
名賊敗走我軍跟追十餘里斃賊甚多餘賊悉翻石山
坡西竄此成定康一軍十二月下旬進剿州南各匪兩
獲大勝及劉聲集一營截剿獲勝實在情形也現據劉
厚基成定康稟報榆林綏德已一律肅清謹附片陳明
仰慰

慈廬伏乞

聖鑒訓示施行謹

奏 同治八年正月二十三日

軍機大臣 字寄同治八年正月二十九日奉

上諭左宗棠等奏西南路各軍剿辦回土各匪疊勝暨榆林綏德一律肅清各摺片覽奏均悉上年十二月間劉端冕一軍由鄜州至新集將臺等處分剿回土各匪連獲大勝宜洛一路賊匪亦經張雲松郭運昌等分途追殺其東竄太白山河等鎮南竄涇州回股疊為魏光燾雷正縮等軍擊敗本年正月間劉厚填郭寶昌等復將延安土匪宜洛回逆痛剿延川延長歸巢回逆並經

續編卷十八

四

劉端冕等追擊擒斬甚多剿辦尚為得手即著左宗棠等督飭各軍乘勝跟追大張捷伐宜擾葭米綏德之董福祥張萬飛各股經成定康等疊加截剿榆綏現已肅清該處兵勇自可調赴西路併力進攻著該大臣等斟酌情形將現在如何布置之處詳悉具奏西征一事必左宗棠督軍前進將士更易為功著即將省防事宜妥為料理一面厚集兵力剋期出省節節掃蕩陝甘逆回蔓延已久該大臣務當一鼓作氣速奏廓清之效諒不待朝廷再三敦促也其榆綏兩屬善後事務著劉典嚴

飭地方官加意經理並著該大臣行知金順仍遵前旨回紮靖地一帶以資堵剿董福祥是否投誠此次片奏何以又有董逆由府谷神木竄入葭米之事即著查明具奏陣亡之副將王開福謝春臺余國榮遊擊史秀成都司盧華千總王化成把總鄭有德均著交部照例議卹已革都司張鵬程著開復原官交部照都司例議卹將此由六百里各諭令知之欽此

續編卷十八

五

惇靖奏稿續編卷十九目錄

請於陝甘餉項外 飭撥是餉作為專款摺

截剿逆回大勝摺

未慶一軍應否仍留豫省片

西征皖軍月餉參差請 飭安徽撫臣通籌添撥摺

請 飭袁保恆督辦糧台專摺奏事片

續編卷十九目錄

請於陝甘餉項外飭撥實餉作為專款摺

奏為遵

旨續晰覆陳請於陝甘餉項外

飭撥軍寔餉作為專款以清眉目而濟要需仰祈

聖鑒事竊臣於正月初三日准軍機大臣字寄同治七

年十二月二十七日奉

上諭前據左宗棠奏請飭催軍餉當交戶部速議具奏

茲據該部奏稱左宗棠前奏陝甘缺餉數目暨請增撥

鉅款並未明晰前撥六成洋稅一百萬兩未嘗無裨於

續編卷十九

陝餉其各省釐金應由各該省定議再行覆核籌撥於

撥餉之期並無遲誤陝省缺餉數目據劉典奏明每年

需餉三百萬兩除本省所入及江廣粵海關海江漢協

餉外仍不敷銀一百四十萬兩自應酌量添撥甘省情

形雖據穆圖善陳奏月需餉四十萬兩未據逐款分晰

等語陝甘常年軍餉及現在用兵餉需必須逐款分明

方免轉轄陝省據劉典所奏缺餉已有確數著該部迅

即酌度情形稟案添撥以資接濟甘省每年是需餉若

干除本省入款及各處協款外缺餉若干各省專協甘

肅之款何處尙能協濟何處並不協濟著左宗棠穆圖善會同核議縷晰陳明再由該部酌核辦理郭寶昌一軍現已增募馬隊三千餘於陝餉有無窒礙著左宗棠悉心酌辦戶部原摺著鈔給左宗棠閱看欽此竊維陝西餉項每年需銀三百萬兩經署撫臣劉典陳請業經部臣議准陝餉可期有著甘省之餉臣欽奉諭旨後即咨署督臣穆圖善核明會奏郵遞梗阻未卜何時接其覆緘然臣竊意甘肅軍營因餉缺太久士氣難以速振穆圖善雖極意整理亦恐勢有所難非俟度

續編卷十九

二

隴後按營點驗切實釐剔需以次第經理難言定濟也下之由秦入隴尙難尅期未入隴之前無從懸定其餉數之多少言多則糜國帑言少則拂人情總於大局無益竊以甘肅缺餉既鉅且久穆圖善寔已艱苦備嘗現值銷兵之時東南軍餉已有贏餘自宜及早撥給以固軍心而蘇民困多寡之間臣未敢臆斷也臣軍馬步七十餘營本是楚軍剽典前奏陝餉未曾附入穆圖善覆奏甘餉臣又未便附入如歸陝甘計算既患轉轉不清不歸陝甘外昇又苦

虛懸無著再四籌思惟有據是開列清單恭呈御覽伏懇

天恩飭部速議指撥專款急濟要需此後部撥臣軍寔餉請即名爲西征定餉各省協撥臣軍之餉亦即以西征名之庶幾眉目朗然部臣容易稽核而臣軍此時可免侵佔陝餉攫取甘餉之疑異時辦理報銷亦易清晰至於清單內約計數目均就現在時地而言原非一定章程即營哨增減亦無一定常額臣惟有寔用寔銷隨時另案咨報戶部以昭清白臣雖無狀不敢以餘粟餘財自污素節上負

續編卷十九

三

深恩劉典制行清嚴同時各將領尙均樸寔耐苦至於高連陞劉松山不就廣東提督無事腴區而馳驅於層冰積雪之間力圖報稱其志節凜然尤可慨見此時西征餉需寬裕一分即多爲朝廷辦一分寔事爲闔閩多留一分元氣區區愚誠寔匪有他所有縷晰覆陳臣軍餉需情形伏
皇太后
皇上聖鑒訓示施行謹

奏同治八年正月三十日

謹將臣與撫臣所部楚軍由臣發給月餉數目並變通糧價及採買製造轉運各費開具簡明清單恭呈

御覽

計開

一恪靖前路五營統帶官提督劉端冕計五營勇夫薪糧並統領費砲勇口分每月約需寔銀一萬五千餘兩
一恪靖中路五營統帶官提督周紹濂計五營勇夫薪糧並統領費砲勇口分每月約需寔銀一萬五千餘兩

續編卷十九

四

一恪靖後路五營統帶官現時缺員係臣自帶計五營勇夫薪糧並砲勇口分每月約需寔銀一萬五千餘兩
統領費俸給
一恪靖前營馬隊一營每月薪糧馬乾約需寔銀三千餘兩
一恪靖中營馬隊一營每月薪糧馬乾約需寔銀三千餘兩
一恪靖新前營一營每月勇夫薪糧約需寔銀三千餘兩

一恪靖輔營一營外加一哨並親兵兩隊每月勇夫薪糧約需寔銀三千五百餘兩

一恪靖正營一營每月勇夫薪糧約需寔銀三千餘兩

一恪靖奇營馬隊統帶官提督馬德順計八營外加小隊一百名薪糧馬乾並統領費每月約需寔銀二萬六千五百餘兩

一恪靖親軍馬隊一營外加一哨並先鋒十名親兵四隊薪糧馬乾每月約需寔銀四千四百餘兩

一恪靖親軍十哨係臣自帶每哨約一百五六十人共

續編卷十九

五

合三營之數勇夫薪糧每月約需寔銀一萬餘兩
一楚軍果勇全軍統帶官甘肅提督高連陞計步隊八營馬隊一營一哨勇夫薪糧馬乾並統領費每月約需寔銀二萬七千四百餘兩
一楚軍平江營統帶官甘肅按察司張岳齡計三營勇夫薪糧並統領費砲勇口分每月約需寔銀九千餘兩
一楚軍武威營統帶官留陝補用道魏光燾計三營外加一哨又馬隊四十三員名勇夫薪糧馬乾並統領費每月約需寔銀一萬餘兩

一楚軍宗岳營統帶官員外郎銜中書科中書吳士邁計兩營外加兩哨勇夫薪糧並統領費砲勇口分每月約需實銀六千餘兩

一吉林馬隊統帶官副將崇志計三營薪糧馬乾並統領費每月約需實銀九千六百餘兩

一楚軍水師中前兩營又潼關防勇一百名每月薪糧約需實銀四千五百餘兩

一道員湯聘珍新募恪靖安營一營每月勇夫薪糧約需實銀三千餘兩

續編卷十九 六

一提督銜總兵簡敬臨新募楚軍兩營每月勇夫薪糧約需實銀六千餘兩

一楚軍先鋒營一營每月勇夫薪糧約需實銀三千餘兩

一楚軍後勁營一營每月勇夫薪糧約需實銀三千餘兩

一撫臣所部副五營親軍左右翼營恪靖左營營務處加左右侍勇共合九營之數每月勇夫薪糧約需實銀二萬八千餘兩

以上楚軍馬步約共七十營現在戰事方亟固未可輕言去兵即使陝事速了臣披隊入甘而陝省地方新復亦須留駐勁旅以為善後之圖審度事機無從節省計每月約共需銀二十一萬餘兩每年約共需實銀二百五十餘萬兩至臣與撫臣隨營支發及各路總局分局文武員弁勇夫書役月支薪水鹽折心紅紙張等項銀糧尙不在內

一變通糧價查楚軍營制步隊每營連長夫共六百八十八人馬隊每營連長夫共五百八十八人臣與撫臣

續編卷十九 七

所部七十營內步隊約五十五營馬隊十五營合共四萬六千七百餘人又大營文武隨員差弁夫役及遠近各局隨時添派人數無定統共約五萬餘人馬約五千餘匹每人日食米一升每日需米五百石每月即需米一萬五千石陝省市價大米及各省採買大米每百斤長跌牽算約需銀四兩上下麥麩粟米每百斤長跌牽算約需銀三兩上下該弁勇等所得薪糧除食用外所餘無幾若長夫口糧每月三兩則並食用亦且不敷養兵之難至於如此前年曾奉

恩旨垂詢陝甘地方瘠苦南方勇丁多不願往若將調赴該省勇丁酌增餉銀若干當可樂於從事欽奉之下感荷莫名入陝以後經臣體察情形糧價正雜各殊長跌無定若將勇丁口糧一律加增當其平減徒滋浪費當其昂貴仍虞不敷且一議加增即爲定制後來不繼裁減爲難以故餉銀仍照舊章而於各軍每領官糧百斤止扣價銀三兩其餘不敷之數均准由臣作正開銷既恤兵艱復歸撙節似爲兩全以現在糧價尙平計之除運脚外每百斤約不敷銀一兩及七八錢不等每月

續編卷十九 八

合算卽不敷銀一萬五千兩有奇至馬乾一項原定每馬一匹月支馬乾銀三兩按陝省現在市價每馬日食麩三斤料三斤草十二斤計之月已需銀五兩有奇若追賊兼程崎嶇險遠尙須酌加喂養則不敷甚鉅畜馬之難又如此臣故於各營所領官發麩料柴草等項亦皆格外從減扣價每月計又不敷銀萬餘兩凡此變通辦法明知爲例不應銷之款然地方情形不同物價昂貴倍徙不得不通融挹注以收飽騰之效與其加增正餉而巨款不可復裁不如變通糧價而隨時可期節省

總計米價馬乾兩項每月約需銀二萬餘兩每年約需寶銀二十餘萬兩

一採買製造查陝省防剿各營所需軍裝軍火等項除陝軍甘軍業經撫臣

奏明由陝局供支外計臣部七十營合之劉松山郭寶昌李輝武等客軍尙不下百二十營所需軍火軍裝爲數甚鉅而洋礮洋鎗洋葯洋火各項則並陝軍甘軍亦概由臣局供支此項軍火皆由上海洋行採辦而來價值卽甚昂貴其他軍裝所用如銅鉛鋼鐵以及櫻籐麻

續編卷十九 九

紙油漆竹木等項陝省一無土產無非購自遠方至於棚帳旗幟號衣例應半年一換所需布匹工價更爲繁鉅從前均由鄂省製造轉運西安臣初入陝時覺其繁重多費亟議停止乃就省局製造工料物價兩相比較實尙不如遠省之費省工良蓋外省運脚雖繁而工匠之雇值物料之市價較本省尙減也現又招募浙江工匠速備機器來陝製造洋鎗銅帽開花子等件以省上海購運之費而目前所費又復不貲總之此項採買製造經費卽專就棚帳號衣兩項有定之數照例核算每

年卽不下十餘萬兩其餘軍裝軍火各項需用尙繁亦無成數可以預計約每年又需銀十餘萬兩二共實需銀三十餘萬兩

一轉運陝省水路險遠勞費殊甚水路溯江漢溯黃河盡係逆流推輓陸路則夫運馱運峻坂崎嶇艱難萬狀以目前主客各軍所駐之地計之除水程不計外酌定夫運以五十里爲一站馱運以六十里爲一站陸程已十餘站至二十餘站不等所運之項以糧食爲大宗本省兵燹之後田土荒蕪產糧旣屬無多又須少留民食

續編卷十九

十

以故各軍採買均係購自四川湖北河南山西等處計程總在千里之外合楚陝各軍及駐陝甘軍勇夫共七八萬餘人每人食米一升月需米七八百餘石水陸遠近牽算每石約需運脚銀四五兩卽月需銀十萬兩有奇其軍餉軍火軍裝等項均由上海水運鄂台由鄂水運荆紫關龍駒寨等處然後陸運西安再由西安分途解赴前敵之楚陝各軍及劉松山郭寶昌等軍應用爲數實甚繁鉅此項運費多少原難預定大約每月總需銀二萬餘兩二共月需銀十二三萬兩通計每年運脚

需銀一百五十餘萬兩

以上薪糧及變通糧價二項專就臣與撫臣所部楚軍而言每年共需實銀二百八十餘萬兩其採買製造轉運兩項則楚陝各軍及駐陝甘軍並劉松山郭寶昌李輝武等客軍均取給於此自應由臣統籌分給未便辦理紛岐計每年又共需銀一百八十餘萬兩統計西征實餉每年共需銀四百六十餘萬兩其陝甘各軍餉項及賑撫難民安插降眾開墾屯田等經費均不在內合併聲明

續編卷十九

七

軍機大臣奉

旨戶部速議具奏欽此

截剿逆回大勝摺

奏爲官軍截剿逆回大獲勝仗據實馳陳仰祈

聖鑒事竊正月十五日以前提督劉端冕道員魏光燾
剿辦歸軍回逆連獲大勝業經臣等於正月二十三日
馳報其時僅據魏光燾十四日收隊後稟陳大略情形
而劉端冕戰狀亦祇敘至正月十一日止頃據魏光燾
稟十五日擊敗將台歸軍之回逆先據生賊供係回酋
胡元帥所帶十五日收隊後訊生擒各賊始知胡元帥
卽虎元帥之訛而賊中所稱虎元帥卽白彥虎蓋賊中

續編卷十九

三

十八酋之一兇悍素著者也是日斃賊千餘生擒逆目
張阿寶馬元元及悍黨百名總兵吳禧德陣擒執旗賊
目賊及傷吳禧德左手吳禧德急開小洋鎗斃之割其
首級未詳其名而自此賊殲斃後諸步賊奔潰不復回
顧知必賊中巨目也十六日搜捕山谷餘賊又有擒斬
而其軍之留駐吉字峴者於十五夜詢知前竄澄城郃
陽韓城各境回騎經郭寶昌擊敗後餘賊復竄至洛川
楊樹村劫去官軍運糧馱騾二十餘頭向交口竄走留
守吉字峴老營五品銜知縣余市勳飭守備楊金龍及

各營隊伍進剿調知騎賊夜聚普羅村卽夜出隊掩擊

三鼓直抵賊巢先設伏左右兩路斷其分竄楊金龍及
千總范朝海守備戴俊德游擊唐萬勝外委張金明首
先殺入賊正酣睡驚起亂竄參將程東海副將李奪魁
兩路伏兵齊發鎗轟矛刺賊屍遍野騾馬糧食概經奪
獲惟回目白同舉棄馬逃走僅獲其馬此股殲除殆盡
矣劉端冕自初十一等日鐵剿劉家屯岳家屯回竄
之賊後十三日戌刻探報後股猖逆又竄近延安劉端
冕立飭副將喻經魁率所部趨勞山爲疑兵以分賊勢

續編卷十九

三

自率中前左右四營趨高家哨俟賊竄近則設伏擊之
天明抵高家哨已刻遙見馬衣山後塵氛大起劉端冕
急飭副將文明章參將黃承佐迅渡洛河伏雷村左右
伺賊半渡擊之飭提督甘大有率所部伏牛武川之左
自率中營伏牛武川之右約聞中營號聲則起布置甫
定賊果由牛武川蜂擁而來中營號聲起右營應之賊
見官軍突出大驚棄馬分竄官軍兩路夾擊斃賊無數
其冒死搶渡者適水泮水長擁擠不前官軍乘勝蹙之
逼溺無數霎時糧食馬騾軍械屍骸橫砌河干其先渡

之賊又經雷村伏軍文明章黃承佐突出截擊無一免者其喻經魁一營是日辰刻甫抵小勞山而賊之馬步數千已磨聚大勞山廢寨午刻整隊進擊賊見官軍無多遽前搗戰喻經魁堅陣不動初之鏖戰數時轟斃悍賊數十名賊翻山而竄知前股已經官軍痛剿不敢復趨舊路繞向蔡家山竟徑狂奔劉端冕詢知之十五日黎明潛師赴王家坪以待逾時賊果絡繹翻山而下劉端冕飭前左兩營由左右抄襲其後自率中右兩營奮起突擊賊駭而奔官軍壓之斃賊甚多其已捨渡過河

續編卷十九

丙

者又經先鋒馬隊過河追及步隊追至石門子餘孽奔路狂奔十六日追至洪家河則賊已散竄歸巢矣計劉端冕全軍截剿勞山牛武川王家坪掠食歸巢兩起回逆約共陣斬千數百名生擒回日馬光福楊超龍等三百餘名拔出難民二百五十餘名而官軍僅受傷九名蓋久駐甘肅一帶熟悉地勢故能伏軍制賊以一當十克獲全捷也其回逆另股由董志原西南竄出者賊目王明章等馬步千餘由甘肅秦州竄擾岷家河張家莊等處有窺伺鳳縣唐藏以入棧道之意駐軍寶雞之記

名提督著漢中鎮總兵李輝武訶知之正月十六日飭分駐鳳縣之提督銜升用總兵胡國珍總兵銜副將楊恩澤率兩營擊之追抵唐藏賊已遁竄倒回溝胡國珍楊恩澤分三路追擊斃賊甚多賊由隘口辛家山一帶竄向黃牛舖而遁十七日李輝武親率總兵銜副將邵永齡已革總兵王名滔記名提督王照南總兵銜副將蕭德林各帶七成隊馳往督剿十八日丑刻行抵東河橋聞賊已由黃牛舖竄至梅見溝李輝武急飭四營分路抄襲親率藍翎訓練羅實五品翎頂升用知縣周鑑

續編卷十九

丁

文從九吳銘訓帶親兵由中路直入賊不料官軍速至駭懼失措正思脫逃而左右兩路官軍已截其去路鎗礮齊轟刀矛並進立斃悍賊數十名驟馬紛紛中鎗倒斃該逆仍冒死衝突王名滔憤極怒馬衝入賊中手刃悍賊數名賊大潰各營乘勝掩殺將溝中之賊全數撲滅生擒回逆十餘名其騎賊百餘先奔原上者見溝中賊已敗滅遽向馬頭飛奔而遁李輝武令王名滔周鑑文督同邵永齡胡義和由馬頭躡蹤追剿沿途迭有擒斬餘賊由通同峪回董志原老巢官軍始收隊回寶雞

提訊生擒回逆股元兒等訊知回目王明章上臘二十日率其黨千餘由葦志原至秦州一路擄掠至鳳縣不料猝遇官軍王明章於十八日在梅見溝經官軍擊斃其先鋒藍正魁海全福在倒回溝亦經官軍陣斬此股已剿滅殆盡矣計李輝武是役共斃回逆八百餘名生擒十七名奪獲騾馬二百餘匹而所部亦陣亡八名受傷二十餘名日夜苦戰窮追不遺餘力客軍似此尤為難得臣等前會商剿辦回逆不峻拒以絕其求生之心亦不輕許致墮其緩兵之計乃犬羊之性反覆無常方

續編卷十九 六

求撫時仍一面四出竄掠北路則擾及定邊東北則擾及甘泉延安延川東路則擾及宜洛韓郃澄城西南則擾及秦州鳳縣縱橫馳突股數甚繁步騎雜處實兼髮逆之悍捻逆之狡而有之幸北路東路東南西南各路軍且防且剿無戰不克大挫兇鋒殆詩所謂緜緜翼翼不測不克者歟仰仗皇上德威將士効忠敵愾人共一心故能各奏爾能不知飢瘁可否仰懇天恩准臣等擇其尤為出力者彙為一案分別保獎以

獎前勞而策後効伏候

聖裁其李輝武所部六營本是蜀軍以剿為防著戰績此次苦戰五晝夜殲除月股擒斬賊目多名先據稟請保獎前來臣等覆核無異應請獎敘以示激勵而昭公允記名提督署漢中鎮總兵武勇巴圖魯李輝武請賞換清字勇號已革提督銜記名總兵烈勇巴圖魯王名滔前在湖北軍營因勇丁譁潰一案同治五年正月二十七日奉

續編卷十九 七

旨即行革職王名滔自獲咎後奉檄從戎深知愧奮此次衝入賊中手刃數賊驍勇冠軍應請旨開復原官仍以總兵記名遇缺題奏並免緡捐復銀兩提督銜升用總兵固勇巴圖魯胡國珍沈雄樸實請以總兵記名遇缺簡放總兵銜儘先副將楊恩澤蕭德林邵永齡身先士卒膽氣甚優應請賞給勇號記名提督王照南應請賞給該員三代正一品封典五品翎頂升用知縣選用府經歷周鑑文謀勇兼資請免選府經歷仍以知縣留

於陝西補用並免縵捐免保舉銀兩藍翎不論雙單月
遇缺儘先選用訓導羅賓臨陣整暇請免選本班以知
縣不論雙單月遇缺儘先補用不論雙單月遇缺儘先
前選用從九品吳銘訓勇銳無前請免選本班以縣丞
不論雙單月遇缺儘先前選並請
賞戴藍翎其餘出力將弁勇丁應請彙入西南路剿回
大勝案內分別獎敘是否如斯伏乞
聖鑒訓示施行 臣 宗棠拜摺後即率親兵各營啟行赴
乾州一帶督剿合併聲明謹

續編卷十九 十七

奏 同治八年正月三十日

同治八年二月初六日內閣奉
上諭左宗棠等奏官軍截剿逆回大獲勝仗請將出力
各員分別獎勵一摺本年正月十五等日魏光燾一軍
擊敗將台歸巢回逆斃賊千餘名生擒逆目張阿寶馬
元元等多名並陣斬執旗賊目搜捕山谷餘賊將賊騎
截剿鎗轟矛刺賊屍遍野驟馬糧食概行奪獲劉端冕
全軍於初十等日截剿勞山牛武川王家坪回逆約共
陣斬千數百名生擒逆目馬光福楊超龍等三百餘名

救出難民三百五十餘名另股由董志原西南竄出者
經李輝武督軍馳剿擊斃逆目王明章賊黨剿滅殆盡
計斃匪八百餘名生擒十七名奪獲驟馬二百餘匹剿
辦尚為得手所有各軍歷次剿賊出力員弁准左宗棠
等擇尤案奏請獎勵其李輝武一軍係四川派出援
兵自應先行鼓勵總兵李輝武賞換法福凌阿巴圖魯
名號已革總兵王名泗著開復原官仍以總兵記名遇
缺題奏並免繳捐復銀兩總兵胡國珍著以總兵記名
遇缺簡放副將楊恩澤著賞給勝勇巴圖魯名號肅德

續編卷十九 十七

林著賞給効勇巴圖魯名號邵永齡著賞給果勇巴圖
魯名號提督王照南著賞給該員三代正一品封典府
經歷周鑑文著免選府經歷以知縣留於陝西補用並
免繳捐免保舉銀兩訓導羅賓著免選本班以知縣不
論雙單月遇缺儘先選用從九品吳銘訓著免選本班
以縣丞不論雙單月遇缺儘先前選並賞戴藍翎餘著
照所議辦理該部知道欽此
宋慶一軍應否仍留豫省片
再榆林一帶已據延榆綏鎮總兵劉厚基馳報肅清歸

一第... 冊... 頁...

綏薩托清一帶計均一律肅清矣提督張曜雖已入邊而神機營及天津之洋礮隊均已馳抵綏遠城軍威甚盛節適驚蟄冰凍漸解此時晉省邊外邊內河防易臻穩固始以備多力分爲虞今又以兵多糧絀爲苦其湖南提督宋慶一軍此時已遵旨由太原北趨而榆林邊內邊外已漸肅清似非所急且又人數太多山西辦糧實不易易應請飭下綏遠城將軍山西撫臣察酌情形宋慶一軍應否飭其回豫免滋勞費之處出自

續編卷十九

三

聖裁宋慶樸實廉勇紀律素明臣所稔悉此時若檄其入秦助戰實所至願而軍餉精垂絕採購轉運實已大盡筋疲又不敢多延客軍致滋重累實在情形不敢不披瀝上陳伏乞

聖鑒訓示施行謹

奏 同治八年正月三十日

軍機大臣 字寄同治八年二月初六日奉

上諭本日據左宗棠奏榆林綏薩托清一帶肅清宋慶一軍應否飭其回豫免滋勞費等語上年陝回竄擾邊

外歸綏等處所調防剿兵勇人數甚多購糧不易左宗棠西征各營亦以兵多糧絀爲慮是轉運日繁軍行轉增苦累現在歸綏薩托清一帶及榆綏各屬一律肅清且春融凍解晉防較鬆所有前次調赴歸綏之神機營吉林黑龍江馬步各隊天津之洋炮隊如可撤回著定安斟酌情形具奏宋慶一軍雖屬採買維艱而該軍素稱得力既由太原取道永甯入陝若百令折回未免徒勞跋涉張曜一軍現在陝西北路即著左宗棠迅飭該提督率隊前往會同張曜相機堵剿杜賊東趨將此由

續編卷十九

三

五百里各諭令知之欽此

西征院軍月餉參差請

飭安徽撫臣通籌添

撥捐

奏爲西征院軍前後兩起月餉參差懇請

飭下安徽撫臣通籌添撥按月解濟仰祈

聖鑒事竊鄂寶昌一軍由安徽調赴陝西隨同剿捻前

年冬追賊由豫境轉戰直東事平復遵

旨隨臣人陝其時鄂寶昌傷疾未愈安徽撫臣英翰

奏留調養臣飭其弟鄂運昌代領該軍與之俱西查該

軍月餉每月原撥山西一萬兩湖南五千兩餉將即已甚薄而湖南撥款從未報解分釐以一萬月餉養馬步三千五百人在直東糧食價賤之時已難敷衍臣即屢等津貼自彰德會師而後該軍實因餉乏時有逃亡臣不得已飭郭運昌改照楚軍章程一律給餉每月除山西一萬兩外其餘不敷概允由臣墊給惟切屬其致信郭寶昌勿再多募勇丁更滋重累誠恐皖省仍照舊章添募而來臣實無餘力再為津貼也嗣奉七年十月二十三日寄

續編卷十九

三

論郭寶昌西征月餉除山西月協一萬兩湖南五千兩外英翰等現擬於皖省月協該軍二萬五千兩隨時我補不敷之數均解交湖北甘肅後路糧台轉解等因欽此隨准安徽撫臣來咨增撥皖軍步隊三千名馬隊一千三百名歸郭寶昌總統西征每月月餉由皖籌銀二萬五千兩等因臣竊維郭運昌代領之前起馬步各營按照楚軍營制月需實銀二萬四千兩除原撥山西一萬兩湖南已撥未解五千兩每月已短銀九千兩復准皖省添撥西征馬步各營按照楚軍營制核每月

月又需銀三萬三千餘兩今僅允籌解二萬五千兩是每月又短八千兩臣前據郭寶昌稟知續撥馬步皆皖省募成之營交其總統其中降眾頗多恐難得力又兵日多而餉日絀不代籌津貼既無以固軍心若再籌津貼又無從得此巨款前次所以有無益於兵事有損於餉事之奏也迭經臣飭令郭寶昌嚴加汰選力求擯節並將郭運昌代領之前起馬步隊歸其總統以昭畫一據郭寶昌分別挑選驗折補稟報前來計前後兩起實共馬步七千人內前起係步隊六營馬隊二營後

續編卷十九

三

起係步隊五營馬隊四營共馬步十七營較之皖省原咨人馬之數雖已減少然合之楚軍營制每月猶需銀五萬一千兩除山西原撥一萬兩皖省籌辦二萬五千兩並湖南原撥未解之款業經該省奏明停止仍由皖省籌解銀五千兩合共四萬兩外計每月尚短銀一萬一千兩通年即短銀十三萬二千兩其製辦轉運軍火軍裝之費尚不在內臣處此窘迫之鄉何從籌措現據郭寶昌稟該軍餉章不一口分不齊勢難總統請臣派員專統郭運昌前起之卓勝軍臣體

察軍情為難照准而向軍異餉彼此相形不但不能望
其他勉同心並恐將士禍居相猜別釀意外之衅應懇
皇上天恩飭下安徽撫臣於現已籌解四萬兩外按月
再由皖籌解銀一萬一千兩徑解鄂寶昌軍營俾得均
照楚軍營制一律支放則鄂寶昌總統全軍無庸顧慮
而征西車馬共感投膠之惠顧忘遠役之艱於戰事必
有裨益此外軍火軍裝製造轉運經費自應由臣竭力
籌給以歸一律所有西征皖軍前後兩起餉項參差懇
請由皖添撥緣由理合據實馳陳伏乞

續編卷十九

三

皇太后

皇上聖鑒訓示施行謹

奏 同治八年正月三十日

請 飭袁保恒督辦糧台專摺奏事片

再臣軍入秦以後祇設隨營支應局未立糧台及剿捻
赴直東各營留陝者多隨征者少於是劉支應局為二
一仍隨營支應一留陝西支應各營而局分兩地舊存
文案不齊各省局地解餉項軍裝軍械軍火等件均分
批分解或陝或直繁雜紛歧驟難清晰臣西還後即改

留陝支應局為臣軍總理軍需局清理案牘稽核款項
而軍裝局亦隸焉蓋收存各省協餉及各省製買之軍
裝軍械軍火等件分給臣與撫臣在陝各軍之總匯也
惟是臣督軍西征師行日遠一日其各省協餉之到鄂
台及由鄂台轉解到陝者有總理軍需局稽查收存固
期周妥惟各省協餉有遲有遲有應有不應有能匯兌
不能匯兌者有宜贖催而緘懇者臣轉戰而西手治軍
書日不暇給而郵程迢遠道途通塞靡常若一一待臣
於行營陳

續編卷十九

三

奏分咨必致多延時日誠恐事多延滯致悞戎機歷代
西北用兵無不以饋餉運道為急即近時陝甘督臣亦
請在陝設立糧台現設甘肅後路糧台而以藩司林壽
圖司台務奏事其明徵也林壽圖已蒙

恩准乞養而臣西征糧台不可無大員經理查有三品
銜翰林院侍講學士袁保恒係奉

旨交臣差委之員上年十一月來臣營次臣朝夕晤對
知其器識恢宏遇事能見其大又久歷戎行日覩臣軍
苦絀情形亟圖共紓籌策臣擬請其督辦西征糧台以

裨軍務竊計袁保恒以待從清秩總理軍儲遇有催提餉需協撥之處自可以緩牘遍抵協餉各省將軍督撫海關亦可將臣軍餉需緩急情形上塵

清聽庶俾臣得以一意馳驅免虞紛雜而於協餉緩急

機宜應令及時斟酌咨商各省辦理免致由臣行營

奏咨展轉稽延翻成曠悞實於臣軍大有裨益可否仰

懇

天恩飭下三品銜翰林院侍講學士袁保恒督辦臣軍

西征糧台並得專摺

續編卷十九

奏

奏事之處伏乞

聖鑒訓示施行謹

奏 同治八年正月三十日

恪靖奏稿續編卷二十目錄

回逆至股東犯迎剿大捷首逆就戮摺

覆奏刑部咨查拿獲回黨丁良貴片

請 飭催江海粵海關欠解銀兩片

追剿逆回蕩平董志原賊巢果軍叛勇戕害統將業經

殲除大略情形摺

老湘軍叛勇襲踞綏德州調軍進剿片

續編卷二十目錄

軍機大臣 字寄回治八年二月初五日奉

上諭戶部奏遵查各省釐金酌定添撥西征軍餉並請飭各省整頓釐金各摺片左宗棠前請按年籌撥陝甘實餉四百萬兩現據戶部將各省釐金核明通盤籌計奏請酌量添撥西北餉源素絀本仰給於東南陝甘現又軍務方殷自不得不寬為籌備即著照戶部所議安徽省除接濟郭寶昌餉需軍火外無論釐金捐輸項下著吳坤修每月添協陝甘餉銀二萬兩每年共添協銀二十四萬兩浙江省除每月原協左宗棠軍餉銀七萬

續編卷二十

一

兩外著李瀚章每月再添協陝甘軍餉五萬兩每年共添協六十萬兩該省每年協濟雲貴軍餉十餘萬兩仍著照常籌解該撫前奏每月再各撥五千兩即著毋庸添撥其應協山西清淮名餉不得藉口停免該撫當將該省防兵如何裁遣或酌補兵額之處認真籌辦以節經費現辦塘工捐輸及外省收捐分局仍著照舊辦理毋庸議改湖北省每月除原協陝甘各餉外著李鴻章郭柏蔭每月再添撥陝甘軍餉銀四萬兩每年共添撥銀四十八萬兩該省歲入各款較前征收短少該督等

隨時逐款整頓並將用款酌量緩急以資周轉本省及

外省捐輸仍著照常辦理毋庸改議江西省除地丁項下每月原協陝甘軍餉銀貳萬兩外著劉坤一每月再添撥陝甘軍餉銀肆萬兩每年共添撥銀肆拾捌萬兩江西釐金仍須認真經理毋令減色福建省除每月原協陝甘餉銀肆萬兩照常籌解外著英桂卞寶第每月再添撥陝甘協餉肆萬兩每年共添撥肆拾捌萬兩江蘇省除會國藩前奏由該省每月協濟陝甘軍餉十萬兩每年共壹百貳拾萬兩數按月批解外著馬新貽丁

續編卷二十

二

日昌每月再添協陝甘餉銀叁萬兩每年共撥添叁拾陸萬兩該省釐金仍當整頓其各屬捐輸著照常勸辦毋庸議改至留防直東江鄂各軍食餉尙鉅應如何漸次裁減著會商李鴻章妥籌辦理至瑞麟前奏廣東省提存釐金五成協撥外省軍需未據酌定准數著瑞麟李福泰於原協陝甘餉銀每月肆萬兩照舊籌解外每月再添撥陝甘餉銀叁萬兩每年共添撥叁拾陸萬兩該省添支各項經費著瑞麟等力求撙節以省虛糜其本省及外省捐輸事宜仍著照舊辦理以上添撥銀兩著

該督撫等自本年正月始一律照數籌撥遇閏加算按月各解交湖北省陝甘後路糧臺交收均不准稍分畛域偶有帶欠致悞要需該督撫等總當顧全大局妥速籌解左宗棠於接到餉銀時著按照陝甘兩省缺餉多寡分別接濟勻撥以昭公允其各省原協陝甘各路軍營餉項均著照舊支應毋稍牽混各該省報解陝甘新舊撥款及左宗棠劉典穆圖善等營收到各省撥款並各路捐局所收捐款均著隨時奏報以憑查核西征軍餉竭各省之力以供應用左宗棠當樽節支發毋稍糜

續編卷二十

三

費該大臣前請撥肆百萬現已酌撥至三百萬兩不為不多合之原協各餉及收捐款目每年統計玖百伍拾餘萬兩該大臣原請銀數能否核減即著迅速覆奏並將各營需餉實在數目分別詳細奏聞釐金一項既據各該省奏報每年減收已不下數百萬兩若辦理不善經費將何所出各該督撫仍須悉心酌核力除中飽毋得徒博虛譽率行減免遇有局卡太密重複徵收者仍隨時裁汰懲辦其釐金報部章程仍照兩淮鹽釐半年奏報一次著馬新貽將開報式樣抄錄咨行各該省查

照辦理原摺片均著挾給閱看另片奏遵議穆圖善請催撥餉等語湖北省奉撥甘肅餉銀貳拾萬兩據郭柏陸奏報已如數批解著穆圖善查明此項撥款是否收到專案報部查核尚未收到即著派員迎提左宗棠前借洋款貳百萬除已提撥銀貳拾萬兩解甘外其餘應分甘省若干著左宗棠趕緊核算將應分甘省之款陸續撥給其指撥各海關六成洋稅壹百萬兩業據各關奏報批解過半並著該大臣分半勻給甘肅省毋稍延欠四川應解甘省鹽釐銀貳拾萬兩現在解到若干著

續編卷二十

四

左宗棠穆圖善查明迅速報部並著吳棠迅將此項銀兩掃數解清毋許推諉其河南等省應協甘餉銀即著戶部開單分投嚴催毋任延宕將此由六百里諭知左宗棠李鴻章穆圖善馬新貽英桂瑞麟吳棠丁日昌劉坤一李瀚章卞寶第郭柏陸李福泰並傳諭吳坤修知之欽此

回逆全股東犯迎勦大捷首逆就殲摺

奏爲回逆全股東犯官軍迎勦大捷首逆就殲據實馳

陳仰祈

聖鑒事竊董志原回逆號稱十八營其中回酋如陳琳
崔魏禹得彥馬正和白彥虎于彥祿等皆擁眾萬餘素
稱剽悍近因分股出掠均被官軍擊敗饑蹙日甚屢次
乞撫復無成議遂糾集十八營傾巢東犯以陳琳馮君
福居前崔魏于彥祿馬正和藍明泰等繼之其餘逆首
隨後策應共合悍黨三四萬各裹十餘日乾糧於初六

續編卷二十一

五

日分道竄出屯踞正甯南北兩原及永樂堡白吉原高
河原一帶勢將運犯邠州三水併力以擾秦川初七日
新授陝安道黃鼎在邠州聞報即飛飭總兵徐占彪率
駐涇北世店之五營伏牛家堡以扼其衝而調集所部
彝字全軍由邠州繼發一而函約知府劉倬雲自三水
之職田鎮固原提督雷正綰自長武之政平鎮兩路會
剿是日午刻賊前隊數百騎馳上世店至牛家堡伏發
立斃數賊陣斬先鋒虎麻子生擒四人餘眾驚走官軍
追至原邊賊大股萬餘自白吉原擁出徐占彪以兵力

過單扼溝而守是夜黃鼎親率全部渡涇與世店五營

合駐沿途遙見白吉宮河一帶號火燭天綿亘數十里

知賊勢眾咸傳令各營飽餐嚴陣以待初八日平明大

風東來回騎十餘由洪巖河上世店乘風馳驟黃鼎飭

各營堅壁勿動將俟其大股騰集突出擊之待至午間

賊無踵至者遂令馬隊衝出賊即反奔官軍追下洪巖

河賊紛向白吉原奔竄沿途拋棄騾馬以誘我師黃鼎

急令各營整隊勿顧悉力跟追甫上白吉原即見陳琳

馮君福率騎賊千餘擁至官軍奮力衝撲賊且戰且走

續編卷二十一

六

追十餘里至白吉鎮忽前途塵土蔽天回逆大隊馬正
和于彥祿等分十數路蜂擁而至每路約壹貳千人橫
亘十餘里同時張村底廟之間伏賊並出陳琳馮君福
亦回馬猛撲而前黃鼎念已深入急令總兵韋占維副
將趙興隆遊擊林定遠等率左右各營以敵陳馮兩逆
而令總兵徐占彪副將李玉春叅將劉心灼遊擊何玉
超等率正副前後各營以當于彥祿馬正和大隊自率
縣丞青勝藍主簿謝初旭督中軍繼進以防伏賊包抄
布置甫定賊已四合官軍圍結方陣周圍鎗炮環擊而

前賊死傷枕藉紛紛敗退馬隊乘勢衝殺步隊繼進逼至原邊賊見事急合隊回撲崔巍于彥祿等各率悍賊回馬來衝勢甚兇悍黃鼎見馬隊少却急督步隊猛進號鼓齊鳴參將胡應芳趙嗣昌督矛手直衝入賊陣截賊爲兩段馬隊繼出鎗礮擊斃賊百餘賊大敗官軍分道跟追逼一股至高里坊前阻深溝賊無走路逆首于彥祿率眾死拒連放數鎗將劉治均躍馬挺矛直前刺落馬下官軍擊矛攢刺割取首級其姪于驢兒馳救復被遊擊朱蘭亭衝出擒之餘逆數百四散奔逃官

續編卷二十

七

軍圍而破旃無得脫者其時崔巍馬正和等望見勒馬馳救官軍乘勝衝擊縱橫盜賊不能支大敗奔潰同時章占維等亦將陳琳馮君福擊敗合隊跟追賊分路狂奔陳琳等走政平大股悉向宮河原竄去初九日大雪滿川追至宮河衣械盡濕賊前隊已竄早社官軍沿途搜剿自辰至午復截殺尾隊數大隊連夜竄回老巢計是役黃鼎一軍共斃賊貳拾餘名陣斬首逆于彥祿及回目虎麻子楊武明等數十名生擒回目于驢兒等陸拾貳名奪獲騾馬肆百餘匹旗幟軍械無算我軍僅

受傷五名而已先是固原提督雷正綰得黃鼎函約初八日卽由長武率隊出政平未刻卽見陳琳馮君福等千餘騎奔回望見官軍駭而北竄雷正綰麾軍截擊賊奪路向宮河狂奔官軍乘勝窮追殲賊甚眾初九日正拔隊赴宮河助剿忽中途接據探報回酋禹得彥率數千騎南渡涇河由密店入黑河川竄至靈臺之獨店柳家舖一帶遂急收隊折回初十日抵長武之十五里舖探賊尙在獨店攻掠塞堡雷正綰策賊必不虞官軍之速至也卽令各軍飽餐五鼓乘雪夜掩擊十一日黎明

續編卷二十

八

馳抵獨店鎮賊尙未覺總兵陳義閣定邦等分數路大呼馳入賊多不及鞍馬倉卒奔逃官軍奮力衝殺斃賊三四百名奪獲騾馬千計沿途跟蹤追剿擒斬復多賊向西屯什字鎮一路狂奔十三日甘肅按察使張岳齡自汧陽上店邀擊於新集鎮復有斬獲餘賊悉向鄭家岸崇信一路折竄回巢等竊維回逆以糧盡力竭之餘出萬死一生之計大舉深入克狡實異尋常仰賴皇上德威將士用命日夜苦戰大挫兇鋒現據陝安道黃鼎解到逆酋于彥祿首級及生擒回目于驢兒等三

十餘名到 臣宗棠乾州營次 臣逐一提訊多係七八年
稔惡積匪兇狠異常當經擇其尤悍者十九名立予
誅並于彥祿首級傳示西同鳳被害地方百姓夾道
呼觀者如堵洵足以伸

天討而快人心此次各營員弁勇丁忍饑糜戰晝夜窮
追不遺餘力實屬著有微勞而黃鼎一軍殲斬逆渠尤
為異常出力應請先予獎叙以顯殊尤茲據開單呈請
保獎前來 臣等覆核無異留陝補用總兵堅勇巴圖魯
徐占彪補用總兵長勇巴圖魯章占雄請仍以總兵記

續編卷二十

九

名遇缺儘先題奏並請

賞加提督銜記名總兵鼓勇巴圖魯趙嗣昌請

賞加提督銜儘先副將壯勇巴圖魯李玉春儘先副將

力勇巴圖魯陳萬春儘先副將趙興隆劉治均請免補

副將以總兵儘先補用趙興隆劉治均并請

賞加勇號儘先副將銳勇巴圖魯皮昌魁請以總兵升

用副將銜儘先參將胡應芳劉心灼請免補參將以副

將儘先補用儘先遊擊果勇巴圖魯林定遠儘先遊擊

著勇巴圖魯何玉超儘先遊擊黃虎臣請免補遊擊以

參將儘先補用黃虎臣並請

賞加勇號都司朱蘭亭請以遊擊儘先補用並請

賞加勇號五品銜儘先即選縣丞青勝藍請免選本班

以知縣留於陝西儘先即補並請

賞戴藍翎候選主簿謝初旭請免選本班以縣丞留於

陝西儘先補用並請

賞加五品銜其餘各營員弁勇丁可否准 臣等擇尤彙

案保獎以昭激勸之處出自

天恩所有回逆全股東犯官軍迎剿大捷逆首就殲情

續編卷二十

十

形謹合詞據實馳

奏此摺係由 臣宗棠主稿於乾州拜發合併聲明伏乞

皇太后

皇上聖鑒訓示施行謹

奏 同治八年二月二十三日

同治八年二月二十三日內閣奉

上諭左宗棠等奏回股東犯官軍迎剿大捷請將出力

各員獎勵一摺甘肅董志原回逆陳琳等糾集悍黨傾

巢東犯本月初六日分道竄踞正甯南北兩原及永樂

堡白吉原官河原一帶經陝西陝安道黃鼎由邠州率軍進剿並約提督雷正綰等分路會剿黃鼎親率全部渡涇成陣以待逆首陳琳馮君福率騎賊千餘至白吉原衝撲馬正和于彥祿等逆分十數路蜂擁續至每路約二千人橫亘十餘里黃鼎令總兵章占雄徐占彪等分路迎敵自率中軍繼進賊敗四合官軍結方陣環攻參將胡應芳等衝入賊陣截為兩段馬隊繼出斃賊百餘賊大敗官軍分追副將劉治均刺斃逆首于彥祿其姪于驢兒馳救游擊朱蘭亭復出擒之餘逆逃散與崔

續編卷二十

七

魏陳琳等逆同時敗竄回巢是役共斃賊二千餘名陣斬首逆及回目數十名生擒六十餘名雷正綰軍馳至獨店鎮及按察使張岳齡邀集於新集鎮均有斬獲剿辦尙屬得手所有尤為出力之總兵徐占彪章占雄均著仍以總兵記名遇缺儘先題奏並賞加提督銜趙嗣昌著賞加提督銜副將李玉春等四員均著免補副將以總兵儘先補用內趙興隆並賞給張勇巴圖魯名號劉治均並賞給効勇巴圖魯名號皮昌魁著以總兵升用參將胡應芳等二員均著免補參將以副將儘先補

用游擊林定遠等三員均著免補游擊以參將儘先補用內黃虎臣並賞給揚勇巴圖魯名號都司朱蘭亭著以游擊儘先補用並賞給堅勇巴圖魯名號縣丞青勝藍著免選本班以知縣留於陝西儘先即補並賞戴藍翎主簿謝初旭著免選本班以縣丞留於陝西儘先補用並賞加五品銜其餘出力員弁著准其擇尤彙案請獎該部知道欽此

覆奏刑部咨查擊獲回黨丁良貴片

再臣宗棠於本月二十二日准刑部咨開步軍統領衙

續編卷二十

七

門奏送擊獲置買軍械回黨丁良貴等一案前因詰訊丁良貴馬太平等所供係隨同馬化濛投誠回民在甘肅靈州金家堡馬化濛所開之順慶源萬興魁雜貨鋪幫夥每年來京辦貨此次丁良貴售買洋鎗係因穆圖善營官弁姜姓等買帶回漁利並無別情查閱起獲領銀原摺印有萬興魁圖記與犯供無異惟當回逆未靖該犯皆係回民潛至京師難保非借辦貨為名代賊偵探消息且該犯等私辦洋鎗尤恐有濟賊情事非行查明確不足以成信據請

旨飭下署陝甘總督穆圖善詳細查明屬實迅即覆奏
同治七年八月十九日奉

旨依議欽此當經飛行該署會查明覆奏旋於十二月初五日復飛催各在案迄今半載仍未據查覆咨即查明覆奏一面飛咨報部等因准此 臣宗棠查投誠回民馬化澂所居金積堡或稱金鷄堡其地南與董志原逆巢相距不遠中有回莊十數處陝甘回族雖分隸兩省而氣類相通無分彼此自昔已然現在軍中屢次陣擒回逆所有洋鎗洋藥戰馬均供由馬化澂自歸化城一

續編卷二十

三

帶販來銷售董志原賊巢內蕭金鎮等處開市設鎮貿易所有百貨均自金積堡運販而來此次奪獲逆首于彥祿所騎之戰馬據逆匪于彥兒所供即係馬化澂用銀七百二十兩買來餽送于彥祿者又據探報董志原賊巢糧食將絕馬化澂於二月初用駱駝一千五百餘隻駝運糧食濟賊嗚其基糧入犯是馬化澂陽雖就撫陰實助逆情事確鑿了無疑義都察院率獲置買洋鎗之犯刑部所奏恐有濟賊之事洵屬推勘得實應請旨飭下刑部丁良貴馬大平研訊確供照律懲處以昭

炯戒查逆回糧食鎗械子藥戰馬均由金積堡販運而來而金積堡運之貨均從歸化城包頭一帶轉運前此包頭曾盤獲回逆買馬之事是其明證應懇

天恩飭下總巡城將軍歸化城副都統督飭五廳嚴密盤詰遇有甘肅採買糧食戰馬鎗砲等項非持有穆圖善委買印文一概禁止轉運以昭慎密是否有當伏候 聖鑒訓示施行謹

奏 同治八年二月三十日

請

飭催江海粵海關欠解銀兩片

續編卷二十

四

再 臣自上年八月奉師西旋蒙

恩俯念西征餉將缺乏

飭撥六成洋稅一百萬兩藉資接濟迄今已二月下旬惟閩海關二十萬兩江漢關十五萬兩浙海關五萬兩均已陸續解清其江海關五十萬兩僅解到十五萬兩粵海關十萬兩僅准報解二萬兩統計江海粵海尚短四十八萬兩之數 臣軍西行將屆六箇月各軍欠餉以五六箇月不等待哺嗷嗷無可設措 臣上海採運局道員胡光墉聞 軍情形迫切勉於十二月內向親友借貸

浙庫平銀十五萬兩匯解來秦臣軍暫咨敷衍尚未詳
潰然究屬杯水車薪前欠後空早已告罄可否仰懇
飭下兩江督臣馬新貽江蘇撫臣丁日昌粵海關監督
師曾趕緊儘數起解暫支危局出自

天恩理合附片陳明伏乞

聖鑒謹

奏 同治八年二月二十三日

續編卷二

五

軍機大臣 字寄同治八年二月十三日奉

上諭穆圖善奏收復肅州大概情形請將出力員弁獎
勵並錄肅州回目原稟暨運繪地圖附陳甘省兵勢賊
情餉事擬由川省招募兵勇請飭成祿自設糧台金順
回駐花定各摺片覽奏均悉所陳收復肅城情形與成
祿前奏大畧相同其隨同收復州城之提督陶世貴等
本日已明降諭旨照所請分別獎勵矣前諭楊占鰲隨
同成祿出關剿賊惟現在肅城新復一切善後事宜亟
須布置該署督即飭楊占鰲暫駐肅州會同該鎮道等

續編卷二

六

悉心籌辦毋令再生事端甘州金塔等處匪蹤未淨並
著該署督飭令李守愚等相機布置以靖地方所有安
肅道信印前已飭部頒給其鎮州印信並已諭禮部另
鑄頒發俾資信守至回目稟內所稱沙州口外各回民
奉烏魯木齊安老阿渾送書來肅寄來帥印二顆其中
有無別項情節成祿現在出關即著就近查明斟酌辦
理其餘稟訴各情亦著穆圖善隨時體察以消反側成
祿統軍西行本無定所應於何地方設糧台便於呼應
之處仍著該提督自行派員督辦該軍需用糧餉著左

宗棠於撥給甘餉內分籌該軍的餉數成毋令缺乏穆圖善亦當於甘餉解到時按照左宗棠所籌成數運解成祿糧台不可意存歧視四川等省每年應協成祿軍餉即著戶部查照原撥省分迅速咨催前解金順現已移紮定邊花馬池一帶即著督飭所部兵勇實力防守邊賊東趨磴口糧台是否被回匪全搶著左宗棠穆圖善庫克吉泰定安鄭敦謹劉典查明實在情形具奏委員烏勒西布等下落並著穆圖善飭員查辦甘省兵勇缺額太多由四川招募充補能否得力糧餉能否接濟

續編卷二十

七

著該督督酌度辦理甘民困苦已極該督督自當妥籌良策用就救平不得以餉絀兵單為辭稍存諉卸左宗棠已行抵乾州於甘省情形知之較易該督督便可將兵勢賊情彼此和衷商辦迅奏廓清以紓屢系圖二件著留覽穆圖善奏磴口糧台被搶一片著抄給左宗庫克吉泰定安鄭敦謹劉典閱看將此由六百里各諭令知之欽此

軍機大臣 字寄同治八年二月二十五日奉

上諭前據左宗棠奏請於陝甘餉項外專款指撥西征實餉當交戶部議奏茲據該部奏稱各省專協左宗棠劉典穆圖善軍營月餉皆同治六年以前奏定數目此外另協之款如指撥洋稅一百萬兩接濟左宗棠軍餉及劉松山郭寶昌協餉尙不在內本年二月間添撥安徽等省七省釐金三百萬兩原係歸併賑議令各省轉解左宗棠軍營兌收酌協陝甘兩省之用未便另分西征實餉等語各省報解協餉遲速多寡難免參差若必

續編卷二十

六

區定協餉界限彼此不能通融則各路軍營餉需必至此絀彼盈中多軒輊左宗棠總統師于陝甘兩省皆該大臣管轄自應將兩省軍需通盤區畫隨時勻撥接濟不必強分界限亦無庸稍避嫌疑嗣後各省關前後奉撥陝甘軍餉除專解穆圖善軍營及秦州銀每年一百二十萬兩仍解甘肅外其原撥左宗棠協餉每年三百三十餘萬兩劉典協餉每年六十萬兩及本年添撥各省釐金三百萬兩均仍由左宗棠兌收以一事權該大臣務將各軍一切餉需酌量緩急撥濟並分助甘肅之用

不得置穆圖善軍營於不顧至各該省關原撥陝甘兩
省各路軍營餉項及安徽等七省本年添撥陝甘軍餉
銀兩著戶部咨催各該省力籌報解倘任意延欠卽由
該部指名嚴參原摺著抄給左宗棠閱看至郭寶昌軍
營月餉不敷已照戶部所議諭令吳坤修每月再添撥
一萬一千兩連前撥二萬五千兩並原撥湖南改由皖
省籌解之五千兩共銀四萬一千兩按月一併解在郭
寶昌軍營山西月協之一萬兩亦諭鄭敦謹按月籌解
此外製造轉運軍火軍裝等費卽著左宗棠酌量籌給

續編卷二十

九

該大臣當督飭郭寶昌奮勉圖功毋得糜餉老師是爲
至要將此由五百各諭令知之欽此

追剿逆回蕩平董志原賊巢果軍叛勇戕害王將
業經殲除大略情形摺

奏爲官軍追剿逆回蕩平董志原賊巢現正窮追叠獲
大勝尙未收隊果軍叛勇戕害統將業經殲除現捕首
逆先將大略情形馳報仰祈

聖鑒事竊回逆全股東犯竄軍迎剿大捷逆首孰殲業
經臣等於二月二十三日由驛馳

奏此次之捷逆酋于彥祿陣斬外斃各悍目實多回酋
馬正和亦帶傷而逃賊回巢後恟懼益甚始下僞合擊

續編卷二十

十

眷先徙金積堡以悍賊殿後拒官軍繼復議暫勿移巢
而賊中自縊者紛紛不能禁遏各路調報相同臣等飭
諸路統領急將糧料運足伺賊竄動則追之慮各路銳
進而賊或分支擾我後路也復令各留四成隊於後以
期慎密又慮各軍分布數百里未能克期畢赴則飭各
軍相機而進但覘賊動卽各銳進追之毋懷觀望以致
自相牽制運掉不靈二十二日探報賊之輜重婦女老
幼已竄動而悍賊則仍扼太昌鎮二十三日雷正綰黃
鼎馬德順二品頂戴留陝補用道李耀南率馬步各軍

由長武縣分三路直搗太昌鎮卽於是日師進三不通地方二十四日進西峯鎮蕭金鎮鎮原縣孟壩寺三汭河等處二十五日進驛馬關北十五里白馬鋪追殺悍回竄一萬數千名拔出被虜漢民男婦數千復由白馬鋪越蔡店追殺至慶陽府沿途賊屍枕藉人馬之隊崖倒斃糧盡餓斃者不可數計現在乘勝窮追尙未收隊所有各軍獲勝詳細情形容俟續報察看賊蹤由西而北徑趨金積堡諸軍躡追甚急其老弱婦女輜重縱盡達金積堡繼後之悍賊必可殲除淨盡機勢實爲順利

續編卷二十

三

臣宗棠既飭各軍分路前進正擬率親軍進邠州忽於二十二夜得臣劉典急報甘肅提督高連陞所部弁勇忽變二十夜三更有賊數百圍高連陞楊店營帳將高連陞戕害營官總兵銜副將賀茂林提督銜總兵黃毓馥聞變救援均同時遇害叛卒既戕統將卽徧脅各營各營之預謀者起而應之倉卒之頃營哨各官均不知所爲二十二日駐金鎖關之副後營營官楊銘潛聞變帶所部馳援行過同官要同官守將遊擊桂錫楨與俱甫行十餘里遇楊店逃出弁勇告知統將被戕營官幕

友均已遇害叛卒已脅各營爲亂將趨同官脅馬隊營劫糧局趨金鎖關脅副後營楊銘潛帶十餘騎折回同官而所部步隊在後桂錫楨帶所部馬隊急回同官布置城守少頃叛卒大至繞西北兩面大聲而呼城上無應者楊銘潛上城上瞥見所部副後營旗幟亦植立不動異之遽下城招呼就列甫入隊中隊中亦呼殺營官楊銘潛甫上馬矛已及其左足桂錫楨在城上瞭見知副後營亦變遽下城率隊衝入副後營後哨哨長恭將龍恩思及未與逆謀各弁勇擁楊銘潛出擊鎗挺矛拒

續編卷二十

三

追者桂錫楨楊銘潛遂同入城登陴固守叛卒環逼城下桂錫楨禦之鎗礮對施斃賊數十名其攀援上城者皆經刀矛所刺紛紛墜下楊銘潛龍恩思亦各手刃兩賊自是日巳午之交交二十二日卯刻叛卒徹夜猛撲桂錫楨憑城擊殺數百名奪獲木梯三百二十餘架天明賊退桂錫楨開城追剿斃賊八十餘名生擒叛卒十一名正酣戰聞伏賊從東西兩溝突出桂錫楨面被矛傷右手受石傷猶縱橫血戰賊仍敗走是日辰刻記名提督周紹濂聞變率所部中前右三營行隊迅赴古泉

適叛卒蜂擁而至周紹濂督副將劉甫田同知張權英副將周玉林等分路堵剿立斃騎賊十餘步賊數十賊始敗遁官軍進據古泉空壘叛賊仍敢圍壘猛撲均經劉甫田總兵董玉春及各哨長什長悉力擊退乘勝躡追計共斃賊三百數十名繳出軍器伏地自投者五百餘名而官軍已陣亡十四名帶傷者四十餘名蓋亦惡戰矣二十三日桂錫楨復派馬隊兩哨進攻金鎖關米子窩擒斬多名叛卒望風而靡臣劉典聞變之初立派記名提督丁賢發率所部進耀州扼其南竄是日卯刻

續編卷二十

三

抵耀適叛卒已經桂錫楨周紹濂等擊敗其兇悍之尤甘心為逆者擒斬殆盡其倉卒被裹繳械來投者四百餘名丁賢發收之其分駐馬欄鎮之果軍後營營官副將李瑞林前營總哨官王光發於軍變時恐眾心不固緘請福建候補知府劉倬雲赴馬欄以資鎮壓二十二日劉倬雲率所部三營及親兵中哨馳赴馬欄傳集弁勇諭以大義毋得受人愚弄自干刑誅二十三日率之同歸職田鎮李瑞林派弁勇赴楊店覓高連陞遺骸得之昇歸職田二十四日總兵張福齊截擊叛逆餘黨於

馬欄鎮賊已散盡收輯被脅者百五十餘名是夜三更劉倬雲聞叛卒有趨山河鎮入董志原者急率所部截之山河鎮二十五日已刻抵山河適回逆白彥虎鄒阿渾餘黨馬步約數百來窺山河劉倬雲令軍士卸號衣扮叛卒前往誘之比以大隊轟擊斃回逆四十餘名生擒回日許阿宏等十四名訊據共稱叛逆約其來迎不料為官軍所敗也通計高連陞所部馬步九營除桂錫楨馬步全營殺賊立功外李瑞林所帶後營正前營總哨王光發所帶三哨及各營弁勇從叛軍中衝出來投

續編卷二十

三

者共又收集五營其已經官軍擒斬者千餘名事已大定訊據生擒叛勇及賊中逃出弁勇共稱二月初旬高連陞因各營收留外來游勇甚多中有哥老會匪藏匿飭各營哨嚴察懲辦勒令首悔而前營親兵丁玉龍畏罪倡亂嗾各營之曾經入會者勾約回逆於二月二十八日入犯因而舉事適高連陞捕丁玉龍甚急丁玉龍竄入左營與左營管軍裝差弁邱宏勝即鄒麻子哨長朱德達右營哨長蔣宏高前哨什長石文科等迫不及待密謀於二十日夜三更藉索餉為名逕赴高連陞楊

店營次致此異變其時各營未預逆謀之弁勇均以變起倉卒被其制幸桂錫楨周紹濂扼之同官古泉發加痛剿叛黨駢首就戮而未變各弁勇始得自拔來歸計該軍謀變起事未及五日即以撲滅而剿回之師自太昌劫案起追過三不通蕭金鎮西峰等處直抵慶陽府城凡董志原賊巢無不窮追徧到一律肅清叛逆無可勾之回回逆亦無可勾之叛而異變旋銷大局救靜此固非臣等意料所及也現飭將未變各弁勇概行收輯歸併成營以便從容編審淨絕根株其同時遇害

續編卷二十

五

之各員弁勇丁應俟確查後再請

恩卹逆黨陳恆貴黃起昌鄧得勝熊益貴熊兆祥匡世明黃秀成王永春張連芳等均經訊明斬梟其首逆是否已經擒斬尙未據各軍稟報現通飭各州縣營汛及渭河水師潼關荆紫關各防軍嚴密巡察務獲盡法懲處以申軍令而雪高連陞及遇害各員之恨伏念甘肅提督穆特本巴圖魯高連陞從軍楚粵屢著戰功蒙文宗顯皇帝天恩特擢廣東右江鎮總兵臣宗棠於咸豐十一年入浙時調其隨征克復湯谿縣金華府城及

浙江省城湖州府城浙江全省肅清復追剿首逆李世賢汪海洋由江入粵克復廣東鎮平縣城嘉應州城其時已蒙

皇上天恩擢授廣東陸路提督臣宗棠念廣東亂民過多制兵又不足恃於班師回閩時

奏請

飭高連陞赴廣東陸路提督新任以資整理高連陞在任殲除土客各匪聲績卓著適臣調督陝甘高連陞緘履頻來堅求同剿回逆臣宗棠

續編卷二十

五

奏調赴陝蒙

恩調任甘肅提督高連陞感激圖報剿捻回無戰不克身為大將臨陣輒躍馬爭先恥居士卒之後又收隊論功輒推獎諸軍若未嘗親預其事者為人廉靜樸訥待士卒有恩自奉最約任實缺提鎮多年廉俸均充公用臣宗棠臣典近因其家無擔石兩親尙在甘旨缺如擬各分廉餘為之薄謀救水聊資贍養而高連陞以欠餉已久義不可先顧已私堅辭不受其節概如此以該提督忠勇廉讓宅心寬厚如此不死於賊而死於二三

逆豎之手此則臣等所不解者也合無仰懇
皇上天恩飭部照提督陣亡例議給卹典
俯允賜諡並

宣付史館立傳以彰戰績該提督轉廣西浙江福建廣
東陝西各省勞績卓著其立功之地可否

准建專祠以示
恩褒而昭激勵伏候

皇太后

皇上聖鑒訓示施行謹

續編卷二十

三

奏 同治八年三月初一日

老湘軍叛勇龔繼綬德州調軍進剿片

再臣等連日辦理果軍叛勇一案甫將就緒二十六日
忽接劉松山所部駐山西永甯州軍渡之營帶中軍三
旗提督何作霖飛報本月十三日已刻有勇丁自綏德
州來據稱駐紮綏德州之前軍後旗勇丁因邀結哥老
會經該營官查出縛犯將按軍令忽該營勇丁峰起奪
犯左軍四旗弁丁從而附和右旗後旗及馬隊四營繼
起應之當劫劉松山所設綏德州城糧局何作霖聞變

慮駐西岍宋家莊之五旗被其勾煽乃調過東岍以便
鈐束十六日已刻叛卒東來軍渡對岍揚旗吶喊意似
勾引東岍之三旗五旗何作霖合三旗五旗勿動仍開
礮轟之叛卒遠退探報劉松山所駐綏德州城外者同
時俱變分統之提督易德麟蕭章開提督蘇松鎮總兵
章合才及馬步各營官有離營者有被叛卒脅制入城
者惟營務處提督黃萬友堅不入城叛卒亦不敢逼現
仍駐城外然隨身僅親軍二十餘人無如何也旋據前
署綏德州知州道銜知府成定康十六日自延川之虎

續編卷二十

三

見馮發稟據稱十三日辰刻湘軍突變襲距州城十四
日成定康帶隊衝出是日叛卒追至石家溝將成定康
圍住是夜五更成定康突圍而出殺叛卒甚多而官軍
亦陣亡五十餘人十五日行五十里至聚坪將赴清湖
叛卒復截阻去路成定康繞出店子溝以向虎兒塢擬
於十七日赴延水關駐紮續據署綏德州知州陳瑞芝
自州城外二十餘里周家河稟報情形及派赴永甯綏
買軍糧甘肅甯州府知府朱學篤所稟大略相同尚未
接到劉松山緘牘蓋相距千餘里北山各州縣尙無驛

站文報必繞由山西馳遞陝省中多梗滯也惟劉松山全軍糧路專在軍渡其地屬山西永甯州當綏德州正東茲州城爲叛卒所踞而該軍採儲之糧存西岍宋家莊者據何作霖稟又已爲張曜上年逃回嵩武三營潰卒乘機劫奪劉松山勢難直趨綏德州非繞由延川之延水關就糧不能前進也現據延安府縣稟報劉松山已抵延安矣臣前因高連陞果軍潰叛檄調郭寶昌分撥數營由洛川中部一帶進剿茲果軍叛卒既平而綏德州復有叛卒陷踞州城之事局勢既更不得不隨宜

續編卷二十

辛

布置已飛飭郭寶昌迅由宜川進延長延川會同劉松山成定康進剿宋慶一軍已到神木亦檄其由神木南趨相機進剿一面飭何作霖嚴扼軍渡一面咨山西撫臣飭山西已革臬司陳澆嚴節偷渡又全福馬隊一起已據報正月十九及二十九日起程計此時已行抵直隸應懇

天恩飭下直隸督臣山西撫臣札知全福由汾州永甯州過河隨同劉松山進剿其後永甯州所需餉糧馬乾等已飭汾州永甯採運局員預備矣全福郭寶昌宋

慶曾與劉松山共事最稱契洽當可相與有成也事變紛乘倍形跋扈當當悉心商榷慎以圖之所有綏德勇變現籌布置情形謹附片

奏伏乞

聖鑒訓示施行謹

奏 同治八年三月初一日

軍機大臣 字寄同治八年三月初七日奉

上諭左宗棠劉典奏官軍蕩平董志原賊巢果軍叛勇戕害統將並綏德勇變情形各摺片董志原回匪邊經

續編卷二十

辛

官軍懲創潛謀竄遁經雷正綰黃鼎督軍追剿自太昌荔家堡起直抵慶陽府城斬馘盈萬沿途賊巢一律肅清在賊蹤徑趨金積堡正可乘其喘息未定痛加剿洗著左宗棠劉典飭令各軍節節進剿毋稍鬆勁追軍既經深入仍當策應後路以助聲援不可稍涉大意所有各軍獲勝情形並著詳細奏聞果軍營勇變亂提督高連陞被戕本日已明降諭旨照請予卹矣此次變起倉猝經周紹濂等扼之同官古泉叛黨殲除殆盡辦理尙爲迅速首逆丁玉龍是否在逃必須嚴拿務獲盡法懲

治毋任漏網緜德州叛勇情形前已據金順鄭敦謹先後奏報諭令左宗棠等速籌戡定現在郭寶昌宋慶等均已前進兵力甚厚著左宗棠劉典飭令劉松山會合各軍迅速圍剿勿任旁竄其軍渡一帶著鄭敦謹飭令陳湜嚴密守禦以防偷渡陝省各營旬日之間勇丁兩變殊屬不成事體左宗棠身統師于責無旁貸應如何整頓營規撫馭將士豫籌再變之方務當悉心籌畫以固軍心而杜後患全福馬隊計已行抵直隸境內著曾國藩鄭敦謹催令由山西汾州永甯州過河隨同劉松

續編卷二十

三

山進剿毋稍遲延將此由六百里各諭知之欽此

同治八年三月初七日內閣奉

上諭左宗棠等奏提督大員被害懇恩賜卹一摺甘肅提督高連陞自咸豐初年從軍在廣西湖南剿辦賊匪嗣復轉戰浙江福建廣東等省登克城池殄滅李世賢汪海洋巨股卓著戰功迨經左宗棠調赴陝西由廣東陸路提督調任甘肅提督追剿回捻身先士卒所向有功實屬忠勇性成深資得力乃因查拿叛勇倉卒被害殊堪憫惻高連陞著交部照陣亡例議卹並加恩予諡

其從前戰績著宣付史館立傳並准於廣西浙江福建廣東陝西等省立功德所建立專祠以慰忠魂另片奏請將剿除叛勇出力各員獎勵等語提督周紹濂著賞換法什尙阿巴圖魯名號游擊桂錫楨著以參將留於甘肅補用並賞加副將銜周紹濂桂錫楨所部出力員弁著准其擇尤保獎毋許冒濫欽此

續編卷二十

三

恪靖奏稿續編卷二十一目錄

追剿逆回大勝蕩平董志原賊巢慶涇肅清摺

劉松山剿除綏德叛卒收復州城摺

審明戕害高連陞叛逆擬辦完結收輯成營摺

請開漢中鎮總兵伍維善缺卽以李輝武借補片

請將甘肅收捐之道府州縣展限片

續編卷二十一目錄

追剿逆回大勝蕩平董志原賊巢慶涇肅清摺

奏為官軍追剿逆回連獲大勝蕩平董志原賊巢餘眾

北竄慶涇各屬一律肅清現籌布置情形仰祈

聖鑒事竊官軍追剿逆回蕩平賊巢業經臣等於三月

初一日先將大畧情形馳報續據各軍收隊回防先後

稟報該逆自二月初八日收遁回巢紛議北徙復聞臣

宗黨率師西指各路馬步剋期大舉恟懼益甚遂於十

八日集議肅金鎮併十八營為四大營以其半護家口

輜重先行營在魏馬正和等率悍黨萬餘伏董志原斷

續編卷二十一

後時出游騎數百山泰昌政平等鎮分擾涇河兩岸以

牽綴官軍維時陝安道黃鼎自邠州率師會固原提督

雷正綰於長武記名提督馬德順二品頂戴陝西補用

道李耀南亦率馬步各軍屯駐慶涇百里西屯鎮一帶

均遵臣等前檄儲備十日乾糧伺賊竄動卽銳進追之

二十二日探報賊老勇輜重均已離巢分向驛馬關三

汭河北竄辰刻雷正綰黃鼎率師自長武渡涇午後馬

德順李耀南亦率馬步各營由靈臺踵至均會師於泰

昌時精悍賊眾悉伏董志原偽元帥崔槐等率騎千餘

扼三不通憑溝抗拒是夕各統領會商以賊既萃於三不通則荔家堡西路必空虛無備議以雷正綰撥所部總兵陳義步隊六營馬德順派所部提督楊世俊馬隊四營由秦昌入荔家堡取蕭金鎮西路以達鎮原迎頭截剿餘軍分爲四隊以李耀南所統恪靖馬隊爲前鋒馬德順馬隊繼之雷正綰黃鼎馬隊爲左右翼各軍步隊隨後排列而進均由三不通一路直搗賊巢會商已定二十三日五鼓各軍秣馬募食分道進攻辰後行至邱家寨該逆游騎數百瞥見卽遁各軍風馳電掣直抵

續編卷二十一

二

三不通時賊騎千餘排列卡外官軍馬隊徑前衝撲賊恃險力拒鎗砲紛注如雨馬隊往來衝擊均爲深溝所限卒不得前正相持間遊步隊各軍分由左右路踰溝衝上平原繞出賊卡之後賊驚駭失措馬隊乘勝衝入搶轟矛擊賊不能支紛紛敗竄原上伏賊甫出抵禦又爲收賊牽動相率狂奔官軍跟踪緊追斬殺千名復分軍循馬連河而上遂將焦村什社蕭金鎮董志鎮一帶賊巢同時踏燬沿途百餘里城屍枕藉拋棄騾馬軍械無算餘賊策騎飛馳悉向西峯鎮北走是夕各軍駐董

志原二十四日五鼓拔隊跟追辰後抵西峰鎮據擒賊供稱賊前起老弱輜重因人馬衆多未能疾遁相距不過一日之程其殿後悍賊爲各軍追逼漏夜奔竄一由驛馬關以出環縣一由蒲河川以向三汭河約在黑城子下馬關會齊同窺豫望城半角城金積堡一帶維時前派之提督楊世俊總兵陳義兩軍自荔家堡上原出西路掃蕩而前沿途斃賊甚衆已將鎮原縣城收復當經各軍統領會商雷正綰李耀南步隊出蒲河川會合楊世俊陳義馬隊於鎮原追剿三汭河一股其窺駟馬

續編卷二十一

三

關環縣之賊則馬德順黃鼎率馬步緊追之午後馳抵驛馬關及賊尾隊各軍爭先馳擊斬落後賊十餘名追二十里至黨家腰線山徑偏入兩旁溝深數十丈賊大隊擁塞急不得脫崔魏馬正相等見勢危急親督悍黨數百人阻隘死拒官軍奮威衝殺鎗轟矛刺立斃悍賊十餘回目撥馬先逃餘逆紛紛敗竄人馬自相蹂躪墮落坑塹者無算官軍追殺五十餘里約共斃賊數千名連夜躡蹤窮追二十五日收復慶陽府城二十六日追至蔡家廟沿途斬殺又多餘賊竄過環縣由紅德城一

路北走各軍追之不及遂於二十七日收回董志原其
雷正館李耀南兩軍於二十四日由西峰鎮出蒲河川
二十五日會楊世俊陳義之師於鎮原合追至孟壩寺
截殺尾賊數百名復追及前隊於三汭河賊護其家口
輜重先行而以悍騎數百扼險抗拒各軍馬隊遂前衝
橫步隊從旁排列而進鎗矛迭施賊不能支四散奔竄
拋棄騾馬輜重填塞道途落後之賊悉被斬獲官軍躡
追八十餘里至白馬舖斬賊千計二十六日追至洪河
川賊去已遠軍中喪糧將罄遂亦收隊回蕭金鎮二十

續編卷三十一

四

九三十等日各軍以次均回原防統計是役殺斃饑斃
之賊及墜崖而死者寔不止二三萬人騾馬之倒斃餓
斃及被各軍奪獲者約二萬餘匹拔出難民萬餘拾獲
軍械無數慶涇各屬一律肅清竊維董志原地居秦隴
要膺本唐之涇原宋之環慶故地昔時設立重鎮以精
兵宿將駐之藉以控制遐荒撫綏雜虜形勢之重自古
已然陝回竊踞以來遠近城邑寨堡慘遭殺掠民靡孑
遺平慶涇固之間千里荒蕪彌望白骨黃茅炊烟斷絕
被禍之慘寔爲天下所無此次乘其竄動急追猛剿積

年蠹穴搜蕩一空賊之精騎悍黨銷亡殆半機局本有
可乘惟師行所至井邑俱荒水涸草枯賊因此而多所
喪亡官軍亦因此而艱於追逐又其時適值內變紛乘
北路官軍因內顧不遑未克橫衝側擊其赴師期一收
聚殲之效是則上等所耿耿不能自釋者也現謂該逆
由環縣固原兩路竄至下馬關復由下馬關分竄銷河
城豫望城半角城金積堡一帶賊情潰散不但陝回與
甘回因剿掠而肇衅生端即陝回之向分東彌西彌者
亦因喪敗而各懷怨恨陝甘回患庶有止息之期此時

續編卷三十一

五

所最急者宜乘時耕墾擇要興屯以活遺黎而弭飢寒
之道以儲軍食而銷譁變之萌庶內政既修軍民漸有
固志乃可徐圖進取斷不宜苟目前旦夕之效求速反
遲又蹈從前覆轍也其目前兵事所宜急籌者如駐軍
董志原扼秦隴兩省關鍵駐軍秦州通蘭州一綫餉道
駐軍正甯甯州之間爲進慶陽之謀駐軍涇州爲通平
固之漸皆主固秦以規隴自東徂西者形勢之自然由
近及遠者行軍之次第既不敢濡滯而坐失機宜亦不
敢造次而貽譏壯往一切規畫皆於無可設法中竭蹶

圖之事同創始艱阻萬狀臣等惟有虛衷商榷殫誠盡
瘁以求下紓民難上慰

慈懷其在濟與否則固未能逆計也至此次各軍將士
徑籌積年老集轉戰數百里不遺餘力洵屬著有微勞
懇請先予獎敘以酬勞勩固原提督直勇巴圖魯雷正
緒記名提督浙江處州鎮總兵輔勇巴圖魯馬德順均
請

賞換清字勇號二品頂戴按察使司銜新授陝安道呼
敦巴圖魯黃鼎請

續編卷三十一

六

飭交軍機處存記遇有按察使缺出請

旨簡放二品頂戴陝西補用道李耀南前因江蘇六塘
河疏防一案奉

旨拔去花翎計銷勇號嗣經臣宗棠

奏調該員辦理營務深知奮勉此次督軍追剿異常出
力應請

旨賞還花翎記名提督頭品頂戴裴凌阿巴圖魯楊世
俊記名提督愛星阿巴圖魯張會元均請遇有提督缺
出開列在前請

旨簡放提督銜陝甘補用總兵博勇巴圖魯開定邦總
兵陳義均請以提督記名請

旨簡放提督銜記名總兵毅勇巴圖魯高登王陝甘補
用總兵裴思朝均請遇有總兵缺出請

旨簡放提督銜補用總兵提勇巴圖魯黃有忠請仍以總
兵記名遇有總兵缺出請

旨簡放記名提督尚勇巴圖魯張仲春記名簡放總兵
譚正明均請

續編卷三十一

七

湖補用副將馬德申補用副將政勇巴圖魯張得志均
請以總兵升用閩浙補用副將王有慶儘先補用副將
銳勇巴圖魯李洪春補用副將秦龍瑞均請

賞加總兵銜副將銜浙江補用參將周炳榮請以副將
仍留浙儘先補用副將銜補用參將讓勇巴圖魯陳全

凱副將銜陝甘補用參將羅青山副將銜儘先參將陝
西河州鎮標右營遊擊郭萬春均請以副將留於陝甘

儘先補用閩浙補用參將廖三元請
賞加副將銜儘先游擊王得洲請以參將補用並

黃加副將銜恭將銜儘先游擊李廣珠請以參將補用
藍翎游擊銜儘先都司趙連科請以游擊補用並
賞換花翎其餘出力弁勇等可否准 旨等擇尤彙併一
案保獎以昭激勸之處出自

天恩所有官軍追剿逆回連獲大勝蕩平董志原賊巢
詳細情形並現籌佈置大概謹合詞馳

奏伏乞

皇太后

皇上聖鑒訓示施行再此摺係由 旨宗棠主稿合併聲

續編卷三十一

八

明謹

奏 同治八年四月初一日

同治八年四月初七日內閣奉

上諭左宗棠等奏官軍追剿逆回連獲大勝蕩平董志
原老巢慶涇名屬一律肅清一摺甘肅慶陽所屬之董
志原地居險要久爲回逆盤踞該逆探知官軍進剿糾
黨千餘騎扼三不通地方憑險抗拒道員黃鼎等分路
前進於五鼓秣馬暮食行至邱家寨該逆即排隊力拒
鎗砲如雨官軍往來衝突步軍繞出賊後賊眾不支紛

紛敗遁我軍追殺百里當將董志原鎮等處賊巢踏毀
次日各軍由董志原追剿黨家腰線山徑逼仄該逆阻
隘死拒官軍奮勇衝殺立斃悍賊十餘名逆首撥馬先
逃餘賊均敗竄官軍追殺五十餘里收復慶陽府城其
雷正鎔等軍追剿三汊河斬賊千計復追至洪河川始
行收隊計是役逆回殺斃賊斃及降死者二三萬名奪
獲騾馬二萬餘匹救出難民拾獲軍械無算慶涇各屬
一律肅清剿辦尙屬奮勉所有尤爲出力之提督雷正
鎔著賞換達春巴圖魯名號總兵馬德順著賞換博啟

續編卷三十一

九

巴圖魯名號道員黃鼎著交軍機處存記錄用李耀南
著賞還花翎提督楊世俊等均著遇有提督缺出開列
在前請旨簡放總兵閻定邦等均著以提督記名請旨
簡放高登玉等均著遇有總兵缺出請旨簡放黃有忠
著仍以總兵記名遇有總兵缺出請旨簡放提督張仲
春等均著交部從優議敘副將殷華廷等均著以總兵
升用王有慶等均著賞加總兵銜參將周炳榮著以副
將仍留浙江儘先補用陳金凱等均著以副將留於陝
甘儘先補用廖三元著賞加副將銜游擊王得洲著以

參將補用並賞加副將銜李廣珠著以參將補用都司趙連科著以游擊補用並賞換花翎其餘出力員弁勇丁著左宗棠等查明彙奏請獎敘毋許冒濫該部知道欽此

軍機大臣 字寄同治八年四月初七日奉

上諭左宗棠等奏官軍克復董志原回巢慶涇各屬一律肅清現籌布置情形一摺已明降諭旨宣示並將出力之提督雷正綰等照所請獎勵矣董志原地居秦隴要膂久為回逆老巢經官軍此次痛剿克復慶涇各屬

續編卷三十一

十

一律肅清該逆由環縣固原兩路北竄下馬關等處左宗棠等因裹糧將營仍令各軍回駐原防擬擇要與屯徐圖進取固屬老成持重第當此得勝之餘軍威大振回情渙散甘肅各匪經此懲創自必大為震懾若能乘勝進剿必當事半功倍倘遲遲進取恐回逆結謀抗拒轉形費力著左宗棠將糧餉等事與劉典妥商後即行西征隴回並馳至涇州接授總督關防擇要駐紮居中調度以期秦隴兩省得以兼顧至延安一帶地方是否安謐扈彰有無反側董福祥是否歸降興辦兵屯應如

何經畫左宗棠籌定後即可交劉典經理免致失此機會穆圖善於左宗棠未到甘肅以前仍當將金積堡等處賊回盡力堵剿毋令軼出邊外勢成蔓延左宗棠另摺奏查明劉松山及高連陞兩軍變亂情形均已明降諭旨將劉松山等分別議處革留及副將楊玉魁等正法遇害之總兵黃毓禎等議卹矣其未獲之蔣宏高石文科仍著左宗棠等隨時嚴拏毋任漏網現在高連陞所部陣斬及擒獲正法者人數甚多未變各營改派李輝武等統帶尚屬妥協著即飭該統領等妥為鈴束不

續編卷三十一

十一

可稍涉大意致生事端將此由六百里各諭令知之欽此

劉松山剿除綏德叛卒收復州城摺

奏為劉松山剿除綏德州叛卒州城收復謹據實馳陳仰祈

聖鑒事竊廣東提督劉松山率師由山西永甯州渡河而西設採買糧局於永定州之軍渡留所部中軍三五兩旗及記名提督蕭章開所部右軍後旗勇夫轉軍渡之糧於綏德比掃蕩而西距綏德又遠又留記名提督易德麟所部前軍後旗記名提督蘇松鎮總兵章台才所部左軍左旗駐綏德轉綏德之糧於周家嶺一帶比

續編卷三十一

三

抵鎮靖堡復稟糧西則靖邊土匪定邊回匪又飭易德麟率所部前左右三旗駐五窟堡轉周家嶺一帶之糧於鎮靖堡以餉前敵各軍兼哺賊計自軍渡糧局渡河經綏德州周家嶺五窟堡以抵鎮靖堡山程往返共一千零八十里各勇夫散布各處絡繹載塗其駑綏德者時需輪轉運運分統之員僅章合才往還監護巡視不常厥肩以故游匪竄隨其間潛相勾煽無從察禁此變之所由生也二月十三日游勇勾結綏德州城內外各營起事與臨州城當變出者率時風謠所播人心震

駭傳聞異詞不特劉厚基金順據城中逃出士民傳說訛誤頗多即臣等所據何作霖軍渡來稟及成定康陳瑞芝等所稟情形亦均係游匪叛卒踞城以後謠傳其於游匪叛卒姓名及被脅弁丁固未能指實也茲據劉松山稟二月十七日在洛珠川行營接章合才急報十

三日午後由義合鎮糧局察收糧石回州中途突聞游匪滋事州城已被襲踞城內外存營弁勇或被其勾結入夥或被脅入城或乘間逃走其挑糧未歸之弁勇押糧未歸之營哨各官又皆未帶軍械無以制賊東路則

續編卷三十一

三

折向宋家川西路則竄赴周家嶺形勢倉皇失所依據劉松山得報即並蕭章開所部由洛川折由五窟堡南趨飭易德麟帶所部會師清澗沿途偵知營務處提督黃萬友帶所部中軍第六旗聞變時已交總哨帶赴瓦窰堡而何作霖又已將三五兩旗調過東岸知叛卒零星湊集不能抗拒大軍也二十二日馳抵瓦窰堡派提督曹義勝赴綏德察各軍反狀三十三日抵清澗章合才率馬隊三營來會二十四日曹義勝自綏德州飛馬來報城中各營不知統將動靜人心惶惶曹義勝至密

告已抵清澗則大喜二十三夜四更乘各遊匪酣卧殺
斃百餘名叛卒二十餘名弁勇之被脅者遂乘勢反正
縛哥老會首謝永青唐太春方經山胡泰江童嘉隆等
五犯解清澗行營成定康所部之在城內者亦隨之俱
行二十五日到清澗劉松山提訊謝永青唐太春據供
前在湖北軍營當結拜哥老會匪陸續來至綏德勾煽
城內外各營勇丁甫數百人不料被新夥暗算遂致破
案訊畢斬之各營哨官什長指出叛卒一百二十七名
供認不諱概予斬決在營各哨官參將銜補用遊擊羅

續編卷三十一

丙

忠桂湯惠能補用遊擊王福升補用都司黃忠貴察訊
情節較重一併軍前正法劉厚基於二十五日由米脂
帶隊馳抵綏德與署綏德州知州陳瑞芝收復城池二
十六日進至石嘴驛獲獲逸匪吳得勝楊占魁斬之聞
事平仍回米脂郭寶昌行至延川聞事平亦引軍還自
會匪勾煽叛卒起事迄事平甫聞旬日首逆悉數縛誅
大局敕定始時流言四起人心震駭至此而後怙然哥
老會匪為害之烈如梟虍之忍鷙鬼域之不易防亦可
概見矣臣等現仍嚴飭成定康陳瑞芝劉厚基等察緝

游勇會匪務期淨絕以遏亂萌一面咨令劉松山乘軍
情安謐之後逐一清釐整頓曉之以名義忱之以禍福
俾克永保終譽以承

恩寵至綏德軍變與高連陞軍變事起同時論者疑其
或有交通情弊則固不然無論綏德去宜君千餘里山
谷阻隔聲息難通且高連陞所部名雖楚軍實則剿平
廣西江西閩浙粵東髮逆所收降人居多其隸川黔者
尤多哥老會益哥老會者本川黔舊有嚙嚙匪之別名
也昨訊決之首逆丁玉龍朱得達李長林羅興萬要逆

續編卷三十一

圭

黃上輔等皆籍隸貴州四川首逆鄔洪勝熊定邦皆籍
隸江西與綏德首要各逆出自湖廣河南者有別雖同
一哥老會匪而氣類攸分也劉松山治軍紀律嚴明恩
信素著故弁丁聞其還旆清澗即倒戈相迎而劉松山
以此憤積於中義形於色上書臣宗棠懇求
奏請從重治罪臣等未敢壅於

上聞應否寬免之處出自

鴻慈逾格臣等未敢妄擬此案失察之咎該軍分統及
營官哨長均有難辭前署綏德州知州成定康現署綏

德州知州陳瑞芝亦有應得之咎容俟察核明確分別辦理惟綏德宣君兩逆案情罪實有不同宜君楊店之變因拏辦哥老會匪迫而為亂竟敢謀通回逆撓亂大局戕害主將營官及差官幕友多人攻犯城池情非重大無以加之綏德則未嘗戕害所管將弁未嘗勾通外寇衅端實由游匪勾煽而起倡首正犯固罪無可逃被脅各卒情似可恕_臣等愚昧之見未知當否謹據實馳陳伏乞
皇太后

續編卷三十一 六

皇上聖鑒訓示施行再此摺出_臣宗棠主稿合併聲明
謹

奏 同治八年四月初一日

同治八年四月初七日內閣奉

上諭左宗棠劉典奏剿除綏德州叛卒州城收復一摺本年二月間陝西綏德州營勇突被游匪勾結叛踞州城經提督劉松山率蕭章開等會合總兵章合才所部由瓦窰堡馳抵清澗殺斃游匪百餘名叛卒二十餘名被脅弁勇乘勢反正縛匪首謝永青唐太春訛係自湖

北勾結會匪陸續至綏德煽亂當飭處斬其指出叛卒一百二十七名及叛將羅忠貴湯惠能王福升黃忠貴一併正法收復綏德州城池搜獲逸匪吳得勝楊占魁斬之軍情大定此案劉松山有統率將弁之責不能先事防範即予從重治罪亦屬咎有應得姑念該提督平日打仗尚屬奮勉加恩免其治罪著交部議處前署綏德州知州成定康現署綏德州知州陳瑞芝亦有應得之咎均著革職留任失察之營官哨長著左宗棠等查明分別參處此次綏德勇變除倡首之犯務獲正法毋

續編卷三十一 七

許一名漏網外其餘被脅反正弁勇概免追究以示區別該部知道欽此

審明戕害請逆陞叛逆擬辦完結並收輯成營摺
奏為審明戕害高連陞全案叛逆擬辦完結並收輯成
營恭摺馳陳仰祈

聖鑒事竊甘肅提督高連陞軍變被戕經臣等於三月

初一日馳報維時首逆丁玉龍鄆宏勝朱得達等尙未

捕獲臣等嚴飭各營分途緝務期罪人斯得以中

國法而快人心旋據前路左營總兵陳光明代理洛川

縣知縣喻長銘馳報二月二十六日盤獲首逆鄆宏勝

初猶詐稱吳得勝經同時獲案之馬夫陳茂生當面質

續編卷三十一

六

認確是二月二十夜倡亂手戕高連陞之鄆宏勝據提

督丁賢發報在耀州陸續捕獲首逆朱得達黃上輔及

逆黨能松宜焦得興田田發唐占靈羅有元楊長福楊

廣舒等七犯預知逆謀之鄧占武等十一犯當經檻送

臣與三原行營臣典提訊各犯立即正法以朱得達黃

上輔情節尤重飭解臣宗棠乾州行營彙案審辦三月初

初六日據陝西提督雷正綽提督周蘭亭報稱三月初

二日首逆丁玉龍熊定邦羅興萬李長林及逆黨吳得

勝即吳步雲等百餘人竄至長武之密店雷正綽周蘭

亭分途截擊立將丁玉龍等悉數擒獲起解臣宗棠於

三月初七十六等日各犯解到時親提研鞫首逆丁玉

龍鄆宏勝認係哥老會匪頭目倡首謀變戕害統將不

諱比設高連陞黃毓複賀茂林及同時遇害各員弁之

靈臣宗棠親手加刃飭將該五犯磔誅剗心致祭叛弁

黃上輔羅興萬吳步雲即吳麻子叛卒汪宏發黃玉春

王德明夏邱保寇得有李正魁秦真隆唐玉林武一太

鄧世發王洪林胡得勝李正魁即李連四黃升泰鄭世

祿李洪順劉苟義王炳五趙長興陳國樹吳秀山朱洪

續編卷三十一

五

標張洪興汪裕祿曠謙居湯得勝尙五彪單整祿王小

宗錢萬洪朱定貴譚裕勝升順正何得興譚得勝辛得

勝雷開太鄧戴文梁占魁吳奎壽朱應林何樹元李二

科王仁和張德勝滕加貴楊月盛王運強何正顯李永

德李飛龍郭起財李玉成王玉貴唐士甲何銀連蔣明

桂胡正安江大興朱玉貴蕭興順蔣洪元阮得元魏恒

有羅奉深李得勝羅文德陳元慶游發桂蘇占彪七十

三犯訊皆同預逆謀到楊店攻同官縣城古泉營壘經

官軍擊散折由馬欄鎮出山河鎮擬投回巢適聞回巢

已傾折而趨長武密店始就擒者訛畢概與斬梟據知
府劉倬雲總兵張福齊報捕獲叛卒蔡鳳耕杜金德張
志元吳桑富張從義王得勝吳得勝楊泰勝潘洪勝王
良喜李春喜張永清等犯提督丁賢發於所收就撫各
營中先後察獲叛卒王永芳任勝壽史子義即史金臣
等犯亦皆軍前斬決梟示統計高連陞一軍叛弁勇丁
除陣斬千三百餘名外捕獲訛決者計一百八十餘名
首要各逆除蔣宏高石文科尙未獲訛未知曾否伏誅
外餘俱按名捕獲訛結其未變之後營及前營三哨已

續編卷三十一

三

飭改歸署漢中鎮總兵李輝武統帶丁賢發桂錫楨等
所收被脅之勇丁一千五百餘名分爲三營以兩營歸
丁賢發統帶以一營歸記名道魏光燾統帶提督周紹
廉總兵張福齊所收被脅勇丁六百餘名除補缺額外
各編列隊伍安插所部各營中而事已大定所有同時
遇害之提督銜湖南補用總兵黃毓馥總兵銜補用副
將賀茂林花翎同知銜浙江補用知縣謝生春四川補
用副將高英舉守備吳學裕千總余永福把總朱云發
從九潘甫一從九張西堂監生方甫臣倉猝遇變遭禍

最慘應懲

天恩飭部照原階原資議卹

卹典並請

旨准其附祀高連陞專祠以慰忠魂查異變之起由於
左營該營官總兵銜副將楊玉魁駐營米子窰距高連
陞楊店老營三十里高連陞查拏會匪丁玉龍丁玉龍
跳匪該營遂約該營差弁邱宏勝哨長熊定邦朱得達
大旗李長林黃上輔遽起爲變黃夜闖入楊店老營戕
害統將據該營官供二月二十夜叛卒出營時曾向其

續編卷三十一

三

截阻被傷驗明傷痕屬實訊之首逆邱宏勝所供亦同
然首逆皆出自該營丁玉龍又匿避該營糾約起事該
營官縱不預知逆謀究亦無所逃罪總兵銜副將鄧玉
魁駐營宜君縣城於哨長蔣宏高郭見寅李慶全結拜
哥老會時漫無警察與楊玉魁均被叛卒劫赴楊店大
營回攻同官縣城經官軍剿敗後始同楊玉魁投營自
首厥罪維均管帶中營四哨總哨官補用總兵唐學賢
駐營楊店二十夜之變該總兵不但未能力遏兇鋒救
援統將且所管三哨一時均變隨同攻撲同官縣城事

敗投 劉典行營吳訴憂憤託據生擒叛卒供稱該總兵亦是會內香長是該總兵因迷惑既深意存觀望可知楊玉魁鄧玉魁唐畢賢情罪重大現均押解乾州監禁應請

旨一併立正典刑以彰

國法總兵銜副將周廷興駐營古泉二十夜五更丁玉龍鄧宏勝率叛勇至古泉脅該營同變該營通逆之弁勇起而內應周廷興立刃數賊忽大股叛勇蜂擁而入周廷興立與格鬪右手右耳左膊右腿均受刀矛重傷

續編卷三十一

三

各叛卒誤謂已斃委之而去所部弁勇俟叛卒既去乃昇置山谷垂絕始蘇赴耀州具稟現因傷重未痊尚留耀州醫治管帶副後營留甘補用道楊銘濬駐營金鎖關距揚店老營七十餘里二十一日聞變帶所部過同官遊桂錫楨赴援甫行詢知叛卒來撲即與桂錫楨同守城兼保糧局因招本營上城致叛卒矛傷左足楊銘濬手刃登城叛卒危城全保亦與有力周廷興楊銘濬潛兩員於此案情節最輕平日素稱謹樸應否請旨暫行革職仍留營差遣俾昭平允之處伏候

聖裁所有擬辦此案各情謹合詞據實馳陳伏乞

皇太后

皇上聖鑒訓示施行謹

奏 同治八年四月初二日

同治八年四月初七日內閣奉

上諭前因甘肅提督高連陞軍變被害迭諭左宗棠等詳查究辦茲據該大臣等奏將全案各情審明具奏此案副將鄧玉魁駐營宜君縣城於哨長蔣宏高等結拜哥老會時既無覺察復與副將楊玉魁均被叛卒劫赴

續編卷三十一

三

大營回攻同官迨經官軍剿賊始同楊玉魁投營自首補用總兵唐畢賢駐營揚店所管三哨一時同變事前不能救援統將事敗始投劉吳軍營並據叛卒所供亦係會內香長現均經逐款訊明押解乾州監禁該犯等情罪重大未便稍事稽誅鄧玉魁楊玉魁唐畢賢均著即行正法以伸國憲副將周廷興道員楊銘濬未能力挫兇鋒本有應得之咎惟或因格鬪受傷或因守城出力情節尚屬可原周廷興與楊銘濬著暫行革職仍留營差遣至所稱同時遇害之提督銜湖南總兵黃毓復總

兵銜補用副將賀茂林花翎同知銜浙江補用知縣謝
生春四川補用副將高英舉守備吳學裕千總余永福
把總朱云發從九品潘甫一張西堂監生方甫臣遭禍
最慘深堪憫惻著交部照原階原資議卹並准附祀高
連陞專祠以彰忠節餘均照所議辦理欽此

請開漢中鎮總兵伍維壽欽以李輝武借補片

再陝西漢中鎮總兵實任伍維壽蒙

恩簡放已逾數年迄未到任該鎮地連隴蜀維踞南山
最關緊要非得材武知名之員難期鎮壓伍維壽籍隸

續編卷三十一

重

湖南臣所素知縱催令速赴斯任亦難稱職惟現署該
鎮之記名提督法福凌阿巴圖魯李輝武戰功素著勇
略超羣現署漢中鎮駐營實難鳳縣屢摧巨寇其戢軍
愛民甚得時譽上年冬間實難士民間川督有檄調該
軍移防之信即奔走臣營懇求留駐該縣情詞極爲懇
切其感人之深如此若以之借補斯缺必能綏輯兵民
爲隴蜀屏障可否仰懇

天恩飭將延不到任之漢中鎮總兵伍維壽開缺卽以
現署漢中鎮總兵之記名提督李輝武借補俾臣得收

指臂之助出自

聖裁伏乞

訓示施行謹

奏同治八年四月初一日

同治八年四月初七日內閣奉

上諭左宗棠等奏請將延不到任之總兵開缺等語陝
西漢中鎮總兵伍維壽簡放後久未到任該處地方緊要
員缺豈可久懸伍維壽著卽開缺所遺漢中鎮總兵員
缺著李輝武補授欽此

續編卷三十一

重

請將甘局收捐之道府州縣展限片

再臣接准戶部咨議覆臣等奏請將道府州縣等項展
限收捐附片一件擬令無論陝捐甘捐亦無論陝甘省
局統照臣部議覆穆圖善奏請開捐之日起限一律扣
至同治八年四月十六日卽行停收道府州縣不得續
請展限以示限制至捐免坐補等項新章與道府州縣
有間應准其展限一年無論陝捐甘捐亦無論省局分
局均扣至同治九年四月十六日一律停止收捐以昭
區別而濟餉需同治七年十二月二十七日奉

旨依議欽此等因臣伏念甘捐道府州縣五項官階既經戶部奏奉

諭旨一律扣至同治八年四月十六日即行停收自應照辦惟臣軍餉項萬分奇絀現值進剿尤虞缺乏查甘局收捐專以實銀上兌本較他局捐數稍昂所以臣上年奏請將部定不准外捐之道府州縣各項專歸該局辦理以免避就今照部議一律停收則佐貳雜職捐數寥寥且斷難期踴躍有虛名而無實濟於軍餉毫無裨益况御史周恒祺奏請停捐道府州縣部議隨時體察

續編卷三十一

三

庫款情形奏明辦理京外本屬一體可否懇

恩准將甘局收捐之道府州縣無論省局分局均展至同治九年四月十六日再行停止以裨餉糈而支危局之處出自

聖裁除陝西捐局由撫臣劉典奏請展限外謹附片馳

陳伏乞

聖鑒施行謹

奏 同治八年四月初一日

軍機大臣奉

旨著照所請該部知道欽此

續編卷三十一

三

恪靖奏稿續編卷二十二目錄

陝境肅清進駐涇州督辦甘肅軍務摺

請飭各省力籌協餉摺

甘餉窘迫情形片

遵 旨覆陳摺

遴員醫理府州縣辦理賑務撫輯事宜摺

甘肅臬司張岳齡開缺片

黃鼎攻克安家山寨片

陝省報捐各生捐冊由西征糧臺咨部片

續編卷三二目錄

劉厚基稟報軍情不實請

旨懲處片

陝境肅清進駐涇州督辦甘肅軍務摺

奏為官軍搜剿各匪屢獲勝仗陝境地方一律肅清

謹遵

諭旨由邠州長武進駐涇州督辦甘肅軍務仰乞

聖鑒事竊董志原回巢掃平綏德宜君叛軍同時綏定

後陝西北路降人董福祥李雙良張萬會屬良儒梁植

劉文誥劉永春等股眾經署綏德州知州陳瑞芝會同

劉松山委員提督黃萬安等安插於瓦窰堡老君殿周

家嶽等處耕墾荒地均就安帖維綏德延安交界各縣

續編卷三二

時有游匪積卒土匪暗相勾結假息山谷間肆行劫掠

其近延長延川宜川者記名提督安徽壽春鎮總兵郭

寶昌記名提督劉麟集屢次派隊擒斬各數百名其近

洛川者副將劉竹石時出隊截捕多所斬賊其叛軍畏

誅漏逸及變易姓名潛跡營中者又經劉松山記名提

督周紹濂先後搜緝正法於是北山迤北縱橫數百里

間漸有窳宇而鄜州甘泉西北一帶游匪數十數百竊

忽出沒動輒數十百里莫測其栖泊之所臣於董志原

回巢掃平後檄留陝道員魏光燾提督劉瑞冕兩軍由

黑水寨王家角進大白鎮合水縣一帶以漸向慶陽正運糧待發間忽捕獲鬚髮悍賊張有福等五名訊洪爲首老賊卽上年盤踞雲巖鎮巨逆袁大魁自上年六月雲巖老巢經官軍攻破後袁大魁乘雨夜竄逸隨身死黨數十人七月內竄至宜川縣燕曲堡招集敗黨及甘肅饑民潰卒約共數百人復經官軍擊敗袁大魁仍偕其死黨竄出冬間逃至保安縣屬之老巖寨其地絕險有居民百餘戶憑險結寨自保回土各匪頻年攻之未破袁大魁僞爲官軍羅糧者給寨民遂入據之糾集游

續編卷三十二

二

匪潰卒約數百遍脅鄰寨土民千餘皆蓄髮從賊分爲五隊每隊一僞將軍一指揮統之賊官軍進止爲趨避倏忽御至官軍不能得其蹤跡也魏光燾既訊畢斬張有福而釋其餘黨令爲前導一面會商提督劉端冕副將張星元刑部主事周瑞松各派所部助勦期速肅事庶移營前進可免後顧之憂四月初五日潛師夜起黎明抵老巖寨前面三十里馬蹄溝守卡賊驚起抗拒副將王正和蕭玉元遊擊李奪魁參將魏紀登奮威衝殺立斬執旗賊目數名奪隘而入適總兵于奇泮副將石

茂林總兵周振南參將譚吉士左右截出將馬蹄溝賊登時擒斬殆盡其踞頭道川之賊聞風驚卻官軍合勢蹙之窮追二十里斃賊約共四百餘名奪騾馬百餘頭生擒僞將軍徐榮韓清榮僞指揮張洪太余天貴等訊畢斬之時已薄暮大雨如注始令收隊初六日黎明劉端冕所部提督甘大有副將喻經魁率師抵陳家紙坊遇賊百餘殲之進逼鷓子川守卡賊分布拒守鎗子如雨參將章和榮顏禧承等斬關而入賊大譁潰官軍分頭截擊生擒僞指揮張復盛何文彪等逆訊明斬於陣

續編卷三十二

三

前士氣倍奮當將鷓子川之賊數百一併擒斬初七日駐守延安之副將賀卓吾幫統之副將張星元又率所部馳來魏光燾會集諸營分路直逼老巖寨方擬兵力厚集乘勝而前縱賊巢天險亦無難一攻卽下也派州判方大鸞督前後營及前營馬隊以老巖寨之前自率中營奇營及中營馬隊繞出老巖寨之後各營築壘環攻竟日將士屢前屢卻苦於無力可施收隊後審視賊巢見老巖壁立千仞下臨洛水窰孤懸巖中左右立木爲柵兩旁皆深堑小橋橫架僅通人行爲賊出入之路

賊早將巨繩曳橋令起路已斷矣密前石磴螺旋近浴處水樓兀立賊踞其上層層釘眼是爲密之外郭議先將水樓攻燬以漸逼密外初九日令賀卓吾張星元率所部攻水樓之賊而自率各營從密外兩旁來擊力攻竟日外密雖破斃賊不過數十而壯士之傷亡者已十餘名參將袁海壽手受子傷密內礮石紛下帶傷者益眾俯視水樓已經著火旋被賊撲熄收隊而回諸軍均擬速平賊巢以便及時前進舉辦屯墾諸務見賊踞巖穴極險無路可攻欲罷不能欲速不可慙憤交迸連日

續編卷三十一

四

會商巖旁巖下均無可著手非從巖頂鑿石立柱潛維壯士引繩而下無由得抵洞門也魏光燾急雇石工而挑勇丁之習此警者助之一面會各營逐日更番撲卡多積蒿草枯柴僞爲火攻之狀疑之十五日巖上石路成穴石多安橫柱下令軍中能從巖縫下撲洞門者受上賞自十五日起派隊輪攻鎗礮晝夜不絕時放噴筒火箭令賊防範不得休息五鼓撤隊十七日方鳴金收隊味爽壯士十餘由巖巔抱皮繩縋至棚外賊猶酣臥少頃縋下者益多拔棚闖入連拋火彈袁大魁急喊悍

黨迎拒密內人聲沸起官軍短兵撞刺賊屍枕藉袁大魁經官軍又傷倒地賊弟袁二亦刃傷未殊時都司涂國榮守備楊振家陳如美千總范潮海董大榮蔣得勝戴鵬程外委張金明徐有禮軍功李洪泰周元吉劉開年陳萬得一齊殺入割取袁大魁袁二首級大呼以徇各軍競奮立將上下卡水樓一併攻破老巖十五密之賊除斬馘外紛紛墮巖墮水以死無一免者官軍將洞密一律剷除免爲山寇竊踞乃次第拔營前進函袁大魁首級馳送大營驗明遍傳被害各地方示眾而鄰延

續編卷三十一

五

巨患以平周瑞松既會克老巖竊賊巢收隊回延安詢知府城南三十里野豬窪等處時有遊勇出沒商旅苦之而未悉其巢穴所在正擬派隊搜捕間二十四日捕獲遊勇朱俊林訊知匪目杜占元自上年臘月勾結土匪連破英溝龍耳溝魯家灣等寨即踞魯家屯收留遊勇哥老會匪分布韓家原紙坊村孫家溝不時遠出數十里百餘里外肆行劫殺所得贓物輒以少許分結近寨民人故伏匿雖久迄無舉發者二十六日黎明周瑞松率所部抵魯家屯察看寨踞山巔小逕已經掘斷兵

不能入乃令副將賀卓吾帶同武舉彭春亭及親兵二名持諭叩寨託言買糧杜占元不疑放板橋納之賀卓吾過橋以親兵守護橋頭急放號礮周瑞松麾軍奪隘而入武舉彭春亭手縛杜占元雲時隊伍齊至搜殺遊匪殆盡墜巖死者二十餘人同時副將張維美參將彭芝蘭亦將紙坊村盤龍寨韓家原各處遊匪一律搜捕並獲土匪劉大福斬之周瑞松將所獲牲畜貨糧儀給貧民親訊匪目杜占元張光如李鳳先張兆霖吳東元張世顯楊林元朱洪勝等均積年哥老會匪一併斬決

續編卷三十一

六

而郭寶昌前次勦散狗頭山賊後賊目張大仁即張三胖子復勾結遊勇土匪於延長縣東南八十餘里界連宜川之小海村南莊羊肚原等處時出剽掠四月十四日擾及城東七十里之白家河知縣孫永成偵悉賊蹤商請郭寶昌所部記名提督宋朝如副將李長勝分路前往圍捕甫抵王家河遇掠食之賊二百餘官軍奮擊斃賊多名生擒李根兒等十餘名白家河之賊即解圍潛遁宋朝如收隊後賊仍折回攻撲白河十七夜宋朝如孫永成復督兵圍擊之斃賊百餘名賊敗歸巢十八

夜官軍襲破馮家嶺南莊羊肚原諸巢陣斬匪目呂邦科斃賊數百名生擒王守正李金賢等四十餘名分別斬釋惟張大仁由深淵遁去二十八日竄至鄜州東北牛武鎮僅殘匪百餘名駐鄜官軍急起遮截擒斬二十餘名餘皆散逸無蹤總計榆林綏德延安鄜州各府州所屬遊匪潰卒土匪巢穴剗削一空潦盡潭清數郡殘黎得安耕作臣軍得以一意西征免虞牽掣以局勢言之雖較之前此度隴諸軍獲效稍遲將來虜事或速未可知也綏延之間安撫漸有成局北路劉松山一軍由

續編卷三十一

七

西北進指定邊花馬池一帶以截甯靈之賊令不得東中路魏光燾劉端冕周紹濂諸軍西出合水正甯甯州以向環慶雷正綰黃鼎諸軍由董志原涇州趨鎮原固原崇信華亭以蔽汧隴而規平涼南路李燿南吳士邁諸軍由隴州寶雞趨秦州臣率親兵及正營良營由永壽邠州長武以赴涇州飭馬德順簡敬臨馬步各軍暫駐上良百里鎮以策應南北兩路且耕且戰安民以除土匪整軍以戢潰卒撫良回以勦逆回不敢以小謀近功誤

國家安邊至計也所有陝西肅清臣軍度隴情形謹會
同西安將軍臣庫克吉泰署陝西巡撫臣劉典據實馳
陳兵老密巖之戰雖僅攻克一堅巢斬馘不過千餘然
將士縋幽鑿險晝夜環攻不遺餘力較之平原列隊決
勝負於旦夕之間者勞逸懸殊可否由臣擇尤酌保巢
入肅清案內從優請獎之處合併聲明伏懇

皇太后

皇上訓示施行謹

奏 同治八年五月十九日

續編卷三十二

八

同治八年五月二十五日內閣奉

上諭左宗棠奏官軍搜捕各匪淨盡陝境肅清一摺陝
西官軍自掃平董志原狗巢後各路匪徒仍復暗相勾
結肆行劫掠經提督郭寶昌劉松山等派兵搜捕斬獲
甚多雲巖鎮巨逆袁大魁竄至保安縣屬之老巖窩憑
險結寨經道員魏光燾提督劉端冕等率兵攻剿殲斃
逆首袁大魁及賊目多名餘匪悉數掃除各處匪類亦
經官兵搜捕淨盡榆綏延鄜各屬一律肅清勘辦尚屬
得手惟陝西頻年疊遭兵燹此時逆匪雖經期淨而遊

勇土匪仍足以滋嘯聚且各屬地方賑撫窮黎安插人
眾在在均關緊要左宗棠現在振旅西征所有陝省善
後各事宜劉典責無旁貸即著悉心籌畫妥為經理以
期毋負委任欽此

請飭各省力籌協餉摺

奏為各省協餉欠解過多臣軍西行愈形窘迫據實馳

陳仰祈

聖鑒事竊臣因餉事短絀屢次具摺馳陳前蒙

天恩諭各省除每年原協臣軍餉銀三百三十萬兩署

續編卷三十二

九

督臣穆圖善軍餉銀一百二十萬兩署撫臣劉典軍餉
銀六十萬兩又添撥釐金三百萬兩總計八百一十萬
兩欽仰我

皇上軫念於西陲民隱兵艱悉履

聖慮各省如果遵

旨分起撥解則截長補短挹彼注茲臣自可一意馳驅
勉圖報稱更何敢再三曉瀆自取咎尤乃絨牘頻催並
經辦理西征糧臺翰林學士袁保恆再三商懇自同治
八年正月截截至四月底止計各省協餉共應解銀二

百三十萬兩除穆圖善委員提解不計外其解到西征糧臺及起解在途者各省就近對撥者止七十餘萬兩是各省撥解之數不及奉

旨協撥三分之一而舊欠協餉洋稅尤勿論也臣與劉典楚軍積欠已多無計彌補所藉以支持至今倘未詳潰者於餉銀解到時先儘購運糧食草料軍裝軍火軍械之需每月每營僅給鹽菜柴薪銀六七百兩俾勇丁長夫聊資餬口至疾病之藥餌傷亡之血養與夫統領營哨官弁之薪水辦公銀兩槩停不發以故將領雖極

續編卷三十一

十

窘乏而士卒尙免飢疲自董志原蕩平後官軍以次移營前進就近墾荒布種日事田疇招輯流亡計口放賑製備農器分購籽種及時誕降以業遺黎移粟移民以實曠土所需經費無款可指不得不於正餉內通融挹注將士知軍民均以謀食爲急怨讟不生五戶節前各軍雖僅求一月足餉迄不可得歎息而返而臣前擬遣赴秦州一路官軍則因急籌一月足餉裹帶啟行以便隨地購糧尙未能湊發足數其他可知此餉事艱難兵事因而遲鈍之明驗燕秦隴用兵籌糧艱於籌餉籌轉

運又難於籌糧古今不易之局而採糧轉運兩者尤非實餉到手無從籌辦雖有良將不能點鐵而成金雖有神兵不能煮砂以當粥迨軍士因飢致潰伍籍空存搜括民糧以爲食而民亡雖募遊手以充兵而兵廢卒至戰不能戰守不能守楊岳斌之急赴隴西趨戰而潰穆圖善之急保蘭垣竭蹶而危足爲前鑒事後思之勞師數載爲時不爲不久每年費過百萬所耗不爲不多其於秦隴大局非惟無益也臣奉

續編卷三十一

十一

欵予疏通而貿然前行再蹈覆轍其必貽朝廷異日之憂也決矣臣自量才智技能與閱事之久無以加於楊岳斌穆圖善而責任之重時局之艱無以異於楊岳斌穆圖善且楊岳斌穆圖善專顧隴疆臣則主固秦以規隴楊岳斌穆圖善專顧隴餉臣則司分解而統收事勢固有不同也甘肅欠餉之勇以百數十營計彊圖善既知其不足用矣不卽裁併復奏調馬隊二千奏請募蜀勇三千實則數已盈萬餉不能增營不能減復又增營以耗餉臣到涇接受督彖兵餉兼籌豈能

置之不理如以空言塞責違

旨之罪將無所逃欲得實餉支銷又將安出各省協餉自本年正月至四月已欠解一百四十餘萬兩此後師行愈遠得餉愈艱索餉者又將紛至沓來憑何答付各省見撥餉之數疑

朝廷之厚於陝甘甘肅見撥餉之數疑

朝廷之偏厚於陝而孰將實解協款暗增出款一為檢校平伏懇

天恩飭下各督撫臣各就所轄地方廣為設措於遵

續編卷三三

三

旨協撥西征陝甘各款儘釐稅一項實力湊解如釐項無餘卽暫移那款補足先其所急務期按月如數解到西征糧臺不得再有短缺俾得預爲布置速赴戎機大局幸甚謹具實馳陳伏乞

皇太后

皇上聖鑒訓示施行謹

奏 同治八年五月十九日

甘餉窘迫情形片

再陝甘餉事窘迫萬狀勢難支持各督撫臣奉

諭協撥豈有坐視西事艱危不急思援手之理而所以

頻催罔應者亦有由焉一曰既協濟陝甘兵勇可不協

濟陝甘餉銀也以薄餉給勇丁令赴他省之援其於本

地可省安集之勞其於他省可居援勦之名

朝廷視之無畛域之見也將領德之無廢棄之嫌也一

舉墩善何樂不爲上年安徽增軍赴河南河南撫臣非

之曾以語臣並舉以入

告矣現在張曜宋慶所部則又河南撫臣代募西征之

軍人數多而餉不足又資山西協之以餉山西既允協

續編卷三三

三

張宋之餉不能復餉陝甘也是陝甘未得豫軍之助先失河南山西之協餉也安徽之援秦者初僅郭寶昌之軍馬步三千人耳去冬復加募四千人交郭寶昌帶來則七千人矣人數多而餉不足臣不得不分陝甘之餉代爲買糧辦轉運是陝甘不能得安徽之餉且須分餉協安徽之軍也山東藩司潘鼎新奉

旨赴陝甘所部人數卻已減至四千月餉尙需二萬數千兩潘鼎新乞假三月一面求山東兩江之餉而此四千人者則已每月虛糜二萬數千兩山東兩江如允餉

潘鼎新之軍則必減應協陝甘之餉也現復奉

旨令陳湜帶所部西來立功贖罪陳湜所部合九千餘人此項月餉亦在六萬兩內外若取之陝甘陝甘何從覓此巨款若取之山西山西既須籌陳湜之餉轉瞬冬防又須另籌防河之軍防河之餉恐亦力有未逮陝甘懇催該各省各省得以有詞該各省名爲協撥陝甘陝甘並無實濟此陝甘餉事之窮也臣愚竊謂用東南之財賦贍西北之甲兵本古今不易之局若責西北以兵事而復責之籌餉責東南以餉事而復責之籌兵則兩

續編卷三十三

四

勞而兩失之即以時局言之陝西兵力先勦捻後討回先祖秦後度隴雖拮据不遑實未嘗多藉客軍之助臣亦未敢藉口兵力單薄求助各省陝甘所急者餉爲陝謀者宜先集餉不在增兵各省之兵增則陝甘之餉絀益各省既以兵助陝甘必不肯再以餉資陝甘也竊謂各省之軍已來陝者如張曜宋慶郭寶昌三大支本是勁旅然約略計之每月已需餉十萬兩上下如令河南仍照舊供宋張兩軍之餉另加以購糧轉運之費飭宋張於現存馬步營數內挑汰歸併或萬人或七八千人

則餉愈足而軍愈精可收飽騰實效張曜宋慶必能放膽前進所向有功河南雖不再協陝甘陝甘亦受其實惠而山西又可騰出月協張宋之二萬兩以協陝甘不致再有拖欠亦兩得之道也安徽照舊供郭寶昌之軍令郭寶昌撤減營數共留馬步四五千仍留七千人月餉爲該軍購糧轉運之費郭寶昌必能放膽前進所向有功臣不必兼顧其採糧轉運之需併可得安徽月餉二萬兩實濟而安徽仍無所損其尙未到陝之潘鼎新一軍陳湜一軍每月亦需餉八萬餘兩如停撤潘鼎新

續編卷三十三

五

之軍而令山東兩江以應給潘鼎新之每月二萬數千兩加協陝甘則陝甘可增山東兩江月協二萬數千兩實餉而山東兩江仍無所損如停止陳湜一軍留防山西應撤遣者仍令撤遣則山西河防仍資熟手無須另籌防河之軍防河之餉並可得裁兵就餉之益而陝甘餉事亦無所損倘亦計之最便者歟一曰各省協餉厚於淮軍薄於楚軍也會國藩率鄉人討賊名其軍曰湘軍臣自咸豐十年由湖南奉詔襄辦會國藩軍務所部將士多沅湘澧資之產名其

軍曰楚軍李鴻章自皖赴上海權蘇撫篆名其軍曰淮軍三軍營制大略相同而餉事則豐齋頓異蓋所處之腴瘠固不同也上年勦捻事畢楚軍西行所指為餉軍之資者洋稅淮軍東下所指為撤軍之資者釐金然楚軍所得不及淮軍三之一也會國藩奏借浙江釐金十萬兩為撤軍之資而浙江於一月內已解三十萬兩其應解陝甘及臣軍之餉月共七萬兩嗣奉

旨加協又五萬兩浙江乃先將舊協臣軍之二萬兩一項停止不解查浙江此項協餉即臣前由浙赴閩粵奏

續編卷三十二

六

協臣軍之每月十四萬兩一款臣由粵東凱旋時奏請一併停解而每月以五萬兩協陝甘嗣臣由閩浙調督陝甘復奏提浙江應餉馬德順餉一萬輪船經費一萬共二萬兩合成七萬兩較原提每月十四萬兩之數僅及其半現在浙江即遵旨於應解七萬兩外加協五萬兩亦祇每月十二萬兩尚非浙江所難浙江一省經入經出各款均臣從前於全省肅清時所定規模大致猶能記憶較之江南雖不足較之江西福建則有餘撫臣如肯實心籌解一如劉

坤一英桂之無分畛域則除已裁釐金外協撥並非無款陝甘不止受其口惠也江南除照舊應解劉松山六萬兩外僅協臣二萬劉典一萬穆圖善一萬共止十萬兩而其協淮軍則每月二十萬兩多寡懸殊以餉事言之楚軍籌措之難甚於淮軍楚軍需用之繁且急甚於淮軍奚啻十倍而浙江江南所以應楚軍淮軍者多寡緩急反是非臣所望於浙江江南亦大違朝廷以兵事責西北以餉事責東南之旨矣李鴻章上年

續編卷三十二

七

陛見時與臣晤語亟以陝甘餉事為憂而自任代為籌措臣深感之此時陝甘餉事迫矣若李鴻章肯以緩急多寡之說告浙江江南請其以大局為念無分楚軍淮軍多寡多益寡移緩就急則江浙不徒託空言陝甘可速叨其實濟固臣所深願亦未嘗非李鴻章之初心也凡此皆應協陝甘之各省有款未解者部臣恐尚未深探其底蘊可否仰懇天恩飭下部臣詳加察閱分別催提以拯危疆之處出自

聖裁至西北餉源素絀本無可開之源然古今才臣籌餉贍軍每多取資鹽務就陝甘而論陝食河東之鹽甘食花馬池鹽池之鹽各有引地頻年回捻土匪肆擾陝甘逼遭蹂躪花馬池鹽池之鹽因路梗不能暢行每鹽一斤須價百數十文甘之殘黎時苦淡食臣擬俟北路之兵進至花定即當妥為辦理其河東之鹽雖頗暢銷鹽價仍形昂貴西安市價每鹽一斤須錢七十餘文乾州市價更貴軍民苦之而河東場產不旺細掣時形短絀臣聞河東一道除每年正雜各款開銷浮費竟至一

續編卷三十一 六

百餘萬兩之多而應解甘餉五十二萬兩則積欠甚鉅一任號呼敦促從無一次大批旺解者查河東鹽務本係先課後引庫款現存五十餘萬兩縱不能全局通籌隨時接濟亦豈可坐視飢軍待潰不展一籌乃該道則必俟乙年而始開解甲綱之銀遞年積壓儼成定例殊不可解前任道員楊寶臣廉倨有聲不曉事理現任道員李慶翹鄙詐成性惟解鑽營宜乎山西之釐務不能振興甘肅之餉源日形涸絕也臣前在閩浙因鹽務敗壞至極奏調道員吳大廷署福建鹽道變法疏銷積引

力除中飽通計一年徵獲銀六十餘萬兩而商民稱便臣去閩後照章收課聞每年仍可四十餘萬兩足徵理財在於用人有治人然後有治法古語匪虛河東釐道一缺若得廉能勤慎如吳大廷者委任而責其成功則浮費必裁正課必裕效可逆睹而甘餉亦期其得濟矣臣餉事奇絀焦灼萬分倘有思慮所及不得不瀝陳於君父之前不自知其有當與否謹據實附奏伏乞

聖鑒訓示施行謹

續編卷三十二 六

奏 同治八年五月十九日

遵 旨覆陳摺

奏為遵

旨覆陳仰祈

聖鑒事竊臣於四月二十一日乾州營次欽奉

諭旨穆圖善奏陝回竄擾南路撤回駐紮各軍以保完善請飭金順兼顧山陝西北邊界並餉需為艱及出差官弁被地方官殺斃多命各摺片覽奏均悉陝回竄擾秦州等處勢極披猖雖經善山保等奮力衝擊立解秦

州之圍而糧運不濟譁潰堪虞穆圖善現飭駐紮各軍移紮鞏昌並於甯遠伏羌二縣要隘分營扼守合鞏南路股匪疏通運道尚係爲事勢所迫不得不斟酌緩急處以權宜所請交部議處之處著加恩寬免陣亡之副將余東旺著查明請卹左宗棠聞清水民團之變出示曉諭許以請帑賑撫禁革差徭固係爲恤民起見見惟穆圖善處餉源窮乏之地力爲其難左宗棠總當恪遵疊次諭旨將各省解到餉銀均勻分撥不得以空言見好於民致甘肅軍務辦理愈形棘手前已有旨令左宗

續編卷三十一

三

棠馳至涇州接受總督關防現在甘省南路軍情緊急著卽懷遵前旨迅赴涇州接印任事視賊所向認真勦辦毋稍延緩金順現已進規烏拉磴口未必卽能分兵花定甯夏一帶防務穆圖善當隨時與金順咨商相機布置穆圖善所派赴楚製辦軍裝之遊擊周欽輝等行至榆林被該處地方官殺戮殆盡穆圖善以該道所稟情節支離飭令切實根究一年有餘尙未稟覆顯有事前枉殺事後粉飾情形著劉典提集人證嚴訊確情務令水落石出毋稍瞻徇原摺著鈔給劉典閱看將此由

六百里各諭令知之欽此臣維陝回竄擾秦州事在上年十二月其時陝回方遞稟求撫而分起肆擾如故臣覺其詐罷撫議會於正月十三日附片陳明欽奉

諭旨董志原回逆首鼠兩端現又求撫左宗棠恐其包藏禍心未敢將就了事所見甚是卽其時也甘肅攻河州各軍於上年十二月敗後自正月初十日起各軍節節潰退復被逆回截斷糧道逕退至鞏昌秦州其時清水縣因派捐軍糧激變鄉民數千擁入縣城殺差役騷擾數人洩其怨毒仍跪知縣傅炳森馬前明其非叛旋

續編卷三十一

三

卽出城署鞏秦階道張瑞珍馳稟擬從嚴懲辦臣以直省征軍糧食從無責令民間供辦之事而甘肅各軍則竟習以爲常每營每日勒民間共給一千斤或八百斤以清水一縣而論養總兵救天印一營每日須捐糧一千斤每年卽需三千餘萬斤視額徵丁糧笑止數倍甘肅州縣地方素稱苦瘠百姓何以堪此聞救天印情性慘刻異常每徵比軍糧竟創造非刑以銀箱夾糧戶鼻孔牽之以走必待展轉哀號勒繳足數而後釋去其勇丁之騷擾萬狀又不待言清水之民不得已請逐其防

勇又因縣中差役騷擾助營為虐鄉民不堪其毒始忍死出此其情亦大可哀矣臣批張端珍稟各諸軍不能殺賊偏善擾民嚴飭張瑞珍從嚴懲辦之非出示清水宣布

朝廷德意即引

特發帑項賑撫延綏難民一事為徵以明官吏科派將卒橫暴固非

朝廷意也又慮愚民藉詞干犯限令解散靜聽察辦毋許自作不靖致底滅亡並無許其請帑賑撫之說甘肅

續編卷三十一

三

自河州諸軍節節潰退之後蘭州與鞏秦一帶處處梗阻諸軍潰退者雖藉詞疏通餉道然賊甚遠遇賊即潰能護餉到省與否臣未接據文報聞各省協餉轉運入甘中途壓擱者尚有三四十萬兩之多是此時穆圖善之餉因運道中梗而絀非關臣不分潤且各省解到臣軍餉項寥寥類催不應臣軍積欠日深西征糧臺並無存款亦實無可分潤也用兵先顧餉道轉運必取多途一路有阻全軍俱困甘肅奏撤慶陽糧臺臣兩疏言之者以此穆圖善不悟臣早慮餉道之必梗前疏擬急

籌發兵秦州者以此臣拜摺後即由永壽州州長武至涇州一面咨會穆圖善派員賞送督篆祇便任事謹據實覆

奏伏乞

皇太后

皇上聖鑒訓示謹

奏 同治八年五月十九日

軍機大臣 字寄同治八年五月二十五日奉

上諭左宗棠奏陝境肅清馳赴涇州請飭各省力籌協

續編卷三十一

三

餉及甘餉窘迫情形並遵旨覆陳各摺片覽奏均悉陝西土回各匪屢經官軍剿辦全境肅清本日已明降諭旨宣示其老嚴窩出力員弁人等著准其擇尤彙案請獎董福祥倡亂多年現以窮蹙投誠難保不心懷反側左宗棠赴甘在即應如何妥為安插無滋事端之處仍著悉心籌畫交劉典妥為辦理所陳劉松山等軍分路前進馬德順等馬步各軍暫駐靈臺以策應南北兩路均合機宜即著督飭諸軍整放遊征迅圖掃蕩該大臣抵涇州後即祇受督篆任事以一事權陝省征兵盡出

金順現赴烏拉磴口等處該大臣勢難兼顧北路著卽會同定安金順規度情形飭令宋慶張曜兩軍合力堵剿郭寶昌一軍向與劉松山合力剿賊均稱得力現在應否會合劉松山軍截剿甯靈之賊著左宗棠酌覈辦理該大臣奏稱宋慶張曜郭寶昌三軍各減營數則餉足而軍愈精所籌不爲無見其應否裁減之處卽著定安金順會商宋慶張曜妥籌辦法其郭寶昌營勇著左宗棠飭知該提督精爲遴選以收飽騰實效所有該三營餉需已諭知李鶴年英翰吳坤修照舊按月批解毋

續編卷三三

五

稍遲延甘餉現值奇絀未便多容客軍所奏亦係實情潘鼎新陳湜兩軍已分飭李鴻章等分別遣撤並令該員等於撤勇後各赴該大臣軍營聽候差遣至遊擊周欽輝等被殺一案仍著會同劉典確切查明按律懲辦各省欠解協餉本日已諭知戶部按照欠數分別奏催其河東鹽道存款並李慶翱有無劣蹟已諭知鄭敦謹查明據實具奏矣該大臣入甘後務將軍事吏治悉心整頓以維大局邊外情形何似定安等務當懷遵前旨督飭德昌等分投追擊以靖邊氛將此由六百里各諭

令知之欽此

續編卷三三

五

遴員署理府州縣辦理賑墾撫輯事宜摺

奏為遴員署理府州縣各缺辦理賑墾撫輯事宜恭摺具

奏仰祈

聖鑒事竊甘肅慶陽涇州一帶地當秦隴之衝頻年回逆竄擾人民流亡殆盡城野荒廢千里蕭條董志原回巢蕩平後敗殘之城北竄官軍躡追經過慶陽及所屬之安化合水甯州以及涇屬崇信鎮原六城惟崇信尙有居民餘皆空城人煙斷絕比卽分撥官軍漸次移營

續編卷三十三

三

進駐一面遴訪甘肅人員署理府縣各缺招輯流亡計口散糧以延喘息並給籽種農器督勸丁壯及時耕種以規久遠擇險隘為兵屯統領營官主之就保寨為民屯府州縣王之均因其地之所宜按節候播種粟藜蕎麥諸種督課軍民日事鋤墾耕牛不能多得則以古昔區田代田之法示之冀獲有秋重謀生聚難民來歸者漸多則賑糧亦漸增地漸廣則籽種亦漸費凡所規畫諸是草創祇能隨宜部署不能預立規模預計經費各守令以熟悉風土稍知稼穡難能恤民隱能共作

苦者為上選幹吏尙非所急也慶陽府一缺轄境寬闊董志原迤東一路皆其屬地查有前甘肅環縣知縣藍翎運同銜升用直隸州知州翁健康慈篤實久著循聲堪以委署慶陽府篆城內衙署倉庫廬舍蕩然無存先於正甯甯州合水附近郡城處所駐紮巡行一俟難民漸歸故土乃能入城治事安化縣一缺查有運同銜甘肅卽補知縣丁珮瑤人尙耐苦堪以委署甯州一缺查有同知銜分省補用知縣崇鎮實心愛民堪以委署鎮原縣一缺查有候選知縣廖溥明樸實明幹堪以委署

續編卷三十三

三

崇信縣篆查有留陝候補知縣李世瑛勤樸耐勞尙無習氣堪以委署諸城皆收自灰燼之餘從新締造與草昧經營無異若循例檄司遴委誠恐不盡得人且荒苦之區雖委署有人而捧檄經年不能赴任者比比而是親民之官豈宜久曠勢不能不破除文法就近遴委且薄給盤費薪水以資辦公免其枵腹從事庶可冀其安心求治宣布

朝廷德意拯此殘黎區區之愚並懇

飭下吏部陝甘兩省委署府廳州縣各缺暫准督撫臣

遴才委用勿拘以例法庶於時局不無小補所有委員
署理府州縣各缺緣由謹會同幫辦汝甘軍務署陝西
撫臣劉典合詞具陳伏乞

皇太后

皇上聖鑒訓示施行謹

奏 同治八年五月十九日

同治八年五月二十五日內閣奉

上諭左宗棠奏遴員署理府州縣各缺請勿拘成例一

摺甘肅慶陽一帶地方甫經收復辦理賑墾撫輯事宜

續編卷三十一

三

均關緊要該督遴才委任自係爲地擇人所有慶陽府
知府各缺著准其以升用直隸州知州翁健等署理嗣
後陝甘兩省委員各缺著該督撫等斟酌情形變通辦
理總期有益地方毋得濫行委用倘該員等於地方事
務未能措置裕如著卽隨時撤參毋稍遷就該部知道
欽此

甘肅臬司張岳齡開缺片

再甘肅臬司張岳齡統領平江三營駐紮汧陽自同治
七年二月迄今一載有餘每遇逆回竄犯均經隨時擊

退新賊甚多秦隴之交深資翼蔽各次捷狀業經據實
陳明本年入春以來張岳齡因舊患中寒諸證增劇乞
假調治臣以該員曉暢戎機所部尙稱得力飭其帶隊
赴秦州在營養病聊資鎮壓飭管帶安營隨運使銜分
發補用道湯聘珍幫其帶隊打仗俾得安心調理以冀
速痊適接張岳齡來稟所患日益沈重近更增暈厥之
證不但不能乘騎且起立需人參扶時虞顛壓師期已
迫而病勢委頓有加極思輿疾前往又恐貽誤戎機懇
奏請開缺回籍遴員接帶所部平江營前來 臣覆核張

續編卷三十一

三

岳齡所患病證懸岌益甚年已五十血氣就衰萬難速
愈當飭現帶輔營花翎二品頂戴陝西卽補道李耀南
接統平江三營仍以湯聘珍幫同統帶飭卽拔赴秦州
張岳齡本任甘肅臬司缺應懇
天恩迅賜簡放以重職守伏乞
聖鑒訓示施行謹

奏 同治八年五月十九日

同治八年五月二十五日內閣奉

上諭左宗棠奏臬司患病懇請開缺等語甘肅按察使

張岳齡著准其開缺回籍調理所遺員缺著崇福補授
欽此

黃鼎攻克安家山寨片

再甘肅涇州所屬鎮原縣介居環慶平固之間地當衝
要收復之後委官經理訪有縣屬安家山寨土匪惠常
魁嘯聚多人肆行焚掠其附近梁家源等處堡寨遺民
被其脅制莫敢誰何統領章字營陝安道黃鼎駐軍涇
州三月三十日派都司封虎臣帶涇防勇丁百名先往
宣諭惠常魁喉黨開放鎗噉迎拒外委田澤波陣亡勇

續編卷三十一

三

丁傷亡者七名黃鼎帶隊繼至令差弁陳占魁復往諭
以誅止渠魁之意惠常魁仍抗拒如故陳占魁亦被鎗
子洞穿左臂黃鼎周覽山寨形勢三面峭壁下臨深濠
寨踞山巔無路可上該匪等由濠中鑿竇出入有警則
寨上木石齊下兵不能從濠中進攻黃鼎乃令各營打
劈山礮由寨對面連環轟攻晝夜不息陰選士卒於寨
之兩旁開掘地道三處七晝夜地道成實火藥其中四
月初六日寅刻地雷發轟塌山寨右角壯士自缺口躍
入遇匪即斫立斃悍匪百餘名惠常魁傷重投井而斃

地窖內搜出匪黨惠勳魁等數十名斬之拔出婦女老
弱百餘名景家源寨民景之敬景之惠等乃涕泣詣營
求撫黃鼎受之匪寨平自此而土匪始識兵威良善乃
可復業是役雖斬賊無多而官軍之勞數倍於尋常戰
事蓋地險非可力攻也陣亡之外委田澤波應請
旨飭部議卹以慰忠魂謹據實附陳伏乞

聖鑒訓示施行謹

奏 同治八年五月十九日

軍機大臣奉

續編卷三十一

三

旨田澤波著交部議卹欽此

陝省報捐各生捐冊由西征糧臺咨部片

再臣以餉項奇絀不得已而議及捐輸因臣與撫督
師勦賊無一定處所陝省捐局司道詳請由營咨部輾
轉稽延捐生未能踴躍經臣咨行辦理西征糧臺袁保
恆將陝省甘捐改歸該學士專管並由該學士奏明將
凡在陝省報捐各生捐冊即用糧臺關防咨部以期迅
速而廣招徠查現在陝境肅清兵事漸順正宜固秦規
隴迤赴戎機而各省協餉斷缺不時致諸事有停待之

苦計惟多方籌措莫多得一分實餉多辦一分實事即
多收一分以效庶竭飭鈍少報涓埃擬於山東江蘇浙
江福建四省均添設甘捐分局即令捐局委員將各生
捐冊就近造送各該督撫代為咨部以免稽遲是否有
當謹附片具陳伏乞

聖鑒訓示施行謹

委 同治八年五月十九日

軍機大臣奉

旨戶部議奏欽此

續編卷三十三

三

劉厚基稟報軍情不實請 旨懲處片

再逆目袁大魁以淮北髮捻前年隨捻首張總愚入陝
嗣因官軍追截未及渡河過晉而仍留踞宜川之雲巖
鎮築城結寨負隅肆擾冀圖伺使入晉上年六月經劉
瑞冕魏光燾將雲巖賊巢攻破庫克吉泰劉典馳奏時
據生擒賊供袁大魁存亡均無確據一面檄劉厚基等
認真搜剿務絕根株嗣接劉厚基馳報七月十九日飭
總兵劉厚填追剿袁大魁二十三日抵延川安家河斃
賊四五百名即帶擒獲之匪黨徐天寶劉人升令其指

引迫及延川之西溝口斃賊不少又追二十餘里陣斬
二百餘名徐天寶用洋鎗擊袁大魁洞穿胸膛登時伏
誅庫克吉泰劉典比又據以入

皆昨攻克老巖窩劉取袁大魁首級梟示各被害地方
檢閱舊卷劉厚基據劉厚填稟徐天寶擊斃袁大魁一
節委係憑空捏造而原贖粉飾甚工竟無從窺其破綻
軍興日久習氣日深將領多由行列出身目嫌不文每
以厚資延友代草疏牘而浮偽之徒即恩跡其中動以
工於作偽取重主人以致營中是非失實若輩之營求

續編卷三十三

三

者小兵車之貽誤者大也 臣於去冬西旋時劉厚基經
臣前年保奏後漸露虛僑之意所陳戰事多涉鋪張會
於緘牘中戒其勿近華士致因人受累此次據其弟劉
厚填之稟說報袁大魁死狀其有心徇飾可知昨收復
綏德州時劉厚基報稱曾帶所部至田莊等處 臣曾據
以入

奏旋接劉松山呈稱則並無其事誕妄類此若各軍尤
而效之陝甘軍務其能望有起色乎應請

旨將記名提督延榆綏鎮總兵西林巴圖魯劉厚基以

提督記名之處註銷並撤去勇號暫留榆綏鎮總兵往
以觀後效記名總兵劉厚填請

旨以都司降補其當時辦稿文案幕友由臣勒令驅逐
出營以為欺罔者戒是否有當伏乞

聖鑒訓示施行謹

奏 同治八年五月十九日

同治八年五月二十五日內閣奉

上諭左宗棠奏請將捏報軍情各員分別懲辦等語記
名提督陝西延榆綏鎮總兵劉厚基稟報軍情多有不

續編卷三十一

壽

實又聽其弟記名總兵劉厚填捏報粉飾鋪張實屬咎
有應得劉厚基著撤銷記名提督並撤去勇號暫留本
任劉厚填著以都司降補以示懲儆該部知道欽此

格靖奏稿續編卷二十三目錄

進駐涇州籌辦軍務摺

進剿南路竄回連勝摺

分道進剿布置聯絡情形摺

覆陳山東等省添設甘捐分局片

剿辦土匪肅清現籌會剿北路回逆摺

北路言軍連獲大勝摺

請將道員李超羣革職等因片

續編卷三十三目錄

進駐涇州籌辦軍務摺

奏為進駐涇州籌辦軍務據實陳仰祈
聖鑒事竊甘肅之患為回匪為土匪而皆由陝回構禍
而起回民入居中國由來已久傳稱虜戎則陝西之回
也陸渾之戎則河南之回也山戎則直隸之回也徐戎
則江南之回也商曰氏羌邊之域外周兼戎索蓄之域
中然皆臣服其人未能變易其俗其人雜處諸夏舊本
齊民其經典則專習天方別為氣類雖新教老教有自
相殘殺之時東彌西彌有互相猜忌之隙然至與漢民

續編卷三三

爭鬪則攘臂紛起彼此聯結一氣視若公仇其聲息潛
通迅如郵傳即如陝回肇畔之初雲南回族即預遊謀
有稱普洱阿洪者尙在賊中見為我首各省遇有調撥
本地回民必先通消息俾陝回預為之備至甘肅回民
久相勾結即業經就撫之靈州金積堡回馬朝清即馬
化澂清水縣張家川回李德或以馬械糧食顯與市易
厥其擾陝或以官軍聲勢浩大勸其暫就安撫相時而
動皆以同教一家隱相親附外雖貌為恭順無異王民
內則暗肆披猖仍滋他族至如西甯之馬昂三藉稱就

撫挾持官吏而西甯漢回兵民各務陰歸其掌握名為
官撫回實則回制官與滇回之包藏禍心如出一轍尤
勿論也回之黨堅交固如此陰謀詭計如此若槩加剿
辦不特誅不勝誅亦慮未變種人反側不安致妨大局
若廣示包荒隨宜招納則賊心未死轉瞬兵撤匪起實
在意中甘肅所辦撫局即前車之鑒也陝回敗竄甘肅
之後散布黑城子預望同心各回堡地與金積堡相近
有遞呈求撫者有投附河州回巢者有由中衛渡河東
竄旋復敗回者互相猜疑不復如前此之固結甘回恐

續編卷三三

二

官軍進剿勢將波及有預先自陳實為良回者有因陝
回侵掠阻拒不納者馬化澂亦上稟代陝回求撫臣仍
以前年分別剿撫之諭示之生死禍福聽其自擇茲欲
申明
神武不殺之德與怙惡必誅之威以期久遠也劉松山
一軍由清湖以指定邊花馬池下飭其先辦三月軍糧
節節遞運然後前進到花馬池後小作停頓察看馬化
澂撫局及陝回離合踪跡再定進止其金順張曜之軍
則已向磴口進發矣道員魏光燾進屯安化縣板橋及

慶陽府城提督劉端冕分屯合水縣總兵張福齊進屯
雷州以西提督丁賢發進正雷周蘭亭駐蕭金鎮互相
聯絡就近屯墾以利秦隴關鍵撫災黎而裕軍食臣駐
軍涇州瓦雲驛地居慶陽汧隴之中足資控制策應檄
雷正縮黃鼎兩軍漸進平涼固原以剿北路散踞逆回
與南路之師遙相映帶時饑糧動屯墾禁擾累戒妄殺
仍懍

諭旨祇分良匪不分漢回為久遠之規制賊之本盡瘁
圖之不敢玩寇以誤戎機亦不敢求速而忘至計也自

續編卷三十三

三

回氛起官軍不能制賊民間堡寨有被回進攻破無家
可歸流而為匪者有因官軍誅求無厭無所控訴激而
為匪者如已撫之董福祥扈彭等見求撫之靜雷州張
貴即剛八鎮原之孫百萬等指不勝屈官軍因急於撫
回遇有成股土匪每以翎頂優之示籠絡而安反側若
輩則糾聚黨夥妄立營名自刻木印私製旗幟居然以
統領營官自命徵糧民間藉肆剽掠無業之民趨之若
鶩似兵非兵似勇非勇似匪非匪似團非團泯泯莽莽
徒為民害見聞臣軍度隴有赴各軍投效者有請助戰

者臣擬挑其桀黠者束以營制餘均勒令歸農給以賑
糧籽種收其馬械令各安生業毋相侵暴否則誅之此
擬治逆回治土匪之大略也至甘肅兵事之壞由於餉
太絀而營太多不擇將而廣募勇將領又勢力相傾各
不相下任意進止無所稟承其勇數有一營僅止二三
百名仍領五百名之糧每營每日派糧八百斤而以一
半折取糧價兵勇數日食且猶不足將領之辦公薪水
則惟務取贏故勇額日有逃亡而將領則鮮有乞退者
亦有名雖一營而數多至一倍兩倍者如范銘所帶之

續編卷三十三

四

勇十二營而人數實多至一萬數千則一人充勇一家
隨之坐食與客軍之虛額相反而虛糜則同也故不能
戰而亦不能守臣與穆圖善未嘗謀面而以所聞所見
言之似愛克厥威在所不免諸將非惟不知感激方且
狎之穆圖善非惟不加裁抑方且柔之隴事所以難於
整理也臣雖渥叨

恩命謬領戎行而未接督篆以前事權不一臣於諸將
苟令有不行即於穆圖善愛莫能助在乾州時曾恭錄
諭旨咨會穆圖善行抵涇州接受督篆尚未接准穆圖

善者覆所有兵事餉事一切自未便輕率置議謹一併據實聲明伏乞

皇太后

皇上聖鑒訓示施行謹

奏 同治八年六月三十日

進剿甘肅南路竄回連勝摺

奏為官軍進剿甘肅南路竄回連獲全勝見籌剿辦情形恭摺馳陳仰祈

聖鑒事竊甘肅全境回土名匪蜂屯蟻聚據其大要北

續編卷三十三

五

則甯夏靈州內則河州狄道西則西甯而固原平涼介居東路之中為進兵衝要以機宜論固宜注意中權而以時勢言之必先疏通南路蓋用兵以固餉源為先布陣以防後路為急理固不易也甘肅餉源見恃秦州一綫轉輸而此次河州逆回專以斷官軍餉道為主秦州西通河狄東連鳳寶北倚平涇南枕階文為度隴間道如不早圖則蘭州既成孤注難以圖存而河狄之回與陝回句結為奸兇狡又將復熾此穆圖善所以請增調南路之軍而微臣所以檄諸軍先指秦州也五月十四

日漢中鎮總兵記名提督李輝武時駐寶雞訶河州逆

賊馬步六七千人自成縣竄陷兩營立飭所部分駐鳳

縣方石舖營官王名滔王照南率兩營迎剿自率大隊

繼之旋以另股由隴州火燒寨竄齊家莊恐其窺伺奸

竇遂派營官胡國珍楊恩澤馳赴兩當會王名滔王照

南進剿而白率四營留寶雞以待王名滔等倍道赴援

約鳳縣知縣郭建本帶團丁堵馬嶺關防分竄十六日

王名滔等抵楊家店適該逆五六百騎蜂擁突至王名

滔王照南嚴陣卻之胡國珍楊恩澤兩營馳至遂會商

續編卷三十三

六

共搗賊壘胡國珍由左楊恩澤由右王名滔王照南由

中三路并進賊悉眾抗拒相持者久之王照南躍馬陷

陣連斃數賊賊勢稍卻忽一賊目執黃旗嗾悍黨數百

斜出力堵諸賊仍回旂衝撲胡國珍急率所部從賊後

殺入矛傷黃旗賊目墜馬斬其首以徇自已至酉盛戰

踰數時賊屍枕藉餘逆潰圍向徽縣竄走官軍追殺二

十餘里至韓家灣是夜駐兩當縣城次日偵賊遠遁乃

收隊回防是日約殺賊近千名救出難民三百餘名奪

獲牛馬騾驢旂械無算官軍亦陣亡六人受傷者四十

一人訊據生擒回遊藍廷和等十六犯供稱此股回遊約三千有奇由河州窺微成轉竄兩當賊目是偽元帥馬阿渾馬海臣兩人陣斬黃旗賊目即馬海臣也訊畢斬之方賊偪兩當時慮李輝武兵力尙單檄留陝補用道李耀南候選道湯聘珍員外即銜中書吳士邁由汧隴分出清水寶雞向秦州助剿未到之前刁股回遊又由馬龍岐竄至清水縣之唐藏張家莊等處李輝武飭王名滔留四成隊守營以六成隊裹糧馳剿飭前駐鳳縣各營截其南竄二十二日王名滔等抵唐藏調賊

續編卷三十三

七

踞張家莊距唐藏十五里楊恩澤率所部趨山右拊其背王照南率所部從山左上攻王名滔胡國珍各率所部伏於山坳王照南先與賊遇引軍佯退賊欺其怯傾巢擁出王照南且戰且走退至山坳伏軍突起夾擊賊覺中計惶懼潰退官軍三面蹙之自相踏藉死者疊累官軍蹙踪追剿越唐藏四十餘里之餘步關沿途賊屍徧野餘賊向吳家河一帶竄去官軍收隊翌日仍還原營是役計斃賊六七百名救出難民百餘名奪獲馬騾器械無數陣亡勇丁八名帶傷三十七名生擒回遊劉

興林等十二名訊供此股係藍陳兩偽帥所帶陳逆名民市已中洋鎗斃矣此李輝武一軍先後剿兩當縣回匪收復縣城剿唐藏回匪獲勝及陣斬賊目之實在情形也二十六日華亭縣回遊零股周永龍率千餘人竄回秦州屬之隴城駛至百花川一帶肆行焚掠時李耀南湯聘珍方自寶雞指秦州該逆聞官軍將至折而北竄渡渭擾及赤沙香泉等處李輝武旋飭所部出車轍鎮以達香泉自率隊繞趨赤沙該逆又聞風竄隴州南路石莊子去矣隴州防軍陝西候補知府喻步蓮聞賊

續編卷三十三

八

至石莊子立派所部總兵蕭羣魁參將龔曉亭率隊出大栗樹剿之飭副將喻光彪率隊出咸宜關以截撤家店去路均冒雨前進詎該匪已由石莊竄過撤家店比六月初一日蕭羣魁龔曉亭至石莊則賊已狂奔而過比喻光彪由撤家店橫出截之僅斬尾賊二十餘名救出難民五十餘名而已五月二十六日員外郎銜中書吳士邁率所部六營由隴州拔關行抵清水擬徑赴秦州中途接士民呈訴秦安轄隴城鎮有回遊大股竄踞馬步紛沓四出剽掠焚殺甚慘吳士邁立飭各營次日

馳剿清水距隴州八十里二十八日辰刻始至沿途紳民迎訴河州逆同僞元帥周瑞即周七十七上年帶賊千餘人來隴城擄糧攻破康坪堡即踞爲巢穴所擄財物悉運河州而就撫回日李德昌夥黨所稱南八營者陽投誠而陰助逆請速進剿以拯殘黎吳士邁詢悉康坪堡距隴城尙十七里險據山腰東有馬家寨西有龍山寨南有馬家河皆南八營回民所居之堡當催鄉導親率兩營由高山進派四營及馬隊由平川進直擣康坪堡該逆憑險設卡四用劈山礮仰攻弗克又無別徑可

續編卷三十三

九

繞百長羅如松游石懷憤甚率敢死士肉薄而上悉被又子鎗擊退再前再卻壯士死者十二人羅如松等益憤仍裹創猛撲前者甫頓後者繼進破卡而入刺死悍賊多名賊始卻退官軍方整隊深入忽續到黃巾賊目執黃旗揮馬步大股衝來勢甚兇猛官軍列方陣待之賊四次衝突官軍屹如山立不動少頃吳士邁見賊氣漸衰急麾各營如牆而進鎗礮止刀矛接斃賊約數百而執旂賊目仍死拒不退壯士胡高紳等乘間擊綫鎗測準羈之墜馬餘賊大潰望康坪堡而奔吳士邁急麾

兩營踰山脊截之賊狂奔不止墜崖受創死者什九堡內賊約數百見馬賊大敗亦遂齊出將棄堡而逃官軍截令入堡以開花礮轟之復派馬隊飛追逃賊逾十里又斃賊五百餘名而堡內賊被創已甚夜分突逸官軍急起截之賊分竄龍山寨馬家寨負隅不出生擒十三名奪獲戰馬五十五匹紅黃旗二十九面日暮收隊訊據生賊供河州回民三十六村僞總帥穆阿渾派周瑞即周七十爲元帥帶千餘人踞康坪堡方擬收割二麥聞秦軍將到又加派馬步賊前來陣前轟斃執黃旗之

續編卷三十三

十

賊即僞帥周瑞也當將十三賊正法毀平康坪堡并出示賜撫陰叛之龍山馬家山兩寨諭知回日李德昌破其暗相勾結之好臣前因李德昌於董志原回巢蕩平時遞稟自陳哀祈免剿因摘該回日上年通陝回書中密語示之諭以禍福至是勒其縛獻河州逆回以定其志此喻步運道殺華亭零股與吳士邁痛剿秦安康坪堡逆回克獲全勝掃蕩巢穴之實在情形也臣維甘肅逆回頻年擾攘千里蕭條不獨漢民被其傷夷即良回亦遭其荼毒甘之南路維秦州一帶被禍略輕陝之西

路維鳳質兩縣較爲完善河州回匪之垂涎於此者一則肆其掠一則繞出甘肅各軍之前截其餉道俾不戰自潰也有此數捷庶可破驕賊之膽而樹度隴先聲吳士邁李耀南湯聘珍等見均馳抵秦州臣復調提督馬德順馬步全軍駐隴州李輝武仍駐寶鳳節節蒐羅會商防剿期漸清隴境以通餉源庶於大局有濟謹會同西安將軍臣庫克吉泰署陝西巡撫臣劉典恭摺馳陳所有援剿兩當縣回逆及冒險攻破康坪老巢之戰可否由臣擇其尤爲出力員弁勇丁酌保彙案請獎之

續編卷二十三

十一

處出自

聖教伏乞

皇太后

皇上聖鑒訓示施行謹

奏同治八年六月三十日

軍機大臣 字寄同治八年七月初八日奉

上諭左宗棠奏進剿甘肅南路竄回獲勝并進駐涇州籌辦軍務各一摺覽奏均悉河州逆回自成縣臨階兩營經李輝武等進剿收復縣城并將清水縣唐縣回匪

擊敗吳士邁一軍復將秦安康坪堡回巢攻破剿辦尙屬得手所有此次尤爲出力員弁勇丁著准其擇尤彙案保奏陝回布散黑城子預望同心各堡互相猜疑甘回亦畏懼求撫惟回情狡詐反覆無常左宗棠務當酌度情形分別剿撫以期一勞永逸劉松山一軍到花馬池後即飭相機前進毋稍延緩郭寶昌一軍見紮何處應否與劉松山合隊西行以資厚集著該大臣酌量調遣勿置諸無用之地董志原竄回紛擾邊外及阿拉善旂境著遵奉叠次諭旨派兵兜剿并飭令雷正綰黃鼎

續編卷二十三

十二

兩軍迅由平涼固原合剿北路逆回兼爲南路各軍聲援左宗棠見已行抵涇州著穆圖善即遵前旨將關防派員送交左宗棠接收前經諭令左宗棠接篆後或前赴秦州一帶擇要駐紮本日左宗棠亦奏稱甘省餉源恃秦州一綫轉輸河州逆回專以斷官軍餉道爲主是秦州關繫尤爲緊要該大臣駐軍涇州恐尙不足以資控制著仍遵前旨酌量移軍總期力保完善兼衛省垣不得顧此失彼甘省餉絀營多左宗棠接篆後即當妥爲籌畫竭力整頓務使兵歸實用餉不虛糜以維大局

將此由六百里各諭令知之欽此

分道進剿布置聯絡情形摺

奏為敬陳分道進剿布置聯絡情形仰祈

聖鑒事竊兵事有一定之規模有自然之次第其先後

緩急之節則必審賊勢軍情應之臣自進駐涇州以來

熟察甘肅全局北自花馬池而南少西為靈州迤南少

東為環縣又東南為慶陽為甯州正甯折而西南為涇

州為靈臺迤而西包陝西汧陽隴州北境踰山而西為

清水又西為秦州清水之南為兩當與徽縣成縣東連

陝境南界蜀境而甘肅東路自北而南之路始盡以地

續編卷三十三

西

理家飛鳥之數計之不過一千三百餘里以人行之數

司之則幾二千餘里此甘肅自北而南之地勢也由花

馬池而西少北為甯夏又北為平羅由甯夏而西南為

中衛又西為古浪古浪西北為涼州涼州北為鎮番西

北為永昌山丹又西北為甘州高臺肅州迤西而南則

嘉峪關矣此為甘肅之北路由慶陽而西為鎮原為固

原州由涇州而西為崇信西北為平涼府又西為隆德

為靜甯州又西為會甯為安定又西北達蘭州蘭州之

西北為碾伯原為西甯府此為甘肅之中路由秦州而

續編卷三十三

三



西為伏羌甯遠西北為鞏昌府又西北為渭源又西北為狄道州二百三十里達蘭州秦州南為徽成東為清水東南為兩當西南為西和禮縣又南為階州鞏昌之西南為岷州洮州及各土司地此為甘肅之南路以現在賊勢言之陝甘逆回萃於甯夏所屬平羅靈州中衛一帶其東窺纏金之賊經張曜擊之沙金托海磴口速解阿拉善定遠重圍窮追至廣宗寺復進賀蘭山距甯夏不遠宋慶又擊退鄂爾多斯及五勝札薩等旗之賊據張曜報金順等馬步各營又已行近磴口似邊外漸

續編卷三十三

圭

可肅清劉松山全軍七月十二日已由清澗馳抵鎮靖堡將糧運後路節節布置十二日之糧向花馬池前進計此時已抵花馬池進剿甯靈之賊北路兵力已厚似邊內亦漸可肅清南路秦州一帶河州窺回自李輝武吳士邁兩軍擊敗後六月十九日又經甘軍記名提督梅開泰擊之伏羌縣北六十里馬家峴擒斬頗多餘賊全遁歸巢蘭州運道漸已疏通穆圖善前此停運之餉均已悉數提去昨接藩司崇保來緘每月官商搭幫往來駱駝或五六百或七八百甚有轉機河州踞逆近

無大股出窺穆圖善所派記名提督涼州鎮總兵傅先宗總統喻正祥救天印彭忠國之二十四營臣飭其分駐徽縣榆樹壩高橋李子園娘娘壩皂角舖以護完善之區通餉運之道俾吳士邁李耀南湯聘珍得隨時往來雕剿以速戎機似南路亦漸有肅清之望其中路平涼府屬固原以北陝回之崎零小戶多有赴營求撫者臣飭各地方官指荒絕地畝隨時安插馬朝清續稟陝回有急於就撫者有頑梗如故者臣仍以分別剿撫之意示之一面調道員魏光燾進駐慶陽提督劉端冕進

續編卷三十三

夫

合水以防環縣窺出之賊總兵張福齊進駐董志原之蕭金鎮分駐屯子鎮西峯鎮提督丁賢發由正甯進駐鎮原之驛馬關以遏甯靈橫溢之賊一面調陝西提督雷正綰由平涼進駐固原之古城川提督周蘭亭由蕭金鎮進駐瓦亭以扼南北之衝惟中路平涼一府古稱雄鎮自回逆肇衅以來府城三次失陷官軍頻年未遑剿辦守令多寄居村堡力不能制土匪甚且藉土匪自固假以義旅之名任其蠶食村堡茹荼吐剛不辦良匪有鹽茶屬民張貴即剛八者因忿其兄剛五枉殺之事

糾聚黨夥迫脅良民竊踞靜甯州莊浪縣丞轄境威戎
鎮水洛城等堡攻破靜莊兩屬民堡五十餘處其黨俟
得應攻破會甯通渭縣黃家窰各堡十七處又攻破會
甯縣東北鄉民堡四處秦安縣民堡被攻破者未知其
數聚眾至二十八營仿官軍營制旗幟器械居然齊整
與鎮原匪首孫百萬遙相勾結拷掠之慘甚於逆回爲
平涼秦州一大患臣前以驛馬關有賊騎突至檄黃鼎
派隊剿之路過鎮原縣時出不意擒孫百萬解營代理
鎮原知縣廖溥明亦獲其黨孫百萬解審臣親提孫百

續編卷三十三

七

萬孫百萬訊明攻破寨堡百餘殺人不計數當即斬決
傳首犯事地方示眾以伸

國法而快人心張貴聞知與其黨謀變益急臣前次欽
奉

寄諭都察院奏工部員外郎王夢熊遣抱以賊圍緊急
等詞赴該衙門呈訴左宗棠度帥入隴著即查明該處
如有賊匪竄擾即行派兵剿洗以靖地方原呈著抄給
閱看欽此臣欽奉之下詳察張貴罪狀尙有王夢熊所
未及者此賊不除各屬殘黎難堪毒害且所擾之靜莊

會甯各境本蘭州中大道秦安又蘭州東南孔道均未
容稍有梗阻其地居甘肅南北之中甯靈之回與河狄
之回往來勾結不由莊靜即出秦安將欲南北分馳掃
除餘孽而土匪從中作梗餽道堪虞若待駐軍防剿徒
分兵力臣現調黃鼎率所部八成隊伍由崆峒化平州
徑掃莊浪所轄威戎鎮賊巢調臣營務處前衛州鎮總
兵簡敬臨由靈台出崇信經馬頰口以擣水洛城賊巢
調駐秦州之員外郎銜中書吳士邁道員李耀南湯聘
珍等撥所部進秦安清水會剿防賊南竄並搜剿聚秦

續編卷三十三

八

安神峪河另股回逆如能迅速肅事則蘭州東西一律
肅清省垣僅防河州之賊無須重兵其黃鼎仍回軍平
涼進固原會同雷正綰進剿甯靈一帶回逆秦州之軍
進剿河狄逆回而甘肅大局可期復振此微臣度隴規
畫調度由東而西之大略也穆圖善前催臣進涇州接
篆奉有

諭旨昨復欽奉

諭旨飭臣進紮秦州接篆比准穆圖善緘咨又已具摺
請

旨竊維臣由關度隴必由中路本一定之局以形勢言之北可聯絡寧靈慶固南可聯絡鞏秦東可屏蔽秦川西可直達皋蘭也以兵事言之北路劉松山定邊花馬池之軍距涇州雖僅數百里然兵燹之後郵傳不通文報往來必須從延安繞遶已非兼旬不能達臣接劉松山緘牘又須酌量調度行知北路中路諸軍展轉迂回已虞貽誤若再移駐秦州則山谷間隔往返更多千有餘里尤覺聲息難通況當剿撫兼施之際隨宜因應事變未可預知臣駐軍適中之地尙可就近料量相機應

續編卷三十三

九

之若移駐秦州偏於南路不但北路阻隔即中路亦運掉不靈似於大局所關非小且隴中頻年軍事之誤山於置平慶涇二道不顧專就秦安一綫餉道爲苟安之計致匪回縱橫生民荼毒如此夫豈不日餉繼時艱宜緩匪而急回也又豈不日宜先固根本通運道暫支危局也而其效已可觀臣若舍涇州而進秦州局勢何以異此人之議臣者必且謂知有穆圖善而不知有國事知有蘭州而不知有陝甘臣雖百喙何能辭咎此臣所爲反覆籌維罔知攸措者也且以地里遠近言之

由涇州至蘭州一千零二十里由涇州饒秦州至蘭州一千一百六十里本無庸舍近而道遠而以賊勢言之秦州無賊靜甯莊浪有賊臣未可避勞而就逸如果北路事機順利臣當由涇州大道進平涼以赴蘭州縱或蘭州有急臣檄南路秦州各營爲迎剿之師檄中路平涼各營爲橫擊之師似亦易有把握是否如斯之處伏候

訓示至督篆交卸遲速之宜一聽穆圖善酌量陳奏要之甘肅兵事臣斷不敢居功如有疎失亦斷不以未接

續編卷三十三

三

督篆護過穆圖善合併聲明謹據實馳陳伏乞 皇太后

皇上聖鑒施行謹

奏 同治八年八月十一日

軍機大臣 字寄同治八年八月十九日奉

上諭左宗棠奏分道進剿布置情形一摺覽奏均悉甘省北路兵力已厚漸可肅清南路河州踞逆近無大股出竄蘭州運道漸已疏通惟土匪張貴盤踞靜甯州屬威戎鎮等處聚眾甚多分擾靜莊會甯各境此賊不除

為平涼秦州一大患左宗棠現調黃鼎簡敬臨等分搆威戎鎮水洛城賊巢著飭令迅速攻剿務將此股剋期殲滅毋稍遷延其秦安神峪河另股回逆並著即飭吳士邁等實力搜剿俾中路早日廓清庶兵力不致為其牽掣陝甘回逆著於平羅靈州中衛一帶劉松山已抵花馬池著左宗棠飭令該提督尅日進兵並遵前旨檄飭郭寶昌軍合力進剿節節掃蕩毋任日久蔓延邊外之賊雖經張曜等叠次擊敗而此時大兵進逼宵靈恐該逆以邊外為遁逃藪據該督奏稱金順等馬步各營

續編卷三十三

三

已行近磴口著金順聯絡張曜等軍勤加偵探遇有賊蹤務須實力堵剿杜其向東北奔竄之路並著該副都統將北路賊勢軍情隨時據實具奏甯夏防兵甚單如遇有警並著金順相機援應前因穆圖善奏稱南路軍情緊要諭令左宗棠酌量移紮秦州茲據左宗棠奏稱涇州為適中之地可以兼顧南北即著暫時駐紮該處妥籌調度穆圖善即將總督關防迅速派員齎交左宗棠接受毋庸再行請旨該大臣接篆後蘭州省垣防務應交何人接辦或左宗棠即赴省城駐紮以便居中調

度之處即著酌度辦理倘有疎虞仍惟該大臣是問將此由六百里各諭令知之欽此

覆陳山東等省添設甘捐分局片

再臣前因餉項奇絀請於山東江蘇浙江福建四省添設甘捐分局奉

旨戶部議奏欽此茲於八月初一日接准戶部咨開本部議覆山東等省添設甘肅分局附片一件同治八年七月初十日具奏本日奉

旨依議欽此抄錄原片飛咨前來查閱原片議准於山

續編卷三十三

三

東江蘇浙江福建四省添設甘捐分局惟山東浙江三省前經督臣穆圖善於七年四月奏請設立援甘局此次臣又奏請設局因何重複之處原奏未據聲明意以事出兩岐無此政體究應如何歸併之處令確查奏明辦理務宜和衷共濟毋稍存畛域之見臣維穆圖善上年四月具奏於山東浙江江西設立援甘捐局時臣在直隸山東剿辦捻逆厥後部議准駁臣未見明文迄今亦未見過穆圖善咨會委員設局及各省咨會收捐緘牘此次重行奏請添設甘捐分局實未知山東浙江

已有援甘捐局也現蒙

恩准收捐擬咨商穆圖善如已於山東浙江兩省委員設局則捐項徑解穆圖善收用固不待言如未曾委員設局則收有兩省捐項亦即劃歸穆圖善以免重複參差謹附片陳明伏乞

聖鑒謹

奏同治八年八月十一日

軍機大臣奉

旨戶部知道欽此

續編卷三十三

三

軍機大臣 字奇同治八年八月初十日奉

上諭戶部奏遵催西征協餉一摺江浙等省協濟左宗棠等餉項總計八百十餘萬兩前經戶部奏催僅據湖北續解銀八萬兩浙江續解銀二十萬兩江西續解銀六萬兩江蘇續解銀四萬兩廣東續解銀十二萬兩安徽續解銀二萬兩山西續解銀二萬兩零山東續解銀二萬四千兩粵海關續解銀二萬兩核之各該省應解數目大相懸殊此外各該省關並未據報續解陝甘需餉孔亟豈容如此玩延著李鴻章文煜馬新貽英桂瑞

續編卷三十三

三

麟李瀚章劉坤一丁日昌卞寶第李福泰郭柏蔭英翰劉峴李宗羲丁寶楨李鶴年崇禮按照該部此次單開數目趕緊籌解毋得藉詞推諉以濟要需如有仍前玩誤及欠解最多者並著左宗棠查明將該省之藩司等指名嚴參現在東南收靖江南浙江湖北山東等省所留勇丁尙屬不多應如何酌量裁減將節省餉需協濟西征之處著李鴻章馬新貽丁日昌郭柏蔭李瀚章英翰丁寶楨實心籌畫俾裕餉源其山西河南安徽山東江南等省原協張曜宋慶郭寶昌潘鼎新等餉項軍火

無論各該營有無裁汰均著各該省隨時報解毋稍短欠另片奏遵議穆圖善軍需數目等語各省協撥之款每年專解甘省及秦州銀一百二十萬兩著照部議仍由穆圖善收支隨時派員迎提其各省協撥西征之餉仍著左宗棠遵照前旨統收分撥以免紛更穆圖善所請添撥釐金割半歸甘之處著毋庸議至四川山西協甘米價該將軍務飭司道等詳查已收未收各若干核實報部所有甘營馬步兵勇細數及受協各款仍著該將軍詳晰開報並懷遵前旨將布置裁併之處咨明左

續編卷三十三

五

宗棠辦理原單均著抄給閱看將此由五百里諭知左宗棠李鴻章文煜穆圖善馬新貽英桂瑞麟李瀚章劉坤一丁日昌卞寶第李福泰郭栢蔭英翰劉岷李宗羲丁寶楨李鶴年並傳諭崇禮知之欽此

剿辦中路土匪肅清現籌會剿北路回逆摺

奏為官軍剿辦中路土匪迅就肅清現籌會剿北路回逆恭摺馳報仰祈

聖鑒事竊臣於本月十一日拜發敬陳分道進剿布置聯絡情形一摺後十三日據陝安道黃鼎馳稟初八日訶匪首張貴即剛入已調水洛城威戎鎮預料堡各匪踞底店鎮門扇岔曹務川各隘築壘十餘以抗官軍黃鼎及前衢州鎮總兵簡敬臨題奏提督周蘭亭商議分路前進適黃鼎所部總兵徐占彪先日率馬部五營已

續編卷三十三

五

連夜急馳踰山壓底店賊壘而陣賊欺其單嗾其黨眾三面環攻氣殊驕甚徐占彪等嚴陣以待一面遣卒馳報黃鼎黃鼎即率所部急進甫上崆峒山嶺見徐占彪在山下底店與賊接戰正酣忽另股從門扇岔蜂擁而至將出徐占彪之後黃鼎飭總兵韋占雄黃有志副將趙興隆胡應芳馬步各營先擊門扇岔之賊自督親兵及參將林定遠朱蘭亭及臣親兵砲隊副將黃寶林等馳擊底店之賊徐占彪等見後路官軍大至立督馬步各營分隊衝殺陣斬匪目高鳳翥余天喜及悍賊百餘

名生擒一百二十二名匪眾敗入底店第二壘黃鼎飭黃寶林率砲隊急攻之砲子從空墜入壘中轟斃數賊賊大驚潰棄壘狂奔各營整隊截殺猛追二十里至岳家堡賊甫入堡適胡應芳章占雄等馬步各營擊敗門扇岔之賊殺賊數百立將門扇岔三壘曹務川三壘一律攻破掃蕩而來岳家堡之賊益惶懼不知所措復棄壘狂竄各營會隊窮追沿途賊屍遍野適大雨傾注是夜即收隊岳家堡底店堡一帶駐紮初九日黃鼎冒雨追賊赴莊浪城誦賊敗遁威戎堡裹脅之眾逃散大半

續編卷三十三

三

初十日進至威戎堡賊已遁新集子壩當將威戎堡平燬躡追至張家小河十一夜追近新集子壩地方兩日沿途見賊遺棄帳棚軍械輜重無數牛羊騾驢遍滿山谷被脅難民或棄械求撫或伏地哭訴均分別遣釋其持械竄匿者搜獲斬之訊據匪黨供稱張貴侯得應連日狂奔黨夥盡散現隨竄新集子壩馬建堡者人馬不過數百而已十二日丑刻黃鼎出隊圍新集子壩堡破之斃匪二百餘名徐占彪分擄馬建堡匪眾斬匪目石進學劉海漁及餘黨二百餘名其簡敬臨一軍抵水洛

城匪目楊文運敗遁增生史漢以被脅之兩營就撫撫定後即率所部進威戎堡至是會隊追賊而匪首張貴侯得應已於官軍逼近時偕百數十騎先遁矣十三日黃鼎簡敬臨率所部回駐威戎以匪黨散竄首惡在逃匪目尚多漏網遂分途搜捕自十四日起至二十一日止約共搜斬逸匪二百餘名而張貴侯應得等迄未就縛訊據降眾供稱張貴侯應得有仍投蘭州之意又該匪等曾接范銘信屬以事不順手即往投該軍黃鼎又接會甯縣士民秘稟張貴侯得應現在會甯收輯潰匪

續編卷三十三

三

及舊脅匪黨意俟官軍撤後仍圖起事已於二十二日率隊往剿尚未接其續報臣亦飛咨署督臣穆圖善如該匪等仍赴蘭州就撫即擒斬之或潛投岷州范銘重營亦即勒令繳出以除禍本其吳士邁李輝南湯聘珍等營已抵通渭穆圖善所遣傅先宗一軍帶所部各營亦稟報前往會剿是兵力已厚積年匪巢已空首逆必難漏網臣因劉松山已乘勝近逼吳忠堡陝甘逆回潛相勾結希圖抗拒中路官軍急宜節節搜蕩而北以分賊勢而速戎機現飭簡敬臨移駐靜甯飛調黃鼎全軍

由瓦亭平涼會師北向臣察看機局如北路無橫溢四
竄之虞臣當率親兵移駐平涼以期兼顧也計是役斃
賊不過二千名生擒匪目馬為龍陳世印劉孝先及各
悍匪約二百餘名收撫匪黨一千七百餘名毀平賊巢
十餘處撫戢被脅難民釋令歸業者數千名奪獲牛驢
千餘頭散給難民耕種拾獲旂幟鎗械數千件中路局
勢略定未及旬餘轉戰數百里將士力戰用命合無仰
懇

天恩加以鼓勵二品頂戴按察使銜陝西陝安道呼敦

續編卷二十三 完

巴圖魯黃鼎辦理此股巨匪機神敏速膽識過人應請
旨交部從優議敘提督銜留陝補用總兵堅勇巴圖魯
徐占虎首挫兇鋒臨陣整暇請
賞換清字勇號以掛督升用儘先補用副將黃寶林
勤勇敢請
賞加勇號儘先參將著勇巴圖魯何玉超奮勇無前請
以副將留於甘肅補用儘先參將揚勇巴圖魯黃虎臣
瞻技俱優請以副將留於甘肅補用並
賞加參將銜儘先補用總兵力勇巴圖魯陳春萬曉健

起羣請

賞換清字勇號調營差遣之山東候選敘諭蔣於謀勇
兼資請以知縣留於甘肅補用其餘出力員弁勇丁應
請彙案保

奏以勵戎行是否加斯謹會同幫辦軍務署陝西巡撫

劉典恭摺馳報伏乞

皇太后

皇上聖鑒訓示施行謹

奏 同治八年八月二十九日

續編卷二十三 完

北路官軍連獲大勝摺

奏為北路官軍由花馬池進剿連獲大勝現籌辦理情
形恭摺馳陳仰祈
聖鑒事竊維劉松山北路進兵臣於八月十一日會聲
明計期已抵花馬池進剿雷靈之賊嗣接劉松山七月
二十四日定邊所發緝贖知擬于二十六日進花馬池
探報前竄後套之賊因官軍西進折回一股仍從花馬
池迤北向西南竄去又據靈州難民稱甯夏竄回已過
東岸現踞金積堡附近一帶該提督二十八日整隊西

行八月二十四日接劉松山初八日靈州下橋營次馳報二十八日自花馬池西行四十餘里訶回騎有從邊牆外南竄者劉松山飭蘇松鎮總兵章合才道員劉錦棠率馬步各營南出擊之自率隊西行駐安定堡以待章合才劉錦棠等南行十餘里即與賊遇官軍三路奮擊立斃馬賊十餘名賊駭而奔官軍躡蹤猛追二十里至天池子斃賊約二百餘名生擒二十一名並奪獲逆回所據邊外牛羊驢四百餘頭訊據生賊僉供此股係甘回蘇光棍夥黨訊畢斬之二十九日進興武營八月

續編卷三十三

三

初一日抵磁窑詢知陝回踞靈州附近一帶與甘回雜處初二日行三十里探騎飛報甜水河見賊數騎劉松山以地勢甚狹飭中軍各營護輜重緩行自率前左右三軍馬隊五營前進甫至甜水河賊騎千餘忽從兩旁山塢衝出意似繞截官軍提督易德麟李就山知州李樹棠率所部迎頭截擊劉松山飭章合才提督李占椿喻執益率步隊擊其左提督余虎恩陳宗蕃率馬隊繼之提督蕭章開曾德喜李雲貴率步隊擊其右提督潘運璋彭緒所譚上連率馬隊繼之逆回見官軍大至駭

而奔官軍分路縱擊斃賊約二百名生擒十九名奪賊馬七十餘騎追近靈州城北二里許城南一帶陝回悉向南路狂奔惟靈州本地回民未動劉松山令於城西築壘是夜靈州已撫回日周斌詣營面稟陝回敗遁靈境後分踞甘回各莊甘回畏其悍不敢與校劉松山比即飛札金積堡馬朝清令其傳知各寨堡官軍祇剿陝回已撫之甘回安居無恐並令周斌選派十餘人隨隊行走傳示所過各回堡俾咸知官軍此來無他也行二十餘里所歷各回堡均安堵如故適探騎追獲一陝回

續編卷三十三

三

供稱逆眾昨經官軍擊敗悉歸郭家橋老巢頭目係余彥龍馬正剛馬長順等距此約六七里訊畢整隊齊進逆回見大軍逼近郭家橋各莊賊眾紛紛吹角出巢馬步橫排數十圍人馬約計七八千勢甚熾悍劉松山立飭易德麟率李就山李樹棠劉錦棠率提督陶定昇易致中及五品軍功董福祥分兩支進中路章合才率李占椿喻執益進左路蕭章開率提督曾德喜李雲貴進右路自率提督何作霖譚拔萃周國勝及馬隊五營由中路繼進正列隊間騎賊分兩面猛衝而來步賊數路

繼進兇悍殊常劉松山飭余虎恩陳宗蕃彭緒炳率馬隊從左路之左進何作霖率步隊繼之潘運璋譚上連率馬隊從右路之右進周國勝繼之各營鎗砲連環開放間以炸彈聲震山谷賊中人馬紛紛倒斃悍賊猶挺矛死撲數卻數前鏖戰逾時劉松山見馬賊甚厚飛令何作霖周國勝督步隊附馬隊加勁猛撲自督譚拔率及步隊各路奮衝殺賊始大亂各營乘勢追殺敗回不敢歸巢立將郭家橋賊巢二十餘處一律平毀巢內外賊屍枕藉軍械拋棄滿地賊悉數南趨官軍齊隊

續編卷三十三

三

追至下橋下橋架素渠之上水深橋小賊不能渡過仍返旂回拒劉松山督馬步各營薄之立將賊眾衝爲十餘起人馬溺斃無數渠西溝港環繞賊更難速遁官軍又追殺數里近吳忠堡始行收隊回駐下橋一帶村莊計是役共計斃賊千數百名生擒一百十三名奪獲戰馬騾驢千餘匹鎗械數千件餘逆向金積堡一帶逃去官軍員弁勇丁陣亡者十五名記名提督蘇松鎮總兵章合才右肩肋中砲子傷骨斷提督李古椿左腿受砲子傷穿透其餘員弁勇丁受傷者五十二名此入

月初三日攻破靈州南郭家橋一帶回巢大獲勝仗之實在情形也方官軍進郭家橋沿途各寨堡開放鎗砲且旁堡列隊呼殺官兵劉松山飭各營祇追陝回暫置不理是夜接馬朝清來稟陝回撫有端倪已稟知陝甘總督署總督飭辦劉松山飭將乞撫情形據實稟知初四日附近各回寨紛紛出隊向官軍聚戰劉松山恐馬朝清尙未傳遍又恐甘回驚疑致然仍按兵不動並出示曉諭免剿初五日廿回各寨復列隊近營施放鎗砲比官軍出隊仍即卻退初六日復列隊近營圍撲官軍

續編卷三十三

四

營壘人數更多劉松山始令各營出隊擊之斃賊多名賊仍敗退馬朝清迄未將乞撫情形稟復並喉金積堡各處精壯回民及擊敗之陝回踞吳忠堡一帶喉靈州附近各寨堡回民踞官軍之後又喉踞寧安堡四百戶一帶之陝回馬正和崔三等前來助逆復決秦渠之水以自固而困官軍用意險毒如此臣於八月十三日接馬朝清第三次稟仍代陝回求撫並據陝回各目遞具乞撫稟結前來察其稟詞頗有惶懼之意卻於劉松山兵至何處一字不提惟言穆署制憲已委署河州鎮胡

會昌由省來靈訪職員察看陝回如果窮蹙善爲開導諭令投誠意若惟恐不允其請竊以時日計之劉松山必已進兵馬朝清及各陝回或因畏剿而爲緩兵之計惟未接到松山緘牘究難臆度因批示漢回同是朝廷赤子本無異視如果誠心悔罪求爲良民自當仰體

皇恩奏請寬其既往惟前據第二次稟稱陝回言行相背反復無常其求撫者引領而待命其兇狡者猶涉險而跳梁近在甯靈地面以及中衛甯安和石空寺等堡

續編卷二十三

三

肆擾漢回均受其害是陝回多有不求撫者回不求撫官軍自不得不剿茲復據稟陝回一律求撫其前此竄至後套沙金托海磴口圍阿拉善定遠城犯鄂爾多斯五勝札薩等旗之回是否一併在內其中衛甯安恩和石空寺等堡是否仍前肆擾未據聲敘此次遞具稟結求撫各回目情詞雖極懇切然從前屢次求撫迄無成說現據轉稟決無反覆何能深信所有該回等求撫各情北路應由廣東陸路提督劉松山南路應由陝西提督雷正綰就近察看誠僞以憑核明會奏請

旨其咨劉松山公牘即交馬朝清轉遞令其不疑批發後並飛咨穆圖善查照蓋不欲遽許其降學劉松山之肘又不欲峻拒其降絕良回之望也茲據劉松山報初八日以前戰狀則馬化澂初四日遞稟代陝回求撫正在初三日官軍郭家橋大捷之後其畏剿緩兵已無可疑劉松山所駐下橋地方在金積堡之前吳忠堡之後來贖原擬先剿後路據雷正綰緘報固原回民喧傳吳忠堡已被官軍擊破馬化澂急調預望同心黑城子各堡回民助逆雖尚未據劉松山續報而以時勢揣之似

續編卷二十三

三

吳忠堡之克亦在意中日內固原回民紛紛擊眷北徙游騎時越固原而南似逆回意欲阻截官軍北行而全力拒劉松山也臣又據黃鼎簡敬臨馬德順各率所部隊伍由固原前進且撫且剿冀分賊勢而收夾擊之效惟劉松山軍食全賴後路轉輸自該軍由花馬池南下後後套敗回之賊陸續由草地入邊掠食頃據署延榆綏道成定康臣報鎮靖堡定邊一帶逆回零騎劫奪官糧運道中梗而郭寶昌前因傷疾舉發咯血增劇請假兩月調治未痊臣前催金運昌撥卓勝軍馬隊由綏

德鎮靖堡定邊前進並催副都統全福飭所部馬隊由綏德波行搜剿兼護糧運然餉道寔至千數百里未能否疏通據劉松山緘稱甯夏收成豐稔已委員探辦臣慮甯夏至靈州一帶運道難免逆回擾截應請飭下署將軍金順廣為採購派隊護運劉松山軍前俾免缺乏庶飽騰可期局勢始臻穩固其糧價運脚臣當指撥山西米捐的款解還伏懇

聖恩酌度施行所有北路連獲大捷現籌辦情形謹會同幫辦陝甘軍務署陝西撫臣劉典據實馳陳伏乞

續編卷三十三

三

皇太后

皇上聖鑒訓示施行謹

奏 同治八年八月二十九日

同治八年九月初七日內閣奉

上諭左宗棠奏官軍進剿中路土匪漸就肅清一摺甘肅匪首張貴盤踞底店鎮等處抗拒官軍經黃鼎等督率所部馳抵該處嚴陣以待忽另股賊匪蜂擁來援總兵韋占雄等分隊衝殺擊斃悍賊百餘名生擒一百數十名賊敗入底店官軍聞砲急攻賊匪棄壘而逃立將

門扇等處賊壘一律攻破其岳家堡賊匪亦棄堡狂竄官軍沿途追殺賊屍遍野黃鼎等復率眾擣破威戎堡馬建堡等處賊巢斬殺極夥約計斃賊二千名生擒二百餘名收撫匪黨一千七百餘名踏平賊巢十餘處中路漸就肅清剿辦尙屬得手著卽督飭各軍乘勝進剿迅圖掃蕩所有尤爲出力之陝安道黃鼎著交部從優議敘總兵徐古彪著賞換哈西巴圖魯名號以提督升用副將黃寶林著賞給精勇巴圖魯名號參將黃虎臣何玉超均著以副將留於甘肅補用都司吳萬品著

續編卷三十三

三

以游擊留於甘肅補用並賞加參將銜總兵陳萬春著賞換呼敦巴圖魯名號欽此著以知縣留於甘肅補用以示鼓勵餘著照所議辦理該部知道欽此

軍機大臣 字寄同治八年九月初七日奉

上諭左宗棠奏北路官軍剿賊情形並剿辦中路土匪肅清各一摺本日已明降諭旨將道員黃鼎等照所請獎勵矣據奏劉松山一軍由花馬池進抵靈州於八月初三日將郭家橋一帶回巢攻破初四至初六日附近各回寨紛紛出隊圍撲官軍營盤金積堡吳忠堡等處

回匪同時糾眾抗拒是陝甘各回已聯成一氣勢頗鴟張惟昨據定安奏稱登接豐紳張曜文札靈州城於八月初五日夜爲回匪襲踞而此次左宗棠所奏接到初八日劉松山函報並未提及靈州失陷之事究竟現在靈州情形若何著左宗棠詳查具奏劉松山各營現紮下橋進剿吳忠堡踞匪曾否攻克現在北路回匪聚集務當飭令該提督步步爲營慎顧後路勿爲該逆所乘並著速飭黃鼎簡敬臨馬德順等軍由固原前進與北路官軍聯絡攻擊毋稍延緩鎮靖堡定邊一帶時有逆

續編卷三十三 完

匪劫奪官糧劉松山軍後路運路深處梗阻著卽飭令金運昌全福等督兵搜剿疏通糧路金順現已行抵何處著懷遵昨日諭旨速赴甯夏妥籌防剿甯夏本年收成豐稔並著該署將軍廣購糧石派隊護運劉松山軍中俾免缺乏應需糧價卽由左宗棠解還歸款甯夏甘回投誠已久此時因大兵進剿陝回致生疑懼良回因之煽惑左宗棠仍當飭令劉松山等分別良莠妥爲辦理中路土匪業經肅清惟匪首張貴侯得應逃逸未獲該犯等有投往蘭州之說著穆圖善卽行查拏正法毋

仍漏網將此由六百里各諭令知之欽此

請將道員李超羣革職摺開片

再前署平涼府知府李超羣任內府城兩次失守本有應得之咎該員避居莊浪縣丞城內既不赴任惟恃匪首張貴自衛令其子縣丞李敏英與張貴結拜兄弟委其戚吏目陳九如代理靜甯州知州代張貴搜括民間財物派供勇糧有不繳納者燒磚拷之形同炮烙致民間有李紅磚之謠令其家丁董三奎在莊浪城內開設錢店小押當舖爲銷贓分肥之地並代張貴稟敘截殺

續編卷三十三 早

回逆保全莊靜戰狀專圖欺瞞實則並無其事昨黃鼎由黃家地進兵適張貴等將該員送出底店面見黃鼎盛言張貴人馬精強隊伍嫻熟恐官軍不能取勝意在虛言囑喝藉免剿辦迨該匪等剿散後黃鼎接見前署平慶涇道蘭州府知府鮑彤軒及各官紳等述及李超羣縱匪凌虐諸狀無不切齒士民遞呈訴寃者不下數十起卽臣接見莊浪赴鄉試諸生四人詢及地方困苦所訴情形亦大略相同李超羣黨匪殃民如此實出動常意料之外應請

旨將甘肅補用道前署平涼府知府李超羣革職等因
以雪民忿而肅官箴其吏目陳九如縣丞李毓英應一
併革拏以便質訊懲處是否有當謹附片陳明伏乞
聖鑒訓示施行謹

奏 同治八年八月二十九日

同治八年九月初七日內閣奉

上諭左宗棠奏請將黨匪殃民之道員革職等語
甘肅補用道前署平涼府知府李超羣倚恃匪首張貴
自衛令其子李毓英與張貴交結並委其戚陳九如代

續編卷二十三

呈

理靜甯州知州為張貴搜括民財似此黨匪殃民實為
地方之害李超羣著即革職等因州吏目陳九如縣丞
李毓英著一併革職等因解訊懲辦欽此

恪靖奏稿續編卷二十四目錄

北路官軍連獲大捷摺

進剿北路逆回連獲大捷摺

馬德順陣亡請卹片

請俟捐務辦有成效分別獎叙片

續編卷二十四目錄

北路官軍連獲大捷摺

奏為北路官軍連獲大捷恭摺馳報仰祈

聖鑒事竊臣於八月二十九日馳報北路官軍由花馬池進剿連獲大勝時據劉松山八月初八日一稟聲叙厥後雖疊據固原鎮原各屬降回及劉松山留駐花馬池之提督黃萬友等探報劉松山迭獲奇捷陝甘逆回震懼情形然未據劉松山續報未敢入告也頃劉松山續報八月初六夜下橋營次訶靈州城甘回頭目王洪馬愛被馬化隆嗾令襲踞郭家橋陝回

續編卷二十四

一

遺巢妄冀斷我後路劉松山令諸軍派隊潛起擊之賊見官軍至伏巢開鎗劉松山知其怯也飭步軍蛇行從礮子密處猛攻馬軍整隊何巢破衝殺比官軍近薄賊巢巢中賊謹噪益甚官軍一鼓齊登賊巢火起馬隊兩旁抄出立將竄出各匪圍殺斃賊四百有奇生擒五十二名奪獲戰馬一百五十餘匹其焚斃巢內者約一二百名正躡追問忽下橋老營飛報吳忠堡角聲齊作賊將出隊劉松山令馬隊擊轉自率步隊繼之甫抵下橋見營前二里許步賊如林馬賊排列兩頭氣殊驕甚劉

續編卷二十四

二

松山令各營小憩傳餐午刻中軍鼓聲起道員劉錦棠偕提督尹興茂張振萃喻執益等各率所部由左路進提督蕭章開偕會德喜李雲貴等由右路進劉松山率提督陶定昇易致中易德麟李就山李樹棠由中路進偕提督何作霖譚拔萃周國勝軍功董福祥各率所部居後備策應馬隊營提督余虎恩潘運璋陳宗蕃列左路之左提督彭緒所譚上連列左路之右均如牆而進賊亦分數路迎戰而騎賊猛從兩旁衝出勢如潮湧劉松山令董福祥率兩營附左路馬隊衝殺周國勝率一旗附右路馬隊衝殺正酣賊間步賊之悍者冒死衝突騎賊半下馬挺矛對刺官軍愈戰愈奮賊不能支左路賊勢先卻劉松山飭何作霖率所部陷陣各路號鼓齊催賊遂大潰追殺四里許忽吳忠堡北有賊馬步千餘突出似圖截官軍之後劉松山令譚拔萃周國勝橫截而出擊之斃賊多名賊仍從吳忠堡北敗去譚拔萃等躡追至吳忠堡西二里許與正路各營復合隊追剿賊賊悉向金積堡遁去計是日兩戰其斃悍賊數百名生擒四十三名奪獲戰馬百數十匹旗幟鎗械以千計官

軍弁丁陣亡者十五名受傷者七十三名管帶馬隊營官提督余虎恩左膀賊矛截透猶力戰如故訛據生擒逆回供稱是役各寨堡精壯之賊及陝西余彥龍等均來接仗仍爲官軍擊敗此八月初七日兩戰獲勝之情形也初八日賊瞰官軍正修秦渠堤堰已刻仍出隊索戰馬步橫排十餘里劉松山調修隄各營歸隊擊之追過吳回堡二里擒斬二百餘名奪戰馬七十餘匹賊亦不如先日之戀戰也初九夜金積堡逃出漢民供四百戶一帶地方陝回頭目馬正和等股已到金積堡議來

續編卷二十四

三

撲營初十日黎明吳忠堡西各寨堡處處角聲競起金積堡一帶馬步大股亦蜂擁而至劉松山飭各軍靜以待之午初始分五路出擊令先堵步賊俟騎賊抄出陣前則以步隊附馬隊猛擊視賊馬步混雜則各路急撲之少頃步賊直偃陣前搦戰經官軍鎗礮擊退旋卻旋前刀矛相接騎賊從兩旁衝來官軍馬步橫出截之賊不能支紛紛敗退官軍五路縱擊乘勢壓迫八里許始行收隊計斃賊六七百名生擒六十四名獲戰馬二百餘匹軍械無算馬隊營官提督譚上連左腿受鎗傷子

未出員弁勇丁之陣亡者二十三名受傷哨長七員弁丁九十八名蓋亦血戰矣十一日官軍壓吳忠堡而陳賊不復出馬隊擒活賊訛之據稱昨日之戰賊中因帶傷陣亡者甚多怨陝回不力不肯發糧陝回現於金積堡街市掠食堡中亦不能禁也十二日吳忠各堡賊出隊依堡而陳金積堡賊亦絡繹出隊列吳忠堡以南劉松山見步賊多而騎賊少心異之登高瞭望乃知騎賊已盡由吳忠堡北繞至下橋西三里許隱藏樹林及破堡中似圖於官軍出隊後襲取營壘者劉松山飭各營

續編卷二十四

四

分兩路專擊吳忠堡南之步賊自率五旗步隊四營馬隊分擊樹林破堡中之馬賊飭董福祥兩營列隊爲策應之兵鼓聲起各路奮衝殺步賊先奔依吳忠堡者收入堡內由金積堡來者向金積堡去劉松山指攻之騎賊旋亦潰退惟左路騎賊數圍立馬未動各營縱馬挺矛衝入賊中步隊繼之縱橫抉盪斃賊甚多大隊分途掩殺約七里許兩路始會合收隊賊均向金積堡一面敗逸計是役擒斬悍回四百餘名獲賊馬百餘匹官軍陣亡四名受傷十七名此八月初八日至十二日四

獲勝仗之情形也劉松山以陝甘逆回雖屢經剿敗而
人數日增官軍更番出隊不能不留隊守護營壘遇有
須分支之處隊伍仍形單薄遂飭各營暇時堅修寨堡
頓放輜重以便多派隊伍迅赴戎機三十四十五等
日賊伏未動各營併力修築堡壘竣工十五夜詢知陝
回馬正和等股累經剿敗後未入甘回堡寨散處吳忠
堡以西各村莊夜半月明如晝劉松山令各營傳餐四
鼓緣北面稻田墜壞繞向西南前進萬眾靜悄無聲比
道賊巢賊始驚覺急傍村莊列隊易德麟蕭章開劉錦

續編卷二十四 五

棠乘賊措手不及各營所部奮威衝殺賊見官軍四面
圍逼益恟懼不知所為官軍分途猛撲立破賊巢十餘
處賊向吳忠堡各寨以南易德麟等緊躡之迨至各
寨牆邊步賊赴壕遁避馬賊擁擠不前維時甘回各堡
均吹角出寨圍擊官軍之勢劉松山令譚拔萃周國勝
陶定昇易致中何作霖橫出擊之賊勢不支仍敗回各
堡官軍乘勝縱擊擒斬不少天明仍收隊回營是戰獲
悍回約四五百名生擒一百二十四名奪戰馬二百數
十匹鎗械千餘件官軍陣亡者五名受傷者二十一名

十六十七兩日賊不復出官軍仍加修堡寨十七夜擒
獲賊探訊稱陝回馬生彥白彥虎郭阿洪等又各率所
部由黑城子半箇城到金積堡劉松山登高望之見西
南吳忠堡至金積堡一帶火光騰灼數十里知陝回大
至賊探所供不妄料賊陣必寬計分分布擊之黎明
營之西南正西賊旗林立吳忠各堡亦皆出隊辰刻賊
分由吳忠堡南北兩路撲近營壘結隊六七重橫列十
餘里已正騎賊直逼營前劉松山督陶定昇易致中何
作霖出左路飭易德麟李就山李樹棠出右路譚拔萃

續編卷二十四 六

為策應之兵擊南面之賊飭劉錦棠同尹興茂張拔萃
喻執益出左路蕭章開會德喜王秀棟李雲貴出右路
董福祥為策應之兵擊北面之賊飭余虎恩陳宗諤等
率所部馬隊擊南面騎賊以周國勝步隊附之潘運璋
彭緒所等率所部馬隊擊北面騎賊以董福祥中營步
隊附之賊見官軍大隊成列而出騎賊即退居步賊兩
旁相依而陳比官軍進至里許賊騎仍從兩面抄來步
賊向前突陣勢頗兇悍劉松山先擊南面之賊鎗礮止
刀矛接鏖戰時許賊漸不支易德麟乘勢大呼陷陣各

營齊進銳不可當南面賊先潰北面之賊經蕭章開劉錦棠各督隊悉銳衝殺亦即潰奔馬賊見步賊已散無心戀戰官軍乘勝追殺直至吳忠堡西兩面敗賊併聚一路地狹人多敗走難速官軍合隊薄之賊中器械馬匹拋棄無算計是戰斃賊近千名生擒百三十二名獲戰馬三百餘匹營官提督陶定昇右膺中鎗子傷王秀棟右乳中鎗子傷子均未出其餘弁丁受傷者六十八名陣亡者十七名十九日金積堡賊鏡出刈稻約數千人劉松山按隊不動意俟其放膽來多則擊之是夜五

續編卷二十四

七

鼓令馬步各營分伏南北路樹林中伺之天明賊果於吳忠堡北至余家湖一帶排列騎先步後連亘十餘里老者弱者牽馬騾絡繹下田割稻追微見官軍隊伍步賊即止不前騎賊仍分數路前來劉松山飛飭伏軍緩動待東北各營將賊擊動伏軍乃分路截之分布甫定賊已深入伏中官軍號鼓齊發騎賊驚惶勒馬不前各營乘勢縱擊賊大潰易德麟劉錦棠見東北賊陣稍卻急起截之殿後馬賊飛駛而遁步賊約五六百擠入稻水田中官軍圍殺殆盡大隊壓追五里許沿途斃賊八

九百名擒獲割稻老弱三百餘名縱之令歸是役馬隊營官提督余虎恩左肩復受鎗子傷甚重弁丁陣亡者六名受傷二十七名二十一日擒獲金積堡小回目馮沅發據供馬化澂因調崔三未到又調靈州王洪周斌兩股由黃河邊來喉河東河西各寨精壯回民多帶拍鎗小鎗集金積堡並喉陝回馬正和將甯安四百戶一帶護守家眷各壯丁悉來決戰二十五日天明逆回自金積堡數路齊出步賊排列吳忠堡左右各村壕外騎賊附其兩旁吳忠堡各賊亦列隊壕外內以待劉松山

續編卷二十四

八

按隊勿動俟至巳初飭易德麟李如山李樹棠尹興茂張接萃分兩路由吳忠堡之左進劉松山率席大成易致中何作霖蕭章開會德喜分兩路由吳忠堡之右進留譚拔萃周國勝及董福祥中左兩營備策應飭馬隊營官潘運璋等爲左翼喻執益率所部步隊附之陳宗蕃彭緒忻等爲右翼李雲貴率所部步隊附之分布甫定騎賊漸次向前衝突各路官軍號鼓並發火器齊施騎賊不支仍敗退步賊之旁官軍奮威衝殺鎗礮止刃矛接酣戰兩時斃賊無算中有紅衣青馬逆首中礮落

馬賊搶負而逃餘賊大亂官軍乘勝蹙之賊中人馬擁擠紛紛墮入壕坎官軍四面圍逼見賊卽斫復猛追八里許沿途屍骸枕藉吳忠堡之賊縮退堡中漏逸之賊均向金積堡逃竄計其斃馬步悍賊千數百名生擒百五十餘名獲戰馬四百餘匹鎗械九百餘件據活賊供逆首馬正和右乳帶礮子傷墮馬餘賊搶護而逃面色已變卽所見紅衣騎青馬者也馬正和在陝回頭目中兇悍最著此賊伏誅陝甘各回自更喪膽是役提督曾德喜左腿被拾鎗子洞穿易執中左乳旁受矛傷甚重

續編卷二十四 九

哨官受傷者十三員弁丁受刀矛礮子傷者七十一名
獲磚石傷者百零四名陣亡者三十七名二十六日金積堡回又出割稻劉松山見其人數不多未出隊二十七日馬隊擒獲賊探訊知陝回催三李經舉等股悉到金積堡二十八日黎明西東一帶塵氛大起吳忠各堡亦出隊南至水邊北至余家湖排列十餘里遙見羣賊多帶鋤鏟並用矛量地劉松山揣賊屢經痛剿或圍扶濠以阻官軍親往覘之令各營准備出隊比回營卽飭易德麟督李就山李樹棠等進左路蕭章開督前旂左

併及李雲貴等進右路自率席大成何作霖譚拔萃周國勝進中路飭劉錦棠等居後策應三路而以馬隊列步隊兩旁別以步隊附馬隊之後比進至三里許騎賊已從左右飛奔而來步賊亦冒死來撲官軍馬步整隊禦之刀矛鎗炮並進賊屢前屢卻轟斃殺斃無算步賊甫頓而騎賊仍與我馬隊拚死相持劉錦棠催譚拔萃飛赴左路喻執益飛赴右路助戰騎賊始敗各路乘勢猛撲緊壓緊追賊紛向吳忠堡左右兩路敗走追過吳忠堡西賊復回拒又經官軍擊敗併向金積堡竄逸追

續編卷二十四 十

殺五里許至板橋敗賊人馬擁擠墮落溝壑者不計其數官軍收隊少頃金積堡復出賊一二千似圖接應敗賊者劉松山飭兩路均連環收隊追賊撲近始猛衝之收隊至吳忠堡東半里許敗賊麕聚愈來愈多中營鼓聲起各路返旂猛撲賊復大潰仍追至板橋而還計其斃悍賊一千六七百名生擒一百八十餘名賊中受傷者約倍於斬馘之數獲戰馬五百餘匹鎗械則拾不勝拾矣是役提督易德麟左乳受拍鎗子重傷軍功董福祥頭顱反左肩均受磚石傷軍功張俊右胸腋受鎗子

傷馬隊營官陳宗蕃右腿受矛傷哨官受傷者十八員其餘弁丁受刀矛鎗斃者九十二名受磚石傷者一百三十七名陣亡員弁勇丁三十五名而殺賊多於諸戰此劉松山一軍八月十六日起二十八日止疊次獲勝情形也臣維馬化澂所恃以抗官軍者有二金積堡地勢居秦漢二渠之間積流分醜蓄稱沃壤足以阻水自固而困官軍一也回教有新老之分馬化澂本新教回民與陝甘老教回民宗旨不同互相水火及與漢民尋仇生衅則彼此通同一氣無復新老之分而甘回究不

續編卷二十四

十一

如陝回之強馬化澂尤思藉以自衛始因陝回竄附代爲乞撫市德於陝回繼因陝回反覆無常又思預爲別白以免官軍之勦其詭謀益謂陝回勝固可藉以爲重陝回敗亦有詞以自解究之陽順陰逆其用心則路人所共知二也劉松山自花馬池進靈州於甘回之已撫者本已預示區別馬化澂陝甘回陝回抗拒時初不料官軍之鋒不可妄犯思一逞以自雄迨八月初三日郭家橋大敗後初四日又遞稟代陝回求撫爲緩兵之謀而於劉松山兵至下橋距金積堡三十里地方卻一字

不露恭欲掣臣與穆圖善准撫之批以狹制劉松山耳臣於馬化澂前稟批示剿撫機宜北路應由劉松山劉錦棠察看南路應由雷正綰黃鼎察看者以此幸劉松山燭其奸謀一意進剿未及一月疊將甘回陝回痛加懲創實殺賊一萬數千之多臣飭雷正綰黃鼎周蘭亭簡敬臨馬德順馬步各軍亦於陝回犯及固原時迭與掃蕩連獲大捷奸謀更阻馬化澂旋又於九月初三日具稟求撫矣臣閱其九月初三日一稟情詞尙爲哀切而減中又附八月初六日一稟則頗以劉松山濫殺激

續編卷二十四

十二

變爲言猶思藉詞聳聽情形殊爲可惡臣又批飭之仍擬察其誠僞以定剿撫或則討之服則舍之務在攻心以規以遠所有馬化澂四次原稟及臣批詞均抄送軍機處以備考核至金積堡地勢之險要陝甘官民均能言之劉松山所藉以得手者在於靈州速進先據下橋後五里之永甯洞得以宜洩河渠之水故能制賊而不爲賊所困觀馬化澂現稟求劉松山返駐靈州及請臣委員赴靈州受撫其情可見至固厚北路各軍捷狀及甘回求撫陝回南竄甯夏已無回蹤一切情形容即據

實續報此次陝甘回逆同時抗拒官軍賴劉松山速赴
戎機分別辦理得以潛銷積年隱患於大局實有關係
該提督忠勇實一時諸將之冠前因失察游匪一案蒙
恩革職留任可否請

旨開復處分之處出自

天恩其前案內失察之分統營哨各官此次均奮不顧
身亡傷頗衆可否一併免其查參其案外各員實爲出
力者可否由臣保獎出自

聖裁至叠次陣亡之記名提督鍾建高提督銜記名總

續編卷二十四 三

兵胡玉元記名總兵牛得起推補副將陳士標鍾宣晉
龍錫瑤楊朝有副將銜補用參將萬名高易本集補用
參將張澤友易光前參將銜補用遊擊李名成楊篤才
補用遊擊劉毓元黃德祥竇義和補用都司徐育南章
如山金崇德鍾貴德拔補守備趙祥友王玉順常中華
陳國恆涂碧勝守備銜千總吳名填蕭其中拔補千總
劉桂堂拔補把總畢洪桂熊王貴滕加全鄧代全楊芝
運等實係血戰捐軀應均請
旨敕部各照官借從優議給

卹典以妥忠魂而昭激勸伏乞

皇太后

皇上聖鑒訓示施行謹

奏 同治八年九月二十五日

軍機大臣 字寄同治八年十月初二日奉

上諭左宗棠奏北路官軍疊勝請開復劉松山處分暨
陣亡各員弁議卹一摺據稱劉松山一軍田花馬池之
剿自八月初六日起至二十八日止在吳忠堡等處連
獲勝仗殺賊甚多馬化澂現稟求劉松山退駐靈州及

續編卷二十四 四

請委員赴靈受撫等語前因定安奏劉松山肆行殺戮
致回民復叛襲踞靈城各情迭諭該大臣查明具奏現
在靈州情形究竟何似劉松山有無濫殺激變情事仍
著懷遵前旨迅速奏聞馬化澂求撫各節原未可盡信
爲真若此時靈州已失該回自有公然復叛之心皆大
臣自應督軍進剿破其奸謀若已震懾兵威真心求撫
前此亦無襲踞靈州之事卽著斟酌情形妥爲辦理毋
令日起猜疑至甘回窮困情狀尙與陝回不同該大臣
亦當悉心體察以戢兵端雖不可一意言撫而臨事決

機亦不可涉以成見所請開復劉松山革職留任處分及營哨各官免其查參出力員弁請獎之處均著候明靈州情形覆奏後再降諭旨陣亡之提督鍾建高總兵胡玉元牛得超副將陳士標鍾宜晉龍錫珍楊朝有參將萬名高易本集張澤友易光前遊擊李名成楊篤才劉疏元黃德祥賓義和都司徐育南章如山金崇德鍾貴德守備趙祥友王玉順常中華陳國恆涂碧勝千總吳名填肅其中劉桂堂把總單洪桂熊玉貴滕加全鄧代全楊芝蓮均著交部各照官階從優議卹其固原

續編卷二十四

五

北路各軍戰狀及甘回求撫陝回南竄情形著卽詳晰查奏以紓屢系本日據穆圖善奏范銘石成器兩軍素餉甚亟請飭催撥餉接濟等語著該大臣迅飭袁保恆於西征半餉內趕緊勻撥源源解赴甘營不可稍存膜視穆圖善又奏稱甯靈回眾仍宜籌撫及飭胡昌會督同馬朝清開導回民各節與現在辦法有無窒礙亦著該大臣隨時籌辦用請邊陲原片著抄給閱看將此由六百里諭令知之欽此

附穆圖善片

再前因董志原大股陝回竄入甯靈地方奴才所部兵力驟難抽分權派署河州鎮總兵胡昌會前往督同靈州金積堡回紳馬朝清彈壓開導及據胡昌會稟報駐紮甯安堡費字三營被圍多日奴才飛飭該統領夏允升相機移營駐紮中衛爲保守縣城之計各情業經先後

續編卷二十四

六

奏明在案嗣據胡昌會遞次稟呈由中衛起程前赴靈州金積堡途次甯安堡適陝西回目楊文治崔巍馬鎮和等派隊迎接而懇代稟投誠內有河州回目馬占魁對眾喧嚷云穆將軍收撫是假往往先撫後剿未可深信竟當糾約陝眾赴河州會合大舉入寇胡昌會當與面爭陳以成敗利害多方曉諭更幸陝日楊文治亦爲幫同開導馬占魁始云既係如此俟果將陝眾收撫安插妥當彼時伊等誓願歸誠等語胡昌會隨即馳赴金積堡查得本地回民安靜如常當與馬朝清飛調陝西各回目馬鎮和崔巍陳林馬壽清閻明泰藍泰治士俊李經舉馬長順禹得彥于恆廉沙學德馬必政白彥虎楊文治馬生彥等先後到齊該頭目均願投誠求爲轉

懇收撫該署鎮因無地安插暫令各在現住地方靜候請示再行遷移不准在外滋擾自外生成該署鎮即於七月二十五日由金積堡起身馳赴甯安堡時我軍貴字三營被困日久糧水兩缺胡昌會即諭令馬鎮和等遣散其黨幫辦車輛船隻將三營弁勇渡河於八月初三四五等日一併移紮中衛防守該縣城池忽接馬朝清函開劉提督松山帶領大兵突抵吳忠堡率行搶殺馬朝清差人投稟劉提督語言矜躁有不分良莠之意難免已降回民猜疑聚眾滋事邀請胡昌會仍回金積

續編卷二十四 七

堡商辦等語胡昌會正擬前往又聞陝甘回眾屬集金積堡有與大兵接仗之事尙不知大局如何等情呈請核辦前來奴才查左宗棠派劉松山一軍由北進逼原係迎擊董志原竄賊免致勾結甘回蔓延爲害該署鎮胡昌會所稱各該頭目俱願投誠固難保非勢窮乞降藉緩我師而調陝甘回眾屬聚金積堡與官兵接仗亦係該署鎮得諸傳聞虛實均未可遽信但查吳忠堡距金積堡祇三十里距靈州亦三十里若如馬朝清所致胡昌會信函兵抵吳忠堡率行搶殺實恐激成事端又

成不可收拾之勢伏查靈州回紳馬朝清即馬化澂本係營弁自甯夏郡城失陷被逆回馬北沅逼脅靈州變亂其時該紳尙知約束金積堡回民不許出外滋事先向雷正綰曹克忠兩營求撫交銀交糧後曹克忠帶兵進紮滾泉該紳恐回眾疑懼上稟諫阻未蒙批准曹克忠等旋又進紮強家沙窩致陝回拚死抗拒大挫兵威而馬朝清仍勸諭本堡回民安靜待撫並設計之馬兆元殺斃追奴才奉

續編卷二十四 六

旨督辦軍務該紳復具稟乞誠初次捐修渠工銀八千兩米一十五萬斤並呈繳器械馬匹多件曾經奴才於同治五年三月具奏並抄錄該紳原稟恭呈御覽欽奉寄諭穆圖善奏覆陳馬化澂投誠各摺著准其投誠責令前赴各路開導回民立功自贖等因即經奴才宣傳聖諭先令該紳隨同代理靈州知州尹泗將該州善後一切事宜妥速籌辦並查點營庫存儲各項軍械數目亦於是年四月間復奏嗣該紳安輯地方保衛漢民勸導回眾投誠擒斬叛亂陝匪並親往李旺海城等堡收

撫鹽固一帶降回出力奴才於是年九月初八日保奏奉

旨馬朝清著賞加副將銜仍責令該弁保衛漢民勸導回衆不准始勤終怠欽此等因迨奴才親赴靈州該紳馬朝清所部回衆俯伏道左感頌

皇仁馬朝清並倡率報捐翎頂職銜約計二萬兩復自願捐助糧米預備駝隻陸續轉運大營奴才查看漢回安堵商販通行流亡復業地刀一律底定情形又於是年九月二十八日詳細陳明繼奉同治七年正月初七

續編卷二十四

九

日

上諭玉通奏西甯府屬漢回互鬪北川失陷一摺其新降回目馬朝清並著穆圖善催令前往毋稍遲緩等因奴才因甯靈一帶安插就撫之回悉資彈壓其責甚重難以分身已將未能赴滄緣由覆陳各在案至同治七年閏四月該紳會同靈州兵役將著名刁匪馬目哇馬鼎中馬舉擒獲解送甯夏郡城分別斬首梟示會蒙恩賞加提督銜其同時獲犯出力之馬耀邦馬萬選赫壯圖馬明起赫忠義均蒙分別

賞給官階虛銜是年六月該紳馬朝清派令穆生花馬振海馬忠海又將暗中結盟謀爲不軌之楊生魁馮學禮白天鳳等一百餘人殲斃解散餘黨救出被脅良民甚多奴才於上年八月據實奏明亦在案且連年捐糧運送每歲不下七千石積成巨款接濟飢軍是馬朝清之深明大義矢志靡他證之前事已班班可考令官兵行抵吳忠堡如果率行搶殺則金積堡與靈州均唇亡齒寒白不免羣生惶惑夫螻蟻尚知貪生人豈不知惜命當危急之時鋌而走險勢所必致奴才不敢謂甯靈

續編卷二十四

十

已降之回皆良民也但無事之日善者相安惡者自隱受其制卽向有匪徒竊發善者不難羣而攻之如馬目哇楊天魁等股卒爲馬朝清種生花等殲除是也若兵自外來事起倉猝居民不知其意之所在善者固不免驚疑惡者亦必圖一逞以自快且恐不法之徒妄造謠言謂官兵此來洗某莊某堡是善者爲惡者煽惑亦將道而爲抗拒官兵之舉彼時各頭目如馬朝清等雖可信其立志堅定而教下多人情急變生必致理喻勢禁兩爲束手我軍能以大獲全勝一鼓殲除幸也而已上

干天地之和若官軍稍有不利從此回氛四起東路未定之鹽固西路已撫之肅州皆成變局而河狄兩甯各路匪徒更將乘機蠢動烽煙滿地我軍應接不暇究從何處下手此實萬不可不審慎於先機者也伏讀屢次上諭祇分良莠不分漢回甘省漢民受回匪之害最深固無不思拔盡根株方足以消積忿即奴才亦豈不願將此股全數殄滅弭隱患於將來但從古用兵無非剿撫兼施未聞不留遺種即近時髮捻各逆一經痛剿之後其畏罪歸誠者無不仰邀

續編卷二十四

三

聖澤化盜為民良以賊賊魁竹從罔治且萬無誅鋤盡淨之理竊意奴才從前帶兵入甘親見甯靈百姓流離失所無業可歸竟致人食人肉而官軍又嗷嗷待哺郡城久攻不下若不將計收復既虞士卒因飢譁潰更恐熾回匪之兇燄漢民益靡有孑遺是以當該處回族震懾兵威俯首聽命之時即為因勢利導分別勸懲勒令縛獻首惡呈繳器械馬匹准予自新在受害之漢民固不免疑奴才偏於主撫而不知寬降回一線之路正為全漢民數百萬之生迨後五年三月蘭州省城兵變

河狄陝西回匪乘間環逼於外其時省城糧價每斗值銀三十餘兩餓殍盈途根本之危懸於一線而甯靈降回各安生業並無一人前往蘭州助逆於是漢民相信日深陸續歸籍者難以數計今已數年漢回交相貿易和好如初若降回稍有反側之心漢民即先有恐懼之象豈能毫無猜嫌至於今日伏思奴才滿洲世僕何德於回何仇於漢況所部兵勇及辦事之人均屬漢民有何區別實因大局攸關天良難昧故有真心向化之回必仰體

續編卷二十四

三

朝廷一視同仁之意代為乞恩即明知其投誠不足恃而亦權准收撫者亦無非痛漢民火熱水深因兵難遍及不得不暫示羈縻以救殘黎性命此等情形俱已早蒙聖明諒鑒如今日之甯靈若不分別良莠恩威並用實恐甘省兵連禍結迄無已時即將來左宗棠剿而後撫亦未必能堅回民之信奴才雖將交卸不敢知而不言亦未敢聞而不顧除飛飭胡昌會督同馬朝清仍行妥為開導彈壓本地回眾毋得妄起猜疑並確探北路進

兵實在情形另行奏報外爲此附片密陳伏乞
聖鑒訓示謹
奏

續編卷二十四

三

進剿北路逆回連獲大捷摺

奏爲官軍進剿北路逆回連獲大捷現籌剿辦情形恭
摺馳報仰祈

聖鑒事竊臣於八月二十九日馳報剿辦中路土匪迅
就肅清現籌會剿北路逆回情形後據報固原回民毋
仲元等被陝回白彥虎等所脅挈眷北徙金積堡陝回
白彥虎及甘回李正榮等各股復由預望城黑城子竄
入固原州搗賊意在阻截官軍北行而以全力抗劉松
山也維時固原提督雷正綰駐軍古城川右家溝八月

續編卷二十四

三

二十四日陝回白彥虎甘回李正榮穴撲官軍營壘適
提奏提督周蘭亭自瓦亭馳至會同雷正綰擊敗之賊
復喉預望城半箇城李旺堡各處之賊紛來抗拒臣已
調提督銜前衛州鎮總兵簡敬臨二品頂戴按察使銜
陝安道黃鼎自中路馳至二十八日簡敬臨周蘭亭黃
鼎出隊辰刻抵二十里鋪偵賊由平川兩路衝來官軍
分三路迎擊賊衆趨至氣殊驕甚官軍嚴陣卻之鎗礮
對施斃悍賊數十名鏖戰逾時雷正綰隊伍由黃毛嶺
壓下簡敬臨周蘭亭黃鼎麾軍猛進奮威衝殺賊不能

支各營馬步乘勢壓擊斃賊二三百名城中賊復護老弱衝出官軍分途橫截將賊衝爲數段各賊及固原賊賊均向黑城子敗遁各軍躡蹤緊追至固原北三十里頭營地方沿途斬殺無算計其斃賊一千有奇生擒千餘名分別斬釋奪獲騾馬千餘匹刀矛鎗礮數百件此二十八日官軍會剿逆回獲勝肅清固原之情形也訊據賊供劉松山自八月初三日郭家橋大捷後旬內又疊獲大捷馬化濠喉甯安四百戶同心預望各堡回泉再與劉松山決戰因恐固原各軍並進遣馬萬春等喉

續編卷二十四

三

陝甘回衆力抗南路之師臣當飛催固原各軍乘勝速進期與劉松山收夾擊之效雷正綰簡敬臨周蘭亭等調黑城子踞逆因官軍進固原白彥虎李正榮敗後一日數驚各回衆紛紛北徙九月初三日四鼓各軍秣馬蓐食整隊前進行距黑城子四里許瞭見賊衆蟻聚平川騎賊布滿東西兩岸官軍步隊從中路排進馬隊張左右翼徐行賊見官軍至正分股上川抵禦馬隊疾馳繞出黑城子之後賊衆大亂步隊乘勢薄之賊不及歸巢冒死扎竄步軍立破黑城子回堡擒斬多名馬隊躡

至界牌沿途殺斃數百名獲騾馬百餘匹仍收隊回固原適三百戶地方良回穆進善報稱白彥虎等被創後糾合禹得彥楊文治由黑城子旁出胡家廖坡大股屯踞距固原六十里之三營地方雷正綰簡敬臨周蘭亭約黃鼎出隊自率所部於初八日進剿偵賊已到頭營地方伏各破堡中步隊遂密結方陣整隊徐行騎兵張兩翼前進遇賊即擊均有擒斬連日賊且堵且退似引官軍深入者初十日黎明周蘭亭簡敬臨留兩成隊護輜重於楊老莊各率八成隊進剿行未數里該逆大股

續編卷二十四

三

風馳雨驟而來簡敬臨飭總兵姚連陞譚正明彭壽山率隊進左路周蘭亭飭總兵趙玉亭劉明泰知州黃立鰲率隊進右路親率所部及廣東高州鎮總兵徐文秀縣丞吳恩榮居中參將桂錫楨領馬隊出左路之左參將李廣珠領馬隊出右路之右分布甫定該逆以大股猛撲中路另股從左右兩路抄來兇悍殊常各營屹立不動俟其漸逼漸進乃以線鎗洋鎗連環轟擊夾以劈山礮賊中人馬應聲而倒勢漸不支周蘭亭簡敬臨麾左右兩路馬隊飛馳陷陣步隊繼之賊衆潰走官軍躡

至三營地方敗寇入堡死拒左右坡堡內伏賊齊起周蘭亭簡敬臨飭姚連陞趙玉亭等兩路出隊擊之馬隊斜抄賊前各營愈戰愈奮銳不可當該逆越堡而遁堡外之賊亦奪路狂奔是處拔峻溝深賊中人馬自相蹂籍墮斃無數官軍分途扼截斃賊八百有奇生擒百餘名奪獲戰馬百餘匹敗賊向洪溝逸去當據賊供甘回馬萬春啖白彥虎禹得彥楊文治圖與官軍力戰今日擊敗之賊即馬萬春所統也訊畢斬之令彭壽山黃立鰲率所部憑堡扼駐以防黑城子何家溝抄襲之賊周

續編卷二十四

三

蘭亭簡敬臨仍率各營前進甫行數里後路探騎飛報何家溝突出一枝騎賊向撲彭壽山等營周蘭亭簡敬臨亟麾軍回援時該逆正與彭壽山等相持適雷正綰亦率所部各營馳至賊賊而奔各軍仍會合追剿將抵黑城子瞥見紅衣賊首率騎賊飛奔前來勒賊力鬪官軍整隊迎之馬隊亦下馬挺矛接戰立斃悍賊數十名賊勢稍卻忽紅衣賊首領數百騎飛馬突陣勢甚兇悍官軍分隊截之立將賊首截傷墜馬餘賊亡命搶護復經官軍格斃多名賊仍敗退訊據賊首乃陝回偽元

帥楊文治狡悍異常屢以撫誤官軍者也立斬其首以徇又追數里始收隊回營計是役共斃悍賊千餘名獲騎馬近千生擒百數十名此初十日各軍獲勝擒斬逆首情形也逆首楊文治首級解營臣令傳示受害各地方以昭

天討而快人心驗視楊文治所用鐵矛重十七斤其悍可想十一日雷正綰馬德順周蘭亭簡敬臨黃鼎各留一營駐黑城子防海城鹽茶廳預望城來犯之賊率所部馬步各隊進攻李旺堡十二日五鼓各軍齊由八營

續編卷二十四

三

地方進發行近李旺堡詞賊正挈眷而逃馬步各賊列堡外思抗官軍雷正綰等商令分兵三路齊進馬先步後賊望風而潰陣斬數十名乘勢衝殺立將李旺堡賊巢攻毀賊向半箇城竄走官軍馬隊猛躡之步隊兩路夾擊賊遇溝坎頓旗死抗官軍追之急逆騎輒擁擠不前自相路藉死者無數猛追三十餘里至永家莊沿途斃賊近千名得逸去者僅數騎耳訊之生擒賊知李旺堡賊首李應春綽號野賊老巢尚在李旺堡前五里地名穆家潭各軍立派步隊圍之是處堡小而固賊見官

軍至德堡抗官軍以炸彈劈山礮仰攻之肉薄而登立將賊巢攻破巢內悍賊數百名無一漏網生擒偽副元帥楊輝雲訛知賊首李應春赴預望城求援未回楊輝雲本陝回僞元帥李經舉之副也當斬以徇其漢民婦女幼孩則縱之是役斃賊千餘名獲騾馬千餘頭生擒百數十名此雷正紹周蘭亭簡敬臨各軍攻克李旺堡穆家潭情形也自楊文治伏誅後陝甘各回震懼益甚而金積堡馬化澂已屢為劉松山剿敗詭謀盡露且愧且悚不得不令各堡甘回迅速來撫以掩其勾結之

續編卷二十四

三

奸馬化澂新教各回堡以預望城即禹王城半箇城即同心堡為最大諸回日既受馬化澂指使就官軍求撫陝回心更不安於是陝回馬得彥白彥虎李經舉等之在預望城者潛率各部眾由鹽茶廳西竄約踞甯安四百戶之崔三馬生彥及馬正和部眾金積堡所留之陝回陳林等悉數西趨圖由長流水打拉城出會甯安定一帶南合河州之回暫延喘息黃鼎得各士回密報即商馬德順收隊黑城子會師追之臣所遣總理營務處四川候補道曾傳理適至黑城子共商一切十四日兩

軍由黑城子冒雪遊行六十里抵黃楊坪詢之士回知禹得彥等三日前尙盤踞鹽茶廳一帶追官軍攻克李旺堡始移家小輜重於西安堡李經舉白彥虎仍在黃家園黃鼎馬德順會商十六日馬隊先行步隊繼之為犁巢掃穴之舉追六十里至鹽茶廳見炊煙尙燃知賊去未遠馬德順督馬隊又猛追四十里至西安堡一望平川延袤三數十里四面賊帳布滿見官軍馬隊馳至老弱婦女號哭紛竄悍賊數千吹角齊出力拒官軍馬德順令馬軍分半下馬挺矛衝殺一半縱馬開鎗縱橫

續編卷二十四

三

盪決立斃悍賊五六百名賊勢大敗分向黃家園及西山一帶奔竄馬德順及黃鼎呼敦馬隊營官胡應芳黃虎臣整隊追殺見賊即研沿途又斃賊千數百名賊中頭目死亡者多不復成列馬德順見前面山谷紛岐急督各營分三路摺剿分統提督張會元向南山一路留陝補用副將崇志率吉林馬隊胡應芳黃虎臣率呼敦馬隊向北山一路自率黃旗及親兵小隊由中路黃家園進復追殺十五六里至劉家井路隘不容方駕兩旁皆深溝馬德順率親兵十餘策馬前行察看地勢忽兩

旁馬步伏賊數百齊出刀矛攢刺山上賊眾拋石雨下馬德順身帶刀矛傷七處猶與黃旗哨官副將張顯揚各手刃數賊力竭而殞張會元受矛傷三處吉林馬隊哨官全德受矛傷五處呼救馬隊哨官劉治均受刀矛傷七處經各營搶獲上馬折回計各營馬隊弁丁力戰陣亡者共三十餘名黃鼎隨率步隊馳至督隊勒馬回擊飛催步隊分路向前衝殺始將逆賊擊退因路狹不能施展收隊還駐黃家園是夜黃鼎與張會元等面商飭黃旗小隊及副白旗護送馬德順張顯揚忠骸回固

續編卷二十四

三

原州而仍率所部馬步各營會同張會元所部副回旗馬隊崇志所部吉林馬隊於十七日由西安堡出乾鹽池向打拉城前進行六十里至乾鹽池探報打拉城見有大股逆回盤踞炊烟繚繚數十里黃鼎詢之降回知是甯安四百戶等處陝西回逆由長流水西竄者是夜四鼓馬步各軍急起躡之行近打拉二十里即見東北山梁一帶煙塵滾滾西去知逆賊已由打拉城竄動黃鼎飭左營押護輜重緩行飭參將林定遠總兵黃有忠參將朱蘭亭率所部步隊副將胡應芳率左營馬隊循

右路山梁進張會元崇志率所部馬隊循左路平川斜襲打拉城之後副將黃虎臣率所部馬隊循中路徑搗打拉城黃鼎自率副將李玉春副將何玉超等步隊繼之比抵打拉城見兩山開豁地勢寬平當飭馬步聯絡徐行賊見官軍馬步各隊誤為鹽茶廳西安堡前來會合之賊適然不驚官軍亦不動聲色迫逼近賊前號鼓齊鳴聲震山谷賊出不意狂號亂竄黃鼎揮軍橫衝直突立將賊眾截為三段一奔向打拉城一奔向東北山一向北面亂山狂竄李玉春何玉超各率親兵及洋礮

續編卷二十四

三

隊分路截殺斃賊數百墜崖跌斃者不可勝計於時呼敦石營馬隊逼近打拉城逆眾憑街口抗拒弁丁下馬開鎗轟擊刀矛手猴騰而上立將堡城攻破逆眷騾驢糧料輜重塞滿街衢黃虎臣帶隊從人畜堆中衝出街口逆回馬步數千拚命返鬪黃虎臣督勇下馬步戰李玉春何玉超等所部步隊適至結成方營橫貫賊陣張會元崇志所部馬隊適從左路平川抄出賊後前後夾攻斃賊無算騎賊先奔步賊則圍殺殆盡矣馬隊各營仍向西追殺其右路馬步各營進攻東北山梁之賊甫

上第一重山梁賊之馬步已嘯聚一處山上壓下力抗
官軍胡應芳督馬隊繞上山梁之左林定遠督步隊繞
上山梁之右後兩營步隊又從中路整隊齊進立斃悍
賊數十名賊眾紛潰各營三面併進搶上山梁齊壓而
下追殺十餘里斃賊約四五百名收隊回打拉城行十
餘里忽山口突有紅旗馬賊數百飛馳而來林定遠黃
有忠朱蘭亭督隊截殺花翎守備賈洪順衝入賊中礮
子穿胸陣亡胡應芳怒馬陷陣步隊繼之立斃悍賊百
數十名奪獲賊馬數十匹賊賊飛奔上山而逸比各營

續編卷二十四

三

收隊回打拉城則夜半矣是役計共斃賊二千七八百
墮崖死者不計獲駱駝一千二百餘頭驢馬牛驢共二
千餘頭獲賊糧器械無數生擒二百餘名擇其兇悍者
百餘名軍前正法餘仍釋之此九月十六十八兩日黃
鼎馬德順馬步各營獲勝情形也 臣維馬德順黃鼎馬
步兩軍十六日擊敗之賊是由頂望等堡竄出之陝回
白彥虎禹得彥李經舉等股十八日所擊之賊是由甯
安堡四百戶等處竄出之馬生彥陳林顏阿洪擲萬海
治阿洪及馬正和餘黨是陝回悉數西竄甯夏靈州已

無陝回踪跡矣賊之西竄意在會合河州逆回此次雷
正綰周蘭亭簡放臨黃鼎諸軍擊之固原黑城子李旺
堡連獲大捷甘回不敢容留陝回以干剿辦預望城生
簡城章州堡各甘回均已欵營求撫 臣已飭總理營務
道員曾傳理察其誠偽分別辦理其陝回之竄至西安
堡打拉城者又經馬德順一擊之西安堡以西黃鼎擊
之打拉池以北計共殺悍賊數千賊之糧食輜重軍械
牲畜實已拋棄過半似甘肅北路肅清可期 臣現檄雷
正綰由半箇城進長流水新堡子周蘭亭簡放臨繼之

續編卷二十四

三

期與黃鼎馬步諸軍收夾擊之效其先竄一股黃鼎所
部陞用提督徐占彪步隊三營已於十七日由靜甯州
赴會甯截剿 臣所調提督楊世俊正四旗馬隊亦於二
十二日馳抵靜甯州二十三日馳往會甯合隊賊如由
會甯出安定黃鼎一軍及張會元崇志馬隊當先顧蘭
州肖會然後追剿向河州之賊諸軍西趨其固原黑城
子李旺堡一帶新復之區不可無軍填紮現檄記名總
兵張福齊率所部五營分駐黑城子李旺堡記名提督
周紹濂率所部四營分駐瓦亭固原州以重北路之防

而通諸軍之氣臣拜摺後料理後路糧運事宜即進軍
平涼布置一切將來或由中路或由南路前進或緩或
急屆時惟當審度機宜慎以圖之所有此次連獲大捷
在事將士戰功卓著合無仰懇

天恩加以甄叙提督銜前衢州鎮總兵鏗僧額巴圖魯
簡敬臨請

賞給頭品頂戴題奏提督利勇巴圖魯周蘭亭請

賞換清字勇號提督銜記名總兵果勇巴圖魯姚連陞
請以提督陞用提督銜記名總兵豪勇巴圖魯劉明泰

續編卷三十四

三

請

賞給三代正一品封典閩浙補用總兵趙成學請

賞給勇號記名總兵譚正明請

賞加提督銜陞用總兵彭壽山請以總兵補用留陝補

用副將崇志請

賞加勇號副將銜甘肅補用參將桂錫楨請以副將仍

留甘肅補用儘先補用參將劉曉嵐請以副將補用湖

南補用參將楊光龍請以副將仍留原省補用副將銜

儘先參將李廣珠請以副將儘先補用遊擊銜湖南進

補都司簡宗儀請免補遊擊以參將儘先補用候選縣

丞吳恩聚請免選本班以知縣留於甘肅儘先補用並

賞加五品陞銜陝西提督達春巴圖魯雷正綰二品頂

戴按察使銜陝西陝安道呼敦巴圖魯黃鼎應否

頒賞物件各營馬步員弁兵勇可否擇其尤為出力者

彙案保獎均出自

天恩不勝感激待

命之至所有官軍會剿北路逆回連獲大捷情形謹會

同署陝甘總督臣穆圖善幫辦軍務署陝西巡撫臣劉

續編卷三十四

美

典合詞馳陳伏乞

皇太后

皇上聖鑒訓示施行謹

奏 同治八年九月三十日

同治八年十月初七日內閣奉

上諭左宗棠奏官軍會剿北路回匪連獲勝仗請將出

力各員獎勵一摺陝甘回股由預望城黑城子竄入固

原州經提督雷正綰等分路迎擊立破黑城子回堡擒

斬多名甘回馬萬春賊陝回偽帥楊文治等旁山胡家

原坡大股屯踞西原之三營地方分撲官軍營盤雷正
綰等設伏迎剿鎗礮施放賊無數黑城子踞逆楊文
治率賊騎數百飛馬突陣官軍分隊迎截立將楊文治
殲斃先後殺斃悍賊千餘名生擒百數十名雷正綰等
率隊進攻李旺堡穆家澗等處賊巢即時攻破擒斬偽
副元帥楊輝雲一名其由預望南安等堡竄出各股亦
經道員黃鼎等奮勇截擊殺斃二千餘名陝回悉數西
竄尙夏靈州已無陝回蹤跡剿辦甚為得手即著左宗
棠嚴飭各軍乘勝進攻盡殲醜類此次尤為出力之總

續編卷三十四

兵簡敬臨著賞給頭品頂戴提督周蘭亭著賞換捕奇
巴圖魯名號總兵姚連陞著以提督陞用劉明泰著賞
給三代正一品封典趙正亨著賞給克勇巴圖魯名號
譚正明著賞加提督銜彭壽山著以總兵補用副將崇
志著賞給達春巴圖魯名號參將桂錫楨著以副將仍
留甘肅補用劉曉嵐著以副將儘先補用楊光龍著以
副將仍留湖南補用李廣珠著以副將儘先補用都司
簡宗儀著免補遊擊以參將儘先補用縣丞吳恩榮著
免選本班以知縣留於甘肅儘先補用並賞加五品陞

銜提督雷正綰著賞給大荷包一對小荷包兩個白玉
搬指一箇白玉翎管一支火鑷一把道員黃鼎著賞給
大荷包一對小荷包兩箇白玉搬指一箇白玉翎管一
支火鑷一把以示鼓勵其餘出力員弁著准其擇尤保
獎毋稍冒濫該部知道欽此

軍機大臣 字寄同治八年十月初七日奉

上諭左宗棠奏北路官軍剿辦匪勢請將出力各員獎
叙一摺陝回白彥虎甘回李正榮各股由預望城等處
竄入固原經雷正綰各軍分路擊敗馬化隆又遣馬萬

續編卷三十四

春等進擾南路官軍在黑城子一帶追剿獲勝將逆首
楊文治殲斃其李旺等賊巢亦即攻破並生擒賊帥楊
輝雲陝回禹得彥等約京西趙道員黃鼎等軍追至打
拉池一帶將賊痛擊甯靈現無陝回踪跡本日已明降
諭旨賞給雷正綰等物件並將總兵簡敬臨等分別獎
叙矣此次陝回糾眾分擾意圖阻截官軍白彥虎等雖
負剽西窺難保不勾煽河州各回復行東犯左宗棠現
檄雷正綰等軍分投防剿並擬進軍平涼著即嚴飭雷
正綰等各率所部相機夾擊將未獲之各回目擒斬淨

盡以靖陝氛並著將後路糧運事宜趕緊布置於抵平涼後斟酌緩急整軍前進一面將蘭州省垣及河州狄道防剿各務悉心籌畫並飭張會元崇志等力顧蘭州不可稍涉疎虞馬化澂是否顯露叛跡抑係求撫緩師靈州一城如果失陷究爲何般所襲均著該大臣遵奉前旨將該城有無被陷及劉松山濫殺激變各情迅速查明具奏其預望城半箇城各處甘回既經欵營求撫卽著飭令會傳理妥速辦理但不可爲其所紿致貽後患將此由六百里諭令知之欽此

續編卷三四

三

馬德順陣亡請卹片

再統領奇營馬隊記名提督浙江處州鎮總兵博啟巴圖魯馬德順自咸豐十年會國藩派帶馬勇二百名隨臣征剿安徽江西浙江各省髮逆由守備銜千總積功洵擢總兵蒙
恩簡放處州鎮總兵同治六年臣調任陝甘總督時馬德順卽請赴陝甘隨同征剿嗣因會國藩調隨李鴻章剿捻未果上年臣在直隸剿捻事畢西旋始奏調入秦該員其事十年轉戰五省勞烈爲臣所素知其人品行

端嚴言動不苟治軍最尚紀律於馬戰聚散分合及飼養章程講求有素尤一時將領中所僅見此次遵調會剿道過涇州與臣晤談慨然以肅清西北自任十六日之戰於蜂屯蟻聚之中奮厲無前領隊衝殺五十餘里將西安堡一帶賊巢數十處概予踏毀各營請少憩以待步隊之至馬德順以賊雖大敗而首逆未擒須及前途狹隘逆賊團聚處猛躡之冀可多殺當飭各營分途衝擊自率十餘騎策馬先行察看地勢以便調度行至劉家井瞥見羣賊數十擁一賊逃馳而前馬德順拍馬

續編卷三四

早

飛追鎗中賊首落馬旋爲兩面伏賊環繞羣矛刺傷猶與副將張顯揚格殺數賊始殞當黃鼎張會元飛報馬德順陣亡將半箇城良回丁化鵬等亦馳告黑城子各營稱逆首白彥虎業經馬隊殲斃臣未敢信茲復據道員會傳理及周蘭亭等緘報各降回會稱白彥虎腰中子傷立斃屬實而黃鼎十八日報捷之稟則未叙及臣亦不敢冒昧具奏竊維馬德順血戰捐軀卽無陣斃首逆之事忠義大節亦足上邀
褒卹况既有所聞因亦未可任其掩抑不彰仰懇

天恩飭部將記名提督浙江處州鎮總兵博啟巴圖魯
馬德順照提督陣亡例給

卹典並懇

賜諡

恩准建祠河南洛陽原籍及甘肅西安堡地方以彰戰
績而安忠魂其同時遇害之副將張顯揚花翎都司張
成進董萬青擬保都司熊天起把總楊大鵬沈鳴山徐
壽喜李大榮外委姚光成均應請
旨飭部各照官階從優議卹並附祀馬德順專祠以彰

續編卷三十四

聖

忠義其十八日之捷黃鼎所部花翎守備擬保都司賈
洪順力戰陣亡應請

旨飭部一併照擬保都司議卹謹附片陳明伏乞

聖鑒訓示施行謹

奏 同治八年九月二十日

同治八年十月初七日內閣奉

上諭左宗棠奏請將陣亡總兵馬德順等分別予卹建
祠等語記名提督浙江處州鎮總兵馬德順前在安嶽
江西浙江直隸等省疊次帶勇剿賊著有戰功七年經

左宗棠調赴陝西本年九月在甘肅西安堡一帶地方
剿匪踏毀賊營數十處殺賊甚夥該員以首逆未擒深
迫遇伏力戰陣亡殊堪嘉憫馬德順著照提督陣亡例
議卹並加恩予諡在河南洛陽原籍及甘肅西安堡各
建專祠同時遇害之副將張顯揚都司張成進董萬青
擬保都司熊天起把總楊大鵬沈鳴山徐壽喜李大榮
外委姚光成均著各照官階從優議卹並附祀馬德順
專祠其黃鼎所部陣亡守備擬保都司賈洪順並著照
擬保都司議卹以彰忠烈該部知道欽此

續編卷三十四

聖

請俟捐務辦有成效分別獎叙片

再臣准西征糧臺翰林學士袁保恆咨稱各省設立甘
捐分局全在局員實心經理方足以廣招徠而收實效
請明定賞罰以示勸懲等因前來臣維甘餉奇絀不得
已而藉助捐輸復設分局以資協濟若各局員等不
能實力勸辦於軍需仍屬無補該學士請明定賞罰自
係為整頓捐務起見臣擬嗣後各省分局收捐米折至
十萬石以上者卽予
奏請獎叙一次如辦理不善虛糜經費卽由袁保恆會

同各省督辦大員隨時分別撤委記過庶局員皆知奮
勉於捐務實... 裨益是否有當謹附片具陳伏乞
聖鑒訓示施行謹
奏 同治八年八月三十日

軍機大臣奉

旨戶部議奏欽此

續編卷二十四

四

左恪靖侯奏稿續編 卷二五

恪靖奏稿續編卷二十五目錄

遵查劉松山各情覆陳摺

劉松山續獲大捷摺

各軍剿匪獲勝摺

郭寶昌等請新開

南路官軍剿匪獲勝摺

北路官軍收復雲州攻克堅寨摺


知州尹泗等死事情形片

陳明進駐平涼片

續編卷三五目錄

易德麟病故請卹片

令周開錫總統秦州各軍摺



四五三

遵查劉松山各情覆陳摺

奏為遵

旨覆陳仰祈

聖鑒事竊臣於同治八年九月十二日欽奉九月初六日

諭旨定安等奏降回變亂靈州失守一摺本日據神機營王大臣奏接據定安函稱探聞劉松山一軍行抵靈州城北駐紮不分良莠肆行殺戮以致降回疑懼陷城搶糧等語著將起衅情形查明具

續編卷二十五

奏不得稍涉回護等因欽此並續奉

諭旨飭查臣維劉松山一軍於八月初二日進抵靈州是夜據靈州知州及該州已撫回日周斌詣營面稟陝回自敗竄靈境後占踞甘回莊宅甘回畏其悍不敢較劉松山以甘回既久經受撫自宜示以區別當面諭周斌密傳甘回安分自保並令自左肩至右脇斜繫草繩傳諭各營毋得濫殺飛札馬化澂傳知各寨堡毋稍驚疑一面出示曉諭弁飭周斌選派甘回十餘人陣前傳示所過各回堡俾咸知官軍祇剿陝回已撫之甘回安

居無恐初三日劉松山由靈州進兵郭家橋沿途各撫回堡寨竟敢施放鎗炮傍堡列隊大呼喊殺官軍勇丁受傷者六十餘名劉松山猶恐愚民無知置之不理初四日各寨堡紛紛出隊挑戰劉松山猶恐馬化澂尚未傳到或係甘回驚疑仍按兵不動又出示曉諭免勒初五日甘回各堡寨復列隊近營施放鎗礮比官軍出隊仍歸寨內初六日列隊撲犯官軍營壘劉松山始出隊擊之其一切情形臣曾於八月二十九日摺內詳敘九月二十日接到劉松山報八月初七至十二日五獲大

續編卷二十五

二

勝公牘內敘及十二日據靈州逃出勇丁洪得勝稟稱靈州城內甘回將城門關閉亂殺漢民前派去護餉之總兵銜副將謝榮華陳永錫及續派去靈州買糧之提督曹加正總兵銜副將陳明遂副將張福星彭友亮張細祿王榮華及勇丁七名均不知下落詳閱來牘於州城文武曾否遇害未據敘及即護餉員糧各員弁勇丁亦無確實下落未便據以入

告且據劉松山緘稱馬化澂以官軍迅進下橋據永甯湖要害之地故喉靈州甘回劫我餉銀截我後路意圖

製官軍回援可乘勢奪踞下橋要津而專兩渠之險暫宜置之不理臣比令將靈州會否失陷文武員弁如何下落知州鍾牧是何名詳細開報以憑入

奏尙未接其覆牘項又據道員會傳理緘告得劉松山十月初六日信九月二十三日攻克劉家寨西北七寨二十九日克復靈州城池並破城外四寨一壘十月初二日攻克營東十餘里里仁渠一帶大小九寨其公牘由環縣一帶繞遞均尙未到蓋環慶山谷盤互殘破以來千里白骨黃沙人烟闕寂文報難通也此後各軍齊

續編卷三五

三

近聲息相接或可附便馳遞臣竊維馬化澂之陰賊險恨天下共知自就撫後築寨修堡購馬造械仍與陝回互相首尾陝回敗則資以馬械陝回窮則助以軍糧從前屢見章奏自甯靈西達西甯南通河狄各回民無不仰其鼻息穆圖善會令招撫西甯河州諸回迄不之應且常陝所部掠蒙古藩部定安所訊據活賊白天才之供劉松山自花馬池南下時曾擊敗飽掠回巢章州蘇光棍之黨事皆在八月以前是時官軍未抵下橋也其變果誰激之言者所稱濫殺激變自是指八月初三日

郭家橋初次大捷而言馬化澂入月初四日所上臣稟於劉松山軍抵何處且一字不題豈果有濫殺激變之事而反爲諱之乎白彥虎禹得彥楊文治諸逆首之突犯固原州實馬化澂嘆其黨馬萬春幸之以來豈亦由固原各軍激之而然乎甘肅之民漢回雜處昔本漢多於回近則回多於漢若甯靈一帶周數百里則漢民幾無遺類固原州一城回民北徙後漢民存者不過十數靈州一城漢民存者不過數家其產業婦女均歸金積堡老弱死亡壯丁爲其傭工細履漢民之痛心疾首抑

續編卷三五

四

又何怪其然臣接靈州紳民之稟聳惕不安頗慮失茲不圖張駿元臭之患必見諸異日臣此時扶同徇飾欺已以負

皇上異日蒙

旨詰責死有餘辜至劉松山爲人忠勇而明方畧當時諸將實罕其比即如此次諸大捷正奇迭用他人得一已爲奇功而所陳戰狀語語切實絕少矜張亦可概見臣與曾國藩議論時有不合至於識拔劉松山於凡眾中信任最專其謀

國之忠知人之明非臣所及上年會舉以入告矣臣於劉松山雖有心愛護思為

國家保此將才然事關大局如劉松山實有濫殺激變之事咎有攸歸臣再代為庇護自蹈欺罔之咎臣雖至愚極陋不敢出此此區區微忱所求諒於

君父而不敢必者也自來辦賊之法剿撫兼施然同性犬羊知畏威而不知懷德辦理次第與他賊正有不同辦他賊先剿後撫辦回則必以撫為先蓋回之所藉為亂端者漢與回有異視也非宣布

續編卷三十五

五

朝廷德意分良匪不分漢回則賊有詞以脅其黨眾將剿不勝剿然若壹於主撫賊必以撫愚我陰集其黨眾蠶食漢民又將撫不可撫竊恐漸漬既久勢不至如雲南撫回為回所制不止臣前疏所言攻心為上者竊以為大局雖終歸於撫然非俟其畏剿之極誠心乞撫則固未可漫然允之現仍飭各軍前進一切剿撫機宜必俟劉松山察酌實局而後會同穆圖善核奏斷不敢草率從事致貽陟異日之憂亦不敢鹵莽相將致傷皇上如天之德所有辦理情形謹據實覆陳伏乞

皇太后

皇上聖鑒訓示施行謹

奏 同治八年十月十九日

劉松山續獲大捷摺

奏為劉松山全軍續獲大捷據實馳報仰祈

聖鑒事竊劉松山一軍八月初七日起二十八日止節次大捷情形臣已於九月二十五日馳報茲據劉松山報八月二十八日夜擒獲賊探訊據供稱吳忠堡北二里許顧家寨馬家寨踞賊本陝回白彥虎黨夥因屢敗

續編卷三十五

六

膽寒約今夜四鼓移向寨後而以陝回崔三所部賊黨填踞額馬兩寨劉松山遣人往探一面傳令步軍整隊以待四鼓前探飛報寨內火光漸出寨外火光亦漸近劉松山以兩寨相距不過數十丈飭各營分兩路向兩寨左右進一向兩寨之中進自率各營旗相機策應並分布左右兩支稍取遠勢以拒各堡援賊兩堡逸賊戒諸軍非近賊不開鎗呼殺比抵兩寨前見賊方出入互雜尙不知官軍已到也官軍擂鼓發號提督何作霖朱德開從中路衝入各路鎗砲齊施寨內外之賊均震懼

失措人號馬嘶自相蹂藉道員劉錦棠提督蕭章開乘
寨門未閉揮軍直入顧家寨馬家寨內外各賊殲斃殆
盡其顧家寨南小顧家寨內賊亦忙亂五品軍功董福
祥馳報劉松山立督各營分兩路抄擊提督易致中乘
勢破其外卡堆薪焚寨門提督譚拔萃軍功董福祥越
壕而入堡上磚石雨下壯士肉薄而登適寨門焚穿各
軍齊入寨內賊約四五百名無得脫者天明收隊留同
知直隸州知州李樹棠一營分駐兩寨其小顧家寨則
舉火焚之計是戰破回寨三座斃悍賊一千二百餘名

續編卷三五 七

生擒一百四十餘名內賊目毛遂生郭得貴李阿滿訊
畢斬之獲騾驢戰馬八百餘匹官軍員弁勇丁陣亡者
二十六名哨官受傷者六員弁丁受刀矛礮子傷者五
十一名受磚石傷者七十二名此八月二十九名大獲
勝仗情形也是日酉刻馬化澂遣人款營資臣所批就
近稟商劉松山雷正綰察看陝回就撫誠僞一件並咨
劉松山公文一件馬化澂並稟劉松山停兵待其勸導
陝回聽候核辦劉松山許之令其呈繳戰馬軍械九月
初三日馬化澂稟已諭令各陝回確具冊結懇定呈繳

馬械章程力請移軍吳忠堡界外劉松山飭將馬械悉
數呈繳再議初五日馬化澂呈遞陝回陳林禹得彥馬
鎮和崔魏等稟結懇轉稟臣暫緩進剿劉松山仍令將
馬械悉數呈繳再議初七日馬化澂稟繳擡鎗十桿小
鎗十五桿瘦馬二十四匹并解米糧一萬七千斤稟中於
甘回就撫與否一語不及劉松山知其詐嚴批申飭勤
限兩日悉繳馬械初九日有遊擊胡如東巡檢李廷光
來營同稱陝回又繳擡鎗五十桿馬五十匹存馬化澂
處即解送大營其餘馬械必俟官軍退紮橫城方可呈

續編卷三五 八

繳劉松山不准飭胡如東李廷光歸語馬化澂仍刻日
呈繳初十一兩日馬化澂並不稟覆而賊馬四竄似
胡官軍動靜者兩夜賊中修寨掘壕如恐不及十二日
胡如東李廷光復來營申前請劉松山不應詢胡如東
則穆圖善所委催糧者李廷光則曾被馬鎮和所脅者
劉松山知爲馬化澂央託而來飭仍語馬化澂將求撫
真僞情形據實稟覆然罔知求撫之非誠也十三日劉
松山親帶馬步隊伍赴余家湖察看賊壕縱營夫四出
割草試賊動靜午刻金積堡馬賊蜂擁而來吳忠堡亦

相繼出隊似誤以營夫爲官軍意圖抄截劉松山飭營夫回營官軍列隊急調老營出隊策應騎賊欺官軍隊伍頗單結隊數十圍冒死衝突步賊傍敬家莊兩堡排列劉松山令各隊猛撲之斃賊多名賊退兩堡旁開鎗死拒正塵戰間適老營隊伍馳至劉松山立飭蕭章開湯彥和李雲貴劉錦棠尹興茂譚拔萃喻執益等率所部從堡右抄出並防西南來援之賊飭朱德開李就山李樹棠等向堡北進飭董福祥兩營分附左右馬隊之後繼進賊見大隊齊至立即驚潰蕭章開劉錦棠留營

續編卷三十五

九

分兩路防援賊各率所部奮威衝殺斃賊甚多有步賊二三百收由原路回堡劉松山麾軍截擊盡殲之乘勢縱火橫燒堡門各營將士紛由堡之四面猱騰而上連克兩堡堡中賊無一漏網計是戰共斃陝甘各回八九百名生擒一百三十八名內有賊目馬阿忻馬光發一併正法軍前奪獲戰馬騾驢三百八十餘匹拾取鎗礮刀矛無數官軍陣亡員弁勇丁十九名受傷九十七名此九月十三日大獲勝仗情形也賊之連夜修寨掘壕也意圖引秦渠之水灌官軍營壘兼爲守堡計十四日

五鼓賊於吳忠堡南決開秦渠逼水東流辰初吳忠堡東南一帶平陸成川賊仍併力加土修壩劉松山飭何作霖譚拔萃周國勝由左路直攻壩西賊壘飭席大成易致中相機策應飭蕭章開湯彥和李雲貴劉錦棠尹興茂譚拔萃喻執益董福祥張俊由右路分兩支進飭朱德開李就山李樹棠相機策應飭潘運璋陳宗蕃彭緒祈譚上連率馬隊四營由右路之右進防吳忠堡以北援賊並飭各營如賊不過水浸溝則勿深進也迨各營進逼賊壘半里逆賊竟憑壘抗拒官軍奮刀進攻忽

續編卷三十五

十

西北騎賊約一二千飛奔來援衝過水浸溝蕭章開劉錦棠若無所見仍攻壘如故火器環施雷轟電掣賊不能支棄壘鼠竄官軍乘勢將水浸溝壩頭決開大溜西趨蕭章開劉錦棠急督馬步各營擊之賊向溝西潰走被水衝斷殿後騎賊二三百名折而北趨又爲馬隊截阻悉逼溺急溜中無得免者蕭章開劉錦棠見溝東一寨水淹堡脚吸溜甚急乘勢撲之寨中賊恟懼無措遂麾所部掘堡脚劈寨門立將溝東賊寨攻破是戰破壘決壩其殺悍賊六百有奇生擒七十四名立于斬決

奔獲驃馬一百四十餘匹軍械無算官軍陣亡員弁勇丁十一名受傷者五十六名此九月十四日大獲勝仗情形也十六日午後水勢漸消各堡之賊仍加掘長壕是夜劉松山傳令各營攜鋤鋪草束三鼓出隊向水漫溝取齊馬步五路後仍布壘陣銜枚而進距溝半里賊始驚覺憑壕開鎗絡繹奔赴是時月明如晝官軍五路齊撲賊不能支一面擲草撤土平壕壘進賊向西路劉家寨王家寨陳家寨縮退劉松山令馬軍列隊勿前飭步軍踰溝猛躡之賊因官軍追急未及入寨紛紛撲壕

續編卷三十五

十一

官軍乘勢掩殺之戮斃溺斃者頃刻屍積壕壘將士卽籍賊屍躍過其蕭章開劉錦棠所部兩支已抄出賊後賊無路可逃有退入堡中者有縱牆而上者官軍迅卽奪門而入同時將三寨攻破寨內外賊斬殺淨盡劉松山隨飭董福祥張俊留所部防守之急督所部進攻王家莊梁家莊兩堡又克之天明收隊計是役連破堅寨五座斃賊實一千五百餘名除陳家寨回目陳添玉王家寨回目馬合義於兵到時逸出外其餘三寨頭目馬大舉馬奮剛哈得招均經陣斬生擒逃回一百一十餘

名陣前正法奪獲驃馬七百餘匹牛羊數百頭各營員弁勇丁陣亡二十二名受傷者一百四十三名此九月十六夜蕩平賊壕賊寨大勝情形也劉松山軍糧均自河西採購由集昇堡轉般至營自賊決秦渠河水倒漾余家湖運道須繞由西北行走而王家高樓張家灘各回堡適當其衝十八夜劉松山飭各營裹糧聽令并多攜鋤鋪四鼓出隊向王家高樓比相距半里許賊已驚覺宵柝乍停砲聲頓起各營齊隊撲之堡中礮石如雨而人聲喧雜殊常劉錦棠乘勢猛攻一面填壕蹂

續編卷三十五

十二

騰而上賊開北門逃竄馬步各營分途掩殺逸出者無幾劉松山卽令李就山帶所部前旂入據該寨仍親督馬步各營向張家灘北進行八里天色已明見張家灘兩寨並峙寨西三里許爲朱家寨遂令分支進攻察看寨東寨西野濼縱橫不便布陣乃飭各營以次魚貫而行比近堡前礮石飛注如雨壯士躍壕以火器仰攻或積薪焚門或揮鋤掘堡前者帶傷後者繼進賊漸不支是時朱家寨回堡見劉錦棠肅章開大隊猛進卽啟西門向于家寨而遁劉錦棠蕭章開乘勢掩殺徑抵于家

寨寨中踞賊亦相率西竄劉錦棠蕭章開急麾馬隊左右抄截步隊從中路緊追賊無可逃盡由湖水溝亮水而過水深溜急三寨之賊得登彼岸者不過百數十人而已惟張家灘兩寨賊眾因官軍圍攻甚緊無路可逃拚死堅守至巳初乃破堡而入堡內之賊無一漏網劉松山以此五寨為北路糧運所必經飭馬隊分守俟所調花定後路四營至再以步隊更替填紮步隊收回老營計是戰破六寨一壘殺斃淹斃回逆計一千七百餘名生擒二百一十三名其張家寨回目馬得貴則於堡

續編卷三十一 七

破時訊明生擒斬決餘賊一併正法軍前奪獲驛馬四百餘匹礮械千餘件官軍陣亡員弁勇丁十六名受傷八十六名此九月十九日攻破寨壘大勝情形也十七日有人陷金積堡之山西湖北各省漢民來營具保馬化澂永無反覆狀劉松山閱其稟詞於甘回呈繳馬械及陝回投誠事並無一語敘及引詰其故據稱伊等從前在金積堡貿易被陷茲馬化澂扣其眷屬逼令來營具保委非所願詢以馬化澂是否甘心投誠甘回是否俯首帖伏則僉云不能知也劉松山嚴飭之十九日復

破王家高樓張家灘一帶六寨一壘老賊膽寒益可想見以理勢論之陝回既去金積堡賊勢已孤又經官軍連次痛剿其迫而求撫固在意中惟馬化澂狃於從前未受懲創仍肆狡謀其求撫也僅以陝回為詞自居勸導之名一若未嘗同領逆謀者所呈繳之馬械又係派各甘回擇其疲朽不堪者呈繳希圖狡賴如果代陝回求撫豈有代匿馬械陰縱其逃之理如果甘心悔罪豈有陰藏馬械留為後圖之理姑勿論指嗾陝甘各回力抗官軍罪狀昭著也現在賊勢衰微而官軍四集劉松

續編卷三十五 古

山已調花馬池定邊留駐之四營前往合隊記名副都統全福所帶吉林馬隊因全福難患甚劇委記名副都統雙壽代領西行其金運昌所統卓勝軍馬步均已行抵花馬池是甘肅北路局勢尚期穩固差堪仰慰聖懷至所有疊次陣亡之補用副將李洪吉補用參將李明發李恒楚補用游擊李三元補用都司易其友鍾錦棠陳志林拔補守備陳炳焯袁洪輝徐子武李華富張桂棟丁楚賢拔補千總劉友文拔補把總潘宗德龍桂益劉貴發均係衝鋒奪卞血戰捐軀應請

旨交部照所保官階從優議給

卹典以慰忠魂而昭激勸所有劉松山一軍自八月二十九日至九月十九日續破寨壘連獲大捷實在情形謹會同幫辦陝甘軍務署陝西巡撫臣劉典馳報伏乞皇太后

皇上聖鑒訓示施行謹

奏 同治八年十月十九日

各軍剿回獲勝摺

奏為各軍剿回獲勝現籌辦理情形仰祈

續編卷三五

五

聖鑒事竊陝回西竄叠經各軍截剿九月十八日以前戰狀業經 臣於九月三十日馳報其時二品頂戴按察使銜陝西陝安道黃鼎於打拉城免獲大捷詢知向西南敗竄之賊所賸不過二千餘人馬械糧食拋棄大半不復成隊由百草園郭城驛一帶竄走圖與前竄之禹得彥等合股黃鼎本擬派隊窮追旋探剿敗之賊馬鎮和陳林等股尙在新堡子收集衝散賊屬慮其糾集為患仍擬乘勝剿之二十一日五鼓督隊東趨天明抵王家井溝見騎賊數百往來馳騁似窺探追軍者迨見官

軍旗幟微露迹卽擊隊狂奔黃鼎令步隊居中馬隊張

左右翼前進賊伏南北兩山中見官軍整隊猛進自量不支向東敗走各營躡至新堡子山徑開豁地平如掌馬鎮和陳林等列隊抗拒官軍奮威衝殺立斃悍賊數十名賊卽奔潰記名提督張會元留陝補用副將崇志及黃鼎所部馬隊兩營追殺十餘里斃賊百餘名步隊接斬兩山及新堡子街內外之賊約數百名計共斃賊六七百名拔出被裹漢回千餘名奪獲驃馬百餘頭訊據難民供稱十八日之敗頭阿洪九社營老野阿洪擺

續編卷三五

六

萬馬生彥馬鎮和各股死傷大半惟陳林馬長順在後聞前股大敗遂便縮退倖免賊首白彥虎實已於西安堡伏誅打拉城之敗藍九阿洪亦經官軍陣斬藍九阿洪者陝回素所崇信者也陳林馬鎮和等敗蹙之餘仍圖折回金積堡是時陝西提督雷正綰聞陳林馬鎮和等有回竄之信率所部由半箇城向長流水地方截之二十三日行至何家口遇騎賊數百擊敗之遙見長流水一帶炊煙大起知賊屯踞此間二十四日整隊前進適賊正擊眷紛逃雷正綰率隊衝殺斃悍賊二三百名

賊向四百戶地方竄去二十五日提督周蘭亭率所部馳至當即會隊追剿冒雪疾馳沿途接斬甚眾追至黃河邊上橋地方探報甘回李應春率賊十餘自西路橫截而東勢出官軍之後雷正綰周蘭亭即率隊分途截剿行過北口與賊遇兩軍夾擊斃賊約數百名又追至石家溝斬賊百餘是夜駐石家口二十六日仍整隊追剿行五十里抵馬家河陳林馬鎮和等逆知道軍將至先將輜重眷屬送往金積堡自率悍賊二三千殿後拒官軍雷正綰周蘭亭結方陣擊之賊不能支紛紛潰走

續編卷三五 二

官軍馬步緊追二十餘里驟見賊之輜重家小在前逆賊復回戈返門官軍奮衝殺斃賊數百名奪獲戰馬駝騾數百匹軍械無算薄暮收隊馬家河灣自半箇城迤北一片沙漠水草均乏官軍糧盡引還此雷正綰周蘭亭截剿陝回及甘回獲勝情形也西竄之崔禹等逆臣原調升用提督徐占彪步隊三營記名提督楊世俊馬隊四營由靜甯州出會甯安定之間相機截剿九月十七日徐占彪由靜甯拔隊啓行忽接會甯縣官紳稟報前次勦賊土匪張貴侯得應等逃至會甯又囑聚匪

黨攻掠會甯北川十四五日攻破岳家等堡寨六處勢復披猖請兵速剿十九日徐占彪馳抵會甯二十日黎明出賊不意率所部兩路擊之斃匪百餘名張貴率匪黨伏地乞撫徐占彪率所部押令回靜甯點驗分別遣散二十三日楊世俊馳抵會甯詢知陝回經官軍擊敗後由會甯之城郭驛紅堡子等處紛紛西竄楊世俊於二十四日五鼓由乾溝驛繞出牛馬墩遇賊騎千餘護眷屬走楊世俊督馬隊兩旗掩擊立斃悍賊數名兩旗左右抄出賊益不支追至馬家堡沿途斬賊甚眾就地

續編卷三五 六

安營二十六日躡追至嶮口斬斃後悍賊八十餘名生擒九名奪戰馬二十餘匹賊之老幼婦女墮崖死者無數急催徐占彪步隊赴嶮口會合以便縱擊二十九日楊世俊率馬隊抵車道嶺探知賊將眷屬輜重移紫漫窪站灘一帶而悍賊則紮甘草店大營川以拒追軍初一日徐占彪率所部步隊至嶮口即於是夜五更合隊齊由車道嶺出甘草店賊列隊死拒官軍官軍整隊衝殺賊仍收走追至大營川收隊初三日黎明楊世俊徐占彪率馬步仍分三路追至高崖先後逃竄之賊均已

麇聚於此徐占彪飭步軍結成方陣楊世俊飭馬隊張左右翼擊之斃悍賊百餘賊敗走步軍滾隊緊逼馬隊左右斜抄賊勢不支紛由水家坡新營兩路敗走漫窪官軍蹙之陣斬三百餘名及抵站灘地勢狹隘羣賊擁擠不前憑卡死鬥官軍亦不能施展楊世俊令所部下馬開鎗刀矛手從卡旁搶上徐占彪由兩山覓徑抄出立斃悍賊五六百名歷追至距狄道州四十餘里之漫窪十八盤始收隊而回計連日截斃殺斃悍回千數百名奪獲戰馬騾驢千餘頭拔出漢回難民數百名此楊

續編卷三十五

无

世俊徐占彪等馬步七營獲勝情形也初四日黃鼎率所部馬步各營及張會元崇志等馬隊馳至則賊已由狄道向河州竄去黃鼎以臣前檄先顧蘭垣再進剿河州之賊現在中路南路赴省驛道疏通蘭垣局勢自固稟以楊世俊馬隊四營紮安定以兩營紮紅土窰徐占彪步隊兩營輔之以通蘭垣之氣擬以步隊七營紮會甯張會元崇志馬隊暫紮靜甯西數十里地方就水草黃鼎暫赴靜甯點驗張貴降眾分別辦理事定聽調臣擬令其事定後先赴蘭垣附近擇要安營俟北路局勢

畧定臣再相機調遣規復河州已發銀二萬兩交藩司崇保令其採購軍糧矣以現在局勢論之陝回被剿悉數西趨惟九月十八日打拉城大捷後陳林馬鎮和等敗殘餘逆復折而東竄又經黃鼎躡追雷正綰迎剿所贖能戰之賊不過二千餘老幼婦女則漫山遍野不知其數十月初四日遞稟赴道員會傳理處據稱已由馬化澂轉稟劉松山先繳馬械一半乞降詞甚哀切臣接馬化澂初六日稟亦同惟詭稱不知是否誠實臣察其情詞則窮蹙乞撫本無可疑馬化澂故意顛倒以飾其

續編卷三十五

三

前此之詐耳會傳理當飭聽劉松山批示而雷正綰周蘭亭兩軍已於初六日由四百戶進擬駐黃渠橋邊逼之簡敬臨張福齋亦於初六日進駐韋州堡與劉松山會商辦理其甘回頭目馬化澂之黨馬萬春馬中海李應春等均紛赴會傳理處求撫良回李百寬丁化鵬穆進善等則為官軍代購糧料遞送文書惟恐弗及臣飭會傳理一律安撫以昭分別至陝回自鹽茶廳逃竄經官軍衝散後老弱婦女號啼四散凍餒難堪現經會傳理飭各良回認保收養已不下萬數千口俟事定乃能

分地安插也所有各軍剿回獲勝辦理情形謹會同署
陝甘督臣穆圖善幫辦陝甘軍務署陝西撫臣劉典合
詞馳陳伏乞

皇太后

皇上聖鑒訓示施行謹

奏 同治八年十月十九日

郭寶昌無庸折回山西片

再正拜摺間欽奉

寄諭金順奏會師南進大獲仗並請飭郭寶昌黃鼎等

續編卷三十五

三

軍前進各摺片此次金順等會師南進連獲勝仗逼紮
老巢洵足以寒賊膽前有旨令郭寶昌前赴山西歸李
宗義調遣左宗棠諒遵旨辦理黃鼎雷正綰等在打拉
城一帶剿賊現正得手能否抽赴北路著左宗棠斟酌
調撥至金運昌一軍打仗尙屬得力該大臣即令該提
督率隊前進會同劉松山一軍與金順張曜派出各軍
相機夾擊以壯聲援據左宗棠奏稱甯靈一帶已無
陝回蹤跡茲覽金順所陳大股陝回麇集甯屬東西兩
岸唐漢兩渠并被挖斷各情與左宗棠奏報不符比時

甯靈界內究竟有無陝回抑係甘回滋擾均著該大臣
詳細查明據實具奏欽此 臣維金順張曜所剿之納由
關等處賊巢在甯夏府城南四十餘里納萬元本是甘
回所稱糾合陝回各股何股何人無從查悉自固原李
旺堡大捷後韋州預望半箇城陝回悉數由鹽茶廳西
甯其甯靈交界之黃河南岸甯安四百戶等各堡所踞
陝回悉數由長流水出打拉城一帶西南竄與之會合
馬德順黃鼎九月十六日西安堡以西之捷所剿是由
鹽茶廳西竄各大股陝回則餘之賊現入河州黃鼎等

續編卷三十五

三

九月十八日打拉城以北之捷所剿是由甯安堡四百
戶西南竄各大股陝回打拉城去甯靈約五六百里賊
悉數挈眷而遁故 臣九月二十五日摺報甯夏已無回
蹤九月三十日摺報甯靈已無陝回蹤跡也賊自打拉
大敗後折回新堡子又經黃鼎擊敗陝回頭目陳林馬
鎮和等逆星夜竄回金積堡二五五六等日雷正綰周
蘭亭敗之馬家河灣東北一帶 臣前奏甯靈已無陝回
蹤跡其時不知陳林馬鎮和等逆敗後復又折回也現
飭雷正綰周蘭亭等進剿陳林馬鎮和等逆已由馬化

隆轉稟劉松山乞撫尙未據劉松山報到金順張曜此
次所報勝仗似係九月二十五六日以前之事如在九
月二十五六日以後則所稱陝回各股當即由新堡子
折回之陳林馬鎮和余彥祿等股金順張曜所剿之納
中開在黃河北岸雷正綰周蘭亭所駐之馬家河灣在
黃河南岸相距約計百餘里頃據雷正綰緘報又接獲
勝仗即係此股卻未敘及金順張曜等剿賊情形容即
查明馳

奏至金運昌九月二十三日已抵甯條梁郭寶昌前報

續編卷三五

五

九月十九日病痊起程前往合隊臣於十月十二日欽
奉

寄諭飭郭寶昌歸李宗義調遣當即飛檄遵照續據郭
寶昌十月初六日稟已由清洲進發竊計此時已行近
花馬池一帶若再令其回赴山西往返二千餘里徒滋
勞費臣又飛檄郭寶昌自行酌奪覆侯具奏請

旨郭寶昌金運昌異姓兄弟各有其長郭寶昌爽直奮
勇而紀律難言英翰又多收降捻交其統帶故此入
關以來地方甚受其累金運昌人尙樸實講求紀律而

英銳之氣不如郭寶昌兩者相需而行離之則兩害伏
懇
聖明指示如郭寶昌實已行近花馬池可否無庸折回
山西之處出自

聖裁至山西冬防實須早爲準備李慶翱斷非勝任之
人臣前此劾奏李慶翱均有實據鄭敦謹以臣前奏中
有魚緣一語疑臣爲暗含譏切則誤會也鄭敦謹本臣
三十年前舊交臣深知爲介慎君子豈有違心譏切之
理况敢以不實之詞妄陳於

續編卷三五

五

君父之前乎臣於李慶翱自可毋庸再加糾劾致啟論
端然山西河防若恃李慶翱必至貽誤臣既心有所知
不敢不以上

聞伏乞

聖鑒謹

奏 同治八年十月十九日

軍機大臣 同治八年十月二十六日奉

上諭左宗棠奏劉松山一軍續獲勝仗暨各軍剿回獲
勝並覆陳靈州現在情形郭寶昌毋庸折回山西各摺

片覽奏均悉陝回經官軍擊敗後竄踞顧家寨等處劉松山督軍進剿馬化澂屢以求撫為辭而賊中修寨掘壕並未少息該軍自八月二十九日至九月十九日疊破顧家寨馬家寨各處賊壘並斬賊目毛遂生等多名現在陝回已去金積堡賊勢甚孤惟馬化澂陰蓄詭謀每以乞撫為緩師之計若不痛加剿擊為患更深劉松山所謂花定後路四營計已早到著即飭令該提督乘此聲威合隊追剿毋任該逆從中勾結日肆蔓延如有真心悔罪赴營求撫者亦著該提督相機辦理所有疊

續編卷二五 五

次陣亡之副將李洪吉參將李明發游擊李三元都司易其友鍾綿堂陳志林守備陳炳煒袁洪輝徐玉武李華富張桂馥丁楚賢千總劉友文把總潘宗德龍桂益劉貴發均著交部照所保官階從優議卹黃鼎雷正緒等軍在新堡子等處各獲勝仗殺賊甚多賊由狄道向河州竄去現在赴省驛道已通著該大臣即飭黃鼎等分投扼紮遏賊回竄之路其蘭垣防剿事宜並著妥籌兼顧回人李百寬等該大臣仍當檄令會傳理分別妥為安撫靈州降回變亂現已收復查非劉松山濫殺所

致著毋庸議副將謝榮華等下落並著查明辦理刻下黃河水結山西河防更為緊要該大臣既以李慶勳為不足恃則郭寶昌赴晉之行尤不可緩著即檄飭該提督酌帶親兵迅赴山西金運昌已督軍抵甯條梁並著飭令迅速前進與劉松山軍會埽賊氛毋稍濡滯將此由六百里諭令知之欽此

北路官軍收復靈州攻克堅寨摺

奏為北路官軍克復靈州城池攻克堅寨連獲大捷據實馳陳仰祈

續編卷二五 五

聖鑒事竊劉松山一軍八月二十九日至九月十九日續破寨壘連獲大捷實在情形臣已於十月十九日馳報其時已據道員會傳理緘告得劉松山信知九月二十三日克復靈州城並破四寨一壘十月初一日攻克里仁渠一帶九寨前於遵

旨覆陳摺內約畧敘及然未接劉松山公牘故戰狀不能詳茲據劉松山牘稱九月二十二日馬化澂復遣漢民解米糧十萬斤來營具保馬化澂永無反覆狀仍不言呈繳馬械劉松山以撫局關鍵首在呈繳馬械今馬

化澂仍襲從前故智冀以甘言微利了事非誠心求撫可知察看金積堡東北馬家兩寨楊家寨金何李丁四寨雄峙參錯深濠環繞渠流滿注其中距提督蕭章開劉家營壘五里是夜劉松山傳令各營携鋤鋪草束四鼓出隊向劉家寨取齊馬步分五路布壘陣銜枚夜行一向馬家寨進一向楊家寨進各支列陣於後以拒各壘援賊比抵寨前賊始驚覺官軍號鼓齊鳴登將各寨合圍寨上礮石雨下各營擲草平壕揮鋤掘壘併力攻之火器環施飛光電轉大明楊家寨積薪著火煙燄蔽

續編卷三五 七

空寨中呼號喧噪壯士乘機猛進一鼓克之馬家兩寨見楊家寨已破恟懼益甚各營復乘勝薄之兩寨亦相繼而下劉松山比傳令各營進攻李丁金何四寨察看李丁兩寨地勢低窪溝渠交錯飭各營運葦築壩蓄水灌之未幾金積堡馬步援賊盡至劉松山自督各營穩築壩隄派道員劉錦棠提督蕭章開軍功董福祥分中左右三路擊之提督李占椿李雲貴為接應提督潘運璋陳宗蕃進左路之左提督彭緒所譚上運進右路之右各營奮力衝殺賊勢不支折而西奔官軍馬步急

追至秦渠邊賊中人馬擁擠橋梁忽斷殿後之賊見水而過戰勢窮斃無算餘賊向金積堡遁去各營返旗攻李丁兩寨渠水已淹逼堡脚矣寨賊勢蹙開西門出奔金何兩寨賊眾亦倉皇棄巢鼠竄官軍分支抄殺斃賊又多餘賊敗歸金積堡劉松山即令官軍分營填駐所破五寨收隊而旋是役計殺斃焚斃回逆約一千五百餘名回目馬玉喜已於堡破時格殺生擒百餘名內有回目馬得三當即訊明正法奪獲騾馬五百餘匹拾器械無數官軍陣亡員弁勇丁二十七名受傷一百七十

續編卷三五 八

一名此九月二十三日攻克劉家寨西北寨壘七座大獲勝仗情形也是日吉林馬隊及留駐花馬池定邊四營來下橋會師詢悉提督黃萬友副都統雙壽於十六日道出橫城時適探南路有騎賊駛到意似迎抗官軍黃萬友督飭步隊雙壽督馬隊張左右翼迎擊馬賊結數十團猛撲而來氣殊驕甚官軍併力壓擊鎗礮刀矛齊進賊敗退追逐十五里始行收隊計斃賊二百餘名奪獲戰馬五十餘匹器械甚夥官軍陣亡勇丁十名受傷十二名劉松山以該逆於竊踞靈州後因官軍未加

懲創自謂得計此次仍敢截阻後路之師應予痛剿二
十四日先諭馬化澹令靈州踞城叛回速出就撫免其
剿辦二十七日馬化澹始具稟來營仍請寬限劉松山
知其詐嚴飭之詎靈城賊留精壯守城並引陝回入城
助守其眷屬輜重則已於先日潛移金積堡矣二十九
日五鼓劉松山傳令各營裹糧夜起仍分五路布疊陣
整隊向靈州進架橋過清水溝行數里時已午刻瞭見
城南卡壘甚堅賊旗林立左右野潦縱橫淺者猶及馬
腹劉錦棠蕭章開分左右路覓水而進劉松山督各路

續編卷三五

五

直擣中堅抵城南五里團圓寺卡各營鎗礮仰轟拔去
蒺藜架木爲橋踰壕而上克其外卡餘賊向南門外里
許之石壘竄遁官軍緊躡之忽城東塵氛大起突出馬
賊千餘向西南馳突意圖抄截劉松山飭提督余虎恩
馬隊擊其左雙壽馬隊擊其右董福祥步隊副之騎賊
撲近陣前官軍馬步相依縱橫渴挾斃悍賊數十名敗
賊折向東南飛奔各營追殺十五里維時劉錦棠蕭章
開已抄近附城之卡壘旁矣城賊開南門出卡拚死拒
敵劉松山飭黃萬友周國勝朱德開李就山知州李樹

棠奮力圍攻城南石壘自督陶實昇易致中何作林譚
拔萃從中路猛進鎗礮環攻雷轟電掣賊勢不支爭入
卡門拋棄器械自相蹂踐劉錦棠蕭章開乘勢奪卡而
入敗賊縮退城中各營踴躍搶入見賊即斫城賊開東
北兩門狂竄官軍分道躡之追殺五里天色已向晚矣
收隊回城其南門外石壘踞賊二百餘名經黃萬友攻
破擒斬無遺是役實斃賊一千四五百名生擒二百七
十三名訊明賊目馬元生馬致和郭有利正法軍前拔
出漢民男婦七百餘名奪獲騾馬千餘匹器械千數百

續編卷三五

三

件官軍陣亡員弁三十一名受傷一百八十一名此二
十九日克復靈城大獲勝仗實在情形也是夜調靈城
敗賊踞城東迤南十里之海子墩買家莊十二里之馬
清兒羅家橋四寨劉松山留營駐防親督各營四鼓出
隊派劉錦棠蕭章開向海子墩進自督各軍向買家莊
進飭馬隊伏左右兩路並戒步隊如未破寨則列隊勿
動也部署既定軍士銜枚疾行直薄寨下賊始警覺中
軍搥鼓發號火器仰攻寨上亦礮石雨注軍士擲草掀
土填濠而過焚塞門搥堡脚四面擁登立將海子墩買

家寨攻克該兩寨回逆四五百名悉數殲之其馬清兒羅家橋兩寨踞賊見火光如晝喊聲震地礮轟如雷知官軍已奪海子墩買家寨矣遂開堡門從東南狂竄余虎恩雙壽馬隊左右抄殺之歷追十八里收隊而還是役斃賊六百餘名生擒四十二名訊畢於軍前正法拔出漢民男婦二百餘名奪獲驃馬三百餘匹器械多件官軍陣亡弁勇十四名受傷五十八名此三十日攻破靈州城外四寨獲勝情形也劉松山進城後察看城內倉廩廟宇官廨民廬半成灰燼瓦礫塞道飭黃萬友李

續編卷三五

三

樹棠移兩營駐之將節次拔出漢民安插州城設法撫輯一面招徠漢民認產復業初一日自率馬步各軍收回下橋老營營東十里爲里仁渠大小兩寨迤西兩莊迤北里許爲趙家寨迤東二里爲楊家三寨楊家寨迤北三里許爲馬家兩寨賊踞其中劉松山是夜傳令各營四鼓出隊分枝向里仁寨趙家寨進自督中軍相機而動令馬隊伏東南二三里防西南援賊劉錦棠蕭章開抵里仁寨半里守賊見官軍至大寨礮聲起小寨之賊倉皇出巢螳附大寨各營乘勢跟踪奪門而入賊眾

死門鎗礮對轟壯士從寨後肉薄而登寨內之賊狂號出奔官軍一鼓擁入寨門敗賊無路可逃有墮牆而殞者有投井而斃者守賊約四五百名蒐蕪盡淨劉松山乘勝督各營進楊家三寨令朱德開李就山董福祥圍趙家寨拔之守寨之賊約三四百名僅逸出馬賊數十騎餘盡殲旗楊家三寨之賊見各寨火起開門向正東狂竄陶之昇易致中何作霖周國勝兩路抄殺之逼入山水溝淹斃斃斃無算餘逆折回東南敗走天色已明忽西南塵氛蔽空突有騎賊二千餘來勢兇猛劉松山

續編卷三五

三

派劉錦棠蕭章開督隊進正東攻馬家兩寨自督步隊攔頭迎擊傷馬隊左右抄之悍賊死拒不退適馬家寨之賊經官軍攻破紛紛出寨亂竄賊眾返顧忙亂亦向西南潰走各軍四路掩殺陣斬步賊三百餘名收隊而還是役共計斃賊一千數百名生擒一百一十一名內有賊目趙蔣辣馬幅意訊畢斬之奪獲牲畜器械不可數計官軍陣亡員弁勇丁十八名受傷九十四名此十月初二日攻克里仁渠大小八寨兩莊之實在情形也方劉松山前月二十九夜之入靈州也馬化澂來稟

靈回正在出城忽有南來陝回乘閒進城焚掠請示邊
辦并央派辦撫局之總兵胡昌會請於甯郡五屬擇地
安插意在飾其勾結之謀不意劉松山九月二十三日
破馬家寨時已搽出馬化澂九月十三日給偽參領馬
三重吳天德楊長春糾黨抗拒偽札一封偽銜刻統理
甯郡兩河等處地方軍機事務大總戎馬鈴以偽印其
狂悖之狀陰狡之謀已經敗露也陝回陳林馬鎮和等
股及從前雜匪金積堡之鄒保和沙學德等據雷正綰
等馳報初七日又經劉松山痛剿勒令悉數呈繳戰馬

續編卷三十五

畫

軍械尙未接據劉松山馳報其雷正綰周蘭亭初八日
由四百戶馳抵鳴沙洲調張恩堡東西四堡爲馬化澂
先鋒袁希孟所踞初九日兩軍整隊齊進先攻東西依
崖兩堡破之斃賊二三百名釋其老幼婦女獲戰馬六
十餘匹袁希孟即率西面三堡回眾伏地泣懇收撫願
將馬械悉數呈繳雷正綰等受之正點驗閱忽見賊騎
數百急馳而西雷正綰等列隊堵截賊不意大軍倏至
駭懼失措官軍馬步急擊之斃賊約二百名奪戰馬三
十餘匹訊擒賊供始知此股即馬鎮和馬長順之黨初

七日經劉松山擊敗者也初十日雷正綰由張恩堡進
滾泉進疊水適簡敬臨張福齊兩軍東自鞏州前來合
隊十二日行過強家沙窩擇要分駐秦渠內外距金積
堡皆不過十餘里臣以剿撫機宜未可遙制必事權歸
一乃策全功檄雷正綰周蘭亭簡敬臨張福齊所部各
營進止緩急次第均候劉松山商酌定奪冀免歧悞所
有劉松山一軍打仗陣亡之記名總兵楊玉賢補用參
將趙盛國陶昭福補用游擊杜雲龍補用都司張貞吉
拔補守備謝福有李應有拔補千總許育萬劉占魁唐

續編卷三十五

畫

國政何義勝拔補把總鄧寶得張先發周升祥周以則
等實係血戰捐軀應均請
旨飭部各照官階從優議給
卹典以委忠魂而昭激勸謹會同幫辦陝甘軍務署陝
西撫臣劉典合詞馳陳伏乞

皇太后

皇上聖鑒訓示施行謹

奏 同治八年十月二十六日

南路官軍疊剿河狄竄回獲勝摺

奏為南路各軍迎剿河狄出竄逆回疊獲勝仗恭摺
陳仰祈

聖鑒事竊臣宗棠前檄留陝補用道李耀南分發補用
道湯聘珍等各率所部分布秦州秦安通渭一帶臣穆
圖善飭記名提督涼州鎮總兵傅先宗總統敖天印喻
正祥彭忠國等馬步各營扼剿河狄竄賊力顧蘭垣餉
道嗣據記名提督梅開泰稟請裁兵節餉臣宗棠當飭
精為挑選併成五營歸湯聘珍節制隨同防剿維時狄

續編卷二十五

三

河逆賊時以零騎遊掠通渭伏羌西和禮縣等境然皆
非大股也九月二十二日湯聘珍訶河回關入禮境窺
伺檄成人數頗多督同梅開泰約虎威營出隊馳剿二
十五日行至西禮交界之長道鎮偵賊大隊盤踞西和
縣城北三十里之石堡城下寨地方當就地築壘一面
令梅開泰率馬隊且探且進步隊繼之抵鄭家堡出山
峽賊馬步約三千餘蜂擁而來梅開泰分營一由右扼
山麓一由左扼山腰自率馬步直搗中路鎗礮環施斃
賊數十名正酣戰間湯聘珍及總兵銜副將田連考各

率所部馳至奮威衝殺左右兩路乘勢壓擊鎗中紅衣

賊日落馬騎賊擁奔步賊大潰各軍緊躡之由鴿子坪
追殺至王家窰日暮收隊是役共計斃賊三百餘名生
擒二十餘名訊畢正法軍前內有賊目白姓一名奪獲
戰馬四十餘匹器械旗幟百餘件陣亡藍翎千總李集
成一員勇丁一名二十六日黎明賊騎數百仍排列峽
口似誘官軍深入者適謀報二十五夜遊匪嘯聚一二
千人來禮縣與西河賊賊台結寨石城堡迤南馬跑泉
圖阻官軍進剿之路湯聘珍遂督隊分兩枝緣鄭家堡

續編卷二十五

美

場家嘴頭堡擊之登高瞭見步賊數十團伏峽中飭各
營嚴陣以待賊旋引去二十七晚選壯士百餘乘黑夜
襲賊營火箭火蛋拋入焚其柵卡賊眾慌亂棄寨狂奔
二十八日梅開泰率馬隊追過西和縣城二十九日收
隊回營方賊之竄入西和也湯聘珍函約傅先宗督同
喻正祥各營會剿初一日傅先宗整隊齊至直抵西和
城下遙見馮家莊一帶煙燄彌空策馬飛進賊正圍攻
姜席家川堡不虞官軍之驟至也馬隊循南北山峽抄
擊賊營而奔堡圍立解傅先宗督馬隊追殺步隊分扼

要隘是夜訓賊踞江口刺壩兩處湯聘珍督同梅開泰
倍道出禮縣截其北竄之路詰朝向先宗馬步向刺壩
追賊至碧玉河突有另股伏賊橫出山谷之旁傅先宗
卽飭喻正祥督隊分途猛擊賊遂披靡喻正祥追殺二
十里至立堤壩傅先宗自督馬步追殺三十餘里至廟
兒壩賊向岷屬炭廠遁人狄河各軍收隊而還計初
一初二兩日斃賊約近千餘名生擒六十餘名奪獲騾
馬軍械無算查點官軍陣亡哨弁花翎守備楊宗英一
員受傷勇丁四名此九月二十五日至十月初二等日

續編卷三五 三

湯聘珍傅先宗各軍剿賊獲勝之情形也據擒賊供此
股賊自劉四花鄉約馬元和世輔張老五皆西禮叛回
糾衆二千餘人流入狄河河州賊目馬尓大助以馬步
千餘沿途得夥結遊勇千餘衆意圖襲踞禮縣以自固
二十五日之戰花鄉約馬元已被鎗傷訛畢斬之其時
道員李耀南一軍已抵通渭馬營監十月初一日李耀
南訥通渭屬之李家灣一帶有河州回逆屬集攻堡掠
糧賊目爲甯阿洪馬洪福糾合北路敗回由狄道隴西
漳縣榜羅鎮竄來約三四千衆初二日黎明李耀南會

商署馬營監遊擊李孔英等帶兵數十名作嚮導派總
兵殷華廷率馬隊前驅自率馬步各營繼進行二十里
抵牛山遇賊前隊殷華廷擊敗之官軍追近李家灣賊
回旗抗拒分股從李家灣南北兩溝抄出李耀南飭副
將盛照魁總兵黃儲寶蕭賞謙副將姜鳳興各率所部
緊結方陣分中左右三路應之自督總兵周顯明知縣
胡嗣會率隊策應殷華廷怒馬陷陣盛照魁繼之黃儲
寶蕭賞謙姜鳳興張左右翼乘勢猛進殺賊二百餘名
賊且前且却拚死拒敵酣戰逾時周顯明督隊橫擣中

續編卷三五 三

堅殷華廷馬隊斜出而南要賊歸路賊大潰各軍乘勢
壓擊斃賊三百餘名跟追至通安驛敗賊向內官營遁
去另股騎賊自北路來援復經胡嗣會督隊擊敗是役
斃賊五百餘名生擒三十餘名陣斬逆目馬恆福甯阿
洪負創而遁奪獲騾馬軍械甚夥拔出難民數百名收
隊回馬營監官軍陣亡六名此十月初二日李耀南剿
賊獲勝之情形也 臣維狄河回逆負隅恃險廣行勾結
此次糾約出巢自係迎護陝回崖三禹得彥敗殘餘黨
業經官軍擊收遁歸巢穴 臣穆圖善前調傅先宗進規

河狄臣宗棠已催令遵檄前進恪遵調遣並嚴飭南路
在防諸軍相機堵剿力顧後路此次剿賊疊獲勝仗在
事出力各員弁兵勇可否由臣等擇尤彙保出自
天恩至陣亡之都司唐治能王振清守備楊宗英于總
李集成擬保把總高齡均係力戰捐軀應請
旨飭部各照官階議給
卹典以慰忠魂所有南路各軍迎剿河狄出竄逆回疊
獲勝仗情形謹會同幫辦陝甘軍務署陝西撫臣劉典
合詞馳味伏乞

續編卷三十五

奏

皇太后

皇上聖鑒訓元施行再此摺係臣宗棠主稿合併聲明
謹

奏 同治八年十月二十六日

知州尹泗等死事情形片

再臣前令劉松山查明靈州會否失陷文武員弁如何
下落詳細開報以憑入奏茲據劉松山牘稱克復靈州
後詢知該州甘回素聽馬化澂之命地方公事及征收
錢糧向皆馬化澂主政在城文武各官薪糧皆由馬化

澂發給回眾親視官長而不受約束官長坐視回眾而
莫可如何以致倉卒變生莫能救護前代理靈州知州
尹泗其弟藍領即選從九品尹漆並眷屬家丁十餘口
及現署靈州知州甘肅候補同知鍾蘭其子鍾爾規同
時服毒自盡前派去護餉之總兵曹加正副將陳明遂
辦糧委員副將陳永錫明華張福星彭友亮參將張
細祿副將王榮華隨去勇丁七名均被戕害當州城未
陷之前署靈州營參將馬福守備李繡春州吏目黃廷
輝等察知回眾叛形已露約同出城赴營送信求援該

續編卷三十五

單

參將等復於途中遇賊守備李繡春不知下落此次克
復州城即派馬福黃廷輝作為前導臣維靈州甘回本
馬化澂黨夥馬化澂從前召雖就撫實仍以其新教部
勒甘回自成一類久之老教亦被其脅服陝甘回民尊
之為主自稱為吾喃目蓋回語奴才也其私授偽官有
參領協領等名其自稱為大總兵稱官軍為敵人狂悖
如此現因攻破甘回寨壘搜獲賊中偽文始知其詳劉
松山前抵靈州恩恩南下未據該文武等稟知逆情誤
將軍餉寄頓城中僅派弁勇十餘名守護以致回遭其

難現經官軍攻克州城逆賊殲滅殆盡死事諸文武應
懇

天恩加以旌卹前代理靈州知州尹泗即選從九品尹
溱署靈州知州甘肅候補同知鍾蘭及劉松山派去護
餉辦糧之提督銜四川補用總兵曹加正江西補用副
將陳永錫補用副將謝明華推補副將陳明遂王榮華
張福星彭友亮副將銜補用參將張細祿均請照陣亡
例議給

卹典以妥幽魂署靈州營參將馬福吏目黃廷輝聞變

續編卷三五

聖

出城求援嗣導官軍克復城池可否免其置議出自

天恩謹附片具陳伏乞

聖鑒訓示施行謹

奏 同治八年十月二十六日

陳明進駐平涼片

再頃接劉松山緘稱因陝回呈繳馬械遲延仍懷叵測
初七日進剿連破秦渠南板橋馬家兩莊納家三寨丁
家兩寨劉家灣子三莊馬家灣子四莊何家兩莊西至
蔡家四寨金家兩莊一帶陝回所踞村莊斃賊二千餘
名生擒近三百名獲賊眷六百餘口奪驟馬九百餘匹
軍械無數官軍亦有傷亡馬化澄現央署河州鎮總兵
胡昌會保其永不反覆並力保陝回悉數呈繳馬械其
詳細情形容俟續報到日再行馳

續編卷三五

聖

奏 臣拜摺後即進駐平涼謹附片陳明伏乞

聖鑒謹

奏 同治八年十月二十六日

易德麟病故請卹片

再記名提督格洪額巴圖魯易德麟隨同廣東提督劉
松山攻勦靈州屬吳忠堡一帶回逆八月初六至二十
八等日屢獲大勝情形 臣已於九月二十五日恭摺馳
報並將提督易德麟左乳受抬鎗子傷甚重聲敘在案
嗣於十月初一日准劉松山牘稱易德麟因傷重醫藥

罔效於九月初四日身故查記名提督易德麟沈毅樸
訥勇畧過人與劉松山同爲前湖南已故道員

賜諡壯武王龔舊部後隨劉松山轉戰兩湖兩廣江西
福建江南等省戰功卓著游保記名提督

賞換清字勇號上年捻逆北竄臣督師追勦該提督隨

劉松山轉戰陝西山西直隸山東每戰身先士卒所向
先捷事平敘功蒙

恩營穿黃馬褂該提督旋以父母年近八旬更鮮兄弟
從軍十六載定省久缺請假回籍養親臣因西事方急

續編卷二五

聖

令俟陝甘軍務稍定再行給假劉松山以所部二十餘

營分統需才令其別將五營自當一路去冬渡河以來

剿辦回土各匪收撫董福祥股眾十餘萬勞績尤多臣

擬懇

恩優獎尙未入

奏此次進攻靈州吳忠堡一帶逆回晝夜鏖戰連破寨

壘數十當機勢順利之時竟以傷重殞命實堪痛惜之

至合懇

天恩飭將記名提督格洪額巴圖魯易德麟照提督陣

亡例給予

卹典並懇

賜諡

恩准建祠湖南湘鄉縣原籍及甘肅靈州地方以妥忠
魂而昭激勸伏乞

聖鑒訓示施行謹

奏 同治八年十月二十六日

令周開錫總統秦州各軍摺

奏爲甘肅南路兵事餉事整理需才現派周開錫馳赴

續編卷二五

聖

秦州總統諸軍以裨全局仰祈

聖鑒事竊甘肅地處邊荒幅員遼闊回逆變亂以後干

里蕭條惟秦州昆連川陝僻在一隅稍稱完善近年以

來協餉之來專取道於此重兵亦翕聚其間其始藉兵

力以護餉藉民力以養兵其繼兵增而餉愈艱民窮而

寇愈熾臣自陝西肅清率師規隴卽派員外郎銜中書

科中書吳士邁道員湯聘珍李耀南各率所部由汧隴

趨秦州會同甘軍隨時堵剿一面諭知甘軍各將領裁

併成營以期實濟提督梅開泰首先遵辦裁十營併成

五營總兵放天印繼之察看情形事體尙無滯碍如果
辦理得宜未嘗不可收餉節兵精實效特一時乏此鉅
款既虞遺撤爲難而主持苟非其人轉恐激成別故所
夕焦思苦無全策適因商詢船政事宜致書前江西撫
臣沈葆楨及船政提調前護福建巡撫署福建布政使
周開錫附及隴事施措之宜沈葆楨以船政粗有端緒
商令周開錫西來助臣辦理周開錫以鉅款難措卽商
之閩浙廣東會與臣其事官紳於協餉中催提巨款不
足則稱貸益之共湊銀六十萬兩周開錫親自帶解親

續編卷三十五 聖

銀二十萬其四十萬兩則由山西票商定期匯兌周開
錫行抵鄂省卽單騎馳赴臣營詢商一切臣維甘肅北
路中路均有制賊之軍南路雖有穆圖善與臣撥派之
軍而彼此勢分等夷各不相下非得治軍之才假以專
權難期指臂相聯其襄捷伐周開錫爲臣舊日學徒知
之有素胡林翼會國藩李續宜常函稱之臣蒙
恩擢撫浙江受

命傾覆之時周開錫辭會國藩來浙其時已官知府矣
臣因賊陷漳龍閩疆苦急率師赴閩周開錫又隨同來

閩其時已升浙江糧道臣奉
命調督陝甘時周開錫已開延建邵道缺署福建藩司
英柱接署督篆奏請護理巡撫臣去閩時以製造輪船
爲當務之急堅屬周開錫助沈葆楨經理必期其成嗣
因後任惑於浮議必欲改臣所爲遂併周開錫撤之沈
葆楨始委爲船政局提調其人性情真摯志慮忠純兼
通方略臣敢保其斷不營私殖利以誤
國家倘有過犯臣願坐罪現已檄令馳赴秦州總統諸
軍將南路兵事餉事認真整頓以資督助理合專摺陳

續編卷三十五 聖

明伏乞
皇太后
皇上聖鑒訓示謹
奏 同治八年十月二十六日

同治八年十一月初五日內閣奉
上諭前因左宗棠奏提督劉松山剿辦靈州回匪連獲
大捷請將該提督前此失察游匪一案革職留任處分
懇恩開復等情當經諭知該大臣俟查明靈州失守情
形後再行降旨茲據金順奏稱劉松山到靈州後剿撫

兼施現已將州城克復剿辦甚爲得手等語與左宗棠所奏大略相同劉松山向來打仗甚稱得力此次剿辦靈州回匪尤能速起戎機謀勇兼備劉松山著准其開復革職留任處分其前案内失察之分統營哨各官均皆隨同打仗著有微勞著一併免其查參此外出力各員著准由左宗棠擇尤保獎毋許冒濫欽此

軍機大臣 字寄同治八年十一月初五日奉

上諭左宗棠穆圖善奏官軍剿河狄竄回獲勝請將出力陣亡各員弁獎卹左宗棠奏北路官軍克復靈州

續編卷三十五

呈

請將總兵楊玉賢等優卹並知州尹泗等陣亡情形及進駐平涼令周開錫總統秦州各軍總兵易德麟病故請卹金順奏剿辦甯夏南路踞逆獲勝請飭山西添撥協餉並查明劉松山收復靈州情形各摺片暨奏均悉本日已明降諭旨開復劉松山前案處分並將總兵王連三等獎敘總兵易德麟副將李大勝等分別優卹矣甘肅狄河回逆糾合陝回崔三等餘黨出巢肆擾經穆圖善派傅先宗進剿獲勝左宗棠又檄李耀南等軍敗賊於李家灣一帶斬獲甚多其甯夏南路回匪楊士恭

等勾結陝回援應納王各寨又經金順張曜督軍迎剿屢獲勝仗剿辦均屬奮勉現在陝境肅清各匪已無立足之處勢必要挾甘回苟延殘喘如能將河狄各賊巢逐一攻破斷其黨援則剿撫皆易得手著左宗棠仍飭李耀南等及前派出之黃鼎各軍乘機進剿毋稍鬆勁一面嚴檄南路在防將士實力嚴防以免顧此失彼穆圖善當札飭傅先宗等與陝軍聯絡聲勢迅掃逆氛納王各寨爲回逆負固之區仍著金順會同張曜迅圖攻拔毋任憑險死守阻絕官軍所有迎剿河狄回匪陣亡

續編卷三十五

吳

之都司唐治能王振清守備楊宗英千總李集成擬保把總高齡均著交部各照官階議卹出力員弁准由左宗棠穆圖善擇尤保獎左宗棠奏查明靈州失陷文武下落情形請將各員議卹免議等語代理靈州知州尹泗卹選從九品尹漆署靈州知州甘肅候補同知鍾蘭及總兵曹加正副將陳永錫謝明華陳明遂王榮華張福厚彭友亮參將張細祿均著交部照例議卹署靈州參將馬福吏目黃庭輝既據奏稱聞變求援並導官軍克復城池情尚可原馬福黃庭輝均著免其置議其劉

松山收復靈州情形與金順所奏大略相同該大臣現擬進駐平涼著即懷遵前旨將能否馳赴蘭垣情形迅速具奏同日馬化澂既給與馬三重等偽札是其狂悖之情業已敗露而又求總兵胡昌會保其永不反覆並力保陝回呈繳馬械前後兩歧殊難憑信即著該大臣嚴飭劉松山等乘此軍威迅圖掃蕩該逆如實係真心乞撫仍著左宗棠責成劉松山相機妥辦萬不可為甘言所誘輕率收撫轉遂奸謀周開錫既馳赴秦州派令總統諸軍即著檄飭該道員將南路兵事餉事認真整

續編卷三十五 巽

頓以資臂助北路剿撫事宜著即檄知雷正綰等與劉松山商推以免分歧劉松山所部陣亡之總兵楊玉賢參將趙盛國陶昭福遊擊杜漢龍都司張貞吉守備謝福有李應有千總許育萬劉古魁唐國政何義勝把總鄧寶得張先發周陞祥周以則均著交部照各保官階從優議卹金順所奏添撥協餉本日已諭知李宗羲照數撥解矣將此由六百里各諭令知之欽此

恪靖奏稿續編卷二十六目錄

北路官軍進剿大勝摺

官軍會剿獲勝簡故臨深入致挫摺

遵 旨覆陳摺

東南路官軍剿回連勝摺

郭寶昌迅赴河防金運昌與劉松山合隊片

續編卷三十六目錄

軍機大臣 字寄同治八年十一月初二日奉

上諭前據左宗棠奏稱黃鼎等軍獲勝甘省驛道疏通以楊世俊等營分路進剿並令黃鼎先赴蘭垣附近擇要安營此時北路情形計可粗定該大臣得以進規河州矣本日據穆圖善奏派員齎送總督關防前赴涇州軍營該大臣諒已在途祇受惟念蘭州為根本重地該大臣接篆後於省城防剿一切事宜自係責無旁貸現在河州等處賊巢林立近逼省垣即使黃鼎各軍皆能繼進亦不可無人指授機宜穆圖善既卸督篆凡西路

續編卷三十六

軍情及地方應辦公事均覺呼應不靈該大臣能否即由平涼親赴蘭州居中調度抑一時不克前進先行派人前往接辦或以接辦乏人仍留穆圖善暫駐省垣照料軍務俟到後再行交替該大臣酌度情形著於接奉此旨後迅速詳細奏聞以慰廑念近日各路軍情若何黃鼎等軍何時馳抵蘭州劉松山軍在北路辦理剿撫事宜能否漸次肅清仍著該大臣督飭在事將士相機掃蕩進奏膚功將此由六百里諭令知之欽此

軍機大臣 字寄同治八年十一月十五日奉

上諭穆圖善奏查明靈州降回變亂大概情形請將殉難文員優卹並暫委寶型護理安肅道篆各摺片覽奏均悉前據左宗棠金順奏劉松山收復靈州情形已降旨將署靈州知州鍾蘭友代理知州尹泗等交部照例議卹並因馬化澂有給馬三重等偽札情事又代陝回甘言求撫前後兩歧殊難憑信諭令左宗棠嚴飭劉松山等乘勝進兵相機妥辦該大臣務當慎遵前旨督率劉松山等軍分別良莠勦撫兼施不得輕率收降致墮

續編卷三十六

詭計左宗棠計已進駐平涼能否馳赴蘭垣居中調度仍著迅速具奏穆圖善滋甘賊藪熟悉情形現在甯夏防守緊要該將軍既已交卸督篆著將省城防期事宜布置妥協俟左宗棠到省或左宗棠派員接辦有人即赴甯夏本任以重職守所請來京陛見之處著毋庸議所有穆圖善原部各軍均著左宗棠調遣甘軍餉項並著該大臣均勻分撥以利師行毋得稍分畛域安肅道員一缺穆圖善現據肅州鎮總兵陶生林稟請暫委四品頂戴寶型護理該員係已革知縣資望大輕恐不足

以勝在著左宗棠隨時察看如果不能稱職即行片派
委員前往接署將此由五百里各諭令知之欽此

續編卷二十六

三

北路官軍進剿大勝摺

奏為北路官軍進剿逆回攻克莊寨大獲勝仗據實詳
陳仰祈

聖鑒事竊劉松山一軍十月初七日剿賊獲勝大概情
形臣已於十月二十六日附片陳明其時僅據劉松山
緘告故戰狀不詳臣拜摺後於十一月初一日進駐平
涼續接劉松山牘稱九月二十九日克復靈州城池及
十月初二日連破里仁渠各寨賊益震懾馬化澂央總
兵胡昌會保其永不反覆並力保陝回誠心就撫劉松

續編卷二十六

四

山肅胡昌會飭馬化澂勒令陝回將馬械悉數呈繳去
後詢秦渠南板橋馬家兩莊納家三寨丁家兩寨劉家
灣子三莊馬家灣子四莊何家兩莊池西蔡家橋莊蔡
家四寨余家兩莊西南達金積堡村莊鱗次陝回磨聚
其中人眾心雜投誠之議遲日不決催繳馬械一味去
吾劉松山以該回兇狡成性仍宜乘間痛勦懾服其心
初六日四鼓傳令各營分三路布壘陣一由左進板橋
一由右進蔡家橋自督中軍出板橋蔡家橋之間馬隊
張兩翼伏左右兩路之旁穩駐勿動俟步兵破賊則飛

馬分道抄之部署既定各軍進抵渠南半里許賊巢角
聲四起紛紛憑渠開放鎗礮提督何作霖軍功董福祥
各營撲近渠邊鎗礮對轟流光電掣賊仍死拒不退劉
松山察看水淺者及膝深者沒腰飛令道員劉錦棠提
督蕭章開督軍搶過橋卡分枝由左右路鬼水抄擊中
軍步隊亦越渠撲之賊潰向東西兩路狂奔適提督余
虎恩副都統雙壽馬隊風馳雨驟而夾截其歸路逆眾
未及歸巢守巢之賊見官軍四集棄巢鼠竄爭出寨門
西遁官軍乘勢奪門而入將大小莊寨三十餘處一律

續編卷三六

五

蕩平巢賊有冒死逸出者有圍殺殆盡者餘黨經各路
馬步四面兜剿合併西趨波浪渠一水前橫逆眾擁擠
不前官軍火器環轟賊中人馬應聲而倒填積渠中渠
水盡赤官軍緊躡至金積堡外馬隊追過堡西敗賊西
奔折而南向強家沙窩遁竄各軍即分營填紮金積堡
東北四里何家莊板橋一帶劉松山即移紮距金積堡
十四里之劉家寨是役殺斃淹斃之賊約二千有奇生
擒二百八十四名內有賊目馬福李逢春馬隆訊異斬
之獲陝回老弱眷口六百餘名拔出漢民數百名均派

送靈州城交提督黃萬友妥為安插奪騾馬九百餘頭
器械無算官軍陣亡員並勇丁十六名此十月初七日
官軍進剿逆回攻克莊寨大獲勝仗實在情形也是夜
馬化澂復央胡昌會來營乞撫復代陝回繳馬七十七
匹大小洋鎗十七枝長矛一百三十二桿其餘馬械隨
後呈繳劉松山勒限三日得之自後屢次催繳僅據馬
化澂代繳破壞軍械數百件疲瘦馬騾數百頭詞愈卑
而計愈狡陝回頭目馬鎮和余彥祿方懇收撫而陳林
馬長順則不願繳馬械如故維時雷正綰周蘭亭簡敬

續編卷三六

六

臨張福齊各帶所部於十二日馳至逼渠築壘距金積
堡遠者十餘里近者七八里胡昌會馬化澂力保陝回
就撫藉稱該頭目及黨眾實因官軍剿敗衝散一時難
於清繳馬械乞寬限時日悉數呈繳嗣陸續繳馬三百
四十七匹鎗械八百十九件二十七八等日續繳馬四
百三十五匹器械二百五十一件劉松山以該逆人眾
心雜若必全收撫恐輟需時又生別故因吳忠堡
一帶甘回均已避匿金積堡所遺各堡已空令願就撫
者呈造冊籍移居吳忠各堡悉繳馬械以便安插馬鎮

利於十月初一二日先移男婦二百餘名入吳忠堡其餘正待遷移而陳林之黨東彌回眾從中截阻馬鎮和黨夥之嗜亂成性及眷口已被官軍衝散者無所顧戀亦復頓前議互相阻撓各逆首不能禁也劉松山以輕率收撫必貽後患初三日飛緘雷正綰周蘭亭張福齊簡敬臨等各整隊會剿適金運昌所部已先數日由花馬池靈州馳至是日午刻約齊出隊行抵板橋各逆知官軍進剿由金積堡旁各堡寨吹角列隊紛紛抗拒劉松山屬金運昌率所部向金積堡西門進自分所部

續編卷三十六

七

為三支提督蕭章開王秀棟李雲貴楊清源朱德開由右道向金積堡之北道員劉錦棠提督尹興茂李占椿喻執益曹義勝軍功董福祥張俊李雙良由左路向金積堡之東提督陶定昇景致中何生輝出中路劉松山自率提督譚拔萃周國勝李就山為是陣相機策應馬隊張左右翼斜出三路之旁逆回見官軍布陣更覓騎賊雖飛奔向前步賊仍胸縮不進官軍馬步奮威衝擊鎗礮甫止刃矛隊如牆繼進立斃悍賊數百賊大潰不止官軍縱橫劫將金積堡正北東北西北賊村寨

二十餘處一律蕩平日暮收隊即於金積堡北四里一帶安紮營壘計是役共斃賊約一千一百名生擒一百三十餘名訊出逆日馬受元馬中吉正法軍前奪騾馬八百餘頭軍械無算此十一月初三日劉松山各軍會合金運昌一軍剿回獲勝情形也自是日以後雷正綰周蘭亭張福齊簡敬臨各軍皆如約會剿惟中隔金積堡陝甘各逆回又踞金積堡旁各堡寨湖渠環繞古地周數十里各軍聲息難以徑達故彼此戰事未能盡歸一致所有雷正綰等各軍戰狀另摺詳陳不復牽敘

續編卷三十六

八

以清眉目是夜有漢民自賊中逃出者稱各頭目議將眷口輜重併歸金積堡東西各寨明日決一死戰劉松山與金運昌商賊既肯來索戰當俟賊隊齊出再相勢分布應之初四日巳刻金積堡東西各堡寨馬步賊如傾巢而出步賊甫出半里即止不前騎賊東西馳騁勢仍驕甚劉松山飭馬隊四營當之遇賊撲近且戰且收俟步賊漸前則各路奮起猛擊比各軍馬步五路分布已定馬隊亦誘賊近前然後中軍吹號播鼓各軍奮威齊進賊勢不支紛紛敗潰五路馬步官軍乘勢衝殺斃

賊無算敗賊回竄各巢憑寨死拒其殿後者經各營掩殺濠內外死屍駢列日暮始收隊而還是役東西兩路共斃賊八九百名劉松山所部生擒八十二名獲戰馬二百數十匹員弁勇丁陣亡二十一名提督李雲貴左臂受鎗子傷譚上連右膀受鎗子傷弁丁受傷者一百一十三名此十一月初四日劉松山金運昌各軍獲勝情形也是夜訊生擒回逆知余彥祿左臂已帶子傷悍賊傷亡不少擬即乘勝會剿逾期歲事而連日朔風甚勁沙塵大起咫尺莫辨不能出隊初七日風稍定劉松

續編卷二十六

九

山會商金運昌出隊斃賊約四五百名生擒六十餘名奪獲戰馬一百六十餘匹弁丁陣亡十一名受傷六十五名劉松山以賊圍死守擬再移營逼之初八日一面出隊一面築壘賊拼死來爭官軍護修新壘分隊轟擊斃賊三四百名生擒數十名弁丁陣亡者七名受傷者四十六名是夜賊徒巢金積堡東西各堡以避官軍東路賊勢加增復就波浪渠塹修築長牆一道橫寬約三里劉松山既約南路西路諸軍初九日會剿黎明會商金運昌出隊賊憑牆排列意圖死拒劉松山商令金運

昌率所部卓勝軍西進飭蕭章開等率所部出直勝軍之左劉錦棠等各率所部由左路進朱德開等各率所部由右路進劉松山率陶定昇易致中何作霖周國勝由中路均向波浪渠長牆進飭譚拔萃等率所部頓於陣後相機策應飭余虎恩等率馬隊五營斜出劉錦棠之左雙壽花良阿等率吉林馬隊斜出朱德開之右賊見官軍數路整隊向長牆齊進騎賊皆下馬與步賊憑牆列隊官軍奮攻半時鎗礮雷轟噴筒火箭迸注賊中傷斃已多猶死拒不退劉松山飛飭董福祥余虎恩等

續編卷二十六

十

馬步各營繞東而西突出卡後賊勢始亂各路馬步乘勢齊撲立將長牆一律踏平賊敗竄金積堡旁禮拜寺官軍蹣跚緊追忽大風捲地塵沙驟起敗賊復傍寺列隊回拒而金積堡北又出賊一股均七八百循牆而來似圖截官軍之後劉松山令朱德開李就山馳擊敗之賊仍向正路敗走官軍各路愈戰愈奮鎗礮止刀矛接賊旋卻旋前者七八次均為官軍所敗始棄巢而奔遂將禮拜寺攻破賊敗入寨時交申刻風勢更緊乃收隊而還計是役攻破長牆回寺陣斬悍賊七八百名轟斃

轟傷者一千數百名奪獲馬騾二百數十匹鎗械千餘件生擒百餘名訊出賊目馬九林陳萬得兩名一併正法員弁勇丁陣亡二十七名提督易致中左眼角受鎗子傷子從口內出軍功董福祥右肱肘被鎗子洞穿弁丁受傷者一百八十二名是日雷正綰周蘭亭張福齊簡敬臨均力戰獲勝簡敬臨銳欲與劉松山合隊率所部隊伍繞波浪湖旁金積堡及各寨穿過致敗劉松山時已收隊回營不及知也初十日辰刻劉松山令陳宗蕃由南路赴西路各軍計事晤幫辦簡敬臨營務廣東

續編卷二十六 七

高州鎮總兵徐文秀知之回馬飛報劉松山駭悼不已立即撥三營移駐金積堡東北波浪湖尾一面緘商雷正綰周蘭亭張福齊出隊會剿十一日劉松山與金運昌仍分兩面出隊劉松山親率五營馬隊馳赴金積堡東南簡敬臨營盤所駐漢伯堡適雷正綰亦到晤商一切詎賊偵知劉松山赴漢伯堡突出騎賊千數百遮截歸路劉松山當即督隊馳回騎賊數十團猛撲近前勢甚兇悍劉松山指揮迎擊正鏖戰時劉錦棠蕭章開瞭見督馬步各隊由南路橫截而出賊即潰走劉松山追

至各寨邊擒斬悍賊百餘名奪獲戰馬七十餘匹收隊回營十二日賊伏巢不出是夜西南兩面悍賊麇聚東面取磚石修砌長牆自金積堡外壕迤而東約長三里又迤而南至波浪湖汊里許以拒官軍十三日劉松山飭各營出隊擊之賊憑牆隱抗鎗石紛如雨注官軍馬步五路齊進劈山洋鎗噴筒火箭次第齊施賊中死傷已多猶隔牆挺矛對刺官軍見其鎗子磚石漸稀即鼓勇齊登或躡身躍入或搗毀牆身從缺口搶入賊勢不支紛向各寨敗遁官軍壓追至寨旁寨門未啟賊皆依

續編卷二十六 七

寨拚死回拒寨上開鎗擲石助之官軍奮威衝殺前者帶傷後者繼進鏖戰兩時斃悍賊無算賊紛向金積堡南敗走一枝敗向堡東壕內官軍躡踪掩殺壕內外賊屍枕籍日暮收隊是役共斃賊一千六七百名轟傷刺傷之賊約二千數百名生擒一百五十四名內有逆目馬辛馮標郭阿忻等數名訊知偽元帥沙學德已於牆破時轟斃矣奪獲戰馬二百三十餘匹旗幟千餘件記名提督李就山帶隊衝入賊中胛膺受礮子傷立殞於陣提督朱德開右膀受鎗子傷軍功張萬會右肩受拍

鎗子傷弁丁受傷者二百四十六名陣亡者三十八各
此十一月十三日以前官軍獲勝仗實在情形也臣
維陝回陳林馬鎮和余彥祿等自打拉池擊敗折回金
積堡時悍賊不過數千老弱婦女不計其數馬化澂代
為求撫而不悉繳馬械其包藏禍心可知經劉松山雷
正綰及各軍疊次猛剿斃賊多矣而賊數不減反增於
前金積吳忠為靈州西南著名兩大堡吳忠堡雖早廢
而環吳忠二三十里堡寨土人皆呼為吳忠堡金積堡
亦然環金積各堡寨亦呼為金積堡劉松山奏將吳忠

續編卷二十六 三

各堡寨攻毀略盡即金積堡北面一帶各堡寨亦已掃
蕩一空見存者惟東西十數堡而已陝回敗蹙併入金
積東西各堡與甘回雜居其豫望韋州各堡甘回曾經
官軍擊敗者從而附之馬化澂又時嗾堡中回逆於夜
間潛入東西各堡助逆賊數之所以已耗而旋增者以
此陝回於屢敗之後意本求撫其喪失眷口之賊以無
所繫戀仍思乘冰橋北竄效捻逆故智因阻馬械不繳
賊中所呼乾馬隊者也馬化澂資以糧糗鎗礮嗾其死
抗官軍又一面稟知官軍陝回不悉繳馬械請急擊之

賊勢之所以已窮而仍悍者以此現在永凍早合北竄
一著本屬可虞諸軍正悉力北面並咨商金順張曜嚴
密巡防矣而近察賊情亦有難於北竄者有眷屬之回
不肯他竄者多無眷屬之回以發負重傷不能他竄者
亦多也金積堡糧料雖多而秣馬之草無從採取近據
賊中逃出漢民均稱賊之騾駝馬匹餓斃者已三分之
二羣相怨懟無可如何其勢實亦衰蹙特因獸猶關攻
堅費人不敢不慎以圖之耳劉松山一軍各戰陣亡之
頭品頂戴記名提督法福凌阿巴圖魯李就山從征十

續編卷二十六 四

載戰必身先由東南而西北勒平髮逆捻逆卓著戰功
此次因炮子穿習立殞陣前實堪悼惜之至應懇
天恩飭部照提督陣亡例議給
卹典並請
予諡以彰忠烈提督銜記名總兵周本立記名總兵易
作義儘先副將溫其林補用參將李必貴補用遊擊王
順明盛德林張勝魁廖得英楊寶玉陳芝蘭補用都司
萬友山葉宜恭楊俊發都司銜守備謝春和拔補守備
朱鳳翔拔補千總譚連城王義勝李金山拔補把總劉

萬勝劉得照軍功擬保把總楊復盛均衝鋒陷陣血戰捐軀應懇

天恩飭部各照所保官階議給

卹典以慰忠魂所有北路劉松山各軍勦回疊獲大勝實在情形謹會同幫辦陝甘軍務署陝西撫臣劉典恭摺馳報伏乞

皇太后

皇上聖鑒訓示施行謹

奏 同治八年十一月二十日

續編卷三六

去

同治八年十二月初八日內閣奉

上諭左宗棠奏北路官軍進勦逆回攻克莊寨大獲勝仗請將陣亡各員分別議卹予諡一摺陝西逆回經劉松山擊敗後遁入馬家納家等莊寨詭詞乞撫劉松山督軍分路進勦越渠抄擊賊眾大收爭奪寨門西道官軍乘勢衝入將大小莊寨三十餘處一律蕩平逆酋馬化隆復赴營求撫呈繳馬匹軍械劉松山察其心志未齊復會同雷正綰等各率所部分路向金積堡進攻馬步衝擊立斃悍賊數百名賊眾奔潰官軍將附近金積

堡各村寨二十餘處悉數勦洗逆回復出隊抵死決戰劉松山等督軍迎勦賊勢不支紛紛敗走各路官軍乘勢衝殺斃賊無算逆眾徙巢以避並憑渠築牆復經劉松山等督兵踏平該回眾敗竄金積堡旁禮拜寺又經官軍攻破該逆窟聚金積堡東面憑牆抗拒馬步官軍鼓勇齊進回眾均向各寨敗遁現在吳忠各堡寨攻毀略盡金積堡北面各堡寨亦一律掃蕩勦辦尙屬得手著左宗棠仍飭劉松山等軍將金積東西各堡迅速攻拔毋留餘孽所有頭品頂戴記名提督李就山勦平髮

續編卷三六

去

捻各逆卓著戰功茲因中礮陣亡殊堪憫惜李就山著交部照提督陣亡例議卹並加恩予諡以彰忠烈提督銜記名總兵周本立記名總兵易作義副將溫其林參將李必貴游擊王順明盛德林張勝魁廖得英楊寶玉陳芝蘭都司萬友山葉宜基楊俊發都司銜守備謝春和拔補守備朱鳳祥拔補千總譚連城王義勝李金山拔補把總劉萬勝劉得照軍功擬保把總楊復盛均著交部照擬保官階議卹欽此

官軍會剿獲勝簡敵臨深入致挫摺

奏爲官軍會剿逆回營獲勝仗簡敬臨一軍勝後深入致挫現籌辦理情形謹據實馳陳仰祈

聖鑒事竊陝西提督雷正綰題奏提督周蘭亭提督銜前衢州鎮總兵簡敬臨提督銜記名總兵張福齊各軍於十月十二日進駐金積堡西南秦渠一帶臣飭勦撫機宜均候劉松山商定酌度以一事權登據雷正綰等續呈連接劉松山絨稱各回目央求收撫准人多心雜現正勒令悉數呈繳馬械馬化澄再四懇請寬限且宜按兵勿動待之十一月初二日劉松山絨約次日會剿

續編卷二十六

七

雷正綰周蘭亭張福齊初三日午刻三路齊進所過回堡次第搜捕隨結方陣進至平川賊酋馮金積堡壕邊穩抗簡敬臨率所部六成隊逕抵金積堡東南里許賊正與湘軍接仗不虞簡敬臨自後突至嚇賊分拒簡敬臨從賊巢穿入立將賊巢踏毀斃賊數百生擒十餘名正擬收隊適劉松山已將北路賊寨蕩平移營逼寨敗賊由東路向南猛撲簡敬臨且戰且收以鎗礮列後轟擊斃騎賊數十而還初四日辰刻各軍整隊以待巳刻接劉松山絨約進剿雷正綰周蘭亭張福齊西三面

三路齊進派隊留守長壕賊分途抗拒官軍三路衝殺斃悍賊百餘名賊不能支追至三道壕邊敗賊合守賊萬餘馮壕死拒官軍調劈山礮洋鎗各隊指定轟擊壕內外之賊應聲而倒紛向西門敗竄各軍躡蹤緊追斃賊無數立將村外帳棚一概焚毀追至金積堡城西北賊仍回頭抗拒片股騎賊復自北門繞出西路冀抄官軍之後各軍復排鎗礮連環轟擊其留守長壕各營亦派隊截擊賊仍敗退壕內其計斃賊約數百名受傷者千餘官軍受傷者數十名陣亡者數名簡敬臨是日開

續編卷二十六

六

北路礮聲甚緊卽令各營堅守長壕親率各營六成隊出擊比抵金積堡邊騎賊從兩旁抄出步賊拚死猛撲簡敬臨飭各營密結方陣俟賊撲近始層開鎗礮轟之賊撲愈近死傷比各盛戰兩時聞北路礮聲已歇正擬連環收隊忽各堡出騎賊千餘步賊三四千四面擁至簡敬臨與營哨各官均下馬親率刀矛隊從鎗礮隊中衝殺而出當者辟易總兵蕭寶林左膀受矛傷穿透升用提督姚連陞左肩受矛傷裏創力戰刀矛隊愈戰愈奮立斃官先悍賊數十名乘勢掩殺陣斬賊百餘名生

擒十餘名賊始敗潰日暮收隊而還計共斃賊數百名傷賊不計其數而勇丁之陣亡者二十一名受傷者八十七名營官受傷者二員哨官受傷者五員蓋血戰也連日大風揚沙不能出隊初八日晡風色稍定初九日卯刻接劉松山信約會出隊辰刻東北礮聲大震雷正縮周蘭亭張福齊各率所部齊抵渠邊遙見賊勢趨重西路各軍整隊迎擊均結方陣鎗礮刀矛勻布四面進至二道渠賊憑渠抗據官軍奮衝殺賊紛紛敗退追至三道渠甫令收隊忽片股騎步各賊狂奔而來又一

續編卷二十六

五

股從東北馳至雷正縮周蘭亭張福齊復回旗塔之總兵趙玉亭周玉堂徐萬福副將楊美勝率礮隊自南路側出截擊賊仍敗退官軍復追至三道渠收隊而還計共斃賊數百名其簡敬臨一軍於初九日辰刻聞北路礮聲甚緊即率各營出隊馳抵金積堡東面遙見回逆正與劉松山接仗催軍急進金積堡東門渠邊五營緊結方陣步步進逼賊見官軍逼近騎賊從兩旁抄出步賊拚死迎敵簡敬臨令各營整隊齊進鎗礮層轟刀矛並舉斃賊不計其數是時北路面賊衆已經劉松山各

軍擊敗紛紛南竄簡敬臨銳圖衝過回巢與劉松山合隊越過數堡將堡外賊棚一律焚毀維時南風大作塵沙蔽天咫尺莫辨各廢堡礮子雨下簡敬臨指揮各營仍結陣而前左臂已被礮子洞穿裹創復進營官譚正明力請收隊簡敬臨以賊難敗竄仍踞各廢堡如遂收隊回營若廢堡中各賊儘力跟追翻難堵截仍令各營併力向前衝殺正分布間忽飛礮中簡敬臨頭顱殞於馬下各將弁見主將墜馬紛馳援救陣腳稍亂賊數千遂乘虛突入中營將弁傷亡甚眾左營營官姚連陞

續編卷二十六

三

右營營官譚正明見中營有失急策馬率隊馳援皆爲堡中礮子中傷步賊復獲矛攬刺譚正南陣亡姚連陞用矛連斃騎賊數人相繼殞命幫辦營務廣東高州鎮總兵徐文秀督中後兩營併力衝殺斃賊多名突圍而出連環收隊回營急令分守各堡一面飛報西路各軍派隊速援比賊眾麇至則壘中守具亦略有布置矣賊毀長壕拔花籬地刺而入去壘邊一數丈壘中鎗礮頻施賊旋卻退悉踞壘前廢堡中徐文秀頻用開花礮向廢堡中一面轟擊但聞人馬沸騰聲計斃賊亦不少矣

二鼓張福齊派總兵徐萬福周蘭亭派總兵趙玉亭各率所部由油麻湖踏水而過號聲不絕四鼓到營賊已遁去初十日黎明雷正綰張福齊率各營至會商出隊進至金積堡東門渠邊賊眾蜂擁而來雷正綰戰馬受傷韁亦擊斷乃下馬揮刀督陣鎗礮環施賊冒死衝撲數次均經擊退騎賊數千復由左右抄出陣後張福齊令各營排劈山礮飽以羣子俟賊近轟之每礮必傷數賊數馬賊始敗竄官軍結隊緊追直抵金積堡日暮收隊而還十一日雷正綰等與劉松山約出隊會剿辰刻

續編卷二十六

三

出隊東門渠邊遙見劉松山所部已與賊接仗張福齊麾軍前進雷正綰整隊繼之將近賊巢賊分投死拒鎗子如雨官軍間有傷亡雷正綰張福齊督令前進劉松山馬步各營亦由東路猛撲而來賊始敗退十二日雷正綰等與劉松山會商布置後收隊回防仍與張福齊周蘭亭各留隊伍駐中營助守是日劉松山歸途遇賊接仗獲勝十三日劉松山各軍大獲勝仗已於戶摺陳明雷正綰周蘭亭亦於是日會勦獲勝尚未接其文報十三夜黃河水長渠流漾滿官軍與賊隔絕不能出隊

數日內尚無戰事當俟水漸涸退乃議會勦臣聞簡敬臨初九日之失飛致劉松山派馬步數營填紮原壘緣簡敬臨駐營之處近漢伯堡地在金積堡東南踞劉松山北路各營雖止十五六里中隔波浪湖難於聯絡又彼此出隊必由各回堡寨穿過地逼寨多防不勝防現在催辦糧運節節轉輸一俟軍糧稍裕再派數營前往以資厚集簡敬臨自咸豐十年隨臣征剿江西安徽浙江福建廣東積功洊擢提督銜總兵計已受重傷十餘次前蒙

續編卷二十六

三

恩補授浙江衢州鎮總兵因傷殘已甚懇請代陳乞恩開缺嗣以臣西征甚急復募勇丁前來轉戰而前壯懷彌厲李旺堡穆家潭之戰擒斬逆首楊文治蒙賞加頭品頂戴感激涕零遂以身殉合無仰懇天恩飭將頭品頂戴提督銜前衢州鎮總兵鏗僧額巴圖魯簡敬臨照提督陣亡例議給卹典並懇子諡以存其人升用提督果勇巴圖魯姚連陞由勇丁隨征積功洊擢今職驍勇超羣秉性忠諒初四日之戰

受傷時親兵負之以趨因見簡敬臨陣亡誼不獨生遂叱親兵速去跌坐以死其志節凜然有如此者應懇

大恩予諡卹

助部昭提督陣亡例議給

卹典提督銜記名總兵譚正明補用總兵鄧雲高副將

秦龍瑞羅榮貴參將宋維朗晏發貴徐有錫王致清彭

鼎升曾游擊熊在新陳有忠顏友源李忠信侯澤順皮

二喜周海庭都司劉固明丁雲祥胡玉發王喜章守備

陳祖耀均縱橫血戰力竭捐軀應懇

續編卷二十六

三

天恩飭部均照所保官階議給

卹典以妥忠魂所有各軍勝負實在情形及布置大略

謹據實馳陳伏乞

皇太后

皇上聖鑒訓示施行謹

奏 同治八年十一月三十日

同治八年十二月初八日內閣奉

上諭左宗棠奏官軍會剿回逆獲勝請將陣亡各員分

別議卹予諡一摺提督雷正綰等約會提督劉松山分

別進剿金積堡回逆十一月初三初四等日雷正綰周

蘭亭張福齊簡敬臨各軍迭次分投進攻該逆聚眾毗

守金積堡長壕峭險抗拒各軍環壕鏖戰先後斃賊數

百名及數十名不等劉松山一軍亦將北路賊寨平毀

初九日雷正綰等復督師會攻斃賊數百名簡敬臨率

軍馳抵金積堡東面整隊擊賊施放鎗礮轟斃多名逃

見北面賊眾經劉松山擊敗南竄乘勢衝過回巢欲與

劉松山合隊越賊堡數處中礮陣亡營官姚連陞等亦

同沒於陣二十三等日雷正綰劉松山等軍擊賊迭

續編卷二十六

三

獲勝仗仍著左宗棠激勵將士厚進勁軍將金積堡等

處逆匪妥速殲除毋留餘孽陣亡之提督銜前浙江衢

州鎮總兵簡敬臨升用提督姚連陞均著交部卹提督

陣亡例議卹卹加恩予諡提督銜記名總兵譚正明補

用總兵鄧雲高副將秦龍瑞羅雲貴參將宋維朗晏發

貴徐有錫王致清彭鼎升游擊熊在新陳有忠顏友源

李忠信侯澤順皮二喜周海庭都司劉固明丁雲祥胡

玉發王喜章守備陳祖耀均着交部各照所保官階議

卹欽此

遵 旨覆陳摺

奏為遵

旨覆陳仰祈

聖鑒事竊臣於同治八年十一月初九日欽奉十一月初二日

諭旨蘭州為根本重地該大臣接篆後於省城防剿一切事宜自係責無旁貸現在河州等處賊巢林立近逼省垣即使黃鼎各軍皆能繼進亦不可無人指授機宜該大臣能否即由平涼親赴蘭州居中調度抑一時不

續編卷三六 三

克前進先行派人前往接辦或以接辦乏人仍留穆圖善暫駐省垣照料軍務並續奉諭旨該大臣現擬進駐平涼著即懷遵前旨將能否馳赴蘭垣情形迅速具奏等因欽此臣維十月二十五日涇州營次准前署督臣穆圖善咨稱蘭州省垣及西路甘涼肅三郡距涇較遠現雖交卸督篆如關緊要軍務擬隨時權宜辦理另刊甯夏將軍木質關防鈐用具奏等語比因北路軍情正在勦撫未定之際臣接篆後由涇州前進止可暫駐平涼布置中路聯絡南路策應

北路仍可控制西路若徑駐蘭州設北路逆回被勦橫滄東路不惟劉松山雷正綰周蘭亭張福壽徐文秀各軍無所稟承即涇平赴蘭州駟道必致阻梗於秦隴大局均有妨礙查督垣城關內外及金縣防兵不下三十餘營近又環掘長壕進攻雖或不足自守似尚有餘臣比咨請穆圖善督同在甯司道就現有兵力保衛省垣又撥過餉銀十七萬兩准穆圖善撥補軍心大定其地方日出公事責成藩司崇保代拆代行遇有緊要之件適時包封遞送臣督核辦現在道員黃鼎提督張會元

續編卷三六 三

楊世俊副將崇志馬步各軍分布隆德靜甯會甯安定一帶蘭垣聲息已通其西通陝回山狄道折竄清水駟大營川甘草店者均經各軍擊敗歸集省城根本之地自明穩固接穆圖善來緘從前嫌疑盡釋似與臣向無介蒂臣入平涼以來籌軍食賑災黎撫良回辦游匪力顧後路轉輸以重中路樞紐現飭三品頂戴甘肅即補道蕭守幹西甯鎮總兵黃武賢由蘭州赴秦望川涼州一帶會同總兵王仁和料理屯政安插石成器一股一俟北路局勢粗定南路裁併各營均有頭緒臣即督奉

親軍鼓行而西為進擣河州計屆時察看情形權衡緩急再將進止機宜詳細奏

聞是否如斯伏候

訓示理合恭摺據實馳陳伏乞

皇太后

皇上聖鑒施行謹

奏 同治八年十一月三十日

東南路官軍剿回連勝摺

奏為東南各路官軍截剿賊回連獲勝仗恭摺馳陳仰

續編卷三十六

三

所

聖鑒事竊陝回西竄經官軍進剿獲勝情形臣已於十

月十九日馳報其時記名提督楊世俊升用提督徐占

彪馬步各營分防安定紅土窟地方調陝回自十月初

三日敗遁狄道逆目崔三窟過洮河踞狄西三十里之

雅哈川糾河州逆目馬榮大馬占魁馬石等北竄揚言

救援金積堡分股結寨隴西屬之固城十家莊蔣家坪

乘虛掠食覬覦南路十月十九日二鼓各營營食急進

徐占彪步隊循馬家河出固城之西楊世俊馬隊由麻

子川出固城之南五鼓齊抵賊巢馬隊張左右翼拒卜

家莊蔣家坪援賊步隊直薄堡下賊營覺憑堡抗敵鎗

礮對轟楊世俊察看堡牆高聳外環深壕欲圖進攻騎

不如步遂令軍士下馬合力攻其西面賊見官軍勢盛

悉眾禦之壯士踰壕拊其背緣升而上立拔堡城守賊

二百餘名無跳免者天明卜家莊蔣家坪援賊蜂至不

虞官軍已入固城比其漸來漸近官軍從堡中躍馬降

戈而出乘勝猛擊之賊駭而奔各營馬步縱追十八里

至春家掌餘逆向西南逸去後收隊回固城休息漏已

續編卷三十六

三

三下矣是役斃賊八九百名生擒十九名訊出賊目馬

文一名斬之獲牲畜三百餘頭官軍傷亡勇丁四名此

十月十九日楊世俊徐占彪剿賊獲勝實在情形也二

十日各營自固城回防謀報崔三李經舉馬得彥大股

八九千眾由狄道竄踞清水驛甘草店大營川蔓延金

家崖楊世俊調集所部馬隊並約徐占彪出紅土窟道

員李耀南出馬營監率師合剿二十一日午刻楊世俊

徐占彪馬步齊至嶠日令各營薄暮傳餐潛師夜起分

道襲賊營以火箭為號行抵車道嶺步隊由中路出甘

草店馬隊循車道嶺山脊出清水驛四鼓馬步各路齊抵賊巢號鼓齊鳴甘草店之賊始自夢中驚起叫號亂竄官軍已於月色微茫中鎗礮連環轟擊夾以刀矛遇賊即斫天明追賊入大營川悍賊列隊居前翼蔽羸弱冒死拚拒楊世俊率精騎斜抄賊後邀其歸路賊返顧慌亂各營馬步乘之踏毀賊巢數十處賊棄輜重器械折由站灘黃石坪遁狄道馬隊躡追五十餘里玉新營水家坡沿途賊屍枕藉日暮乃收隊回大營川就地爲壘戍刻偵東路逆騎數百竄近巉口楊世俊徐占彪於

續編卷三十六

五

二十三日五鼓整隊東向天明抵巉口賊之步騎已於先夜偷過向狄道西奔矣維特李耀南所部亦至各軍分道窮追馬隊沿秤鈎驛疾馳好麥川緊躡賊蹤步隊繼之四路抄擊賊數百一律聚滅得逸出者僅十餘騎而已訊據擒賊何畢梁禹三兒楊文德張九兒供稱此股乃馬生彥之弟馬生定及白彥虎之黨葉曾正護賊眷西竄緣九月十九日打拉城大敗後避匿荒谷晝伏夜動循郭城驛野蜜川魯家溝繞巉口西原而過不料官軍條至也馬生定葉曾正已均經官軍陣斬訊畢

正法軍前總計是役斃賊一千六七百名獲驛馬七百餘頭器械無算此十月二十一二三等日楊世俊徐占彪等各軍勦賊獲勝情形也陝回已由狄道而竄圖入河州合夥而河州逆回畏官軍進勦被其連累固拒不納陝回向河回買糧河回故高其價每斗四十斤索價銀四五兩陝回之食分黨肆掠紅土窩迤西三十里之石家岔王家堡侵及麻子川等處楊世俊派馬隊自紅土窩馳擊李耀南白馬營監派步隊輔之二十九日四鼓各營馬步齊集紅土窩鼓行而西黎明遇賊騎千餘

續編卷三十六

三

於王家堡關浙補用副將盛照魁步隊循南原乘高壓下提督銜江西補用總兵蕭贊謙步隊循西川兜勦而前提督張仲春參將楊德俊馬隊分枝斜抄賊之左右陣斬悍賊二三百名該逆向西北越溝竄各營馬步追殺六十餘里始收隊而還十一月初一日午刻楊世俊訶賊騎千餘圍攻安定縣西五十里細水岔田家窪民堡約徐占彪乘夜襲之派馬隊預伏內官營截賊歸路初二日四鼓各營齊抵細水岔乘賊不備掩之分枝圍田家窪賊巢堡牆登時該逆列隊死拒鎗礮對轟總

兵陳春萬立馬當先面中又子鎗傷勇丁楊化熊塵旗
猛進中礮而殞天明適徐占彪楊世俊掃蕩細水谷賊
巢而來飭馬隊下馬環攻洋鎗洋礮測準轟擊賊勢恟
懼壯士一鼓齊登立毀其巢餘眾奪門向西南狂竄營
見內官營塵起知張仲春楊德俊馬隊亦到各營乘機
夾擊截殺數百名追至站灘收隊而還兩戰共斃賊千
餘名擒七八十名分別斬釋奪騾馬千餘頭官軍弁勇
傷亡四名此十月二十八日十一月初二日楊世俊徐
占彪李耀南各軍勦賊獲勝情形也王家堡之賊生擒

續編卷三十六

三

賊目馬環訊供陝西大荔縣回民黨眾皆東鄉悍賊田
家產之戰據擒賊供稱是陝回零股糾合狄道逆回由
渭源竄來圍犯東路率綴官軍者逆日馬油布當經陣
斬矣初九日賊馬步千餘由大寨子趨通安驛並踞
楊坡店石家谷一帶踞通渭屬紅土寨三十里楊世俊
飭張仲春楊德俊即夜出隊會李耀南勦之四鼓馳抵
楊坡店石家谷李耀南督所部輔營及平江三營同至
彼此分途掩擊共斃賊三百餘名奪獲騾馬百餘匹鎗
械數百件此十一月初十日各軍截勦獲勝情形也臣

維南竄陝回除崔三禹得彥兩股外尙有白彥虎馬生
彥等黨眾人數雖多能戰之賊不過數千惟河狄逆回
及南路各逆回等雜其間人數多少尙難懸擬然北不
能通金積堡之援西不能連合河州之勢窮蹙可知
正宜斷其紛竄大舉圍之現飭周開錫將南路諸軍核
實歸併分布鞏秦一帶儲軍食作士氣遏其東趨飭黃
鼎揚世俊等馬步各軍一面採運糧料一面雕勦回土
零匪以免牽綴一俟北路局勢相定即從中路歷勦而
前期收節節肅清實效所有此次中路南路勦回獲勝

續編卷三十六

三

在事之員弁勇丁可否由臣等詳奏酌保以示鼓勵之
處出自

天恩謹會同幫辦陝甘軍務署陝西巡撫臣劉典合詞

跪陳伏乞

皇太后

皇上聖鑒訓示施行謹

奏同治八年十一月三十日

郭寶昌進赴河防金運昌與劉松山合隊片

再臣於同治八年十一月初四日欽奉十月二十六日

寄諭刻下黃河冰結山西河防更爲緊要該大臣既以李慶期爲不足恃則郭寶昌赴晉之行尤不可緩著即撤飭該提督酌帶親兵迅赴山西金運昌已督軍抵甯條梁宜酌飭令迅速前進與劉松山軍會集賊氛毋稍濡滯等因欽此臣先於十一月初二日據郭寶昌十月十五日稟稱前隊已抵安邊堡糧運甚艱該提督須暫駐紮德料糧運等情臣當即飛飭該提督既未前進則緩德距晉甚近應即欽遵諭旨酌帶親兵迅赴山西河防茲奉

續編卷二十六

三

寄諭又恭錄飛檄遵照並飭金運昌迅速進兵據道員曾傳理十月二十九日自金積堡沙窩緘報則云金運昌軍已與劉松山合隊矣尚未據該提督等稟報其到防各日期情形容續報謹附片具陳伏乞

聖鑒謹

奏 同治八年十一月二十日

軍機大臣 字寄同治八年十二月初八日奉

上諭左宗棠穆圖善奏東南各路官軍剿回登勝左宗棠奏遵旨復陳各一回隨奏均悉提督楊世後等軍將

陝回擊敗西竄自十月十九日至十一月初十日在固城清水驛紅土窰等處分軍進剿殺賊甚多並生擒賊目正法其分擾東路之逆目馬油布亦經陣斬現在各逆窮蹙北不能進金積堡之援西不能與河州連合左宗棠等已令周開錫將南路諸軍嚴實歸併分布鞏秦一帶並令黃鼎等軍雕剿回土零匪即著撤飭各該將領偵探賊蹤痛加剿洗一俟北路粗定即由中路掃蕩而前毋稍鬆勁此次在事出力員弁勇丁准其稟案請保左宗棠現在駐軍平涼策應各路並派黃鼎等分布

續編卷二十六

四

隆德靜寧會甯安定一帶雖與蘭州聲息相通而會垣防守事宜亦不可稍形疎懈穆圖善著懷遵前旨暫駐省城就現有兵力督同司道各官妥籌保衛左宗棠仍當隨時兼顧其石成器一股即著飭令肅宗幹等會同王仁和妥爲安插並將秦望川等處屯政趕緊料理北路之劉松山等軍並著催令前進以期節節疎通河州爲甘回負固之區必須破此巨巢方可迎刃而解著左宗棠察看情形如兵力足敷即行督軍前進以竟全功將此由六百里各諭令知之欽此

恪靖奏稿續編卷二十七目錄

中路官軍剿回大勝摺

南路官軍迎剿連勝摺

請調馬德昭移駐陝境片

定邊失守請飭郭寶昌肅清湘皖兩軍餉道片

辦結土匪張貴等片

北路官軍進剿疊勝摺

雷正綰等剿賊獲勝片

金運昌會剿獲勝片

續編卷二十七目錄

請 飭部頒發湖北牙釐章程並頒給部帖片

擊辦逆匪張維並陳日新革職留營片

賊踪紛竄現籌剿辦並自請嚴議摺

請 飭定安等撥濟劉松山等軍食片

剿辦固原山東回上各匪擒斬巨逆摺

劉松山陣亡現籌辦理情形摺

請 賞劉錦棠京銜並派總統幫辦片

請 飭定安速解老湘卓勝兩軍軍食片

中路官軍剿回大勝摺

奏為中路官軍截剿竄回大獲勝仗恭摺仰乞

聖鑒事竊陝回收遁狄道後屢次出巢掠食均經官軍

擊敗嗣據獲賊供稱陝回馬鎮和等逆被剿窮蹙糧草

缺乏潛遣人由金積堡至狄道曠逆日崔三禹得彥馬

生彥白彥虎等股眾潛襲平角城官軍營壘掠取軍糧

乘勢東犯以攻雷正綰等軍之背而解金積之圍十一

月二十九日申刻升用提督徐占彪調逆回馬步數千

出狄道向安定西北好麥川巉口稱鈞驛等處絡繹奔

續編卷二十七

一

赴卽帶所部步隊三營會商總兵裴忠朝率所部馬隊

星夜馳奔巉口擊之一面布置安定城守楊世俊卽由

紅土窰率所部馬隊各營馳赴巉口會剿是夜四鼓各

營馬步抵巉口瞭見好麥川稱鈞驛及巉口迤東之張

家莊等處火光遍野逆眾蟄集徐占彪率馬步分中左

右三路猛攻巉口飭副將黃志元步隊橫出稱鈞驛以

馬隊輔之楊世俊率張仲春楊德俊馬隊循山脊繞出

稱鈞驛之前截賊歸路巉口之賊卽向北路魯家溝狂

奔徐占彪躡殺四十餘里追至石峽灣收回巉口其稱

約驛之賊分由好夢川會合內關營賊向西南折竄官軍疑其遁回狄道也遂收隊回安定是役共斃賊二百餘名生擒三十七名奪獲驃馬二百餘匹官軍受傷勇丁二十五名此徐占彪楊世俊各營截剿竄回獲勝之情形也歸營後訊據擒賊馬彥江彥首等供稱嶮口竄出之賊爲崔三好麥川內關營竄出之賊爲禹得彥馬生彥白彥虎各股即飛報陝安道黃鼎自靜甯出會甯截之十二月初一日黃鼎各營抵會甯迤北之郭城驛逆回已由紅堡子向打拉城長流水一帶疾馳而東矣

續編卷二十七

二

初三日五鼓記名提督周紹濂調賊近半角城率隊迎擊賊已撲入半角城回堡周紹濂揮隊沿河截剿斃賊百餘名生擒二名官軍傷亡二十餘名半角城回堡西南二十里瀾泥溝段家溝爲陝回逆眷寄頓之所官軍前破李旺堡穆家潭回寨及打拉城大捷時陝回眷屬多已衝散逆首馬生彥之黨馬金倉收集就撫官軍以其中多老弱婦女釋之暫安插於西山瀾泥溝段家溝甘回莊寨兩月以來尙稱安謐至是突起應之周紹濂中營及所部右後兩營皆附半角城回堡北結營其右

後兩營適因金積堡賊出竄北路馬家河灣一帶截阻官軍運道正派令會同副將杜錫楨馬隊分途搜剿尙未收回老營賊至以中營及右後兩營所留三成隊伍鏖戰敗賊然兵力過單賊陷踞半角城回堡不能遏也是日右後兩營聞賊撲半角城恐老營有失急拔營馳回策應右營營官總兵銜儘先補用副將劉甫田率步隊親兵二十餘名薄暮趨程疾進行數里陷瀾中適兩旁騎賊蜂至劉甫田挺矛躍馬左右衝突刺斃悍賊多名卒以眾寡不敵立殞陣前比副將陳高華率右營隊

續編卷二十七

三

伍至賊已遁矣乃整隊回營是夜後營營官參將毛正明率隊南進李廣同行三十里至王家園莊天色正明調距莊五里之高崖子有騎賊數百正圍攻民堡而東路糧車假道而北者絡繹於道當會同總兵王銘忠各督馬步馳赴高崖子擊賊賊駭而奔毛正明當分兵交王銘忠助守軍糧自率隊伍躡賊至半角城漏已四下矣初四日黎明周紹濂派毛正明陳高華督隊分中左右三路進攻半角城回堡一鼓克之斃賊二百餘名奪獲驃馬五十餘匹糧食數千斤官軍陣亡弁勇三十餘

名帶傷八十餘名敗寇竄過河西段家溝等處薄暮官軍收隊回營此周紹濂所部中右後三營連日截剿陝回獲勝之情形也 前因半角城以北游騎剽掠糧運中梗檄提督丁賢發由固原前進搜剿正啓行間半角城警報適至又加派道員魏光燾步隊副將銜儘先參將劉錦臣馬隊繼進飭提督左日升留閩儘先補用參將馮南斌所部防固原頭品頂戴記名提督陳廣發所部防瓦亭節節護運前進續據北路謀報馬鎮和喉其黨安燕千餘眾出掠康馬頭一帶而段家溝賊初四

續編卷二十七

四

五日以後人馬又忽增至數倍賊勢更張初六日魏光燾丁賢發馬步由固原鼓行而北初八日進李家瓜園是夜周紹濂所部分防黑城子李旺堡之前左兩營步隊護糧過王家園莊迤北十餘里之墩子溝圍王銘忠調良回馬柏森馬隊為前導遇劫糧賊騎狂奔而來異常悍鷙馬柏森眾寡不敵馬隊被賊衝散陣亡回勇六名前營營官總兵李良穆左營幫辦副將周玉林各以所部步隊結圓陣禦之輜糧居中外環刀矛鎗礮騎賊六七百縱橫衝突十數次官軍屹立不動遇賊近則鎗

礮輪轟之賊中人馬應聲而倒逆騎不得逞復跋步賊千餘猛撲陣前軍士皆殊死戰無不一以當十戈矛截刺終夜有聲步賊不敢近退入破堡以叉子鎗穴牆對擊騎賊則分起環繞更番不休李良穆左肩被賊鎗子洞穿復裹創血戰軍士屹立一夜一晝勺水不入口相持至初九日酉刻魏光燾丁賢發各帶所部馳至賊死傷已多復見官軍大至狂遁而西官軍壓追十餘里齊抵半角城魏光燾丁賢發直搗段家溝賊巢由川東進周紹濂由川西進賊悉眾越西山遁走官軍乘勢將瀾

續編卷二十七

五

泥溝段家溝等處賊巢一律盪平躡賊二十餘里至峽口該逆由長流水西竄鹽茶各振旅而還計初八夜至初十日各戰斃賊七八百名生擒八十餘名訊畢斬之拔出男婦老弱百餘口兵勇傷亡五十餘名此官軍連日截剿竄回蕩平賊巢獲勝之情形也賊敗竄至鹽茶廳仍四出掠食蔓延西南莎蘿堡鴉兒灣水淡溝一帶初十日黃鼎自會寧馳回靜寧由硝河城黑城橫截而出十二日馳抵莎蘿堡東十餘里偵騎賊二三百正在圍攻甘回堡寨黃鼎麾馬隊掩擊之斃悍賊四五十名

餘逆遁歸鹽茶黃鼎留副將林定遠護輜重駐莎蘿堡
自督馬隊趨行薄暮抵鴉兒灣十餘里距鹽茶五十餘
里適騎賊數百正由鴉兒灣南竄筋副將黃虎臣縱馬
隊橫截其腰斃賊二十餘名奪戰馬三十餘匹餘逆向
鴉兒灣敗竄副將胡應芳怒馬直前躡近鴉兒灣四五
里從間道馳出忽悍騎數百圍逼而來胡應芳督隊迎
敵正搏戰間黃虎臣馬隊總兵章占雄李三春步隊從
後蹙至立斃悍賊數十騎收賊入鴉兒灣憑牆抗拒黃
鼎乘月色微茫密派李玉春章占雄挑壯士數十人倍

續編卷二十七

六

道繞出鴉兒灣左右沿山縱火爲疑兵親督馬步直搏
中路賊眾慌亂登時回西北潰走官軍三面抄殺陣斬
賊中悍目偽領員楊黑牛藍遇春等三十餘名奪騾馬
百餘匹二鼓就鴉兒灣休息據擒賊供崔三已越鴉兒
灣西南三十里趨老虎溝其由鴉兒灣西北敗遁者禹
得彥各股也黃鼎當飛飭林定遠帶隊由莎蘿堡橫出
老虎溝兜剿而前赴鴉兒灣合隊四鼓馬探報禹得彥
去而復來黃鼎督巡邏嚴守備以待忽西北角喊聲突
起有悍賊數十人撲近營壘黃鼎令軍士移燈滅火鎮

靜以待潛遣都司李洪超率銳卒數十人悄入賊中刀
矛亂刺賊眾驚潰斬馘數十名生擒三名據供禹得彥
度官軍遠戰疲乏嚇悍賊數百前來劫營不料爲官軍
所敗林定遠所部行近老虎溝已五鼓矣嗣逆回蟻聚
各回莊催隊疾進掩其不備斃賊數十名餘逆向西南
狂遁天明收隊抵鴉兒灣黃鼎分兵扼鴉兒灣自督馬
步進水淡灣西安堡劉家井連日搜剿而西該逆百十
成羣彌漫山谷見官兵卽遁疲驢病馬拋棄滿途據賊
中逃出難民供稱禹得彥十三日四鼓轉鴉兒灣之後

續編卷二十七

七

連夜向紅堡子遁郭城驛分股由中灘出打拉城竄靖
遠而西賊糧缺乏大半煮牛皮茹草子爲食黃鼎正擬
分路窮追嗣崔三一股復由大宏溝新營川竄右武營
可南走確河城以達靜海當收隊回防道出李家堡清
查南入營就撫甘回馬繼祖馬其那李守昌馬海奇等
五百餘家勒繳馬械誅從賊之馬宗德等三名總計鹽
茶之沒共斃賊三百餘名擒獲數十名奪獲騾馬三百
餘頭此黃鼎一軍連日截剿竄回獲勝之情形也十五
日楊世俊徐占彪瞭郭城驛一帶炊煙四起料東竄之

賊必經官軍截剿而西圖竄嶢口歸狄道當分馬步數路伏張家莊左右破堡約以火箭為號四鼓賊眾纔集各路官軍馬步突起號鼓齊鳴該逆倉皇挺走張仲春楊德俊總兵殷華廷馬隊亦自紅土窰率隊出張家莊助剿分途西追三十里至馬家堡沿途斃賊數百名生擒八十餘奪騾馬器械無算十六日未刻收隊回張家莊據生擒賊供此股即馬生彥禹得彥崔三馬金倉股眾連日經官軍追剿分三路西趨崔禹兩逆之黨悍目偽領員楊士明馬祿已斃於陣訛畢斬之同時河州回

續編卷二十七

八

目馬占隆等亦賊逆黨由大營川好麥川兩路東出嶢口車道嶺護賊回賊脊楊世俊徐占彪會商官軍馬隊出大營川步隊出好麥川乘該逆喘息未定擊之是夜月明如晝楊世俊督馬隊由張家莊北原安家墩出車道嶺瞭見西竄敗賊漫山遍野楊世俊縱隊擊之臨至甘草吉擒斬極多餘眾向狄道遁逸十七日黎明大營川忽橫出悍騎數百楊世俊知為狄河援賊也飭馬隊分中左右三路迎敵該逆下馬挺矛死鬪官軍亦分枝改騎為步仍以馬隊抄大營川之後楊世俊督殷華

廷率隊衝其前斬悍賊數十名逆勢披靡紛紛潰散官軍乘勢躡至高崖斃賊百餘名奪戰馬百餘匹該逆狂奔而西未刻收隊紮車道嶺其好麥川一路徐占彪於十六日二鼓率步隊前行抵杜家窰溝該逆猝不及防徐占彪滾隊撲上斃賊三百餘名追至漫窪正收隊東向山左右礮聲震烈突出馬步賊四面包圍副將何玉超攻其左黃志元攻其右徐占彪督隊居中鎗礮環轟賊不少卻徐占彪揮戈突陣手帶矛傷勇士如牆而進併力壓之斃賊多名賊眾大敗官軍縱追十餘里該逆

續編卷二十七

九

擁擠不前隊崖壑者不計其數薄暮收隊距嶢口迤西六十里之蒲家堡駐紮二鼓該逆馬步復折而東連夜撲犯官軍營壘數次均經徐占彪督隊擊敗十八日黎明會合楊世俊遍搜山谷斬獲殘匪多名日暮收回嶢口道員李玉南先於十六日辰刻由紅土窰整隊西行十七日五鼓抵嶢口偵禹馬等逆已經徐占彪楊世俊擊敗而西崔三後股又將偷越嶢口李耀南率同總兵周顯明蕭寶謙副將盛照魁等步隊銜枚疾進截擊於嶢口二十里之鹽溝地勢險隘不容方駕逆眾憑卡死

拒官軍火器環施刀矛繼進賊勢不支紛紛敗北轟斃刺斃跌斃者不少奪獲騾馬百餘匹餘逆越魯家溝北奔已刻官軍收隊回曉口休息十八日窮搜而北崔逆已向郭城驛南趨各軍十九日均回防所謀報崔逆十八日竄踞會寧迤南二十里之康家堡黃鼎留防會寧之總兵趙興隆帶所部七成隊潛師夜起襲之斃賊約三百名擒斬十餘名奪騾馬牛羊無數餘逆循豹子川南竄紅土窰李耀南隨楊世俊率隊出安定會剿十九日酉刻先後抵紅土窰設伏以待二十日三鼓賊騎逾

續編卷二十七

十一

紅土窰北原俯瞰官軍官軍佯爲不知四鼓崔逆率千餘騎從花尖堡越李家河楊世俊李耀南馬步分道抄擊該逆四面被創截成數起尾賊百餘騎折而北遁盛照魁楊德俊裴思朝馬步邀截之一股數十騎由花尖堡遁府子川周炳榮馬隊聚殲之一股百餘騎由李家河奔李家灣提督銜記名總兵黃儲寶追剿於後總兵殷華廷副將姜鳳興候選知縣胡嗣曾攔截於前無一脫者崔三率七百騎死黨越李家河趨王家岔楊世俊李耀南督馬步跟踪歷追張仲春馬隊復夾麻子川東

西兩原飛馳通安驛逆其去路該逆拚死抵禦經官軍鎗轟矛刺而殞者不下二三百名崔三率數十騎狂遁而西殿後數百騎經各路馬步合勢圍剿陣斬偽副元帥馬得海擒崔三之叔崔官騎賊悉就誅戮得逸出者不過二十騎耳步隊追至馬家河馬隊躡至皋陶河楊世俊復挑數十騎窮追崔逆弗及戍刻回安定防所訊據賊供崔三不料官軍回防如是之速圖由紅土窰偷竄不料正遇官軍遂至大敗計十二月十六日十七日八二十日之戰斃賊實二千數百名生擒三百數十名

續編卷二十七

十二

共逆眷之填溝壑者無算奪獲戰馬駝騾近千匹器械無數官軍傷亡弁勇三十餘名此楊世俊徐占彪李耀南趙興隆馬步各營截剿竄回大獲勝仗之實在情形也臣惟金積堡陝回被剿窮蹙其勾引南竄狄道諸逆劫糧阻運事在意中此次崔禹馬等逆悉銳北竄勢頗披猖一挫於周紹濂半角黑城諸戰再挫於黃鼎鴉兒灣老虎溝諸戰其敗歸也復爲楊世俊徐占彪等所截統計前後擒斬之數實逾三千而墜崖落澗餓斃自盡不與焉諸軍於歲暮嚴寒之時馳驅於水枯草絕之地

卒能踴躍用命痛挫兇鋒在事出力員弁勇丁可否擇尤酌保以示鼓勵之處出自

逾格鴻施陣亡之總兵銜儘先補用副將赫勇巴圖魯劉甫田明幹槩勇轉戰數省卓著戰功茲以助剿北路劫掠竄賊獲勝後急回顧牛角老營中途遇賊血戰捐軀殊堪憫惻應請

天恩飭部照總兵例從優議給

卹典其餘銜鋒冒險力戰陣亡之副將邱元章徐廣發王清祿游擊饒開鈞把總黃占奎黃安邦均請照所保

續編卷二十七

三

官階

賜卹以慰忠魂謹會同幫辦陝甘軍務署陝西撫臣劉典恭摺馳陳伏乞

皇太后

皇上聖鑒訓示施行謹

奏 同治九年正月初八日

南路官軍剿連勝摺

奏為南路官軍迎剿河狄鼠回連獲勝仗恭摺馳報仰乞

聖鑒事竊甘南鞏秦所屬地方當河狄逆回出竄衝要上年九月二十五至十月初二等日經鹽運使銜分發補用道湯聘珍記名提督涼州鎮總兵傅先宗各軍扼剿竄回於西和禮縣一帶折遁狄河兇鋒稍斂然勾結陝回崔三禹得彥各股敗寇仍不時覬覦南路牽綴官軍嗣臣宗棠奏派周開錫令湯聘珍督同提督梅開泰所部扼漳縣而營傅先宗駐軍寧遠分枝由徽成出西和禮縣節節搜剿作為遊剿之師十一月二十二日賊眾擾及西和縣附近地方以民堡伺提督丁桂智馬

續編卷二十七

三

隊將至聞風宵遁十二月初一日丁桂智追賊至禮縣屬之巖城調賊結寨於石東溝距巖城三十里初二日黎明丁桂智分馬隊繞出賊前派副將田大伏兵於石東溝西南要隘親督候選知府已革湖北鄆西縣知縣程光第直搗中堅賊方排谷口而陣官軍併力壓下賊勢不支踰溝越嶺而遁適官軍馬隊迎擊其前田大所部橫擊其中丁桂智程光第率隊張左右翼從後蹙之賊眾大敗把總吳振高貪拾財物丁桂智立斬於陣軍士股栗悉銳直前抄殺躡二十餘里斃賊三百餘名生

擒三十八名奪獲大旗十面矛一百數十餘件薄暮收隊就地安營洞零股賊眾數百嘯聚敗寇回踞石東溝十餘里蔡家山陶坪莊意圖抗拒詰朝丁桂智戒各營秣馬蓐食整隊馳進察看蔡家山懸巖峻坂鳥道螺旋賊踞其中分悍黨百餘憑隘口以拒官軍丁桂智察其未可以力攻而下挑壯士改騎爲步踰山脊壓下以擊其勢田大程光第催隊從峽口猛進賊正恃險穩抗不虞官軍徑搗其巢也返顧慌亂號叫狂奔墜崖殞者三四百人馬隊分途截殺二百餘名生擒六十名巢賊數

續編卷二十七

四

百無跳免者奪獲大旗十四面鎗礮刀矛數百件驟馬百餘匹官軍陣亡三員此傳先宗派丁桂智各營在禮縣石東溝蔡家山剿賊獲勝之情形也同時竄遠西南包家莊雙碌柱亦有賊踪竄擾十二月初一日傳先宗派提督高月桂總兵蘇家良馬步馳剿初二日抵包家莊調賊竄聚南山蟠結未動初三日黎明官軍步隊伏山左右馬隊分枝抄賊歸路以一枝挑戰該逆從山峽中衝出異常獍悍官軍馬隊且戰且走誘其離巢漸遠步隊從左右橫矛繞進鎗礮環轟馬隊前後夾擊之斃

賊四百名餘逆六七十名敗向雙碌柱合股官軍乘勝搗巢一鼓而克斃賊三四百名生擒十四名奪獲驟馬百餘匹餘逆八九十名狂遁而西官軍勇丁稍有傷亡此傳先宗派高月桂蘇家良在竄遠包家莊雙碌柱剿賊獲勝之情形也兩次生擒之賊七十四名經道員黃慶章總兵桂林香訊明被脅漢民九名當准本地士紳保釋其餘六十五名內有逆首王老虎立馬當先指麾羣賊副將屈邦彩陣擒之其畢分別斬梟初八日湯聘珍調漳縣三分以西逆眾千餘騎麇集比令提督梅開

續編卷二十七

五

秦挑銳卒五六百派副將楊永成常遠藻領之乘黑夜斫賊營漏三下官軍潛入賊巢揮刀亂斫夾以火器該逆自夢中驚起駭怖失措官軍乘機掩殺斃賊六七十名奪戰馬數十匹獲鞍屨器械甚夥敗賊逸汪家衙初九日黎明梅開泰督馬隊躡至王家河出石灰溝口沿途斬賊極多賊屍盈野餘逆遁入狄遂此湯聘珍督同梅開泰馬步在漳縣三公一帶剿賊獲勝之情形也臣維甘南諸軍裁併之後壁壘新立士氣奮興自十二月初一至初九日擒斬賊數不下二千餘名實足壯軍聲

而寒賊膽此次在事最為出力之員弁勇丁可否容卹
擇尤酌保以示鼓勵之處出自

天恩所有陣亡之游擊杜敬仲守備張自新把總周八
士三員均係血戰捐軀應請

飭部各照官階議給

卹典以妥忠魂謹會同幫辦陝甘軍務署陝西巡撫臣

劉典合詞馳陳伏乞

皇太后

皇上聖鑒訓示施行謹

續編卷二十七

六

奏 同治九年正月初八日

請調馬德昭移駐陝境片

再臣於陝境肅清後率師規隴所部各軍北路直逼金
積堡中路直達皋蘭南路直臨狄道諸軍西進陝省毗
連之地自延榆綏迤東出鄜洛邠長越汧隴而南綿亘
千數百里均與甘省唇齒相依尤關後路運道現在金
積堡陝回被剿窮蹙糧草缺乏游騎伺虛掠食覲觀東
路兵至則去兵去則來飄忽靡定陝西各營或逼賊巢
或護運道或搜剿游匪本省兵分力單不敷調撥查甘

肅甘州提督馬德昭所統豫軍駐紮潼關晉溝素稱得
力目下豫省防務已鬆擬調赴陝西或以全軍移駐
或酌帶入成隊伍前來扼紮三原地方居中策應鎮壓
陝疆仍可為豫省屏蔽該軍月餉向由河南支發今既
由豫入關嗣後月餉仍應由河南籌解劃抵河南欠解
甘肅協餉於事體亦為允當於時局大有裨益除咨馬
德昭並河南撫臣外謹附片具陳伏乞

聖鑒訓示施行謹

奏 同治九年正月初八日

續編卷二十七

七

定邊失守請

飭郭寶昌肅清湘皖兩軍餉道

片

再正拜摺間忽接據署延榆綏道成定康馳報八年十
二月二十日夜回逆襲隨定邊縣城前壽春鎮總兵蘇
如松預望城長回馬柏森稟報相同查陝西自甯條梁
以西安邊定邊花馬池一帶為劉松山全軍後路餉道
攸關劉松山進剿靈州臣因餉道堪虞飭金運昌於進
兵時留營防護嗣金運昌因前敵兵力尙單將甯條梁
安邊定邊各營調赴金積堡蓋冀郭寶昌馬步三營可

以續進填紮不知郭寶昌時已遵

旨赴晉也自此定邊空虛劉松山金運昌軍餉軍火軍糧皆需派馬步隊前赴寧條梁迎護此次賊乘虛襲陷縣城劉松山金運昌自必派隊馳援然由金積堡靈州至定邊傍河岸迤北而東逾花馬池計程三百數十里往返奔赴兵力過勞而前敵之兵見少現屆春令解凍伊邇山西冬防已將解嚴可否請

旨飭山西撫臣令郭寶昌於水橋銷化後迅率所部馬步三營由綏德馳赴定邊花馬池一帶肅清劉松山金

續編卷二十七

六

運昌兩軍餉道俾免後顧之虞伏候

聖鑒訓示施行謹

奏 同治九年正月初八日

軍機大臣 字寄同治九年正月十六日奉

上諭左宗棠稟圖善奏南路官軍擊賊獲勝左宗棠奏中路官軍擊退竄回並定邊縣城失守各摺片覽奏均悉河狄逆回勾結陝回崔三禹得彥等股竄擾禮縣寧遠一帶經傅先宗等疊次截擊擒斬賊匪不下二千餘名餘賊遁回狄道剿辦尙爲得手所有在事出力員弁

勇丁著准其擇尤保奏陣亡游擊杜敬仲守備張白新把總周八士均著交部議卹金積堡陝回被剿窮蹙復勾引崔禹等逆乘說北趨勢頗猖獗周紹濂黃鼎等於半角城黑城鴉兒灣老虎溝等處前往截剿斃賊三千餘名在事員弁勇丁尙屬出力並准左宗棠擇尤保奏陣亡之總兵銜副將劉甫田著交部照總兵例從優議卹副將邱元章徐廣發王清輝游擊饒開鈞把總黃占奎黃安邦均著照所保官階議卹陝回馬鎮和等堅守金積堡集穴屢攻未下該逆被圍日久時思勾引各股

續編卷二十七

六

逆匪劫糧阻運牽掣官軍並圖一逞現在敗匪雖已遠遁仍恐乘間分竄著左宗棠等督飭南路中路各軍確探賊蹤聯絡截剿使金積堡之賊勢孤援絕方可力圖攻拔陝西自甯條梁至花馬池一帶爲劉松山全軍後路根運所經何以金運昌據將留防各營調赴前敵詎不料及逆回詭計多端一經繞截後路全局卽虞掣動現在定邊旣被襲陷道設有梗阻關繫匪輕郭寶昌此時協防晉省河岸正當喫緊且所帶新軍人數無多不必令其馳赴定邊著左宗棠派隊馳援並責成劉松

山金運昌迅圖攻克肅清後路一面飛咨陝省防軍合力夾擊以杜賊蹤直擾其前敵各軍仍當飭令穩慎進攻勿稍鬆勁左宗棠另片奏請調馬德昭帶兵赴陝防剿本日已諭令李鶴年酌量調撥矣將此由六百里各諭令知之欽此

辦結土匪張貴等片

再臣前將土匪張貴率黨乞降道員黃鼎暫赴靜寧點驗降眾分別辦理於上年十月十九日奏報在案嗣據黃鼎稟稱張貴所部降眾大都籍隸平涼鹽固隆靜會

續編卷三十七

三

甯各屬逐日點驗查詢籍隸靜甯莊浪有家可歸者五百餘名資遣各歸各籍交鄉約管束其籍隸平涼固原隆德會甯者多因遭亂無家可歸交平涼府擇地安插此外尚有川湖淮豫人從軍被夷者二百餘名餘皆鹽茶廳人年力精壯回籍無以謀生恐仍流而為匪當挑補該軍新捷四營勇夫以資鈐束又挑膽壯戰馬一百二十五匹附入該軍馬隊而中路匪案始結臣維張貴即剛入本鹽茶廳民人粗蠢而有膂力始藉報復仇為名糾聚不過數十人嗣因年荒糧貴各處匪徒從而

附和遂至嘯聚萬餘居然置械立幟號稱義旅不肖官紳始圖倚其勢以自衛繼且假其勢以擾民為之勒兵費派軍糧有不應者破其堡寨擄其婦女甚至非刑拷掠搶殺焚燒利所有而食其餘所為殆無人理其黨之最兇惡者為偽統領候得應偽營哨官王壁柳林張起運樊耀青楊寶山趙銀秀柴滿桂張維維子楊潤安王魁楊兆魁等張貴就撫之後諸兇仍散匿各處迭經各營及各地方官設法擄拿始將元惡候得應王壁及各犯一律獲到先後押解臣營臣逐一提犯嚴訊該犯等

續編卷三十七

三

罪狀實浮於張貴竄之本地士民無不異口同聲其王壁一犯曾署隆德營外委而破隆德縣城戕害守備王萬順一家四口者即該犯也訊畢將候得應王壁凌遲處死以申國法而洩民憤其柳林等概予斬梟惟張貴一犯暫尚留黃鼎營勒捕餘匪且聽其獲犯自贖所有辦結中路匪案緣由謹據實附片陳明伏乞聖鑒訓示謹奏 同治九年正月初八日

北路官軍進剿疊勝摺

奏爲北路官軍進剿逆回攻破塞壘疊獲勝仗據實馳陳仰祈

聖鑒事竊陝回逆目陳林馬鎮和余彥祿等折竄金積堡自上年十二月十三日迭經官軍痛剿併入金積東西各堡與甘回雜居勢甚衰蹙續准劉松山牘稱該逆於十一月十四日夜仍就波浪渠堰修築長牆一道較前更堅十五夜二鼓調賊出金積堡西北馬家灘回寨運取馬草劉松山乘月掩襲分枝循東北進波浪渠長

續編卷二十七

三

牆直搗賊巢自督馬步疾馳提督金運昌營前合隊四鼓逆眾甫護牲畜出西北劉松山金運昌會商以步軍列隊居後伺冀賊出相機應之馬隊張左右翼一趨西路一趨北路賊見官軍大至駭而奔馬隊馳出賊後邀其歸路忽金積堡東西兩面角聲四起援賊驟至金運昌步隊迤西斜出劉松山步隊分三路排列正西一而嚴陣以待步賊且前且却正相持間官軍馬隊已收賊於秦垣關從步軍陣後抄出賊之左右劉松山搥鼓急進各路猛力薄之鎗礮雷轟刀矛如牆而進斃馬步悍

賊甚夥賊勢披靡向金積堡以西各寨狂遁官軍馬步緊躡至寨根敗賊有奔入寨內者有進寨不及越金積堡濠內逸出者其東北一路又經提督蕭章開道員劉錦棠督隊環攻賊尙憑長牆拏拒劉松山金運昌分馬隊繞出卡後該逆返顧慌亂蕭章開劉錦棠催隊將長牆一鼓蕩平乘勝逐北追近金積堡東西各寨收隊是役東西兩路共斃賊千餘名劉松山所部生擒一百八十餘名訊出賊目馬芝堂馬三揚李翔三名一併正法奪獲騾馬五百餘匹拾器械無算弁勇受傷九十五名

續編卷二十七

三

內記名提督楊清源胸腔受擡鎗子傷甚重陣亡弁勇十七名此十一月十六日劉松山會合金運昌各軍擊敗陝回攻破賊卡獲勝情形也十七日金運昌移營壓金積堡西北而壘斷該逆往來馬家灘之路馬家灘一帶向有本地回寨自官軍由固原掃蕩而北預望城李望堡一帶被創甘回多竄匿其中皆馬化澂新教死黨也二十七日黎明劉松山會帥進剿金運昌列隊於南劉松山列隊於西分枝迤西而東南金積堡東面步賊循牆出西北二三里各村莊憑礮臺抗拒馬賊則由正

西馳突而來提督余虎恩潘運璋周雲祥彭緒炳朱德開都司陳宗蕃副都統雙壽馬步猛擊之馬賊卽敗退步賊之後蕭章開劉錦棠從左右路猛進劉松山督中軍繼之乘勢壓下立將各莊礮臺一律踏平右路敗賊跳匿莊內近二百名經蕭章開圍殺無遺餘賊敗至波浪渠南西風起塵沙眯目乃收隊是役總計斃賊七八百名劉松山一軍生擒八十八名內賊目金虎馬沅哈桂清訊明均經正法奪戰馬二百數十匹器械多件官軍弁勇陣亡十八名受傷一百零四名此十一月二十

續編卷二十七 書

七日劉松山會合金運昌各軍進剿陝回獲勝情形也二十九日黎明劉松山押牲畜赴河西運薪芻自督馬步督築新壘金積堡東逆眾傾巢突出劉松山金運昌擊敗之斃賊三四百名三十夜逆賊又傍金積堡西北里計加修土壘兩座附築礮牆密開礮眼意似屏蔽賊巢十二月初一日黎明金運昌馬步向西南進劉松山馬步向東南進金積堡步賊出西北一二里憑依礮牆抗拒馬賊向正西衝突劉松山步隊分三大枝迎敵馬軍直趨正西提督曾松明軍功李雙良飛馬突陣壯士

繼之悍賊紛紛墜馬向正南敗走步軍迤東而北直逼礮牆賊憑牆穩抗官軍噴筒火箭環施夾劈山礮洋鎗測準轟擊賊中損折極多兇鋒大挫各營乘機撲之登時將礮牆踏毀賊敗向西北傍壘回拒瞥見官軍馬隊環繞兩旁恐斷歸路狂奔金積堡西面各寨壘賊見陣賊鼠竄回巢亦棄壘飛遁兩壘一鼓下之各軍分道躡至金積堡外濠而旋是役共計斃悍賊六七百有奇劉松山所部生擒百一十餘名訊畢斬於軍前奪獲戰馬器械甚夥弁勇受傷一百三十二名陣亡二十五名此

續編卷二十七 書

十一月三十日十二月初一日劉松山會合金運昌進剿陝回攻破賊壘獲勝情形也初六夜陝回馬步千餘出金積堡東南排列提督李雲貴營前一里許意圖出巢掠食經李雲貴董福祥各營擊敗南遁初七日午刻劉松山擒獲賊探供稱該逆越羊馬湖迤西而東出胡家堡向甘回王洪楊明兩寨索糧步賊尙屯胡家堡東南各村莊馬賊踞正東二三里距金積堡約四十餘里劉松山約金運昌整隊進擊初八日五鼓行抵胡家堡里許金運昌進右路劉松山進左路北近賊巢步賊登

時驚潰官軍分途掩殺斬賊無數馬賊聞號破聲由東面折遁西北沿黃河向馬家灘逸去初六夜及初八日之戰共斃賊六七百名斬逆目馬連一名劉松山所部奪牲畜二百餘頭器械數百件弁勇陣亡七名受傷三十八名此劉松山會合金運昌連日截剿陝回獲勝之情形也陝回與甘回向以同類不相殘害自陝回索糧於胡家堡未得又怨其引官軍剿之也於是陝回陳林等復嗾李旺堡馬家灘早元堡等處甘回於十一夜傍黃河出西北虜集胡家堡以南向甘回馬宏芝馬雄等

續編卷二十七

庚

通勒糧食佔踞四五寨劉松山偵知約金運昌合擊之十二夜潛師疾起天明抵胡家堡各寨踞逆馬步三千餘眾蜂出金運昌擊其右劉錦棠攻其左劉松山督中軍相機策應併力壓下賊敗歸巢各路馬步乘勝猛撲躡蹤衝入馬家寨賊三百餘名盡斃無一脫者是役各路斃賊七百有奇劉松山一軍生擒六十餘名奪戰馬三百餘匹器械多件勇丁陣亡十六名受傷八十四名此十二月十三日劉松山會金運昌馳剿竄回攻破堅寨獲勝情形也陝回屢收之餘不能分踞各寨盡附金

積堡壕內外支帳列居逆脊鑿錯其間外砌長牆以資屏蔽其原踞各寨馬化澂喉金積堡附近甘回踞之十九夜三鼓金運昌率隊向金積堡西門進劉錦棠率隊向金積堡東門進劉松山出中路策應兩軍比近賊巢賊驚覺依牆列隊各營鎗礮雷轟噴筒火箭齊發延燒賊帳壯士踰牆而上見賊即砍賊敗遁壕內官軍正分途掩殺間各寨甘回突出救援圖抄官軍之後陶定昇易致中何作霖分兩路橫擊之援賊不支敗遁原巢官軍壓追寨邊守寨之賊閉門拒之敗賊不得入循牆而

續編卷三十一

壬

遁壕內甘回恐官軍乘勢擁入立將卡橋折斷陝回之墮陷壕中刺斃跌斃者無算是役斃悍賊共五六百名賊眷傷夷者無數可計劉松山所部生擒一百零七名分別斬釋奪獲騾驢馬三百餘頭拾器械甚夥弁勇陣亡七名受傷三十二名此十二月十九夜劉松山會合金運昌攻破陝回牆壘擊敗甘回獲勝之情形也劉松山回營後令軍士備雲梯草束爲進攻之具二十一日黎明督隊抵胡家堡地方各寨步賊憑牆堡列隊馬賊分兩路衝來易致中何作霖張左右翼迎敵立斃悍騎

多名馬賊縮退步賊兩旁官軍三路乘之馬賊狂遁西南賊敗歸原寨入寨不及之賊各營四面抄殺無遺是役斃賊三四百名生擒四十三名訊明斬之官軍弁勇陣亡十一名受傷六十四名薄暮收隊距胡家寨二里安營其毗連胡家堡爲趙馬兩寨賊刃林立二十一日四鼓劉松山夜襲之督隊分數路環攻正在擲草填壕揮鋤湧進南西各寨步賊忽從趙家寨之左抄出劉松山督各營截擊援賊敗退逐里許適趙家寨中積薪爲官軍火箭所著煙燄騰空寨賊驚怖弁勇探升

續編卷二十七

三

而上拔之寨內踞賊焚殺殆盡各營捲旗休息更漏將殘矣其馬家寨之賊見官軍已破趙家寨分兵合圍無路可遁亦無援可待堅壁拒守二十三日辰刻軍士更番輪攻逾時之久寨中子藥磚石已盡各營乘機猛撲相繼而下兩戰斃賊七百餘名陣斬逆目馬世傳於趙家寨生擒逆目何彪於馬家寨訊明正法奪獲騾驢戰馬二百數十匹拾鎗礮刀矛六百餘件弁勇陣亡二十六名受傷一百三十二名此二十一二三等日劉松山一軍攻破趙馬兩賊寨獲勝情形也官軍收隊回金積

堡調陝回頭目鄒保和夥甘回逆黨由韋州一帶據糧而歸距金積堡東南三十餘里二十五夜劉松山約總兵張福齊徐文秀諸軍併力攔截漏二下賊由漢伯湖踏水而過不虞官軍已分三路伏堡以待也劉松山搥鼓發號催隊迎頭擊之該逆拋棄輜糧頓躡水中餘賊由張福齊徐文秀兩軍中空之地北竄經各營攔截而東五鼓繞波浪湖出西北趨金積堡方近板橋劉松山派提督尹興茂浦運璋截剿而前敗賊鮮有漏網總計此股鼠賊馬步六七百名除官軍擒斬衝散之外歸巢

續編卷二十七

三

者不過數十名牲畜糧食器械俱爲官軍所奪弁勇受傷八名此二十五夜劉松山會徐文秀張福齊諸軍迎剿東西竄賊獲勝情形也其金運昌會剿詳細情形及雷正綰周蘭亭張福齊徐文秀各軍迭次戰狀另片詳陳以清眉目所有劉松山一軍前後各戰陣亡記名提督張四維提督銜總兵文官勝記名總兵劉上達陳尊榮劉世福總兵銜儘先推補副將熊得佑補用副將陳起禮周連勝補用參將李壽其補用游擊袁勝義李鏡輝湯棟安游擊銜補用都司曾啟輝補用都司彭恒貴

董萬福拔補守備陳世直章友德符楚南張俊臣拔補
把總熊德新廖廷雲毛信成林家聲均係衝鋒陷陣血
戰捐軀應懇

天恩飭部各照所保官階議給

卹典以慰忠魂所有劉松山各軍進剿逆回攻破寨壘
迭獲勝仗實在情形謹會同幫辦陝甘軍務署陝西撫
臣劉典恭摺馳報再自上年十二月初旬以後西路援
賊踵至平涼固原以北至寧靈一帶連道中梗其間土
回亦有撫而復叛者兵事繁雜各軍所報戰狀緘牘又

續編卷二十七

三

往往中途沉失須飭從新補齋始可據以入

告而彼此補齋或遲或速未能剋期並刊故此大馳報
捷狀致有稽遲合併聲明伏乞

皇太后

皇上聖鑒訓示施行謹

奏 同治九年正月二十二日

雷正綰等堵剿獲勝片

再陝西提督雷正綰題奏提督周蘭亭提督銜記名總
兵張福齊各軍上年十一月十三日以前戰事原已於

十一月三十日馳報續准雷正綰等緘稱逆回勢窮圖
竄十三四至十七八等日各軍連日堵剿獲勝其文報
中途遺失未據補齋續據續稱十二月初一日辰刻劉
松山約會出隊雷正綰馬步向金積堡西門進周蘭亭
張福齊繼之賊大股自西面分道迎敵騎賊列步隊兩
旁分枝伏左右廢堡中意圖抄官軍之後維時官軍已
直抵二道渠賊紛紛越渠索戰提督閻定邦總兵陳義
趙玉亭前總兵徐萬福副將黃有本楊美勝隊伍一鼓
壓下躡追過渠賊伏起雷正綰周蘭亭張福齊調劈山

續編卷二十七

三

敵隊排轟之賊遁歸集各營正連環收隊騎賊復糾悍
黨衝突而來總兵劉明泰周玉堂參將劉忠發知州黃
立釐同旗猛撲逼賊入壕內乘勢將各堡伏賊搜殺而
還是役其斃賊五六百名生擒數十名分別斬釋奪獲
戰馬器械甚夥官軍弁勇畧有傷亡此十二月初一日
雷正綰周蘭亭張福齊各軍會剿逆回獲勝之情形也
初六日黎明各軍整隊分三路衝進二道渠扼賊於西
南各堡斬斃多名日暮收隊聞東南鎗聲張福齊周
蘭亭料賊圖南竄亟挑銳卒乘黑夜踏冰越油蔴湖馳

抵漢伯堡竄賊正狂奔而南官軍截其後股掩殺二百餘名獲牲畜二百餘頭是夜二鼓賊騎步數百竄近高州鎮總兵徐文秀營前搶越長壕各營迎頭堵截格殺十餘名奪騾馬數十匹該逆奪路而遁初七日賊乘冰橋偷越廣武營雷正綰等派隊雕剿斃賊多名賊逸而西趨副將楊光龍率隊出張恩堡截出行三十里至鐵桶堡斬殿後悍賊百數十名初八九等日閻定邦周玉堂黃立釐隊伍出廣武護糧沿途遇賊或數十人一起或百餘人一起官軍均有擒斬此雷正綰周蘭亭張福

續編卷二十七

三

齊徐文秀各軍連日截剿竄回獲勝之情形也十六夜二鼓逆眾由漢伯堡轉糧金積堡總兵陳玉貴徐萬福黃有本潛師襲之前截後追斃賊數十名獲其輜糧騾馬而歸十七夜漏初下周蘭亭張福齊調賊騎千餘出金積堡履水越油蔴湖圍分竄東南劫糧官軍預伏湖岸以待比賊近岸轟斃刺斃極多餘逆敗遁回巢生擒八名奪騾馬四十餘頭糧袋百餘條周蘭亭張福齊料該逆連夜負創必以官軍巡防在外將乘虛犯營顯十八夜軍中嚴守備各選壯士伏壕內俟賊至營前乃起

擊之二鼓該逆大股直撲張福齊營壘踰長壕按花籠勢甚兇猛張福齊周蘭亭播鼓發號督所部分左右路抄出壕內伏兵齊起應之該逆狂奔回巢是役殺斃賊數百名生擒十二名訊明斬之奪獲騾馬四十餘頭糧袋百餘條乾糧二百餘斤十九夜三鼓張福齊調賊由楊家團莊踰漢伯堡入金積堡壘隊掩之斃斃無數餘逆折回楊家團莊官軍四鼓收隊奪騾馬八頭雜糧百餘斤口袋三十餘條是夜二鼓該逆數百騎過油蔴湖徐文秀派各營迎擊之斃賊二十餘名奪騾馬數十頭

續編卷二十七

三

勇丁受傷三名陣亡一名此十六七八九夜張福齊周蘭亭徐文秀各軍截剿竄回獲勝之情形也二十四夜三鼓賊仍向油蔴湖偷渡徐文秀率隊截斃生擒七名二十五日逆眾由定邊據糧進預望韋州回金積堡各路官軍得報同時準備三鼓賊越漢伯堡經劉松山督隊擊敗趨油蔴湖北道徐文秀所部斃賊數十名該逆仍折而東是役徐文秀所部斃賊數十名生擒九名奪其牲畜糧食據擒賊供此股即陝回鄒保和所帶經官軍截擊落後茲圖歸巢訊畢斬之徐文秀於二十六夜

分佈防兵於油蔴湖三鼓城至官軍併力攔截壽斃數十名生擒十七名餘逆仍向東竄其經金積堡迎護之賊又經劉松山擊敗歸巢二十七夜三鼓金積堡復出悍騎駛油蔴湖東緝徐文秀橫截之將逆眾截成兩斷此二十四五六七等日徐文秀各營截剿竄回獲勝之情形也除俟各軍續報到營再行馳奏外所有雷正結周蘭亭張福齊徐文秀各軍堵剿逆猖益獲勝仗實在情形謹附片具奏伏乞

續編卷三十七

書

聖鑒訓示施行謹

奏 同治九年正月二十二日

金運昌會剿獲勝片

再記名提督金運昌所部馳抵金積堡地方與劉松山會師剿賊所有上年十一月節次獲勝情形臣已准劉松山來牘陳

奏惟未據金運昌稟報故戰狀不詳嗣迭據金運昌稟稱該軍將定邊花馬池運道部署節節分營駐守即自率馬步各營於十月二十四日馳抵靈州築壘於城西

南十餘里比因回逆正向劉松山乞撫連日按兵未動十一月初三日辰刻劉松山以陝回人眾心雜撫議無成約齊隊痛剿當率所部成列以出與金運昌會師吳忠堡午刻齊抵板橋瞭見賊中馬步出金積堡附近堡寨列隊抗拒劉松山分三大枝攻其東北金運昌向金積堡之西擊賊右路總兵銜副將王化成副將邵升堂步隊列右路之左提督方廷芝參將董布亮步隊列右路之右金運昌督提督銜總兵張懷玉參將邵維常居中策應提督王鳳鳴總兵李華文馬隊出步隊左右兩

續編卷三十七

書

路之旁稍取遠勢以作包抄賊見官軍新樹一幟隊伍不及劉松山之多悉銳以欺其單官軍以洋鎗洋礮三路排轟刀矛手連環湧進斃悍賊數十名賊陣慌亂王鳳鳴李華文等縱馬抄殺步兵繼之逼近金積堡壕邊蕩平賊巢十餘處薄暮收隊即於金積正北迤西四里與劉松山聯絡為營初四日巳刻金積堡東西兩面塵氛大起偵賊傾巢而出欲與官軍決死戰也劉松山攻其左金運昌仍攻其右先以馬隊誘戰佯為不勝伺步賊離巢漸遠金運昌揮隊奮擊李華文王化成馬步從

右路之左殺出王鳳鳴方廷芝馬步從右路之右殺出賊大清遁入西南各巢落後之賊斬馘殆盡少得免者各收隊還兩日之戰金運昌一軍斃賊近千生擒百數十名奪獲戰馬三百餘匹弁勇受傷一百九十二名參將張兆孟左膀受矛傷陣亡四十四名此十一月初三日金運昌會劉松山剿回獲勝之情形也連日大風揚沙賊伏未動初七日劉松山會商仍分兩路出隊金運昌一軍斃賊二百餘名生擒三十餘名奪獲戰馬四十餘匹勇丁陣亡九名受傷四十二名初八日黎明劉

續編卷三十七

三

松山移軍金積堡正北里許築壘金運昌列隊助之賊出馬步來撲官軍嚴陣抵禦午後營壘成軍士分途壓剿斃賊約二百名生擒十餘奪戰馬二十餘匹勇丁陣亡八名受傷三十名初九日劉松山會金運昌隊伍進金積堡之西回逆亦分股索戰馬賊迤西而北圍繞官軍之後金運昌派王鳳鳴領馬軍禦之輔以步隊洋鎗手自督大枝馬步合劉松山右路之兵將東路悍賊奮力擊敗轉旆而西策應王鳳鳴一路其時西北馬賊猶將下馬步戰軍士以全勝之勢騰氣益雄超距而前當

者辟易博擊逾時賊紛紛上馬飛騎狂遁官軍斬其殿後悍賊多名壓追金積堡西面寨外而還是役斃賊三百名受傷鎗礮傷者約六七百名生擒七十餘名獲戰馬百餘匹器械五百餘件勇丁陣亡三十二名受傷百四十名總兵郭占榮躍馬當先面被矛刺手中礮傷副將李占標驍勇突陣左肱受矛傷穿透左股中飛礮子此十一月初七八九日金運昌會劉松山剿回獲勝之情形也是日以後至十六日金運昌一軍捷狀臣已於劉松山摺內兩次畧陳大概其稟報尙未到營想係郵

續編卷三十七

三

遞遺失已飭補齋前來再行詳報嗣金運昌以賊勢蹙而仍悍迭次交鋒騎賊慣用步戰與官軍短兵相接所部步隊伍營扼駐正北而金積堡西門一路該逆尙能出入樵採因將甯條梁安邊定邊各營移赴前敵以厚兵力分屯金積堡西北而壘二十七日黎明金運昌馬步出正南與劉松山西路隊伍互為犄角王鳳鳴馬軍迤南而東以分東路賊勢金運昌揮隊向南猛進賊千餘悍黨迎敵張黨王王化成方廷芝三面抄擊之該逆敗遁西路王鳳鳴隊伍自東緊躡其後劉松山隊伍自

西攔截於前敗賊盲死趨波浪渠見官軍因風勢漸緊按隊未追忽憑渠抗拒相持許久風漸定邵升堂挑壯士數十名挺長矛從左路越渠猛刺賊驚潰右路之賊亦經劉松山擊敗各路躡近賊巢始行收隊二十九日金運昌步隊列營壘左右挑戰賊堅壁未出已刻金運昌聞南路礮轟雷震知劉松山已出隊擊賊矣督馬勇疾馳東路夾道衝出賊駭而奔官軍分道躡之斬馘甚夥初一日劉松山會金運昌仍分東西兩路擊賊金運昌見賊之精悍磨聚於西東面賊勢稍弱分小枝隊伍

續編卷二十七

奏

牽綴之挑馬步大隊併力與劉松山全部排山而進將西面賊壘礮臺一律踏毀殺至金積外壕而還二十七二十九至初一日三次之戰金運昌一軍斃賊八九百名生擒百餘名奪獲戰馬八十餘匹軍械百十餘件勇丁陣亡二十名受傷五十六名二十七日之戰邵升堂身先士卒奮勵無前左股受矛傷此金運昌會劉松山連日剿回獲勝情形也陣亡之游擊朱鳳章都司劉振邦守備孟繼聲均係血戰捐軀應懇天恩飭部各照所保官階議給

卹典以慰忠魂除金運昌一軍戰狀俟接詳細續報再行馳

奏外所有金運昌上年十一月初三四七八九及二十七二十九十二月初一等日會合劉松山剿回獲勝情形謹附片馳陳伏乞

聖鑒施行謹

奏同治九年正月二十二日

軍機大臣 字寄同治九年正月三十日奉

上諭左宗棠奏彙報北路官軍剿賊疊勝暨金運昌雷

續編卷二十七

奏

正綰等軍獲勝情形各摺片映回逆目陳林等折竄金積堡負隅抗拒經劉松山會合金運昌等軍於上年十一月十二月間疊次獲勝攻破秦壘賊鋒大挫著左宗棠嚴飭劉松山會同各軍將該逆悉數殄除毋任漏網所有劉松山軍力戰陣亡之提督張四維提督銜總兵文官勝總兵劉上達陳尊榮劉世福總兵銜儘先推補副將熊得佑副將陳起禮周連勝參將李壽其游擊袁勝義李鏡輝湯棟安游擊銜都司曾啟輝都司彭恒貴董萬福守備陳世直章友德符楚南張俊臣把總熊得

新廖廷雲毛信成林家聲並金運昌軍陣亡之游擊朱鳳章都司劉振邦守備孟繼聲均著交部各照所保官階議卹金運昌雷正紹等軍均係會攻金積堡之師現在逆回乘虛肆擾陝境著左宗棠嚴飭該員等將金積堡賊匪迅速掃除以便分兵追剿毋為該逆牽掣將此由六百里諭令知之欽此

請 飭部頒發湖北牙釐章程並頒給部帖片

再臣前派周開錫總統甘南諸軍兵事餉事飭令認真整頓以裨大局茲據稟稱改秦州厘局為甘南稅厘總

續編卷二十七 四

局仿照湘鄂閩浙各省成法酌以本地情形核實經理現計收入之數較前增倍惟牙帖一項向由地方官轉呈藩司衙門照例頒發每歲歸稅藩庫而額數甚微弊竇實大今擬仿照鄂章市鎮分繁盛偏僻帖分上下三等提入稅釐局舉辦商民請帖者均由局按章給領以歸實在臣查周開錫曾隨同前湖北撫臣胡林翼辦理軍餉於牙釐事務最為熟悉現在統軍甘南稅釐已漸有起色若將牙帖併歸局辦無論牲畜土產估販百貨各項牙帖均可湊集成款即於鹽帖為一大宗將來花

馬池等處之鹽令民間請帖行銷足以開節源而濟軍用除飭周開錫妥籌試辦外相應請旨飭部將湖北牙釐章程鈔發並頒給部帖以便因地制宜變通盡利謹附片具陳伏乞

聖鑒訓示謹

奏 同治九年正月二十二日

軍機大臣奉

旨戶部議奏欽此

拏辦逆匪張維並陳日新革職留營片

續編卷二十七 四

再前據署平慶涇道魏光燾稟稱奉前督臣穆圖善札開同治七年五月十四日奉旨諭林壽圖奏平涼失陷游擊李承萬遇害知縣陳日新並未殉難據稟出城彈壓且千總張維有通匪情事又風聞陳日新與張維有私分餉銀與之齟齬等語棄城通賊罪名均重虛實均應徹底根究以肅紀綱著穆圖善按照林壽圖所陳情節遴委委員確切查明嚴參懲辦等因欽此欽遵飭查稟覆臣於魏光燾未稟請查辦之先據署固原提標平涼營游擊李開化代理平涼

縣知縣陳日新會稟平涼營于總張維派赴後路糧臺請領餉銀一千兩該于總回營僅交銀七百餘兩餘均匿不繳出署游擊李承萬勒令如數全繳加以答責張維心懷忿恨時匪目蘇存鴻正盤踞平涼北原張維遂勾引蘇存鴻詐稱回逆於七年四月二十五夜率黨由城東缺口入城登時將游擊李承萬戕害並戕哨官林世忠孟宗孔旋即出城代理平涼縣知縣陳日新聞信赴援則已無及張維蘇存鴻戕官後投入上匪張貴股內希圖漏網現將張維設法拿獲徑解提臣雷正綰行

續編卷二十七 聖

營臣當咨提前署平涼縣于總張維到營親訊各情供認不諱並令與陳日新面質陳日新實無私分餉銀與之齟齬情事比即將該犯張維盡法懲處梟首平涼並通飭嚴拿蘇存鴻獲案懲辦嗣於上年十一月初六日經駐固原州提督丁賢發將蘇存鴻拿獲解營臣查該逆以固原積年巨匪屢撫屢叛兇狡異常茲復與張維勾結陷城戕官罪大惡極訊明後即凌遲處死以申國憲而快人心平涼城垣空濶城內一片瓦礫陳日新僑寓城西破屋中賊由城東缺口潛入戕官比陳日新

聞警由城西馳往則賊已出城陳日新並無棄城先遁之事嗣設法拿獲要犯張維面與質訊亦委無私分齟齬各情惟城池被匪闖入營官被戕究有應得之咎可否請旨將花翎補缺後以直隸州知州用留甘補用知縣代理平涼縣陳日新革職留營效力以觀後效之處出自天恩除咨覆前署督臣穆圖善外謹附片陳明伏乞聖鑒訓示施行謹奏 同治九年正月二十二日

續編卷二十七 聖

軍機大臣奉

旨著照所請該部知道欽此

賊蹤紛竄現籌剿辦並自請嚴議摺

奏爲賊踪紛竄官軍分道馳剿現籌剿辦情形恭摺馳報仰祈

聖鑒事竊金積堡逆回經諸軍迭次痛剿勢極衰蹙逆回計無所出惟恃勾引援賊阻截官軍糧運冀解重圍以爲救死之計上臘崔三馬得彥馬生彥白彥虎諸逆由狄道北援金積堡迭經官軍痛剿死傷極多狼狽歸巢馬化澂猶不知也怪崔逆等久不赴援又遣其同教靖遠馬襲子虎偏額子等夾其妻弟臨洮大師謝四及

續編卷三七

器

崔山等急赴金積之援上臘二十八日西山各良回報河州大股逆回步騎數千突至西安州一帶臣飛飭半角城黑城子李旺堡固原州瓦亭各營嚴防一面調陝安道黃鼎率所部馬步各營剿之正月初四日黃鼎率各營自瓦亭進駐固原州初八日賊騎竄由黑城半角城中間山徑出大路撲犯記名提督丁賢發營壘丁發飛飭右營副將楊正華由高崖山邊截剿自率親兵從大路迎頭截擊賊欺官軍隊伍甚單三路擁出峽口悉力來撲丁賢發率親兵力戰穿入賊陣縱橫搗抉賊

不能當斂眾退入石峽口丁賢發令楊正華參將伍慶雲游擊黃義勝守備銜千總張玉樑把總張文元劉學明等從左右縱擊之賊陣遂亂一紅衣逆酋挺矛縱馬而來喉諸賊轉鬪丁賢發策馬馳及立將逆酋刺傷而奪其馬賊眾擁逆酋向石峽口而去石峽口山徑仄狹騎賊能魚貫不能雁行丁賢發飭排開鎗礮轟之賊死傷相繼棄馬上山弁勇爭先奪擊塵戰至酉刻始收隊還營是役以寡擊眾以步敵騎斃賊數百生擒悍賊四十餘名戰馬二百餘匹騾馬二三百頭並該逆所進馬

續編卷三七

器

化澂黃帽藏囊等物而官軍陣亡者六十九名受傷者九十五名蓋亦血戰矣據生擒賊供該逆圍繞東山向預望城章州以竄金積堡比黃鼎獲運各營趕到則賊已遠遁乃飛報金積堡各軍嚴密戒備以待其由金積堡竄出環慶一路擾截糧運者約有兩大支頭起爲甘回馬升明陝回海萬新等二起爲陝回藍明泰馬正剛等漢回雜湊計人馬約二千內外號稱四五千上臘十七日賊騎百餘攻環縣之大柴溝民堡副將蕭玉元救之十八日遇賊大柴溝南二十餘里蕭玉元麾隊迎擊

追近大柴溝殺賊數十奪獲馬十餘匹生擒回逆劉有明馬明連訊供係上臘初五日由金積堡竄出之賊小頭目爲陝回劉得元二十一日復探各股麇至環縣之二十里舖是夜四鼓蕭玉元率親兵及前左兩哨列於河下知縣羅壽昌率右後兩哨由山上壓剿而下蕭玉元望見山上之隊齊抵山梁塵隊急進殺賊十餘名賊卽卻退羅壽昌率山上之隊馳擊而下彼此會合猛進斃賊五百餘名生擒三十五名奪驟馬百餘匹訊據生賊供甘回頭目馬升明陝回頭目劉得元海萬新均經

續編卷二十七

異

陣斬矣二十六日戌刻詞縣境馬房川又有賊踪羅壽昌等馳至賊卽上山逃遁蹤跡追殺二十餘名餘賊乞降羅壽昌驗其器械衣服或有或無挾之以歸訊知卽前次擊敗餘賊也內有逆回二十一名斬之而馬升明海萬新等一支已紛紛散竄不復成股矣其餘黨之無歸者仍結夥分途四竄十二月二十九日署慶陽府知府謝大舒調郡北東川地方有賊竄至商之署慶陽營游擊李奪魁挑選留防勇丁及親兵團勇其一百三十名伏於賈家橋適報騎賊已抵旋馬灣相距僅十五里

李奪魁急進掩之初一口辰刻馳抵月樂地方擬保花翎守備張金明參將宋南山千總程炳順先以三騎誘賊賊千餘競起逐之忽李奪魁督隊齊至立刃十餘賊各舍洞賊蜂擁而出李奪魁背山據險整隊奪擊賊多死傷一黃襖賊目中鎗而斃賊勢大潰李奪魁追擊十餘里至澗池掌柔遠川賊遠遁黃頂山始收隊而還計斃賊百餘名奪驟馬三十餘頭矛桿二十餘件是時合道川一帶警報頻傳初二日蕭玉元出隊本鉢城遇賊騎數百突至其地寬平如掌無險可扼乃結方陣禦

續編卷二十七

異

之相持三時不決賊騎亦不敢近進薄暮收隊而回是夜蕭玉元羅壽昌分三路設伏於張家灣合道城河及川西各處三更賊果大至五品軍功鄧紹禹於賊騎過半時橫截而出鎗礮分列排擊昏黑之中賊不辨官軍多少後股騎賊向東北奔竄前股千餘爲合道城河及川西伏兵截住各弁奮力衝殺將賊截爲兩楸黎明賊紛向合道城河下竄官軍奮威衝殺斃賊人馬二百有餘生擒三十八名敗賊向安家掌一路飛遁初三日追剿上竄之賊至環縣探賊由肅遠溝竄去其下竄之

賊亦由毛家溝竄去初五日李奎魁商同總兵戴佑勝參將宋南山易谷方張金明等率勇丁二百人趨東川邀擊之行抵白家甸訓知賊竄過迤東十里住窩洞十餘處初六日寅刻分三路進攻賊甫驚覺恟懼思遁官軍急擊之斬賊數十其前數寨之賊百餘名策馬翻身而竄官軍躡踪窮追二十里沿途均有擒斬計共斃賊百餘名生擒十三名署平慶涇道魏光燾所留鎮原搜剿竄匪之總兵夏奉朝及提督甘大有連日於鎮原之張高鎮計家大岔鎮原固原交界之海巴子川一帶搜

續編卷三十七 畧

剿竄逆計其斃賊約近百名生擒十四名奪獲騾馬六十餘匹初六日魏光燾馳回慶陽接據各路稟報合道川截斷一支北竄之賊又將下竄而白家甸擊敗之賊已由合水邠州交界之蒿水舖竄向固城當即飛緘提督劉端冕所部前後兩營分途兜剿飭參將魏紀奎率隊由西華池南義井向寧州正寧一帶截之初九卯刻夏奉朝赴慶陽一面派馬勇赴黑水河一帶偵探中途遇逆回十餘當即追殺生擒五名奪獲騾馬七匹訊知陝回馬正剛帶陳瞎子馬祥順沙學德等賊黨二千餘

由金積堡竄至惠安堡掠取食鹽遺千餘賊裹送金積堡自帶千餘人由惠安堡鞏州堡下馬關預望城毛居士井三岔河而來騎賊因馬倒落後者多初八日三更由三岔河竄西峯鎮蕭金鎮暫帶馬隊參將譚吉士訊知前情未刻率隊追至蕭金鎮當即飛隊攻擊立斃悍賊十餘名奪騾馬數十騎賊四路衝至將馬隊圍住譚吉士督隊衝殺突圍而出仍回關十餘合賊始敗退計陣亡馬勇三名受傷八名初十日夏奉朝回營十一日率隊追至蕭金鎮賊已於是日竄甯州十二日拔隊甯

續編卷三十七 畧

州則賊已由正甯竄入陝境三水矣其竄陝以後情形已由署撫臣馳報竊維由金積堡竄陝之賊定邊甯條梁竄入者據各路馳報數約三千由環慶竄入者兩支約二千餘環慶慶陽各營初八日以前所剿敗者其前股也人飢馬乏遇官軍則敗現已掃滅殆盡陝回馬正剛一股稍悍前竄入陝境者實不滿千頃據魏光燾稟十一夜溫橋夜襲賊館斃賊二十名生擒十二名無一脫者十七日太平鎮擊逆目藍明泰一起斬殺四十餘名生擒四名餘賊向三岔河遁去當即馬正剛之黨未

能合隊者臣聞馬正剛一股將闖入陝境十四日即調漢中鎮總兵李輝武駐寶雞兩營赴乾州限於十九日到乾派總兵殷華廷率精騎百名輔之將以扼口子頭之要也嗣賊已由口子頭竄出復飭李輝武續調兩營繼進而飭周開錫以吳士邁宗岳兩營填紮其壘李輝武殷華廷馬步皆能戰檄歸署撫臣就近調遣自可得力惟延綏一帶兵力甚單前奏請飭山西撫臣於冰橋消化後催令郭寶昌渡河而西肅清劉松山金運昌兩軍餉道如蒙

續編卷二十七

五

俞允庶於大局有裨至臣統籌全局未能先事預防致逆回得乘隙入陝擾及完善咎無可辭應請旨將臣交部嚴加議處以明軍律伏候

皇太后

皇上聖鑒謹

奏同治九年正月二十二日

請 飭定安等撥濟劉松山等軍食片

再劉松山一軍軍糧由花定運解程途千數百里已不免梗阻之虞況現在回氛竄擾斷難恃以接濟金積堡

賊勢實已窮蹙其詭計專在阻擾該兩軍糧運冀可退兵臣於上年十月初三日接准綏遠城將軍定安文稱蒙

恩飭部撥賑難民降眾董福祥等銀十萬兩一款尙存退還糧價後價銀二萬兩咨臣撥交成定康作為湘軍運費等因之時臣知運道專恃綏德一線必不可恃當即飛咨定安撥交署甯夏將軍金順為湘軍辦糧嗣准金順來文甯夏不能採辦前項銀兩仍擬交定安代辦又經臣飛咨定安懇即迅速派員採買并購駱駝由陸

續編卷二十七

五

起運接濟湘軍臣恐此項銀兩業已起解在道定安無款挪墊又在山甘捐局撥銀二萬兩專檄派委記名副都統喜勝俟山西銀兩解到即資銀前赴包頭稟商定安雇船裝運如河水未解即買駱駝陸運在案又准劉松山牘稱該軍駝隻倒斃極多惟阿拉善旗尙可採辦臣亦飛咨阿拉善親王貢桑珠爾默特代辦駝隻即由劉松山如數給價然道路寫遠文報往還動輒兩三月之久湘軍兵食缺乏岌岌可虞臣日夜焦思寢食俱廢爰於本月初十六兩日飛咨金順張曜懇其在該營

糧內各借一二百萬斤接濟劉松山軍食糧價運卹由
 劉松山先撥銀二萬兩如劉松山營次無銀歸款即咨
 由臣照依買價解還亦在案惟臣於定安金順處已緘
 牘交馳情詞迫切無可再加而劉松山金運昌軍食除
 包頭甯夏兩處而外實別無設法之處惟有懇懇
 天恩飭下定安金順張曜無論如何為難總須設法撥
 濟該兩軍軍食保茲勁旅以全大局實為萬幸謹附片
 陳明伏乞
 聖鑒謹

續編卷二十七

聖

奏 同治九年正月二十二日

軍機大臣 字寄同治九年正月三十日奉

上諭左宗棠奏賊蹤紛竄現籌剿辦情形並自請嚴議
 暨請飭定安等撥濟劉松山等軍食各摺片所陳金積
 堡逆回經官軍痛剿後竄之黑城半角城等處提督丁
 賢發於石峽口敗之其由環慶竄出各股亦經副將蕭
 玉元等軍先後擊敗惟前據劉典馳奏逆回竄擾陝境
 及昨日李鶴年李宗義所報邊馬已至大荔羌白潘驛
 等處各情是賊蹤之紛竄陝疆者股數不一且自西及

東到處蔓延左宗棠督師西向未能將後路嚴密布置
 致全陝肅清之地復遭蹂躪實屬咎無可辭左宗棠著
 交部嚴加議處劉典雖因留防兵少堵禦不及而於所
 轄地方並不先事圖維致令賊蹤竄入亦著交部議處
 現在咸陽涇陽一帶徧地皆賊陝垣得以拒賊者僅恃
 一棧渭河兼之密邇晉豫防剿甚為緊急左宗棠所派
 李輝武一軍兵力尙單著添撥勁旅星馳入陝會同劉
 典所派各軍合力剿擊淨掃賊氛儻該大臣等觀望遷
 延任令賊匪縱橫舉動全局則該大臣等自取咎戾朝

續編卷二十七

聖

廷亦不能曲加寬貸也劉松山金運昌兩軍圍攻金積
 堡踞匪現正得手所有該兩軍軍食自應迅籌撥濟以
 資飽騰定安金順素顧大局無論如何為難務須代辦
 糧米駝隻設法接濟俾免匱乏之虞是為至要將此由
 六百里諭令知之欽此

剿辦固原東山回土各匪擒斬巨逆摺

奏爲官軍剿辦固原東山回土各匪情形擒斬積年巨逆恭摺陳仰祈

聖鑒事竊平原之固原涇州之鎮原慶陽之環州壤地相連周千餘里其近固原東境者俗呼東山收復以後招輯災黎安撫良回散賊墾荒粗有頭緒而地形遼遠山勢叢錯兵燹之後人物彫殘回土各匪乘間出沒聚散靡常伺便劫殺自陝西提督雷正綰題奏提督周蘭亭總兵張福齊徐文秀各軍前進金積堡西南秦渠一

續編卷二十七

書

帶比飭記名周紹濬率所部五營分布固原以北之黑城子李旺堡牛角城副將桂錫楨扼四百戶提督丁賢發自鎮原出固原道員魏文燾提督劉端冕由慶陽舍水步步前進遙爲犄角清後路游匪護中路轉輸爲控制北路之計上年十月二十二日回民王萬益報賊騎擾及牛角城三十里之西陶家維時桂錫楨在牛角城聞信急督馬隊掩之斬殺六七十騎餘逆倉皇敗遁生擒劉鳳才丁鳳至馬生財馬四兒等四名奪獲騾馬二百餘匹雜糧二十餘石訛據賊供逆目明先行即明

七十子喉逆回馬子英馬新明馬計老等千餘騎自固

原東北之下馬關窺來圖截官軍糧道訛畢斬於軍前收隊回防訛該逆嘯聚殘黨折竄西陶家復圖抗拒周紹濬派總兵張大雄自李旺堡擊其東桂錫楨馬隊自牛角城擊其西二十三日四鼓各營乘月色微茫銜枚急進齊抵西陶家逆騎方排山口而陣瞥見官軍馬步兩路衝殺直前賊卽越澗翻山紛紛鼠竄官軍乘勢抄擊斃賊二千餘名帶刀不鎗礮傷者無算奪騾馬三十餘匹收隊回馬家壩子山谷中橫出悍賊百餘騎張大

續編卷二十七

書

雄嚴陣猛撲斬敵十餘名該逆仍奪路東竄此十月二十二三日桂錫楨張大雄剿辦土回獲勝情形也二十三日魏光燾率隊抵環縣二十四日黎明訛逆騎夜襲環縣迤北六十里之紅德城比督隊馳救賊已向西川一路遁去魏光燾麾軍緊躡二十里及尾賊百餘正率牛驢緣峻坂而上下臨環水提督左日升總兵夏奉朝率馬步隊斜出山右搶過賊前魏光燾督各營從後蹙之該逆自相蹂躪官軍乘而殲之其跳崖斃水得脫者十數賊而已收隊回紅德城休息以奪獲賊中糧畜數

給堡民二十六日進紅德城六十里之山城地方沿途乏水土卒負水以行二十七日直抵萌城已去慶陽四百一十里去環縣二百餘里矣魏光燾正揮隊圍攻該寨指索擾害紅德城之賊回目羅復章馬柏森等出寨羅拜訖日前竄擾紅德城賊目係明七十子架名萌城實則萌城良回未預逆謀且願備馬械聽調遣維時預望城已撫回目馬添發黑城子把總馬文昭亦來具保萌城良回永無反覆魏光燾察其情詞真功慰諭之率師由紅德城回慶陽忽接署鎮原縣知縣廖溥明報明

續編卷三十七

美

七十子一股又竄至固原東北嶺元城子三角城土回海生春馬正榮海滿相等出白家壩關堡臺攻掠鎮原縣東北姜家坵堡固原古城川鎮原南山洞土匪亦乘間竊發臣比飭親軍副將銜儘先參將劉錦臣留關儘先補用參將馮南斌橫出鎮固之交節節搜獲檄魏光燾自環縣而西丁賢發自固原而東兩路抄截該逆伺官軍分道掩至循環固鎮交界之三岔地方宵遁元城子盧家灣可北趨預望韋州以達金積堡魏光燾先期約劉端冕分派隊伍合力搗巢十五日官軍先後出抵

三岔道出三角城派候選州判朱寶常都司龔福祥彭桂馥千總李松泉誘擒土匪頭目吳成章斬之十七日行八十里止馬家河距賊巢六十里魏光燾傳令各營潛師夜起出賊不意提督甘大有參將譚楚光由左路進攻盧家灣左日升步隊繼之魏光燾親率參將于維槐夏奉朝馬步由右路進攻元城子知縣范廷樞副之十八日五鼓抵白家灣近元城子土營麟次逆眾翕聚其間不虞官軍驟至也比各營搗鼓發號齊進該逆倉皇出窰向元城子狂竄魏光燾催隊緊躡甫近元城子

續編卷三十七

美

土城城上角螺齊鳴賊眾馬步千餘開城迎敵白家灣敗逆亦回頭吶喊而來魏光燾分枝以應援賊自督步隊緊結方陣橫擣中堅馬隊張兩翼而進夏奉朝于維槐策馬衝突立斬悍賊十餘名賊眾大敗有飛馬東奔者有折回土城者官軍躡蹤猛擊立將元城子及附近之埽城子楊坵等堡掃蕩一空迨至白家壩適甘大有譚楚光亦將盧家灣沈家莊各處賊巢掃蕩來會賊分道狂奔一西竄白家壩一北竄預望城官軍仍收隊回元城子計是役共斃賊五百餘名生擒回目海生春之

兄海生獻及餘黨六十餘名分別斬釋拔出男婦老弱
難民三百餘名奪獲牲畜二百餘頭官軍勇丁陣亡十
餘名此十一月十八日魏光燾會合劉端冕所部兩營
攻破元城子盧家灣賊巢獲勝之情形也方魏光燾之
會師擄巢也丁賢發已率所部出固原之古城川大石
溝搜剿土匪十九日越大石溝近關堡黨偵賊數百自
白家壩竄來官軍預伏山側伺賊近前揮隊奮擊陣斬
十餘名墮崖落澗者二三十名餘逆越山狂遁不復成
列生擒馬福有馬正海閔起費海恭起海金江收隊回

續編卷二十七

五

關堡臺忽謀報明七十子敗黨復由預望竄距元城子
池西五十里之道蓮寺馬得中零騎逃逸望南界下河
川距驛馬關不遠二十一日魏光燾挑壯士乘月夜襲
道蓮之賊四鼓抵賊巢甘大有夏奉朝瞥見窸內火光
閃爍知賊踞其中下馬挺矛首先殺入勇士繼之擒斬
極多零星逸出者不過二十餘騎擒逆目苟幹臺供明
先行帶十餘騎於二十日早過道蓮寺不知去向訛畢
斬之二十三日魏光燾分營扼驛馬關會同留防各營
偵緝殘匪自率馬步進白家壩良回楊如雨迎候道側

稱海生春數創之後懾伏兵威現距此不遠求准其收
撫貸其一死魏光燾即以楊如雨為嚮導派副將舒萬
勝都司范潮海單騎前往提海生春及其眷屬到營訛
係破明七十子逼脅入夥實非甘心從逆魏光燾勒限
悉繳馬械細獻要犯贖罪隨據海生春率同馬得中刻
文與海滿和海維海江等款營待罪呈繳戰馬八十四
軍械六十件楊如雨亦具連坐甘結保其永不滋事魏
光燾比將海生春等交楊如雨管押以其餘眾八百餘
口安置白家壩附近地方請示前來臣查固原東山土

續編卷二十七

五

回種落繁衍門戶各別回眾中自相推擇有總事有頭
目北五營總事即楊如雨丁有旺副之東四營總事海
生春頭目則海滿和海起舞馬三科海義泗也南五營
總事馬得中刻文與二人明先行即明七十子馬正榮
馬興貴穆仲元皆頭目也楊如雨本屬良回海生春馬
得中等向與母仲元同居固原州城上年八月內被陝
回裏脅出城逃竄元城子三角城一帶此次明先行劫
眾跳梁海生春等尙知及早歸順情有可原當發去良
民門牌交魏光燾轉給該降回予其自新以昭

朝廷寬大之德同時固原州城守營千總陸希正緝獲逆目馬歲兒子海苟苟子各犯由丁賢發派游擊黃義勝押解臣營訊係糾黨在平涼安國鎮劫殺者斬之在逃之著名首惡明先行即明七十子刻仲祿海彥虎海興和海揚昌海上玉馬如意明集成馬占全馬正榮等仍勒限海生春細獻丁賢發陣擒在押之馬福有等五犯已飭分別斬釋此官軍辦理固原東山土回剿撫兼施之大略也鎮固土匪自安家山寨惠常魁孫家窩孫百萬等伏誅之後續據代理鎮原知縣廖溥明鎮原千

續編卷二十七

本

總劉定洲擊解鎮原匪目惠文魁固原匪目黃登舉到營訊係煽攻民堡要犯斬之嗣十一月十四日劉錦臣馮南斌道出鎮原向南山洞搜捕而進協同廖溥明劉定洲都司封虎臣購線擒何秀義何秀儒何世落到案代理平涼知縣留陝府經歷縣丞王啟春亦先後弋獲屬尙勤蘇老五雷益發各犯皆籍隸固原其平涼之杜大福張文緒二犯亦經王啟春緝獲臣按名提訊均積年劫眾攻堡肆行殺掠巨惡屢尙勤曾攻破華亭縣城杜大福張文緒入平涼城戕害城守營外委孟姓邊姓

據佔其妻均經分別斬梟傳首犯事地方以伸國法而快人心所有官軍剿辦東山回土各匪擒斬巨逆情形謹會同幫辦甘軍務署陝西撫臣劉典恭摺據實馳陳伏乞

皇太后

皇上聖鑒訓示施行謹

奏 同治九年正月二十二日

軍機大臣奉

旨知道了欽此

續編卷二十七

全

劉松山陣亡現籌辦理情形摺

奏為劉松山屢攻賊壘克獲大捷中礮殞命現籌辦理
情形據寔馳陳仰祈

聖鑒事竊劉松山一軍上年十一月十五夜至臘月二
十五日進剿逆回攻破寨壘疊獲勝仗情形經臣於正
月二十二日馳報其上臘二十九日剿賊新揭堡獲勝
及正月初八日攻破金積堡附近地方陝回新修賊壘
各公牘尙未接到正月二十五日接劉松山十四日來
牘據稱初十夜四鼓吳忠各營飛報有馬步賊千數百

續編卷二十七

奎

名由東南胡家堡竄至秦渠南距石家莊一帶空堡及
馬五馬八條馬七三寨劉松山以石家莊距吳忠堡東
南四五里該各寨扼秦渠之要與下橋永寧洞水口緊
接地勢在所必爭立督步隊四營及親軍馬隊馳返吳
忠堡天明抵石家莊見賊已於西南廢堡修成三壘矣
劉松山飭提督譚拔萃周國勝李占椿易致中曾松明
朱德開副將趙彩照等三路齊進各指一壘奮力齊攻
一鼓克之其東西兩壘賊逸出者投入馬五寨劉松山
即令易致中朱德開李占椿分駐三新壘計斃陝回甘

回一千數百名頭目馬福喜亦經焚斃生擒七十二名

正法軍前弁丁陣亡者三十七名受傷者一百零七名
收隊後劉松山周覽正南馬五寨正東馬八條馬七兩
寨牆厚壕深殊不易攻留之則終爲後患遂令各營逼
寨築壘以便圍攻十二三日壘成十四日飭各營
齊隊往攻未下午後忽有援賊馬步約二千餘自東南
馳至排列營前二三里以時日考之當即臨洮謝四及
靖遠馬驍子也劉松山慮其入寨助守以抗官軍適是
夜金運昌已將馬殿魁各寨攻克擒斬甚多十五日商

續編卷二十七

奎

令金運昌先剿援賊黎明各路齊出步賊陣於各破莊
之前騎賊左右排列布隊甚整劉松山令先剿騎賊李
占椿趙彩照分左右抄擊火器進發刀矛繼進騎賊先
奔步賊仍屹立不動劉松山麾各軍奮威衝殺賊殊死
鬥屢卻屢前騎賊仍縱馬回撲官軍銳氣百倍縱橫盪
抉斃悍賊甚多賊始向東南胡家堡一帶竄遁沿途水
凌凝滑馳走不前官軍追殺五里乃收隊計共斃馬步
悍賊近千名奪獲善馬百餘匹鎗械無算劉松山傳令
乘勝攻馬五寨寨大而堅悍賊踞寨東一卡誓以死抗

劉松山飭譚拔萃周國勝李占椿曾松明攜攻具攻寨
飭易致中朱德開趙彩照帶所部截馬七寨馬八條寨
來援之賊商令金運昌率兩營列隊該寨東北防馬五
寨逸出之賊布置定譚拔萃等麾所部由寨邊繞出逕
薄外卡一鼓齊登克之外卡悍賊百數十名無一脫者
劉松山急督各弁丁舉薪焚寨門策馬由寨下督攻益
急忽為寨中飛子洞中左乳墜馬弁丁負入破屋中譚
拔萃等聞統領受傷齊來省視劉松山叱令速督所部
猛攻毋庸顧我亂行列譚拔萃周國勝曾松明李占椿

續編卷三十七 奏

見統領受傷含淚而出手執火包四面梯登督各弁丁
孫附繼上縱火延燒見賊即斫寨賊焚死溺死墜牆墮
井死者無數生擒賊目馬五收隊繳令劉松山諭以受
傷已重不得復活爾等殺賊報

國我死不恨言畢氣絕是時攻馬七寨馬八條寨之隊
仍未撤也據總理湘軍營務布政使銜即選道法福凌
阿巴圖魯劉錦棠記名提督瑚松額巴圖魯黃萬文分
統左軍記名提督江蘇蘇松鎮總兵法福凌阿巴圖章
章台才分統右軍記名提督綉武巴圖魯蕭章開會稟

前來臣接閱之餘悲悼不已竊維劉松山由湘鄉勇丁
從征積功洊擢廣東陸路提督轉戰湖南湖北江西廣
東福建江南河南陝西山西直隸山東甘肅各省剿辦
長髮捻回各巨寇無役不從無戰不克登蒙

天恩頒賞小刀火鏟大荷包小荷包

賞換達桑阿巴圖魯勇號

賞穿黃馬褂

賞給三等輕車都尉世職劉松山感荷

殊恩力圖報稱自入靈州以來蕩平堡寨五十賊巢九

續編卷三十七 奏

十餘皆策馬前行躬冒鋒鏑回逆之曾犯顏行者無不
聞名膽落上年七月初師由花馬池前進時馬化澄潛
調西甯馬尕三喉撤回助逆馬尕三以千五百騎應未
及一月經劉松山剿敗喪其大半逆歸自此西甯逆回
不敢復至西甯鎮總兵黃武賢前來營時為臣具道其
詳彼時劉松山不辨其為西甯回番與各堡甘回未形
諸公牘也河州逆回馬占儼前在甯夏大言以股眾助
陝回及劉松山屢捷目視軍威不敢復逞故此次馬化
澹求援於臨洮謝四及靖遠馬等子而河回未與之俱

其威震西陲如此臣方冀靈州嚴役奏請駐師寧夏以取猛虎在山之勢為西陲規久遠不料事未了而忽有此變也其治軍嚴不尙苛察其臨財廉不肯苟取其布陣方圓平銳登用得古人靜如山動如水之義其居心仁厚而條理秩如語及時局艱危輒義形於色不復知有身家性命從征伐者十有八載僅因募勇歸籍一次家居十餘日耳年已三十有七聘婦未娶者二十餘年臣由直隸西旋時知其婦家送女至南陽已兩年餘矣屬其行抵洛陽於募勇未到之暇剋期完婚適甘肅土

續編卷二十七

李

匪二十萬蔓延榆綏一帶臣飭其派隊由山西渡河入秦劉松山奉檄屆婚期甫半月耳觀人於微雖古良將何以過之合無仰懇

天恩飭部將劉松山照提督陣亡例從優議給

卹典

加恩予諡

飭祀京師昭忠祠並

准陝甘各省建立專祠而以所部陣亡各員并附祀其劉松山各處戰蹟並乞

宣付史館立傳表彰以慰忠魂其遺榘一俟道路疏通臣當派員護送歸籍仰副我

皇上軫念忠勤至意所有剿敗援賊攻克寨壘統將捐軀各情形謹據稟馳

奏伏乞

皇太后

皇上聖鑒訓示施行謹

奏 同治九年五月二十七

請

賞劉錦棠京銜并派總統幫辦片

續編卷二十七

李

再劉松山馬步全軍員弁勇丁均湖南人而籍隸湘鄉者尤多於此時而謀接統之將非能調護諸將而才堪一而之寄者不可查有現在總理該軍營務布政使銜卽選道法福凌阿巴圖魯劉錦棠木劉松山之姪隨同劉松山轉戰各省於用兵機宜夙有領會膽畧甚優在該軍總理營務已久軍情熟悉以接充總統惟老湘一軍營哨各官多已保至提鎮總統之員非位望稍崇不可劉錦棠自晉入陝由陝赴甘戰功卓著本應保獎之員可否仰懇

天恩先賞劉錦棠京銜以至鎮壓伏候

聖裁又記名提督頭品頂戴瑚松額巴圖魯黃萬友與

劉松山同為

子諡壯武前布政使銜副選道王壽舊部現在該軍辦

理營務穩練勇往素得軍心堪以派充幫辦謹微飭

遵照以定軍心理合

奏伏乞

聖鑒訓示施行謹

奏 同治九年正月二十七日

續編卷三七

宋

請 飭定安速解老湘卓勝兩軍軍食片

再金積堡地勢平衍賊所惟以穩抗官軍者秦漢二渠

耳兩渠源大河皆山西而東匯而北仍入大河渠尾

之要在下橋永寧湖地屬靈州劉松山上年八月郭家

橋大捷後急爭此地故不為賊所困昨兩次援賊之來

未入金積而先向東南似其詭謀仍注意於此劉松山

所以急起剿之也渠首之要在龍王廟峽口地屬中衛

峽口高於渠身距雷正綰駐營之處四十里雷正綰未

及預防十三日忽有逆回突至修築三壘比雷正綰周

蘭亭督隊馳往應戰竟日而三壘未拔弁勇傷亡乃至

二百餘名之多臣得報後急飭陝安道黃鼎率所部及

提督周紹濂兩營丁賢發兩營八成隊伍於護運軍糧

之便星馳往剿查馬化澂所居之堡牆高且厚外環深

濠兩道勢難力攻臣曾與劉松山商及非引渠灌堡不

可引渠非俟春暖冰融不可如黃鼎此行能奪回峽口

之要兼採中衛之糧則猶在驚蟄以前各軍不為賊困

且可制賊也惟劉松山所部糧食短絀雷正綰周蘭亭

張福齊徐文秀各軍之糧均盼臣處轉輸已有朝不謀

續編卷三七

宋

夕之勢金運昌一軍則更無可望此大局之最可憂者

合無仰懇

天恩飭定安速籌運解金順將所部封存之糧暫為借

濟俾湘卓兩軍不致因飢潰散則事有可為大局之幸

至郭寶昌上年赴晉稟帶所部步隊兩營馬隊一百同

去據稟已呈請山西撫臣乞假養病而昨接金運昌來

稟則有請飭郭寶昌勿藉口養病致悞大局等語查郭

寶昌赴晉之前曾稟稱力顧金運昌運道而後此未聞

解運一次軍糧其徒託空言已可想見宜金運昌有此

不平之鳴應懇

天恩飭山西撫臣傳諭郭寶昌於河冰銷化晉防解嚴之時迅即渡河將吳堡存糧百數十萬斤解赴花馬池以資接濟謹附片陳明伏候

聖鑒訓示施行謹

奏 同治九年正月二十七日

同治九年二月初五日內閣奉

上諭左宗棠奏提督劉松山陣亡懇請優卹予諡建祠一摺廣東陸路提督劉松山於正月初十日督

續編卷三十七

七

軍進剿甘肅石家莊回匪攻克該道新修各寨斃匪一千數百名復進攻馬五寨忽有援賊二千餘名排隊營前十五日劉松山會同金運昌迎剿擊斃馬步悍賊約千名餘匪竄遁攻破外卡各軍一鼓齊登劉松山策馬督攻其急忽寨中飛子洞中左召受傷甚重即時陣亡劉松山由勇丁轉戰湖南等處十餘省剿平粵捻各巨寇謀勇兼優無愧名將此次西征回匪策馬前行躬冒鋒鏑該道聞風應落方與攻克金積堡掃蕩而前肅清邊圉不料中道陣亡覽奏曷勝悼惜劉松山著照提督

陣亡例從優議卹加恩予諡入祀京師昭忠祠並於陝甘等省立功地方建立專祠所部陣亡各員查明一併附祀該提督各省戰蹟並著宣付史館立傳其遺屬回籍著沿途地方官妥為照料以示朝廷軫念忠勤至意欽此

同治九年二月初五日內閣奉

上諭左宗棠奏提督劉松山陣亡後該軍統率需員查有布政使銜候選道劉錦棠膽畧尚優軍情奮服堪以接統請賞加京銜等語劉錦棠著賞加三品卿銜接統

續編卷三十七

七

劉松山舊部用資鎮率欽此

軍機大臣 字寄同治九年二月初五日奉

上諭左宗棠奏請訪定安等速解湘卓兩軍軍食等語劉松山金運昌兩軍軍食缺乏左宗棠因雷正綰等軍須為接濟無暇兼顧著定安金順懷遵前旨代辦糧食駝隻迭籌接濟左宗棠所稱金順所部封存之糧約有若干如於此項糧石內撥解更為迅捷現在該軍正在喫緊之際斷不可稍分畛域致有貽誤金順於撥解後即可咨商定安籌款購糧陸續運往以備存儲郭寶昌

一軍現在晉省防河正當喫重米便前往其吳堡所存糧百數十萬斤著劉典查明派委委員分起解赴花馬池以資接濟毋許遲誤劉松山陣亡後該處軍情若何金積堡何日可以攻克劉錦棠已賞加三品卿銜接統其軍該大臣務當隨時激勵毋令勁旅頹廢提督黃萬友准其派為幫辦以資得力回逆東竄邊馬已及大荔等處陝省留營甚少左宗棠務當撥兵迅速援應不得置之不顧陝西日來情形若何能否攔截匪蹤勿使紛竄著劉典隨時據實奏聞並飭各營將弁加緊截剿力

續編卷二十七 五

掃兇鋒晉省西南河防緊要並著李宗義檄令李慶翱勤加偵探毋稍疎虞沿河各邑人心是否枚定務當嚴密布置勿涉張 此由六百里各諭令知之欽此

軍機大臣 字寄同治九年正月二十四日奉

上諭劉典奏回逆分竄陝境情形暨擊退竄涇賊股收復定邊各摺片回匪竄擾陝境攻陷定邊襲陷安定賊蹤飄忽肆行奔突左宗棠回援之軍轉落賊後該督撫等同辦一事何以彼此不相聯絡致誤事機現在五窰舖踞匪勢甚兇悍慶陽之賊又復竄至三水繞竄永樂店窺伺省城且尚有陳瞎子一股亦思竄陝定邊之賊攻撲寧條梁鎮靖堡等處並有另股賊匪滋擾希圖下竄賊蹤紛至沓來幾至不可收拾安定定邊雖據奏稱

續編卷二十七 五

收復殊不足恃著即將寔在情形查明具奏左宗棠入甘後自應酌留重兵力顧後路劉松山金運昌所部本係分紮花定何以不遵札飭竟行相繼前進雷正綰周蘭亭張福齊簡敬臨等四軍左宗棠祇令其剿辦牛角城等處踞逆何以道員曾傅理竟令各軍進發以致回逆乘虛竄入各軍進止自由無所約束該大臣當嚴申號令立將貽誤各員查明參奏以示懲儆馬德昭一軍前據左宗棠奏調已諭李鴻年飭令該提督督帶所部扼紮三原該軍抵陝後著劉典會商左宗棠妥籌調度

陝省防兵過單左宗棠務當抽撥勁旅回顧陝疆近將分竄各匪盡數殲除毋稍鬆勁劉典仍當嚴飭陳照臺成光裕等分投堵剿以遏狂氛不得徒事張皇毫無展布陝事一日不靖即蔣志章抵任劉典亦不得置身事外著即振刷精神亟圖補救毋得因循諉卸自干咎戾安定瓦壩鋪一帶距晉匪遙現在河冰未泮李宗義當督飭李慶翱等嚴密防堵毋稍疎忽豫師前已賞給副都統銜簡放西甯辦事大臣所遺蘭州道員缺已將張瑞珍補授矣著左宗棠即知照豫師迅赴新任並將應

續編卷二十七

畫

辦事宜妥為經理以副委任將此由六百里各諭令知之欽此

軍機大臣 字寄同治九年二月初六日奉

上諭劉典奏水陸各軍剿賊獲勝現飭山內各營設法兜剿等語回首馬正剛股匪圖渡渭河經副將陳瑞齡等擊剿該逆折竄洛西蒲城地界又經總兵張佑庭夏奉朝等沿途追剿斬滅甚多悉向北山竄走其竄入甘泉之匪復由勞山東竄其回逆由甘肅靈環下竄者未必非圖擾陝境陝西延榆綏各屬土匪游勇日久蔓延疊經諭令劉典認真搜剿現在回逆竄入更恐勾結為患著劉典嚴飭劉端冕劉登集張佑庭等蹙力兜剿迅

續編卷二十七

畫

圖殲滅左宗棠亦當飭令夏奉朝等會合夾擊務將該匪就地殲除毋留餘孽倘令該匪再行肆竄即惟左宗棠劉典是問北山一帶現有匪蹤晉省河防更形喫重著李宗義懍遵疊次諭旨飭令李慶翱郭寶昌督飭在防各軍嚴密堵禦毋稍疏懈現在陝西腹地雖無賊蹤甘肅進攻金積堡各軍糧運梗塞著劉典迅速設法疏通以濟軍食將此由五百里各諭令知之欽此

軍機大臣 字寄同治九年二月初九日奉

上諭劉典奏擊敗延榆綏屬境竄回現籌調營會剿請將陣亡員弁議卹暨劉端冕所部剿賊獲勝各摺片回逆馬正和等由金積堡出竄安邊分撲靖邊堡勢甚兇悍成定康會同彭緒圻出隊合擊該逆擁眾環攻復經官兵擊敗賊始東竄西來逆股亦向邱家坪竄去其竄擾米脂東北城門之賊旋經該處民團擊退現在葭州境內及榆林屬之鎮川堡一帶均有回蹤劉典擬調各營會剿著即嚴飭劉厚基攔頭堵截並進催宋慶抽撥

續編卷二十七 三

勁旅跟蹤會擊務將此股殲除惟回逆此次竄陝股數既多而自西迄東其勢又甚剽疾陟氛一日不靖則甘事益費周章左宗棠身總帥干不得稍存膜視仍著懷遵前旨添撥得力隊伍星馳入陝會合劉典所調各軍併力掃蕩毋任日肆蔓延米脂葭榆各境與晉疆相距匪遙該省河防喫重李宗義亦當遵奉疊次諭旨檄飭李慶翱郭寶昌督率在事將士寔力嚴防毋稍疏虞成定康所部陣亡之擬保提督記名總兵劉求益擬保總兵成榮華擬保副將參將皇崑山擬保副將銜游擊殷

忠廷擬保參將都司易培文擬保參將銜都司王世貴蕭得貴游擊張永田毛德武擬保游擊都司鄧萬盛都司張貴和守備余發勝倪顯濤成紹龍擬保守備千總羅聯陞擬保守備銜把總羅煥新成增光暨米脂縣團紳訓導高仲魁均著交部照擬保官階從優議卹馬正剛一股折走洛川復橫出郿甘交界之道左鋪盤經官兵追擊斃賊甚多回逆馬呼來等勾結土匪游勇由宜洛交界之孟家嘴竄至郿陽又經官兵擊敗分竄韓城等處即著劉典迅飭傅開德等率隊躡追一面飛咨馬

續編卷二十七 三

德昭渡渭夾擊毋稍遷延其由清澗境內圖擾腹地之馬正和一股並著催令李輝武等各率所部相機兜剿北山一帶為土匪游匪伏匿之所此時回匪縱橫難保不互相煽惑肆行滋擾劉典務當振刷精神督飭在陝諸軍力圖撲滅不得藉口兵單致滋延誤榆林靖邊各邑逼近邊牆竄突堪虞著定安檄飭防軍於鄂爾多斯各旗境內嚴密堵剿勿任滋擾將此由六百里各諭令知之欽此

軍機大臣 字寄同治九年二月十六日奉

上諭現因陝西回逆紛竄關中留兵不敷分剿已明降諭旨令李鴻章先赴陝西督兵剿辦矣西路回逆分竄秦境蔓延榆綏延各屬該處土匪潰勇本未及除淨盡深恐勾結爲患左宗棠西駐平涼離陝已遠而北攻金積堡南顧秦州兵力亦屬不敷况劉松山陣亡良將漸少邊外糧運之路又無兵可以保護是該大臣支絀情形深可垂念雖歷次降旨令左宗棠派兵赴陝諒亦因前敵喫緊無可抽調李鴻章本令督兵入黔其月餉早

續編卷二十七

表

經籌定而郭松林等軍尙屬不少且援陝之師無須大支勁旅不必與諸將領而商再行定議卽著就現有之兵先行統帶入陝砲日迅速前進將竄陝各回逆悉數掃除並著扼要駐紮與定安李宗義劉典所派各軍聯絡聲勢加意防範毋任逆蹤恣意東竄其北山土匪潰勇並著派得力之師次第搜捕淨絕根株俾左宗棠得以專心辦理甘肅軍務不至有跋前疐後之虞所有甘肅回匪卽責成左宗棠督勦務當廣籌方畧將金積堡等處逃圖克復掃蕩而前以紓朝廷西顧之憂左宗棠

定安李宗義劉典亦當隨時與李鴻章和衷商酌益臻周密金順勦辦王家疇莊近日能否得手務與張曜竭力進攻毋得遷延觀望寧靈距定邊不遠亦當與李鴻章隨時關會免致疎失李鴻章俟陝境肅清再行督兵赴黔以靖邊隅本日據袁保恒奏老湘草勝兩軍飢疲之餘所存不過十之五六請飭歸併等語該兩軍旣多缺額他營亦所不免現在餉項短絀豈可任其冒濫著左宗棠統飭查明核寔歸併以節餉需將此由六百里各諭令知之欽此

續編卷二十七

表

軍機大臣 字寄同治九年二月十八日奉

上諭劉典奏回逆分途竄擾營剿獲勝並賊竄北山各官軍防剿情形各摺片覽奏均悉回逆馬呼來一股擄及同官宜君等處經張佑庭等督隊追剿該逆由楊家店向甘境狂奔另股馬長鳳等由宜川竄偏澄城復經張佑庭擊退韓部地境又有大股賊匪竄擾劉端冕現已追抵韓城著劉典即飭劉端冕張佑庭視賊所向合力夾擊迅圖撲滅北路延榆綏一帶賊蹤紛竄經喻步蓮等督軍追剿前未大加懲創劉典因李輝武所部未

續編卷二十七

全

使調令遠征現已添募陝勇千人飭劉成軍著即添派得力將弁統帶前進迅速剿辦此時老湘車勝兩軍糧運梗阻回逆益肆猖獗若不迅籌堵蕩恐前敵各營軍心不固大局何堪設想著左宗棠速將慶環一帶分籌布置杜賊紛竄之路務使運道疏通官軍無後顧之慮方可一意進剿該大臣老於戎行諒不至漫無籌畫坐失事機也安定擊敗之賊竄至延水關該處偏近河干雖經晉省防軍會剿南竄難保不去而復來著李宗義檄飭防河將弁嚴密堵禦至韓部澄各屬沿河地方漫

漫灘處多尤應加意防維毋稍疎忽將此由五百里各諭令知之欽此

續編卷二十七

全

恪靖奏稿續編卷二十八目錄

湘皖兩軍連獲勝仗摺

雷正綰等退紮請 懲處片

覆陳定邊安定失陷情形摺

截剿南嵐逆回獲勝首逆伏誅摺

覆陳湘皖兩軍未能歸併片

安插制兵籌供客軍糧餉片

續編卷二十八目錄

湘皖兩軍連獲勝仗摺

奏為湘皖兩軍連獲勝仗現在布置情形恭摺馳報仰
祈

聖鑒事竊金積堡賊勢屢經官軍痛剿實已衰蹙頃據
劉錦棠黃萬友稟馬化澂知前廣東陸路提督劉松山
陣亡喉金積堡逆眾圖犯官軍詎據賊謀供稱賊之詭
謀在犯吳忠堡營壘搶永甯洞水口阻葉昇堡運道正
月十七日五鼓劉錦棠派赴河西護糧隊伍遇伏賊於
葉昇河邊斬悍賊數名劉錦棠黃萬友會商吳忠堡至

續編卷二十六

一

下橋地勢遼濶春融冰泮下橋永甯洞水口尤形勢所
必爭應移兵屯紮以昭穩固峽口既為賊踞賊得分洩
渠流以灌營壘戒備不可不嚴二十三日平羅接糧隊
伍回營二十六日黎明整隊出擊適賊三四千出金積
堡排列東南提督王承贊諭執益曹義勝進左路提督
李雲貴潘運璋副將趙彩照進右路提督陶定昇易政
中何作霖進中路軍功董福祥為後路策應部署既定
適西路破聲大震劉錦棠黃萬友料峽口之賊已與官
軍接仗也催隊急進東南步賊憑廢堡穩抗不動馬賊

分抄兩旁應戰兩時之久官軍先將馬賊擊敗併力壓步賊之前賊勢不支向正南敗走官軍乘勝躡殺陣斬悍賊數百名生擒三十餘名奪獲馬匹器械甚夥弁兵陣亡十七名受傷六十三名此正月二十六日劉錦棠黃萬友在金積堡東南接仗獲勝之情形也湘皖兩軍軍糧自東道梗阻均就河西採運賊騎每乘間抄掠是夜提督金運昌會商劉錦棠黃萬友各分兵夾河築壘以資防護二十七日黎明兩軍隊伍甫至河邊見遊騎數十自正東瞭望返奔而去少頃塵氛大起胡家堡甘

續編卷三十八

二

回王洪等寨馬步三千餘眾蜂至金運昌督所部攻其左劉錦棠督所部攻其右相持未久左路馬賊先敗劉錦棠飭提督譚拔萃周國勝從右路抄出步賊之後步賊復潰官軍兩路追殺五六里日暮收隊劉錦棠仍派提督李占椿率所部護築新壘二十八日壘成長刻胡家堡之賊千六七百名距營五六里而陣李占椿守壘金運昌迎敵正酣戰間劉錦棠率隊馳至併力壓擊追殺四五里而還兩戰共斃賊六百餘名劉錦棠所部生擒二十餘名奪馬械甚夥弁勇陣亡二名受傷二十七

名此正月二十七八兩日劉錦棠金運昌接仗獲勝之情形也二月初二日黎明金積堡漢伯堡遊眾四五千迤南而東齊集板橋圍撲董福祥營李雲貴率隊助董福祥憑壘禦賊提督蕭章開督所部直貫賊陣銳不可當李雲貴董福祥自營內衝出夾擊賊駭而奔官軍分途掩殺斃悍賊二百餘名拾拾鎗十七桿梯牌十餘件生擒十餘名此二月初二日蕭章開董福祥李雲貴會剿板橋撲營遊賊獲勝之情形也嗣是冰凍漸解野潦縱橫劉錦棠黃萬友相度地勢或開溝疏濬或築堤防

續編卷三十八

三

堵金運昌駐軍金積西北界秦渠之東切近馬家灘早元堡賊寨初六日黎明早元堡逆回數百憑秦渠築堤設卡金運昌會蕭章開何作霖易致中分三路剿之途時金積各堡角聲四起援賊大至各營收過渠南嚴陣以待劉錦棠加派馬步助戰賊勢驕甚金運昌由右路沿堤衝擊劉錦棠分從左路迎剿自督易致中周國勝策應各路將士奮威衝殺賊敗過渠北蕭章開越渠擊之金積各堡繼出悍賊來援劉錦棠督何作霖併力猛撲該逆紛向老巢敗遁是役共計斃賊四五百名劉錦

棠所部奪獲戰馬器械尤多弁勇陣亡十七名受傷六十二名此二月初六日劉錦棠金運昌會剿金積各寨逆回獲勝之情形也初八日陝甘各回傾巢而出賊數千先近板橋步賊一路出正北築壩決堤一路出正西撲金運昌營壘劉錦棠麾軍援剿驟見渠堤已被賊決水勢南趨渠北之賊甚厚金運昌迎剿之兵已阻於水正西賊眾林立冒死撲營劉錦棠分中左右三路烏水猛進軍士遇賊即斫金運昌馬步應之黃萬友率陶定昇易致中周國勝趙渠橫出賊前怒馬衝擊截賊爲

續編卷三六

四

數段正西馬步賊鼠竄歸渠正北之賊猶拚拒壩口黃萬友調開山劈山礮輪轟之賊始全數逸去各軍收隊漏已二下矣是役兩軍斃賊約千餘名劉錦棠所部生擒七十七名奪獲戰馬百餘匹拾鎗三十餘桿梯牌多件弁丁陣亡三十一名受傷一百四十八名此二月初八日劉錦棠黃萬友金運昌會剿陝甘回逆獲勝之情形也是夜金運昌以正北蔡家橋一壘距賊卡里許會商劉錦棠撥營聯絡以資控制初九日五鼓劉錦棠派步隊十營出正北修壘料賊必悉眾來爭約金運昌各

伏兵渠南廢堡偃旗息鼓以黃萬友右路之兵列陣渠北劉錦棠督中路修壘相機應之天甫明金積各堡逆眾絡繹出巢擁至蔡家橋齊隊劉錦棠按兵不動戒軍士趕緊築壘一面準備擊賊辰巳之交賊有沿隄放鎗者有越渠撲壘者伏兵起賊駭而奔渠內悍賊二百餘無一脫者中右兩路乘勝壓剿賊敗歸金積早元各堡而東南胡家堡王洪等賊復決開山水溝以淹吳忠堡赴河西運道劉錦棠令各營環壘修堰引注小渠合流入黃初十日午後各營正分段開掘渠溝忽胡家堡及

續編卷三六

五

各寨步賊千餘騎賊一二百隔水擲戰官軍用開花礮測準擊之一轟而退二鼓渠溝通暢金積堡逆眾復搬磚石築卡於北環以長堤意在引馬連渠水困官軍十一日黎明劉錦棠金運昌令各營携鋤鍤分道並進寨賊亦紛集堤邊抗拒官軍躍馬衝入賊陣當者辟易羣賊併向金積東門收走官軍躡至堡外次第收隊平其卡而還連日之戰兩軍共斃賊七百數十名劉錦棠所部生擒五十七名奪戰馬十二匹拾器械無算弁勇陣亡十一名受傷七十一名此二月初九初十十一等日

劉錦棠金運昌會剿逆回蕩平賊卡獲勝之情形也臣維劉松山亡後馬化澂竊幸官軍或難久與相持一面圖陷官軍一面上稟乞撫據稱時屆春融未及耕墾請委員辦理撫局稟中微及陝回本意就撫因劉提督操之過急遂致中變現仍傾心求撫等情臣比批飭從來中國與外國爭戰原有燒荒及擾耕獲之事若實屬本是中國土地人民漢回均是

朝廷赤子與用兵外國不同無禁其耕墾之理前劉提督辦理剿撫並無舛錯即再委員前來亦別無辦法察

續編卷二十六

六

其情形亦似窘迫實甚陝回人馬餓斃已多糶買無出馬化澂存糧亦難久支柴草尤乏所恃以負固稽誅者惟秦漢兩渠之委在下橋永窩洞其導源則在峽口永窩洞已經官軍扼守司其宜洩賊雖決渠不足困我而峽口被賊占踞官軍不奪其所恃亦終無以制賊現擬由靖遠造船配礮乘河流盛漲駛攻峽口如果奪此要津庶足制其死命惟湘皖兩軍糧食告匱雖百計圖維終慮難於持久微臣所日夜焦思不遑寢饋者也此次連獲勝仗除金運昌一軍詳細情形俟接來牘另片陳

報外所有劉錦棠一軍各戰陣亡之記名提督周和美補用參將趙吉祥參將銜游擊周大雨游擊銜都司馮餘雲都司龔龍舜都司銜守備鄧晚雲黎亮高守備李世梧章貴義馬呈祥守備銜千總董福生把總曹松茂許忠美吳永清劉得勝等均係衝鋒陷陣血戰捐軀合無仰懇

天恩飭部各照所保官階議給

卹以慰忠魂所有北路官軍獲勝現籌布置情形謹會同幫辦陝甘軍務署陝西巡撫臣劉典恭摺馳報伏

續編卷二十六

七

乞

皇太后

皇上聖鑒訓示施行謹

奏同治九年三月初七日

雷正綰等退紫請微處片

再陝西提督雷正綰題奏提督周蘭亭正月十三日峽口之挫傷亡弁丁二百餘名經臣於二月二十七日附片陳明一面調道員黃鼎星連馳援務奪回峽口要地以重形勢旋據雷正綰報稱十五日至二十日賊勢日

益披猖迨日守營出隊營哨各官多有傷亡而黃鼎赴
援兼須護解大批糧運軍火二十三日始抵四百戶二
十五日率親兵兩營隊伍剛抵宵安堡而所部三營尙
隔一日之程比於宵安堡昭雷正綰前此派赴中衛護
糧之營官提督周定邦總兵陳義據稱賊勢圍逼甚急
請速救援遲恐無及是日賊用大礮對雷正綰中營轟
擊四哨哨官均被礮轟斃雷正綰堅守營壘督將士悉
力抵禦待援黃鼎以事機緊急不候續到三營取齊商
請周蘭亭帶所部列隊峽口之後張福齋帶所部列隊

續編卷三十八

八

牛頭山副將楊正華列隊牛頭山口自率兩營親兵步
隊桂錫楨副青旗馬隊及雷正綰所部馬隊由牛頭山
前進並飭周定邦陳義襄糧隨後繼進以餉飢軍二十
六日辰刻師進牛頭山見賊馬步數千正攻雷正綰營
壘甚急黃鼎自牛頭山率隊壓下賊見官軍猛進卽解
圍迎戰黃鼎麾所部數百人左右盪抉賊紛紛敗走正
追殺間忽黃渠內馬步伏賊齊出峽口賊亦由後抄截
官軍歸路黃鼎率總兵韋占雄參將朱蘭亭等皆下馬
力戰短兵相接兩時之久斃悍賊甚多韋占雄忽中礮

陣亡金積堡逆賊是日經劉錦棠擊敗行亦蜂擁前之
截阻牛頭山歸路黃鼎見賊勢頗重日影漸西乃與總
兵劉治均游擊黃得勝等結隊徐退衝出山口副將吳
啟雲楊正華各率所部擊退山上包抄之賊雷正綰乘
賊與黃鼎廩戰率所部突圍出而峽口遂仍爲賊踞矣
臣維秦漢兩渠皆由大河分注由永宵洞會流入河是
永宵洞者渠之尾也兩渠皆導源於峽口爲渠之首金
積堡所恃以爲險者秦漢兩渠永宵洞雖爲湘軍所扼
下流宜洩得以自由不致爲賊所困而峽口一被賊踞

續編卷三十八

九

無以制賊而速戎機正月初三日劉松山晤商雷正綰
思蘭亭張福齋徐文秀卽以峽口宜築壘扼駐勿令賊
佔爲言雷正綰允其分營扼守遲至十二日始築峽口
之壘壘成不卽派隊填紮致賊從河西履冰突至據所
築新壘成此厲階咎本難辭惟忍飢苦戰十二晝夜將
士有死傷而無逃散情事似有可原應請
旨將陝西提督雷正綰革職留任以觀後效周蘭亭張
福齋兩軍於正月二十夜糧盡退回鳴沙州比黃鼎二
十三日護糧至四百戶事已無及該兩軍由金積堡退

軍時實因軍糧告罄領護軍糧後即同黃鼎進援峽口
與尋常債事者有間惟兩軍先退致雷正綰孤軍受敵
退軍時又未告知雷正綰究屬咎有應得應請

旨將題奏提督博奇巴圖魯周蘭亭提督銜記名總兵
達桑阿巴圖魯張福齊均撤銷勇號拔去花翎一併革
職暫留軍營差遣以明軍律黃鼎所部記名總兵辜占
雄膽技優長每戰奮勇爭先當者辟易此次深陷賊陣
遍體傷痕力盡捐軀實堪悼惜之至應請

旨飭部照總兵陣亡例從優議卹以慰忠魂其雷正綰

續編卷三六

十

周蘭亭黃鼎所部陣亡將士應俟查明請

卹現在雷正綰駐紮何家堡周蘭亭駐紮四百戶均進
兵要路正飭歸併營伍切實整理以待再舉張福齊一
軍已調回陝西因諸軍此次之退峽口之挫於全局
大有關係情罪不可不明非訪察確寔未敢輕率入
告是以陳奏稍遲合併聲明伏乞

聖鑒訓示施行謹

奏 同治九年三月初七日

發陳定邊安定失陷情形摺

奏為遵

旨覆陳仰祈

聖鑒事竊臣於二月初一日平涼營次欽奉正月二十
四日

寄諭劉典奏回逆分竄陝境情形暨擊退竄涇賊股收
復定邊各摺片回匪竄擾陝境攻陷安定襲陷定邊賊
蹤飄忽肆行奔突左宗棠回援之軍轉落賊後該督撫
等同辦一事何以彼此不相聯絡致誤事機現在瓦竄

續編卷三六

二

舖踞匪勢甚兇悍慶陽之賊又復竄至三水繞竄永樂
店窺伺省城且尚有陳瞎子一股亦思竄陝定邊之賊
攻撲留條梁鎮靖堡等處並有另股賊匪滋擾希圖下
竄賊蹤紛至沓來幾至不可收拾安定定邊雖據奏稱
收復殊不足恃著即將實在情形查明具奏左宗棠入
甘後自應酌留重兵力顧後路劉松山金運昌所部本
係分紮花定何以不遵札飭竟行相繼前進雷正綰周
蘭亭張福齊簡敬臨等四軍左宗棠祇令其剿辦半角
城等處踞逆何以道員會傳理竟令各軍進發以致回

逆乘虛竄入各軍進止自由無所約束該大臣當嚴申號令立將貽誤各員查明參奏以示懲儆陝省防兵過單左宗棠務當抽撥勁旅回顧陝疆迅將紛竄各匪盡數殲除毋稍鬆勁等因欽此跪誦之下惶悚莫名竊維紛竄陝境之賊原祗兩路一路由金積堡東南翻山竄出環慶一路賊目爲海萬新藍明太馬正剛等人馬約二千餘經道員魏光燾提督劉端冕疊次截剿海藍等逆在甘境掃滅已盡馬正剛一股由三水入陝搜及蒲富同朝一帶圍由澄白郿甘歸巢經劉端冕扼剿數次

續編卷三十八

三

擒斬殆盡馬正剛雖未就縛而所掠同朝騾馬衣物糧食則均奪回矣一乘河冰合凍出邊竊繞陷定邊安定紛竄延榆綏近乃由宜川竄韓郃頭起爲逆目馬呼來劉端冕兩敗之擒斬約數百馬呼來敗竄楊家店轉角子等處復爲知府陳鴻藻總兵殷華廷等所敗又爲魏光燾及鎮原防軍總兵江得意楊大章所敗敗匪不過二百餘此股歸巢無幾頃接到端冕報陝回馬阿渾等一股約二千餘由金積堡竄過靖邊安定延安一帶圍由韓郃竄鳳翔覓歸路宜洛一帶游匪土匪及譁潰之

皖軍附之勢眾且悍劉端冕兩敗之然賊勢仍張署陝西撫臣劉典商調陝軍總兵張福齊率所部由四百戶地方回陝助剿臣雖飛檄赴調誠慮緩不及急適員外郎銜中書科中書吳士邁奉周開錫檄來平涼臣卽飭其率隨行一營赴乾州立調所部駐隴州三營來乾會隊發據各路稟報賊之零騎已蔓及咸陽醴泉武功岐山乾州一帶然劉端冕及陝軍各營已經署撫臣調由蒲城富平躡追而西李輝武所部由寶雞迎剿而東吳士邁由涇平乾州壓剿而南臣又飭吳士邁所部駐鳳

續編卷三十八

三

縣兩營循渭水南岸出郿縣蓋屋北赴乾州會隊并飭魏光燾截其由慶陽鎮原歸金積堡老巢之路現在延榆綏一帶及韓成郃陽同州續無警報似竄陝之賊實已全數西趨雖各處游匪潰卒絡繹奔走逆注西路人馬之數亦不過三千有奇是由金積堡乘冰繞竄定邊一路入陝賊數約略可計疊經剿敗兇焰漸滅非必不可收拾者也安定定邊收復以後無重兵鎮壓本爲可慮然大河冰泮勢難飛渡金積堡北阻大河正東東北湘軍已夾河設守頃得金運昌稟報因軍食無出擬拔

步隊四營回駐花馬池定邊就取鎮靖堡之糧似定邊安定尙可無意外之慮至劉松山進兵時臣原飭每人持三月糧復於花定節節留營轉運以資接濟嗣金運昌由綏德續進臣飭其到花馬池後停軍勿前於花定一帶留營護運聽劉松山商調劉松山見皖軍銜接而來始調護運各營赴靈州吳忠堡各處以厚兵力其時吳忠金積連獲奇捷金運昌急於助剿而所部各營之散布定邊花馬池者又方以戰鬥為樂運糧為苦日求迅赴前敵金運昌亦以郭寶昌已於綏德買駱駝三百

續編卷三十八

古

頭轉運吳堡存糧隨身尙有兩營步隊馬隊百騎堪資護運遂并定邊各營撤赴靈州由吳忠堡進茶金積堡郭寶昌帶所部赴晉並不知會金運昌撥隊回紮此定邊所以被賊襲陷也劉典於定邊之失專歸其咎於金運昌未為確論至雷正綰周蘭亭兩軍之急進金積堡原因固原黑城李旺各城堡克復後金積堡陝回畏剿悉數西趨維時臣有甯靈並無陝回之奏迫黃鼎由黑城子鹽茶廳橫出擊之大捷於打拉池城截賊為兩禹得彥雀三馬生彥白彥虎等遂由郭城驛嶮口竄狄道

河州馬正和陳林余彥祿等由長流水甯安堡一帶復回竄金積堡臣檄黃鼎一軍及提督張會元楊世俊帶所部馬隊由靖邊南下以剿禹雀各逆而檄雷正綰周蘭亭所部馬步全軍截剿馬陳回竄各逆其簡散臨張福齊兩軍分駐半角城韋州堡以撫新降回眾護北路糧運而斷外賊援應之路詎料簡敬臨張福齊於未接臣檄之前已拔隊由預望城韋州堡越石溝驛而逼金積堡臣接其啟行緘牘飛檄止之事已無及又念簡敬臨張福齊即遵檄返亦恐墜士氣而啟戎心不得已

續編卷三十八

五

乃就現有兵力節節挪移向前以護運道鎮壓東西兩山新撫回民為救敗之著此韋州預望一路空虛無以扼賊奔衝陝回所以得由環慶竄陝也劉典此次所陳乘勝銳進後路空虛者臣固早已慮及且緘告之矣至魏光燾之軍由慶陽環縣追捕土匪明七十子等向鎮原因原交界白家塢一帶而來非因臣調其護運且賊未竄慶陽之先魏光燾已回慶陽截剿竄出頭起各賊其竄慶陽屬之賊馬正剛一股亦經魏光燾派魏紀鑒率所部前營隨同劉端冕剿之特未能遏其竄陝耳至

四川道員會傳理本殉節道員黃瀆熙辦營務之員黃瀆熙殉節後駱秉章派會傳理接統其軍卒平蜀寇上年臣自直東剿捻西旋聞劉典札調會傳理赴陝適營務乏員商調隨營辦理營務迫諸軍前進時令其赴半角城督催各處轉運安輯良回亦曾見諸奏牘方李旺堡打拉池大捷時賊勢實極衰蹙馬化澂方謀移巢西甯避官軍之銳諸統將急思乘時自奮慷慨赴功各有風利不泊之意會傳理於諸將領有無商榷前進之語雖不可知至謂諸軍乘勝銳進由會傳理督令所

續編卷三十六

七

致則亦非確論臣自咸豐十年忝任軍寄軍中事無巨細均出親裁營務人員非別將一軍獨當一路遇有軍事皆須諮稟而行劉典相從最久知之已深豈獨於會傳理任其顧恣且會傳理入營未久諸將領亦未必降心相從由其指使頃張福齊自四百戶調歸西安亦祗引為已咎無異詞不敢談過會傳理為分謗之計劉典與臣為布衣交軍中共患難者十年矣於同治五年九月請

簡派劉典幫辦軍務摺內曾稱其為人剛明耐苦廉幹而有志節可保其斷不負

國斷不厲民然性稍褊急有所見必達其是亦經據實陳明劉典自蒙

恩簡署陝西巡撫以來其勤民憂

國之忱人所共見滅里差革陋規劾貪劣深洽輿情陝民間其將去呈請暫署西安將軍陝甘學政籲請

奏留署任其明徵也前以思親甚切引疾乞休拜摺後始有所聞欲貽書勸之而已無及嗣因陝回竄陝各

續編卷三十六

七

路風謠四播羣言賊勢甚張倍深憂憤推求局勢之壞

由於諸將輕進遂本所聞見上達

宸聰臣前疏稱其有所見必直達其是者即此類也茲

因

聖明垂詢謹據實覆陳伏乞

皇太后

皇上聖鑒訓示謹

奏同治九年三月初七日

截剿南竄逆回登勝首逆伏誅摺

奏爲官軍截剿南竄回登次獲勝首逆伏誅恭摺馳陳仰祈

聖鑒事竊陝甘各回番聚金積堡近因乏食四出竄擾臣前因固原鹽茶廳所屬西兩山南界平涼北界靈州周數百里回民居其大半中間良匪雜糅亟宜分別剿撫以規久遠遂擬設旌善營令已革壽春鎮總兵蘇如松督之擇良回軍功馬柏森穆進善李百寬等爲營官各帶土著馬勇分起駐紮給以薪糧馬乾隨官軍剿捕土匪客匪馬柏森本萌城回目上年官兵由平涼掃

續編卷三六

六

蕩而北固原州黑城子李旺堡預望城等處回目經官軍剿敗各挈其黨遁歸金積堡蓋舊奉馬化澂爲宗主者也預望城地勢北接韋州堡賊由金積南竄必經韋州堡以達預望一過預望則道路紛歧防剿均費兵力馬柏森者本萌城之良回於時瞰預望回目馬萬春投入金積堡遂自萌城徙居之斬通逆小回目而輸誠於官軍截殺逆騎八十餘馬化澂穆生花恨其倍已又以預望城爲逆回南竄要路必欲陷之嗾馬正和率陝回馬萬春楊達姓率甘回併圍預望城二月十三日馬柏

森飛稟告急記名提督周紹濂及蘇如松由半角城率馬步隊急起援之十五日抵李旺堡十六日黎明由李旺前進甫三十里至馱驢腰線地方遇賊三四百騎周紹濂卽督隊分路猛撲斃賊五十餘奪獲騾馬四十餘匹賊奪路狂奔蘇如松率馬隊先抵預望城賊聞官軍大至翻山竄走十七日周紹濂抵預望城則賊竄已遠忽回民走報是夜二鼓有賊千餘將阿布條回堡攻陷殺傷良回李萬棟等現猶踞堡搬運糧物周紹濂急率所部擊之十八日馳抵楊家灣見賊踞對山齊施鎗礮

續編卷三八

五

周紹濂督隊下山危水而前飭副將周玉林由中路參將毛正明由左都司周昭良由右三路併進蘇如松率馬柏森及李百寬等旌善馬隊亦到分兩路抄擊官軍衝上山梁賊亦由山梁下撲鎗礮對轟官軍自下仰攻鎗無虛發連斃執旗悍賊三名紅衣騎馬賊一名賊勢稍卻官軍一齊搶上山梁鎗矛並進斃賊無數賊紛由山旁亂竄適旌善馬隊飛馳而至截斬悍賊數十奪獲賊馬十餘賊向阿布條狂奔官軍躡追及之堡中賊紛出迎拒官軍悉銳衝殺斃賊八九十名生擒二名賊棄

堡下溝向老虎灣狂竄馬牛糧食拋棄滿地官軍進至老虎灣始收隊阿布條堡將所獲糧畜給還難民訊生擒賊目馬生香馬柏壽等知馬正和等圖破預望阿布條等處以擾李旺黑城子官軍運道因官軍速到預望城適賊裏糧已盡遂先陷阿布條擬飽掠後仍回攻預望也周紹濂令馬栢森馳回預望城籌守禦與蘇如松各率所部追賊十九日由欠溝門一帶搜剿而來沿途頗有擒斬賊由王家園莊過河南竄李旺堡是日黎明攻圍李旺堡官營副將李光賓飭存營隊伍兀立垛口

續編卷二十八

三

靜以待之賊欺官軍單薄併力猛撲數次李光賓俟其逼近測準轟擊鎗無虛發賊每猛撲一次必傷斃數人乃解圍潰竄李光賓開壁縱擊連斃悍賊二十餘名斃紅衣騎馬賊目二名訊生擒馬八兒馬元娃供稱賊目一白姓一帥姓皆馬正和所帶東弭悍黨也是夜三鼓賊分股竄至黑城子南三十里攻破何家溝良回何家位寨二十日黎明李良穆率所部馳擊甫近何家溝接總兵張大雄都司周曙良飛報賊之大股經李旺擊敗併竄黑城李良穆急率隊回剿行十餘里見賊已越黑

城十餘里而來似圖與何家溝賊合隊李良穆帶所部由山橫截而出奮威衝殺賊駭懼失措紛紛潰走官軍乘勢壓擊斃賊甚多其何家溝一股自後衝出敗賊復回旗抗拒李良穆率部捨入土堡一紅衣賊衝近堡門揮刃斬之又有紅衣騎賊頗悍賊繼至經排礮轟斃賊始大潰官軍乘勢掩殺收隊回黑城子一面飛馬邀總兵張大雄都司周曙良前來會剿是夜三更賊折回北窺一股仍竄回東山二十一日子刻張大雄周曙良自李旺堡馳至中途遇賊賊見官軍至紛紛潰竄擒斬數

續編卷二十八

三

十名昏夜未便窮追天明李良穆帶隊繼至則賊蹤已遠搜獲落後賊李來娃子及三庚等僉供馬正和於二十日接仗時猝中礮子自鼻梁穿入腦後透出當經賊夥用綢旗裹抬逾時氣絕其弟偽元帥馬魁同時轟斃良回柯大有等所報亦同提督徐占彪在韋州花子台一帶截剿馬正和敗回一股生擒逆賊馬世英等均供馬正和頭受鎗傷氣絕臣昨提訊李來娃子供詞尤為確鑿是逆首馬正和伏誅已無疑義此周紹濂所部五營急援預望城保固要地截剿陝甘南竄逆回登獲

勝仗首逆馬正和伏誅實在情形也當賊之圖預望也
臣檄黃鼎所部升用提督徐占彪率步隊三營馬隊一
營馳往接剿黃鼎更以步隊兩營益之二月十六日由
固原拔行十九日抵預望城是日午刻馬伯森報有賊
目李花喜馬有全蘇文舉李德隆率賊千餘由金積堡
竄出韋州過下馬關盤踞距預望城四十里之吳家腦
徐占彪等卽於是夜募食潛師夜起黎明行近吳家腦
見該處峯高路狹非用眾之地總兵陳玉春趙興隆參
將林定遠等飭馬柏森前行引路由王家山黑溝繞道

續編卷三十八

三

抵虎家山麻兒灣設伏以待徐占彪率兩營巡捕吳家
腦賊甫驚覺徐占彪麾軍縱擊斃賊百餘名擒賊六十
餘名賊紛向虎家山敗遁徐占彪率陳春萬猛躡之甫
抵虎家山陳玉春自山後截出林定遠由左趙興隆由
右兩面抄來將全股賊眾裹在中央各營縱橫盪決馬
柏森亦下馬步戰立將賊目蘇文舉擊斃生擒賊目李
花喜馬有全并擒賊目鎖保鳳蘇成功馬海望李保成
馬有保李有俊蘇成明馬得印等及悍賊七十餘名盡
斃餘賊二百餘名墜巖死者無數奪驟馬五百餘匹是

夜派隊搜山復獲賊四十餘名斬之二十一日收隊還
預望訊據賊目李花喜馬有全等供奉馬化隆穆生花
命率領五營於十六日由金積堡竄出走韋州下馬關
至預望圍攻堡寨併探路徑如無大兵阻截卽率股分
途赴陝擄糧現飭解營審訊此股賊目祇李德隆一犯
漏網餘賊逸出者亦無幾矣二十二日馬柏森報稱馬
正和一股經官軍痛剿敗歸金積堡已竄近下馬關二
十三日徐占彪督步隊五營追之已刻抵下馬關見地
勢平衍卽結方陣前進行十餘里遇賊各營奮衝殺

續編卷三十八

三

賊不能當紛紛向韋州敗遁追近韋州六七里殺悍賊五
十餘名奪獲驟馬七八十頭是夜調賊廣聚花子台徐
占彪以三營扼韋州堡自率兩營及馬柏森旌善馬隊
潛起襲之賊倉卒不知所爲駭懼紛竄官軍乘勢掩殺
斃賊無數生擒悍賊十二名奪獲驟馬六十餘頭此徐
占彪截剿金積堡南竄甘回殲除殆盡及截剿馬正和
敗殘陝回獲勝實在情形也其定邊瓊慶兩路竄擾陝
西各股近由慶陽鎮原預望一帶北竄歸巢均經各軍
各營隨時隨地次第截剿斬獲頗多容俟確切察明再

行馳報所有此次截剿金積堡南竄陝甘各回賊除首
逆最為出力之記名提督法什尙阿巴圖魯周紹濂應
請

旨交部從優議敘督帶旌善馬隊已革安徽壽春鎮總
兵捷勇巴圖魯蘇如松請

旨開復原官留於甘肅補用升用提督哈西巴巴圖魯
徐占彪擒斬賊目多名力堡預望城要地厥功甚偉應
請以提督記名遇有提督總兵缺出儘先開列請

旨簡放記名總兵李良穆陝西肅清寨內擬請勇號續

續編卷二十六

旨

於迎剿崔禹等逆竄擾半角城時護糧赴營中途遇賊
堵擊一晝夜克獲大捷身受重傷茲復以寡擊眾陣斃
首逆馬正和實屬異常出力應請

旨賞給清字勇號並

賞加提督銜其餘出力將弁勇丁可否由臣核明擇尤
保獎出自

天恩此次出力同日軍功馬柏森穆進善李百寬王益
萬等確偵賊蹤導引官軍克獲全勝助剿殺賊勞績卓
著本應隨摺請

獎因從前疊經領兵大員賞給功牌職銜均未敘
奏容俟查明核奏請

旨破格優獎以示激勸謹據實馳陳伏乞
皇太后

皇上聖鑒訓示施行謹

奏同治九年三月初七日

同治九年三月十五日內閣奉

上諭左宗棠奏官軍截剿竄回迭獲勝仗請將出力各
員懇恩獎勵一摺陝甘逆回由金積堡四出竄擾逆首

續編卷二十六

旨

馬正和率眾圍撲預望城攻破阿布條何家溝等處竄
擾李旺黑城子官軍運道經提督周紹濂等督率各軍
馳往截剿先後擒斬逆匪多名餘匪紛紛敗竄據擒賊
供稱馬正和及其弟偽元帥馬魁均經轟斃其竄走下
馬關吳家腦各逆亦經提督徐占彪等奮力剿擊殲除
殆盡剿辦尚為得手仍著左宗棠飭令各軍乘勢進剿
逆殄逆氛所有此次尤為出力之提督周紹濂著交部
從優議敘已革總兵蘇如松著開復原官留於甘肅補
用提督徐占彪著以提督記名遇有提督總兵缺出儘

先開列請旨簡放總兵李良穆著賞加提督銜賞給西林巴圖魯名號其餘出力員弁兵勇著准其擇尤保獎毋許冒濫餘著照所議辦理該部知道欽此

軍機大臣 字寄同治九年三月十五日奉

上諭左宗棠奏湘皖兩軍叠勝現籌布置情形陣亡員弁請卹並賊踞峽口請將失事各員懲處及查明定邊安定期次失陷情形各摺片覽奏均悉金積堡踞逆經劉錦棠等軍擊收後乘間抄掠河西運道復經金運昌會同湘軍夾擊殺賊甚多二月初二日以後劉錦棠等

續編卷三十八

美

在馬家灘板橋等處追剿馬步各賊疊獲勝仗該逆欲引馬連渠水以困官軍劉錦棠分道並進賊向金積堡東門敗走各軍平卡而還現在劉錦棠等以吳忠堡至下橋一帶為形勢所必爭移兵屯紮以為扼要地步著左宗棠即飭劉錦棠等將金積外援力圖遏截以期攻拔堅巢劉錦棠所部之陣亡提督周和美參將趙吉祥參將銜游擊周大雨游擊銜都司馮餘雲都司龔龍舜都司銜守備鄧晚雲黎亮高守備李世梧章貴義馬呈祥守備銜千總董福生把總曹松茂許忠美吳永清劉

勝均著交部照所保官階議卹峽口地方緊要雷正綰築壘既遲又不派隊填紮以致為賊所踞實屬咎無可辭雷正綰著革職留任周蘭亭張福齊率軍先退亦難辭咎均著撤銷勇號拔去花翎並革職暫留軍營差遣黃鼎所部之陣亡總兵章占雄著交部照總兵陣亡例從優議卹該處為秦漢兩渠上游必須趕緊奪回方能制賊雷正綰現紮何家堡周蘭亭現紮四百戶尚屬進兵要路至宗棠務飭該提督等整理營伍設法進攻毋任該逆久踞如該兩軍再有遷延貽誤並著嚴參懲辦

續編卷三十八

老

至前次定邊安定為賊襲踞既據查明金運昌暨簡敬臨張福齊等軍前進各節尚屬有因即著暫行毋庸置議倘再有貽誤重情即著從嚴參辦嗣後各軍進止務當嚴飭帶隊官恪遵將令毋得貪功銳進致誤事機會傳理在營是否得力並著隨時查看毋稍遷就該大臣現擬由靖遠造船配砲乘河流盛漲駛攻峽口所籌甚是著即分檄各路將士次第規取制賊死命陝甘連處所時有回蹤游勇亦復滋擾劉典仍當嚴飭次諭旨嚴飭在防各營會同甘軍相機堵擊不得稍涉大意

左宗棠奏截擊預望等處鼠回獲勝請將出力員弁獎勵等語本日已明降諭旨宜示將提督周紹濂等照所請獎敘矣將此由六百里各諭令知之欽此

覆陳湘皖兩軍未能歸併片

再二月十四日據辦理西征糧台翰林院侍講學士袁保恒抄送二月初九日拜發摺稿所陳西路軍情緊急北山賊勢披猖一切接之目前實在情形不甚符合自係未接各路軍營及各州縣稟報所致袁保恒從前因護運起見請募馬步勇丁各三百名臣以為數無多允

續編卷二十八

天

之至此次奏請續調淮皖各軍並未與臣商及而片所稱老湘卓勝兩軍飢疲之餘多有缺額聞現存不過十之五六請

飭就現存之數核實歸併節省所餘江蘇安徽之餉勻作續調淮皖各軍之用尤不可解臣不能無言竊維軍營勇丁額數歷時稍久缺額必多不獨打仗時有傷亡卽物故逃亡責革三項亦事時有缺額之餉名爲截曠營官之廉價者或取充營中公用或繳歸糧台或續行補募不再開銷經費其不自者截曠盡飽私囊各省

軍營餉事大致如此陣亡提督劉松山前年駐軍洛陽道員劉錦棠回湘募勇上年四月到營因應募者多溢額千數百名無缺可補除入臣軍提督陳廣發一營外餘俱留爲餘勇收入各營此由兩江給餉者也其收董福祥等馬步二千餘人則由臣軍給餉人數浮於額數殆逾一半以所部降卒積受甯靈回眾擾害願隨同殺賊報仇者多也上年冬間臣念劉松山每戰必有傷亡勇額恐有缺少該軍多湘人以湘人補入爲宜預飭已革山西按察使陳澍來甘時募從前在晉各營之二千

續編卷二十八

天

五百人前來待補缺額以其服習西北水土也劉松山亦以董福祥等降眾打仗奮勇漸習營規令提督彭緒圻赴延綏一帶再選募千數百人預擬補董宇三營之缺此皆有案卷可稽者也袁保恒原奏謂飢疲之餘多有缺額並稱現存不過十之五六不知何指又稱就現存之數核實歸併節省所餘江蘇安徽之餉預作續調兵勇之用自係指淮皖各軍而言淮皖各軍臣除調總兵鄧林楓參將馮桂增選募數營外別無所謂此數營者亦非袁保恒臆薦之人不知袁保恒意中欲擬續調

何軍移作何軍之餉昨接皖撫臣錄覆該學士召募咨文詢其舊部何人臣亦無以覆也至劉松山老湘一軍餉銀七年十一月奉

旨飭令江蘇每月協濟六萬兩嗣經劉松山贖稱所部新舊各營每月尚缺額餉一萬五六千兩此外應領帳棚等項雜款無從籌給請仍由江南照舊供支經臣奏奉

諭旨飭令馬新貽丁日昌仿照舊案供支其帳棚車輛與米價馬價及員弁勇丁卹養等項亦著一併源源解

續編卷三十八

三

濟而江南仍未道

旨加解統計該軍欠餉除江南按月起解六萬兩外已積欠二十餘萬兩而帳棚車輛米價馬價卹養等項在江南應支者在甘肅不得停支此數項又將安出且甯靈一帶糧價昂貴倍常計糧一斤合脚價銀一錢有奇每人日食酌給斤半即需銀一錢五分勇丁口糧每日一錢四分計已不敷糧銀一分有奇勇丁既無銀可捐自應由官採買供支減價發給以示體恤臣撥給該軍採運糧銀定安處二萬兩發西安佐領喜勝銀二萬五

千兩續撥山西協餉二萬兩發靖遠縣二萬兩現據劉錦棠稟請撥銀八萬兩解中衛廣式營如包頭靖遠大靖土門等處續可採運尚須加發銀兩以資接濟縱江南按月六萬兩如期解到且慮不敷挪供買糧之用更有何項可以節省勻撥續調各軍果如該學士原奏各軍勢將次第撤退猶且不能驟斷其餉而臣接劉錦棠二月十二日以前捷報之稟不但並未撤退且將吳忠堡及各處營壘勻布分紮兩河東至吳忠西至中衛廣武營計程延紮八十里是進而非退也果如該學士

續編卷三十八

三

所稱多有缺額存者不過十之五六又何能延紮八十里該軍人數既不能以該學士所聞者為定臣何從核寔歸併查其餉以餉該學士任意增調之軍具奏一出設江皖督撫臣並應解之餉藉口遲延湘軍因糧盡而致飢潰不但臣一腔熱血竟付東流即該學士護運以餉臣軍臣軍飽食無虞於大局亦復何補臣之奏請袁保恒辦理西征糧台也原以催提各省關應協餉需至於餉需及運解一切均責之駐陝軍需局員沈應奎以專責成是責保恒於西征餉事但有催提之責無支應

運解之責至兵事與餉事相爲表裏如有應撤併應增
募事宜自可先時與臣及撫臣等往復籌商衷請一是
在袁保恒可免專輒之嫌在臣等亦得預爲籌策以期
周妥乃計不出此徑行招致現據潼商道稟報有豫軍
銳營入關後起亦將續至是否即係該學士所調皖
豫舊部尙未可知但頃接陝西各郡縣稟陝境已無逆
回蹤跡運道疏通而皖豫新軍無可位置臣擬咨該學
士如新軍已到飭赴平涼山臣編成營旂妥爲安插或
折補各軍缺額以期實濟其已募未到之淮皖各軍無

續編卷二十六

三

論若干概行截止就地遣撤免蹈兵多餉絀故轍爲異
日之累頃奉

諭旨該兩軍既多缺額他營亦所不免現在餉項支絀
豈可任其冒濫著左宗棠統飭查明核實歸併以節餉
需欽此臣前據金運昌稟所部間有因軍糧短絀逃入
河西張曜營中者續據陝西軍營稟報此次陝回竄至
北山時有卓勝軍逃潰馬步勇丁夥入是否由金積堡
竄出抑係該軍潰勇向匿北山者均未可知總之該軍
本多豫皖積年捻匪此輩原不易馴而前此入關時即

已入浮於額應之不去現在安徽撫臣將該軍糧台移
設山西汾州臣處更無從稽察容俟檄飭金運昌核實
報知至雷正楷一軍自峽口敗退後周蘭亭一軍自由
金積堡退回後開缺額甚多臣已委員前往點驗矣謹
附片陳明伏乞

聖鑒訓示謹

奏同治九年三月初七日

軍機大臣 字寄同治九年三月十五日奉

上諭前因袁保恒奏老湘卓勝兩軍多有缺額當經議

續編卷二十六

三

令左宗棠查核歸併茲據左宗棠奏稱老湘營因疊次
增募溢額頗多除分撥各營外尙有餘勇待補缺額袁
保恒所稱飢疲之餘現存不過十之五六不知何指至
該學士原奏以歸併節省之餉作續調兵勇之用欲調
何軍未與咨商現據英翰咨錄袁保恒召募原文並據
潼商道稟稱有豫軍銳營入關後起亦將續至是否即
係袁保恒所調皖豫舊部尙未可知此時陝境已無回
氛新軍無可位置擬即調赴平涼安插其已募未到各
軍即請截止各等語兵事與餉事相爲表裏袁保恒此

次召募各軍何以不與左宗棠等往復籌商輒行咨調
實屬冒昧所有到陝新軍即著左宗棠調往平涼編立
成營或分補各營缺額藉資調遣其已募未到之淮皖
各軍並著張之萬英翰一體截留就地撤遣如已行至
豫境即著李鴻章年派員截止咨明該省督撫妥籌遣散
左宗棠又稱袁保恒前奏一出設江皖督撫將應解甘
軍之餉藉口遲延湘軍或因糧盡饑潰則大局可慮等
語甘軍本有撥定之款江皖督撫斷不敢因袁保恒此
奏藉口遷延即李鴻章入陝等軍亦即以籌定入黔之

續編卷二十六

奏

餉利濟師行左宗棠正無庸總慮也至金運昌雷
正紹周蘭亭各軍既有缺額即著左宗棠認真查核歸
併以節餉需陝省應否添軍募勇之處著李鴻章到陝
後酌量情形奏明辦理袁保恒不得再行輕率從事將
此由六百里諭知左宗棠李鴻章張之萬英翰李鶴年
並傳諭袁保恒知之欽此

安插制兵籌供客軍糧餉片

再甘肅兵事方殷各軍糧餉時虞缺乏亟宜就地籌畫
摺注若全恃各省協餉斷難接濟本省制兵向支用本

省丁糧銀兩承平日久兵制久荒變亂以來已失守地
方存兵無幾未失守地方懸缺亦多而支放兵糧仍循
舊額本縣額徵不敷必於鄰縣估撥以足其數有用之
餉精皆耗於制兵之虛糜 臣擬仿照閩浙裁兵節餉章
程汰弱留強擇荒絕之地撥為兵屯慎選將領督令墾
種即以所獲作為名糧以其餘照時價估作餉項農隙
仍操練技藝庶游手之兵皆可自食其力而甲冑即寓
糧餉之中其各屬額徵丁糧銀兩擬提充客軍糧餉以
歸實際而省採運經費甘省遭賊蹂躪各屬州縣未能

續編卷二十六

奏

一律開徵惟南路較為完善鞏秦階所屬地丁每年應
徵銀十二萬餘兩額糧共七萬餘石雖不能如額征足
若地方官認真整頓消滴歸公當可日有起色 臣現飭
鞏秦階道先行查明豐歉議定章程通飭所屬各州縣
地方官曉諭各鄉里甲額征糧石一體全完本色不准
折收銀兩額征地丁隨收隨報由 臣勻撥各營支領如
有巧立名色從中舞弊由 臣分別參辦其餘各府州縣
亦擬次第酌辦庶兵糧皆歸實用於地方軍務兩有神
益所有安插制兵就地籌供各軍糧餉緣由是否有當

謹附片具陳伏乞

聖鑒訓示謹

奏 同治九年三月初七日

續編卷二十六

奏

軍機大臣 字寄同治九年三月初七日奉

上諭劉典奏官兵追剿竄回疊勝陝甘現無回蹤出力員弁請獎并馬正綱一股滅除殆盡出力員弁分別奏請獎勵及剿擊北山回土各匪獲勝請將員弁議卹各摺片覽奏均悉爾首馬長鳳等股勾結游勇由北竄入內地官軍追剿情形業經劉典先後馳奏茲據奏稱劉端冕各軍在韓城等處擊賊獲勝賊由臨渭一帶搶渡渭河均經水師擊敗高陵之賊經魏絕整等率隊敗之張佑廷李輝武諸軍又於醴泉武功各境追賊疊勝該

續編卷二十六

奏

逆渡涇之後分路潛逃爾入游勇亦已悉數衝散其奔竄甘境者僅數百人劉典現飭在陝各營於陝甘毗連處所嚴密設防馬正綱一股亦經劉端冕等追殺殆盡據逃出難民供稱馬正綱已被鎗斃各等語此次回匪紛竄陝疆圖絕陝甘糧道劉典督飭諸軍進剿疊獲勝捷該省已無賊蹤剿辦尙屬得手本日已明降諭旨將出力之提督李輝武等副將吳賢華等分別獎勵矣刻下金積堡賊巢甘軍圍攻正緊其折竄甘境各匪難保不勾煽餘黨復謀東竄率擊進剿諸軍左宗棠當督飭

在甘將士將金積堡相機攻取并檄飭派出援陝之軍將折回餘匪攔頭截擊務絕根株近日甯靈一帶軍情若何著隨時據實具奏以慰廑系劉典亦當嚴飭各處駐營力加防範不准稍涉疏虞馬正綱是否鎗斃仍著確切查明此起零匪究係逃往何處并著飭令在防將弁隨時偵探以期搜捕無遺清澗等處踞匪既經總兵田玉廣等殲除殆盡而定邊西境及馬花池一帶復有回蹤并由安邊竄來逃勇一二百名在蔣家寨一帶盤踞寧條梁附近之呂家寨亦有逃勇一二百名是榆綏

續編卷二十六

策

一帶防務尙未可鬆著劉典卽飭成定康等加意防維毋稍鬆勁惟陝省前次肅清之後凡地方騷擾半係土匪游勇勾結回逆此次安邊等處逃勇究由何營散出其從前管帶究係何人若任其紛紛肆擾後患何可勝言著左宗棠劉典分飭各路帶兵官弁設法擒拏并查明該管營官從嚴參辦一面將各處游勇妥籌安插分別遣散以靖地方劉厚基所部陣亡之副將康華亭千總劉秀逢擬保把總外委胡登科均著交部照例議卹將此由五百里各諭令知之欽此

恪靖奏稿續編卷二十九目錄

截剿甘南逆回及分剿河狄回股獲勝摺

湘皖兩軍大勝摺

中路官軍截剿自陝回竄逆回疊勝摺

節次剿辦固原鹽茶客土逆回片

續編卷二十九目錄

截剿甘南逆回及分剿河狄回股獲勝摺

奏爲官軍截剿甘南逆回獲勝河狄大股逆回狂竄入陝各軍分道追剿大獲勝仗情形恭摺馳陳仰祈

聖鑒事竊甘南地方上年秋冬之間西禮叛回流人狄河者勾引河回並西竄陝回出巢掠食疊受官軍痛創均經臣等隨時馳報惟鞏秦階韓境西自安定迤南踰漳縣以達洮岷袤延數百里山徑紛歧皆狄河逆回出竄衝要防不勝防續據總統南路諸軍周問錫稟稱上臘二十八夜逆回自狄道渭源出漳縣三分西十里許

續編卷二十九

之野狐橋乘度歲之際圖伺官軍之懈道員湯聘珍得報令軍中戒嚴飲准備擊賊初一日督同提督梅開泰所部整隊進剿賊聞風遁黃香溝距漳縣已七八十里初四日黎明偵騎賊數百襲踞晉家堡湯聘珍率梅開泰馬步各營急起掩之賊駭而奔官軍馬隊躡殺尾賊十餘名初五日總兵周文翔隊伍追賊及石灰溝口梅開泰循漳縣山脊橫出王家河邀賊歸路前後抄擊斬殺百餘名餘逆漫山鼠竄十一日復肅聚殘黨數百由黃峴口繞出老幼店維時總兵范銘一軍經周開錫裁

併之後分駐秀石關酒店驛木寨嶺等處扼防岷州干二日黎明伺賊至整隊迎剿斃賊六十餘名生擒四名賊狂遁而西同日賊馬步千餘下渭源熟羊城俯矚鞏郡記名提督甘肅河州鎮總兵王得勝隊伍出鞏郡之左提督彭忠國隊伍出鞏郡之右兩路馬步併力壓下敗之斬敵四五十人陣擒五名追至熟羊城而還奪獲戰馬十二匹軍械多件官軍勇丁受傷九名二十五日賊復糾合馬步三千餘眾沿王家河出石灰溝口劫周文翔營壘勢衆且悍湯聘珍得報令總兵葉占魁照料

續編卷二十九

漳縣營壘總兵王光富率馬步前驅自督所部行隊隨後策應行近石灰溝口瞭見馬賊結十數團往來衝突步賊旗幟如林周文翔正背壘而陣與賊相持王光富怒馬衝鋒催隊橫列周文翔營前直劈賊陣截馬賊爲兩槪步賊衝出山口救援馬賊湯聘珍麾軍搶上山腰抄賊之後賊勢荒亂王光富乘機掩殺賊潰敗官軍躡至王家河其截斷之馬隊二百餘經周文翔分道抄擊擒斬尤多是役斃賊三百餘名陣擒七名此正月初四至二十五日湯聘珍梅開泰范銘王得勝彭忠國各軍

截勦竄回連獲勝仗之情形也據生賊供此股逆目卽劉四花鄉約馬元張二四皆西和禮縣回逆叛附狄河者也上年九十月之交闖越西禮經官軍勦敗花馬兩逆負鎗傷而逃此次因狄河乏食陝回希圖東竄嗾由鞏昌漳縣岷州犯甘南腹地率綴官軍嗣二十五日湯聘珍督隊擊敗之後賊遂由王家河趨甯遠屬之攤歌禮縣屬之馬塢疾奔而南記名提督涼州鎮總兵傅先宗派提督丁桂智總兵王銘忠馬隊自甯遠馳出新寺鎮截賊賊之馬步已循馬塢越鹽關竄西和蔓及成徽

續編卷十九

三

兩當各縣而傅先宗之追兵已落賊後周開錫比飛檄王得勝督馬步自鞏昌伏羌進鹽關繞成徽而東會同丁桂智王銘忠馬隊斜出賊前派提督高月桂李奉清陳天佑所部出秦州之娘娘壩高橋指徽兩擣賊中堅副將徐仕海之營守鹽關扼賊歸路賊伺官軍分道並進卽徽兩間道旁溢秦州屬之甘泉寺百花川觀觀州城官軍連日躡賊而賊蹤屢忽靡定不得一戰周開錫詢賊所向派總兵田連考簡銳卒百二十人扼秦州東路朱家祠衝要攔追兵倍道躡其後二月二十五日騎

賊數百奔朱家祠田連考揮壯士猛擊之而退是夜諸軍雲集劉家堡距朱家祠十餘里約詰朝會剿而賊未之知也二十六日黎明賊騎步二千餘眾復犯田連考營壘軍士堅壁禦之相持兩時之久高月桂李奉清陳天佑副將謝復雲唐晉林賢俊隊伍自劉家堡掩至內外夾擊斃悍賊二百餘名賊勢不支向康家巖狂遁官軍躡三十餘里抵黨家川零股悍騎近千橫出西路適總兵蘇家良馬隊自秦州趨程駛至遇之奮威衝擊賊敗走康家巖合股回戈返關各軍乘全勝之勢一鼓壓

續編卷二十九

四

剿直前縱橫湯決又斃賊二百餘名生擒三十餘名賊迤東而南遁白蠟峽是役除陣斃賊數沿途斬殺不下百餘名奪驟馬旗幟器械甚夥官軍弁勇微有傷亡此二月二十五日官軍截勦竄回於秦州朱家祠康家巖等處連獲勝仗之情形也二十七日官軍追至白蠟峽賊已循禮縣之固城鎮四溝台奔永平鎮三月初三日丁桂智王銘忠馬隊追及之賊分兩股一下莫家山坡一出大峽溝口官軍馬隊亦張兩翼直前雕剿王銘忠擣莫家山之賊賊踞山口憑險以拒軍士下馬持矛

起距而進刺斃悍賊五六十名敗賊冒死西奔生擒四名奪戰馬二十一匹其大峽口一股經丁桂智斷其出路賊即越嶺遁竹林坡官軍馬步分途抄殺擒斬數十名跌斃崖墜者不計其數輜重拋棄山谷拔出被脅難民數百名餘賊越馬家河出甯禮交界之栗子坪奔狄河此三月初三日丁桂智王銘忠截勦竄回於禮縣之莫家山大峽口連獲勝仗之情形也方南路各軍追賊徽兩之時陝回崔三禹得彥李經舉邀河回米阿渾等悍黨同出狄道越安定西南七十里之馬家河二月二

續編卷二一九

五

十一日黎明頭品頂戴記名提督楊世俊自安定率兩旗馬隊猛截之斬敵多名正追殺間伏賊突起山溝四面包裹而至楊世俊改驍為步揮刀督陣士卒以寡敵衆殊死戰不少却搏擊四時之又楊世俊左脇中又子鎗傷士馬亦多損失楊世俊裹創嚴陣而退收入安定城是日賊零股千餘竄紅土窰東北二十里之謝家河總兵敖天印率兩營步隊會合楊世俊分防紅土窰之提督張仲春參將楊德俊馬隊遇賊於紅土窰十五里之鴉子岔自午至申鏖戰三時斃賊三十七名賊敗退

馬家河合大股東趨連日擾及通渭之榜羅鎮秦安之龍山鎮清水之張家川宗棠因陝回馬阿渾一股已由陝境負創遁入甘境歸巢而甘南徽兩窰賊戰事方殷陝回河回又乘間以踵其後必將勾結爲患窺伺汧隴寶鳳以遂其鼠竊免逸之謀比飭周開錫嚴督甘南各軍分路堵剿檄記名提督漢中鎮總兵李輝武一軍由鳳翔西指會合甘軍先清徽兩之賊分兵妥籌隴防顧陝置門戶檄員外郎銜中書吳士邁所部剋日由乾州赴汧隴而西力遏窰氛嗣周開錫因崔禹各逆趨重

續編卷二一九

六

清水撲犯城垣飛檄湯聘珍督馬步各營自滄縣轉旆而東星馳援剿其時花馬等逆經官軍痛擊於秦州朱家祠等處亟圖歸巢不能與崔禹各逆合股周開錫遂以王銘忠丁桂智馬隊躡其後抽出王得勝田連考各軍合擊清水之賊三月初三至初六日米阿渾等賊馬步賊更番圍攻清水縣城在城文武紳團固守待援而城垣坍塌過甚勢殊岌岌初七日湯聘珍軍至城圍始解初八九等日王得勝由秦安進田連考由秦州進均先後抵清水迨各軍分途剿賊悉趨張家川鴉屯留

張家川之陝回海成等逆挾之東行一由開家店入陝西隴州馬鹿鎮度成宜關入渡鎮趨汧陽縣頭鎮一由赤沙入隴邊香泉鎮出賈村原趨寶鳳分股由椒川漫坪擾鳳縣境提督李輝武調所部分駐隴州鳳縣各營截之雖少有擒斬而賊眾剽悍迅速未能遏其偷越初十日李輝武親督所部擊賊於縣頭鎮敗之十一日吳士邁由鳳翔拔隊赴汧陽汧陽賊於先日已合大股斜出寶雞賈村東趨鳳翔之陳村吳士邁乃回軍東向勦之十三日李輝武率所部出寶雞十四日以六營分三

續編卷二十九 七

路從黃家巖擣陳村賊巢歷戰三時適吳士邁自汧陽馳至掃蕩蔡家山吳西莊之賊風馳電掣而來合力擣陳村賊巢賊大驚潰兩軍乘勝抄擊擒斬賊數以千數百計敗賊向柳林舖奔岐山十五日吳士邁李輝武躡賊岐山比經臣宗棠添調之總兵殷華廷馬隊亦到十七日會師擣羅局鎮之賊李輝武殷華廷由蔡家坡進西路賊之大隊仍分數路抄來李輝武殷華廷穿入賊陣軍士併力撲之西路之賊先潰吳士邁夾棗林鎮進東路直逼羅局先伏兩營於東路破堡截賊出路迨各

軍將與賊擊動賊分途狂竄伏兵突起擊之截殺尤多是役官軍共斃賊千餘名生擒三十九名截賊為兩一東竄扶風一西竄鳳翔官軍弁勇傷亡六十八名自此賊勢分而兇燄頓滅此三月十四十七日吳士邁李輝武殷華廷馬步截勦竄回大獲勝仗實在情形也東竄之回為陝西逆首禹得彥率經舉河州逆目米阿渾等敗殘之後人數不過三千有奇然馬多於步已革總兵張福齊一軍以撫臣檄又敗之扶風醴泉之間撫臣蔣志章復檄提督劉端冕之軍出郿洛扼北山之防知府

續編卷二十九 八

陳鴻藻總兵王萬年同知董兆蓉各營聯絡張福齊之軍分途追勦賊竄至渭南水師過之遂竄蒲城以趨白水蓋欲入山覓路回竄甘肅也張福齊各軍自高陵東趨緊躡其後二十三日及賊於白水新窰鎮復敗之是戰註銷總兵徐萬福戰尤力身受八創斃賊尤多敗賊掠過宜君中部兩縣界劉端冕所部提督甘大有擊之魚鱗川斃賊亦多二十七日賊竄入甘肅甯州界所有陝境擊賊獲勝詳細情形已由撫臣會銜陳奏矣賊前隊竄至甯州甯州知州楊大年率城防勇丁截之小

有斬獲二十八日竄至拜家河署平慶涇道魏光燾擊
敗之二十九日竄至鎮原縣屬孟壩寺總兵江得意截
之西濠三汊河敗之四月初一竄至固原州屬白家塢
陝安道黃鼎自率馬步七營截之飭所部提督徐占彪
分統四營截之洪溝炭山一帶大獲全勝斃賊千數百
名陝回李經舉即李金菊河回米阿渾郎閔阿渾及從
金積堡竄出之士回單仲明等均經陣斬其餘小頭目
等擒斬無數惟陝逆禹得彥四百餘騎仍由鹽茶廳一
帶竄走此甘境擊賊獲勝東竄一股殲滅殆盡大畧情

續編卷二十九

九

形也其西竄之崔三一股賊數約尙有二千餘三月二
十日由隴州竄張家川現復由秦安北竄至莊浪隆德
之間臣已調提督銜廣東高州鎮總兵徐文秀及黃鼎
率所部剿之所有甘境獲勝詳細情形容即察實專摺
馳陳以清眉目謹將剿辦河狄竄回戰狀據實馳報伏
乞

皇太后

皇上聖鑒訓示施行謹

奏 同治九年四月初十日

湘皖兩軍大勝摺

奏爲湘皖兩軍攻破賊壘大獲勝仗謹據實馳陳仰祈
聖鑒事竊金積堡逆回經官軍迭次痛剿本年二月十
二日以前戰勝情形臣已於三月初七日馳報續據劉
錦棠黃萬友稟馬化澂被剿窮感惟圖決渠洩水以困
官軍嗣官軍傍壘築長隄濶三丈高丈餘北抵黃渠南
接金積里許復開溝深溝以資堵洩而秦渠馬連渠之
水連日被該逆決放者均隨時引注永甯洞口合流入
黃賊不得逞復憑東南山水溝設卡築壩圖淹吳忠堡

續編卷二十九

一

赴河西運道分股犯官軍河東營壘二月二十日黎明
金積附近堡寨角聲四起陝甘各回馬步紛紛沿漢伯
堡波浪渠隄出胡家堡而東其時黃萬友尙督隊赴靈
州護糧也提督潘運璋王秀棟等會合金運昌派駐之
兵憑牆擊賊河岸轟斃多名追劉錦棠臣運昌飛調
前敵大隊馳擊賊已向胡家堡遁去是晚各軍行隊均
宿吳忠老營適黃萬友所部亦至劉錦棠比商金運
昌傳令軍士準備剿賊二十一日五鼓整隊向胡家堡
進天甫明瞭見山水溝賊修成三壘近壘之處野淹縱

橫馬步賊萬餘隔水排列壘前劉錦棠金運昌揮隊鳧水擊之金運昌進左路劉錦棠進右路黃萬友督提督周國勝王秀棟李雲貴何作霖王承贊尹興茂軍功李雙良分兩大枝一鼓直前劉錦棠督中軍爲策應各路馬步正逼近賊壘步賊分股入壘踞守大股隨馬賊衝突而來勢甚兇悍各營鎗礮環轟子如雨注馬賊稍却軍士併力壓下馬賊敗退步賊之後步賊挺矛對刺冒死交鋒馬賊亦回頭分抄左右鏖戰逾時官軍奮威衝殺當者辟易騎賊紛紛墜馬步賊傷亡亦衆相率潰散

續編卷二十九

二

官軍乘勢躡至壘邊守壘之賊憑堞放鎗敗賊亦倚牆抵拒壯士不避鋒鏑愈戰愈奮劉錦棠復飛令提督譚拔萃易致中羅照昇更番助戰壘外敗賊自量不敵狂遁胡家堡漢伯堡而西黃萬友從各壘中空之地追出見壘門未閉守賊仍植立不動卽令何作霖督隊防敗賊回援調洋鎗洋礮手分堵左右三壘出路劉錦棠金運昌督各營合圍之壘賊見官軍四面環攻銳不可當登時慌亂壯士有奪門而入者有猱騰而上者立將三壘一鼓攻克悍賊一千二百餘名無一脫者各營乎其

壘而還兩日之戰除破壘擒斬之數陣斃逆眾尤夥奪獲戰馬二百數十匹拾大礮三尊拾鎗小鎗二百餘桿旗幟刀矛千數百件帳棚鍋鋤不計其數劉錦棠所部陣亡弁勇二十一名受傷者四十九名此二月二十二十一日湘皖兩軍會剿逆回攻破賊壘大獲勝仗實在情形也二十二日黎明劉錦棠調馬步賊二千餘赴山水溝廢壘收屍飛商金運昌出隊行四里許馬賊四五百名竟出山水溝挑戰劉錦棠以六營結方陣猛打猛進躡近溝邊騎賊返撲陣前步賊踰溝踵至零股步賊

續編卷二十九

三

仍伏溝中相持至午刻各營已進距王秀棟營前金運昌亦率隊自北路抄出劉錦棠飛令各營前後夾擊馬賊奪路遁去步賊落後兩軍縱橫盡決賊五六百名生擒七十四名餘賊向山水溝敗歸胡家堡其徘徊溝中逆黨亦望風先潰官軍奪獲戰馬百餘匹拾旗幟器械多件劉錦棠所部陣亡弁勇十一名受傷二十九名此二月二十二日湘皖兩軍會剿山水溝逆回大獲勝仗實在情形也據擒逆目周斌之子長順供馬化澂因官軍緊逼金積堡附近之秦壩關早元堡板橋漢伯堡

不能耕種堡中存糧無多有岌岌難支之勢故日嗾陝甘各回築塲洩水以圖退兵不料屢為官軍所敗二十一日山水溝修壘步賊係甘回馬九王洪袁老九等馬賊係陝回臨洮謝四各股王洪之姪王天福已經官軍擊斃壘中矣訛畢正法軍前嗣是陝甘各回連日負創之後伏巢不出二十九日五鼓馬九王洪復喚余禿子楊三辣西甯逆回張阿渾及陝回余彥祿黨眾出胡家堡之東麴聚靈州西南五里之王銀棚排立賊壘兩座分股入踞其中大隊蔓延各破堡蓋欺靈州兵單意在

續編卷二十九

三

觀觀州城圍劫前敵各軍東路還道也是日午刻劉錦棠得報整隊即起出吳忠堡繞河岸而東二鼓潛入靈州城傳發小憩三十日五鼓合分防靈城兩營成列以出行近賊巢守賊尙未覺黃萬友率李榮貴何作霖曾松明各營分左右路襲各破堡踞賊劉錦棠率提督譚拔萃周國勝易致中知州李樹棠各營直指王銀棚賊壘各路號鼓齊鳴火器並發各破堡之賊自夢中驚起不及齊隊爭向新壘狂奔壘賊吹角站牆開壁迎戰劉錦棠黃萬友揮軍併力壓之三路猛撲壘前壘內外賊

登時潰敗四路奔逃官軍乘勢抄殺有逃走不速隱匿廢堡之賊搜斬無遺兩壘一律平毀各振旅而還是役斃馬步賊一千數百名生擒八十餘名拾父子鎗一百二十餘桿拍鎗刀矛旗幟無算官軍勇丁陣亡三名受傷三十一名此二月三十日劉錦棠一軍攻破王銀棚賊壘大獲勝仗之實在情形也數大捷之後士氣益壯賊膽益寒馬化澂計無所施又幸其子馬耀邦具稟到劉錦棠軍乞撫以春耕緊要為詞求大兵退吳忠堡劉錦棠許其耕墾不許退兵仍勒限悉繳馬械據擒賊供

續編卷二十九

四

近來馬化澂已挨戶派糧三次矣春耕失時再困數月賊糧無出必致餓乏不堪臣現飭劉錦棠相機圖之此次大獲勝仗除金運昌一軍詳細情形俟接來牘另片陳報外所有劉錦軍各戰陣亡之副將銜補用參將陳思忠補用都司阮金春都司銜拔補守備沈玉成拔補把總朱泗才張得勝林渭清均係衝鋒陷陣力戰捐軀應懇天恩飭部各照所保官階議給卹典以慰忠魂所有湘皖兩軍連日會剿逆回攻破賊

大獲勝仗實在情形謹會同幫辦陝甘軍務前署陝西撫臣劉典恭摺馳

奏伏乞

皇太后

皇上聖鑒訓示施行謹

奏 同治九年四月初十日

中路官軍截剿自陝回竄逆回迭勝摺

奏為中路官軍截剿自陝回竄逆回疊次獲勝情形恭摺馳陳仰祈

續編卷二十九

五

聖鑒事竊金積堡陝回自定邊環慶兩路竄陝各股仍循慶陽鎮原預望一帶北遁逆目馬呼來一股經道員魏光燾總兵江得意等擊收歸巢無幾臣已於三月初七日陳奏陝回馬阿洲等眾蔓及武功扶風一帶所有在陝各軍戰狀已由前署撫臣劉典馳報二月二十二日賊敗由永壽竄入甘肅靈臺屬之邵寨崔木等鎮員外郎銜中書吳士邁所部追及之賊已分股狂遁二十三日折竄長武臣續調之道員朱明亮督隊自涇州截出敗之是日賊越甯州焦村奔蕭金鎮零股繞出涇州

務家堡西趨魏光燾得報分兵守慶陽挑馬步兩營行隊數百人疾趨甯州檄分防驛馬關黑河各營會剿二十四日午刻魏光燾及賊於焦村十五里地方揮隊擊之截賊為兩極一支折回焦村提督戴佑勝等扼剿於後一支趨蕭金鎮魏光燾督參將袁海壽譚吉士等歷剿而前賊欺追軍單薄悉銳以抗戴佑勝之兵魏光燾金譚士應之賊勢稍却而零股絡繹西奔者忽蜂至焦村包裹而來魏光燾返旗回撲步隊夾馬隊而陣外環刀矛間以鎗礮輪轟之鏖戰一晝一夜軍士勺水不入

續編卷二十九

六

口屹立如山勇氣百倍相持至二十五日黎明賊之精悍傷夷已多陣勢漸亂壯士乘機衝突賊大潰向蕭金鎮鼠竄而去官軍蹙至三不通傳餐休息方魏光燾進兵焦村之時總兵熊道濱率隊出驛馬關副將蕭玉元率隊出黑河川兩路行抵西峯鎮賊之前股已由蕭金鎮沿打家河而上二十三日知縣羅壽昌偵賊來路督留守黑河焦家河前左兩哨截賊於打家河賊以悍騎翼蔽在前嗾羸弱者狂奔而西羅壽昌正揮戈督戰熊道濱蕭玉元追剿之兵亦至前後夾擊斃賊百餘名賊

一冊一〇一冊續修四庫全書 6

衆擁擠河岸自相踏藉拋棄騾馬糧食向太平鎮逸去
迫提督劉端冕派隊隨魏光燾由三不通踵至已追之
不及矣是日鎮原防軍江得意經臣調赴西壕遇賊於
東林截之賊飛奔孟壩寺二十六日江得意率步隊會
合副監旗馬隊分兩路躡賊沿途擒斬頗多賊且戰且
走向三汭河窺預望一路薄暮魏光燾之兵先後齊集
偵賊去已遠遂駐營張家坵二十七日收隊回防其後
股賊騎百餘由涇河川敗竄者劉端冕派提督甘大有
尾追之二十六日過黑河川羅壽昌督隊迎頭攔截奪

續編卷二十九 七

其賊馬賊黨全數擊散連日各戰共斃賊三百數十名
生擒二十六名解散被脅漢民十餘名奪獲牲畜數百
頭賊糧俱爲堡民所抬官軍弁勇亦有傷亡此二月二
十三四五六七日魏光燾朱明亮江得意馬步各營截
剿自陝回竄逆回疊次獲勝之情形也賊之北竄預望
也正提督徐占彪總兵蘇如松截剿馬正和敗殘陝回
獲勝自韋州收隊回防之時二十九日未刻訶賊騎自
預望東南三十里毛渠井狂奔而西徐占彪蘇如松會
商該逆奔馳疲乏應乘黑夜襲之戎軍士成列以出派

士民爲嚮導一出毛家墩抄賊之前一繞蔡廟斷賊之
後一橫出馬家大山溝底擣賊中堅漏初下徐占彪舉
礮爲號親率正營自馬家大山溝底穿出壯士大呼陷
陣殺聲震谷左衝右突當者披靡賊正倉皇挺走蘇如
松忽率旌善營馬隊從後面兜剿而來該逆全數奔毛
家墩總兵陳春萬伏兵突起攔頭截之各路馬步亦愈
戰愈勇該逆棄甲拋戈狂號亂竄騾馬衣服糧食委棄
殆盡敗遁下馬關一路三十日黎明官軍躡至馬關祇
見零星殘賊或三五人或六七八人踰溝越嶺而遁不復

續編卷二十九 八

成股沿途斬殺數十名振旅而還是役斃賊約二百餘
名生擒悍賊十餘名奪獲糧畜輜重無算官軍勇丁受
傷六名陣亡一名此二月二十九三十日徐占彪蘇如
松截剿自陝回竄逆回將全股擊散獲勝實在情形也
訶據擒賊秦成崔文煥郝三元等供馬阿渾即馬朝元
自正月初一日糾陝回十三營股衆不下二千名由金
積堡銀條梁竄入北山到甘泉與馬正剛合人數漸增
東犯韓邵走高陵涇陽醴泉乾州扶風永壽一帶出靈
臺崔木折竄董志原歸巢馬正剛之子則經官軍擊斃

道左舖矣臣維馬阿渾等眾經陝西各路官軍次第剿
敗回竄甘境者賊騎不過千數百名魏光燾以數百人
扼之焦村大挫兇鋒其敗歸也一創於打家河黑河棗
林諸戰再創於徐占彪蘇如松毛渠井諸戰前後擒斬
實數以六七百計所剩殘黨狼狽歸巢者糧畜器械均
為官軍所奪逆首雖未伏誅而賊膽已寒矣所有各戰
陣亡之守備張運捷千總宋益成會得順外委宋大勝
應懇

天恩飭部各照所保官階議給

續編卷二十九

九

卹典以慰忠魂謹會同幫辦陝甘軍務前署陝西撫臣
劉典恭摺馳陳伏乞

皇太后

皇上聖鑒訓示施行謹

奏 同治九年四月初十日

節次勦辦固原鹽茶客土逆回片

再固原鹽茶驛土回種落蕃衍良秀羣雜上年官軍北
進鞏撫兼施均經臣隨時陳奏而東西兩山土著回匪
仍假息山谷糾黨劫掠糧運多梗其金精藏匿各回因

飢四出掠食並囑聚土回分起恣擾臣比飭平涼固原
慶陽諸軍嚴密摻捕二月初西山李野賊李存昇李兒
步謫馬百長楊茂林五六百眾蜂至馬騾掌楊家溝羅
家腰嶺等處初七日提督周紹濂飭總兵張大雄副將
周五林自李旺堡進剿合回目馬益順為嚮導黎明抵
楊家溝賊見官軍即紛紛潰散周五林縱馬追之手刃
悍賊數名乘勢攻馬騾掌及羅家腰嶺之賊張大雄周
玉林合各哨夾滿家山疾走進斃賊數十名奪鎗械十
餘件騾馬數十頭勇丁受傷一名陣亡一名初九日賊

續編卷二十九

三

復聚楊家莊初十日四鼓張大雄督五成隊襲之斬賊
二十餘名餘賊越山狂遁官軍在賊巢內搜獲驛遞失
去文報並大米數百斤擒生賊二名正法軍前同時匪
目明先行即明七十子股眾盤踞劉家臺子距白家塢
五十餘里臣比令道員黃鼎派提督徐占彪領馬步四
營由固原拔進初九日襲賊於劉家臺斬悍賊百四五
十名生擒二十餘名初十日徐占彪調母仲元明先行
等逆踞劉家臺東北狼兒溝元城子黃鼠嶺為巢飭總
兵陳春萬趙興隆副將劉心灼分馬步三路擣之共搜

殺百數十名餘匪散而復聚於教場川十二日官軍掩至賊已聞風宵遁僅斬落後尾賊數名其時李野賊之黨楊滿林馬宗祥股眾二百數十人乘間竊發於西山磨踞圪塔紅麻川良回軍功王益萬自王家圍莊飛報提督丁賢發比派副將吳啟雲守備張玉梁整隊馳剿二十八日辰刻王益萬引官軍圍圪塔山下賊館賊冒死衝突官軍陣斬二十餘名生擒楊滿志馬環環子李七餘子馬割臍子等十一名匪目楊滿林單騎搶上山口適經官軍盡戮賊軍崖墜死者甚眾官軍搜

續編卷二十九 三

獲旗幟鎗矛糧袋多件二月初一日天雨晴分駐固原楊家老莊之參將丁維棟聞步賊百餘圍攻鐵家溝民堡率隊救之適其同鄉進營幸其營馬隊從碾子頭壓追而南于維棟復截其去路陣斬逆回四五十名生擒匪口馬宗祥訊供李野賊自預望城喚之前來途遇陝回數十人夥出西山掠食經官軍擒斬殆盡矣是日東山匪目剡仲祿復擾及固原三關口一帶申刻副將盛照魁率所部行隊自高店設糧過三關口遇賊步騎五六百名劫去糧賦哨弁楊雪亮躍馬斫陣力戰而亡

盛照魁調知率隊進剿斃賊二十餘名奪回騾馬數十頭初四日提督陳廣發自瓦亭率良營八成隊護糧行抵海口子地方偵知明七十子之黨騎賊數十步賊二百餘絡繹出巢陳廣發伏山溝左右以待賊至伏發斃賊百二十餘人拾旗幟器械多件奪獲騾馬二十九頭餘賊奔固原適黃鼎所部副將黃虎臣護糧適至揮馬隊迎頭截之斃賊三十餘名生擒四名初九日副將總兵趙興隆副將何玉超護餉至高崖子參將林定遠守備黃錦團並騎先驅偵探賊踪遇賊零騎被害趙興隆

續編卷二十九 三

何玉超等十三日由黑子山溝進剿斃賊十餘名賊目海滿寬仍據險抗拒擲石擊傷官軍官軍冒險急攻良久回楊如雨將逆目海滿寬縛獻軍前正法降其餘眾十四日抵老陽莊賊目丁保中乞撫受之旋據探報賊目單貴馬生江等竄至李家店何玉超令楊如雨即夜掩擊斃賊七八十名獲騾馬五十餘匹窮追至虎狼口訶餘賊已合明先行剡仲祿一股踞狼兒溝蒲家墩一帶十五夜趙興隆何玉超潛師襲之四鼓分路抄截立將狼兒溝蒲家墩賊巢攻破斃賊三百餘名獲馬二百餘

頭軍火器械甚夥旋據楊如雨報逆首刻仲祿受傷藏匿狼窩溝巴爲官軍亂刀砍斃獲其屍呈驗其明七十七子單貴兩賊則隻身逃竄荒谷黃鼎已飭楊如雨捕之餘賊投誠免死安插其竄入環慶一路者賊目爲李化魁蘇進萬李良友張義全均由金積堡竄出或百餘人爲一起或數十人爲一起意圖騷擾陝境經署平慶涇道魏光燾署慶陽府知府謝大舒代理環縣知縣余甫勳派隊截剿陣斬蘇進萬李良友張義全生擒多名餘賊得脫者實亦無幾此固原鹽茶廳及環慶各處勦辦

續編卷二十九

三

客土各逆回連獲勝仗實在情形也 臣維東西兩山廣袤數百里山谷盤互漢民少而回民多其間良愿守分回民雖復不少而種族既繁氣類亦別良回每爲匪回所劫持難於自拔馬化澂故得以其新教煽惑而勾結之自官軍分駐中路勦撫兼施不錄用諸良回爲之鄉導誅其莠而育其良腹地伏莽乃漸有肅清之望雖陝甘逆回或由金積南來或由陝境北竄而諸營聯絡布置地網四張良回復爲偵探導引每得掩其不備而殲之除各軍截剿陝回禹得彥河州回米阿渾等逆獲勝

情形另疏據實馳陳外所有節次剿辦客土逆回情形謹會同幫辦陝甘軍務前署陝西撫臣劉典附片馳報伏乞

聖鑒訓示施行謹

奏同治九年四月初十日

軍機大臣 字寄同治九年四月初七日奉

上諭左宗棠穆圖善奏官軍截剿甘南逆回暨分剿河狄回股獲勝左宗棠奏剿賊兩軍攻破賊壘請將陣亡員弁議卹并徵剿自陝回竄逆回疊勝陣亡員弁請卹

續編卷二十九

三

及節次剿辦客土逆回情形各摺片覽奏均悉甘南嶺兩等處竄回經湯聘珍各軍先後擊敗而賊之前隊竄至甯州又經魏光燾等追擊擒斬甚多陝回禹得彥仍由鹽茶廳一帶竄走其西竄之雀三一股由隴州竄張家川後復由秦安北竄至莊浪隆德之間左宗棠已調徐文秀等率隊追剿惟現在各路回股每於陝甘交界處所東奔西竄牽掣官軍而甘之河狄尤爲逆眾逆逃之較左宗棠穆圖善務當檄飭甘陝各軍分股勦洗逆將禹得彥雀三各逆設法殲除以孤賊勢金積堡踞回

營經官軍痛勦勢甚窮蹙二月二十後劉錦棠等軍又將山水溝賊壘三座暨王銀棚賊壘攻破馬化澂復設詞乞撫該逆詭詞異常現當圍困糧盡正可乘機計取著左宗棠卽飭劉錦棠斟酌情形妥籌勦辦毋爲該逆所紿劉錦棠所部陣亡之副將銜參將陳思忠都司阮金春都司銜守備沈玉成把總朱泗才張得勝林渭清均著交部照所保官階議卹馬阿渾等股因爲陝軍勦敗回窻甘境魏光燾等於打家河毛渠井等處痛加勦擊所贖逆黨無多仍著左宗棠分飭魏光燾等跟踪追

續編卷二十九

三

勦迅速殄除毋任該逆苟延殘喘所有各戰陣亡之守備張連捷千總宋益成曾得順外委宋大勝均著交部照擬保官階議卹固原鹽茶及環慶各處客土回匪經周紹濂等勦擊寔足大挫兇鋒惟該處山谷盤互回民種類亦繁左宗棠務飭在事文武時加搜緝勦撫兼施毋任匪徒乘機煽惑以消隱患將此由六百里各諭令知之欽此

軍機大臣 字寄同治九年四月十八日奉

上諭左宗棠蔣志章奏勦敗竄陝回股腹地仍復安謐并榆林安邊等處勦賊情形各摺片已明降諭旨將出力陣亡各員分別獎敘矣崔禹逆股竄擾陝境經各軍分投追勦連戰皆捷現在崔逆西奔禹逆東竄敗殘之賊所餘無多鳳西同乾邠境內已無賊蹤惟崔禹兩逆帶傷逸去并未就擒其夥黨各圖潰散之說亦不足憑目劉典會報陝境腹地肅清乃未幾而崔禹等逆旋即竄入幾至蔓延所謂肅清者安在該督撫等務當嚴密

續編卷二十九

三

布置檄飭各將領認真防剿并將該逆首設法殄除毋任匪蹤再行闖入此次該督等奏保出力各員朝廷姑如所請藉以鼓勵軍心嗣後敘功獎勞務求允當毋得率行奏請以昭核寔安邊堡回股已退回金積老巢仍著蔣志章飭令劉厚基等督率各營隨時防範以期周密并著左宗棠妥籌兼顧將此由五百里各諭令知之欽此

惺請奏稿續編卷三十目錄

湘軍蕩平賊塚並截勦河西竄回迭勝摺

金運昌剿辦後路竄賊並請獎敘片

甘捐道府州縣五項再請展限片

截勦陝省回竄賊匪獲勝詳細情形摺

截勦陳林股逆獲勝摺

吳士邁病故請卹並專殺朱德樹可否免其查參片

續編卷三十目錄

湘軍蕩平賊塚並截勦河西竄回迭勝摺

奏為湘軍攻勦金積堡逆回蕩平賊塚並截勦河西竄回疊獲勝仗恭摺陳仰祈

聖鑒事竊老湘一軍本年二月三十日以前戰狀臣已

於四月初十日馳報續據劉錦棠黃萬友稟十二日馬

化澀復遞稟到營乞撫求大兵退吳忠堡劉錦棠仍飭

之十四日三鼓調金積附近各寨人聲沸騰陝甘逆黨

數十成羣零星散佈乘夜修塚自金積池西而北繞東

南達波浪湖分段濬築意在引馬連渠之水入濠匯流

續編卷三十

一

於湖以阻官軍進攻西南之路劉錦棠等令各營伺賊

蹤稍近用鎗礮測准轟之十五日天甫曙賊數悉遁歸

巢連夜加濬如故十八日劉錦棠傳令各營挑壯士攜

鋤鋪分道平賊濠近逼也賊寨鎗礮對轟子如雨注軍

士冒險平毀賊復伺閒加修二十一日黎明劉錦棠整

隊擊賊金積各寨角聲四起賊傾巢出或排列濠邊或

伏濠內提督蕭章開諭執益曹義勝為前驅各路馬步

繼之行未里許步賊憑濠拒敵馬賊分抄東南副都統

雙壽副都統銜協領花良阿提督余虎恩躍馬陷陣併

力將馬賊擊敗蕭章開乘機越長濠缺口擊步賊軍士
從之鎗矛並舉悍賊紛紛倒地餘眾勢漸不支而西路
之賊尙搶過濠外抄蕭章開之後黃萬友率提督陶定
升周國勝橫截之提督何作霖王承贊李占椿揮隊齊
進步賊大潰適雙壽余虎恩等率驍騎自東南躡賊而
來官軍馬步合力兜剿擒斬極多餘賊向金積東門逸
去是夜四鼓賊復潛出掘濠劉錦棠調開花田雞礮輪
轟之適炸彈中羣賊傷斃多名而退二十三日天明賊
出金積東門各寨旗幟如林沿濠列隊翼蔽修濠之賊

續編卷三十

二

馬賊數千抄過東面劉錦棠傳步隊各營分中左右三
路迎剿令馬隊應馬賊部署既定陶定升督周國勝軍
功張俊猛撲中路步賊死拒馬賊一併回頭雙壽花良
阿余虎恩馬隊一氣壓下劉錦棠飛催何作霖蕭章開
左右兩路剴濠而進各路悉銳衝殺賊屍枕藉餘向各
寨狂奔官軍躡追至寨根而還自十四夜至二十三日
共斃陝回甘回一千四百五十五名生擒一百三十四名逆
目馬二虎陳金子訊明一併正法奪戰馬六十餘匹旗
幟器械鎗斃數百件弁勇陣亡四十二名受傷一百九

十八名此劉錦棠一軍攻勦金積逆回蕩平賊濠屢獲
勝仗情形也賊連日被創之後盡則踈伏不出夜仍潛
起修濠分股沿秦壩關上下增築渠隄復圍洩水以困
官軍劉錦棠黃萬友相度地勢令各營多掘溝道防之
四月初一二等日秦渠馬連渠之水被賊決放勢如潮
湧平地成川各營正併力疏濬忽西北風緊水漲數尺
激湍衝齧蔡家橋一帶傍壘長堤洪流洶湧勢殊險惡
駐蔡家橋之李占椿各營隨機搶堵或密排木椿或盛
以布袋用茅苞實土其中悉力悍禦初三日風止溝道

續編卷三十

三

成引水下王家湖波浪湖注永甯洞合流入黃賊計仍
不得逞馬化澄見官軍堵洩得宜水不能困復喉零股
馬步出金積堡西北馬家灘偷渡黃河西竄大壩分水
嶺三關地方劫官軍廣武中衛山後糧運初八日黃萬
友督隊由葉昇堡渡河分支赴三關搜剿自率李占椿
喻執益駐大壩初九日西行五里擒獲賊諜訊知有賊
自山後劫牲畜回金積堡相距數里黃萬友設伏三路
待之少頃賊馬步三百餘絡繹而至黃萬友揮隊突擊
賊狂號亂奔官軍分途躡殺十餘里殄滅淨盡生擒四

十二名奪獲騾馬牛羊二百餘隻鎗械甚夥弁勇僅受傷七人而已十三日陶定昇張俊余虎恩隊伍由山後護糧東行近三關五六里偵馬步賊四五百名迤南而北官軍伏大隊於後挑十數騎迎戰以示弱賊爭出搶糧與余虎恩相持陶定昇張俊等躍馬衝出砍斃二百餘名生擒二十一名餘逆四散官軍護糧而還據生賊供初九日大壩竄賊探馬正和餘黨十三日三關竄賊係陝回間明一股逆目馬順之越山不及登時伏誅此劉錦棠一軍截斃河西竄回獲勝情形也臣維金積堡

續編卷三十 四

逆賊恃其巢堅糧足抗拒官軍近經迭次痛創知其巢堅不足恃雖積糧素多然以之供給陝回及河州臨洮西甯援賊耗去不少據各路探報陝回及臨洮西甯各回零星竄走馬化澁雖一面抗拒一面哀祈就撫而潛謀徙巢他遁苟延目前所苦駝畜餓斃已多不敷裝運欲勾引各路黨夥前來援救相距遠者千餘里近者數百里就食既無以供稟糧又難為繼似其情勢難以支現在中路南路官軍均獲勝仗制賊更有餘力臣惟有堅持成算慎以圖之以求仰副我

皇上綏定西陲至意所有各戰陣亡之遊擊成福積都同李興濬千總蔣洪順把總艾得勝唐正魁血戰捐軀均應請

天恩飭部各照所保官階議給

卹典以慰忠魂謹恭摺據實馳陳伏乞

皇太后

皇上聖鑒訓示施行謹

奏 同治九年五月初六日

金運昌勦辦後路竄賊並請獎敘片

續編卷三十 五

再金運昌一軍上年十一月初一日以前戰事經臣於本年正月二十二日附片陳報初一日以後至本年二月二十二日以前節次與湘軍會勦金積逆回戰狀臣續據湘軍文報附奏嗣金運昌先後來稟情形約略相同自可無庸補敘惟金運昌前因東道阻梗復派提督王鳳鳴督帶馬步回顧花馬池定邊安邊往來梭巡以清後路運道三月初七夜回逆百餘竄至花馬池北二十里圍攻民寨王鳳鳴督守備何全忠馬步馳援分數路掩擊殲賊殆盡生擒三十餘名據蘇杏數兒蘇有數

見供賊目馬三保零股百餘盤踞郝家溝王鳳鳴令為鄉導引官兵前往初九日行四十里抵郝家溝馬三保出掠未歸掩殺守巢之賊三十餘名兩戰共斃賊一百二十餘名奪馬騾牛羊百餘頭雜糧數石旗幟鎗械多件初十日分駐定邊之總兵馮殿英調馬步賊數百攻東南民寨整隊疾起襲之斬賊六十七名十四日馮殿英何全忠襲賊於磚井鎮賊至蔡家窩破其巢殺賊七八十名逆首馬繼元疾竄拚鬪何全忠怒馬直前揮刀斬之各隊繼進斬其餘眾七十餘名生擒一十餘名

續編卷三十

六

自是花定一帶遊氛少斂二十二日王鳳鳴令遊擊馬心勝率隊赴安邊護糧隨身馬步不上百名遇回逆二百餘騎於磚井堡外王鳳鳴揮隊猛戰賊披靡莫當官軍躡十里至張家園擒賊目張福保賊黨拏救何全忠奮威衝突殺入賊陣頭中木棍傷墜馬王鳳鳴向前策應連受矛傷裹創力戰軍士悉銳陷陣何全忠復躍馬助之斃賊百數十名餘逆狂奔四散據活賊供馬化濫喉張福保帶馬步賊二百餘劫糧於東路者是日之戰已損折三分之二此三月初八九十四二十二等日

王鳳鳴等在花定一帶勦賊獲勝之情形也金運昌拋駐金積前敵營壘二十二日訶賊踞下橋東南四五里許武化濫寨分立小壘二座正在興工比派總兵張懷玉副將王化成潛師夜起襲其不意伏副將高得勝遊擊侯得明之兵於賊壘附近道左防武化濫馬八條援賊是夜四鼓王化成張懷玉進攻賊壘正得手閒武化濫寨出百餘賊救護高得勝突擊之賊仍胸縮入寨官軍平其壘收隊回防馬八條寨出賊數百邀截歸路復為侯得明隊伍所敗其竄近河岸零騎百餘提督宋朝

續編卷三十

七

如整隊衝擊擒斬亦多是役共斃賊近二百名奪牲畜雜糧器械甚夥宋朝如立馬當先右足被礮子穿透此三月二十二夜二十三日金運昌分駐金積所部攻破賊壘擊賊獲勝之情形也所有在事尤為出力之王鳳鳴何全忠自攻搗金積賊巢以來本屬著有勞績此次回軍花定截勦竄賊身受重傷猶復堅忍苦戰力挫兇鋒洵屬奮勉應請先予獎敘以示鼓勵記名提督王鳳鳴請旨交部議敘藍翎都司銜守備何全忠請以都司補用

並

賞換花翎加遊擊銜其血戰捐軀之副將銜參將張兆

孟千總王彥才李錦春應請

天恩飭部均各照所保官階議給

卹典以慰忠魂謹附片馳陳伏祈

聖鑒訓示施行謹

奏 同治九年五月初六日

軍機大臣 字寄同治九年五月十三日奉

上諭左宗棠奏官軍蕩平賊濠截剿竄回獲勝並花定

續編卷三十

八

等處剿賊情形請將出力陣亡各員分別獎卹各摺片
覽奏均悉金積堡踞匪經劉錦棠督隊進攻該逆出巢
抗拒我軍分路攻擊立將賊濠平毀其西竄大壩分水
嶺三關劫糧之賊又經我軍擊退即著左宗棠飭令劉
錦棠聯絡金順張曜派出各軍乘賊勢窮蹙之時分投
截剿毋令他竄所有陣亡之遊擊成福植都司李興濬
千總將洪順把總艾得勝唐正魁均著交部各照所保
官階議卹花定等處賊匪經金運昌派提督王鳳鳴擊
剿獲勝復親督隊伍將金積堡附近賊壘攻破並著飭

令金運昌乘此聲威迅速進剿毋稍鬆勁在事出力之
提督王鳳鳴著交部議敘守備何全忠著以都司補用
並賞加遊擊銜賞換花翎陣亡之副將銜參將張兆孟
千總王彥才李錦春均著交部各照所保官階議卹金
積一賊堡耳即云巢堅糧足何以頓兵如許之久屢攻
未下本日據奏中路南路均獲勝仗未知賊勢若何殊
深慮系李鴻章指日抵陝秦隴交界處所已諭扼要分
紮該大臣惟當振刷精神嚴飭劉錦棠等乘勝進攻一
面飭南路各軍掃蕩而西進規河狄使賊彼此不能相

續編卷三十

九

願迅奏膚公毋得日久遷延老師糜餉至該大臣各營
後路既有淮軍進紮左宗棠尤當與李鴻章和衷共濟
各泯畛域之見俾兩省聯為一氣庶防剿合籌更資得
力浙江溫州鎮總兵方友才昨已調補處州鎮總兵據
英桂奏稱該員自簡放溫州鎮總兵後已屆四年尚未
到任方友才係左宗棠保舉之員是否在陝甘軍營剿
賊即著左宗棠查明如現在該員並不帶兵即著飭赴
處州鎮總兵新任以重職守將此由六百里諭令知之
欽此

甘捐道府州縣五項再請展限片

再臣前因餉項奇絀於同治八年四月初一日

奏請將甘局收捐之道府州縣無論省局分局均展至

同治九年四月十六日停止於是年四月初七日奉

旨著照所請戶部知道欽此欽遵通行在案茲據西征

糧臺兼辦甘捐翰林學士袁保恆咨稱現在道府州縣

五項官階甘局收捐一年期滿若遽行停止報捐者僅

佐貳雜職捐輸定難踴躍並稱該學士前奏米捐仍照

市價折收摺內謂捐輸有傷政體但求軍餉有著即可

續編卷三十 十

停止嗣准戶部覆稱已於上年議覆江蘇撫臣丁日昌

摺內奏令稅釐較旺之江蘇安徽江西浙江湖南湖北

四川福建廣東等九省督撫臣等議奏明辦理應俟奏

到後覈明軍餉足數協撥即將各省捐輸奏明一律停

止等因是甘捐之久暫亦應以戶部奏明停止各省捐

輸之日為准咨請將甘局收捐之道府州縣奏明俟戶

部奏請停止各省捐輸之日再行一併停止等因前來

臣維甘捐之設原以濟軍餉之不足若遽將道府州縣

停捐各局收款無多於餉摺仍屬無補不得不再請展

限惟戶部既奏明俟綜核江蘇等九省稅釐足數協撥

即請停止各省捐輸之日由臣酌量情形奏請停止以

歸畫一現在展限期滿捐生未免觀望如蒙

俞允再容展限一年臣即通行省局並各分局一體遵

照以廣招徠於軍需冀有神益是否有當謹附片馳陳

伏乞

聖鑒訓示施行謹

奏同治九年五月初六日

續編卷三十 十一

截勦陝省回竄賊匪獲勝詳細情形摺

奏為官軍截勦自陝折竄逆回疊獲大勝詳細情形並現籌中路南路勦辦機宜恭摺馳陳仰祈

聖鑒事竊官軍截勦甘南逆回獲勝河狄大股逆回狂竄入陝陝境各軍次第勦敗東西分竄入甘甘境諸軍擊賊獲勝大概情形臣宗棠已於四月初十日陳奏東竄陝回逆目禹得彥李經舉河州逆目李阿澤等三月二十七日入甘肅甯州界賊騎竄近州城甯州知州楊大年率城防勇丁數百截之賊即斜掠南義井西向

續編卷三十

三

焦村道員魏光燾派防各營迎頭擊賊總兵夏奉朝遇賊馬方滿賊大隊奄至夏奉朝揮騎卒下馬結圓陣禦之鎗礮環轟賊不少卻廢戰逾時勢幾不支總兵熊道瀆副將魏紀望各率所部馳至賊始敗退是夜五鼓賊復向焦村奪路狂奔各營力扼之旋繞什社出銷金鎮趨西峯維時魏光燾所部中營馬步已由慶陽西華池徑鐵練川橫截而出二十八日黎明偵賊踞西峯南村李家堡魏光燾督隊出賊不意襲之提督戴佑勝副將鄭連拔參將彭邦達千總范潮海等奪堡門而入賊驚

覺喉悍誓死拒彭邦達范潮海奮勇直前身受矛傷遊擊黃有元都司劉乾福外委蔣宗福挺矛繼進刺傷悍賊數名賊始亂魏光燾督親兵從堡後徕附而上堡內踞賊無得脫者隨搗高莊之賊勇丁張貴元礮斃悍賊墜馬而奪其旗餘眾不戰而走正追殺間賊後股數百騎自銷金鎮敗竄而來魏光燾回旂蹙之賊狂逸拜家河副將蕭玉元所部正擊敗西峯鎮前股竄賊於河岸賊營見官軍三面抄擊梟水西奔人馬陷泥淖中多死者二十九日各營躡過達家河賊已奔鎮原屬孟垣

續編卷三十

三

寺矣是日黎明總兵江得意率隊截之西涼奪驛馬三百餘頭三十日總兵蕭貴松率鎮原防勇隨副將李心海馬隊分途追勦賊不敢戀戰駛向固原州界連日之戰斃賊六七百名生擒四十二名各營弁勇傷亡三十餘名據活賊藍赫子供係逆目藍生元之弟藍生元綽號藍二紐子本長髮賊投入回中者二十八日經官軍殲於李家堡陝回頭目李經舉即李金菊殲於高莊當官軍進搗高莊踞逆時一青馬賊手執黃旗指揮羣賊中礮落馬者是也禹得彥股內賊目禹三星過達家河

破穿左眼而斃賊自禹西娃子二十六日竄魚鱗川亦經官軍轟斃河回戴宋娃等供詞亦同此三月二十七入九三十日慶陽鎮原各營截剿自陝折竄逆回疊獲勝仗實在情形也四月初一日賊竄白家壩臣宗棠已預派鎮防固原道員黃鼎一軍嚴裝以待比訶賊至即由張家巖進發是夜四鼓成列以出分提督徐占彪統四營扼紅溝炭山一路自率馬步七營迎擊之初四日黎明抵白家壩賊正紛紛西竄黃鼎搥鼓疾進軍士併力壓之衝賊爲三段中路之賊三百餘名登時抄殺盡

續編卷三十

古

淨前後賊騎一轉白家壩一西趨紅溝黃鼎急令總兵黃有忠陳攀仙守備黃兆熊三營沿紅溝躡賊親督總兵劉治均趙興隆副將黃虎臣遊擊李洪超馬步追過白家壩逼近懸巖賊擁擠不前軍士乘機衝殺斃賊二百餘名棄馬墜巖者約百餘名餘賊向炭山飛駛而去黃有忠等猛躡之賊前股甫出韓家堡距黑城七八里適與徐占彪所部相值副將何玉超率壯士突起截擊立斃悍賊數十名徐占彪督各營馬步繼至縱橫疊決斃賊二三百名躡近黑城子賊越城而西提督周紹濂

派防黑城之總兵李良穆遊擊劉輔軍整隊疾起截之正在相持徐占彪之兵由東山抄出賊腹背受敵轟斃刺斃又百數十名餘逆遁西山界牌初三日黃鼎分兵搜山各營均有擒斬徐占彪率隊追界牌之賊及賊於黃羊坪斬尾賊百餘遊擊朱蘭亭帶親兵數十併力窮追忽山谷中擁出悍賊百餘拚死格鬪朱蘭亭勢幾不支適徐占彪何玉超大隊倏至合圍該逆廢堡中悉數殲之訊之生賊始知此股悍賊即固原回目單仲明甫從金積堡竄至紅溝擬隨禹得彥西遁單仲明已斃堡

續編卷三十

五

中矣禹得彥刺股騎三百餘向鹽茶廳鼠竄徐占彪復躡殺至鴉兒灣初四日收隊而還連日黃鼎一軍斃賊一千三四百名生擒百二十名奪騾馬八九百頭刀矛鎗礮數百件各營傷亡弁勇五十餘名李良穆所部斃賊六七十名生擒二十餘名拾器械數十件勇丁帶傷三名據良回楊如雨等報河回頭目丁阿渾本白家壩人同治二年叛附河州管河回五六百人此次隨米阿渾竄來經官軍擊斃於陣米阿渾之子米全喜亦斃於白家壩禹得彥教下頭目蔡福初三日斃於黃羊坪逆

回馬六即馬正和之黨去秋官軍截斷陝回於打拉城馬六遁入河州此次齊竄黑城子礮斃陣中此四月初二三四日固原截勦自陝折竄逆回大獲全勝金積堡竄出零股甘回殄滅殆盡逆目伏誅之實在情形也其四竄之雀三一股三月二十日由隴州竄張家川周開錫比派提督王得勝一軍出清水迎勦提督梅開泰所部繼之總兵田連考道員湯聘珍出秦州秦安之交遇賊南竄提督楊世俊總兵敖天印各軍出安定紅土窰而東聯絡堵截三十三日王得勝會提督丁桂智總兵

續編卷三十

六

王銘忠擊賊於清水正北之壘門與富家川地方賊正攻民堡急不虞官軍驟至也各營馬步從後蹙之斃賊四百餘名生擒四十二名賊二十餘里轉富家川休息賊大股仍踞張家川蔓及正東十里之王家堡攻掠二十四日五鼓王得勝督隊踰山脊向王家堡進分馬步循平川逕搗賊巢上山隊伍較單賊勢逆注王家堡悉銳以拒官軍比馬步隊上山策應突遇伏賊首尾不能兼顧弁丁遇害者二百餘名王得勝飲兵保清水其時員外郎銜中書吳士邁之兵已躡賊之後由隴州收回

秦州楊世俊敖天印之兵先後抵通渭賊長官軍分道並進於二十五日越秦安龍山鎮連日避兵而行竄蓮花城田家坪朱家店蔓及靜甯屬之水洛城王得勝引所部由西而北與田連考湯聘珍梅開泰之兵合初三日及賊於田家坪步賊分踞山腰馬賊馳騁平原王得勝湯聘珍等分左右路擊步賊陣斬數十名賊稍卻馬賊仍拚拒中路田連考謝復雲怒馬突陣手刃數賊餘眾大敗官軍三路躡至石門截殿後悍賊百餘斬之初四日各軍及賊水洛城賊正與堡民相持瞥見官軍即

續編卷三十

七

奪路狂竄提督高月桂李泰清緊躡之斬尾賊六十餘名奔戰馬軍械甚夥生擒四名此三月二十三日四月初三四日秦州南路諸軍截勦崔逆一股由陝折竄數勝一挫之情形也初六日賊趨莊浪濳德正南門扇岔臣宗棠派提督銜廣東高州鎮總兵徐文秀參將楊正茂馬步會同駐防隆德福州副都統全福馬隊截之賊遁靜甯四十里之威戎鎮初七日提督銜江西補用總兵蕭賞謙所部平江營截之賊即由靜甯通渭之閒西趨蓋覓馬營監紅土窰為歸路也楊世俊敖天印偵賊

所向警隊疾出馬營李耀南亦派閩浙補用總兵周顯明自會甯率隊馳至嚴陣以待初八日賊大股竄近馬營正北二十里之傅家岔華家嶺十五里之草芽溝雙墩堡地方初九日五鼓各軍分三路剿之楊世俊馬步抵傅家岔賊列隊抗拒官軍縱擊之斬賊數十名賊陣大亂赦天印正敗草芽溝雙墩堡之賊出傅家岔會隊兩面抄擊賊之中餘障馬者以數百計餘眾搶過華家嶺周顯明橫抄之賊棄牲畜輜糧踰溝奔紅土窩參將楊德俊扼截於前各軍追逐於後悉數就殲殘騎數百

續編卷三十

六

遊馬家河以奔狄道正臨追開謀報通渭東北三十里渭陽堡續到海澄王占登等逆一股時周顯明收隊靜甯楊世俊赦天印回軍初十日未刻抵通渭縣十一日偵賊由縣南四十里之李家店葉家岔東南四十里之溫家峴馬家店分竄楊世俊進擊溫家峴之賊步隊迎戰斃賊數名賊勢披靡左右驍騎縱擊之斬賊以數百計緊蹙至馬家店孫家坪陣擒尤夥李家店葉家岔之賊經赦天印提督張仲春馬步合擊之沿途賊屍枕藉僅剩數十騎賊逸去連日之戰共斃賊一千五六

百名生擒海洋花等二百九十名陣斬偽領員馬三阿麻達子拾旂幟刀矛叉子鎗八百餘件騾馬牛驢數百頭傷亡弁勇二十七名此四月初九初十十一日楊世俊赦天印李耀南各營截剿自陝折竄逆回大獲全勝之實在情形也臣維陝回首逆禹得彥崔三李經舉自打拉池半角城兩次大敗後兇焰已熾此次竄陝妄以金積陝回方竄擾陝西圖與合勢遂糾河州回目米阿渾及狄道零股竄陝人數近萬比員外郎銜中書吳士邁漢中鎮總兵李輝武截之寶雞陳村羅周兩獲大勝

續編卷三十

七

遂剿為兩段禹得彥田白水入山北竄壘經隴軍剿敗僅與其黨三百餘人竄出崔三由隴州回竄壘經隴軍擊敗其得歸巢者亦不過數百人計陝回及河狄之回漏逸者實不過十分一二耳崔三因勢更窮蹙上稟乞撫周開錫批飭不准現檄各軍乘勝進剿五月初二初六兩日傅先宗擊賊於鞏昌屬之丁家門新寺鎮等處兩獲大捷楊世俊及總兵田連考等初十五等日擊賊於甯遠屬之大石頭廖家莊馬塢李家溝門草塘河岷州屬狼渡灘等處十六十七等日副將魯春林等擊

騰縣臨關隴西等處之賊均有擒斬伏羌甯遠禮縣一帶均已肅清南路諸軍現正進剿渭源以規狄道所有一切情形容俟查明續報中路各營現飭陸續前進安設糧局次第北行以規狄道者復河州之漸規峽口者察金積之勢也此次截剿由陝回竄崔禹李米各巨股悍逆地網四張將士用命擒斬賊目至多狄河金積出巢之賊掃除殆盡諸軍之在陝境者已蒙俞旨准獎甘境諸軍合無仰懇

續編卷三一

干

天恩一體獎敘以示鼓勵記名提督斐凌阿巴圖魯楊

世俊請

交部從優議敘花翎提督銜記名總兵威勇巴圖魯戴佑勝請以提督升用記名提督尙勇巴圖魯張仲春請賞換清字勇號提督銜副補用總兵周顯明湖北補用副將朱鎮鳴補用總兵李必福簡用總兵裴思朝均請
賞給勇號補用總兵劉治均黃有忠均請以提督升用
花翎提督銜副補用總兵熊道濱請
賞給該員三代一品封典補用總兵趙興隆陳春萬田

連考均請

賞加提督銜田連考並

賞給勇號留甘補用副將黃虎臣何玉超均請以總兵儘先補用花翎副將銜留江西補用遊擊李奪魁請免補遊擊以參將留於陝甘儘先補用並

賞給勇號儘先參將楊德俊請以副將留於陝甘儘先補用補用遊擊朱蘭亭馬有才均請以參將儘先補用花翎儘先守備李洪超黃兆熊請免補守備以都司儘先補用藍翎儘先拔補千總范潮海董大榮請免補千

續編卷三十

三

總以守備儘先補用並

賞換花翎守備銜千總嚴金龍吳秀成請以守備儘先補用並

賞加都司銜千總姜燮陽請以守備儘先補用並

賞戴花翎五品軍功拔補外委張金明徐有禮請以守備儘先補用並

賞戴花翎其餘在事出力文武員弁勇丁可否准臣等彙案保奏以昭激勸之處出自

逾格鴻施陣亡之遊擊黃俊傑朱受光李得貴擬保遊

擊吳戰平都司周國清蘇忠賢守備李榮光蔣仁瑞擬
保守備舒得勝方玉明李汝錫千總劉元林把總徐友
勝擬保把總劉雨清均應請

天恩飭部照例議給

卹典以慰忠魂謹會同陝西撫臣蔣志章恭摺馳陳伏
乞

皇太后

皇上聖鑒訓示施行謹

奏 同治九年六月初八日

續編卷三十

三

截剿陳林股逆獲勝摺

奏為官軍截剿陝回陳林竄賊疊獲勝仗恭摺馳陳仰
祈

聖鑒事竊金積逆回被剿窮蹙陝回零星竄走臣已於
五月初六日馳報矣陝回各逆兇狡著名者馬上和楊
文治而外以陳林余彥祿兩逆為最金積堡乏食陝回
老弱婦女餓斃者多陳林領三千餘眾出巢向花定一
帶掠食四月初一日金運昌分駐定邊之都司牛允誠
伺賊至督師敗之躡賊大矩灘斬殺八九十名生擒十

六名初七日五鼓賊乘風雨交作襲攻花馬池城有賊
十數已梯城而上提督隋君廷聞警率馬勇登城步戰
城中文武紳生亦併力堵賊於巷口賊之已入城者登
時殺盡天明隋君廷開城擊賊躡殺十餘名生擒四名
餘仍負創而遁初十日賊竄安邊攻王家寨副將宋雲
田督參將李占標遊擊邵維常隊伍分道赴援立解堡
圍斃賊六十餘名追至橫流溝賊返關又經官軍奮擊
而走邵維常首先陷陣臂膊中礮傷十二日黎明賊蜂
至定邊攻城牛允誠揮隊擊之殺賊三十餘名賊敗竄

續編卷三十

三

磚井鎮守備王克功伏兵東關橫截而出斃賊四五十
名生擒九名十三日賊西竄安邊境攻李家寨寨垂破
矣宋雲田率隊掩至賊駭而奔官軍躡追五里至白家
寨賊眾千餘合勢拊拒宋雲田躍馬突陣部眾繼之鏖
戰逾時賊敗走擒斬百餘斬逆目楊葫蘆二十五日提
督王鳳鳴護餉抵磚井訶賊踞瓦渣梁楊家寨督隊疾
擊之斃賊三十餘名生擒五名二十七日牛允誠隊伍
出定邊而東王鳳鳴隊伍出磚井而西兩路抄擊斃賊
八九十名生擒十五名二十八日賊繞磚井迤東之營

家崩王鳳鳴執劫四十餘名二十九日五鼓乘賊熟睡襲破其巢斬悍賊百四五十名奪驟馬牛羊數百頭牙桿二百餘件其敗逸定邊者又經王克功斬獲四十餘名生擒六四名自戰擒斬賊數共七百七十八名奪牲畜器械甚夥弁勇帶傷二十餘名陣亡七名據賊目余金兒供係余彥祿之弟馬化澂喉隨陳林東掠圖得花定安邊各城絕金積前敵官軍運道十二日磚井鎮之戰陳林中礮傷甚重訊畢斬之此金運昌所部截剿陳林竄回於花馬池定邊安邊磚井疊次獲勝情形也方

續編卷三十

三

陳林之挾眾東趨也劉錦棠黃萬友慮後路接餉隊伍單薄四月二十二日令總兵沈先梅率馬隊數十騎赴花定偵探午刻抵磁窰鎮獲賊謀供陳林自花馬池田家掌派逆目楊興隆帶數百賊護糧回金積將至矣比飛報劉錦棠添兵截剿二十三日劉錦棠伏兵靈州東南十餘里之權嘉梁以待辰刻賊眾擁糧畜而西官軍馬步左右突起擊之馬賊返跑步賊棄輜重四竄劉錦棠令軍士分途歷剿副都統雙壽遊擊郭宗儀馬隊東追馬賊提督蕭章開喻執益譚拔萃余虎恩周雲祥譚

上連會松明軍功張俊隊伍追步賊各路悉銳衝殺賊無脫者是役斃悍賊六百數十名陣斬逆目楊興隆奪驟馬牛羊八百餘頭雜糧二萬數千斤弁勇陣亡二名受傷八名此四月二十三日湘軍截剿陳逆零股於靈州憐喜梁獲勝殲除殆盡情形也二十六日提督李雲貴軍功李雙良行隊自綏德護餉過定邊遇賊會同署定邊協副將王雲孚防兵兩路迎擊斃賊百餘名弁勇陣亡六名二十七日提督何作霖余虎恩馬步出花馬池接餉途遇數十賊騎追斬數名據活賊供陳林尙盤

續編卷三十

三

踞田家掌道各營進剿賊已趨定邊磚井一路二十八日金運昌之軍敗賊於磚井魯家崩即係此股此四月二十六七日湘軍截剿陳林竄回於花定一帶獲勝情形也臣接據北路軍報得陳林東竄之信即檄統帶前路五營提督劉端冕會合陝北各軍妥籌防剿道員魏光燾嚴扼環慶一路五月初十日三鼓劉端冕詭逆眾竄鄜州屬之油坊比派所部從巴掌窪和尚塬分左右路迎擊自率馬步出黑水十一日辰刻抵王家角驟遇賊騎劉端冕以馬隊夾步隊而陣餘破環轟賊猶死

續修四庫全書 史部 詔令奏議類

拒適總兵陳光明副將黃承佐隊伍循巴掌窪山脊歷下併力撲之追賊至張家灣總兵文明章副將溫宗秀又自和尚塬截出賊首尾受敵踰溝狂奔各營乘之斃賊五百餘名生擒一百一十三名據活賊洪起益等供陳林在磚井負創受傷極重隨帶死黨轉金積分馬步賊一千餘交逆目馬長元趨定邊甯條梁圖竄山外掠食不料遇官軍擊敗訊畢斬其悍黨八十名釋脅從三十一名連日劉端冕分派各營循將臺一路迤東而北四面控山沿途遇賊或十餘一起或數十一起覓路歸

續編卷三十

三

巢官軍前截後追擒斬又不下百數十名其由府泉敗逸甘泉屬者經提督劉聲集所部截殺數十名餘賊向保安縣北遁計不過百數十騎而已其零股數百由廟村西奔合水縣屬之固城川提督甘大有截之斃賊百餘名生擒二十三名奪其驢騾軍械殘賊飛奔襄樂鎮此劉端冕各營截剿陳林竄回於鄜州合水等處獲勝情形也十八日魏光燾派總兵夏奉朝馬隊禦賊於襄樂小有挫失賊趨甯州東五十里之蘇家川甯州知州楊大年派副將銜參將譚新盛都司銜守備盧春林

率甯州防勇於二十日三鼓襲之斃賊四十餘名生擒二名勇丁受傷三名餘逆趨正甯之平子鎮出邠長交界之白吉塬亭口竄靈臺邵寨魏光燾親督所部自慶陽追賊而東二十二日及賊邵寨頗有擒斬賊復西竄臣復訪副將彭清和都司熊祥麟率所部馬步截賊崇信斬騎賊數十而奪其馬並奪回牲畜百餘俵給災民此慶陽甯州平涼防軍截剿陳林一股竄逆獲勝情形也訊據生擒賊供陳逆屢受傷子未出不知死活黨眾殲戮殆盡余彥祿悍黨存亦無幾馬化澆及其子耀邦

續編卷三十

三

復哀詞乞撫並繳到馬七百匹鎗械五千餘件劉錦棠仍未准撫臣現檄雷正綰黃鼎率所部進規峽口並飭各營分道北進自當慎以圖之四月二十六日劉錦棠定邊之戰陣亡記名總兵江登雲拔補千總孫九齡血戰捐軀應請

天恩飭部各照所保官階議給

卹典以慰忠魂謹恭摺據實馳陳伏乞

皇太后

皇上聖鑒訓示施行謹

奏同治九年六月初八日

同治九年六月十五日內閣奉

上諭左宗棠穆圖善奏截剿陝省回竄賊匪獲勝請將出力陣亡各員分別獎卹一摺本年三四月間陝回禹得彥等股竄入甘肅靈州慶陽等處經道員魏光燾等帶領各營沿途截剿迭獲勝仗將逆目李經舉等殲斃道員黃鼎一軍復在固原一帶剿賊大勝擊斃逆目丁阿渾等多名西竄之崔三一股亦經南路官軍截擊擒斬甚多狄河金積堡出竄之賊掃除殆盡在事各員尙

續編卷三十

天

屬著有微勞自應量予獎勵提督楊世俊著交部從優議敘總兵戴佑勝著以提督升用提督張仲春著賞換博啟巴圖魯名號總兵周顯明著賞給積勇巴圖魯名號副將朱鎮鳴著賞給強勇巴圖魯名號總兵李必福著賞給敢勇巴圖魯名號裴思朝著賞給卓勇巴圖魯名號劉治均著以提督升用熊道濱著賞給三代一品封典趙興隆等均著賞加提督銜內田連考並賞給勝勇巴圖魯名號副將黃虎臣等均著以總兵儘先補用遊擊李奪魁著免補遊擊以參將留於陝甘儘先補用

並賞給勉勇巴圖魯名號參將楊德俊著以副將留於陝甘儘先補用遊擊朱蘭亭等均著以參將儘先補用守備李洪超等均著免補守備以都司儘先補用千總范潮海等均著免補千總以守備儘先補用並賞換花翎嚴金龍等均著以守備儘先補用並賞加都司銜姜燮陽著以守備儘先補用並賞戴花翎外委張金明等均著以守備儘先補用並賞戴花翎其餘出力員弁勇丁著左宗棠等擇尤彙案保奏毋許冒濫陣亡之遊擊黃俊傑朱受光李得貴擬保遊擊吳載平都司周國清

續編卷三十

天

蘇忠賢守備李榮光蔣仁瑞擬保守備舒得勝方玉明李汝錫千總劉元材把總徐友勝擬保把總劉雨清均著交部照例議卹該部知道欽此

軍機大臣 字寄同治九年六月十五日奉

上諭左宗棠穆圖善奏截剿陝省回竄賊匪詳報情形左宗棠奏截剿陳林股匪各一摺覽奏均悉本日業經明降諭旨將出力陣亡各員照所請獎卹矣陝回禹得彥崔三等股迭經官軍擊敗漏逸無多傳先宗等復擊賊於鞏昌等屬伏羌甯遠禮縣一帶均已肅清正旨采

此聲威節節掃蕩著左宗棠飭令南路各軍迅由渭源進剿以規河狄勿稍遷延硤口要隘爲賊所踞尤當迅飭雷正綽等力圖攻拔以奪金積之勢其陳林一股竄據花定一帶經金運昌劉錦棠各軍擊敗陳逆受傷而遁現在陝回迭經受創金積賊勢漸孤左宗棠務當飭令劉錦棠等穩慎進取力拔堅巢該逆被圍緊急難保不遣黨四出圖擾後路並著嚴飭環慶等處防軍會合陝北各軍嚴密布置遇賊卽擊毋稍疎懈省城附近及西路一帶時有匪蹤竄擾著穆圖善隨時酌量情形力

續編卷三十

三

籌防剿左宗棠亦當妥籌兼顧所有安邊剿賊陣亡之總兵江登雲千總孫九齡均著交部議卹將此由六百里各諭令知之欽此

吳士邁病故請卹並專殺朱德樹可否免其查參片

再統帶宗岳軍員外郎銜中書科中書吳士邁本臣派赴秦州防剿之員前次逆回竄陝總統南路諸軍道員周開錫商令赴平涼聽調比到平涼適逆首崔三禹得彥李經舉挾河回米阿渾等大股由秦州屬清水縣竄

入陝西隴州寶雞邊境臣以此次陝甘逆回合勢趨陝較之前次馬正剛等人數多至一倍且非前次飢疲之賊可比卽調漢中鎮總兵李輝武帶所部蜀軍兩營及陝軍律勇兩營禦之並以李輝武兵力尙薄立飭吳士邁率所部七營助剿時吳士邁已患氣墜腹瀉之證奉令卽行比抵汧陽賊已竄寶雞李輝武勢幾不支吳士邁迴旆勦之克獲陳村大捷所部信營兼帶左旗馬隊營官記名總兵浙江處州鎮遊擊朱德樹先行因貪剿零騎違令落後吳士邁嚴斥之敗賊復竄羅局吳士邁

續編卷三十

三

力疾復戰飭朱德樹由北路繞出羅局之東二十里截賊東竄自率仁義禮智誠五營由大道進羅局朱德樹行近羅局聞李輝武所部被賊圍攻甚急朱德樹不遵赴羅局之東改道先進羅局解李輝武之圍比吳士邁率四營繼抵羅局七調朱德樹不至僅得追勦崔三股逆克獲大捷而禹德彥一股則已東竄岐山矣吳士邁憤甚還至汧陽斬朱德樹以徇比稟牘抵營臣以朱德樹雖違軍令然本任處州寶缺遊擊保至記名總兵吳士邁應稟臣

奏參治罪不宜專殺委員密察有無別故未幾而前署隴州知州湯敏以朱德樹三月內會以軍裝布百餘捲向該員借墊銀四百兩求發歸款具稟鳳翔知府李慎漢中鎮總兵李輝武以吳士邁屈殺朱德樹具稟臣維朱德樹本臣浙江舊部調隨西征後飭交吳士邁統帶者吳士邁亦亟稱其勇此次因違令軍前正法如有屈抑則所管馬步一營一旅必有為之代訴者飭周開錫察明稟覆並委妥弁前往詢訪軍情正察辦聞忽接吳士邁五月十一日申刻稟言疾勢危篤未報

續編卷三十 三

國恩死有餘恨乞將該軍大餉款目分起清還俾免失信旋接據該軍參將張騰飛專騎馳稟吳士邁已於五月十二日身故矣復據周開錫及委員稟覆朱德樹所部馬隊一旗步隊一營回泰州後安靜如故並無代為訴屈之人是吳士邁之斬朱德樹雖不免專殺之愆實非枉殺可比使吳士邁尚存臣自應照例參奏以符定制茲該員業經身故可否免其查參之處出自
天恩抑臣竊有請者已故中書科中書吳士邁志節之

偉暮齒不衰臣於同治七年四月十七日直隸吳橋行營接到署陝西撫臣劉典錄知摺稿會以吳士邁烈士苦心戰功卓著並詳其生平志事附片

奏懇

賞加員外郎銜並

賞戴花翎近以鳳翔陳村羅局兩捷撫臣蔣志章會

奏請

賞加四品銜該故員隨臣入關度隴已閱三年此次由秦州赴平涼晤面時力請身當前敵行至汧陽疾已垂

續編卷三十 三

危猶令昇病前行以死自誓危身赴義有烈士風實軍中所共見亦一時所僅見臣未敢聽其掩抑不彰可否仰懇

天恩仍照四品職官軍營立功後病故例

賞給卹典之處謹候

聖裁伏乞

訓示施行其朱德樹原任浙江處州鎮標中營遊擊一缺應由兵部揀員題補合併聲明謹

奏 同治九年六月初八日

同治九年六月二十三日軍機大臣奉

旨吳士邁業經病故其擅殺朱德樹之案免其查參所請給予卹典著毋庸議欽此

續編卷三十

請

恪站奏稿續編卷三十一目錄

攻破賊巢擒斬首要各逆會剿金積老巢摺

南路官軍克復渭源狄道兩城並奪佛蘭堅堡摺

請將放天印暫行留營效力片

收撫回民安插耕墾片

洮州等處官軍連勝片

陳湜到營委總理營務片

北路官軍連克寨壘大獲勝仗摺

中路官軍奪取峽口大勝摺

續編卷三十一目錄

請 飭部議酌皖甘捐局分省辦理片

攻破賊巢擒斬首要各逆會勦金積老巢摺

奏為北路中路官軍攻破賊巢擒斬首要各逆見正會勦金積老巢恭摺陳仰祈

聖鑒事竊靈州諸回巢穴以金積吳忠兩堡為最著實則自靈州城西數十里秦漢兩渠閒堡寨共四百有奇近吳忠者呼為吳忠近金積者呼為金積垣厚塹深樓堞相望非止兩堡也除官軍前後攻破堡寨百數十所外逆回畏勦紛竄有棄堡寨歸併各大堡者有棄堡寨歸併馬化澂所踞各堡者所遺各廢堡官軍擇其地

續編卷三十一

一

居衝要者據之不當衝要者毀之統計金積吳忠各堡寨尚為賊踞者不過三十餘所而已馬化澂父子及首逆穆生花旗次乞撫不得遂嗾老弱回民赴劉錦棠金運昌軍前乞就板橋琴橋吳忠一帶廢堡暫架棚厰居住以便耕作計官軍憐而許之為漸圖復讎張本劉錦棠黃萬友會商姑漫應之五月十八日靈州中路首逆王洪又請修秦渠之隄放水蔭田劉錦棠知其意在奪下橋永甯洞十九日回民百餘試來修隄劉錦棠金運昌飭官軍勿動二十日五鼓率隊分三枝一伏永甯洞

一伏下橋一伏渠北伺之候至巳初王洪楊明王忠等果糾靈州四門三路及胡家堡大小回目帶壯丁數百名齊來修隄比抵永甯洞下橋中間伏兵突起生擒王洪及逆回二百餘名斬之餘悉殲除無一脫者訊據活賊金海龍供稱犯本四川勇丁投入賊營多年王洪派充保全營百長此次王洪留兄王鵬守寨所有大頭目楊明王忠偽參領楊添默白珠強馬學吉楊天龍楊洗友偽先鋒王芳馬英楊珠秀偽百長楊天海王十倫王序王馬文英楊自喜馬仲楊友郭其海黃添順趙裕年

續編卷三十一

二

金元馬佐朝等誤以官軍中計圖趁此奪回永甯洞下橋與板橋琴橋各廢堡及棗園堡聯絡一氣便將官軍截為兩段不料翻中官軍計中訊畢斬之察看波浪湖水勢甚漲永甯洞既經官軍堵塞吳忠堡以南一片汪洋馬八條馬七兩堅寨牆根均被積水浸透劉錦棠金運昌會商乘漲攻之二十一夜三更劉錦棠率隊晷水攻馬八條寨金運昌率隊晷水攻馬七寨五鼓克之計共斃賊七百餘名生擒四十餘名奪獲騾馬牛羊器械無算據生擒賊供馬七馬八條均馬化澂之弟四月初

旬已逃入金積此股係陝回馬生彥之夥黨上年馬生彥竄河州此股經官軍截斷折回金積堡向馬化澂乞糧馬化澂給糧每人日三合派守兩寨至是寨破悉被擒斬此劉錦棠金運昌五月內攻破堡寨擒斬首要各逆情形也王洪楊明兩逆既伏誅餘黨猶踞堡寨招陝回之乏食者助其拒守而中路胡家堡洋麻湖海子墩大沙井一帶所種之麥穗遍野計十日內外可以收割劉錦棠料賊不待麥熟即將搶收以圖少延喘息六月初七日約金運昌馬步各隊沿秦渠向楊明各寨進發

續編卷三十一

三

黎明行抵該處見各寨牲畜正出巢放草比飭記名提督余虎恩記名副都統雙壽副將郭宗儀率馬隊記名提督周雲祥譚上連率所部步隊橫出截之奪牲畜六七十頭立斃逆回數十名餘賊仍縮入堡內劉錦棠飭各營頓旗勿動縱勇丁長夫併力割麥午後收隊回營初八日五鼓各營仍出隊割中路之麥行抵王洪寨寨中步賊數百名騎賊百餘名倚寨排列以拒官軍回眾競出東門割麥官軍頓旗勿動俟其收割漸多仍令余虎恩雙壽率馬隊衝殺東門外之賊盡掠所獲擄載而

返是夜劉錦棠與金運昌雙壽會商進攻靈州西十里海子墩杜家寨初九日黎明行抵該處賊已憑堦列隊矣劉錦棠飭提督羅照升譚拔萃曾松明李雲貴四路偪攻提督周國勝尹興茂王秀根等七營列隊左右雙壽馬隊張兩翼以待官軍填濠架梯肉薄齊登賊甃石紛下前者帶傷後者繼進力攻時許南面賊始稍卻官軍乘騰而上立將杜家寨攻拔斬逆目杜舉及逆回五百餘名奪獲戰馬騾驢七十餘匹旗幟器械數百件毀其堡而還旋掣隊向中路行至王洪寨南縱勇丁割麥

續編卷三十一

四

一面調靈州城內難民千餘隨同收割仍收隊回吳忠堡是役弁勇陣亡者八名受傷者六十七名初十日五鼓出隊收割胡家堡一帶之麥雙壽余虎恩領所部馬隊先沿秦渠而下天明見堡內各回已出卡門散布麥地馬隊縱橫衝殺斃賊二百餘名步軍踵至連破堡西南二卡斬逆回馬澂及逆眾二百餘名生擒七名奪獲戰馬騾驢槍械無數舉火焚卡仍分隊收麥而還是役也弁勇陣亡者六名受傷者十九名十二日劉錦棠率所部與金運昌雙壽馬步隊攻王紅連寨察看寨外禮

拜寺頂高與寨牆齊劉錦棠飭提督譚拔萃李雲貴軍功張俊於寺頂累土輒為牆調槍礮手開槍向寨內轟擊飭提督朱德開軍功董福祥李雙良攻寨西北以分賊勢飭提督王承繼尹興茂王秀棣周雲祥余虎恩潘鳳翔譚上運郭宗儀等會同雙壽邊中路賊援布置定中軍鼓聲起各營肉薄寨柵賊憑牆拒守鎗礮如雨官軍冒險拔寨填濠火器環施一面積薪焚燒寨門一面掘牆豎梯塞上木石紛下雜以火彈踰時弁勇帶傷者已數十名梯仍未豎劉錦棠飭寺頂各將士向寨內連

續編卷三十一

五

環施放槍礮并親督將士用長矛推倒牆上累砌礮垛寬約二丈許譚拔萃率壯士連豎三梯探騰而上牆上短刃相接帶傷墜而復上者六七次寨內賊倒傾者數麥湯鍋盪齊下軍功張俊賊由賊少處捲旂躍上各營壯士鼓勇齊登揮刃斫諸悍賊餘均拋械紛遁官軍奮威壓勦首逆王紅連伏誅餘匪一千二百餘悉數戮旂奪獲馬騾驢牛二百餘頭鎗械五百餘件遂踏平王紅連大寨是役提督譚拔萃左肩受礮石傷李雲貴腿受矛傷員弁勇丁陣亡三十七名受傷者一百七十四名

蓋攻望之難也十三日出隊抵下十里灘劉錦棠登高瞭見中路胡家堡海子整大沙井洋麻湖各回寨紛紛遷徙有向漢伯堡入金積堡者有向王洪楊明大寨竄走者比商同金運昌率所部馬隊分左右中三路截擊田胡家堡至王洪大寨斬獲甚多劉錦棠鳴金收隊稍憩片時鼓聲起復齊隊分途攻殺攻破王洪大寨外卡搜燒各廢堡所獲積麥而還是設計共斃陝西逆回千數百名奪獲牲畜數百鎗械無數劉錦棠黃萬友以中路麥禾收畢知官軍會勦金積啟行有期擬將中路一

續編卷三十一

六

帶所種藥粟高糧青苗一併割刈以絕賊糧十七日出隊洋麻湖正刈苗間忽見余虎恩馳報正南傍山一帶賊隊紛出劉錦棠立飭各營飛馬截勦比抵大山嘴斃殿後之賊約三百有奇生擒四十五名奪獲牲畜六十餘頭而賊之前隊已竄匿郭家寨據生擒賊供此起均係陝回并無頭目因乏糧已久圖由郭家寨入山繞出橫城渡河買糧訊畢斬之郭家寨在吳忠堡正南金積堡東南近時金積逆回赴河西通昌通貴兩堡取糧恆繞道於此十八日劉錦棠金運昌各率所部馬步分三

路攻郭家寨行抵寨前飭各營列隊猛攻寨外木柵已拔盡矣賊猶憑牆穩抗踰時不下劉錦棠周覽地勢見寨北兩三丈地有舊牆一堵劣堪藏身遂令搬運土甃接砌橫牆使軍士於牆內向寨施放火器仍令各隊緊攻東西南三面以分賊勢劉錦棠金運昌潛派隊伍乘間下北面濠溝齊掘牆根良久墻土坍塌五丈許各營奮迅衝入遇賊即斫寨首郭慎之投井溺斃寨賊八百餘悉數殲之官軍陣亡十餘名受傷者五十餘名十九日會攻王洪寨寨賊固匿不出各軍施放開花礮子百

續編卷三十一

七

餘顆人聲鼎沸而守塚諸賊仍植立如故官軍以六成隊割刈青苗而還二十日仍向中路出隊行近王洪寨忽見寨東人畜散漫爲數頗多余虎恩雙壽熊有常周雲祥譚上連郭宗儀等縱馬衝突賊悉竄匿廢堡中凭牆抵拒劉錦棠知各堡本馬艾退棄故址房屋均毀墻垣亦多坍塌賊不能踞也遂商金運昌磨隊圍之圍甫合賊併力齊衝各軍縱橫盪決霎時屍橫遍野斃賊六百餘名生擒三十一名據生賊供此起爲陝回首逆余彥祿之黨回目的是楊幅因之糧謀赴草地掠食不意猝

遇官軍截殺楊幅及此起回眾盡斃矣是役官軍陣亡者四名受傷者二十五名二十一日劉錦棠金運昌會攻吳忠堡北稍東八里大溝之馬宏寨破之斬寨首馬宏及餘賊三百有奇奪獲馬騾數十匹旂幟鎗械百數十件毀其堡而還二十二日出隊胡家堡以四成隊攻堡六成隊收割青苗開花礮子轟入寨中者數十賊雖驚亂困守如故二十三日出隊大沙井一帶收割青苗傍晚收隊此六月內北路各軍攻破堡寨擄斬首要各逆情形也由固原一路進攻金積堡以馬家河灣爲總

續編卷三十一

八

要以韋州堡爲開道臣飭諸軍北進會攻金積必先清馬家河灣以保運道必先扼韋州堡以扼賊衝一定之計也馬家河灣一帶回民管事頭目軍功監生馬忠海性本凶狡從前曾受馬化澂誑正王偽封自就撫以來陽順陰逆屢嗾黨眾劫掠糧運軍裝餉銀嫁名陝回并藏匿河州逆回海澄李山珍等與馬化澂潛相勾結半角城防軍提督周紹濂詢其奸狀以告臣密飭周紹濂誘馬忠海赴平涼飛令副將銜參將馮桂增潛率所部馬步三營徑搗韓家水巢穴六月初五日臣提訊馬忠

海窮詰奸謀狡不承認徐出該逆所據鎮原民女王桂
花兒等質之仍遲辯不已適馮桂增報稱六月初一日
申刻馳抵韓家水布隊圍下中上東南西南五堡乘賊
無備立將賊巢次第攻破生擒黨惡回日馬繼曾馬中
虎金萬國金點為馬勝長趙守法楊文光馬存先馬宗
玉楊志元丁國英等十一名并河州逆回海濳一名五
堡逆回三百餘名訊實彙予斬決搜出迭次搶劫軍裝
帳房數百件據錄送馬存先供詞馬忠海迭次劫掠戕
害弁勇行人及與金積河州陝西各回逆交通情事一

續編卷三十一 九

一確鑿并搜出逆信各件臣比嚴訊馬忠海無可狡賴
當將該逆磔死傳首固原南北各處示眾續據馮桂增
會同副將桂錫積攻破馬忠海所管三埠夙沙及長流
水各賊巢擒斬數十名餘賊悉遁其章州堡管事回目
蘇光明本金積逆黨綽號小光棍曾授元帥偽職其姪
蘇文榮亦號二元帥上年劉松山進兵時於近花馬池
地方途遇章州行劫阿拉善族歸巢逆回擒斬數百名
訊全賊供知為蘇光明所喉旋因官軍進剿遁出章州
蘇光明乞撫因釋未誅嗣察蘇光明仍持兩端凡由金

積堡出竄之陝甘各回往返皆由章州經過蘇光明窩
留屯紮供給資糧良回馬柏森以該逆蓄謀巨測為言
臣於中路進兵時先飭記名提督丁賢發率所部三營
由半角城進扼章州令就便掩捕適探金積賊騎三四
百匿該處堡中丁賢發奉檄即行六月二十三日師抵
章州賊已聞風先遁丁賢發駐營堡外自帶親兵百人
入駐堡中示賊不疑因密察逆黨蹤跡俾與約期議事
七月初二日蘇光明蘇文榮蘇韋阿渾海滿德偽百長
蘇隆揚蘇漢馬正德金玉美何生雲王有泗蘇三甘昌

續編卷三十一 十

畢集丁賢發數其授撫後交通馬化澂及陝回馬正和
崔三甘回謝四之罪斬之一面出示安撫回民令各安
堵無恐積年之患已階此中路官軍攻破堡寨並斬擒
首要各逆情形也通計自靈州迤西抵金積所有堡寨
四百數十餘所迭經攻破平毀外僅存十一堡其白金
積迤西各堡寨則隨地異名不如金積吳忠之稠密應
由中路攻勦於勢方順馬家河灣章州堡為金積南路
關鍵兩處既得中路諸軍更可壹意進取臣已檄黃鼎
會同雷正綰總統中路諸軍與劉錦棠金運昌約期攻

勦大約中路先奪峽口要津則全局在握自當慎以圖之所有此次攻破堡寨二十有五諸將士奮勉用命謹當彙案請

獎以昭激勵其力戰陣亡之補用副將汪有餘補用游擊賀隆春潘祖勝楊景岱孫王賈游擊銜補用都司劉維美補用都司張光華黃聞禮姜兒友藍翎千總宋得元儘先千總王學成拔補于總孫九齡羅金榜藍翎把總宋雲書謝得祿拔補把總丁有元吳仁長羅澤安儘先把總李保懷張學成藍翎外委孫廷玉魏南華均應

續編卷三十一

七

仰懇

天恩飭部照所保官階從優議給

卹典以慰忠魂所有北路中路攻破堡寨殲斃首要各

逆目多名大獲勝仗情形謹據實馳陳伏乞

皇太后

皇上聖鑒訓示施行謹

奏 同治九年七月十八日

南路官軍克復渭源狄道並奪佛諦堅堡摺

奏南路官軍進搗賊巢迭獲勝仗克復渭源狄道兩城

并奪佛諦堅堡見籌防勦情形恭摺馳陳仰祈

聖鑒事竊南路諸軍五月初二至十七等日節次勦賊獲勝大槩情形臣等已於六月初八日馳報嗣據周開錫稟稱陝回及河狄各回殘黨自四月內負創歸巢比檄各軍乘勝進取該逆偵知復糾黨出渭源而南紛擾鞏秦各境蓋圖牽綴官軍也周開錫飭記名提督涼州鎮總兵傅先宗由鞏昌前進飭河州鎮總兵王得勝提督彭忠國梅開泰道員湯聘珍所部繼之飭湯聘珍各營留守鞏昌飭提督楊世俊總兵田連考等由秦州出

續編卷三十一

七

伏羌防賊蹤繞出鞏昌後路比傅先宗進至丁家門賊眾已蔓及汪家衙王家河燒石灰溝矣五月初二日傅先宗令總兵蘇家良副將趙得禮率所部馬隊出王家溝口覘賊遇賊百餘敗之大股步賊忽蜂擁而至勢殊驕甚傅先宗整隊迎敵王得勝彭忠國率所部沿丁家門溝內蛇行出賊後拊其背兩路抄擊賊眾大潰刺斃盡斃斃者七八百名初四日賊越燒石灰溝趨新寺鎮王得勝彭忠國移軍王家河斷賊歸路傅先宗直指新寺過賊下川地方令四品銜守備何建威率所部精

銳五營奮威衝殺自督所部步隊居後相棧策應令馬隊斜出賊陣左右把總張照海千總王玉麟守備安定國等執於猛進鎗礮環轟提督丁桂智總兵王銘忠副將王應順躍馬貫陣賊敗退山腰復憑高反鬪傅先宗督總兵魏紹珍副將朱運廣參將李枝宏等一鼓衝上馬隊分由山徑併力抄截賊四顧皆官兵奪路狂竄各營躡追二十餘里迫墜崖壑而斃者以數百計餘逆越嶺南遁兩戰計共斃賊一千八九百名生擒賊目麻耀庭等一百三十七名奪馬械無算弁勇陣亡者八名受

續編卷三十一

三

傷者三十七名此五月初二初四等日傅先宗各軍擊賊於鞏昌屬之丁家門新寺鎮等處兩獲大捷之情形也提督楊世俊總兵田連考馬步由秦州出伏羌本為鞏昌策應之兵初七日賊踰甯遠界竄伏羌西南八十里之禮辛鎮初八日楊世俊率所部馳抵禮辛賊又已竄甯遠屬之樂善鎮柏家山大石頭廖家莊等處楊世俊分途追之初十日辰刻始與賊遇賊列隊分拒官軍鎗礮矛刺斃悍賊十數名賊且却且前提督張仲春總兵裴思朝游擊馬有才率各旗馬隊併力衝壓直至謝

家莊大草川斬賊二百餘名生擒三十餘名奪其騾馬器械賊敗竄甯遠屬之余家塋杆大馬蹄大寶嘴場家河一帶十五日楊世俊商同提督李奉清田連考選銳卒分途搜剿自率馬隊出李家溝門賊瞥見官軍旂幟復向禮縣屬之馬馬狂奔適李奉清隊伍自大馬蹄追出與楊世俊田連考之兵合擊賊於草塘河緊躡至岷州東北界之狼渡灘呂徑河沿途斬悍賊數十名賊棄糧資輜重復向鹽關遁去適周開錫所派宗岳軍副將管春林等先至鹽關據險以待十七日賊至管春林

續編卷三十一

四

等急起截之殲賊數百官軍弁勇亦微有傷亡此五月初十至十七等日楊世俊田連考李奉清管春林馬步擊賊於甯遠禮縣等處獲勝之情形也據逆目馬轉比馬生兒等供河回馬俊馬耀廷馬六十及叛附狄河之鞏昌逆回馬一麻張二司務鹽關逆回馬元等六七千眾分為大小四股本圖由鞏昌甯遠禮縣走徽成擾甘南腹地率殺官軍塞三馬京大師等約隨後踵至不意連受痛創馬俊馬耀廷初四斃於甯遠下川馬元墜崖不知下落初十日馬一麻又斃於陣餘眾迭經官軍擊

散冒死西遁不復成敗自此伏羌甯遠隴西禮縣地方一律肅清傅先宗遂合王得勝彭忠國何建威馬步二十二營折轉鞏昌鼓行而西兵抵首陽城訶逆眾千餘踞渭源城陝回與狄河各回正因爭糧私鬪聞官軍至惶懼思竄十九日傅先宗等馬步收復渭源縣城乘勝奪一桿旂之險就地築壘一桿旂地方距渭源十五里距狄道百里形勢險要爲西南一大關鍵周開錫比令梅開泰分營扼之倣傅先宗率諸軍一意進攻自督楊世俊田連考之兵進鞏昌以備策應飭宗岳六營仍駐

續編卷三十一

去

秦州六月初二日傅先宗等整齊隊伍趨慶平踰峯店前行四五里遇伏賊數百擊之擒斬多名初二日傅先宗王得勝何建威彭忠國等分三路進遇賊首六阿渾禹得彥等憤戰之賊數千大戰於狄東二十里堡斬悍賊數百生擒二十餘名沿途賊卡悉數平毀初三日各軍敗賊於狄城三里乘勝直薄城下王得勝帶隊衝入北門傅先宗帶隊衝入東門巷戰逾時賊由西門狂竄越洮河而西官軍蹙之河邊刺斃溺斃無數半佛諦守堡之賊數百官軍已拔狄道州城震駭之餘開門乞

撫傅先宗等麾兵亟進賊收入堡中官軍躡之立復半佛諦堅堡餘賊見水逃竄此傅先宗等各軍連日進攻迭獲大捷克復渭源狄道兩城弁半佛諦堅堡之大略情形也竊維甘肅各軍乘崔禹李米諸逆竄陝敗歸截勦迭勝復乘勝長驅連復渭源狄道城池乎諸卡寨機勢尙爲迅利牟佛諦卽陝回馬榮別名所踞北莊在狄道州城東南三里樓堞高聳崇墉屹立前此雖克州城而北莊未能攻拔致爲屬階此次一攻卽下固非始願所及也以局勢論之宜長驅並進規復河州惟自秦州

續編卷三十一

去

迤西而鞏昌而狄道四百餘里中間渭源屬境二百餘里彌望蒿萊人烟斷絕大軍前進後路須節節設防以護運道防兵多則進剿之兵少察看河州賊勢未可虛弦下之非俟北路雷靈肅清由蘭州出兵難期得手論兵勢須防後路通饒運論賊情須斷句結取遠勢未可重勦輕防致有疎失也此次出力將領應懇恩施以示激勸記名提督涼州鎮總兵傅先宗曉暢戎機身先士卒可否請旨破格獎敘以勵戎行花翎儘先補用守備何建威奮

勇爭先戰功卓著可否以游擊留甘補用記名提督河
州鎮總兵王得勝記名提督彭忠國可否請

旨交部議敘其餘尤為出力將士可否彙案保獎之處
出自

天恩謹據實馳陳伏乞

皇太后

皇上聖鑒訓示施行謹

奏同治九年七月十八日

請將敖天印暫行留營效力片

續編卷三十一

一七

再臣同治九年五月初八日欽奉

上諭敖天印慘殺多命虛寔均應根究即著左宗棠查
明該革員在軍營是否得力如非必不可少之員即行
解赴河南交李鶴年審訊懲辦等因欽此復於七月初
九日准都察院咨同前因臣查已革副將敖天印本穆
圖善原派甘南帶勇之員上年冬臣奏派周開錫馳赴
秦州總統南路諸軍核寔歸併以節虛糜維時敖天印
所部十營周開錫按名點驗合併成尚義三營外留步
隊二百名馬隊四十騎勇丁中有梗令不遵者敖天印

手刃七名眾情帖服嗣派防馬營監紅土審偵緝游匪
均資得力本年春夏之交陝回崔三兩得彥挾河回東
犯敖天印合記名提督楊世俊馬步截賊於紅土審華
家嶺李家店等處連獲大捷擒斬甚夥均經臣隨時馳
報現在南路官軍以次克復涇源狄道兩城周開錫復
派敖天印各營分駐涇源安定隴西交界之大寨保護
前敵糧運兼顧安定通渭腹地當此軍務甫經得手防
剿喫緊之時敖天印在甘南帶兵尚屬得力所部各營
一時乏員接帶可否暫准留營效力之處出自

續編卷三十一

一八

聖裁謹附片馳陳伏乞

聖鑒訓示施行謹

奏同治九年七月十八日

同治九年七月二十六日內閣奉

上諭左宗棠穆圖善等奏南路官軍克復城堡請將出
力員弁獎勵一摺陝回及河狄回匪於本年四月間糾
黨竄出涇源紛擾鞏秦各境意圖牽綴官軍經周開錫
派撥兵勇分路攻擊提督傅先宗楊世俊等於鞏昌甯
遠禮縣等境迭獲勝仗斃匪甚多並將著名悍回殲

次第收復渭源狄道兩城並牟佛諦賊壘勦辦尚爲得手在事出力之提督傅先宗著交部從優議敘守備何建威著以遊擊留於甘肅補用提督王得勝彭忠國均著交部議敘其餘出力員弁著左宗棠等擇尤彙案保獎該部知道欽此

軍機大臣 字寄同治九年七月二十六日奉

上諭左宗棠穆圖善奏南路官軍克復城堡出力請獎左宗棠奏北中兩路官軍勦賊疊勝現籌會攻金積老巢各一摺已明降諭旨將南路出力各員分別獎勵矣

續編卷三十一 九

甘肅南路官軍克復渭源狄道城池並攻拔牟佛諦堅堡正可乘此聲勢進規河州左宗棠等以自秦州至狄道計程四百餘里中隔渭源等處一片荒蕪必須節節設防保護運道方能前進察看河州賊勢應俟甯靈肅清由蘭州出兵方能得手固係持重之見現在北路各軍已將靈州一帶賊寨攻破多處軍務自有起色則進剿河州之兵此時卽當妥爲部署著左宗棠穆圖善悉心商酌以期迅掃賊氛靈州迤西至金積堡僅存賊堡十一處王楊等逆伏誅賊眾無糧可據勢已窮蹙著左

宗棠飭令劉錦棠等迅將胡家堡等處攻拔盡殲醜類中路官軍迭克馬家河灣鞏州等處金積堡南路關鍵已爲我得左宗棠務當檄飭黃鼎會同雷正綰總統中路諸軍先將峽口要隘奪回次第勦平金積迤西各堡寨並與劉錦棠等約期會勦迅克金積等堅巢以振全局毋稍鬆懈攻克堡寨出力各員著左宗棠彙案請獎陣亡之副將汪有餘遊擊賈隆春潘祖勝楊景岱孫玉貴遊擊銜都司劉維美都司張光華黃聞禮姜兌友藍翎千總宋得元千總王學成孫九齡羅金榜藍翎把

續編卷三十一 十

總宋雲書謝得祿把總丁有元吳仁長羅澤安李保懷張學成藍翎外委孫廷玉魏南華均著交部照所保官階從優議卹前有旨令李鴻章督兵馳赴近畿業據該督奏報起程並據奏稱北山土匪潰勇巨股已殲餘匪不至爲患已咨商蔣志章酌派三五營分紮要隘等語北山事甫就緒李鴻章近已離陝左宗棠仍當妥籌兼顧毋令甘回折竄陝疆又致勾結爲患左宗棠另片奏請將敖天印暫准留營等語敖天印在南路帶兵既尚得力一時乏員接帶准其暫行留營效力該大臣卽咨

行李備年查照可也將此由六百里各諭令知之欽此
收撫回民安插耕墾片

再辦回之道與辦髮逆捻逆不同髮逆薙髮捻逆拋棄
馬械即與平民無殊故戰勝受撫給以免死牌票資遣
歸家如其措置得宜便可相安無事其無家可歸及悍
為不馴者或暫羈之營中鈐以軍令編管既密久亦相
忘解散之策行則賊勢孤安插之地多則賊羣渙此辦
髮逆捻逆必由之道也回則不然其與漢民積仇既深
婚姻不同氣類各別彼此相見輒起殺機斷難手洽又

續編卷三十一

三

種族攸分狀貌亦異雜一回民於稠眾中令土人編識
必能認別百不一爽回民中豈絕無稍知順逆亟思自
拔來歸者然久處賊巢既苦頭目之侵陵迫脅甫離巢
穴又畏漢民之報復尋仇當死生莫卜之時靡不依違
其間以求苟免此解散之難也以陝回人數計之從前
無事時散處各州縣地方丁口奚啻數十萬見計除西
安城中土著兩三萬外餘則盡族而行陝西別無花門
遺種即合金積河狄西南涼州等處見朕陝回計之丁
口亦不過數萬其死於兵戈疾疫飢饉者蓋十之九實

回族千數百年未有浩劫區區遺種既無歸陝之望就
甘地安插而甘民痛定思痛又不免他族偏處之虞此
安插之難也曷奉

諭旨不論漢回祇論良莠

仁育義正之懷昭然若揭回民亦具人心豈獨毫不知
感無如仇衅四結每苦無處求生莫知禍之所屆臣維
解散安撫實辦回不可少之著因於經理屯墾之餘劃
出荒絕地畝稍成片段者以處求撫之陝回見在乎涼
大岔溝等處收撫陝回老弱婦女及務農丁壯約數千

續編卷三十一

三

人均給以賑糧籽種課其耕種與賑撫各屬災黎招輯
屯墾一律辦理以廣

皇仁所有辦理情形謹附片陳明伏乞

聖鑒訓示謹

奏 同治九年七月十八日

同治九年七月二十六日內閣奉

上諭左宗棠奏收撫回眾現籌安插等語陝甘回匪煽
亂以來迭經官軍剿辦殲戮甚多朝廷軫念民生屢諭
統兵大臣但分良莠不分漢回原以回民同保食毛踐

士之人豈無天良其中被徧勉從不能自拔者自必不
少大兵所至期於除暴安良斷無概行誅戮之理據左
宗棠奏稱該回原等久處賊巢既苦頭目之侵凌迫脅
甫離巢穴又畏漢民之報復尋仇因之依違其間以求
苟免此等情形實所不免該督現擬劃出荒絕地畝稍
成片段者將收撫之陝回給以籽糧課其耕作辦理其
爲妥協者卽督飭該地方官悉心經理彈壓撫綏俾得
各安生業其甘回中如有真心悔罪自拔來歸者亦卽
妥籌安插並著劉切曉諭漢回居民務各永泯猜嫌同

續編卷三十一

三

登衽席用示朝廷覆幬無私至意欽此

洮州等處官軍連勝片

再洮州岷州毗連河狄偏近賊巢均須重兵防剿局開
錫原派扼防岷州之總兵范銘一軍本分駐秀石關酒
店子木寨嶺等處五月初四日丁家門新寺鎮賊匪經
傅先宗各軍擊敗之後零股由喇嘛口竄酒店子繞木
寨嶺之後范銘誦賊信整隊迎擊分馬步從間道包抄
初六日鄧桂舟陸喜福所部遇賊於木寨嶺殺斃首餘
名迫而淹諸漳河者數十名生擒十二名騎賊五六百

毒業木城包舍口竄攢都溝初七日趙順阿達德隊伍
攔截之暨戰兩時陣斬八九十名生擒二名賊匪遁秀
石關覓歸路范銘復麾徐成霖各營循三岔東山鐵鼓
溝躡賊初入九日出大車廠接斬而西連日斃賊二百
數十名生擒河州賊目阿洪議布訥隨身接獲洋鎗四
桿奪騾馬數十頭弁勇帶傷十六名此五月初六至初
九日范銘一軍剿賊獲勝之情形也餘賊受創歸巢復
疾悍黨犯洮州嘯聚衆麻維時周開錫正派副將張廷
秀洮州土司楊元設卡於大草灘遏賊南竄十九日偵

續編卷三十一

三

賊至比卽知會署洮州同知張家相護理洮岷協副將
游擊丁永安加派守備楊宗秀把總高世佐經制許發
得等率領番漢兵團密布要隘賊至伏發殺斃百餘名
追至線家灘敗賊西竄奪其牲畜器械甚夥兵團陣亡
八名受傷八名此五月十九日洮州兵團剿賊復勝之
情形也謹附片馳陳伏乞

聖鑒訓示謹

奏 同治九年七月十八日

軍機大臣奉

旨知道了欽此

陳湜到營委總理營務片

再已革布政使銜前山西臬司陳湜奉

旨赴 軍差委效力贖罪 於今正札調選募勇丁五

營長夫千名帶赴平涼助剿陳湜成營時適奉湖南撫

臣委辦土匪事畢啟行前來 驗勇丁長夫均極樸

健堪期得力見飭陳湜總理 軍營務以資贊助謹附

片陳明伏乞

聖鑒謹

續編卷三十一

奏

同治九年七月十八日

北路官軍連克寨壘大獲勝仗摺

奏為北路官軍攻剿逆回連克寨壘大獲勝仗恭摺馳

陳仰祈

聖鑒事竊北路各軍六月二十二日以前戰狀 已於

七月十八日陳奏續據劉錦棠黃萬友稟金積正北蔡

家橋在秦渠之東春間賊設卡於橋西半里許迤西而

北逾東南為長堤堤外引秦渠馬連渠之水為壕環之

官軍非奪蔡橋水口不能運蒲金積也六月二十八日

會同金運昌馬步越秦渠列陣分兵扼蔡橋水口立營

續編卷三十一

奏

正部署間金積秦壘各寨賊傾巢而出官軍前隊

屹立待戰後隊趕緊脩壘午後賊爭水口益力劉錦棠

今何作霖蕭章開譚拔萃等步隊悉銳向賊寨猛進提

督余虎恩熊有常用雲祥譚上連副將郭宗儀等馬隊

橫截而出賊賊肅縮入寨官軍壓迫至金積西北寨根

而還日晡壘成分營駐之蔡橋水口既得可以扼秦渠

之要而沿濠賊卡尚多七月初四日三鼓劉錦棠潛師

夜起合軍士攜草束衝過賊卡越壕而進行抵賊壕卡

賊驚覺拚死拒敵官軍擲草填壕而過就地築壘分馬

步兩支左右抄出護砌礮台適金積東南各堡角聲四起賊黨分布寨邊搦戰迫漸集漸眾官軍始分數路突起衝殺賊向金積東關竄遁其敗走不速及悞入官軍陣中者悉就戮焉初五日黎明賊仍蜂出瞥見金運昌所部出隊恐截其後乃縮入寨中官軍會合踏毀長壕數十丈分營駐壕內而還兩戰劉錦棠一軍斃賊約六七百名弁勇陣亡七名受傷三十六名此六月二十八日七月初四五日湘卓兩軍奪蔡橋水口越賊壕立營連獲勝仗寔在情形也劉錦棠察看形勢毗連蔡橋

續編卷三十一

三

之棗園堡迤西有小何家寨東爲蔡家寨皆濱大河可急攻而下初七日約金運昌馬步各攜攻具前往甫抵秦渠之北棗園金積援賊屬至劉錦棠令馬隊抄過何家寨北村賊之背軍功黃福祥張俊李雙良等當左路何作霖蕭章開陶定昇王承贊等當右路自率提督易致中譚拔萃周國勝喻執益步軍直薄寨下合馬隊併力夾攻適余虎恩等已挑曉卒先登步軍繼之冒磚石揮鋤掘堡脚一鼓拔之蔡家寨賊見鄰寨已破慌向大何家寨遁走到錦棠縱馬抄殺一面督步軍乘機奪寨

門而入斬逆目何登榜及賊眾五百餘棗園金積援賊見兩寨齊破鼠竄而遁是役奪牛羊馬匹百數十頭鎗礮刀矛三百餘件劉錦棠一軍陣亡十一名受傷五十三名此七月初七日湘卓兩軍攻克小何家寨蔡家寨擊退援賊獲勝實情形也逆首馬化澂以蔡橋既失小何家寨蔡家寨又經攻克畏官軍逼攻愈緊復於卡西築堤潛水旁溢以阻官軍劉錦棠約金運昌急勦之初八日黎明官軍馬步向蔡橋進發金積秦壩東園各堡之賊排列堡前及秦渠迤北金運昌率隊循渠堰而

續編卷三十一

三

進劉錦棠率隊一列渠南一列渠北騎賊已抄過北面之右步賊繼至副都統雙壽余虎恩等躍馬礮陣立斬騎賊多名各路馬步一齊猛撲賊且卻目前盛戰兩時官軍銳氣百倍馬步賊大敗狂奔而西官軍從各寨礮石中躡蹤猛追刺斃轟斃之賊無數初十日會制棗園堡北之秦渠攻周家寨寨垂破矣忽金積秦壩大股悍賊來援劉錦棠金運昌麾軍擊之擒斬三百餘收隊而還十二日五鼓諭永甯洞治秦渠而下攻王洪寨金運昌列隊寨西劉錦棠列隊寨南雙壽馬隊伏寨東廢堡

官軍施開花礮子連落寨內馬步賊千數百齊出東門與雙壽相持分股繞寨北而西抗拒金運昌軍金運昌令軍士向西南佯敗誘賊一面約劉錦棠派隊抄擊之賊果出隊遠追距寨約四里許劉錦棠分遣馬步橫出截賊爲兩金運昌轉旗突擊賊之尾股沿寨腳遁入北門前股三百餘名無一脫者維時雙壽正率制東面之賊劉錦棠益以陶定昇等步隊斃賊亦夥總計初八初十二等日共斃賊一千三百餘名生擒三十七名奪戰馬五十六匹鎗械四百餘件十二日之戰據賊供王

續編卷三十一

五

洪寨首逆王鵬已經官軍矛刺墜斬伏誅矣各戰劉錦棠一軍弁勇陣亡二十七名受傷一百六十名此北路官軍連日攻剿卡寨獲勝實在情形也自賊復築隄於蔡橋卡西官軍隨時疏濬而積潦縱橫仍礙馳驟十三日辰後劉錦棠金運昌會商各營既搶過賊濠應扼紫賊隄逼水反灌遂傳令步軍由東南兜水進隊立營金運昌率所部進左劉錦棠進右布置甫定賊沿途開鎗抗拒劉錦棠合各路隊伍奮衝殺賊眾望風先潰官軍上隄即砌礮台一面分隊嚴陣以待金積秦壩各賊

果傾巢而出金運昌率所部當左路劉錦棠率所部當中右兩路待賊撲近以鎗礮測準輪轟回眾敗而復前者十數次悍黨中鎗斃者已不可勝數矣尙排隊遙相牽綴劉錦棠金運昌催三成隊併力脩壘餘仍列隊如故薄暮賊復糾大股悍黨逼何作霖蕭章開陣前索戰各營奮威歷剿直薄金積卡前賊拋械滿地奪路鼠竄是役斃賊以千數百計拾旗幟鎗械無算生擒三十餘名據賊供是日馬化澂喉陝回余彥祿陳林馬老五馬長順馬必政沙學賢馬政國各選悍賊與官軍決死

續編卷三十一

三

戰圖奪回長隄不料連戰連敗也訊畢斬之四日壘成就隄決水反灌金積西北該回復築隄禦之十六七兩日劉錦棠合雙壽隊伍割棗園迤西麥苗零散賊黨護救官軍均有擒斬連日之戰劉錦棠一軍弁勇陣亡三十九名受傷一百零九名此七月十三至十七等日北路官軍搶越賊隄立營連日剿敗逆回大獲勝仗是在情形也金積東南爲馬連渠從前誤呼爲波浪渠渠上新築三壘馬化澂派僞參領金嶺踞其中與官軍板橋營壘相抗二十二日五鼓劉錦棠率步隊六營徑搗其

中一壘預合陶定昇易致中伏壯士於壘前高粱叢中
黎明賊開壁飲牲畜伏起壯士奪門殺入劉錦棠麾大
隊隨後擁進羣賊驚起持械死鬪軍士短兵相接斃賊
數百餘黨紛紛墜牆而下經副將趙彩照邀截狂奔左
壘其越牆不及之賊二百餘名聚而殲之賊壘中搜出
七月七日馬化澂偽檄喉偽協領何生州偽參領馬兆
圖金嶺等助逆目王鵬力抗官軍者也據擒賊供金嶺
喉黨抗拒官軍已中鎗死馬兆圖即馬人條之子並陝
回頭目馬長春初八日蔡榆之戰均斃於陣矣劉錦棠

續編卷三十一

三

以中壘既克乘勝攻左右兩壘而金積各堡援賊大至
遂約金運昌合隊攻壘加調馬步隊伍擊援賊迫騎賊
從東面抄來官軍正持滿而發銳不可當騎賊敗退步
賊復衝近左壘合勢穩抗維時金運昌之兵適破右壘
士氣益盛劉錦棠合各路乘機撲左壘而馬步援賊復
傍壘死抗雙壽余虎恩等縱馬衝突步軍繼之當者皆
易援賊雖敗壘賊猶穩拒不動官軍截其去路一面整
隊小憩調開花礮環攻炸彈轟入壘中壘賊始亂各營
併力撲上克之乘勝進馬連渠之李花橋距金積東南

正南一二里將大小賊卡十一所槩行踏毀餘賊有奔
向西南中為堡者有奔向正東漢伯堡者日晡收隊即
紫城壘自是金積與中路王洪胡家各堡聲息不通河
西通昌通貴賊糧亦斷矣二十四日劉錦棠增立營壘
於金積堡正東里許分馬步數路準備剿賊賊眾擁出
堡外見官軍按隊勿動馬步賊漸前放鎗呐喊中軍鼓
聲起各路官軍衝入賊陣賊即潰敗復併聚東門外十
開礮抵拒相持至初更新壘已成賊亦縮退連日之戰
斃陝甘逆回約千四五百名奪牲畜鎗礮刀矛甚夥訊

續編卷三十一

三

之生賊知逆目何標馬允吉均於十二日被壘時伏誅
矣各戰劉錦棠一軍弁丁陣亡二十七名受傷一百二
十一名此七月二十二三四日北路官軍連破賊壘擒
斬逆首剿賊獲勝實在情形也二十五日已刻金積東
南賊眾忽向西趨劉錦棠擒生賊訊知中路雷正綰黃
鼎徐文秀諸軍已奪破口之險馬化澂方喉賊眾往援
劉錦棠合步軍列金積堡東分支沿馬連渠攻李花橋
迤西賊寨馬隊越馬連渠向中為堡抄擊金積堡出步
賊七八百搶入李花橋前寨助守礮石雨注申初西面

塵氛大起劉錦棠料賊眾自西敗歸撤攻堡隊伍截之殺傷甚夥二十六日劉錦棠督隊收中窩堡一帶禾稼午後回營該堡回黨數百跟隊放鎗雙壽余虎恩等返旆掩殺小有擒斬二十七八日出隊割漢伯堡之麥二十九日出秦園堡迤西何家坪割麥申初金積馬賊出巢救護劉錦棠麾軍擊之斃賊數十名而奪其馬自二十五至二十九日各戰轟斃殺斃之賊六七百名生擒十五名劉錦棠一軍弁勇陣亡八名受傷九十三名此北路各軍連日攻擄賊寨剿賊獲勝實在情形也二十

續編卷三十一

三

五日李花橋之戰補用副將趙彩照督隊衝鋒賊至金積濠邊手刃悍賊數名忽顧顧中大礮子登時殞命趙彩照白隨征吳忠金積以來戰績懋著疊疊重傷本應從優請

獎此次裹創血戰中礮捐軀深堪憫愍懇

天恩飭部照總兵陣亡例議給

卹典其餘力戰陣亡之參將張祖耀戴凌雲游擊銜都司卿王文都司夏連陞劉成王斌都司銜守備朱明通凌玉和守備沈致祥守備銜千總舒太喜把總鮑義昌

李復勝何信節謝恆萬郝雲勝外委陳官陞均應仰懇

天恩飭部照所保官階從優議

卹以慰忠魂謹據實馳陳伏乞

皇太后

皇上聖鑒訓示施行謹

奏 同治九年八月二十四日

中路官軍奪取峽口大勝摺

奏為中路官軍攻剿逆回奪取峽口並攻克堅堡擒斬要逆大獲勝仗恭摺馳陳仰祈

續編卷三十一

三

聖鑒事竊臣前檄中路諸軍交黃鼎會同雷正綰總統於四百戶取齊出何家堡合規峽口七月初四日雷正綰黃鼎調馬化澄偽領員袁希義綽號皮英者率悍賊先入張恩堡抗險以抗官軍是夜各派馬步潛起襲之仍留兵守何家堡防滾泉旁溢之賊初五日黎明官軍抵張恩堡賊驚惶應壘拒敵提督徐占彪圍定邦等率隊猛攻拔花籬越重壘搶入外堡斃賊數十餘賊爭入堡中弁焚積薪於堡門誓以死守礮石如雨官軍環攻半日未下中刻金積援賊蜂至雷正綰黃鼎分兵截擊

於牛頭山合力攻堡植木爲梯冒磚石猱升而上守賊
憑堦斫刺壯士登而復墜者再比台各營環濠築壘選
健卒於寨旁掘地道攻之初六日五鼓地道將成悍賊
二百餘開壁突圍出官軍遮其出路鎗轟矛刺賊屍遍
地生擒四十餘名立斬於陣乘勢搶入堡內搜斬堡賊
淨盡當賊眾突圍時賊目袁希義率悍騎數名奪路狂
奔提督徐占彪急督千總張永興張占彪躡里許生擒
之據供張恩堡本馬化澂先鋒袁希孟所踞袁希孟調
歸金積馬化澂聞中路進兵急喚袁希義領死黨據守

續編卷三十一

三

以固金積峽口藩籬不料官軍大至晝夜環攻不息堡
陷就擒也臣維去冬雷正綰等進兵張恩堡先克東面
依崖兩堡袁希孟怖駭比率西面堡眾繳械乞降雷正
綰受之本年袁希孟復助馬化澂爲逆河南北遭其蹂
躪此次袁希義授首居民聚觀如堵同聲稱快是役官
軍弁勇微有傷亡此七月初五六日雷正綰黃鼎各軍
攻破張恩堡擒斬要逆殄除餘黨大獲勝仗實在情形
也張恩堡既克可圖峽口臣前令提督陳廣發參將馮
南斌由四百戶渡河而西扼峽口北岸以收夾擊之效

初十日提督陳廣發等詞回騎越河西劫糧整隊出廣
武截賊八塔廟渡口殺斃淹斃數十名獲其輜糧餘賊
有奪船搶渡者有越山狂奔者官軍僅受傷六名而已
嗣是兵扼河西而峽口之賊從龍王廟渡入塔往來納
家關王家疇各回堡之路以斷雷正綰等布置後路防
務應隊進牛頭山逼峽口而壘維時臣檄調之廣東高
州鎮總兵徐文秀各營亦先後踵至會師牛頭山賊見
官軍雲集連日堅壁不出意在恃險死守二十二日黃
鼎約陳廣發馮南斌兵進唐渠口合各軍從牛頭山進

續編卷三十一

三

其時馮南斌等偵察股逆賊劫糧廣武歸將乘夜出入
塔偷渡峽口即伏兵八塔山溝以待二鼓逆眾絡繹而
至伏起盡殲之擒生賊周閻兒楊長林據供隨同頭目
馬四子自哈喇湖攜糧歸至此不料忽遇官軍馬四子
已中礮落河而斃二十四日辰刻雷正綰黃鼎督攻峽
口徐占彪隊伍甫近賊壘賊開壁迎敵徐占彪率總兵
陳春萬參將朱蘭亭各營鏖戰正酣金積迤西各堡之
賊絡繹來援黃鼎率提督黃有忠總兵何玉超黃虎臣
陳攀仙趙興隆游擊李洪超李登高等扼牛頭山右截

之雷正紹徐文秀各軍為策應併力將賊擊敗轉旆
剿峽口之賊賊敗退河岸陳廣發馮南斌列陣對河鏡
礮排轟賊兩面受敵遁伏壘中徐占彪之兵躍入壘
徐文秀率總兵蕭寶林游擊陳絳高繼之連破賊壘二
座餘三壘為雷正紹圍定邦各營所克殘賊東逸黃鼎
派隊截之無一漏網五壘悍賊千數百名盡斃刺斃淹
斃淨盡生擒賊供逆目王大閑丁逢翔馬紀成均斃壘
中矣是晚復有河西接濟賊糧逆回來入塔口呼渡尚
不知峽口已為官軍所奪也陳廣發馮南斌潛起掩之

續編卷三十一

三十一

盡獲其輜重二十五六七日金積各堡馬步賊數千復
爭水口均經各軍擊敗擒斬千計自七月初十至二十
七日斃悍賊二千餘奪戰馬駝騾糧食器械無算官軍
奔勇傷亡百餘名此中路官軍奪峽口連克賊壘擒斬
要逆痛剿援賊大獲勝仗實在情形也峽口既得秦漢
馬連三渠之首皆為官軍所據二十八九日金積馬步
賊萬餘悉漢渠列隊古靈州城護常家灘丁家堡回眾
於漢渠達秦渠之處築卡濬濠以抗雷正紹黃鼎會商
必先奪古靈州城破賊寨卡而後可長驅逼金積西門

三十日徐文秀徐占彪越漢渠立營賊踰伏不出憑卡
放鎗申刻壘成徐占彪帶勇士攜火器星夜襲賊卡破
之乘勝搶入古靈州城賊狂號亂竄棄壘而奔八月初
一日黎明馬賊緣山包裏而來步賊分股伏漢渠隄下
大股排列渠岸雷正紹麾隊擊馬賊緣山右進徐文秀
各營進中路擊步賊黃鼎率大支人馬橫列步賊之左
分兵傍渠布陣防伏賊部署既定副將李廣珠游擊陳
天壽都司熊祥麟躍馬突陣與馬賊相持總兵劉治均
外委吳元璋張兩翼猛抄之賊敗而復前雷正紹正揮

續編卷三十一

三十一

刀督戰徐文秀隊伍一齊撲上馬賊不支治途步賊蜂
起挺矛直前黃鼎督徐占彪馮南斌等橫貫賊陣縱橫
滋決賊大敗歸巢屍骸枕藉各軍薄暮收隊初二日官
軍步隊伏古靈州乾渠一帶馬隊向賊濠外卡挑戰適
騎賊百餘出巢掠陣雷正紹整隊壓剿而前忽遇大股
悍賊從廢堡中衝出勢幾不支黃鼎徐文秀立督各營
援應將賊擊追徐占彪復率隊從乾渠內繞賊之後兩
面夾攻賊大潰初三日五鼓黃鼎會徐占彪選壯士直
撲賊卡賊自夢中驚起倉皇狂遁官軍遂擒過賊濠守

家之賊不敢抗拒爭入丁家堡官軍躡賊堡根卡內礮石雨注未能驟克徐占彪即扼賊卡而營雷正綰列隊濠外用鎗礮更番仰轟徐文秀督游擊鄧培外委楊得高季勝忠施放後膛開花大礮炸彈飛落卡中當者立碎各營乘勢一躍而入盡殲卡中賊無一脫者堡賊猶憑牆排立以抗官軍黃鼎遣各營繞漢渠出秦渠中空之地築壘斷金積援徐文秀仍連開後膛大礮子穿牆而過堡中賊眾慌亂遂突圍而出將併趨金積堡雷正綰徐文秀僅隊從堡牆缺口躍入遇賊即斫殺無遺

續編卷三十一 完

其先逸出之賊黃鼎預派徐占彪黃有忠朱蘭亭胡起雲等挺矛以待得跳免者十餘騎而已擒生賊常愷供本州靈州慶生同治二年陷入金積者馬化濫以丁家堡地形扼要喉逆子馬耀邦馬建邦等領悍賊駐守初二二日兩戰悍目楊自得即楊大娃子及關成丁承等均經官軍陣斬逆子馬耀邦等敗走洪樂堡初三日丁家堡破逆目丁一剛伏誅堡內開壁遁者逆孫馬連孝也初四日官軍乘全勝之勢分途攻剿連克金積西路漢渠內外五六里小堡二十餘座羣賊望風披靡官

軍徑逼洪樂堡未下徐文秀徐占彪所部作長圍困之黃鼎率馬步攻洪樂堡金積仍出悍賊應援官軍奮威衝殺斃賊極多日暮收隊連日各戰斃賊三千有奇生擒五十餘名奪旗幟刀矛二千餘件驟馬七八百頭大礮六尊各軍傷亡弁勇二百餘名初八日洪樂堡之戰黃鼎所部營官何玉超李洪超幫辦李全貴皆帶鎗衝蓋血戰矣此中路官軍進剿金積西路逆回連克卡壘擒斬要逆大獲勝仗實在情形也臣維中路此次進兵未及一月風馳電掣連破堡寨數十座直抵金積老巢

續編卷三十一 畢

其得勢猶在峽口數戰此關一開賊在掌握非黃鼎堅持成算布置之詳赴機之速諸將士進攻之猛未易臻此現計金積西門外僅存者洪樂四堡馬家三堡丁家三堡臣現飭雷正綰黃鼎會同劉錦棠金運昌相機圍之據探報馬家堡亦經中路官軍於初八晚攻克殺賊甚夥獲賊糧數百石連日割刈金積西路秋稼殆盡各軍戰狀俟雷正綰黃鼎續報到營再行詳奏此次尤為出力員弁兵勇可否由臣專案請獎以示鼓勵力戰捐軀之守備趙需廷千總焦金鳳應

懇

天恩飭部照所保官階從優議給

卹典以慰忠魂謹據實馳陳伏乞

皇太后

皇上聖鑒訓示施行謹

奏 同治九年八月二十四日

軍機大臣 字寄同治九年九月初二日奉

上諭左宗棠奏北路官軍連克寨壘中路攻剿疊勝情形各一摺北路劉錦棠等各軍進逼金積老巢疊次

續編卷三十一

聖

大獲勝仗奪取蔡橋水口越過賊濠立營乘勝攻克小何家寨蔡家寨等處賊巢大股援賊屢經擊敗踏毀金積附近賊卡十餘處官軍偵賊而營金積與王洪胡家各堡聲息不通河西通昌通貴賊糧亦斷正可乘此破竹之勢迅拔堅巢將馬化澂及著名各逆目悉數擒斬以竟全功中路雷正綰等各軍又將張恩堡峽口奪回連克金積西路各卡壘險要既得賊勢更蹙金積西門外僅存洪樂等數堡左宗棠已飭雷正綰黃鼎會同劉錦棠金運昌相從進剿自不難一律肅清現在中北兩

路官軍業已聲勢聯絡合力大舉事機極為順利金積已成孤立斷難久支賊眾糧盡魚諒不能再施詭計是在該大臣妥為調度迅奏膚公以慰廑系北路力戰陣亡之副將趙彩昭著照總兵陣亡例議卹參將張祖耀戴凌雲游擊銜都司卿玉文都司夏連陞劉成王斌都司銜守備朱明通凌玉和守備沈致祥守備銜千總舒大喜把總鮑護昌李復勝何信節謝恆萬鄒雲勝外委陳官陞均著照所保官階從優議卹至此中路剿賊官軍尤為出力員弁兵勇准由左宗棠專案保獎以

續編卷三十一

聖

示鼓勵陣亡之守備趙竊廷千總焦金鳳均照所保官階從優議卹將此由六百里諭令知之欽此

請 飭部議黔皖甘捐局分省辦理片

再臣謹准翰林院侍講學士袁保恆咨呈轉據江蘇湖北等省甘捐分局函稱黔皖兩省均委員在江楚收捐收數較甘捐各生購交本色米石價值輕減甘捐極為減色河南山東兩省亦有皖員收捐一省設立數捐章程紛出捐生時懷觀望委員難免爭收應請奏歸部議另籌變通俾軍餉得有實濟臣維黔省餉源枯竭與甘

肅情形大畧相同其不能不藉助捐輸者勢也皖境久報肅清非隴黔可比卽度隴助剿亦僅卓勝一軍自可無須勸輸接濟且皖省既未設甘捐分局原留爲該省自行勸捐之地該省既收本省之捐若仍分收各省之捐則以助隴剿賊故分隴捐輸於隴少益而多損臣上年奏請在山東浙江二省添設甘捐時因未准署督臣穆圖善咨會致有重複當經戶部核議以穆圖善所設捐局之外再添一局非特事出兩歧且亦無此政體奏奉

續編卷三十一

聖

諭旨由臣覆奏歸併辦理今黔皖兩省派員在江蘇湖北收捐河南山東亦有皖員在該省收捐委員各立門戶減值招徠甘捐分局勢向虛設不惟西征軍餉有妨恐黔皖捐輸亦虞解濟合無仰懇

天恩俯念西陲戰事孔殷軍食極形匱乏

飭下戶部察核何路餉項盈絀需用多寡緩急持平妥議何省應辦甘捐何省應辦黔捐皖捐使一省專辦一捐以免紛爭而杜流弊抑或仿照江西所設陝甘雲貴四省捐輸由江蘇湖北兩省督撫設立甘黔捐局各就

本省體察情形另議收數章程自行委員勸辦將甘黔皖捐局委員一律撤回所收捐項議明分成撥濟甘黔兩省之用皖省應否酌分亦議定

飭遵其河南山東等省皖捐應否停止抑或竟將何省專歸皖捐設局均無不可總之一省止辦一捐庶委員不致紛爭捐生無從取巧政體餉需均有裨益是否有當伏候

聖裁訓示施行謹附片具


奏 同治九年八月二十四日

續編卷三十一

聖

軍機大臣奉

旨戶部議奏欽此



恪勤奏稿續編卷三十二目錄

攻破金積東關巨巢連克寨壘摺

所成器變叛後畏罪自戕片

黃萬文病故請 賜諡議卹附祀片

合圍金積老巢首逆被創摺

中路護運截剿鼠回片

楊世俊迎剿河州鼠回獲勝片

湘軍月餉懸欠甚鉅請 飭兩江添協二解片

續編卷三十二目錄

攻破金積東關巨巢連克寨壘摺

奏為官軍會剿陝甘逆回攻破金積東關巨巢連克寨壘迭獲大勝恭摺馳陳仰祈

聖鑒事竊北路中路各軍捷狀臣已於八月二十四日分別陳奏維時劉錦棠軍進駐東南李花橋金運昌軍進駐正北蔡橋七月初十日三鼓金運昌派隊襲秦渠迤北賊卡提督方庭芝所部直蒞卡前參將董布亮王廣越遊擊何文繼豎梯先登士卒繼之守賊驚覺憑牆死拒守備龔心明抄過卡西藥包擲落卡內火起數丈

續編卷三十二

燒斃卡賊多名各營從卡北乘機撲入克之西南秦壩關丁韓各寨賊出援經金運昌督總兵張懷玉副將王化成高得勝等分路截擊均敗遁回巢初一日黎明金運昌之軍攻正西韓寨破毗連韓寨一小壘賊登時驚潰提督王鳳鳴馬隊掩之河干擒斬過半乘勝越秦渠衝入西南各賊卡弁勇奮厲無前遇賊即斫守賊紛紛鼠竄是時劉錦棠合雙壽隊伍擊賊李花橋西將散布各莊內外賊眾一律殲除正會同金運昌馬步併力蹙蹤追剿見金積堡突出悍賊應援官軍頓旂待之援賊

賊敗賊合勢回撲劉錦棠當左路金運昌當右路磨隊奮擊賊大潰劉錦棠縱馬步躡過馬連渠金運昌之兵躡近金積西北寨根克秦渠水口兩賊卡而遠是役共斃賊千三百餘名生擒賊九十餘名奪鎗械三百四十餘件弁勇陣亡二十名受傷至一百九十九名之多此七月三十夜八月初一日劉錦棠金運昌雙壽各軍攻克金積西南寨卡剿敗援賊大獲勝仗實在情形也初二日劉錦棠金運昌會商緣秦渠而西賊壘鱗次非合力攻拔不能運稱秦壘關也比令馬步進隊賊

續編卷三十一

二

見官軍雲集秦壘狂遁雙壽余虎恩等縱馬躡殺秦壘關之西突出騎賊數百劉錦棠整隊截之訊所擒生賊知卽中路黃鼎諸軍自古靈州剿敗東奔者嗣是各軍日割刈秦壘關一帶秋稼賊踰伏不出初四夜金運昌率提督宋朝如張懷玉選壯士攜鋤鑿築秦園堡迤西之大河家寨環攻至初五日黎明金運昌按隊稍憩力扼東南堡門賊從堡內擊小寶遁出西北官軍佯爲不知俟賊出漸多縱馬步猛抄之得跳免者無幾軍士乘勢劈寨門入見守賊之經鎗斃者屍骸枕藉據生賊

供逆目何一會已伏誅堡內矣同時劉錦棠雙壽出隊越山水溝槍割胡家堡之麥王洪等寨出悍賊救護官軍亦有斬馘劉錦棠回營得中路各軍徑逼洪樂堡之信卽繞赴雷正縮黃鼎營中會商不先奪秦壘關無以聯絡西北官軍營壘而斷馬家灘接濟金積賊糧之路十二日劉錦棠金運昌雙壽所部直指秦壘關金積賊眾悉銳抗拒官軍分中左右三路緣秦渠直上奮威衝擊鎗轟矛刺賊勢披靡官軍馬步緊躡至秦壘關西南近石屹塔黃鼎雷正縮徐文秀整隊接應賊狂奔四散

續編卷三十一

三

劉錦棠連環收隊賊復糾馬步回撲二里許提督陶定昇譚拔萃易致中喻執益周國勝等合雙壽馬隊買勇殿後賊不敢近復撲金運昌隊伍金運昌沿波浪渠返施而西與劉錦棠所部夾擊之賊奔回金積而秦壘關仍未下計各戰斃斃刺斃之賊七百有奇據生賊供陝回余彥祿之弟偽副帥余彥喜十二日與官軍戰敗而復前中破落馬斃於陣連日官軍弁勇陣亡六名受傷九十餘名此劉錦棠金運昌雙壽各軍八月初二至十二日攻克金積西北寨壘剿賊獲勝逆目伏誅實在

情形也劉錦棠七月二十七日築壘金積堡東逆首烏化澁畏官軍之逼復於堡東添築卡壘喉嚨死拒十三日黎明徐文秀派遊擊鄧增等帶後膛開花大礮螺絲礮合劉錦棠雙馬步進攻甫抵賊壘金積援賊傾巢而出劉錦棠分兵列陣堵之專用大礮攻壘壘牆洞穿賊眾稍亂軍士直薄壘前擲草填壕而上守賊木石齊下援賊亦合勢撲來提督蕭章開何作霖等督隊擊援賊敗之雙馬余虎恩軍功董福祥馬步旋踏平壘北賊卡提督李占椿李雲貴陶定昇易致中乘勝率弁勇緣

續編卷三十一 四

壘牆礮眼狹附而登守賊拚拒格鬪逾時乃悉就戮據生賊供官軍大礮子落壘中斃傷賊數十名眾懼思遁馬化澁三次傳偽令堅守逆目楊洪杰梁惠一亦死拒不退壘破始伏誅訊畢斬之立派隊駐其壘十四日金積賊巢悉眾撲犯經官軍田雞劈山礮竟日環轟而退十七日劉錦棠赴黃鼎徐文秀營中計事見金積賊出排列西北三里許比飛調步隊分兩路進剿雙馬率營總吳俊花良阿合余虎恩等馬隊為左右翼鏖戰正酣金運昌聞礮聲大震率隊踵至併力壓勦賊大敗歸巢

各戰斃賊七百數十名生擒三十餘名拾旂幟器械甚夥官軍弁勇共陣亡三十六名受傷一百四十六名此劉錦棠金運昌雙馬各軍八月十三至十七日攻克金積東西卡壘剿賊獲勝逆目伏誅實在情形也金積堡東門迤北統呼為東關列屢鏖次去歲官軍大捷吳忠堡時陝回眷屬盡徙居關內關外築堅寨斜築甬道護之自十三日劉錦棠所部連破賊壘進駐之後距東關賊寨僅百步十七夜劉錦棠令軍士銜枚襲之寨賊驚覺鳴角放鎗金積悍賊蜂起抗敵劉錦棠伏兵寨西南

續編卷三十一 五

護築礮壘以大枝隊伍擊援賊火器併發夜明如晝相持至五鼓援賊悉數敗遁而礮壘亦成劉錦棠選銳卒攻寨間以開花礮測准轟之十八日天明金運昌隊伍齊至聲勢益壯午初寨牆經大礮轟裂守賊慌亂軍士乘機猛進克其外卡遂從寨牆缺口躍入拔之寨中包裏無數小寨守賊自量不支或墜牆而下或開壁狂奔雙馬余虎恩何作霖知州李樹棠副將郭宗儀都司陳宗蕃等正攔途遮截金積各寨之賊復圍死來援金運昌合提督尹興茂等力扼之援賊縮退劉錦棠催隊踵

各小寨敗賊跟踪搶入東關關內賊眾憑街日死鬪軍
士短兵巷戰馬隊抄過東關之北賊眾失措乃護眷循
金積寨東狂遁而南輜重拋棄滿道官軍立將關外寨
卡二十三座次第踏毀焚關內鋪屋三四千所十九日
詞陝回護逆眷敗踞金積南門牆根與正南李花橋迤
西賊寨爲犄角二十日黎明劉錦棠金運昌雙壽會師
進紉行過李花橋陝甘逆眾圍集各莊寨排列官軍步
隊分數路布壘陣如牆而進馬隊稍取遠勢抄之衝殺
里許步賊仍返旂死拒騎賊亦下馬回撲益陝回方護

續編卷三十一

六

眷從西門故喉悍黨斷後也何作霖方庭芝花良阿等
揮刀斫陣斃悍賊多名賊始敗潰軍士乘勢攻拔各寨
卡自是金積東南北三面壘穴掃平劉錦棠壓東關而
壘俯囑金積老巢各戰共斃陝甘回逆四千有奇生擒
三百九十餘名陣斬逆目馬萬成馬雲程馬占德馬玉
堃余老二陳喜等奪戰馬騾驢牛羊六百數十頭拾拍
小鎗旂幟刀矛棚帳二千數百件連日各軍共陣亡二
百名受傷至六百九十七名之多攻堅血戰之苦如此
此八月十八二十等日劉錦棠金運昌雙壽各軍勦敗

陝甘逆回連克寨壘攻破金積東關迭獲大勝逆目伏
誅實在情形也中路雷正綰黃鼎徐文秀諸軍自八月
初四日連克金積西路漢渠內外賊寨逕逼洪樂堡賊
黨連日增築卡壘於田家橋石屹塔與老馬家丁家各
堡聯成一片爲堅護洪樂死抗官軍之計洪樂堡者逆
首馬化澄祖墳所在俗傳風水有異者也雷正綰黃鼎
會商必先破老馬家各堡而後可專攻洪樂初八日徐
文秀合提督徐占彪總兵陳春萬蕭寶林參將朱蘭亭
所部合圍老馬家堡攻一晝一夜連放後膛開花大礮

續編卷三十一

七

堡牆轟裂文餘軍士乘機猛撲平其外塚守賊憑堡放
鎗力扼堡牆缺口相持至初九日洪樂各堡賊眾蠢起
赴援黃鼎督總兵何玉超黃虎臣遊擊李登高等從米
姑寺一帶逕襲洪樂之虛雷正綰督總兵劉治均副將
李廣珠遊擊陳天壽外委吳元璋馬步隨後策應洪樂
援賊見官軍直搗其巢悉入堡內拒守總兵陳攀仙趙
興隆隊伍跟踪躡殺何玉超都司李洪超等繼之瞭見
金積塵氛大起援賊兩路抄來洪樂堡敗賊亦回頭死
鬪鎗礮三面對轟各營勢幾不支黃鼎急令黃虎臣拒

陔橫貫賊陣接應趙興隆遊擊楊真山之兵雷正綰令馬隊下馬持矛合步軍併力衝殺徐文秀亦派遊擊陳維高部以從老馬家之旁截援賊右路各軍士奮威壓勦賊眾大潰鼠竄歸巢老馬家堡之賊見外援已絕堡寨垂危勢甚慌亂徐文秀請賈林執旗先登徐占彪等一齊躍上拔之盡殲堡賊無一脫者初十日天明各軍進后屹塔平賊壘三座就地割刈秋稼殆盡徐文秀率隊駐之自是旁秦渠沿黃流迤北達金運昌營壘聲息以通十二日金積秦壘各堡賊眾紛紛東竄雷正綰黃

續編卷三十一

八

鼎徐文秀方督所部分道攔截后屹塔一帶適劉錦棠金運昌大隊自東壓勦而西兩面抄擊斬賊極多十三日黃鼎派提督黃有忠逼田家橋賊壘而營十六日各軍併力攻之黃鼎徐文秀列隊防援賊雷正綰一軍為前驅黃有忠護大礮對賊壘緊轟裂其牆垣雷正綰督李廣珠陳天壽千總胡起雲一齊躍入立拔其壘守賊有墮牆遁者官軍正內外抄殺金積洪樂各堡大股援賊陷至矣黃鼎督徐占彪等擊洪樂之賊徐文秀督副將彭清和等擊金積之賊屢戰逾時蕭寶林躍馬斬陣

軍士競奮短兵相接銳不可當兩路援賊大潰黃鼎麾軍撲田家橋毗連各賊壘陳春萬黃有忠黃志元帶隊平壕冒險力攻克之十七日黃鼎進軍田家橋馬化澂復遣其弟馬玉濤陝回西鞏頭目曹汧馬阿洪仍赴黃鼎軍前哀詞乞撫黃鼎諭令先繳馬械毀平堡寨馬化澂求官軍暫退峽口黃鼎不許連日金積堡外賊眾悉趨西門其向滾泉羅山竄遁者黃鼎令駐鞏州滾泉馬家河灣各軍截之疊有擒斬二十三日派徐占彪潛師夜起搗洪樂堡前兩小堡拔之斃悍賊二百餘名通計

續編卷三十一

九

八月初八至二十三日各戰擒斬賊數近三千名破老馬家堡時斬逆目馬伏降搜獲賊糧二百餘石驟馬百餘頭克田家橋賊壘時逆目馬洪智伏誅察軍共傷亡二百數十名營官何玉超中鎗傷子透小腹李洪潔楊子穿左股陳春萬頭顱中后塊傷陷寸許幫辦李金貴鎗傷腦頂此黃鼎雷正綰徐文秀各軍進勦西路逆回連克秦壘擊敗援賊疊獲大勝逆目伏誅實在情形也現接各營探稟九月初二日洪樂堡已經中路布軍克復賊悉敗遁金積堡容侯續報且復調記名提督王衍

慶帶臣親兵解運大礮前往助剿冀可迅速戡事此次各軍陣亡之記名總兵趙昌元鄒高山總兵銜副將李際盛參將黃文理參將銜遊擊徐上立遊擊楊克升都司毛金山向家聲陳鳳翔守備畢占超丁國珍千總陳洪慶李廣義陳延年把總王明忠張萬福鄧懷章楚登朝劉爲功劉大海王瑞林馬德銜劉學光陳應和外委周得魁常克勤均係衝鋒陷陣血戰捐軀應懇天恩飭部各照所保官階從優議給卹典以慰忠魂謹據實馳陳伏乞

續編卷三十一

十一

皇太后

皇上聖鑒訓示施行謹

奏 同治九年九月二十日

石成器變叛後畏罪自戕片

再石成器所部懷義軍上年由肅州潰退經前署督臣穆圖善派員赴涼州收撫委現署涼州鎮總兵王仁和統帶臣宗棠復派三品頂戴甘肅卽補道蕭宗幹西甯鎮總兵黃武賢前赴涼州會同王仁和妥籌安插嗣經蕭宗幹等點驗併成七營適值成遠告警穆圖善調遊

擊唐有彥三營援之副將馬步陞遊擊張賢兩營分守永昌縣城王仁和比因靖遠糧運緊要飭石成器於永昌營內復撥勇丁防護五月二十四日石成器派翟占元持檄調張賢所部右營赴靖遠翟占元到永昌潛煽該營勇丁趙元杰等爲亂哨弁崔玉林苟建蓉彭寶忠發其奸張賢聞變飭所部毋妄動會同馬步陞督永昌協常守仁代理永昌縣張世基分布兵團防縣城時翟占元趙元杰已嗾左營勇丁乘夜竊發譟達曰馬步陞督哨弁郭守清等禦之鎗斃叛卒十數名擒趙元杰

續編卷三十一

十一

常守仁斬之張世基亦分帶營兵獵勇兩面堵擊叛卒不支斬關而遁王仁和得報督馬步截之炭山堡擒斬叛卒三四十名比因石成器軍心已離慮其聚則爲首因令其駐涼郡四營赴大靖土門覓窩護運道石成器延不成行六月初五夜石成器忽勒眾走碾伯縣營官都司尹天祥趙希祿傳永昌不從告變於王仁和石成器知事已敗露卽督親兵數百搜括附近居民牲畜疾馳而東王仁和追及之石成器已率馬步二百餘前行餘眾落後拋戈伏地訴爲石成器喬得祿所偏非敢叛

逃王仁和察其情詞真切釋令歸伍仍循古浪大路追石成器下接王仁和報比咨行西路各軍營及地方官一體嚴緝嗣據各營稟報石成器於十二日戌刻抵威遠威遠都司靳聯科等閉關扼之石成器旋混入唐有彥營中十五日辰刻忽舉洋鎗自轟立即斃命知縣沈發祥驗明確實臣接准西甯辦事大臣豫師來咨及碾伯威遠涼州文武稟報相同比飭黃武賢前往統帶唐有彥三營收輯殘潰各卒酌量安撫其原駐涼州永昌未潰之勇即由肅宗幹會同王仁和裁併實數仍歸王

續編卷三十一 七

仁和給制擇地分紮竊維石成器已保花翎遊擊蒙恩賞給奮勇巴圖魯名號統帶懷義各營自肅州率眾東潰罪已難追王仁和等收輯成營仍令統帶月需鹽菜火食銀兩均經肅宗幹隨時支給原數其戴罪圖功自贖由予保全不料其狂悖性成一至於此臣聞各處稟報石成器自知罪戾已深難邀寬宥近時情形憂悸狀似喪心此次畏眾潛逃奔勇不肯附和遂自轟斃雖由病狂所至實亦天道之常至案內在逃之緝占元即朱大帥喬得祿即喬麻子鬼生桂張發燁朱文明均係

懷義營內首先倡亂要犯業由臣通行西路各軍營州縣嚴緝獲案以懲懲辦此次事起倉卒各營哨官有保明順逆保全危局者有平時約束不嚴臨事防範不力者功罪不可不明容臣分別辦理以明賞罰石成器叛迹未露之前管帶懷義衛隊左營都司張學泰王仁和檄赴鹽池堡駐防張學正遵調拔營石成器猜忌頓生擅行殺害情實可憫應請天恩俯賜所保官階議卹以慰幽魂謹附片具陳伏乞

續編卷三十一 七

聖鑒訓示施行謹奏同治九年九月二十日軍機大臣 字寄同治九年九月二十八日奉 上諭左宗棠奏官軍攻破金積東關賊巢克寧疊獲勝一摺金積堡踞匪於本年七月以來經左宗棠飭令劉錦棠等分路進攻次第克復西南西北東四賊寨匪將金積堡東關攻破中路雷正綽等軍進剿西路賊匪立將洪樂堡攻克該逆悉敗退金積堡暫在案業飭令提督王衍慶會同劉錦棠黃鼎各軍乘勝進剿該逆敗

復台營堡務將竄踞賊匪悉數殲除不得久稽時日陣亡之總兵趙昌元鄒高山總兵銜副將李際盛參將黃文理參將銜遊擊徐上立遊擊楊克升都司毛金山河家聲陳鳳翔守備畢占超丁國珍千總陳洪慶李廣義陳延年把總王明忠張萬福鄒懷章楚登朝劉建切劉大海王瑞林馬德銜劉學光陳應和外委周得魁常克勤均著交部各照所保官階從優議卹另片奏石成器裹眾潛逃畏罪自斃實足以昭戮戮在逃之翟占元等係首先倡亂之犯該大臣務當飭令西路各軍及地方

續編卷三十一

四

州縣嚴行緝拿務獲懲辦毋任漏網其管帶各員是否防範不力並著查明分別辦理唐有彥所部潰卒務飭黃武賢妥為安撫涼州永昌未潰之勇左宗棠已令肅宗幹等裁併實數統歸王仁和鈐制即著擇粟分贖毋令滋生事端遇害之都司張學著交部照所保官卹議卹將此由六百里諭令知之欽此

黃萬友病故請 賜諡議卹附祀片

再請辦湘軍軍務頭品頂戴記名提督瑚松額巴圖魯黃萬友由湖南湘鄉勇丁從征轉戰湖南湖北江西廣

東福建江南河南陝西山西直隸山東等省蕩平髮捻各逆積功薦保今職上年秋間劉松山率師度隴派黃萬友率步隊五營分駐甯條梁安邊定邊花馬池一帶轉運糧餉軍火時回逆被勦分竄擾劫運道該提督不辭勞瘁設法飛輓卒保無虞九月間劉松山因前敵攻勦喫緊檄率所部助戰隨同克復靈州連破大小賊堡數十處迨劉松山由吳忠進規金積黃萬友駐軍靈州設賑濟解流亡災民賴以全活本年正月劉松山陣亡道員劉錦棠奉

續編卷三十一

五

旨總統全軍黃萬友奉

命精辦該軍軍務該提督悉心營畫戰必身先迭著奇捷均經臣隨時陳奏不料操勞過度傷疾並發延於八月初七日在營次身故臣維黃萬友與臣故廣東陸路提督劉松山同為

賜諡壯武已故道員王鑫舊部為人沈毅樸厚深得軍心為臣所素知茲值戎機順利而該提督一病不起實堪悼惜克復靈州案內臣擬為黃萬友奏請 賞給正一品封典合無仰懇

天恩賞給正一品封典照提督在軍營立功後病故例從優議卹

加恩予諡並准附祀松山原籍及死事地方專祠以慰忠魂謹附片具陳伏乞

聖鑒訓示施行謹

奏同治九年九月二十日

續編卷三十二

六

軍機大臣 字寄同治九年九月二十一日奉

上諭陝甘回匪滋事以來朝廷軫念西陲大伸撻伐特命左宗棠為欽差大臣督兵勦賊厚集兵力寬予限期計每歲撥用餉銀不下八百餘萬兩該大臣於行軍籌餉事宜有所陳奏無不立見施行倚畀不為不重乃自抵甘以後雖據報勝仗總未能痛掃賊氛致金積堡一隅之地至今日久未下逆首稽誅軍務安有了期竭東南數省脂膏以供西征軍實似此年復一年費此鉅帑豈能日久支持該大臣捫心自問其何以對朝廷即著左宗棠振刷精神嚴檄各軍實力勦辦該大成前奏金積堡賊勢已蹙似不日即可攻克北路肅清後河狄一帶賊踪亦宜以次殲除務當剋期蕩蕩毋得再事遷延致干咎戾將此由六百里諭令知之欽此

續編卷三十二

七

合圍金積老巢首逆被創摺

奏爲官軍會剿逆回連克寨壘迭獲大勝現在合圍金積老巢首逆被創摺陳仰祈

聖鑒事竊北路各軍八月二十日以前中路各軍二十三日以前戰狀臣已於九月二十日陳奏八月二十一日劉錦棠金運昌會商金積東關既克當掘壕築牆鎖圍困之治軍由東北起掘東南兩面金運昌軍由東北起掘正北面二十四日黎明金運昌率所部與工西北出回眾千餘蜂擁來撲金運昌當派隊伍三成一面掘

續編卷三十一

七

壕飭副將王化成邵升堂提督方庭芝參將董布亮各率所部隊伍七成從左在抄入賊陣飭總兵張懷玉副將高得勝守備蔣心明等奮勇直前斃悍賊七十餘名賊猶抗拒劉錦棠得信飛派隊伍徑由南門外出西門截之賊始潰退入堡午刻壕深數尺矣回眾復出人隊約二千餘攜帶鐵鋤器具而前意圖拚死填壕分股擗戰金運昌乘其分布未完飭各營停工一齊猛進銳不可當斬首百餘賊戰一時之久賊乃大敗我軍追至西門收隊而還陣亡勇丁六名受傷二十餘名而已二十

五日五鼓金運昌預挑精銳伏壕牆內靜以待之飭勇

夫揮鋤修掘該逆登牆際望謂我軍無備也馬步賊千數百名蜂擁而來勇夫棄鋤佯遁誘近壕邊伏兵突起刀矛並舉鎗礮排轟賊即敗退已革總兵胡國龍率所部衝出追之計轟斃殺斃之賊三百二三十名餘眾遁入堡內據生擒賊供認壕外死屍有余彥祿胞弟余彥壽馬正和股內頭目馬光貝醫甘回頭目數名等語訊畢斬之先是吳忠堡境內尚存永甯洞馬家兩寨一名馬家雙桅桿一名油坊寨春間馬化澄決斷秦渠淹灌

續編卷三十一

七

官軍劉錦棠開溝導水波浪湖下永甯洞該兩寨地勢較低周圍橫水甚深賊得以小船渡洋麻湖與洋麻湖回逆潛通聲息官軍阻水不克往攻也七月間中路各軍奪回峽口堵遏秦渠水源該兩寨積水日漸涸涸一十七日劉錦棠傳令駐吳忠堡之統帶董宇營軍功董福祥乘夜襲之是夜四更董福祥率軍功張俊李雙良出隊五成攜帶梯牌衝枚疾走直抵雙桅桿寨下回窺酣睡未覺董福祥等率死士悄登立斬坐更賊三名各勇蟻附而上火器齊發回逆夢中驚起倉皇失措登時

殺斃數十名餘賊約數十名及寨頭馬重生墮牆而下
入油坊寨死守如故二十九日劉錦棠復派提督譚上
連都司陳宗蕃等馬步往攻黎明馳抵寨下連發哨筒
火箭轟之適寨內火藥被燃震倒寨牆二三丈譚上連
等乘勢衝入寨賊二百餘名搜殺無遺擒回目馬重生
馬金元併斬之計勇丁陣亡七名受傷四十七名是時
兩軍所掘之壕已深至丈餘寬至二人壕上之牆亦累
高入尺餘矣劉錦棠金運昌乃各派所部憑壕牆分段
以守九月初一日劉錦棠金運昌雙壽等商議陝回自

續編卷三十三

三

東南北三面卡寨全被後支帳金積堡西門外以悍賊
護之宜會隊進剿初二日五鼓潛師夜起劉錦棠率馬
步各營會同雙壽統帶吉林馬隊衝枚疾馳沿馬連渠
直上金積西南三里許即分飭提督何作霖王承贊知
州李樹棠等率所部進左提督羅照陞朱德開周團勝
參將潘鳳祥率所部進右其餘各營潛伏渠旁雙壽率
營總吳俊花良阿與提督余虎恩熊有常周雲祥譚上
連都司陳宗蕃副將郭宗儀等各率馬隊進左路之左
以備抄殺金運昌親督張懷玉高得勝龔心明郭占元

馬步於五更時出隊接應黎明何作霖等巡薄西門鎗
礮齊轟火彈噴筒一時迸發頃刻煙燄漫天火光紛起
回眾驚呼倉皇四竄步軍衝入賊中刀斫矛刺馬隊兩
旁抄殺無一漏網計焚斃殺斃之賊不下千餘奪獲騾
馬器械輜重不計其數正在搜殺間金積堡鎗礮紛注
如雨甘回繩牆下撲者紛紛勢甚兇猛各營且擊且收
賊殊死鬪劉錦棠飛令潛伏渠旁之提督尹興茂李占
椿喻執益陶定昇身致中譚拔萃各率所部分兩路衝
出接應殺斃悍賊甚多賊稍卻退於時關外卡中各賊

續編卷三十三

三

突出數百繞出湘軍之後金運昌督隊迎擊立斃悍賊
三百餘名賊甫敗潰忽金運昌帶傷墜馬賊復率黨回
撲張懷玉高得勝率所部橫截而出將賊擊退忽洪樂
堡連東又出騎賊一支抄過馬連渠而南金積南門出
步賊一大支直犯正南其勢甚銳雙壽余虎恩等見之
飛馬迎擊馬連渠之賊軍功甚福祥張俊李雙良提督
蕭璋開李雲貴等率所部徑趨正南接戰雷正槍黃鼎
各軍急馳出洪樂堡前以擊賊勢賊見官軍勢仍即
敗退是役各軍共斃賊一千數百名生擒賊百餘名訊

明正法而營官苗福祥頭受鎗子傷從腦後穿出周圍
勝左腿骨爲鎗子擊斷湘軍弁丁陣亡至二十二名受
傷至七十五名卓軍陣亡七名受傷至四十八名蓋血
戰也初四日劉錦棠親至南路晤商黃鼎徐文秀定議
合成鎮圍湘軍於金積正南右軍右旗之西再築兩營
扼金積西南雷正縮黃鼎徐文秀中路各軍圍洪樂堡
分營東向西修壘掘壕以期聯絡一氣初五日巳刻雨
後劉錦棠正傳令出隊修壘忽右軍右旗李雲貴驛馬
飛報金積回逆悉數西趨徑撲中路各軍劉錦棠聞知

續編卷三十一

三

一面帶隊馳往策應一面知會卓軍金運昌裹創上馬
率所部由左路進飭王化成方庭芝等率所部排列陣
後以截金積援賊時劉錦棠所部已由右營進馬連渠
之南何作霖王承贊李樹棠各營已進渠之北余虎恩
熊有常陳宗蕃馬隊已排列於王化成等之旁賊見前
後皆官軍胸縮不前雷正縮黃鼎徐文秀率各軍乘勢
壓之湘卓兩軍馬步夾擊斃賊約二三百名餘眾遁入
西關是日湘軍營官陳宗蕃左脇受鎗子傷由後脇穿
出弁勇陣亡三名受傷十七名卓軍勇丁受傷五名初

六七八等日賊伏巢不出劉錦棠得一意修壘中路各
軍亦趕緊修掘壕塹漸可與湘卓兩軍聯接回眾見官
軍日逼惶懼益甚十二日苗鼎徐文秀等正督所部移
營進紮逆回忽出大股來犯劉錦棠金運昌率馬步各
營馳往奮擊分統提督方庭芝鎗子傷腮營官李樹棠
矛傷額須潘鳳翔肩甲受鎗子擊穿劉錦棠金運昌督
隊鏖戰斃賊三百餘名賊又縮入堡內共計勇丁受傷
者九十餘名陣亡者二十四名訊據逃出難民供稱陝
回急謀竄走劉錦棠金運昌令各營以五成隊站守長

續編卷三十一

三

壕每夜躬親查閱十三夜四鼓回逆循金積堡南折趨
東南撲近長壕各營發砲轟擊該逆卻退旋聞西面鎗
砲更緊比派弁偵之報稱陝回二千餘人由西面衝出
時天色未明劉錦棠金運昌一面派騎馳追一面派隊
先攻余彥祿賊堡一鼓克之辰刻追騎回營據稱追行
十餘里見人馬蹤跡折轉正南沿山脚東竄復落後回
逆七名回營訊據供稱陝回馬步約一千數百人歸余
彥祿帶領擬赴王洪寨一帶索糧仍回金積堡陳林因
傷重未去訊畢斬之十五日黎明陝回果回竄金積正

東馬賊約七八百步賊不滿千人維時金積甘回紛紛出巢撲近東南正東長壕希圖內外夾攻使我腹背受敵劉錦棠飛飭各營憑壕布陣排開鎗礮轟之親率四營會合金運昌所部兩營迎頭猛擊斃悍賊數百名官軍陣亡九名受傷二十八名躡追八里許至漢伯堡沿途賊屍枕藉餘賊循堡脚奔洋麻湖而去其金積出巢之回經各營連環轟擊亦敗退劉錦棠金運昌等會商以正洪楊明棗園三堡與漢伯堡狼狽相依皆在官軍長壕之外不極力攻克足為官軍肘腋患十六日各派

續編卷三十三 香

步隊分左右擊之派馬隊分列以防溢出之賊劉錦棠親督中軍專用螺絲礮擊其正中連開二十餘礮斃賊甚多壯士奮撲壕邊牆上矢石雨注屢卻屢前陣亡二十三名受傷七十二名環攻一日三堡仍未下也是夜別派馬步潛伏堡旁賊之潛出者皆被官軍擄斬十七日劉錦棠督所部於長壕之外復掘重壕以禦外賊一面約黃鼎徐文秀會攻漢伯堡十八日各軍猛攻數時因漢伯堡三面阻水賊眾負牆列陣雖轟斃不少而兇敵未衰午後撤隊由東北攻棗園堡三寨布陣丁家寨

前開花大子轟塌數垛弁勇徑撲牆下寨中男婦齊拋磚石弁勇帶傷頭墜者多卒不得上仍收隊回營劉錦棠念功在垂成棄之可惜仍以火器護梯四面環攻適有賊數十絕牆而下官軍截擊無得脫者旋擲火包延燒前寨柴草寨賊始亂其後寨之賊二百餘乘官軍圍攻前寨開壁潛出經官軍斫刺殆盡其逃出寨外者又為金運昌伏兵所殺十九日天明前寨火息入視殘骸狼藉復於廢壘中搜出二十餘賊據供賊目丁春已赴火自焚矣是役燒斃殺斃之賊約六七百人官軍陣亡

續編卷三十三 姜

三十五名受傷一百十九名隨掣隊攻馬家寨賊出棚抗拒官軍迎頭痛擊斃賊甚夥收隊而還二十四夜忽報馬家寨賊棄寨而逃劉錦棠金運昌派隊追之及於河濱斬賊數十天明搜寨復於荒茅斷壘中獲逃賊數十殲之棗園堡賊乃盡劉錦棠金運昌督隊加修金積堡外重壕圍攻益緊回眾連夜撲壕均經轟斃十月初一日官軍昇開花礮安向東門測准轟擊忽見堡內煙至大起守賊喧嚷甚急不知其故是夜守壕兵勇擄獲逃出數賊訊供是日辰刻逆首馬化澂登東門城借修

牆堦忽礮子飛穿樓瓦碎片擊斃五人馬化濛左耳受
碎片重傷倒地十數人昇歸黃鼎營中獲賊供亦相同
似該逆被創情形確矣劉錦棠以逆目余彥祿竄出復
往來漢伯堡王洪堡與各賊合勢漢伯堡地介洋麻湖
波浪湖之間三面阻水其西北平衍之處溝渠重疊湖
水灌之劉錦棠數次進攻未能即拔初二日劉錦棠帶
馬隊百數十騎往勘地勢擬移數營駐之甫循渠而南
見賊騎二百餘正迎面而來劉錦棠伏數十騎於廢寨
中以數十騎向前挑戰賊見官軍馬隊無多縱馬齊衝

續編卷三十二

三

劉錦棠撥馬回拒伏兵突起斬騎賊三十餘而奪其馬
追賊至漢伯堡賊為溝渠所阻急切不能踰溝復斃落
後馬二十餘名回營後約雷正紹黃鼎徐文秀會勦初
三初四兩日大風未果初五日風止劉錦棠雷正紹黃
鼎徐文秀三路並進雙壽亦率馬隊前來劉錦棠飭提
督蕭章開何作霖等於要隘分築左右兩壘併修二卡
各軍列陣營前堡賊倚牆開放排鎗拚死抗拒王洪堡
賊騎二百餘飛馳來援余虎恩雙壽等率所部躍馬截
擊陣斬賊七八十名奪馬四十二匹餘賊敗遁午後

壘卡成賊之倚牆列隊者益密官軍以開花大礮連番
轟擊悍賊傷亡已多逆目金大川中礮立斃惟寨牆堅
厚僅轟塌上截一段而堡外壕塹深闊未可飛越急令
壘沙縛草為填壕之備各營將士分伏壕外伺之二鼓
堡賊穴後牆拚死山盟官軍齊起截擊鎗轟矛刺塞滿
重壘其得脫者馬隊復截之洋麻湖邊官軍入堡縱火
未出之賊亦皆赴火自焚計轟斃殺斃焚溺斃之賊
約共千數百名婦孺丁壯之亡命倖免者不過百餘而
已總計各戰破堡寨十餘斃賊近六千名奪獲驟馬數

續編卷三十二

三

百餘械無數官軍陣亡者一百五十餘名受傷者五百
八十餘名此八月二十四日至十月初五日劉錦棠等
馬步各軍勦敗陝甘逆回連克堅堡壘獲大勝殲除逆
目多名首逆被創之實在情形也中路各軍自八月二
十三夜徐占彪攻拔洪樂堡前兩小寨移營填紮後二
十五日復率所部後路各營移前築壘陝甘各逆回乘
我築壘未成率眾來撲徐文秀俟其近前督總兵蕭寶
林副將彭清和游擊陳維高率鎗礮隊連環轟擊斃悍
賊二三名賊眾敗卻徐占彪帶隊橫出截之復斃賊百

餘賊仍遁入金積馬化濬以劉錦棠不允其撫也二十四日復遣逆弟馬玉澂普洱阿渾詣黃鼎營乞撫黃鼎諭陝回盡繳馬械甘回先將馬家堡洪樂堡獻出再議該逆不報二十六夜黃鼎令徐占彪黃有忠總兵黃虎臣趙典隆等襲米姑寺賊堡二更後捨入賊卡殺賊數十堡賊驚覺鎗礮齊轟弁丁傷亡十餘名乃就卡築壘逼之二十八日徐文秀派副將鄭守南襲秦壩關附近小壘鄭守南礮傷右足弁丁傷亡三十餘名二十九日馬玉澂等復詣營稱請獻米姑寺兩堡及洪樂堡雷正

續編卷三十三

三

綰黃鼎徐文秀自商洪樂堡逼近金積地勢散漫馬家丁家譚家十數堡環之官軍勢難分布該逆之不並獻馬家堡而專獻洪樂堡者意圖給官軍共聚洪樂使其抄圍隔截俾長圍不能速合也姑漫應之即夜緘商劉錦棠金運昌出隊東南以綴陝回雷正綰黃鼎於九月初二日率徐文秀圍定邦蕭寶林移營前進適劉錦棠金運昌力攻陝回獲捷遂乘勢移據洪樂堡越日商劉錦棠定合圍之策初五日黃鼎派黃有忠陳華仙兩營雷正綰派李廣珠一營移紮金積堡西南半里間令

徐占彪朱蘭亭向前列隊護其築壘已刻陝甘各逆回馬步萬餘來撲徐占彪朱蘭亭督隊迎擊雷正綰黃鼎徐文秀飛飭所部分途策應斃悍賊二百餘名陣斬偽元帥鄒麻子賊為奪氣乘勝追至金積外壕堡上鎗礮如雨官軍陣亡者三十餘名帶傷者百餘名朱蘭亭右勝中子傷副將張友德參將王宗譜中鎗殞命徐占彪傳令收隊該逆復乘勢出撲黃鼎飛調李吉安冷玉超率隊禦之雷正綰徐文秀調隊策應劉錦棠金運昌復從後抄擊賊遂大敗各軍奮威衝殺斃賊五六百名追

續編卷三十三

三

至金積外壕始行收隊雷正綰黃鼎急督各營掘壕修壘然丁家馬家譚家等十一堡未克不能與金運昌合西北之圍初七夜雷正綰飭提督閻定邦于總胡起雲潛師襲之兵分三支各攻一堡堡後各備木梯約堡前鎗礮聲響堡後即登梯齊上三鼓閻定邦等各督所部奔赴堡前排開鎗礮噴筒火前齊施堡中各賊均向堡前抵拒不意官軍已由堡後捨入殺聲突起生擒甘回頭目丁玉貴丁王洪斃賊曰五百名丁家三堡平餘逆悉奔馬家堡其附近之廖家三堡亦棄堡而遁陣亡哨

官一員傷亡弁丁十餘名初九日圍攻譚家堡未克傷亡幫辦哨官六員弁丁三百餘名雷正紹黃鼎徐文秀憤甚冒險督隊狹騰而上短兵相接斃賊二百餘名餘賊納奔聚一隅拚死抵格血戰一時始將堡賊五六百名殲除淨盡生擒甘回頭目嚴鼎君嚴洪發莊紅等三名斬之時已薄暮雷正紹黃鼎徐文秀令軍士傳餐少憩接攻馬家等堡各堡賊見官軍近逼知勢不敵棄堡而奔官軍追斬二百餘名惟馬家堡賊穩踞如故雷正紹黃鼎徐文秀督隊環攻是時大風捲地軍士順風施

續編卷三十一

三

放火器堡內房屋柴草均被延燒人聲鼎沸官軍四面緣梯而上賊潰圍紛竄官軍內搜外勦斃賊約七八百名自是金積西南一帶大小堡寨百餘所乃一律剷除長圍可合矣十二日徐文秀徐占彪復移營進逼金積堡西門雷正紹黃鼎派隊護修營壘午刻金積堡賊傾巢出撲堡上老幼婦女無數齊聲助勢呼號震地徐文秀徐占彪等一面掘壕修壘一面派隊迎擊各軍互相策應斃賊數百賊敗歸巢十三日徐文秀復進前添築一營並擊退出撲之賊是夜四鼓後陝回數千巡撲新

築營壘徐文秀率所部力戰卻之斃賊數百黃鼎派隊會追行抵米姑寺河邊該逆正在搶渡官軍從後掩殺計淹斃殺斃數百名奪獲騾馬千餘匹生擒百餘名接攻秦川關堡及下關寨一鼓克之斃悍賊二百餘名另股逆回乘夜由後路後營蜀軍新左營中空壕壘未接之地衝出向漢伯堡遁走經劉錦棠勇次截勦斃賊數百名據擒賊供首逆余彥祿於竄出時受鎗子傷自左腮下穿入右耳旁透出旋昇赴王洪堡氣絕黃鼎獲賊訊供亦稱余彥祿傷重而斃臣處所遣偵探回民郭黑

續編卷三十一

三

狗兒則親見余彥祿受傷甚重所指受傷處所亦同似此賊實已伏誅矣回逆竄至漢伯堡敗後又分起竄逸一由水溝北竄河西一由漢伯南竄羅山預望城一帶經尉牛角城記名提督周紹濂駐固原之署平慶涇道魏光燾截勦臣復飭已革山西臬司陳澍帶馬步五營出固原提督楊世俊帶所部馬步回營道員李耀南出峽口截其竄河州之路另片陳明以清眉目欽討雷正紹黃鼎徐文秀各軍自八月二十五日起九月十八日止攻克堡寨關卡二十餘所擒斬悍目多名殺斃賊

焚毀清甓及生擒逆賊約三千餘名獲驃馬千餘頭軍械無算此中路各軍勦賊陝甘逆回連克堡寨迭獲大勝殲斃逆日實在情形也臣維金積堡城周九里有奇東自吳忠以至靈州堡寨共四百五十餘所現僅存王洪楊明兩堡西自洪樂老馬家堡以至峽口張恩堡堡寨關卡共一百二十餘所現僅存大河中州馬家灘四堡餘皆一律掃除劉錦棠一軍自金積東面紮至南面金運昌一軍紮北面距逆堡半里許或一里西北徐文秀正西黃鼎西南雷正綰延紫營堡距城堡一二里或

續編卷三十一

三里北與金運昌接南與劉錦棠接掘壕兩道一禦金積堡內竄出之賊一備金積堡外來援之賊壕深不及一丈以其地濱河為自古積淤所成平地掘三尺則見水不能深也現於牆上累土為隄合高深計之共二丈餘壕闊二丈勻檢各營晝夜防守正隅各面一律分布鎖圍已成飛走絕迹城中渠魁馬化澂已被重創移生花已於七月二十七日晝時疫伏其誅賊勢衰蹙可想惟金積堡高四丈堡身厚約三丈許堡中有堡為首逆老巢賊呼為王城其高厚亦如之中間牆壁縱橫仿大

城包小城式為之渠水環複尺寸皆堅馬化澂從前詐降後一意築掘廣儲鎗礮增險負固蓄謀已久地勢之難攻如此自乾隆四十九年馬明心蘇四十三以新教煽亂伏誅後根株未淨萌孽全滋至馬化澂而復熾靈州士民且謂馬化澂即蘇四十三之遺孽其詳固不得而知然其教輕生好勝兇狡忍鷙較回中老教為尤甚此次官軍逼近馬化澂尚有乞撫之說其黨族則一心作賊並不求生堡寨將破時先忍其家屬或擲諸水火乃解衣格鬪死而後已其堅悍如此賊中子藥尚多每

續編卷三十一

攻一堡將日多有傷亡賊中乏糧者雖三分有一而馬化澂之族積年所儲猶支數月攻堅歷無善策地道既以土薄水淺不能成功開花礮彈即測准施放炸裂之後鐵片質輕又多為牆壁隔闔勢難透遠臣所購西洋普魯社即布洛斯之義耳礮軍中所稱後膛開花螺絲大礮者也其力大有准為中外所僅見近日攻克各堡多得其力賊膽之寒亦在乎此然已用過七百餘子正飭匠作加工速製計每月不過成三百餘顆不足以供急需且堡城係泥土所築非磚石壘砌而成屋頂皆平

而四角微低傳泥土極厚礮子落街上穿牆則開花後多所轟斃若墜屋頂而已開花則鐵片直下無力或隨勢溜落不能奏功以之橫攻堡牆則牆厚三丈礮子不能穿透在土中開裂亦不能徹底掀翻故攻堅雖羣推此器而用之不能曲盡其妙亦賊之堡屋有以限之此地道不能開炸礮不能破之實在情形也臣原擬攻克峽口即可放秦渠以渰金積放漢渠以渰各堡乃峽口甫得而湘軍已破金積東關移營駐之若圖開放渠水則必令湘軍預為遷避乃可無論兵事有進無退萬無

續編卷三十一

三

令其遷避之理設令其遷避引水苟遲久無成臣將何詞以自解湘軍既進逼東關則峽口兩渠且宜閉塞來源以期安心攻勦而攻堅必損壯士現在各堡寨雖已掃除殆盡而各軍將士傷亡實已不少前奉諭旨仰窺

聖意以用餉多而程功緩無以上對

朝廷臣比宣示諸統將冀各發天良俾得迅速奏功稍寬咎責而察看近時每戰必捷而傷亡更多臣若再為峻督恐或冒昧圖功轉致債事大局深為不便合無仰

懇

皇上天恩稍寬時日冀可從容就緒以慰

慈慮鎖圍已成賊已坐困其間必有機可乘有懈可擊精誠所至金石為開眾志協和何堅不克敢有擁兵觀望攻勦不力致失機宜者無論統領營官臣當據實奏劾按軍法治罪如臣敢含糊飾顛倒是非並請

皇上明正臣罪以為不忠者戒所有各戰陣亡之記名總兵蕭榮發張祥源陳福堂總兵銜副將李存孝羅道德補用副將余萬喜張友德副將銜參將會保元沈漣

續編卷三十一

三

清參將王宗譜參將銜遊擊侯華山遊擊銜都司許敬德遊擊楊奠山都司蘇兆雲張占魁都司銜守備楊俊南守備高先玉袁世清洪玉興龍應祥羅勝貴周啟明千總彭樹森李顯雲把總王義春蔣貴良袁重倫張學珠外委岳學順徐得功軍功劉正新汪耀龍蔣家元劉煥春均係衝鋒陷陣血戰捐軀應懇

天恩飭部從優議給

卹典以勵軍心謹據實披瀝上陳伏乞

皇太后

皇上聖鑒訓示施行謹

奏同治九年十月二十日

中路護運各軍截剿竄回片

再由平涼城迤北踰固原以抵中衛靈州地境計程九
百餘里為通甯夏孔道其間岩谷複沓澗壑幽險回民
雜居堡寨林立向為盜賊淵藪自中路官軍進剿金積
堡陝甘逆回時賊悍黨四出鈔掠妄圖牽綴官軍梗滯
運道以解金積重圍自平涼以達前敵軍營中間延紮
三十餘營沿途就屯營之所按程分設轉運局軍裝軍

續編卷三十一

三

火軍糧軍餉寒衣棚帳車駝駱駝相屬於道三十餘營
按日迎送護解勞費不可殫述而地遠路雜賊馬我步
時有不及之虞迭據總兵鄧林楓參將馮桂增於滾泉
刷陽山黃柳防隆德溝長山頭等處護運殺賊周紹濂
五營魏光燾五營及各營於護運之便隨時搜剿東西
兩山外來及本地之賊臣之親兵營雕剿靜甯安定之
賊各州縣防軍士勇雕剿本境隣境之賊每次擒斬或
數十或百餘名未便逐一陳奏致瀆
宸聰近自各軍圍攻金積陝回自付長圍將合必致坐

因首逆余彥祿乃謀先時潰圍而走九月十三夜劉錦
棠徐文秀等賊狀已經正摺陳明其餘黨從漢伯堡竄
出馬步賊千餘逆眷約千餘於九月二十五日竄及半
角城李旺堡附近一帶臣檄提督周紹濂所部馳往並
會同提督李振國總兵屈聖祥各營剿之二十九日賊
竄距半角之倒洞子周紹濂迎擊之斃賊十餘賊即翻
山亂竄是夜詞賊竄由倒洞過山溝兩重隨地露宿四
更後周紹濂率總兵鄒正魁張大雄副將周玉林遊擊
周崑回目王鎰萬等潛往捉之鄒正魁帶隊先到見四

續編卷三十一

三

山野火如螢賊向酣臥即斬其巡更賊大呼官軍至矣
周紹濂等帶隊繼至從火光騰灼處開鎗指擊賊倉卒
不知所為有誤入官軍隊伍而死者有伏地亂叫而死
者有墮落巖谷而死者天明視之屍骸縱橫填塞谷口
其逃入馬家套者適屈聖祥由紫花一路率隊馳至前
後夾擊漏逸無幾是役斃賊數百奪驃馬八十餘匹官
軍傷亡二十餘名訊據生賊供稱此股係馬長順率映
春丁三保丁普雲馬永等所帶人眾食之糧劫糧運帶
以趨河州也初一日搜山復斃賊百餘賊斬賊目丁三

保餘賊敗匪李匪堡黑陳子一帶山谷駐固原之署平
慶涇道魏光燾料賊將四竄擬伺其出而殲之殊賊固
匪不出初八日詢賊繞道竄西山羅家峴魏光燾即夜
率副將鄭連拔知縣范廷樞徐澤疇等急起追之五鼓
齊抵羅家峴賊眾倉皇列隊抗拒官軍兩路奮威衝殺
斃賊甚多陣斬賊目馬永天明已革山西臬司陳湜督
所部由間道馳至併力壓剿斃賊無數步賊殲除殆盡
惟騎賊已經竄過者向會甯靜甯一帶亂竄臣前飭提
督楊世俊道員李耀南預於安定截之諒難漏網也所

續編卷三十一 三

有中路護運各軍會剿竄回獲勝情形謹附片陳明伏
乞

聖鑒謹

奏同治九年十月二十一日

楊世俊迎剿河州竄回獲勝片

再據周開錫稟報九月二十一日河州馬步賊二千餘
由康家廠水淺處偷渡洮河循馬家河緩駝南犯周開
錫飭提督楊世俊率馬步五營七成行隊於護餉道安
定之便確探迎剿楊世俊比派參將周道欽率步隊三

哨赴通安驛扼之親率馬步伏於距馬營盤三十里之
打澇池赤沙峴地方以待二十二日賊竄通安驛周道
欽督隊擊之眾寡不敵哨官副將向宏猷楊占元死焉
周道欽倚牆結方陣以拒自午迄申鎗聲如雨斃賊頗
多賊更番猛撲傷勇丁數十名卒不得過乃向赤沙峴
狂奔楊世俊預設伏兵於此賊至伏起斬賊數十賊敗
向石川一路楊世俊復督所部即夜躡追馳五十里二
十三日天明抵石川山梁僅仄賊擁擠不前楊世俊督
隊蹙之斃賊數十賊眾聲喧兇拚死抗拒官軍馬隊

續編卷三十一 三

猛衝斃賊五六十名賊勢不支紛紛亂竄楊世俊督隊
乘勝緊追沿途擒斬悍賊三百餘名奪獲騾馬軍械無
算餘賊零星四散悉向牛站以西循馬家河原路回巢
二十四日復飭馬步過山搜剿六十里俱無賊踪次日
乃收隊回防共計陣亡勇丁六十餘名受傷百二十餘
名據生擒悍回馬成有等三十九名供稱此次河州東
鄉會聚馬步賊約二千二三百人係馬阿潭劉阿潭馬
二張狼嘴馬三師務即朵大帥務之第五大頭目所帶
意在擾秦伏糧道至金積求撥騎賊願往步隊畏怯不

前其馬二張狼嘴兩回目已經官軍陣斬矣訊畢斬之
所有提督楊世俊迎勦河州賊獲勝情形並陣亡哨
官副將向宏猷楊占元應懇

天恩飭部照

卹以慰忠魂謹附片具

奏伏乞

聖鑒謹

奏 同治九年十月二十日

軍機大臣 字寄同治九年十月二十八日奉

續編卷三十二

單

上諭左宗棠奏官軍會勦逆匪迭獲勝仗現在合圍金
積老巢首逆被創並迎勦河州賊獲勝暨中路護運
各軍會勦竄回情形各摺片覽奏均悉此次北路馬步
各軍經劉錦棠等督飭進勦奮勇爭先屢挫賊鋒連克
堅堡撤除逆匪余彥壽等多名首逆馬化澂等被創中
路雷正紹黃鼎徐文秀等軍勦敗陝甘回匪迭破堡寨
殲逆逆目鄒麻子丁玉貴等首逆余彥祿亦因傷身斃
勦辦甚屬出力現在金積堡東面僅存王岷楊明兩堡
西面僅存大河中州馬家灘四堡餘皆一律掃除各路

官軍復於四面焚營掘壕漸逼漸緊自應乘此機勢鼓
勇進攻以收搗穴擒渠之效至左宗棠摺內所稱金積
堡城高牆厚渠水回環攻堅既多有傷亡地道又未能
開掘請寬以時日可冀奏功等語固屬實在情形惟當
此賊氛大挫合圍已成總當於慎重之中寓奮迅之意
不可稍涉畏難致形鬆勁所有陣亡之總兵蕭榮發張
祥源陳福堂總兵銜副將李存孝羅道德副將余萬善
張友德副將銜參將曾保元沈連清參將王宗譜參將
銜遊擊侯華山遊擊銜都司許敬德遊擊楊奠山都司

續編卷三十二

單

蘇兆雲張占魁都司銜守備楊俊南守備高先玉袁世
壽洪玉興龍應祥羅勝貴周啟明干總彭樹森李顯雲
把總王義春蔣貴良袁重倫張學珠外委岳學順徐得
功軍功劉正新汪耀龍滕家元劉煥春均著交部從優
議卹河州回逆偷渡洮河循河南犯經楊世俊等迎勦
獲勝仍著飭令在防各軍遇賊即擊毋稍疎懈陣亡之
副將向宏猷楊占元均著交部照例議卹漢伯堡竄出
之賊迭經周紹濂等軍分路迎擊擒斬甚多其敗匪李
旺堡等處者亦經魏光燾追勦陣斬賊目馬永步賊發

除殆盡惟騎賊已向會甯甯甯紛竄提督楊世俊等安
定截剿之師能否盡殲醜類官軍糧運最關緊要仍當
查飭各軍隨時確探雕剿以護運道毋稍疏虞將此由
六百里諭令知之欽此

湘軍月餉懸欠甚鉅請 飭兩江添協籌解片

再臣前因已故提督劉松山所部老湘全軍餉項欠缺
雜款無著已於同治七年十一月二十一日奏請
飭催兩江督臣照舊撥解以符定案七年十二月二十
八日奉

續編卷三十一 聖

上諭劉松山一軍餉銀前經諭令江蘇每月協濟銀六
萬兩茲據左宗棠奏稱前撥該軍餉銀合計劉松山現
在所部新舊各營每月尚缺額餉一萬五六千兩此外
應領帳棚等項雜款更屬無從籌給請仍由江南照舊
供支自係實在情形所有該軍月餉着馬新貽丁日昌
仿照舊案供支其帳棚車輛米價馬價員弁勇丁卹養
等項亦著一併源源解濟毋令缺乏等因欽此當即恭
錄分咨嗣准劉松山迭次牘稱該軍需餉孔亟均經臣
隨時咨催在案而江南除月解該軍餉銀六萬兩此外

並未籌解去冬劉松山牘懇會國藩咨商馬新貽允為
每月添協銀一萬兩後因李鴻章奉

命入關馬新貽又將此一萬兩移作該軍之用老湘全
軍額餉自七年十月截至本年五月底懸欠已三十萬
八千有奇新四營月餉並車價馬棚價卹銀等項懸欠
又不下數萬兩而本年六月以後之積欠尚不在此數
內臣疊據劉錦棠牘稱該軍欠餉虛懸實有左支右絀
之勢臣統籌全局自應量為通融稍資挹注而臣軍迫
待之餉日見其減該軍積欠之餉仍屬終懸且近來各

續編卷三十一 聖

省指撥臣軍協款每月解到者僅及一半而甯夏將軍
穆圖善原部蘭州甘南各軍西甯大臣豫師新募各營
之餉由西征糧臺撥者已二百餘萬兩又蘭州平涼
慶陽涇州等處賑聖之費前敵各軍採買轉運卹傷補
賞之費動需巨款現值金積堡長圍已合請軍請火食
鹽菜銀者踵至沓來臣營概無以應焦灼萬分提餉於
西征糧臺而協餉之轉解到臺者不過數萬金轉屆年
終僅擬為各軍籌撥一月滿餉尚不知從何設措何有
餘力分潤湘軍臣維江南財賦之區籌措尚易况會國

藩曾有與馬新貽添協湘軍月餉萬兩之議合無仰懇
天恩俯念湘軍攻剿吃緊月餉斷欠甚鉅

飭下新任兩江督臣曾國藩除原解每月六萬兩外將
添協老湘全軍餉銀一萬兩按月撥解並將歷年欠款
暨陳樹軍餉米價馬價卹養等項銀兩一併迅速籌解
俾該軍餉精無缺乏之虞得以專意戎行於軍務大有
裨益理合附片具陳伏乞
聖鑒訓示施行謹

奏同治九年十月二十一日

續編卷三十一 四

軍機大臣奉

旨另有旨同日承准軍機大臣十月二十八日知會本
日費督奏請

飭兩江迅撥老湘全軍餉已奉有寄信

諭旨令兩江迅撥矣

軍機大臣 字寄同治九年九月二十三日奉

上諭左宗棠穆圖善奏西路官軍剿匪獲勝一摺甘肅
西路回匪分竄鎮番武威各屬韓廷芝王仁和等帶
兵截剿將紅柳窩紅牆兒等處賊匪擊敗柳林湖雙城

堡等處之賊聞風逃竄其阿干鎮附近亦有回匪圍攻
民堡復經周惟翔帶隊擊退現在大兵由南路進剿河
州逆匪乘西路空虛伺間紛竄肆行搶掠意圖牽我兵
力左宗棠穆圖善仍當飭令該處防軍隨時探踪截剿
毋任竄突穆圖善另摺奏請帶馬隊馳赴近畿等語現
在天津之事業經辦結畿輔兵力足資拱衛該將軍駐
紮蘭州籌辦防剿亦關緊要務當與左宗棠隨時會商
共維大局所請帶兵來京之處著毋庸議前邊諭左宗
棠將成祿一軍應否撤回酌覈奏聞該大臣何以久不

續編卷三十一 豎

覆奏殊不可解本日據成祿奏現擬拔營西進並請募
勇撥糧捐辦駝隻籌辦屯田隨帶寶型出關各摺片該
提督頓兵日久忽為此鋪張揚厲之舉事之可行與否
恐未必能通盤籌畫著左宗棠懷遵疊次諭旨將成祿
一軍應否撤回並該提督此次所陳各情一併酌覈迅
速覆奏不得再有遲延成祿摺一併片五件均着鈔給
左宗棠閱看將此由六百里各諭令知之欽此

恪靖奏稿續編卷三十三目錄

攻克楊明堡馬家河灘堡寨迭獲大勝摺

平羅及陝北防務情形片

成祿辦理西路軍務情形片

中南兩路官軍剿賊獲勝摺

請飭戶部酌議河東月協甘餉片

劉明燈楊芳桂募勇來甘摺

續編卷三十三目錄

攻克楊明堡馬家河灘堡寨迭獲大勝摺

奏為官軍攻克楊明堡馬家河灘堡寨迭獲大勝擒斬

回目恭摺馳陳仰祈

聖鑒事竊北路各軍十月初五日以前中路各軍九月十八日以前賊匪已於十月二十日陳奏十月初五日官軍會破漢伯堡後是日金積堡逆回見西面各軍掛隊以為營壘空虛年刻突出步賊千餘直撲長圍經提督關定邦總兵趙興隆督隊擊之斃賊數十賊仍敗退總計我軍傷亡二十餘名雷正綰等會議漢伯西南

續編卷三十三

一

數里張家泉金家堡地方尚存團莊兩所每所守賊不過數百名因會商湘軍收隊回營使賊不疑初七日黎明雷正綰等各帶馬步隊往攻派馬隊扼要以備抄殺賊不虞官軍復至倉卒閉門不及陳天壽郎永瀾等麾隊分起衝殺而入賊眾紛紛亂竄馬隊馳出圍之登時將兩莊守賊七八百名斬馘淨盡無一脫者奪獲驟馬數十匹軍械數百件我軍僅傷亡十餘名次日收隊而返此雷正綰黃鼎徐文秀各軍暨王衍慶礮隊會克漢伯堡後初七日接攻張家泉金家堡賊寨大獲全勝

在情形也劉錦棠金運昌雷正綰黃鼎徐文秀會商楊明王洪兩堡對峙金積迤東五十里間緊扼靈州西南要路楊王兩逆雖經劉錦棠於五月二十日誘擒斬之而黨類猶多各寨漏網殘回皆恃此藏身我軍糧運均須隊伍護接殊多牽制之慮商定合力進攻十一日夜四鼓各率馬前進十二日辰刻齊集楊明堡外見該堡磚牆甚高周圍約四里許雷正綰黃鼎紮於東面以備王洪堡之援金運昌徐文秀紮於西南兩面以杜堡賊外竄王衍慶運後腔炸礮及各開花礮列於東北劉錦

續編卷三十三

二

棠督大隊護之既成列各督丁揮鋤修壘堡賊依隊列隊見官軍勢盛未敢攖鋒而後腔礮數響之間即衝塌塚牆丈許賊眾驚懼縮入堡中時已薄暮各軍令步兵稍休各派哨馬巡邏防賊夜遁十三日辰後王洪堡賊以馬步千餘來援雷正綰黃鼎分兩路齊進鎗礮連施刀矛並舉殺賊二百餘名賊敗退追三里許而還王衍慶一面施放大礮轟擊堡牆劉錦棠金運昌徐文秀各督隊放螺絲礮田雞礮霎時煙焰漫天衝塌附寨礮台一座並寨牆五丈餘各軍奮撲遂攀援直上堡賊礮

石紛下壯士受傷登而復墜者數百名迄不得上乃竄散分伏濠中避之二更後堡賊放火焚巢突圍而出官軍伏起斬賊目楊洪開楊十五於濠旁並殲悍賊約二百三百其衝過濠溝者各軍馬步隊四面遮截刀砍矛刺無一漏網堡中老弱婦女概赴火自焚軍械器物悉成灰燼惟拾獲焦麥數十石而已十三日各軍將寨牆毀平會商乘勝於次日進攻王洪堡十四日率隊進抵王洪堡見堡牆堅厚遠過楊明以大礮試攻不能洞入遂各收隊而返此十月十一日至十四日劉錦棠雷正綰

續編卷三十三

三

等各軍攻克楊明堡大獲勝仗擒斬回日實在情形也劉錦棠等原擬小休數日會隊接攻王洪堡接涼州報援賊大股北趨鎮番將出草地東竄料其為撥金積而來也飛函前敵各軍預為之備劉錦棠黃鼎會商馬家河灘各堡居大河中洲如援賊速至必將勾引援賊跟為老巢與金積堡賊相為犄角官軍僅鎖圍壕塹橫貫其中難期穩固不如先攻馬家河灘各堡使援賊失所憑依乃易得手現據黃鼎報十月二十一日調船渡師向馬家河灘進發二十四日各軍將馬家灘小堡攻

克並將就近團莊一律掃除殺賊甚夥尙餘兩大堡臣力攻九晝夜尙未破也俟得續報及各軍詳細戰狀再報所有官軍攻克楊明堡及馬家河灘各堡並掃除賊壘賊莊迭獲大勝擒斬回目現力攻馬家河灘兩堡緣由謹據實馳陳伏乞

皇太后

皇上聖鑒訓示施行謹

奏 同治九年閏十月十九日

平羅及陝北防務情形月

續編卷三十三

四

再臣欽奉同治九年十月三十日

上諭據定安奏稱探得回逆二千餘騎竄至米脂碑井堆子梁等處並有續來馬步賊千餘已到花定一帶河東陝回復由通昌通貴河邊竄過馬步賊二三千人分擾平羅等處既有賊蹤劉厚基成定康等軍何以不迎頭截擊平羅地方著左宗棠迅派勁兵進紮以清甯靈後路等因欽此仰見

聖二垂念邊疆無微弗燭臣查九月間疊據延綏鎮總兵劉厚基稱據署波羅營參將張澂昇署懷遠縣知

縣史柏會稟稱馬步匪數百由草地竄入懷遠附近村莊搶掠又據米懷接壤之馬胡峪麻地溝等處察民稟稱有遊氛時至滋擾劉厚基當即派總兵李作福向先甲帶隊馳往兜擊並檄總兵田玉廣率帶衛營移紮距米三十里鎮州堡就近摻剿各有斬獲並據署延榆綏道成定康稟稱回逆百餘竄至入懷遠屬之油坊頭前派提督成鏡春副將張永貴等帶隊往剿斃回逆五六千名又有賊數百竄綏德之石灣當派提督彭緒新帶隊馳擊擒斬三十餘名據生擒賊供係於六七月內由

續編卷三十三

五

金積各堡陸續竄出逃往草地東西奔走數月復竄內地覓食者又據報回逆二三百名竄至三道河李家灘等處又有五六百名竄至碑井堆子梁等處當派參將成必勝知縣馬輔臣等帶隊分起馳擊各有斬獲均經隨時批令確探嚴防相機追剿並檄知州龍錫慶率義勇副四營馳赴綏德一帶剿之旋據稟稱金積逆回被大軍痛剿勢極窮蹙時有零星小股由花定一帶下竄在瓦窑堡西北各州縣地方肆擾或二三百人一起或百數十人一起經該軍於綏德屬之宋家坪安定屬

之新莊鎭等處查獲小勝斬賊約二三百人亦經臣
令嚴加搜剿務期淨絕根株九十月前後據署綏德
州知州楊吉雲署靖邊縣知縣梁以恭署安定縣知縣
江隨川等稟稱帶隊剿賊時有斬獲所報賊數統計縱
要不過數百名十月以後花馬池定邊等處未據報賊
蹤東竄是陝西北山竄擾之賊實外無多因其飄忽靡
常故各處時有警報然合計各處官軍戡止數倍於賊
臣已飭成定康嚴飭所部各營旗所轄各地方官飭限
將餘氛兜剿掃除淨盡以靖邊圉大抵各州縣各軍營

續編卷三三 六

於賊來則以少報多賊去則以多報少錮習牢不可破
至所稱探丁探役由多捕風捉影之談不足為據即如
春間陝回初次回竄陝西人馬實不過二三千而陝西
各州縣所報竟多至數倍其明徵也仰蒙
聖慮周詳復派提督劉銘傳督辦陝西軍務劉銘傳本
淮軍名將韜畧夙優自當遵
旨遣派得力隊伍扼紮陝甘交界處所足紓
聖王西顧之憂微臣與定安更可有恃無恐矣至平羅
地方距平涼千有餘里大河前橫聲息間隔河東陝回

竄過之說臣至今未有所聞大約即九月十三夜竄出
一股查此股經劉錦棠等擊敗後逆首金彥祿受傷而
斃其騎賊竄過河西關已入河西王家瞳賊巢即金順
張曜所報馬彥祿馬長順一起馬彥祿當即余彥祿之
訛然已伏誅矣其片一股由漢伯堡南竄經提督周紹
濂署平慶涇道魏光燾疊次擊敗步賊竄已無多逆首
丁步月沙自元率騎賊數百與河州逆回及西山伏藏
之靖遠會甯鹽茶廳各逆回會合南趨人馬約三四千
之數將關入張家川提督楊世俊等於隴城蓮花城大

續編卷三三 七

敗之此均金積未合循圍以前竄出者迫金積鎖圍既
合實無一賊竄出似陝回竄過平羅非指金積堡之陝
回也惟臣前接署涼州鎮總兵王仁和呈錄賊供崔三
禹得彥白彥虎等三逆由河州竄擾平番涼州後率其
醜類直趨鎮番以地勢揣之可由草地犯平羅甯夏以
圍解金積重圍而前敵各軍迄無報至或者賊之遲迴
不前意在俟河水合凍併力南趨耳臣已飛告金順張
曜預為之備並函知金積諸軍矣至前路官軍之勉可
抽撥者惟中衛之肅州鎮總兵黃金山三營現准金

庸咨會已調走王家驥助剿此外實無可調謹據實夫

陳伏乞

聖鑒訓示施行

奏 同治九年閏十月十九日

成祿辦理西路軍務情形摺

再 臣 疊奉

寄諭垂詢烏魯木齊提督成祿近日所辦情形據實具奏 臣 維成祿駐軍高臺與 臣 相距甚遠向例烏魯木齊提督雖歸總督節制而成祿署銜

續編卷三十三

八

欽差總統西路軍務事無鉅細均由其轉奏請

旨即應歸地方辦理事件亦不使督 臣 與聞外省奏事

除密件外拜發後即將摺稿咨行各處俾彼此共知成

祿則必俟奉到

批回復始鈔稿咨送其拜發摺件每咨 臣 代發馳驛傳

牌而所奏何事 臣 不知也故迭奉

諭旨查詢 臣 無憑陳覆成祿所部聞多四川陝西勇丁

秦俗強悍古已云然自逆回構亂以來好勇尚氣之士

半就馮零兼之鴉片流毒漸染太深陝西與山西甘肅

同一痼疾此次軍興求曉乘於行列中百難得一更有

何精壯勇丁堪以入募西蜀當嘉慶年間名將輩出自

項啗嚙變成哥老會匪軍營傳染殆遍雖勇辯之士尙

自不乏然欲簡練用之非得好將領鈴束難期實效即

如 臣 初入關時黃鼎以蜀人帶蜀勇正苦哥匪充斥軍

令難行具稟 臣 為捕斬巨目數名乃始用命雷正綰此

次復規金積商請募蜀勇數營 臣 止勿募而以新募豫

軍練之可見蜀勇亦非足恃也成祿堅求募川陝勇丁

數千若不精選管哨之才恐又蹈從前募川勇半途潰

續編卷三十三

九

散故輒縱令安靜到營亦不能期其出力可想而知成

祿自稱該軍餉項積欠如許之多而復議募川陝勇丁

十數營新餉又將安出石成器部勇索餉譁潰豈非前

鑒此論川陝勇之不可多募也就成祿一軍餉事言之

所指各省協款向歸該提督自行委員催取其多寡之

數 臣 未暇聞然未必有應手巨款其所恃以為糧者關

外交敦玉三州縣京斗三萬石關內張掖縣運省倉糧

三千五百石撫彝通判運省倉糧二千石高台縣運省

倉糧二千石以該軍勇數計之除營長隊夫外勇丁二

千九百餘除軍糧外餘糧甚多堪以變充軍餉况張掖
縣糧運通判高台縣三處運省倉糧成祿均索取折價
則又無須變價也成祿於徵糧外復照糧攤捐致張掖
撫齊高台三廳縣民人聚眾滋事幾釀異變經署甘州
府知府祁之銓署撫齊廳通判王佳植彈壓勸諭乃止
而民間盼其出關莫可永不辦捐臣得甘州府稟報後
即飭藩司崇保臬司崇福委新授西甯府知府鄧承偉
前往查辦尚未接鄧承偉稟覆大抵成祿本無出關之
志從前因

續編卷三十三

十

詔旨嚴切不敢有違又思藉出關為名可奪取運省倉
糧以充軍餉迫因派捐苛急民情弗順勢難久駐高台
成祿亦不得不為出關之行已據高台縣稟八月二十
二十四二十六等日該軍前隊業已接營西上餘暫留
高台未知接奉暫緩前進

諭旨後進止如何耳實則率二千餘兵勇出關不但旁
觀者不以為然即成祿亦固心知其不可恃無如始道
於

朝命不能不為此請繼因復派捐糧幾至激變又不能

不為此行以現在情形言之該軍前隊如已出關似可
併交景廉統領其留高台餘隊或仍由成祿帶赴肅州
一帶擇地駐紮與署甘肅提督楊占鰲和衷共濟辦理
屯田尚期穩妥楊占鰲成祿雖彼此各有意見而其圖
藉撫局數行目前則如出一轍不敢齟齬也至金塔寺
漢回構衅殺害署都司馬萬福一案據前署肅州知州
李元嘉稟馬萬福本投誠回弁自署都司以來貪恣險
戾無惡不作不但漢民恨之回亦恨之此次河西紅漢
民聚眾圍署將其鎗斃良回亦為稱快臣現飭西甯府

續編卷三十三

十一

知府鄧承偉於委赴甘州之便就近前往察辦當易了
結緣肅州一帶良回尚多易於開導此時若遽派隊前
往翻起回民猜疑或致滋生事端也所有一切辦理情
形謹據實覆陳伏乞

聖鑒訓示施行謹

奏 同治九年閏十月十九日

軍機大臣 字寄同治九年閏十月二十七日奉

上諭左宗棠奏官軍攻克賊寨情形暨覆陳賊竄米脂
平羅探報未確各摺片甘省中北兩路官軍自攻克漢

伯堡後雷正綰等接攻張家泉金家堡賊寨獲勝劉錦棠等復合力攻破楊明堡斬賊目楊洪開等多名正擬進攻王洪堡適涼州大股賊匪繞竄圖援金積恐馬家河灘各堡勾引援賊遂先將該處各小堡及附近團莊一律掃除尚有兩大堡未下仍當趕緊攻拔俾援賊失所憑依剿辦方易得手金積現已合圍各處匪股乘隙來援總當加意防範著左宗棠嚴飭前敵諸軍穩紮力攻以期掃穴擒渠勿稍鬆懈並分檄各路將士扼要堵擊毋任援賊竄近牽我兵力前竄米脂平羅股匪據

續編卷三三

三

左宗棠覆奏探報未確不足為據金積合圍實無一賊竄出十月以後花定等處未據報賊蹤東竄陝西北山竄賊實亦無多等語近據蔣志章奏報草地逆回竄至綏德分擾清澗安定等處是竄陝之賊現尙陸續踵至著卽飭令成定康等隨時戮力遏狂氛平羅地方現雖無兵可撥如遇有緊要軍情該大臣仍當妥籌兼顧竄入河西之禹彥祿等一起左宗棠奏稱禹彥祿卽係余彥祿之訛前已傷斃何以金順前後奏報王瞳軍情尙有余彥祿在內著該大臣查明具奏左宗棠另片奏

遵籌成祿出關事宜等語前因成祿已援隊西行當諭該提督督軍駐紮關外不得輕率前進仍著成祿慎遵本月十一日諭旨擇要扼紮就近兼顧肅州該提督營餉積欠甚多且川陝各勇不能得力成祿著毋庸另募勇丁卽就現有兵力力加整飭與提督楊占鰲和衷其濟遇賊卽擊並辦理屯田事宜該軍口糧已准提用張掖等處運省倉糧成祿當知體恤民艱不准再有勒索苛派等情致滋紛擾將此由六百里各諭令知之欽此

續編卷三三

三

中南兩路官軍剿賊獲勝摺

奏為中南兩路官軍克剿金積隊回敗殘餘黨及河州另股援賊疊獲勝仗提督楊世俊一軍接仗大捷斬擒回目多名恭摺會陳仰祈

聖鑒事竊逆酋余彥祿餘黨從漢伯堡南竄一股馬步及逆眷其二千餘擾及半角城李旺堡一帶經提督周紹濂署平慶涇道魏光燾已革山西臬司陳湜疊戰獲勝步賊斬馘殆盡騎賊向會甯靜甯一帶亂竄臣前飭提督楊世俊道員李耀南預於安定截之河州逆回馬

續編卷三十三

四

阿渾劉阿渾馬二張狼嘴馬三師務五大頭目一股經楊世俊一軍於赤沙峴石川山地方追剿獲勝谷緣由已於十月二十日陳奏旋據各軍先後稟稱探得河州劉阿渾馬阿渾歸巢挑選悍黨糾合前次石川山擊斃之賊馬步約二千餘由三家集渡洮出柳林溝一由大寨子渡渭而南一由站灘漫漶出好麥川而北十月十五日楊世俊李耀南等得報立率所部并督同安定防勇營官白高年帶隊出曉口截之該昏馳抵賊處賊正偷過我軍突出截賊兩段未過者向原路退敗已過

者向曉口北原而奔官軍分起追擊各五六十里擒斬百餘名五更收隊仍還曉口勇丁偵探該逆潛伏山巖數日莫知其蹤地僻人稀無從問訊楊世俊等遂返馬營監以待之二十日該逆偷竄靜甯西南九十里之蔡家堡地方與余彥祿敗黨逆目丁步月沙自元等合股并沿途勾結靖遠靜甯會甯等處零匪共三四千名駐靜甯州總兵蕭賞謙聞警飛率所部平江左右兩營馳往剿之鏖戰兩日夜殺賊百餘名斃一紅衣賊日生擒十餘名卒以賊眾兵單致挫亡傷士卒二百餘名蕭賞

續編卷三十三

五

謙收隊還靜甯臣宗某得報立飭總兵劉明燈殷華廷馬步兩營及臣宗棠親兵四哨由平原馳出靜甯並調陳湜駐固原之果勇三營七成隊及馬隊兩起繼進劉明燈等行抵靜甯該逆大股已望風而遁臣復飭陳湜所部暫駐靜甯飭劉明燈等率隊由靜甯前進二十六日賊竄通渭屬之董菽堡李耀南率所部會虎威左營馬隊宗岳軍信義兩營步隊并會靜甯防勇馳出擊之斬賊數百賊向秦安屬之蓮花城南趨楊世俊率所部馬步各營由通渭縣出任當川二十八日楊世俊率耀

南寺躡至避花城訓知賊眾麇集於邵家堡一帶距蓮花城僅二三十里二十九日五鼓出隊剿之楊世俊派總理全軍營務教諭陳臺督都司嚴金龍干總督開貴率紅旗馬隊抄邵家堡之右總兵周顯明率輔營馬隊繼之派總兵裴思朝副將謝復雲參將馬有才率青白兩旗及虎威左營馬隊抄邵家堡之左楊世俊率步隊各營及李耀南所部輔營直擣邵家堡之中參將廖嵩率宗岳軍信營知縣曾貴和率宗岳軍義營及周開錫親兵策應於後該逆偵知官軍追至列隊抗拒另伏馬

續編卷三十三

六

步賊數百於李家川常家岔冀圖抄截楊世俊等登高瞥見揮馬隊從邵家堡張兩翼將伏賊先行擊潰率步軍直擣其中血戰十餘合賊猶死不退哨官副將蔣昂品中鎗陣亡朱克仁曾開貴身受鎗傷適馬隊從左右馳抄出賊後合勢圍殺賊眾駭奔馬步各隊乘勝追之沿途斬賊七八百名屍骸枕藉川水爲之不流賊之滾崖墜澗自相踐踏而死者復不下四五百人奪獲馬軍器械稱是餘賊紛竄馬步官軍窮搜山谷斬賊又二百有奇是晚收隊隴城據生賊供此股山金積竄出

經官軍擊敗餘黨與河州援賊合股商議同竄張家川頭目丁步月領員沙自元丁以至馮奇已於陣前伏誅馬阿渾劉阿渾及偽元帥伍老三沙成均已潛逃等語訊畢斬之閏十月初一日李耀南收隊回馬營監楊世俊等率隊出秦安追剿探得賊竄秦州屬西北六十里鹽河城初二日追及鹽河城賊已竄西和屬之崔家磨孫寺灘鐵鑪坡一帶楊世俊乘夜襲之二更後衝枚疾走直薄賊壘派總兵裴思朝率白旗馬隊出其左參將馬有才率青旗馬隊出其右副將謝復雲率虎威左營

續編卷三十三

七

出其右路之右楊世俊率紅旗黃旗馬隊直擣其中教諭陳台游擊劉三元參將周道欽率步隊各營繼之初三日黎明四路馬步齊集該逆尙酣眠未覺官軍驟至先將崔家磨之賊圍殺淨盡而孫寺灘鐵鑪坡一帶村莊之賊聞信率黨蜂擁來援官軍隊伍如牆而進鎗砲對轟斃悍賊數十哨官守備胡連陞中鎗陣亡勇丁傷亡十餘名楊世俊督隊力戰賊勢仍卻官軍乘勝追之斃賊約四五百名奪獲驃馬軍械無數生擒偽領員馬開忠一名訊畢斬之餘賊向西和禮縣一帶四散狂奔

復經漢中鎮總兵李輝武所部律勇前後兩營總兵邵永齡副將王光發迎剿於蔡家河地方斃賊數十餘賊數百名遁入南山一帶藏匿現飭各營搜剿務期盡絕根株臣等查此次河逆二千餘眾東窺秦安勢頗兇悍經楊世俊率師截擊一捷於好麥川峽口地方嗣與逆目丁步月等合股拜勾結零匪勢將迤趨張家川楊世俊等率師再捷於邵家堡三捷於鐵爐坡先後追逐十餘晝夜斬首二千有奇寔屬異常奮勉該軍最為出力文武各員應仰懇

續編卷三十三

六

天恩俯准獎敘以示鼓勵花翎副將羅榮卿請以總兵留於陝甘儘先補用花翎游擊劉三元花翎都司擬保游擊蔣柏高藍翎都司擬保花翎游擊譚桂林均請賞給勇號花翎游擊朱福隆請以參將儘先補用並加副將銜游擊銜都司董金成請以游擊儘先補用並加參將銜花翎運同銜候選教諭擬保留陝儘先補用知縣陳古請免補教諭知縣以同知直隸州知州仍留陝西儘先補用藍翎千總擬保花翎守備裴煥新守備銜千總擬保花翎守備何朝聘儘先千總擬保藍翎守備

呂長樂均請以都司儘先補用呂長樂並請賞換花翎拔補把總擬保藍翎千總楊鳳山請以守備儘先補用並請

賞換花翎藍翎外委桑必成請以千總儘先補用並加守備銜軍功擬保藍翎把總管開貴朱克仁李嘉圃王萬榮馬泰山潘永榮劉春發均請以守備儘先補用並請

賞換花翎所有陣亡之副將蔣昌品守備胡連陞血戰捐軀應懇

續編卷三十三

九

天恩飭部議卹以慰忠魂再蔣柏高譚桂林陳台裴煥新何朝聘呂長樂楊鳳山管開貴朱克仁李嘉圃王萬榮馬泰山潘永榮劉春發等十四員名均係攻克董志原出力陝西肅清案內擬保未奏之員應懇天恩飭部將擬保官階一併註冊合併聲明謹合詞恭摺陳伏乞

皇太后

皇上聖鑒訓示施行謹

奏 同治九年閏十月十九日

同治九年閏十月二十七日內閣奉

上諭左宗棠穆圖善奏中南兩路官軍剿賊獲勝請將出力陣亡各員獎卹一摺河州回逆糾合馬步賊匪分竄好麥川峽口等處十月十五日提督楊世俊督率官軍分起追擊擒斬賊匪多名二十日該逆復與金積堡敗黨逆目丁步月沙自元等合股勾結靖遠等處零匪偷竄靜甯圍趨張家川左宗棠飭總兵劉明燈馳往截剿賊眾腐集邵家堡一帶官軍分路迎擊殺賊七八百名陣斬逆目丁步月沙自元等多名閏十月初二日追

續編卷三十三

三

賊至鐵爐坡各處復獲賊匪四五百名生擒偽領員馬開忠正法餘賊四散狂奔遁入南山一帶藏匿仍著左宗棠等飭令各軍是力搜勦務期盡絕根株所有此次出力之副將羅榮卿著以總兵留於陝甘儘先補用游擊劉三元著賞給驍勇巴圖魯名號擬保游擊蔣柏高著賞給銳勇巴圖魯名號譚桂林著賞給鼓勇巴圖魯名號游擊朱福隆著以參將儘先補用並賞加副將銜都司董金成著以游擊儘先補用並賞加參將銜教諭擬保知縣陳白著免補教諭知縣以同知直隸州知州

留於陝西儘先補用擬保守備裴煥新何朝聘呂長樂均著以都司儘先補用呂長樂並賞換花翎擬保千總楊鳳山著以守備儘先補用並賞換花翎外委桑必成著以千總儘先補用並賞加守備銜擬保把總魯開貴朱克仁李嘉圖王萬榮馬泰山潘永榮劉春發著以守備儘先補用並賞換花翎以示鼓勵陣亡之副將蔣昌品守備胡連陞均著交部照例議卹其蔣柏高等十四員名均著交部照擬保官階一並註冊欽此

請 飭戶部酌議河東月協甘餉片

續編卷三十三

三

再臣於同治九年八月據辦理西征糧臺侍講學士袁保恆咨呈准戶部咨開同治九年七月二十四日奉 上諭李鶴年奏豫軍西征糧餉緊要請將河東前撥協餉照舊撥解一摺據稱豫軍西征餉需甚鉅前撥河東鹽課月協銀二萬兩經袁保恆奏准停解改作協甘之用張曜宋慶兩軍餉銀專由河南供支惟豫省常年所入即以全數供支甘軍豫軍尙屬不敷况京餉河工及本省應需之用急款如林寔有捉襟見肘之勢甘省有十餘省協餉自河東勻撥之二萬兩尙屬無足重輕請

仍飭撥解豫軍等語所奏自係寔在情形著何璟即飭河東鹽道將前協豫軍西征餉銀二萬兩照舊按月撥解藉資周轉不得稍有遲悞欽此欽遵恭錄轉咨到臣謹查河東鹽課自雍正二年奉

旨全數撥充甘餉百數十年未之有改上年豫軍入晉前署山西撫臣鄭敦謹奏將河東鹽課每月撥濟豫省張曜宋慶兩軍二萬兩意謂豫軍有功於晉宜為其謀餉耳寔則甘肅百數十年前應得之款忽於時危餉竭之時停其協濟本非正辦袁保恆籍隸河南因河南奉

續編卷三十三

三

撥甘餉屢催不應不得已奏將河東常年甘餉內撥濟豫軍之餉仍歸甘軍是以甘肅自有之餉還之甘軍非與河南爭餉也明矣河南不惟不解甘餉復將甘肅舊有之餉奪歸豫軍豈現時河南餉更窘迫於甘肅乎無論豫省其軍已息餉事宜資周轉即令豫軍乏餉亦應另請籌撥乃欲損甘軍之餉以益豫軍是猶奪餉夫之食為重餐也且其原奏稱豫省籌解臣營暨穆圖善豫師兩營共月餉三萬五千兩似河南實已解過甘肅軍餉八十萬兩而臣遍查河南協甘餉卷除撥臣營與豫

師軍餉各五千兩外兩年以來該省並無續解分釐之案不知何指豈未解之懸款亦可列入河南銷冊耶至原奏所稱協解甘餉共有十餘省以河東鹽課每月二萬兩在甘肅視之無足重輕不知河東歲課照舊全協甘肅僅祇五十二萬兩若除去豫軍二十四萬兩尚存幾何協解甘餉雖有十餘省其實在解到者究有幾何倘各省盡如河南之不解甘餉而又奪取甘餉是新協之餉無望而舊有之餉亦無望也同一

國帑同一用兵同一西征本無畛域可分但令稍可支

續編卷三十三

三

持何敢上瀆

聖聽無如甘肅雖有十餘省協餉八百餘萬兩之名實則解不過半惟河東相距較近又係先課後鹽現成之款非尋常無著可比乃奏奉

諭旨飭令於八月內提解之十八萬兩迄今尙祇報解四萬兩情形可想臣自度隴後因餉項艱窘不得已與各營約除月給鹽菜米糧銀兩外准於三節籌給一月足餉以固軍心較之豫軍之充裕本已苦樂不均今則時已十月而中秋應發一月滿餉尙無從取給轉瞬年

節又至四顧茫然不知所措可否請

旨飭下戶部秉公酌議或另為豫軍籌撥而以河東甘
餉仍歸甘軍抑或竟以甘餉改昇豫軍而為甘軍另籌
有著之款統候部臣酌議以便遵照謹附片據實懇陳
伏乞

聖鑒訓示施行謹

奏 同治九年閏十月十九日

軍機大臣奉

旨戶部議奏欽此

續編卷三十三

香

劉明燈楊芳桂募勇來甘片

再臣於同治九年四月初六日欽奉三月二十八日

上諭英桂卡寶第奏擬派員募勇馳赴陝甘助剿一摺

英桂等因聞甘省回匪分股繞竄陝境軍情喫緊擬派

總兵劉明燈楊芳桂馳赴鄂省各募楚勇兩營前往陝

西聽候左宗棠調遣以資攻剿所籌因為力顧大局起

見惟迭據左宗棠奏稱西征軍餉頗形支絀若違令劉

明燈等募勇入陝恐有兵多餉缺之累劉明燈等向來

帶兵既尙得力著英桂等即飭令馳赴甘肅軍營聽候

左宗棠差遣其應否派令添募勇丁或酌撥隊伍令其

統帶剿賊之處均著左宗棠酌度辦理等因欽此竊惟

臣由閩浙移督陝甘時以海疆緊要於所屬文武未敢

多調以重地方各員并有憐臣衰老力請隨同西征者

亦必婉詞謝卻此英桂所稔知者也前接英桂臧牘以

臣軍連失大將而閩疆要如籌銀三萬兩交前署福建

臺灣鎮總兵劉明燈前者浙江衢州鎮總兵楊芳桂帶

赴湖北各募楚勇兩營來甘助剿臣心感之因軍餉奇

絀增竄實難又湖南勇丁多在本籍其流寓鄂省待募

續編卷三十三

香

者久染軍營惡習不宜令屢雜伍籍劉明燈稟在澧州

於本籍精選一營帶以俱來旋據劉明燈稟在澧州永

定本籍募勇丁一營楊芳桂在清鄉本籍募勇丁一營

外加三哨於九月二十五日行抵平涼臣親加點驗人

數有多留以候缺均能恪守營規已飭劉明燈率所部

赴靜甯會同各軍進剿楊芳桂暫駐安國鎮一帶守陝

護運理合附片覆陳伏乞

聖鑒謹

奏 同治九年閏十月十九日

恪靖奏稿續編卷三十四目錄

中南兩路官軍剿賊連勝摺

圍攻馬家河灘賊堡安置拔出陝回片

請將陝西補用道李耀南革職片

平燬馬家灘堡王洪堡陝回就撫馬化澂就擒摺

密陳馬化澂暫緩伏誅情形片

范銘部眾潰變辦理情形摺

丁賢發被回目馬添發等刺斃情形片

魏紹珍等倡首鬧餉立予正法片

續編卷三十四目錄

痛剿河州竄賊陣斬巨逆片

中南兩路官軍剿賊連勝摺

奏為中南兩路官軍連獲勝捷金積竄出陝回及河州
援賊均已一律盪平恭摺馳陳仰祈

聖鑒事竊金積陝回餘黨會合河州援賊竄擾南路前
經提督楊世倭等軍接仗大捷已於閏十月十九日馳
陳在案先是賊由三家集渡洮河出柳林溝總統南路
軍務周開錫得報檄南路各營分起擊之宗岳仁禮誠
智等營青白等旂馬隊及寶勝營土勇先後於小蕪山
集家川高地子馬跑川菜花溝栗子坪等處遇賊接仗

續編卷三十四

一

斬賊或數十名一二百名不等逆賊翻山奔竄為提督
楊世倭等所敗餘賊遁入南山邀脅各處回眾人數漸
增臣宗棠飭總兵劉明燈蕭寶謙殷華廷等督隊冒雪
搜山周開錫復派虎威中右親左馬步等營會剿閏十
月中旬賊竄微兩一帶駐微縣兩當之提督胡國珍總
兵蕭德林奮擊斃賊數百敗賊擾及石家灘等處漢中
鎮李輝武調知預伏所部於陝甘交界之鐵錫梁山待
之十七日賊越嶺而東南至半山李輝武麾軍從溝旁
突出將賊截為兩段賊棄驢馬翻山四竄李輝武統兵

1. 續修四庫全書 史部 詔令奏議類 2. 六四六

追擊斬賊遂多生擒賊目趙福王蘇威喜奪漢驃馬六
百餘匹官軍陣亡六名受傷三十名而已其後至之賊
見前賊既敗遂改道北竄方賊之渡渭而東南也劉明
燈與殷華廷蕭賞謙及虎威營親左營營官總兵田連
考副將謝復雲參將胡達萼等商議賊圖岷州不得
必仍北趨清水縣之張家川以是處爲撫回李得昌所
居陝甘回民多僑寄其間足資容納也乃決計出清水
趨長溝河度嶺而東先據隴境之若絲灣石莊子兩處
扼險待之比十八日馳抵若絲灣石莊子賊已竄至蘇

續編卷三十四

二

家河矣距石莊僅三十里是夜三更劉明燈殷華廷蕭
賞謙等由石莊子前進田連考謝復雲胡達萼等及臣
宗棠親兵四哨出隊由若絲灣前進十九日黎明會隊
蘇家河賊方出谷南竄覩軍威驚懼失措劉明燈等
奮威衝殺斬賊三百餘名奪獲驃馬四百餘匹餘賊翻
山越境而逃官軍連夜躡蹤追擊復殺賊百餘名二十
日收隊回秦安餘賊東西紛竄見兵即逃復經總兵邵
永齡副將王光發兩營由隴州西進截賊唐家河三角
城等處斬賊二十餘名生擒六名陳湜所部三營及熊

隆名馬隊由靜甯南進截賊喬家寨合水川等處斬賊
五十餘名生擒四名總兵楊芳桂截賊安國鎮斬賊十
餘名生擒二十六名其零星竄逸者_臣等已嚴飭各營
分途尋蹤掩捕并飭張家川已撫回民李得昌分別收
輯矣查金積陝回自九月中旬竄出約馬步二千餘人
河回兩次來援之賊不下二三千合會甯靜甯各處零
匪屬集狼轟先圖闖越陝疆繼圖混入張家川少紆喘
息經中南兩路官軍及陝邊官軍節節截剿地網四張
殲除淨盡各軍冒雪衝寒左持右角寔屬奮勉出力可

續編卷三十四

三

否由_臣宗棠擇尤彙奏保獎以示鼓勵之處出自

天恩謹合詞馳陳伏乞

皇太后

皇上聖鑒謹

奏

圍攻馬家河灘城堡安置拔出陝回片

再北路中路諸軍於金積堡鎖圍既合之後各將領抽
派隊伍會攻隔河中洲之馬家河灘各堡比將各堡寨
圍莊一律攻破惟餘一大堡一小堡逐日猛撲迄今月

餘尚未攻克緣地居河洲堡牆數重均係沙土築成不似磚石堅土易於著手地雷炸炮已轟塌堡牆數處而賊處必死之地心力易齊隨坍塌隨補依然如故現據劉錦棠黃鼎等稟堡中悍賊死傷山積所餘悍賊不過數百名諸軍晝夜環攻計可迅圖蕝事而將領受傷者已數十員名壯士之肉薄仰攻者亡傷已千數百計矣所幸將士一心誓必滅此朝食而援賊迄無消息似未敢東嚮以抗顏行攻拔之期或當不遠至金積堡賊自鎖圍既合之後堡外能戰者不過千餘老幼婦女五六千

續編卷三四

四

皆飢餓垂斃臣遣撫定陝回劉秉信赴劉錦棠黃鼎營壕引之出圍拔出二百餘名嗣是投出者絡繹不絕其壯丁甚有涕泣號救不得引領以待就戮者十三營回目馬壽清即曾洱馬阿洪率其眷口投營臣已飭安插平涼矣前甯夏縣知縣彭慶章於同治四年陷入賊中為首逆馬化澂謀主現亦投入金運昌營臣飭提解平涼訊辦據生擒賊供堡內甘回守堡打仗者馬化澂每日每名給錢二千五百文僅能易麵一斤人多餓斃似賊中糧亦垂罄矣一俟馬家灘攻克諸軍當會攻王洪

堡以圖金積所有各戰詳細情形容俟續報謹附片具陳伏乞

聖鑒謹

奏同治九年十一月十一日

軍機大臣 字奇同治九年十一月十九日奉

上諭左宗棠等奏官軍剿賊獲勝并金積堡沒日軍情各摺片覽奏均悉金積堡陝回餘黨會合河州援賊由三家集渡洮河窺擾柳林溝等處經官軍分投進攻斬馘甚多其渡渭而南之賊復經官兵躡蹤截擊殲除殆

續編卷三四

五

盡剿辦尚為得手右事出力員弁准由左宗棠擇尤彙案保奏以示鼓勵其零星竄逸之匪著左宗棠督飭各營分途搜捕毋令死灰復燃蔣志章亦當會同劉銘傳檄飭各軍嚴密堵禦毋令闖入陝疆左宗棠一面飭令張家川已撫回民李得昌分別收輯以孤賊勢金積堡合圍以後逆情已日形窮蹙著左宗棠嚴飭劉錦棠黃鼎等進將馬家灘剋期攻拔以便各軍節節掃蕩會攻王洪堡以圖金積老巢為掃穴擒渠之計至投出回匪絡繹不絕回目馬壽清亦率眷投營左宗棠已飭安插

平涼惟該回眾是否真心反正尙未可知左宗棠務當隨時察看加意防維毋爲該回眾所給前甯夏縣知縣彭慶章甘心從逆爲馬化澂謀主現仍投入金運昌營著左宗棠卽飭將彭慶章解赴平涼嚴行訊辦毋稍寬縱將此由六百里各諭令知之欽此

請將陝西補用道李耀南革職片

再二品頂帶按察使銜陝西補用道李耀南由臣軍積功得保今職前年臣由直東還陝李耀南自浙航海赴營投效令管帶輔營防剿安定會甯一帶初時尙

續編卷三十四

六

知奮勉近則漸形驕恣不遵調度以會甯安定購運軍糧維艱輒就馬營監駐營置會甯安定不顧致兩縣零騎縱橫居民屢遭劫殺遇有別軍剿賊過境則隨同打仗藉以居功至附近地方有警雖賊數無多該營亦時存觀望不肯獨進秦州解蘭垣軍餉陸續至馬營監積成巨款臣飭該營護運延月餘始敢就道其畏葸不顧大局類此臣以軍餉苦絀令各統領營官於每月薪水辦公銀兩照勇餉勻支勇餉截至何日則薪水辦公亦截至何日不許透支以失軍心而李耀南性喜揮霍

兼廣交結計一年有餘匯寄之銀已數千兩皆確鑿有據其鄙詐不恤時艱類此臣不敢稍涉徇隱謹據建糾參應請

旨將二品頂戴按察使銜陝西補用道李耀南革職永不敘用並不准投效軍營以昭儆戒是否有當伏乞

聖鑒訓示施行謹

奏同治九年十一月十一日

同治九年十一月十九日內閣奉

上諭左宗棠奏請將不遵調度之道員革職等語二品

續編卷三十四

七

頂戴按察使銜陝西補用道李耀南防剿會甯安定時輒以糧運維艱就馬營監駐營置兩縣於不顧以致居民屢遭劫殺左宗棠飭令該員護運軍餉又復任意遷延并性喜揮霍廣結交遊實屬任性妄爲不知檢束李耀南著卽革職永不敘用并不准投效軍營以昭儆戒該部知道欽此

平燬馬家灘堡王洪堡陝回就撫馬化澂就擒摺
奏為馬家灘堡王洪堡次第平燬陝回就撫首逆馬化
澂就擒現在籌辦情形恭摺馳陳仰祈

聖鑒事竊北路中路諸軍會攻馬家河灘所餘兩堡晝
夜更番猛撲及撫定回目軍功劉秉信救出難回數百
名口回目馬壽清挈督投出各情形已於十一月十一
日馳報馬家河灘之賊經各軍更番痛勦死傷山積劉
錦棠等復增築礮臺逼之賊於堡內穴地而出夜襲礮
臺又經提督蕭章開何作霖徐占彪等殲之臺下堡賊

續編卷三十四

八

窘急乞降然合其繳械毀堡則仍疑懼不決閏十月二
十二日據劉秉信引出之賊供稱陝回飢困日甚羣思
冒險竄遁見官軍方聚攻馬家河灘金積東北壕牆之
守必虛圖於夜間猛撲突圍而出劉錦棠黃鼎雷正綰
金運昌徐文秀等會商初更抽隊潛伏牆內靜以待之
夜半月上賊二三千由堡根潛趨東北直抵壕邊見牆
上更鼓稀疏人語靜悄乃越壕攀堞而上官軍鎗礮齊
施開壁縱擊斃賊無數賊敗歸巢黃鼎雷正綰徐文秀
等復截之半途計共斬賊近千名生擒二十餘名訊稱

陝回馬大司已陣斃馬化澂之死黨譚生成受鎗子傷
甚重劉錦棠旋於金積東門外搶築兩壘併築礮臺俯
瞰賊巢黃鼎復擬抽隊逼紫西門賊益恟懼不知所為
嗣是堡內堡外老弱婦女日詣劉秉信所駐壕外號呼
救命慘不忍聞詢知賊中惟馬化澂親屬及其死黨尙
有存糧陝回之能戰及堡賊之守堞者日給糧一斤近
亦漸滅此外皆以黍蕪草根雜牛皮死屍為食首逆陳
林情急因劉秉信求降於官軍劉錦棠黃鼎雷正綰徐
文秀姑漫應之十一月初十日陳林聞與春于兆林馬

續編卷三十四

九

振江金明堂馬化鳳黑清全等挈老弱婦女八千餘赴
黃鼎雷正綰營外長壕跪求收撫自言易子析骸逃生
無處之慘聲淚俱下且言官軍如准收撫餘眾該頭目
等死亦心甘劉錦棠黃鼎雷正綰徐文秀等數其罪孽
令悉數呈繳馬械聽候轉稟撥其男丁分起安真各營
婦女則安真外壕之外給以賑糧聽候安插馬化澂見
官軍已撫陳林等遂求陳林轉稟願撥馬家河灘糧三
百名給壕外婦女求撤馬家河灘之圍劉錦棠等許之
責合速繳馬械即日自平堡牆聽合比因收繳馬械入

堡檢視見堡內之馬已悉數竊斃殘賊穴地而居以死
馬雜衣被毡絮器物填塞轟塌各口遮抵鎗礮堡賊四
五千存者不過千餘精壯者不過數百然皆身無完膚
也仍令暫居故處十五日馬化濬復求陳林轉稟請平
王洪堡堡日王洪前已伏誅回民馬三仲王朋等自毀
其堡以堡眾降劉錦棠收其馬械亦令仍居故處馬化
濬料就撫之必可無他也十六日親身赴劉錦棠營壕
外伏地叩頭合隨行一人踰橋遞呈具言罪民所犯情
罪自知不赦叩懇施恩如蒙念族眾無辜者多轉稟曲

續編卷三十四

十

宥僅以罪民一人抵罪死無所憾劉錦棠合開壁納之
一面馳告雷正綰黃鼎金運昌徐文秀王衍慶等會商
所以慮之者諸將士怒其久抗顏行羣思縛而磔之以
報私仇而雷公憤雷正綰黃鼎懋諭再三定議飛稟請
示劉錦棠即真馬化濬於幕旁派弁監護之一面飭馬
化濬速繳鎗礮器械丁壯不許持寸鐵自平堡寨牆垣
地上不許留坯土開造戶口名冊候示遵辦二十一日
臣接來牘再四籌維西陲之不靖於今九年關隴諸回
率視金積為嚮背其狡謀兇焰實異尋常馬化濬非窮

暨至極必不輕冒鋒鏑以求生今既隻身來投並非誘
致則操縱在我因而誅之不可謂武且馬化濬乞撫之
詞顯欲一身塞咎市德諸回為要結人心之計因而誅
之亦且墮其術中比即於來牘批示令馬化濬本堡馬
械繳盡牆垣毀盡後接辦河西王家墮通昌通貴各堡
撫局再辦河州西甯撫局如皆盡繳馬械盡平堡寨撫
局有成再當具奏請

續編卷三十四

七

冊聽候安插余彥祿前此帶傷未死驗視兩頰洞穿舌
爛音澀亦垂斃矣統計陝回男婦大小共一萬一千有
奇老弱婦女近九千名除馬長順一股數十名因其眷
口為宋軍俘獲現尚留昌貴二堡尋覓眷口外餘均分
三起解赴平涼聽候安插自此甯靈一帶無陝回蹤跡
矣臣前於平涼縣大岔溝那家溝北原安插陝回戶口
數千給以賑種其餘荒絕地畝雖多然不成片段又平
涼係入甘肅大道居關隴之中北達甯夏南通秦鳳東
連涇原邠甯西趨金城湟中形勢最要不宜多居種人

勘得平涼華亭交界之化平川寬六七里長三十餘里
窟洞三百餘兼有破屋土沃水甘人跡斷絕可安插萬
餘丁口近挑已撫回民稍壯者百名裹糧前往稍加修
葺俟各起回民解到即量地居之給以賑糧種子牛騾
農器督其耕墾所有建置經界規制禁令容臣就近察
辦隨時陳奏其金積堡繳到馬械尙未據劉錦棠等冊
報前來堡樓垛口均已平毀惟聞堡身堅厚異常兼值
冰凝土凍程功未能迅速其散遣安插遷徙善後各事
宜雖皆預定規模而先後緩急之間審幾致決未可稍

續編卷三十四

三

涉疏畧臣軍總理營務布政使銜已革山西按察使陳
湜膽智夙優兼有閱歷一切機要臣與密商均能體會
臣已委其前赴金積堡會同劉錦棠黃鼎等妥為籌策
以冀萬全所有此次在事統將員弁兵勇血戰頻年艱
險備臻忠勇彌著卒能掃穴擒渠銷除異患勞烈未可
掩抑應俟大局底定再由臣秉公據實隨摺馳陳願懇
天恩破格獎敘以明激勸惟陳湜處分尙未開復茲派
赴金積會同籌辦機要諸務責任匪輕該員到營以後
已著戰功應請

旨先開復原品翎頂以肅觀瞻合併陳明伏乞

皇太后

皇上聖鑒訓示施行謹

奏同治九年十二月十一日

密陳馬化澂暫緩伏誅情形片

再關隴安危機括在金積金積克全局已在掌中現在
首逆就擒勒其繳械平堡而官軍鎖圍如故臣且時時
申儆嚴禁擾掠嚴防鬆懈者慮其因勝而驕功敗垂成
也馬化澂稔惡三世謀逆已久蓄機甚深縱有後效不

續編卷三十四

三

敵前是暫若從寬必滋後患臣早知為
國家必討之賊而此時議暫緩其誅者王家驢堡牆高
厚存糧極多非猛攻所可驟得金積既克其勢已孤以
馬化澂徇之宜可速下若先誅馬化澂回酋或懷疑懼
必滿戎機王家驢一下通昌通貴自更無難料理至河
州賊首馬占鰲早有就撫之意西甯賊首馬尒三自援
金積敗歸後已畧識兵威無能為患尙非所急耳大約
金積堡城平毀後宜先圍王家驢王家驢撫定後馬化
澂及其父子兄弟親屬夥黨重者誅夷輕者遷徙乃收

全功至馬化將所以公爲戎首者以新教惑眾斂錢以貿易經營致富又據金積堡膏腴之地侵占漢民產業富甲一方故蘊利生孽也臣現飭諸統領俟平毀堡城後凡馬化澂父子兄弟親屬財產均勒令悉數充公以之頒賞將士賑撫地方庶幾天理得人心順而

國法亦伸矣又聞該逆於北省各口開設店舖分布夥友領本營運籍以探聽衙門消息交結回民洋商尤爲可駭臣自燕齊返旆而西張曜自豫入晉各省回商皆馳報陝回金積堡此其明徵臣擬俟諸務就緒後次第

續編卷三十四

齒

奏明辦理惟事機秘密未可輕露端倪而局外不悉此間情形若不預爲陳明必且憑空揣摩徒滋議論此任事之難也謹據實密陳

伏乞

聖鑒訓示施行謹

奏同治九年十二月十一日

范銘部眾潰變辦理情形摺

奏爲總兵范銘部眾挑選成營後餘眾潰變現在辦理情形恭摺陳仰祈

聖鑒事竊總兵范銘所部多係河州狄道士著民人回

亂以來流徙洮岷一帶歸總兵范銘統領甘肅所稱黑頭勇者也成軍之初既未釐定營制又未限以額數不但老弱羸雜其間婦女親屬亦隨同聚處一人充當勇丁一戶卽藉以坐食始而派捐繼而撥索民間不勝其擾而該軍勇丁仍苦一飽無時臣入關之初聞其能戰而騷擾特甚竊計不過與粵東惠潮勇丁習氣相同初不料其似此之甚也上年冬間范銘赴臣營求餉臣面詢情形深用詫異夫餉以養兵賑以救荒兩者本不相

續編卷三十四

圭

涉今藉餉以養災民并次民以充兵勇何以收餉節兵精之效况甘餉艱絀已極兵勇宜減不宜增賑務不可爲常百姓宜歸隴畝萬無依傍營壘長爲乞丐之理當以此意諭知范銘令其速歸整頓挑選丁壯編成五百人一營約以數營爲度其餘則令安插墾荒由官給與賑糧籽種以規久遠時周開錫甫到臣營臣卽令向范銘詳爲開導酌給餉銀令其遵照辦理詎范銘爲所部盡惑遲疑不決周開錫自抵甘南范銘迄不將該軍確數告知本年五月范銘所部守備何建威始於該軍內

分出步隊五營馬隊一旗請周開錫點驗周開錫立為
建字營隨同涼州鎮總兵傅先宗收復渭源狄道出力
已隨摺請保何建威以遊擊補用以示優異冀范銘
之有所觀感也旋據范銘稟知周開錫尚有正勇八營
餘眾九營由岷州移紮南關坪每月按八營索取鹽菜
按十七營支取口糧周開錫以狄道迤東一帶空虛令
將餘眾分紮范銘遠不遵照分紮又因其浮冒口糧令
造冊點驗亦不遵照造冊點驗周開錫乃歷數其延
悞違抗諸事責之范銘始親赴鞏昌周開錫行營謝罪

續編卷三十四

六

並請以餘眾三營赴渭源聽點後又以各營官不願分
營為詞迄不遵照該軍營務處都司王勇甚不義范銘
所為獨率七百人至渭源受約束周開錫點驗後仍令
其赴南關坪盡將該軍所有餘眾調赴鞏昌立臨洮軍
平西五營並檄范銘專帶該軍正勇八營以分其勢王
勇至南關坪范銘不欲其餘眾隸之喉正勇各營與之
列械私鬪王勇率餘眾二千餘還渭源後范銘竟與其
正勇八營走官堡秀石關潰走岷州旋據署岷州知州
呂恕稟范銘到岷州後不知潛匿何處而其弟范銘及

匪黨尤芝政土匪案內漏網餘匪安桐貞常德釐王玉
麟胡玉升等代領其眾復由岷州東出潰走焚掠村堡
裏會日眾周開錫合提督楊世俊張仲春率馬步各營
討之十一月初五日楊世俊率隊由禮縣出石礪紅崖
子遇潰卒於梁家寨奮衝殺擒斬三四百名拔出被
裹難民千餘追殺二十餘里奪回被陷民堡十餘所初
六日乘勝躡追三十餘里沿途斬馘百餘名初八日楊
世俊張仲春合隊追剿初九日及於白家關而周開錫
續派親兵營亦至接仗獲勝擒斬二百餘名十一日追

續編卷三十四

七

至岷屬苟家園潰卒一面乞撫一面列隊扼紮官軍因
奔馳累日未與交鋒十二日黎明潰卒分兩大枝馬步
約六七千人踰嶺而來勢甚囂雜楊世俊等嚴陣待之
俟其氣稍衰馬步猛出奮擊酣戰兩時陣斬計七八百
潰卒大敗沿途追斬五六百名解散脅從數百名勇丁
傷亡八十餘名據生擒潰卒俱稱范銘避匿土司楊元
地境叛弁安桐貞已於初五日之戰殲傷左膝矣訛畢
斬之潰卒敗竄岷州楊世俊等由禮縣拔營追之因糧
運不繼停待數日十九日抵岷州逼城而壘潰卒固置

不出二十一夜楊世俊張仲春等督隊攻城火器環施將士更番迭進前者顛墜而下後者猱騰而上斃賊雖多而攻守勢殊卒未得手宗岳營官管春林陣亡幫辦哨弁勇丁亡傷者約三百餘名楊世俊肩臂均帶石傷幸不甚重天明仍收隊回營時前臺灣鎮總兵劉明燈率所部一營及親兵四哨奉臣檄馳往會剿甫抵禮縣周開錫聞楊世俊攻城未下傷亡頗多即率駐鞏之安營宗岳仁營八成隊會傅先宗之馬隊由漳縣取道石關出梅川赴岷并檄劉明燈由禮縣會師前進其赦

續編卷三十四

六

天印王得勝梅開泰等亦以從前太子寺之役范銘一軍首先潰退致掣大局此次該軍復敢違令潰走咸懷不平請先討之以靖內患周開錫以范銘所部如何建威王勇等十餘營自分撥成營後皆能殺賊立功是其軍將士未嘗不可用也范銘棄軍走匿其下潰變或非其意所及惟尤芝政安桐貞輩挾制范銘迫脅勇丁情罪兇悖法在不赦應剿撫兼施迅圖蕙事現尙未接其續報此南路官軍截剿潰卒四次獲勝一次攻城小挫現在辦理之實在情形也臣維隴事之壞在於從前倘

事艱絀異常募勇徵兵日增一日不能立營制定餉章惟倖目前無事是非之不明威令之不行也久矣故逆回而外土匪橫行潰軍迭起今欲轉弱爲強去冗雜而求精實開辦之始成效未著議論必多然臣不敢因此而有所撓惟當慎以圖之謹據實陳明伏乞

皇太后

皇上聖鑒訓示施行謹

奏 同治九年十二月十一日

丁賢發被回目馬添發等刺斃情形片

續編卷三十四

九

再記名提督丁賢發督帶宣威軍駐紮靈州屬之韋州堡紀律不嚴弁勇時多滋擾屢經嚴檄申飭並以危詞儆之該提督所部本多江淮降人勇於戰鬪而習氣已深丁賢發恃勇而輕不加鈐束九月初間丁賢發帶隨身小隊赴預望城因催辦運糧驟與預望城回目馬添發爭辯盛詞詬責正紛喧間馬添發喉所管回眾與所部小隊搏鬪丁賢發拔刀而前斫傷數人觀者蜂起登將丁賢發刺斃而隨行之副將楊正華守備周炳南黃占標等亦以趨救丁賢發均受重創畢命先是萌

城回目馬柏森經臣委帶旌善營馬隊駐預望城歸提督周紹濂統領當馬添發等與丁賢發鬪殺時馬柏森倉卒馳往彈壓事已無及而所部馬勇楊進海白有義楊進科楊春壯關漢英丁明有等又均馬添發親友及其舊管回民馬柏森無如之何旋帶其親信馬勇數名逸出馬添發既害丁賢發等欲勾馬柏森同變並戕其幕友典史黃元芳附生馬獻瑞以脅之而東山一帶零回多聞風響應臣據馬柏森及統領楚軍中路提督周紹濂統領奇營副四旗馬隊提督張會元等稟報前來

續編卷三十四

三

當經飭令周紹濂差弁赴預望城相機察辦檄令張會元暫行接統宣威軍並派副將李瑞林前往清點歸併為之管帶又諭令馬柏森迅速設法縛馬添發楊進海等以獻維時東山各回有圖逼馬柏森以助逆者有假旌善營號衣以劫擾糧道者適陝回丁步月等由金積南竄亦思踞預望為巢穴馬柏森所部馬勇馬彥龍等亦多被勾煽馬柏森潛告周紹濂預為之備一面收集部眾計擒馬添發等解交周紹濂並斬羅山郭家窰匪黨數十名捕獲譚家堡逆目譚生邦及馬忠海死黨丁

發回馬三保等解周紹濂營及臣營訊實斬決將丁賢萬等屍骸禮殯送至韋州而兩月以來固原以北運道仍臻安謐矣臣維提督丁賢發因催辦驟過於苛急激成此變自可毋庸議卹至副將楊正華守備周炳南黃占標千總陳勝甲把總張世發李全忠劉學明典史黃元芳生員馬獻瑞等倉卒遇難情實可憫合無仰懇天恩飭部議給卹典以慰幽魂都司銜馬柏森帶勇駐紮預望城於丁賢發等之死救援不及而罪人既獲正刑誅叛卒亦均就殲滅功過尙足相抵應免置議是否

續編卷三十四

三

如斯謹附片

具陳伏乞

聖鑒訓示謹

奏 同治九年十二月十一日

軍機大臣 字寄同治九年十二月十八日奉

上諭左宗棠奏馬家灘等堡平燬陝回就撫馬化澂就擒范銘部眾潰變辦理情形丁賢發激變被害各情片覽奏均悉昨據李鶴年等奏有馬化澂自轉投誠之說當諭左宗棠察度賊情不可為該逆所給現在馬化澂

遞呈乞撫懇求出宥族衆僅以一人抵罪該大臣擬令馬化澂將本堡馬械呈繳牆垣平燬後接辦河西王家曠等堡撫局再辦河州西甯撫局軍情旦夕變遷朝廷亦不爲遙制惟馬化澂兇狡異常萬一收撫後又生反側竄入西路歸併河州賊黨逆燄復張彼時墮其術中不但追悔無及且恐大局愈難收拾左宗棠務當通盤籌畫持重以圖不可稍涉疏虞貽後日無窮之患其收撫之陳林等并著妥爲安插毋令再滋事端所有在事出力之員弁兵勇著該大臣於事竣後奏請獎勵至陳

續編卷三十四

三

湜一員到營未久此次金積堡將士尙未請獎若將陳湜先行開復殊不足以昭公允著俟續有勞績再行保奏總兵范銘違令潰走其弟范銘及匪黨尤芝政等輒敢裹脅叛衆在岷州一帶焚掠雖經楊世俊等追斬多名而匪黨仍踞岷州著卽飭令周開錫等添派兵勇合力攻剿迅圖蕩事并著確查范銘避匿何處嚴拏懲辦其何建威等營仍當妥爲鈴束免滋他變提督丁賢發因催辦馱騾激變被戕罪犯馬添發等業經解營訊明正法駐紮預望城之馬柏森於丁賢發等之死難救援

不念惟罪犯均就殲滅功過尙足相抵著免置議其倉卒遇難之副將楊正華守備周炳南黃占標千總陳騰甲把總張世發李全忠劉學明典史黃元芳生員馬獻瑞殊堪憫惻均著交部議卹金積堡馬械繳清堡寨平毀降衆如何安插該大臣應進紮何處次第掃蕩均著妥籌具奏南路各軍該大臣倚周開錫調度一切務飭持平妥辦勿任激生事端密片一件留中將此由六百里諭令知之欽此

魏紹珍等倡率開餉立予正法片

續編卷三十四

三

再據總統甘南諸軍道員周開錫稟據統領威親兵馬步等軍涼州鎮總兵傅先宗咨稱該軍親兵右營於去冬周開錫委員點驗時卽噪索舊餉本年五月進規狄道右營營官已保總兵魏紹珍又倡率各營索取滿餉至八月間竟敢盡惑各營圍逼傅先宗營盤肆行噪索傅先宗因該員勇丁多係降衆其中又多哥老會匪魏紹珍卽其渠魁若不嚴辦必成巨患遂請周開錫調該營赴鞏昌一面將開餉勇丁三十五名立斬以徇營官魏紹珍親兵哨長陶榮貴均押交鞏昌府收管稟

請核辦前來查甘南各軍臣於去歲飭周開錫點驗裁
併後除照章月給鹽菜銀兩並籌給一月滿餉以示體
恤本年五月端節擬籌發一月滿餉嗣因餉項奇絀僅
發給蘭垣各軍而臣所部及甘南各軍均未能發乃該
右營營官總兵魏紹珍親兵哨長花翎守備銜千總陶
榮貴膽敢倡首滋鬧始索欠餉繼索滿餉並敢圍逼該
統領營盤希圖挾制殊屬可惡臣比飭周開錫恭請
王命將魏紹珍陶榮貴一併監提斬首軍前以肅軍令
其右哨哨長張玉成雖訊無縱勇滋鬧情事於傅先宗

續編卷三十四 三

查辦之時潛縱滋事勇丁數名逃走追緝未獲應請
旨將花翎儘先守備張玉成革職仍由臣飭傅先宗確
查該革弁有無別項惡蹟另行核辦傅先宗雖濫用匪
人充當營官咎有應得然於此事辦理周妥不致釀成
異變尙屬能事應免置議再統帶安字軍署甘肅蘭州
道蔣凝學稟稱所部安軍哨長花翎儘先副將礮伯營
都司袁維翰打仗尙稱奮勇本年二月蔣凝學查獲哥
老會匪蕭念武研訊供出袁維翰係會中頭目當即撤
去哨長押候察辦詎袁維翰潛蓄異志糾眾謀殺蔣凝

學提訊袁維翰公然直認不諱因其黨羽甚眾遲恐生
變即稟商前督督臣穆圖善將袁維翰斬首梟示軍情
帖然相應請

旨飭部將礮伯營都司一缺揀員補補以免虛曠理合
附片具陳伏乞

聖鑒施行謹

奏 同治九年十二月十一日

痛剿河州竄賊陣斬巨逆片

再前十月間金積陝回餘黨會合河州援賊竄擾甘南

續編卷三十四 三

時總統南路諸軍道員周開錫由鞏郡東赴伏羌就近
調度預傳鞏西各營嚴防河逆乘虛竄擾旋調知河州
逆回馬步二千餘果渡洮東竄周開錫飛飭各營禦之
十八日都司王勇徐承霖等率所部平西各營遇賊六
七百名於鞏西三河口地方接戰獲勝斬賊二三百名
誅之生賊知此股逆目爲河州下十會之馬悟真是日
提督王銘忠總兵敖天印副將張廷秀李文彪等各率
所部護運大批糧料行抵狄東四十里鋪突遇騎賊百
餘步賊千餘馳來王銘忠等分起一面護糧一面迎擊

鏖戰一時斃賊數百賊竄狄城北濠通河州鎮總兵王
得勝提督張明富梅開泰等率隊由南馳來傅先宗何
建威率隊亦至各軍會合四面來攻賊遂大敗何建威
手擒馬悟真斬之餘賊并無漏網奪獲軍械馬匹甚多
通計我軍傷亡弁丁二百餘名所有鞏西各軍痛勦河
州竄賊陣斬巨逆情形理合附陳伏乞

聖鑒謹

奏同治九年十二月十一日

續編卷三十四

美

恪靖奏稿續編卷三十五目錄

金積各巢平毀首要各逆伏誅宵靈肅清摺

陳澍請開復原官原銜片

安插就撫陝回請增設平涼通判都司摺

招回王曠助逆悍黨何生洲及河回乞撫情形片

擊獲東西兩山首逆各逆片

訊明彭慶章正法片

黃萬發焚搶中衛擊獲正法片

續編卷三十五目錄

軍機大臣 字寄同治十年正月初二日奉

上諭定安金順奏攻克王瞳賊巢殲除首逆一摺另片奏請將前陣亡總兵賈蕙山等優卹建祠等語河西王瞳賊巢堅賊悍經金順會同張曜督飭將士奮勇進攻疊敗援賊茲復於上年十二月十三日攻克堅巢先後殲斃逆首多名悍賊八九千於天寒餉絀之時建此偉績甚屬可嘉已明降諭旨將金順張曜分別加恩并將出力陣亡各員弁照所請獎卹矣王瞳已下其河西附近各堡自應乘勝進攻著金順會商張曜分軍扼紮

續編卷三五

一

要隘一面調治受傷士卒整理器械先行籌辦東北各堡節節掃蕩至通昌通貫各堡前據左宗棠奏馬化澗投降後籌辦撫局並著金順隨時咨商左宗棠如該堡回眾陽奉陰違仍著該署將軍督兵進剿勿稍遲回致墮奸計現在甯靈一帶已無陝回踪跡所有招集流亡撫循瘡痍一切善後事宜必須實心任事之員認真經理甯夏道府州縣各官能否勝任著左宗棠隨時訪察並遴賢能守令將地方應辦事務悉心籌畫止分良莠不問漢回務令彼此相安勿任尋仇啟衅左宗棠前奏

余彥祿一股已繳械投誠余彥祿亦受傷垂斃並著左宗棠飭令劉錦棠等妥籌安插勿令餘燼復燃余彥祿刻下究在何處著即查明具奏甘省北路軍務得手恐敗逃餘匪乘隙四竄甘涼或北出邊外著左宗棠穆圖善派兵分投截剿並著定安督飭纏金磴口各軍嚴密偵探遇賊即擊參穆鬆勁將此田六百里各諭令知之欽此

續編卷三五

二

金積各巢平毀首要各逆伏誅宵靈肅清摺

奏為金積各巢概行平毀馬械概行繳撥首要各逆概行誅夷餘眾分別遷徙安插宵靈肅清恭摺仰祈聖鑒事竊陝回就撫首逆馬化澂就擒辦理情形臣崇崇於上年臘月十一日拜摺後即委總理營務處前山西按察使陳湜馳赴金積堡會商各軍統領分別次第慎密籌維期於周妥維時據劉錦棠稟稱堡墻冰凝如鐵該堡回民掘毀一面勒催逆弟馬九逆子馬耀邦及逆黨譚生成等搜繳馬械旋據劉錦棠黃鼎雷正綰等

續編卷三五

三

續報馬化澂遣人招撫河西王家疇逆賊並召回前遣助逆之河生洲等三百四十餘人歸金積堡就撫馬耀邦等呈繳車輪大銅礮四尊九節礮礮四尊威遠礮二十八尊劈山礮二十尊烏鎗一千零三十桿抬鎗二百九十三桿刀矛二千四百十八件洋鎗一百八十桿火藥五簍鉛子七百斤硫磺二百九十斤臣崇崇知其隱藏尚多終為後患密飭各統領將堡回勒限遷徙以便清查堡逆分別首從辦理以杜後患劉錦棠黃鼎雷正綰徐文秀等會商陳湜於陝回悉數起解後首逆馬

邦馬九等將堡眾挑選精壯者千名馬家灘挑選精壯者四百名王洪堡挑選精壯者百餘名及河生洲夥黨三百餘名名為義勇真之外涼空堡中分交官軍就近鈴制次清點堡中貿易僑寓及被擄被脅各甘回造具戶口名冊聽候遣散遷移安插次搜捕通匪文武員弁一面勒令馬化澂馬耀邦馬九盡繳鎗械馬匹旋據繳到馬四十三匹據供近因官軍圍逼草料早乏牲畜餓斃淨盡除前繳馬五百匹續繳四十餘匹外實無存留洋鎗軍火實無藏匿如經搜獲心甘坐罪並取具切結

續編卷三五

四

適助掘堡精勇丁於堡根掘獲洋鎗二百餘桿旋於堡內又掘出洋鎗一千零數十桿陳湜劉錦棠黃鼎雷正綰徐文秀金運昌會商請務均輕料理就緒各堡回民漸釋驚疑乃遷王洪堡回眾於靈州城附近地方安插遷馬家河灘回眾於張家圈安插正月初七八等日乃遷馬化澂父子兄弟及各親屬眷口於涼外各匪堡中初十一等日提馬化澂張耀邦馬九譚生成等分別熬訊有無藏匿軍械及北口開設舖店交通洋人情事馬化澂盡諉其子馬耀邦比晝夜熬訊馬耀邦復茹刑

之甘回詰以既具結軍械並無隱匿存留何以官軍復掘出洋鎗洋礮至千二百餘桿之多無詞抵飾分分撥校猾兇頑始終叵測如此十二日劉錦棠提馬化澂徐文秀提馬耀邦馬中邦馬參三犯黃鼎提馬成澂馬恒邦馬定邦馬建邦馬正邦飛飛子六犯雷正紹提譚生成父子三犯金運昌提馬九一犯同時凌遲處死其分置各廢堡之悍黨及逆黨何生洲部眾一千八百餘名內統領參領佐領先行等偽官王六馬喜等八十餘名概與駢誅無一漏網其貿易僑寓之客民及被擄被脅

續編卷三五

五

不吐回三千餘名口解赴平涼安插金積堡老弱婦女一萬二千餘名口解赴固原州附城數十里地賊情之荒地安插其賊巢保生堡偽號王城僭稱東府西府一切違制器具什物儀仗概予銷毀仍留房屋為將來建置文武衙署兵房及死事諸臣祠廟之用於是元惡悍賊殲滅無餘而罪不至死者亦無稍寬濫矣該逆陸續呈繳金銀銅錢三項共合銀十九萬兩有奇除分賞前敵馬步七十一營每營二千兩老湘一軍在事最久出力最多酌量加給外餘銀提為遷居靈州張家園之王

洪堡馬家河灘各回民購辦賑糧及水八堡修復渠工中衛採買麥種之用察看情形邊患全銷地方安謐人心稱快

天討亦申非仰懇

宸謨獨運

訓飭周詳樞部諸臣籌畫餉需乘東南底定全力注之何以及此至辦此賊與辦髮賊捻匪機局不同方略亦異如湘軍之由晉入秦先平土匪繼穿重險千餘里堅堡數百座奪踞要隘擊退西甯河州援賊運擄老巢中

續編卷三五

六

路諸軍之徑趨峽口不顧餉道不顧後路皆犯兵家之忌將領士卒半帶重傷而戰無虛日氣不少衰卒能履險如夷平茲積年巨患其功固偉其勞苦尤為可矜台無仰懇

天恩破格優獎以昭激勸三品卿銜布政使銜即選道法福凌阿巴圖魯劉錦棠自接統老湘馬步全軍以來和輯將士恪遵紀律謀而能斷慮以下人其臨陣身先士卒英銳絕倫實統將中不可多得之才應請旨逾格錄用並

賞穿黃馬褂統領蜀軍二品頂帶存記錄用陝西陝安道呼敦巴圖魯黃鼎籌畫精詳臨陣整暇扼賊要津連克堅堡洵屬謀勇兼資應請

賞穿黃馬褂陝西提督

賞穿黃馬褂革職留任達春巴圖魯雷正綰膽力堅定能得士心臨陣勇敢不辭勞瘁應請

旨開復革職留任處分並照一等軍功例從優議敘記名提督銜額巴圖魯金運昌心地樸誠近尤英銳異常不避艱險應請

續編卷三十五

七

賞穿黃馬褂提督銜廣東高州鎮總兵達春巴圖魯徐文秀胆識兼優英銳出眾所部礮隊最為得力應請

旨開高州鎮缺以提督過缺題奏記名提督猛勇巴圖魯王衍慶模實勇往攻堅出力應請

賞換清字巴圖魯名號頭品頂戴記名提督江蘇蘇松鎮總兵

賞穿黃馬褂法福凌阿巴圖魯章人合才頭品頂戴記名提督

賞穿黃馬褂達桑阿巴圖魯何作霖頭品戴記名提督

賞穿黃馬褂綢武巴圖魯蕭章開以上三員均係湘軍分統在事最久勞績卓著原稟請保世職等以世職未敢妄擬應候

聖裁頭品頂戴記名提督

賞穿黃馬褂博奇巴圖魯陶定昇頭品頂戴記名提督呼敦巴圖魯

賞穿黃馬褂李雲貴以上二員均係湘軍營官之最為出力者原稟請保世職等以世職未敢妄擬應候

聖裁頭品頂戴記名提督倭什洪額巴圖魯熊有常頭

續編卷三十五

八

品頂戴記名提督綢武巴圖魯喻執益頭品頂戴記名

提督請換清字勇號曾松明頭品頂戴記名提督穆精阿巴圖魯王承贊頭品頂戴記名提督請換清字勇號

尹興茂頭品頂戴記名提督剛安巴圖魯周雲祥頭品頂戴記名提督請換清字勇號席大成以上七員均係

湘軍營官之出力者原稟請保世職未敢妄擬應候

聖裁記名提督請換清字勇號曹義勝記名提督請換清字勇號湯彥和記名提督請換清字勇號孫桂亭記

名提督請換清字勇號朱德開記名提督請換清字勇

號鄧光發記名提督請換清字勇號譚和義記名提督請換清字勇號羅照陞以上七員攻剿奮勉應請

賞給頭品頂戴記名提督閻勇巴圖魯彭煥彰記名提督勗勇巴圖魯會萬友記名提督爽勇巴圖魯王福田

記名提督驃勇巴圖魯金德恒提督銜總兵傑勇巴圖魯張春發以上五員均請

賞換清字勇號記名提督舒雲翼記名提督謝明月記名提督謝壽松總兵銜儘先補用副將語慎典以上四員均請

續編卷三五 九

續編卷三五 九

賞給清字勇號記名提督請換清字勇號李其森舒永勝以上二員均請

旨交部准照一等軍功例從優議敘記名提督清換清字勇號蕭元亨記名提督請換清字勇號陳啟明記名提督請換清字勇號李勝本提督銜記名總兵請換清字勇號張拔萃以上四員請

賞給三代正一品封典提督銜記名總兵何明海請旨記名以提督遇缺題奏儘先推補副將郭宗儀請

旨記名以總兵遇缺題奏副將銜安徽儘先補用參將

陳宗蕃請以副將仍留安徽儘先補用並

賞加總兵銜參將銜補用遊擊陶鼎金請以參將補用並

賞加副將銜都司銜五品軍功董福祥請以都司補用並

賞戴花翎都司銜張俊李雙良均請以都司補用並

賞戴藍翎鹽運使銜分發省分補用知府李樹棠請免補知府以道員分發省分補用都統銜記名副都統蒙古鑾紅旂佐領銜額巴圖魯雙壽銜堅陷陣死屬無前請

賞穿黃馬褂記名副都統拉林正白旂佐領花翎委營總兵長阿請

續編卷三五 十

賞給頭品頂戴吉林烏鎗營鑲黃旂花翎驍騎校儘先協領吳復請

賞換清字勇號花翎儘先副將李廣珠請免補副將以總兵記名遇缺題奏花翎副將銜參將陳天壽請免補參將以副將儘先補用並

賞加總兵銜花翎儘先遊擊趙連科請免補遊擊以參

賞加總兵銜花翎儘先遊擊趙連科請免補遊擊以參

賞加總兵銜花翎儘先遊擊趙連科請免補遊擊以參

賞加總兵銜花翎儘先遊擊趙連科請免補遊擊以參

賞加總兵銜花翎儘先遊擊趙連科請免補遊擊以參

賞加總兵銜花翎儘先遊擊趙連科請免補遊擊以參

賞加總兵銜花翎儘先遊擊趙連科請免補遊擊以參

將儘先補用並

賞加副將銜花翎儘先參將郎永清請以副將儘先補用花翎守備胡起雲請以都司儘先補用並

賞加遊擊銜留川補用遊擊鄭朝剛請

賞給勇號儘先提督哈西巴巴圖魯徐占彪驍勇超羣深識戰略數被重創壯懷彌厲請

賞穿黃馬褂升用提督捷勇巴圖魯黃有忠升用提督

效勇巴圖魯劉治均提督銜補用總兵強勇巴圖魯趙

興隆提督銜儘先補用總兵壯勇巴圖魯陳攀仙儘先

續編卷三五

十一

補用總兵詳勇巴圖魯黃虎臣補用總兵楊勇巴圖魯

何玉超以上六員均請

旨記名以提督遇缺題奏並均請

賞換清字勇號提督銜儘先補用總兵呼敦巴圖魯陳

春萬請

旨記名以提督遇缺題奏儘先補用總兵黃祖福請以

提督升用並

賞給勇號補用副將陳登雲補用副將黃得勝均請以

總兵補用並

賞給勇號補用參將龍得勝李登高均請以副將儘先補用並

賞給勇號補用遊擊高青雲儘先補用遊擊李吉安均

請以參將補用並

賞加副將銜花翎都司劉玉同請以遊擊補用並

賞加參將銜擬保花翎守備吳元璋請免補守備以都

司補用並

賞給勇號記名提督紉武巴圖魯玉鳳鳴記名提督霍

隆武巴圖魯方庭芝以上二員臨陣勇敢辦事安詳請

續編卷三五

三

賞穿黃馬褂提督銜記名總兵法克精阿巴圖魯未朝

如提督銜記名總兵武勇巴圖魯張懷玉記名總兵請

換清字勇號王化成以上三員均請以提督遇缺題奏

並

賞加頭品頂戴補用提督請換清字勇號徐名揚記名

提督裴阿巴圖魯隋君廷以上二員均請

賞給頭品頂戴提督銜總兵信勇巴圖魯楊步斗請

賞換清字勇號總兵銜副將精勇巴圖魯韓尙吉總兵

銜副將固勇巴圖魯李華文以上二員請

旨記名以總兵遇缺題奏並請

賞換清字勇號副將銜參將循勇巴圖魯高得勝補用
參將擬請勇號邵升堂均請以總兵補用副將銜參將
悍勇巴圖魯董克亮請以副將儘先補用並

賞加總兵銜副將銜參將擬請勇號郭占元請以副將
補用並

賞加總兵銜遊擊都司龔心明牛允誠均請免補遊擊
以參將補用副將銜遊擊馬心勝儘先補用遊擊邵維
常請以參將補用並

續編卷三五

三

賞加總兵銜總兵銜福建補用副將彭清和請以總兵
留於陝甘補用並請

賞給勇號總兵銜廣東補用副將鄭守南請以總兵留
於陝甘補用並

賞給正二品封典甘肅補用參將陳締高請以副將仍
留原省儘先推補並

賞給勇號副將銜儘先補用參將周玉南請以副將留
於甘肅補用並

賞加總兵銜守備銜藍翎外委季勝忠請以守備儘先

補用並

賞換花翎五品軍功外委楊得高請以守備儘先補用
並

賞戴藍翎福建儘先補用參將鄧增請以副將仍留原
省補用頭品頂戴記名提督剛安巴圖魯陳廣發總兵
銜福建補用副將馮南斌攻克硤口堵禦援賊最為出
力陳廣發請

賞給正一品封典馮南斌請

旨以總兵記名留於甘肅補用並

續編卷三五

四

賞給清字勇號其餘前敵各軍出力員弁及各軍擬保
文員應請策入攻克金積堡案一併保獎以示鼓勵
宗棠病之軀智慮鈍絀一切剿撫機宜次第均密商
督辦甘肅軍務實夏將軍臣穆圖善贊理軍務陝西巡
撫臣蔣志章酌奪辦理幸免疏誤謹合詞恭摺馳報伏
乞

皇太后

皇上聖鑒訓示施行謹

奏 同治十年正月二十五日

陳湜請開復原官原銜片

再已革布政使銜山西按察使著勇巴圖魯陳湜此次委辦金積堡機要各務與諸統將悉心商榷次第籌畫審機致決無濫無縱盡協機宜俾大局速臻安謐實屬勞績卓著應懇

天恩開復原官原銜以示鼓勵謹附片具

奏伏乞

聖鑒訓示施行謹

奏 同治十年正月二十五日

續編卷三五

五

同治十年二月初二日內閣奉

上諭左宗棠等奏平涼金積堡賊巢首要各逆伏誅宵靈肅清出力各員請獎一摺甘肅回逆馬化澂等於同治八年秋間擁眾復叛盤踞靈州所屬金積堡老巢勾結陝甘各回四出竄擾經左宗棠派軍分投截剿節節掃蕩並令道員劉錦棠等巡擣逆巢將附近賊壘攻破四面鎖圍該逆勢窮乞撫勒令平毀堡寨呈繳軍械猶敢遷延觀望並於堡內埋藏洋鎗洋炮一千餘件匿不繳出是其心懷叵測怙惡不悛實屬罪無可逭現經

劉錦棠等將首逆馬化澂父子兄弟及逆黨譚生成概

行正法洵足以伸天討而快人心現在堡寨一律平毀餘眾分別安插其起獲銀十九萬兩零除分賞各軍外著左宗棠將所餘銀兩為遷居靈州之回眾購辦賑糧俾安生業仍督飭各軍將各股回匪次第進剿以期全省廓清陝甘總督一等伯左宗棠運籌決勝調度有方著加恩開復降三級留任處分並加賞一等騎都尉世職甯夏將軍穆圖善陝西巡撫蔣志章協辦防剿均合機宜穆圖善著交部從優議敘蔣志章著交部議敘道

續編卷三五

六

員劉錦棠接統湘軍克平巨寇著加恩賞給雲騎尉世職並賞穿黃馬褂所有尤為出力之道員黃鼎著賞穿黃馬褂提督雷正綰著開復革職留任處分並照一等軍功例從優議敘金運昌著賞穿黃馬褂廣東高州鎮總兵徐文秀著開缺以提督遇缺題奏提督王衍慶著賞換業普肯巴圖魯名號曹義勝等七名著賞給頭品頂戴彭煥章並賞換達桑阿巴圖魯名號曾萬友著賞換學倫巴圖魯名號金德恆著賞換綽勒觀巴圖魯名號總兵張春發著賞換哲爾精阿巴圖魯名號提督舒

雲異著賞換珠爾杭阿巴圖魯名號謝明月著賞換霍勤巴圖魯名號謝壽森著賞換瑚松額巴圖魯名號副將譚慎典著賞換都隆額巴圖魯名號提督李其森等二員均著交部照一等軍功例從優議敘蕭元亨等四員著賞給三代正一品封典總兵何明海著記名以提督遇缺題奏副將郭宗儀著記名以總兵遇缺題奏參將陳宗蕃著以副將仍留安徽儘先補用並賞加總兵銜遊擊陶鼎金著以參將補用並賞加副將銜軍功董福祥著以都司補用並賞戴花翎都司銜張俊等二員

續編卷三五

七

均著以都司補用並賞戴藍翎知府李樹棠著免補知府以道員分發省分補用副都統雙壽著賞穿黃馬褂花良阿著賞給頭品頂戴協領吳俊著賞換希吉爾巴圖魯名號副將李廣珠著免補副將以總兵記名遇缺題奏參將陳天壽著免補參將以副將儘先補用並賞加總兵銜遊擊趙連科著免補遊擊以參將儘先補用並賞加副將銜參將郎永清著以副將儘先補用守備胡起雲著以都司儘先補用並賞加遊擊銜遊擊鄭朝剛著賞給曉勇巴圖魯名號提督徐古彪著賞穿黃

馬褂黃有忠等六員均著記名以提督遇缺題奏黃有忠並賞換阿克敦巴圖魯名號劉治均並賞給吉利杭阿巴圖魯名號趙興隆並賞換阿克丹巴圖魯名號陳攀仙并賞換伯奇巴圖魯名號黃虎臣并賞換西林巴圖魯名號何玉超並賞換霍罪彥巴圖魯名號總兵陳春萬著記名以提督遇缺題奏黃祖福著以提督升用并賞給撲勇巴圖魯名號陳登雲等二員均著以總兵升用陳登雲並賞給建勇巴圖魯名號黃得勝並賞給鼓勇巴圖魯名號參將龍得勝李登高均著以副將儘

續編卷三五

六

先補用龍得勝並賞給迅勇巴圖魯名號李登高并賞給質勇巴圖魯名號高青雲等二員均著以參將補用並賞加副將銜都司劉玉同著以遊擊補用並賞加參將銜擬保守備吳元璋著免補守備以都司補用並賞給壯勇巴圖魯名號提督王鳳鳴方庭芝均著賞穿黃馬褂總兵宋朝如等三員均著以提督遇缺題奏並賞給頭品頂戴提督徐名揚等二員均著賞給頭品頂戴總兵楊步斗著賞換伊勒達蒙額巴圖魯名號副將韓尚吉李華文均著記名以總兵遇缺題奏韓尚吉並賞

換斐凌阿巴圖魯名號李華文並賞換烏能依巴圖魯名號參將高得勝等二員均著以總兵補用董克亮等二員均著以副將補用並賞加總兵銜都司龔心明等二員均著免補遊擊以參將補用遊擊馬心勝等二員均著以參將補用並賞加總兵銜副將彭清和著以總兵留於陝甘補用並賞給幹勇巴圖魯名號鄭守南著以總兵留於陝甘補用並賞給正二品封典參將陳締高著以副將仍留甘肅儘先推補並賞給恆勇巴圖魯名號周玉南著以副將留于甘肅補用並賞加總兵銜

續編卷三五

九

外委季勝忠著以守備儘先補用並賞換花翎楊得高著以守備儘先補用並賞戴藍翎參將鄧增著以副將仍留福建補用提督陳廣發著賞給正一品封典副將馮南斌著以總兵記名留于甘肅補用並賞給霍隆武巴圖魯名號其餘出力員弁准由左宗棠彙奏保奏另片奏已革布政使銜前山西按察使陳澍委辦金積堡事宜勞績卓著等語陳澍著開復原官原銜以示鼓勵該部知道欽此

安插就撫陝回請增設平涼通判都司摺

奏為安插陝西就撫回眾事畢請增設平涼通判一員平涼營都司一員以資鎮撫恭摺馳奏仰祈

聖鑒事竊陝回竊蹙就撫經臣馳報欽奉

恩旨允准旋據三品卿銜即選道劉錦棠陝西提督雷正綰陝安道黃鼎等分起押解陳林一起男婦大小一千五百六十四名口馬振江一起男婦大小八百四十八名口赫青選一起三百八十三名口馬化瀾一起一千二百七十八名口余彥祿閻興春余兆臨拜萬江金

續編卷三五

十

明堂安傑等各起男婦大小五千五百五十餘名口內除挑出壯丁四百名交安傑藍明太帶隨官軍征剿外餘俱陸續解赴平涼其老幼婦女無親屬夫男者五百七十餘口病臥不能行走留養廣武營聽其痊愈擇配沿途除病斃外復收集從前散匪東西兩山餘眾五百餘名口比齊抵平涼臣兩次親臨點驗實共一萬有奇內除前安插平涼回民認領親眷五百餘名口外實發化平川安插者男女共九千四百餘名口察看丁壯不過二千餘皆老弱疲病而已化平州地在華亭縣西北

一百七十餘里東南距平涼百里南連崆峒西北均阻
高阜巖壑環峙兩水繁繞一為化平州一為聖女川合
流入白面河入清水縣界中橫寬五六里長三十餘里
似亦前代安置降人之地顧其詳不可得知臣前委記
名道馮邦棟前往相度改聖女川為聖諭川為宣講之
所西面河曰北面河示拱極之義飭千總牟春陽帶土
勇二百四十名分紮關山三才鎮各口調記名總鎮喻
騰榮帶所部平江營扼紮化平鎮以司稽查馮邦棟帶
同委員於化平鎮點驗之後按口俵給賑糧丈量地畝

續編卷三十五

三

按戶分撥房屋窑洞大致定妥購給附近該處土宜種
子酌發耕牛驟驟督其開墾播種察看回眾情形於九
死之中得此生路其不敢再萌異志固在意中惟回俗
畏所管頭目較之漢民畏官尤甚而彼教誦經祈福之
師名為阿渾又時以異說蠱惑愚蒙為回俗所信奉以
致一夫倡變亂者四起從前道光年間張格爾以回教
阿渾和卓構亂者此也按阿渾回教名阿訶訶與洪音
近漢民呼為阿洪今之馬化隆即新教總阿訶也和平
即回教所稱教師後裔貴種在阿渾中尤尊明史所稱

火者即和卓之音訛馬化隆之署其父墓碑稱為教父
蓋竊和卓貴種之意耳欲變其舊俗同我華風亦非先
王不易民而治之理惟於安插伊始於編審戶口中隱
寓保甲之意十戶一長百戶一百家長令其鈐束散戶
而設官董之凡一切戶婚詞訟均取決焉乃可散回目
之勢而以其權歸之官庶幾政令行而統紀壹回民鮮
讀孔孟之書故不明其理因而不知趨向今欲其誦讀
服習一從儒教事有難行然臣前奉到

續編卷三十五

三

經大法畢具於此上年曾敬謹刊印頒發陝甘各州縣
教官朔望宣講令漢回土民有所遵守今復發化平川
回民俾知不易其教者
朝廷悼大之施不鄙夷其民者
聖化覃敷之義長治久安或基於此如蒙
俞允添設化平川廳通判化平川營都司則應屬各員
營屬各弁亦應添設容當續行陳明請
旨謹將籌辦情形據實附
奏伏乞

15112
子
13
返又小

皇太后

皇上聖鑒訓示施行謹

奏 同治十年正月二十五日

同治十年二月初二日內閣奉

上諭左宗棠奏安插陝西就撫回眾請增設官員以資
撫一層陝西就撫回眾一萬有奇除該親屬認領外
共男女九千四百餘名口均安插華亭縣化平川地方
經督飭令道員馮邦棟前往散給賑糧丈量地畝按戶
分撥房屋窰洞並購給籽種酌發耕牛驟驢督其開墾

續編卷三五

三

播種辦理均屬妥協著該督飭令總兵喻勝榮等妥為
彈壓一面檄飭該地方官加意撫綏毋使失所遇有詞
訟案件只分曲直不問漢回總當以持平辦理勿任稍
滋事端其所請添設化平川廳通判化平營都司各缺
著交部議奏餘著照所奏辦理欽此

招回王曠助逆悍黨何生洲及河回乞撫情形片
再臣前於馬化隆隻身款營得報時即飭前敵諸軍暫
緩其罪勒令先招撫河西王家曠及通昌通貴兩堡蓋
以河西各賊巢惟王家曠堡堅黨悍非猛攻所能驟下

也旋據劉錦棠稟稱已緘商金順張曜得其復函旋飭
馬化隆遣回目馬殿魁前詣河西官軍辦理并據馬化
隆稟王家曠內有河家坪悍黨何生洲一股三百數十
人助逆請委員同馬殿魁前去招回到錦棠於十二月
初一日遣都司李章貢湯廷幹同馬殿魁赴王家曠諭
知各逆先繳馬械次毀寨牆聽候金將軍張軍門示遵
李章貢湯廷幹於初六日同馬殿魁帶何生洲股眾三
百餘人仍回金積繳馬十二匹拾鎗十桿洋鎗十七桿
小鎗九桿刀矛二百四十餘件其通昌通貴兩堡亦由

續編卷三五

四

馬化隆寄信告知金積撫局已成屬其就撫已有赴河
西官軍營盤繳馬者臣於臘月十一日拜摺後七日接
前敵各軍馳報王家曠外垣已於十二日經金張兩軍
乘賊不備踏破慶戰一晝夜復將內牆攻破堡逆概行
剿洗接閱之餘良深幸慰弁服其赴機神速能相喻於
不言之表也旋據陳湜稟十二月二十八日夜有通昌
通貴陝回男女二百餘名赴黃鼎營就撫據回目王姓
稟稱通昌堡已平毀惟通貴堡尚未平盡劉錦棠等已
函詢金順張曜計此時早已蕪事矣其陝回首逆余彥

祿兩腮傷痕潰爛日甚一日已於正月初十日斃於雷
正綰營旁空壘其陝回逆目馬正綱已於就撫後跌斃
長壕中矣至陝回崔三禹得彥馬生彥等已由涼州西
甯折回河州其夥黨冶士俊已於余彥祿股眾就撫時
一同就撫解至化平川安插據稱崔禹等逆股眾只四
千餘其河州窮回隨同竄走者亦不過數百是西甯涼
州所報賊數近萬者不足據現據撫回李德昌稟求赴
河州諭撫回眾即指馬占登馬承大及崔禹等逆而言
是該逆之急於就撫德昌受其央託已可知臣批准李

續編卷三五

三五

德昌前往但聽其自投不許招致謹將實在情形一併
附呈伏候

聖鑒謹

奏 同治十年正月二十五日

擊獲東西兩山首要各逆片

再固原北至金積路出東西兩山之中兩山綿亘數百
里最為藏奸淵藪自進兵以後雖節節掃蕩步步立營
然逕路紛岐山谷盤互零匪伏匿其中乘間劫殺時所
不免自應挑土著回民作為眼線探知頭目踪跡逃起

掩之乃期得手蓋據記名提督周紹濂稟報所部左營
管帶官總兵李良穆派弁李昭林及回目馬益順王益
萬李存昇於上年十月二十九日在羅家要險地方追
剿回逆獲勝生擒逆目王金玉管帶旌善頭營都司銜
馬柏森在羅山坡一帶剿賊獲勝生擒西山要逆譚生
邦丁萬圖馬三寶三犯臣查譚生邦即金積堡巨逆譚
生成之弟王金玉丁萬圖即正法馬忠海之夥也批飭
解營訊決東山賊目李映春即野賊明起成即明七十
子兩犯係馬化澂死黨李映春為李旺堡逆目偽號元

續編卷三五

三五

帥明起成偽號先行前於各疏中曾詳陳之該逆屢經
官軍擊敗黨夥散盡而賊首不獲終處死灰復然適撫
回陳聚安探報李映春明起成現匿張家川之瓦密堡
當飭陳聚安會同軍功李德昌密速掩捕明起成就獲
而李映春先遁據管中路左營總兵李良穆報稱十二
月十二日派弁同回目李存昇馬益順捕得李映春之
黨楊大山等數名訊知李映春竄至東山即令楊大山
等引導前往掩捕十四日生擒李映春及其子李存英
遂提明起成及該犯父子一併梟斬據統領武威軍署

平慶淨道魏光燾報良回蘇宗保捕獲南八坊逆目馬
海奇馬俊並生擒逆回馬捨娃子三犯又署鹽茶廳照
磨董繼會同管帶旌善二營良回科進善稟獲逆目馬
俊綽號紅套褲一犯訊明斬梟又據周紹濂報稱十二
月初十日李存昇擊解要逆楊大娃子查楊大娃子於
同治二年穆生花襲陷固原州城時曾帶萬餘人偽號
順天王上年隨同馬正和圍攻預望堡馬正和爲官軍
擊斃該逆仍與明七十一名夥肆行劫掠當即斬決梟
示據馬柏森報捕獲王花台逆賊馬義等十九犯謝家

續編卷三五

三

段頭賊目僞元帥王添發及其黨王成幅王虎子白馬
四等四要犯批令解營訊決據管帶西征馬隊參將楊
正茂報十二月十三日由馬營監護送運省餉項軍火
十四日探得距麻子川十餘里景家口有賊揮隊奮擊
斃步賊百餘生擒十餘名逆目袁和合已斃於陣此東
西兩山及會甯安定捕斬要逆多名實在情形也現查
未獲逆目惟狗齒牙子靖遠驍子馬才棕馬母驢蘭希
孟金添委等數犯業經分飭魏光燾及總兵吳隆海步
隊遊擊熊隆名馬隊勒限嚴捕理合附片據實具陳伏

乞

聖鑒謹

奏 同治十年正月二十五日

軍機大臣 字寄同治十年二月初二日奉

上諭左宗棠等奏平毀金積堡賊巢安插陝西撫回李
德昌前赴河州諭撫回眾東西兩山捕斬首逆各摺片
金積堡首要各逆馬化澂等均已伏誅宵靈肅清本日
已明降諭旨將左宗棠等及出力各員弁分別加恩獎
勵矣章合才等十二員統帶湘軍異常出力此次所有

續編卷三五

三

勞績著左宗棠先行擬請獎敘仍著該大臣存記俟甘
肅全省廓清再行奏請恩施化平川安插陝回各事宜
左宗棠所籌均臻周妥惟回俗素畏頭目而誦經祈福
之阿湏尤易煽惑愚蒙著該大臣慎選地方官隨時化
導加意撫循務令各安生業以免再滋事端東西兩山
及會甯安定等處最易藏奸除已擒斬要逆多名外其
未獲逆目狗齒牙子等該大臣即嚴飭魏光燾等認真
搜捕毋任一名漏網李德昌求赴河州諭撫馬占鰲馬
丕大及崔禹等逆左宗棠現令李德昌前往但聽其自

投不許招致該大臣總當察看該逆等虛實情形穩慎以圖如該逆等仍怙惡不悛務當嚴飭各將領乘此軍威進剿河狄西甯各逆巢以次盪平毋得一意主撫致為該逆所紿穆圖善亦當檄飭近省各軍聯絡聲威俾得肅公早奏近聞周開錫在南路剿匪辦理一切輿論未協且與甘省各勇營不相輯睦恐滋事端左宗棠當隨時查察不可信任過專致誤事機現在鞏秦各屬有無大股賊匪北路既已肅清該大臣應進紮何處抑赴省垣居中調度如統師前進後路尤當妥為布置著將

續編卷三五 完

志章會商劉銘傳將陝甘毘連各要隘嚴密扼堵毋稍疎虞將此由六百里各諭令知之欽此

訊明彭慶章正法片

再已革前甯夏縣知縣署靈州知州彭慶章久陷賊中為賊謀主陝甘諸同均稱為彭阿渾昨經陳湜黃鼎委員押解來營臣親提研訊據供革員係江蘇松江府人寄籍陝西咸陽縣捐納未入流分發甘肅游升知縣加捐同知銜問其何時因何案革職據供同治二年前任甯夏將軍慶昫以革員有通同情事奏參有

旨交多隆阿熙麟恩麟查辦多將軍時在陝西督辦軍務擬以革職發往黑龍江効力贖罪恩護督未及撤任行查嗣甯夏失守慶將軍復據平羅縣知縣長謙稟許革員勸其隨同教恩護督據以入

奏奉

旨查明如果屬實即行正法革員不敢回省四年冬穆將軍收撫甯靈回京察明冤抑附片奏

聞委修渠工復委幫辦靈州善後勸捐嗣後大軍追剿陝回直抵金積馬化澂復叛革員被馬化澂羈留堡中

續編卷三五 三

辦事不准放出問在賊中所辦何事據供只辦筆墨除代做求撫稟帖兩次外別未經手問賊中偽官偽局時常交接來往否據供亦曾接見但無交情問馬化澂別處有買賣否據供馬化澂以行教為重時遣人到各省口岸傳教是有的傳教人叫海裏飛至附本做買賣是其子馬耀邦經手革員不知詳細問馬化澂與洋人有無來往據供金積東關外店舖多是洋貨東府西府均是花洋布糊壁生意來往是多的別的不知道問既久在賊中官軍到時向不設法出來據供出來怕殺問何

以後又出來據供堡內窮蹙萬分顧不得了察看該犯狡黠異常其通回情罪數年前已經發覺本係奉旨正法之犯就其所供各情通逆最久實已確鑿不圖蒙面喪心一至於此比即盡法處死以昭炯戒至此外尚有王錫爵銜秉忠亦係從逆武弁候解訊懲辦再奏謹附片陳明伏乞

聖鑒謹

奏 同治十年正月二十五日

同治十年二月初二日內閣奉

續編卷三五

三

上諭左宗棠等奏訊明已革知縣通賊確情盡法懲治等語甘肅已革甯夏知縣署靈州知州彭慶章數年以前已有通回情事嗣復久留賊中為賊主謀經左宗棠親提研訊據供各情其為通逆無疑喪心昧良罪無可逭彭慶章業經訊明正法實足以昭炯戒至於從逆武弁王錫爵銜秉忠著左宗棠一併提訊從嚴懲辦欽此

黃萬發焚搶中衛擊獲正法片

再統領貴字等營肅州鎮總兵黃金山經前署督臣穆爾善派令駐防中衛旋經署甯夏將軍金順奏調助剿

王家曠賊巢中衛縣城仍由黃金山留隊駐紮詎黃金山技隊後其義子已保副將黃萬發因違犯軍令畏罪脫逃糾合勇丁數十人於上年十一月初七夜詐稱奉調回防混入中衛縣城內肆行搶殺燒燬中衛協中衛縣衙署庫房署中衛協副將丹金扎普署中衛縣知縣冒沂會同各糧局委員督率兵勇圍丁堵擊貴字營留防隊伍亦相繼追殺而來萬發見勢不支敗竄西門斬關遁走該文武等因事起倉卒恐城中伏賊尚多遂先搜城內拿獲匪黨劉德勝崔治田尹林等數名駐紮四

續編卷三五

三

百戶之管帶楚軍定營知州黃立釐聞警馳援金順亦飭黃金山帶馬步數十騎星夜回縣黃立釐等追捕至石空寺地方民人將黃萬發拿獲細獻到案並先後拿獲夥黨數十人訊明分別斬梟臣因中衛防務喫緊貴字營勇既不足恃因調黃立釐隊伍移駐中衛金順旋飭黃金山悉帶助剿王曠各營回防中衛城鄉安堵如故惟老湘營辦糧委員記名提督劉祥發於黃萬發等闖入縣城時率領勇擊賊左額為大刀劈傷身受矛傷數處即於是月初十日因傷身故據總統老湘軍道

劉錦棠稱因傷身故提督劉長發隨同劉松山轉
戰數省保今職茲因中衛採糧倉卒遇變因傷殞命
實堪憫惜合無仰懇

天恩飭部照例議給卹典並附祀劉松山專祠以慰幽
魂查此案逆匪黃萬發闖入中衛縣城肆行焚搶除署
中衛縣知縣冒沂甫經到任旋會同委員督帶團丁細
送首犯功過相抵請免置議外署中衛協副將丹金札
齊城防是其專責平時疏於防範致逆匪擱入衙署被
焚雖旋經擊退未能立將首犯拿獲究屬咎無可辭應

續編卷三十一

請

旨撤去署任聽候查辦肅州鎮總兵黃金山引用匪人
致勾通所部勇丁釀成巨案咎無可辭應請
旨革職以示儆戒謹附片呈明伏乞

聖鑒訓示施行謹

奏 同治十年正月二十五日

格請奏稿續編卷三十六目錄

南路官軍剿辦漢卒擒斬首逆摺

獲陳周開錫辦理甘南軍務情形片

請追獎勞臣以昭激勸摺

審明叛逆眷屬按律擬議摺

穆生花眷屬黨與分別擬辦片

從逆武員王錫爵等凌遲處死片

續編卷三十六目錄

南路官軍剿辦潰卒擒斬首逆摺

奏為南路官軍剿辦潰卒頻獲勝仗擒斬首逆收輯餘眾一律肅清恭摺馳陳仰祈

聖鑒事竊范銘部眾挑選成營後餘眾潰變及辦理情形已於上年十二月十一日據實詳陳續據提督楊世俊張仲春等報稱該逆自十一月二十二日與官軍接仗後連次衝突均經擊敗擒斬頗多十二月初一初六等日周開錫調赴岷州會剿之涼州鎮總兵傅先宗前台灣鎮總兵劉明燈等各帥所部及親軍四哨並

續編卷三十六

一

安前宗岳各營先後到岷以岷城東南四五里之教場堡香芳崖地勢高峻俯瞰城中為賊所必爭非築堅壘逼之不足以制其死命初八日各軍前往修壘楊世俊等料賊必出隊牽掣官軍與張仲春各率馬步列隊護之日午賊果以大股七八千人蜂擁出城分而為兩一枝遮截楊世俊張仲春列隊之兵一枝直撲劉明燈傅先宗築壘之所各軍屹立靜以待之賊中鎗礮雨注呼噪甚急楊世俊劉明燈傅先宗俟其逼近揚旗伐鼓各軍如牆而進鎗礮矛刺擒斬二三百名賊勢披靡官軍

縱馬蹴踏步隊繼至銳氣百倍圍賊東南川中刀斫矛

刺擒斬三四百名傷者無數敗賊負創狂奔入城日暮收隊官軍亦略有傷亡此十二月初八日官軍築壘潰卒出犯迎剿獲勝之實在情形也自是兵氣愈盛賊勢愈衰央人乞撫日三數輩然首逆畏誅並無一自縛來投者官軍知其未可遠許也仍更番攻擊炸彈所及樓堞多圯城中糧食且盡殺馬充飢每夜出攻堡覓食官軍屢邀擊之無所掠正月初八日大股賊自西門突出掠糧官軍伏於後根堡要其歸路賊至伏起陣斬悍目

續編卷三十六

二

師仲筵潘榮華等城中復出援賊三千餘迎戰傅先宗與提督殷華廷馬步各營馳截之斬馘千餘擒其悍目楊朶會尤得祥援賊大潰劫糧之賊亦大潰斬馘無算奪獲騾馬三百餘匹鎗械稱是餘賊駭走上臘新正節次圍攻截剿獲勝之實在情形也劉明燈察知賊勢困蹙已極必尋隙突竄乃撥馬步四面加緊圍逼適署鞏昌府知府道員湯聘珍奉周開錫檄帶前由范營分出之平西營營官鄭福及差弁章廷苞於十一日到岷鄭福章廷苞均狄河人也令其入城諭潰卒毋相隨受

戮諸潰卒涕泣聽命十二日二鼓潰卒頭目胡海包天
成等隻身詣營乞撫並請先質妻子十四日潰眾齊出
乞撫傅先宗楊世俊劉明燈記名提督張仲春殷華廷
慰諭之令胡海包天成等呼首逆尤芝政安桐貞速出
尤芝政安桐貞見撫局已定十五日乃挺身詣營謝罪
傅先宗等傳集各降目數尤芝政安桐貞倡亂抗拒之
罪斬之以徇餘眾震懼帖服乃散粟賑飢軍挑其壯健
者分置各軍周開錫檄劉明燈編立副中一營臣親軍
四哨編增四營外尙有三千餘人歸傅先宗殷華廷編

續編卷三十六

三

營安插並填補缺額其老弱婦女萬餘則安置岷州檄
張仲春帶宗岳三營副白旗馬隊檄營鎮撫之檄署知
州呂恕編審安插給以賑糧種子督其耕作各合其力
而黑頭勇大股多寡強弱始有確數可稽即范銘前此
所收之蘭州叛兵各處潰勇士匪及尤芝政等此次裹
脅之難民附和之遊勇亦水落石出可以逐一清釐矣
岷州紳民張旋乾邱映斗王映奎白生彩等數十名老
民數百名訴稱自前任徐楊知州招收黑頭勇日久嘯
聚愈眾始而攔路劫搶繼而攻堡殺人比賊尤甚近破

后所小山香房崖卧竜哈樹板達口龐家山北小路甘
寨野倉衆兒壩等寨請乘此兵威一鼓殲除周開錫諭
以首惡既誅悍黨多就駢戮餘當曲貸以廣

皇仁仍慮土客仇衅既深勢難並處分檄劉明燈傅先
宗殷華廷等各帶所編各營新收叛卒赴隴西伏羌秦
安駐紮慎選營官哨官訓練鈴束以期得力臣飭其清
查各案叛弁匪目及各省遊勇漸次分別辦理冀可銷
異患以固民心惟此次各軍將士和輯用命叠挫兇鋒
卒能擒斬首惡克平巨患微勞足錄其去冬攻堅陣亡

續編卷三十六

四

將士尙未據各軍開報前來可否由臣分別開單

奏請

獎卹之處出自

天恩所有潰卒被剿窮蹙擒斬首逆收輯餘眾聲岷肅
清情形謹據實馳陳伏乞

皇太后

皇上聖鑒訓示施行謹

奏同治十年二月二十一日

覆陳周開錫辦理甘南軍務情形片

再本月十二日欽奉同治十年二月初五日

寄諭前因周開錫辦理甘南軍務恐不得力諭令左宗棠隨時查察毋悞事機並令查明鞏秦各屬有無大股賊匪當此北路肅清南路防剿事宜甚關緊要朝廷實深慮繫近聞河州回匪三千有餘於去臘潛越洮河竄至岷州與官軍接仗復竄鞏昌阜陽川一路向東分股肆擾距秦州數十里之平南川娘娘壩鹽關李子園等處時有賊馬搶劫殺傷百姓岷州叛勇仍與官軍相持抗未就撫似此情形軍務尙無了日鞏秦爲甘省完善

續編卷三六

五

之區前此並未大遭蹂躪乃自周開錫總統南路諸軍既不禦外來之匪任其奔突又激變范銘之勇致與官軍爲仇長賊勢敵若不及早廓清又成燎原之患著該大臣乘北路肅清近將南路鞏秦一帶悉心布置盡殲醜類范銘現在何處其所帶勇丁有不法者亟應嚴懲有可用者卽應留以剿賊並非楚勇之外皆爲不可用之勇且楚軍中亦未必無他省勇丁參雜其間所有范銘營勇應如何分別措置之處該大臣當秉公辦理毋得誤聽一面之詞以致僨事欽此踴讀之干崑勝惶悚

臣任大責重不能早紓

西顧之憂並以引用非才致煩

聖慮愧歎何言惟事關大局知而不言既乖人臣無隱之誼而言之過盡又適開議詢之端晝夜思維罔知所措謹就所見所聞事堪覆按者爲

皇上陳之

諭旨河州回逆三千有餘於去臘潛越洮河竄至岷州與官軍接仗復竄鞏昌阜陽川一路向東分股肆擾平南川一節臣遍閱鞏秦各府州縣去臘稟報實無河州

續編卷三六

六

回匪三千餘潛越洮河關人鞏秦與官軍接仗之事惟狄道曾有河回出擾經河州鎮總兵王得勝兩次出隊旋即卻走略有擒斬臣以無關輕重未及敘奏言者所稱與官軍接仗或卽指此然不獨未竄至岷州亦未竄至鞏昌也至阜陽川平南川娘娘壩鹽關李子園等處地當鞏秦之交去洮益遠從前狄道未復以前時有河回竄擾蓋洮東無軍駐守賊無所忌耳迨狄道既復屏蔽稍寬鞏郡迤南防軍林立洮河之可偷度者惟康家巖一處故安定會甯時有零騎竄越滋擾臣自參鞏秦

勇道員李耀南而不効鞏秦諸將者以此言者誤信一時謠傳遂以無據之詞入

告此臣所不及料也范銘皋蘭人所部黑頭勇多河州狄道人甘肅官紳以其與河回仇怨素深冀其能出死力與河回抗而黑頭勇在甘軍中猶為出色前藩司林之望力庇之任其展轉招致不加譏察卒之冗雜日甚良楛雜糅愈不能戰而餉既乏絕派指民糧又以時被河回驚擾人民死喪流亡地畝荒蕪無以供億遂棄所駐之地就食岷州穆圖善規復河州徵南路諸軍由狄

續編卷三十六 七

道進剿初猶屢獲小捷繼藉口糧盡退走鞏秦敗不可止據梅開泰王得勝等稱當時實因黑頭勇先潰牽動各軍其詳固無從稽考然范銘全軍潰退則固無可辨也臣度隴之初見隴事敗壞至極無從措手心竊憂之然兵事有緩急賊勢有重輕自應悉心斟酌遂決意取遠勢進兵北路就近援南路而自率親兵駐中路以策應南北兩路惟南路諸軍本不足恃又挫退之後銳氣銷亡欲從新布署既苦欠餉過久撤遣無資且甘軍士客混雜其士著固有室家之戀其客兵亦皆娶婦生兒

軍營惡習無所不有縱籌撤遣之資必將到手花銷仍歸其鄉流為游手貽地方異日之患適周開錫由閩解餉來營見臣當食而歎遂自請赴南路一行臣乃令其統所撥宗岳全軍平江兩營點驗甘南各軍裁汰虛額成營併歸總統兼理地方釐稅錢糧諸務剔除中飽以蘇民困而濬餉源其間驕軍悍卒之巽陵同事之辜掣皆所不免而周開錫守意自如中無所憚乃復渭源狄道開屯田勸耕墾減陋規定津貼鞏秦之間民用大和臣近接秦州士民留卸任秦州知州之稟鞏昌士民留

續編卷三十六 八

現署鞏昌知府之稟雖無歌誦周開錫之詞而所稱德政則皆周開錫所稟呈施措者民情亦大可見矣言者謂鞏秦為完善之區前此並未大遭蹂躪目周開錫總統南路諸軍以來既不能禦外來之匪又激變范銘之勇致與官軍為仇長賊勢臣未見原奏不敢多辨然南路軍務地方已有起色臣登次所奏其詳范銘之變非由周開錫激成難逃聖明洞鑒是非仍可覆按也軍中謠言最多鞏秦文武畏黑頭勇尤甚潰卒東竄之時號稱十數萬風謠四起

比楊世俊追剿叠勝人心稍定而追過禮縣時署知縣蕭肇基運糧不及捏報楊世俊被賊截圍數段臣知其誣撤委追楊世俊躡追至岷以銳進猛攻為賊所乘致挫羣論復作周開錫堅持不動比楊世俊傳先宗劉明燈報臘八之捷微及撫局臣批示剿到極處乃可言撫自首惡伏誅叛卒分起安插而羣詠亦漸息現在范銘眷屬猶在蘭州應領糧食仍照常給領臣前奏范銘棄軍走匿其下潰變或非其意所及惟尤芝政安桐貞罪在不赦應剿撫兼施迅圖蕝事茲局勢初定范銘知臣

續編卷三十六

九

與周開錫無意殺之或赴蘭州自抄亦未可定惟頃接見蘭州道張瑞珍坐補漢中知府林士班自秦州來談及范銘一事據稱范軍未潰之先曾問范銘自言伊在皖帶兵曾接護前撫翁同書親屬有功又素稱林士班為太世叔以其為林之望堂叔也或請旨刺下陝西撫臣蔣志章委藩司翁同爵督辦陝西軍務臣劉銘傳委前藩司林之望前赴秦州會同鞏秦階道唐啟修查明地方實在情形及周開錫辦理此案有無激變情事以明

國是而釋羣疑可否之處伏候

聖裁至甘肅之有楚軍自都興阿多隆阿由湖北帶來內多湖北投誠之眾嗣楊岳斌總督陝甘則湖南水軍居多而皆名為楚軍故蘭州歷設有楚軍糧臺不自臣始也臣軍雖名楚軍而陸續選募各省勇丁頗多本不僮楚人臣於楚軍固無所庸其徇庇合併聲明謹奏 同治十年二月二十一日

請追獎勞臣以昭激勸摺

奏為恭謝

續編卷三十六

十

天恩並懇

追獎勞臣以昭激勸事竊臣欽奉二月初二日

恩旨陝甘總督一等伯左宗棠等籌決勝調度有方著加恩開復降三級留任處分並加賞一騎都尉世職欽此跪聆之下感激涕零不知所措竊念臣楚南下上章何陋儒蒙

文宗顯皇帝特達

恩知於疑謗交集時

優擢京卿昇以幫辦軍務重任

皇上御極登承

寵渥淳耀疆圻並荷

甄及微勞

錫封伯爵臣拜官不敢辭而受爵不敢不辭者竊謂官者責以理人治事實心實力敬慎以圖凡愚尙能自勉至於爵賞則必功著當時名垂後世而後足以副茲曠典而無忝竊之譏古人每以受爵不讓為深戒暴得大名為不祥者非無見也乃再辭未蒙俞允至今每著銜名猶深祇懼茲因巨憝伏誅復荷

續編卷三十六

十一

芝綸翊其夙情

恩施下逮實已至優極渥無可復加若復覲承殊眷再叨世職之封臣無橫草之功而受賞緊附分茅之後實覺愧負前驅將士無以策後效而勵將來伏念陣亡提督劉松山自秦晉轉戰燕齊返旆以來復踰千數百里淨掃十數萬匪徒力攻四百餘賊窟英銳忠勇絕少比倫不幸倉卒為飛礮所中垂危之際猶以金積未平屬所部努力報國語不及私並飭其姪錦棠將遺骸葬吳忠堡必俟

事始歸骨先隴昨金積既平劉錦棠搜得當時謀害劉松山逆賊馬八條極刑處死瀝血以祭劉松山之靈三軍雨泣臣提訊解到金積堡回眾均稱劉師亡後堡中夜靜時聞戈馬之聲如怒潮湧至每月約三四次或五六次賊中每疑官軍夜襲不敢解衣就臥而上年十一月十六夜三鼓平涼城外忽聞大聲嗚鳴山谷響應守城將士疑為狼嗥開砲轟擊比總城出視了無所見臣時徘徊帳中覺其有異後得諸軍馳報是日馬化澂就擒矣然則前史所載毅魄忠魂時露靈異誠未得謂

續編卷三十六

十二

其盡屬虛語也臣與劉松山共事數年知其行軍律已實一時名將而一片忠愛之忱出於至性則古人實無以加每一追思悲痛不能自已合無仰懇

天恩將

賞加微臣騎都尉世職合之劉松山原得之二等輕車

都尉照三河殉難撫臣李績資例

追賞劉松山令其嗣子龍承襲則

盛典不虛前敵諸軍益知所感而微臣亦免忝竊之譏

感荷

鴻慈曷其有極謹附驛遞陳伏乞

皇太后

皇上聖鑒訓示施行謹

奏 同治十年二月二十一日

同治十年二月二十八日內閣奉

上諭原任廣東陸路提督劉松山由湖南軍營帶兵轉戰十餘省屢著奇功上年正月因督師進攻甘肅馬五寨狗匪中砲陣亡業經降旨優卹現在金積堡賊壘削平首逆就殲該提督靈柩尙未回籍追溯前勲尤深矜恤劉松山著加恩賜祭一壇由左宗棠派員前往致祭以慰忠魂欽此

續編卷三六

三

軍機大臣 字寄同治十年二月二十八日

上諭左宗棠奏南路官軍剿辦潰卒獲勝一摺范銘所部潰勇叛踞岷州經總兵傅先宗等督軍進剿獲勝陳斬逆首尤芝政等餘眾就撫業經發粟賑濟挑留壯健分置各軍編營安插其老弱婦女萬餘安置岷州給以籽糧督令耕作籌辦尙爲周妥此起潰勇人數龐雜前曾有焚掠劫搶之事該大臣慮及土客尋仇已將新收

叛卒分別飭赴隴西伏羌秦安駐紮勤加訓練著嚴飭各營妥爲鈐束毋令再生事端范銘所部該大臣已逐一清查其另案叛弁匪目及各省遊勇尙恐隨處涸跡仍當檄令周開錫認真清查漸次辦理以靖南路而遏亂萌此次各軍剿撫潰卒著有微勞及去冬攻堅陣亡將士准由左宗棠分別奏請獎卹令片奏覆陳周開錫並無激變貽誤情形等語南路軍務既據該大臣查明詳細陳奏足紓屢系所請飭令蔣志章等派員前赴秦州查辦之處著毋庸議周開錫既能任事不避嫌怨所

續編卷三六

四

有甘南軍務及地方釐稅錢糧已責成該道經理該大臣當飭周開錫聯絡各營及地方官和衷商辦不得一意孤行如有貽誤惟周開錫是問范銘現在是否投出仍著查明具奏另摺奏請將所得加賞世職追獎勞臣等語劉松山屢著奇功歿於王事朝廷軫惜殊深本日已明降諭旨賜祭一壇以慰忠魂俟甘省軍務一律肅清屆時再降恩旨該大臣請將加賞騎都尉世職追賞劉松山令其嗣子承襲之處著毋庸議將此由五百里諭令知之欽此

軍機大臣 字寄同治十年二月二十二日奉

上諭豫師奏籌辦西甯軍情等語西甯回眾頻年詭託就撫勾結外匪四處焚殺豫師以兵力不足驟難進攻暫擬鎮懾羈解散裔從以孤賊勢所籌尙爲因時制宜之計現在金積堡賊首馬化澂等業已伏誅羣賊自必聞風喪膽左宗棠卽應乘此聲威調派各軍規取河州等處兵貴拙速不貴巧遲諒該大臣全局在胸必已熟思審計迅速籌辦豫師業已函商左宗棠移軍狄河時豫爲分兵西進以便抽軍進紮著左宗棠斟酌情形

續編卷三十六

五

隨時與豫師妥籌辦理刻下西甯回情漸已斂迹窩藏陝匪亦陸續西竄豫師仍當審度軍情拔隊前進相機剿撫不得徒託空言久延時日所請飭催山東等省協餉已諭令各該省迅速籌解矣本日據英翰奏擊獲逆首宋景詩供稱伊子今年二十歲聽說在西路營裏不知真假等語該逆之子如在軍營迥迹必係詭託姓名著左宗棠飭令各營留心訪察一經查出卽行奏聞將此由五百里各諭令知之欽此

審明叛逆眷屬按律擬議摺

奏爲審明叛逆眷屬按律擬議請

旨飭部核覆遵行恭摺陳仰祈

聖鑒事竊 前將金積堡首逆馬化澂暨馬耀邦馬建邦馬正邦馬九馬三馬成澂馬恆邦馬定邦等凌遲處死並將從逆要犯概予誅夷各情於同治十年正月二十五日由驛馳報在案嗣復派員將逆屬馬玉澂馬五十六馬五十九馬樹邦馬彥邦馬繼邦馬三和馬飛飛馬化澂馬進孝馬由宗馬鎖馬沙把馬七十子馬啞啞

續編卷三十六

六

馬阿西子等男犯十六名口馬馬氏馬譚氏馬閻氏馬何氏馬毛孤孤馬毛亞亞馬三苗七名口又雇工牛占元楊阿壯子等二十六名口僕婦使女等九名口一併提至平涼委員審取確供 覆加研訊馬玉澂卽馬七係首逆馬化澂堂弟前經手繳過鎗礮係購自陝回均不堪用並據僱工及其親屬等供該犯曾與馬化澂經管鎗礮等項眾證確鑿應按照其謀反逆凌遲處死例凌遲處死僱工牛占元牛占寬本黑龍江回民據供在馬化澂家受僱已十餘年往來包頭等處領本置貨同

治七年官軍進剿該犯卽在金積堡並未外出其同謀抗拒可知應卽斬決比提馬玉澂牛古元牛占寬辦結外其馬五十六係馬耀邦之子馬五十九係馬樹邦之子馬樹邦係馬九之子馬彥邦係馬三之子馬飛飛係馬成澂之子馬山宗馬鎖馬沙杷馬七十子係馬定邦之子馬繼邦馬三和係馬玉澂之子均年未成丁訊明不知謀逆情事應照反逆案內問擬凌遲之犯其子訊明實係不知謀逆情事者無論已未成丁均解交內務府閱劄發往新疆等給官兵爲奴例解交內務府照例

續編卷三十六

七

辦理馬五十六馬五十九馬飛飛馬由宗馬鎖馬沙杷馬七十子馬三和俱年在十歲以下應照例牢固監禁俟年十一歲時再行解交內務府照例辦理馬化澂卽馬九期服兄又馬定邦之父馬阿西子係馬九已死期服兄馬化椿之子馬進孝馬啞啞係已死馬定邦期服兄馬安邦之子應照緣坐男犯並非逆犯子孫例發往新疆等處給官兵爲奴馬阿西子馬啞啞現今年在十五歲以下應牢固監禁俟成丁時再行發遣查新章發新疆之犯俱改發黑龍江惟現據賊供黑龍江亦有新

教之黨在彼傳教應改發閩廣給官兵爲奴至文犯馬馬氏係馬化澂之妻馬譚氏係馬正邦之妻馬閻氏係馬正邦之妾馬何氏係馬建邦之妻馬毛抓馬毛亞亞係馬化澂之女俱應緣坐應照嘉慶十九年山東反逆案發閩粵等省駐防爲奴除馬馬氏業據報病故驗埋應毋庸議外其馬閻氏之女馬三苗例無緣坐明文應准該犯婦帶赴遣所馬化澂之女馬毛抓馬毛亞亞俱年幼應暫行收養俟及歲時再行發遣其訊無從逆之僱工僕婦使女等均發交平涼縣安插擇配是否

續編卷三十六

六

如斯應請

旨飭部核覆遵辦再平涼縣監獄逼仄所有應行監禁收養男女各犯擬發交陝西按察使衙門分別辦理除將各犯姓名年歲開單咨送軍機處刑部查照外謹恭摺陳伏乞

皇太后

皇上聖鑒訓示施行謹

奏 同治十年三月初三日

軍機大臣奉

旨該部議奏欽此

穆生花眷屬黨與分別擬辦摺

再巨逆穆生花即穆三其祖穆大阿渾傳習新教與馬化澂之父馬二交好新教中推為大善人穆大阿渾臨死以其帶服白帽紅衣傳之馬化澂令其眾歸馬化澂管束穆生花與其弟穆四穆五均為新教阿渾行教於秦安清水交界之蓮花城一帶與馬化澂互相首尾馬化澂嗾其攻陷平涼府城固原州城其陷城也屠戮民人慘酷殊甚平涼為甘肅中路大郡承平時城內外煙

續編卷三十六

九

戶不止數萬亂後僅存百四十七戶男女丁口不滿七百縱橫數百里煙火寂然而白骨黃茅彌望皆是遺黎泣訴被禍之烈為古今所未有也穆生花與其弟兄夥黨旋遷居金積堡助馬化澂抗拒大兵上年五月穆生花以求撫未得知罪無可逃仰藥自盡金積堡平後陳湜黃淵搜獲穆玉軍前正法解其眷口夥黨赴平涼平固民人以穆生花兄弟實逆案渠魁其眷口夥黨呈請按律擬坐 臣擬俟其解齊片案分別擬辦以昭炯戒而快人心謹附片陳明伏乞

聖鑒謹

奏 同治十年三月初三日

從逆武員王錫爵等凌遲處死片

再從逆武員王錫爵鐵秉忠兩犯經 臣於審辦通逆犯官彭慶章摺片內聲明解訊懲辦嗣據陳湜等稟解王錫爵鐵秉忠時續將袁世榮一犯一併押解到營 臣親加提訊據王錫爵供稱雲南蒙自縣回民由武進士花翎待衛報捐都司分發甘肅隨征立功保升花翎遊擊前陝甘總督樂斌委署花馬池營參將同治元年經甯

續編卷三十六

十

夏鎮派令帶兵一千名赴陝防堵在北關外偵探賊蹤即同所帶回兵數名投入陝回鄒保和賊營七年四月同陝回到董志原其眷口在花馬池者先已移至金積堡該犯遂入金積堡同住據鐵秉忠供陝西長安縣回民由行伍出征歷保藍翎都司銜守備前護陝甘總督恩麟委護靈州營參將同治八年十一月馬化澂遣逆黨襲陷靈州城該犯投賊攜眷移住金積堡據袁世榮供陝西鳳翔縣回民由行伍出征歷保花翎都司銜守備署陝西磚平營都司同治七年擊眷投賊移住金積

保世會王錫爵鐵秉忠袁世榮均係從逆武職王錫爵
並以女嫁馬化澂之孫爲妻訊各賊供當官軍進攻金
積堡時王錫爵袁世榮與首逆馬化澂之子元惡馬耀
邦分守西南北各城抗拒官軍最爲盡力尤屬罪大惡
極覆載難容臣於研訊明確後卽將王錫爵鐵秉忠袁
世榮三犯一併凌遲處死以昭炯戒理合附片具陳伏
乞
聖鑒施行謹
奏

續編卷三十六

三

恪靖奏稿續編卷三十七目錄

南路各軍截剿竄匪獲勝摺

請禁絕回民新教摺

湘軍異常出力各員先行請

獎摺

叛逆穆生花等各屬按律擬議摺

覆陳吳士邁擅殺游擊朱德楠案由恭

摺劄竄賊疊勝摺

南路官軍勦賊獲勝片

進規河州一時未能進取片

續編卷三十七目錄

覆陳甘涼肅等處情形會籌布置摺

軍機大臣 字寄同治十年四月初十日奉

上諭金順奏回匪被勒求撫現籌妥辦一摺通貴餘匪遁入納家閘後與納萬郭等匪黨伺隙逃竄叠被官軍攔擊無路可逃擒斬著名首夥多名敗匪潰奔入寨窮蹙求降金順會商張曜勒令此起回眾盡繳馬械平毀寨牆若能悔罪輸誠將藏匿器械繳清聽受約束即著該署將軍等分別妥為安插予以自新倘敢怙惡不悛心懷疑貳仍著督兵痛勒毋留餘孽甯靈西岸回務金順與張曜會商辦理總當分別良莠相機勦撫不可

續編卷三十七

一

草率了事其投出靈州回民二百餘名金順已遣令東渡由該地方官收管安插著左宗棠飭令劉錦棠黃鼎遇此項回民抵籍即飭行該管地方官隨時籍束妥籌安置毋令失所免致滋生事端陣亡之副將銜遊擊向清蘭把總吳天恒守備秦得銀王勝喜均著交部從優議卹金積堡攻復後左宗棠究從何路移營作何布置河狄匪勢若何如何設法進剿該大臣自應統籌全局將賊匪次第邊平何以日久尙未奏及殊深慮系著卽將籌辦情形據實具奏不得稍涉遲回致負委任前據

福濟等奏拏獲賊探成娃子係甘肅平番縣人寄居肅州據供同治八年楊軍門與回回講和上年八月內回匪十人持楊軍門票出來貿易隨後出來五百人又有穆姓二人持楊軍門票赴將軍公旗下貿易後跟賊三百多人等語所稱楊軍門是否即楊占鼐有無此等情事著左宗棠查明具奏將此由五百里各諭令知之欽此

續編卷三十七

二

南路各軍截剿竄匪獲勝摺

奏為南路各軍截剿河州竄回階州剿回連獲勝仗恭
摺馳陳仰祈

聖鑒事竊臣前因安定會甯時有回逆零騎竄越滋擾
儆飭該處附近防營隨時搜剿以靖地方正月二十四
日督帶平江左右兩營總兵蕭賞謙率隊出向會甯一
帶搜剿行五十里至老河溝遇賊馬三百餘騎蕭賞謙
揮隊衝擊適分駐康家堡華家堡哨隊繼至敗之賊由
馬營東北向通渭大路竄走旋分而為兩一踞該縣後

續編卷三十七

三

川舖旋竄舖路鎮一竄城西北三十里之坡兒川瓦房
堡一帶旋竄城東北四十里之黃家窰樓及泰安清水
各縣界適統領奇捷馬步等營提督楊世俊勒平岷州
潰卒周圍緝獲令赴秦州泰安適中之石佛鎮駐紮訓
知清水界內有另股賊竄秦州街子口立飭所部馬隊
馳往截剿並會駐紮洛門鎮之總理宗岳全軍營務
提督張仲春截賊由鹽關西竄之路張仲春二月十一
日得報後調知賊竄四門寨東四十里之廖家莊十二
日黎明自率宗岳禮營及副白旗馬隊馳抵廖家莊賊

斷睡未起官軍四面圍擊賊驚覺死拒官軍鎗轟矛刺
斬賊殆盡奪獲驃馬二百餘鎗械稱是訊據擒賊供稱
此股頭目張運隆係河回偽領員正月十三日由河州
竄出現在張運隆已斃於陣楊世俊又調有另股分踞
秦安縣北魏家莊王家舖一帶復調各族馬隊北趨任
當川扼賊東竄並添調黃白兩族四成隊合力圍之十
一日退賊於任當川賊瞥見官軍向西飛遁官軍窮追
三十里天曉露宿十二日五鼓追及李家店偵賊熟眠
弛備官軍急起掩之斃賊二百餘名生擒三十餘名奪

續編卷三十七

四

獲驃馬七十餘匹鎗砲各數十件餘賊負創狂奔官軍
躡追至靜甯柏子岔沿途擒斬甚多十三日黎明追至
馬家岔復痛剿之餘逆鮮有脫者收隊後查點官軍僅
陣亡勇丁二名受傷九名訊據擒賊供稱賊首沙母驢
子馬尕四等由河州北莊三甲集竄出現軍斃於陣矣
餘賊七八十名狂竄西和禮縣界復經提督蘇家良丁
桂智縱馬追斬無遺此次河州馬步各賊共計不過千
餘由安定分竄通渭秦安清水秦州西和禮縣各界賊
忽狎至旋轉如風經各軍迎頭截尾殲除殆盡地方幸

免蹂躪無悞春耕此鞏秦各屬勦辦獲勝情形也其另
股回匪由成縣竄階州白馬關卡者代理州判烏克松
阿力不能制二月二十九日竄及階州南路太石山守
卡都司李宏珍擊敗之賊折竄黃鹿山管帶楚勇署階
州知州道銜陝西補用知府洪惟喜派副將鄧光耀率
所部馳扼羅家堰派副將彭德沅遊擊王斌武守備周
正秋率所部緊躡賊後遊擊李廣全率親兵團練扼紮
大水壩遊擊胡彪率親兵中哨扼紮小關嶺嚴陣以待
賊竄黃鹿山圍丁列隊兩旁巖谷彭德沅王斌武周正

續編卷三十七

五

秋率隊擊之鎗矛並舉斃悍賊三十餘名奪驃馬二十
八匹賊紛紛潰走圍丁奪獲驃馬五十餘匹賊竄向大
水壩李廣全擊敗之三月初一日賊折由瓦房出竄彭
德沅擊之復折竄羅家堰初二日鄧光耀擊之斃悍
賊十餘名奪驃馬五匹洋砲一桿刀矛數件賊翻山紛
竄圍家截獲驃馬甚多迨至小關嶺胡彪率所部迎擊
之斃悍賊十餘名敗賊向禮縣雷家壩一路遁逸此階
州勦辦獲勝情形也 臣查河州逆回從前無事時即多
騎馬遠出肆行劫掠之案與撒拉及米喇各回性情相

似自甘南各軍復狄道憑洮設守屏蔽稍寬賊復從下
游安定一帶繞道南犯蓋因官軍方勦潰卒妄意有隙
可乘也此次竄賊雖不過千餘然分支狂騁頗為悞悍
見官軍至輒望塵先遁瞬息無蹤幸岷州事定官軍扼
要分駐地網四張卒亦無能善脫現地方安謐臣已調
提督銜前台灣鎮總兵劉明燈帶所部馬步八營進駐
馬營監以向安定徐文秀撥所部四營由靜甯州延紮
會甯一面修治蘭州中大道以利輓運一面轉般軍糧
子藥儲存靜甯州城以規進取蓋地荒已久人煙稀絕

續編卷三十七

六

籌措艱難不得不次第為之而進軍必先清後路通餉
道又一定之局也所有南路官軍勦賊獲勝情形謹會
同甯夏將軍臣穆圖善恭摺據寔馳陳伏乞
皇太后

皇上聖鑒訓示施行謹

奏 同治十年四月初八日

軍機大臣 字寄同治十年四月十六日奉

上諭左宗棠奏南路諸軍截勦賊匪獲勝一摺河州回
匪分竄鞏秦各屬登經官軍擊敗逆首張運隆沙母驢

子等均斃於陣匪黨殲除殆盡另股回匪由成縣擾及階州亦經鄧光耀等擊退此次由安定南犯之賊不過千餘而分支狂竄勢頗剽悍誠恐該逆先以小股嘗試繼將大股出竄以圖一逞左宗棠現調劉明燈所部八營進紮馬營監以向安定徐文秀撥所部四營由靜甯州延紮會甯並輓運軍糧以規進取著卽妥籌布置剋日進兵以期節節掃盪前據左宗棠奏稱撫回李得昌來赴河州曉諭近日該處情形究竟若何該大臣務當相度機宜速籌攻剿斷不可任其觀望遲回致墮緩兵

續編卷三十七

七

之計金積堡收復後北路有無餘孽潛藏應否留兵駐紮並如何調派各營分投西進之處均著詳細奏聞將此由五百里諭令知之欽此

請禁絕回民新教摺

奏爲請禁絕回民新教以弭衅端而崇

聖化事竊回民以西戎族類雜居中土自古已然載籍詳矣就回民自數之典言之祖曰阿丹生於天方之野產七十二胎每胎男一女一自爲夫婦至喇撒而其教始興又六百年當隋開皇中有穆罕默德者生而神靈闡明清真之教回衆翕然從之其教始盛今回民稱天方教自稱曰穆民以尊穆罕默德故也又曰膜民以阿丹初生之祖言也其書有天經一部回族稱爲穆罕默

續編卷三十七

八

德所受之天者又天方性理天方經典兩部則明代金陵回人劉智所撰皆發揮天經遺意以華人文宇潤色之其教以識主爲宗旨似儒者所言明心見性以敬事爲工夫似儒者所言制外養中其教規所謂天道者五一日唸謂誦經一日禮謂報恩一日齋謂絕物一日課謂忘己一日朝謂歸真所謂人事者五謂倫常之理七

日一禮拜亦與泰西各國同蓋其原本出於天主耶穌而時雜以佛民之說稱華人爲大教自稱小教非如奇衰詭異之流專以句結爲事煽誘爲能也是故雜處中

國千數百年婚姻未通俗尚各別傳習不同而未嘗敢萌他志歷代任其判派於區宇之內譏禁無聞我朝錄其人才准其仕進回族由文武科甲得官擢至督撫提鎮者亦不乏人固未嘗以其遊於中國而外之也乾隆年間兩江督撫臣奏回教不宜留於中國

高宗純皇帝特加訓飭

聖謨洋洋足爲百世法矣乾隆四十六年逆回馬明心蘇四十三由西域歸詐稱得天方不傳之秘創立新教煽惑愚回謀爲不軌四十九年田五繼之大軍先後致

續編卷三七

九

討罪人斯得然其根株未能淨絕也嘉慶年間有穆阿渾者與首逆馬化澂之父馬二復以新教私相傳授至馬化澂而其讖漸張復託名經商到處煽惑回民行其邪教近據各賊供

京師齊化門直隸天津及黑龍江吉林之寬城子山西之包頭暨湖北漢口等處均有新教徒黨在彼傳教其傳教之人曰海里飛如內地之稱經師曰滿拉如內地之稱蒙師而品望皆在阿訇之次馬化澂則自稱總大阿訇也其教規大略與回回老教亦同惟老教誦經則

合掌向上新教則兩掌向上而不合老教端坐誦經新教則躬誦唧噥頭搖而肩聳老教送葬不脫鞋新教脫鞋送葬凡茲細節異同固無關彼教輕重然新教之所以必宜斷絕者爲其自託神靈妄言禍福行爲詭僻足以誘惑愚回俾令甘心役使同陷大逆而不知加以顯戮而不悔一如白蓮清香無爲圓頓諸邪教之足以釀亂階而禍天下也臣於金積各犯解訊時細心推鞠有供稱馬化澂能知未來事者如遠客來訪必預知同伴多寡之數從前官軍攻剿衛靈馬化澂父子兄弟悉衆

續編卷三七

十

抗拒預言官軍將退回民無事之類有供稱馬化澂時露靈異療病則愈求嗣則得之類有供稱馬化澂於投入新教之人向其自陳過犯罰撻皮鞭代爲懺悔即可免罪之類回性多疑善詐異於常人然一經新教蠱惑卽如醉如癡牢不可破方金積長圍久合時陝甘各回饑困殊常至殺人以食而馬化澂父子兄弟藏有餘粟無敢竊議之者迨局勢危迫至極猶且互相寬慰謂總大阿訇必有保全之法馬化澂詣營求撫意在一身塞咎見好請回而諸回目踵營看視者日凡數輩見馬化

聲稱雙膝齊跪不呼之起不敢起如非迷惑陷溺之深
豈宜至此茲幸誅夷遷徙異患可冀永除惟新教傳染
已廣回民聚集之處率有傳習新教之人不及時嚴加
禁絕仍慮歷時稍久故智復萌不逞之徒時思竊發又
將重煩兵力也除已獲海里飛阿訇諸逆穆四穆五馬
承祺牛占元牛占寬等業經訊明懲處未獲之金師傅
馬篆鮮二等咨行各省一律捕治外一面出示曉諭所
屬各府廳州縣回民嚴禁傳習新教其從前誤被新教
迷惑之人概准自首悔教免其治罪庶幾漸趨覺路永

續編卷三七

二

拔迷津新教絕而回族安關隴可保百年無事也至各
省傳習新教爲時尚淺良回僉稱新教傳染雖廣各省
回民亦頗知爲彼教異端多有不肯違信者如黑龍江
回民約二千餘而傳習新教者僅祇百餘即其明驗若
乘此時嚴加諭禁無難預杜亂萌合無仰懇
聖慈飭下各將軍督撫大臣嚴禁回回新教出示轄境
各回寺嗣後遇有新教阿訇海里飛等到境煽誘愚回
即由各回寺首董縛送所在官司訊明懲處其從前被
誘誤入新教之人仍准自首悔免罪則愚回有所懼良回

有所慕不但地方可臻安謐即回民亦長荷

高厚保全之恩於無既矣臣每繹

廷旨分良匪不分漢回敬仰我

皇上仁育義正之德上符

高宗寶握千古治戎機要謹就愚陋之見據實陳

奏伏乞

皇太后

皇上聖鑒訓示施行謹

奏同治十年四月初八日

續編卷三七

三

軍機大臣 字寄同治十年五月初六日奉

上諭左宗棠奏請禁絕回民新教一摺所稱乾隆年間
逆回馬明心等創立新教惑眾滋事先後伏誅根株未
絕至馬化澂之父馬二等復以新教私相傳授遂至釀
成變亂皆由新教行爲詭僻足以誘惑愚回迷而不悟
現在馬化澂雖已伏法而新教傳染漸廣必須嚴加禁
絕以杜亂萌等語所奏自爲思慮豫防起見惟回民散
居各省同隸編氓各安生業若因區別舊教設爲厲禁
地方官稍不加察書吏藉此搜求騷擾必至回眾驚疑

轉生枝節從前乾隆四十九年回逆田五等滋事以後
欽奉

高宗純皇帝聖諭查辦此事止當分別從逆與否邪正
之殊不必論其教之新舊欽此嗣於乾隆五十四年經
勒保奏稱新教為回教之大害擬令靜甯等處頭人訪
察稟首復奉

聖諭令其設法化導不可區別新舊之名仰見

垂訓周詳具有深意此次馬化澂倡亂及身既被刑誅
徒黨亦遭殲戮正可借此剴切曉諭俾該回眾等及早

續編卷三七

三

改悔不至誤入迷途自陷罪戾該督現既出示所屬州
縣禁習新教並准自悔免罪仍著嚴飭該地方官妥為
開導不可操之過蹙致激事端所請飭令各省一體禁
絕之處可從緩辦理也將此諭令知之欽此

湘軍異常出力各員先行請獎摺
奏為遵

旨將湘軍異常出力各員先行擬請

獎敘並續查湘軍在事最久戰功最著各員懇請

恩施恭摺馳陳仰祈

聖鑒事竊臣前因金積逆巢蕩平元惡悍黨概行殲除
將在此出力各員先行擇尤隨摺請

獎嗣於同治十年二月初二日欽奉

上諭金積堡首要各逆馬化澂等均已伏誅甯靈肅清

續編卷三七

丙

本日已明降諭旨將左宗棠等及出力各員分別加恩
獎勵矣章合才等十二員統帶湘軍異常出力此次所
有勞績著左宗棠先行擬請獎敘仍著該大臣存記俟
甘肅全省廓清再行奏請恩施等因欽此仰見我

皇上於慎重名器之中仍寓激勵將士之意當即恭錄
分行去後茲據總統老湘全軍三品卿銜雲騎尉世職
道員劉錦棠將所請世職之章合才等十二員改擬獎
敘懇為核奏並稱此外尚有記名提督易致中譚拔萃
余虎恩李占椿潘運璋譚上連等六員在事最久戰功

最著懇一併先為奏請

獎敘等情前來 臣查章合才等十二員係奉

旨由 臣先擬獎敘仍行存記之員茲據劉錦棠擬獎前
來應即先為奏懇

恩施至記名提督易致中等六員均係湘軍營官始終
在事勞績最著自應一併先為請

獎以昭激勸所有前擬請世職之頭品頂戴記名

簡放提督江蘇蘇松鎮總兵

賞穿黃馬褂法福陵阿巴圖魯章合才頭品頂戴記名

續編卷三十七

五

簡放提督

賞穿黃馬褂綢武巴圖魯蕭章開頭品頂戴記名

簡放提督

賞穿黃馬褂達桑阿巴圖魯陶定昇頭品頂戴記名

簡放提督

賞穿黃馬褂呼敦巴圖魯李雲貴等五員擬先請

頒賞物件前擬請世職之頭品頂戴記名提督綢武巴

圖魯喻執益頭品頂戴記名提督請換清字勇號曾松

明頭品頂戴記名提督穆精阿巴圖魯王承贊頭品頂戴

記名提督請給清字勇號尹興茂頭品頂戴記名提督

剛安巴圖魯周雲祥頭品頂戴記名提督請換清字勇

號席大成等六員擬先請

交部照一等軍功例從優議敘前擬請世職之頭品頂
戴記名

簡放提督倭什洪額巴圖魯熊有常擬先請

賞穿黃馬褂其在事最久戰功最著之頭品頂戴記名

提督圖勒炳巴圖魯易致中記名提督請換清字勇號

譚拔萃頭品頂戴記名提督奇車博巴圖魯李占椿頭

續編卷三十七

六

品頂戴記名提督達春巴圖魯潘運璋頭品頂戴記名

提督請換清字勇號譚上連等五員均請

賞穿黃馬褂頭品頂戴記名提督奇車博巴圖魯余虎

恩請

賞給三代正一品封典以示優異所有遵

旨將章合才等十二員名先行擬請

獎敘並續保各員緣由謹繕摺馳陳伏乞

皇太后

皇上聖鑒訓示施行謹

奏 同治十年四月初八日

同治十年四月十六日內閣奉

上諭前因甘肅金積堡賊巢邊平提督章合才等統帶
肅軍異常出力當經諭令左宗棠先行擬請獎敘仍存
記俟甘肅全省廓清再行奏請恩施茲據奏稱遵旨先
行請獎並續查出力各員懇請一併給獎等語該員等
勦賊出力著有勞績自應量予獎勵提督章合才肅章
開何作霖陶定昇李雲貴著各賞給白玉翎管一支白
玉搬指一箇玉柄小刀一把大荷包一對小荷包兩箇

續編卷三七 七

諭執益曾松明王承贊尹興茂周雲祥席大成均著交
部照一等軍功例從優議敘能有常易致中譚拔萃李
占椿潘運璋譚上連均著賞穿黃馬褂余虎恩著賞給
該員三代正一品封典該部知道欽此

叛逆穆生花等眷屬按律擬議摺

奏為查明叛逆穆生花穆四穆五等眷屬按律擬議請
飭部核覆遵行恭摺仰祈

聖鑒事竊臣前將叛逆穆生花仰藥自盡搜獲穆四穆
五軍前正法各情於同治十年三月初三日奏報在案
並聲明俟黃鼎將逆眷解齊再行分別擬辦拜摺後臣
恐解到難民或有逆屬隱匿在內即飭委員認真查訊
嗣據委員稟稱在各起難民內查出穆生花之妻穆馬
氏妾穆米氏子穆風娃穆馬十女海兒迷花兒五兒哈

續編卷三七 六

兇蠻穆風娃之妻穆楊氏穆馬十之妻穆王氏穆四之
妻穆王氏子穆哈兒閉穆買四穆哈兒閉之妻穆馬氏
穆五之妻穆張氏子穆蛋兒穆擺開並顧工等八名共
二十五名口一併拿獲稟請核辦前來臣以穆生花等
眷口既經黃鼎等看押何以平涼復查出多名不勝詫
異當飭黃鼎將所押逆眷迭解來平以憑審辦嗣據黃
鼎將所押逆眷十三名解到委員提審據平涼查獲穆
生花等眷口供稱穆四穆五正法後該逆眷等自知情
罪重大變易姓名混入各起難民解來平涼希冀交插

幸免並供認穆生花穆四穆五傳習新教屠城戕官不諱黃鼎解到逆眷內僅穆四之妾穆楊氏一名係屬真犯餘皆親屬顧工冒名頂替同情狡詐至於此極查穆生花穆四穆五皆係叛逆首犯其眷口自應照謀反大逆例分別問擬除穆生花上年仰藥自盡穆四穆五軍前盡法懲處毋庸再議外穆生花之子穆風娃穆四之子穆哈兒閉二名應照謀反大逆子孫年十六歲以上緣坐例辦理臣於定擬後即監提該二犯正法其穆生花次子穆馬十穆四次子穆買四穆五之子穆蛋兒穆

續編卷三七

九

擺開等四名年俱在十五歲以下訊明實係不知謀逆情事應照謀反子孫實係不知謀逆事情者無論已未成丁均解交內務府關割發往新疆等處給官兵為奴例解交內務府照例辦理穆買四穆蛋兒穆擺開三名俱年在十歲以下應照例牢固監禁俟年十一歲時再行解交內務府照例辦理查新境發往新疆之犯俱改發黑龍江黑龍江現有新教之黨在彼傳教應改發關廣等省給官兵為奴穆生花之妻穆馬氏穆四之妻穆王氏穆五之妻穆張氏穆生花之長女穆海兒迷三女

穆五兒五名係反逆之妻女俱應緣坐應照嘉慶十九年山東反逆案發開廣等省駐防為奴穆生花之次女穆花兒四女海兒蠻二名訊係自幼過房與人應照過房與人不坐例免其追坐穆生花之妾穆米氏穆四之妾穆楊氏穆生花長子穆風娃之妻穆楊氏次子穆馬十之妻穆王氏穆四之子穆哈兒閉之妻穆馬氏俱係反逆子妻亦應緣坐惟訊供皆係搶擄霸佔而來查反逆案內未載搶佔婦女免其緣坐明文惟強佔良家婦女律內無論為妻妾及配子姪除本犯科罪外婦女不

續編卷三七

十

坐離異給親既應斷離是與該犯已無名分應傳其親屬具領擇配其訊無從逆之僱工戚屬人等均發交平涼縣安插是否如斯應請旨飭部核覆遵辦其應行監禁各犯仍發交陝西臬司衙門分別辦理除將該犯姓名年歲開單咨送軍機處刑部查照外謹恭摺陳伏乞

皇太后

皇上聖鑒訓示施行謹

奏 同治十年四月初八日

覆陳吳士邁遺殺游擊朱德樹案由摺

奏為遊

旨獲陳仰祈

聖鑒事竊臣欽奉上年十月二十日

諭旨前據左宗棠奏中書吳士邁在營病故請將擅殺
遊擊朱德樹之案免其查參當以該遊擊本有違令應
得之罪是以降旨允准茲據都察院奏該游擊之兄朱
積善遺姪朱常八呈稱本年三月間賊竄羅局鎮吳士
邁令朱德樹攻東路因賊撲武字營甚急即率各營力

續編卷三七

三

戰解圍迨赴羅局已無賊踪吳士邁即責以違令將其
斬首復以吳士邁所稟朱德樹侵吞餉銀等情係吳士
邁跟丁朦保知縣之曾貴和等挾嫌讒構請昭雪給
予旌卹等語朱德樹被殺一案是否稟有冤抑著左宗
棠按照所呈各節確切查明據實具奏毋稍含混原呈
著鈔寄閱看等因欽此臣查上年三月逆回崔三禹得
彥竄擾陝西臣調統領宗岳軍已故中書吳士邁率所
部剿之於寶雞之陳村岐山之羅局連獲大捷吳士邁
因羅局之戰所部營官朱德樹違令不赴羅局之東截

賊竄路致賊竄出將朱德樹正法所有詳細情形臣已
於上年六月初八日據實陳奏續奉

諭旨當即行知總統南路諸軍長道員周開錫並鈔
發朱積善原呈令按所呈各情悉心察訪以期確實嗣
據周開錫稟稱羅局之役朱德樹以違令見殺遍訪宗
岳各營官哨長並無異詞朱德樹正法之時張騰飛尙
在草碧地方駐紮與李耀卿皆事後始知實無讒害情
事曾貴和是吳士邁在湖南岳陽公局時邀請襄辦局
務友人後入營辦事充當營官由戰功海保官職既非

續編卷三七

三

家丁朦保屢次前敵帶傷撲寇勇往兼嫖律紀其餘各
節均無寔據並取具張騰飛李耀卿曾貴和等稟復各
件前來臣復核無異竊惟軍事以號令為重令進則進
令止則止統領以之鈐束營官營官以之鈐束哨官什
長哨官什長以之鈐束兵勇違者得以軍法治之所謂
軍法者明其與尋常法律不同耳自統領以至營哨節
節相制然後驅之出入生死之地而不搖軍興以來制
兵不足用各省皆募勇丁殺賊勇丁積功擢至提鎮副
參遊者不可數紀其中驍健勇決而又稍識事體者固

不乏人然尚氣好勇驕恣橫暴強不可使者亦在所不免其甚者且擁衆自雄公爲背叛矣晉文謀帥首稱詩禮唐之岳牧多用詞人杜漸防微勢所宜非果重文事而輕武備也軍營體制祇論事寄輕重不在品秩尊卑有保至提鎮而仍當什長哨官者保至副參遊而仍充親兵散勇者有在他軍充當統領而在此軍充當營官在他軍充當營官而在此軍充當統領者時地既殊勢分卽異當統領者必節制營哨當營哨者必受節制於統領固無他說也此案當崔禹等逆東竄之時吳士

續編卷三十七

三

邁飭朱德樹由北路統出羅局之東朱德樹不遵調遣致賊東竄岐山重煩兵力吳士邁官雖中書分察統領憤朱德樹之違令殺之是統領以違令殺營官非中書殺總兵也朱積善具呈控告以吳士邁爲故殺復牽砌多詞攻訐已故之統領波及同事之營官不過圖洩私忿爲朱德樹請卹地然究不能謂朱德樹之死非由違令吳士邁之殺朱德樹爲有意陷害也使吳士邁於朱德樹不遵調遣一節稟_臣據稟參奏請

真正法則軍令既行人亦無從竊議其後乃因病中憤

激速行正法致干專殺之愆而朱積善等遂得有所藉口_臣原奏曾聲明使吳士邁尚存自應查參其於擅殺情節並無一字爲其出脫特以吳士邁既已病故卽查參具

奏亦已法無所加而徒啟營伍玩視軍事之漸於隴中時局尤覺非宜朱積善因圖爲朱德樹請卹故追恨吳士邁又因無解於違令之罪故遷怒同事之營官並追致咸豐二年吳士邁從前扼守洞庭湖口之失此實怨仇私語不足爲憑至朱德樹以出裝布託隴州押取銀

續編卷三十七

四

兩則隴州委員湯敏稟_臣有案_臣比飭局墊償由宗岳軍大餉內劃扣歸款其非曾貴和挾嫌構陷不辨可知朱德樹素以勇往見稱當時人皆惜其死而爲之不平頃漢中鎮總兵李輝武亦以羅局之戰賴其排援得以轉危爲安代懇請_臣念其從征最久無以爲家亦時深憫惻特不赦以私情廢公上瀆宸聰如蒙恩施逾格曲予矜卹則

朝廷浩蕩之仁非臣所敢請也謹據實縷陳伏乞

皇太后

皇上聖鑒訓示施行謹

奏 同治十年五月十二日

續編卷三十七

三

搜剿竄賊疊勝摺

奏為各軍搜剿鹽茶固原東西兩山竄賊疊獲勝仗現
在辦理情形恭摺陳仰祈

聖鑒事竊平涼府屬鹽茶廳固原州所轄東西兩山界
連甯夏鞏昌慶陽涇州各府州地方千餘里巖竅複沓
溪回維處素為藏奸淵藪臣查飭各軍窮搜遍緝以護
節道而靖地方擒斬首要各匪疊經馳報而賊計愈猾
往往守竄於河州各賊巢勾結外匪每起數百騎或數
十騎剽掠兩山間見官軍至則避匿無蹤兵退復出倏

續編卷三十七

三

東修西陲忽狎至與北方馬賊梟匪同而此間地廣人
稀山谷盤互驅除尤為不易疊據署平慶涇道魏光燾
稟二月初三日所部前營副將魏紀整勒馬盤子股匪
於紅羊坊一帶陣斬六十餘名初五日追及王家堡沿
途斬賊七八十名初八日復搜斬十八名三生九名適
新營副將蕭玉元後營副將鄭連拔由硝河城連糧回
防行過天中溝遇賊騎二十餘狂竄而西遽追及之擒
斬畧盡訊據賊供逆首馬盤子已帶重傷伏鞍竄匿矣
記名提督周紹濂派隊攻羅山謝家段頭各賊巢斬賊

數十生擒十餘名內有偽元帥袁希孟王添發兩名皆
金積未破之先馬化澂遣其出外求援未及歸巢者袁
希孟即闖希孟兇悍尤著曾爲馬化澂守峽口以抗官
軍者也東山此段以預望坐地勢最爲險要向爲回目
馬添發所據馬添發伏誅復旌善營營官都司衙馬柏
森收用其夥馬彥隆李萬海嗣因其不服訓遣革逐之
馬彥隆李萬海心懷觖望三月初七夜刺殺馬柏森脅
其黨以叛周紹濂魏光燾聞變率隊圍剿賊知大兵將
至向毛居士井元城子一帶紛竄魏光燾派總兵于奇

續編卷三十一

七

汗副將蕭玉元追之遇賊下馬關陣斬騎賊七十餘名
生擒五名副將魏紀整追至元城子地方斬步賊十餘
名提督徐文秀自白坳追至十六夜三鼓襲賊於梨花
嘴山溝斬賊七八十名生擒二十餘名二十六日提督
戴奉勛由鎮原搜剿至楊家莊一帶斃賊六十餘名副
將李瑞林吳啟雲搜剿下馬關迤東一帶深山陣斬賊
黨十數名生擒賊目楊金潮寨宗丁阿渾及陝回四十
餘名而馬彥隆李萬海遂遠竄西山深處百草原中灘
一帶踞險爲巢與西山要逆馬驍子李百寬馬才宗潛

相勾結李百寬者諺茶廳屬賀家堡回首奮與逆回馬
忠海逆馬忠海伏誅後李百寬與其弟李百申李文虎
藏留馬忠海餘黨李文魁楊保祿及馬化澂之戚屬田
如貴懼官軍搜捕夥謀竄附河州賊巢三月二十九夜
勾河州賊數百擊奪潛逃迺周紹濂遣所部游擊周署
良率右營馳抵鹽茶廳城得報會同署鹽茶廳同知范
廷樸潛師夜起襲之四月初一日黎明馳抵澗溝堡正
值該逆蜂擁前來周署良突起奮擊賊駭而奔官軍分
起追殺斃賊百餘名生擒李生雲馬五十一馬六個子

續編卷三十一

七

奪獲驛馬百餘頭將李百寬眷屬截轉賀家堡訊據賊
供李百寬同另股伏紅羊坊防官軍由前面截剿不虞
後路官軍隊至也十二日魏光燾飭所部前營副將魏
紀整搜捕雅牙兒灣一帶匪逆迺馬彥隆由關門
山竄至擊敗之賊折由鹽土溝一路東竄良回都司衙
門進善率旌善二起馬隊拒之少卻收駐南峯洞賊仍
東竄程進善馳報魏紀整出官馬套截剿行至黑溝口
賊已由沙台堡竄出魏紀整突起奮擊敗之賊由柯家
梁向庫密南竄迺提督左日升總兵于奇泮朱上林由

黑城子出隊截之朱上林率馬隊衝入賊中斬先鋒悍賊十餘名而奪其馬步隊繼至賊敗折西竄是夜四鼓魏紀整追賊至崖窰詢之堡民知有賊賊百餘騎在黃溝灣急起掩之擒斬過半十四日黎明追至楊明堡收隊十六日詎知河州賊匪另股馬步二三百竄踞條子溝李百寬復帶騎賊百餘徑赴賀家堡接管屬適大雨如注咫尺莫辨行徑魏紀整揣條子溝之賊必李百寬要約而來意在阻官軍截剿以便接取逆眷宜先進賀家堡截賊出路比發號疾馳行十數里至張家原則

續編卷三十一

三

李百寬已奪取逆眷避雨窰洞燎衣作炊馬鞍盡卸矣見官軍驟至紛紛出窰列拒魏紀整率親兵馬隊衝入立斃執李字旗牌賊兩名馬步各隊分途齊至都司強古魁馬隊哨長劉義縱橫盪挾斃賊遂多李百寬退入窰洞賊黨死相勇丁何來福差弁張貴元張吉飛及馬隊軍功馬生德躍馬向前生擒李百寬比飭右後兩哨狎犯赴堡子台而餘賊已護逆眷逸去魏紀整率馬步隊追逆賊馳八十餘里沿途斃賊約百餘並將李百寬李文虎眷屬獲收隊回條子溝時已成刻矣忽聞

堡子台砲聲不絕料必有事魏紀整仍率所部由條子溝截去見堡子台來賊百餘與右後兩哨相馳即躍馬衝入擒斬數十名騎賊四五十向種田溝敗竄詢之生賊蓋聞李百寬就擒相約來此劫犯也正擬追逐間適參將宋南山守備徐有禮由小溝收隊歸與此起竄賊遇奮威截殺誅滅殆盡又行數里至劉家井見各廢窰中火光騰灼知賊悉踞此間遂派隊圍定溝口督隊衝入盡數殲之此四月十六日魏光燾所部副將魏紀整剿辦逆回李百寬一起實在情形也同日據隆德轉

續編卷三十七

三

運局員通判張潤飛報署隆德縣知縣周其俊約駐十里鋪護運馬隊營總十六日輕騎赴北路履勘形勢總兵銜副將王有慶李松林隨身小隊同往行至距縣城四十里野雞峽突遇大股賊千餘從山後突出眾寡莫敵王有慶李松林周其俊同日陣亡馬勇戰歿者數名臣於十七日午刻得信疑西山一帶向無千餘騎成股之賊其時未知李百寬業已就擒意其糾合馬彥濬等要逆及河州匪黨同來窺劫糧運也立調步隊三營馬隊三營由瓦亭踰六盤山向北追剿又飭親兵左後

兩哨踰空同山繞化平川出龍江峽口而南出底店門
所營抵隆德冀得痛剿以盡根株二十六日得管帶副
藍旂馬隊副將尤成章飛報十七日由高堡台搜山到
新營川據探馬馳報不知何路突來賊百餘步賊二百
餘由硝河城南三十五里巴斗溝假充官軍攻破良回
王家堡掠逸去尤成章立即拔隊五鼓馳抵三岔口
上人告對面嶺畔密洞微露火光即攻堡之賊住宿
處也尤成章即挑壯士傳日號夜斫賊館比踰溝登嶺
猶未覺壯士徑指火光明滅處大呼殺賊賊驚慌亂竄

續編卷三七

三

昏黑中斃於亂刃者約數十名奪獲牛馬驢二十餘匹
黎明躡蹤追剿行五十餘里至雙樹地方賊見追軍無
多列陣抗拒尤成章率遊擊喻永勝千總孫成德下馬
挺矛衝入賊陣手斬黃衣賊一名而奪其馬砍斃手
執方白旗賊一名喻永勝肩受礮子傷一處胸脅受
刃矛傷四處孫成德而受刀傷尤成章衣被鎗子穿透
數處猶奮威督隊力戰斃悍賊數十賊始大奔將士躍
追猛速賊之擠墮澗壑自相蹂躪死者無數奪獲大小
洋砲十餘桿戰馬牛驢共八十餘匹並奪回五起馬隊

先鋒旗一暨生擒回逆數名斬首軍前訛據新裏回民
馮應海及活賊口供所斬黃衣賊目爲馬才踪十六日
野雞峴賊王有慶李松林周其俊者卽此賊也人馬約
共三百有奇始知隆德所報賊騎子餘不足信臣前疑
李百寬糾合馬彥濛等同糧運者亦非也二十四日
靜甯防軍記名總兵吳隆海調賊援州西北八十餘里
王家溝急起擊之斬悍賊四名二十五日追至焦家河
上王家一帶擒斬二十餘名拔出隴西鎮被裹漢民十
名收隊回防所擊者卽此起敗賊也鋒已挫不能爲

續編卷三七

三

隆靜北路之患矣竊惟隴固東西兩山首要各逆均已
陸續擒斬臣於正月二十五附片陳明並聲敘未獲逆
目惟狗齒牙子靖遠驛子馬才松馬母驢關希孟金添
妄等數犯續據該提督周紹濂報捕斬聞希孟金添妄
近復據報靖遠驛子帶傷後昇至乾鹽池身死馬母驢
卽沙母驢子已經提督楊世俊陣斬茲馬才松復經尤
成章陣斬除狗齒牙子聞已逃赴河州尙無確耗此外
著名各逆均已伏誅而李百寬一股又已殲滅俟搜捕
馬彥濛李萬海等逆事東西兩山同千餘里間伏莽盡

除運道無虞梗滯矣所有此次搜剿最為出力之湖廣
補用副將剛勇巴圖魯魏紀鑿儘先補用副將堅勇巴
圖魯尤成章勇敏耐勞赴機迅速均請
賞換清字勇號都司銜穆進善王益禹本係良回從征
奮勉斬馘甚多應請以都司補用並
賞加遊擊銜陣亡之總兵銜補用副將王有慶李松林
署隆德縣知縣留甘補用同知周其俊均請
飭部照例議給
卹典以示激勵伏乞

續編卷三七

三

皇太后

皇上聖鑒訓示施行謹

奏 同治十年五月十二日

同治十年五月二十日內閣奉

上諭左宗棠奏官軍搜剿竄賊叠獲勝仗請將出力陣
亡各員獎卹一摺甘肅鹽茶固原所轄東西兩山時有
賊匪勾結剽掠經道員魏光燾率隊追剿擒斬多名將
逆首李百寬擒獲逃竄之賊斬殺殆盡其隆德靜寧兩
處竄賊亦經副將尤成章總兵吳隆海督隊馳擊陣斬

首逆多名東西兩山伏莽盡除運道無阻剿辦尚為得
手仍著左宗棠飭令各軍遇賊即擊以期盡絕根株所
有此次尤為出力之副將魏紀鑿著賞換硃色巴圖魯
勇號尤成章著賞換瑚松額巴圖魯名號都司銜穆進
善王益禹著以都司補用並賞加遊擊銜副將王有慶
李松林署隆德縣知縣同知周其俊均著交部照例議
卹該部知道欽此

南路各軍剿賊獲勝片

再南路官軍剿賊獲勝情形業於四月初八日馳報在

續編卷三七

三

案拜招後旋據漢中鎮總兵李輝武報稱四月初一日
有回逆約數百假裝官軍馬隊竄至兩當總兵文德盛
迎擊於簸箕灣敗之賊竄徽縣娘娘壩初二日二鼓徽
防提督胡國珍總兵肅德林截賊於場外山旁獲勝斃
賊甚多生擒萬海明等十餘名初三日賊由前川向秦
州屬境竄去統帶奇捷馬步等營提督楊世俊一軍前
經周開錫檄令駐紮秦州秦安適中之石佛鎮初五日
偵賊游騎秦州雙溝窪王家河趙家山一帶掠劫糧運
楊世俊當飛調各營自北而南初七日四鼓飭馬隊張

兩翼猛撲雙溝窪王家河以扼其吭步隊跨趙家山脊
自上壓下直搗中堅該逆勢不能支官軍四面環擊陣
斬三百餘名生擒四十餘名追殺五十餘里據擒賊供
稱此股頭目係河州馬秀馬貨郎麻哈等由安定康家
崖竄出此外尚有悍目馬榮蘇萬祥劉羊等各率黨分
竄意圖合股擾運不料猝遇官軍馬秀馬貨郎俱被斬
於陣餘眾始盡另股東竄之賊折擾禮屬鹽關一帶楊
世俊度其必循古城西遁也初八日四鼓潛師於禮屬
麻子溝鹿家山待之天未曙賊果至伏起突擊衝賊為

續編卷三七

五

數段馬步縱橫掩擊陣斬百餘名生擒三十餘名漏網
者僅十餘敗賊耳適得賊劉羊以二百餘騎擾及秦屬
梁家大莊楊世俊於是夜討軍劉家河初九日廉食奮
擊斬敵百餘級賊向西狂奔馳追九十餘里於伏甯屬
之包家莊大草灘及之斬劉羊於陣初十日窮搜崖壑已
查無賊跡矣計先後驚賊三四百名生擒六十餘名奪
獲驃馬一百五十六匹器械無算我軍陣亡勇丁三名
受傷四名而已此秦徽伏甯禮各屬剿賊獲勝實在情
形也其竄擾甯遠屬馬力坡一股數百騎三月二十八

日總理宗岳軍營務提督張仲春訓知賊騎擾及甯遠
屬之西溝即出隊掩擊二十九日行抵西溝短兵相接
立斃悍賊多名四月初一日賊駛至禮屬靈芝山王家
寺各處張仲春連日冒雨窮追飛飭所部仁義禮信各
營分股痛剿初三日敗賊於王家寺鎗礮矛刺死者二
百餘人殲賊目何二於陣初五日探悉另股賊自由娘
娘壩鹽關竄至伏羌屬楊家寺張仲春即拔隊馳赴固
城度賊必由東溝竄走設伏伺之初六日黎明賊騎擁
至官軍奮起迅擊盡扶縱橫賊屍枕藉追殺五十餘里

續編卷三七

五

奪獲驃馬百餘匹初八九十一等日攔剿包家莊謝家
莊等處均迭有斬獲我軍陣亡三名而已生擒賊目張
善子張馬達楊復子數名解赴周開錫行營正法見
派隊搜剔山谷此張仲春一軍西禮伏甯各處剿賊獲
勝實在情形也其另股賊於三月二十七日由娘娘壩
各處竄擾觀音店復經管帶虎威中營總兵田連考管
帶楚軍左路鎮西營道員田應龍連日窮追四月初三
日分率所部一扼龍潭壩截其竄徽之路一馳抵徐家
溝口緊躡賊踪各嚴陣以待登高瞭望見賊驟忽游駛

慮其有伏道員田應龍率所部親兵鎮西營左右哨折
回溝西防抹接溝口之賊總兵田連考飛派虎威中營
幫辦田得勝哨官田慶先由東路進鎮西營幫辦文仕
茂帶哨官田興餘進左已革總兵熊煥章帶鎮西營前
後哨進右田連考自領親兵中哨哨官吳有恆居中策
應候選縣丞田治元督隊衝突身受重傷陣稍却賊蜂
擁合圍我軍排陣抵禦鎗矛齊施正酣戰聞忽溝西炮响
道員田應龍率哨官王仁和及副將謝復虎馬隊自溝
西馳至田連考突圍合攻斃賊百數十名賊拚命奔竄

續編卷三七

三

又追殺百餘名生擒八名窮追十餘里奪獲騾馬百餘
頭器械無算我軍陣亡勇丁二名虎威鎮西兩營受傷
勇丁二十餘名而已二十五日復截於柳家溝斃賊數
十生擒二名奪騾馬十餘匹此田連考等連日截剿逆
回之實在情形也其餘之賊向通渭回竄會甯二十七
日駐通渭之二起馬隊總兵銜副將李華擊之於曹家
川斃賊三十餘名奪鎗械三十餘件賊馬四匹牛騾五
十餘頭臣維竄匿河州之賊多係甘南及鹽茶固原會
甯安定敗殘餘孽而秦川屬鹽關禮縣逆回亦頗烟跡

其間零騎偷竄固所不免幸退無可據之險進無可掠
之食其意旋滅固無能為患也所有南路各軍剿賊獲
勝情形理合據實馳陳伏乞

聖鑒訓示謹

奏 同治十年五月十二日

進規河州一時未能進取

再正拜摺聞欽奉

寄諭前因金積堡克復後疊經諭令左宗棠將如何移
營進剿之處妥籌布置近聞河州回股於四月初間竄

續編卷三七

三

擾兩當徽縣一帶旋向西去十六日隆德縣知縣周其
俊會同馬隊遇賊於馬廠野雞岷地方接仗陣亡隆德
固原一帶匪踪出沒無定兼之叛回馬彥濬等聚百餘
騎潛伏其間並聞另股回匪在秦州西六十里舖剿劫
攻破管子鎮以南民堡一處經官軍追擊於初八日至
禮縣所屬長道鎮地方接仗挫敗十四日又有回匪千
餘騎竄擾娘孀高橋延擾牡丹園等處秦州北鄉暨
會地方亦有賊踪紛擾此股回匪若有三千餘眾由河
州潛渡洮河長驅東下現在盤踞雷遠縣之馬塢新寺

一帶分股四出以擾後路糧運似此情形賊勢甚爲猖獗著左宗棠將近日軍情確切查明其奏前據奏稱調派劉明燈等所部分向安定靜甯等處挽運軍糧以規進取諒該大臣必已全局在胸速籌辦理第恐所部將士或因金積既克北路粗定遠爾志驕意滿漸形懈弛甚至觀望遷延不遵調遣此等軍營惡習亦難保其必無現在河州賊勢方張正當激勵諸軍鼓行而西滅此朝食不可玩時曷日坐失事機仍善將如何籌辦情形迅速奏聞以慰廑系將此由五百里諭令知之欽此竊

續編卷三七

完

惟鹽園東西兩山及甘南一路賊蹤忽官軍疊次剿辦獲勝擒斬賊日多名現籌辦理情形經臣據實陳明諭旨垂詢各節多與陝甘兩省交界州縣探報大畧相同而各軍營稟報則有合有不合四月初八日官軍無追賊至禮縣長道鎮接仗挫敗之事娘娘壩高橋牡丹園本係一路相距不遠並無千餘騎竄擾之事至秦州北鄉鹽合城若有回匪三千餘由河州潛渡洮河長驅東下現在盤踞甯遠縣屬馬塢新寺一帶分股四出以擾後路糧道一節臣處並無所聞以勢度之亦必無其

事查河州轄境周四百餘里東自狄道州境渡洮而西與西甯接土回頭目之著名者馬尅大馬占鷲馬阿渾劉阿渾尔鄉約臨洮謝大師外尙有撒拉番回內八弓外八弓頭目老阿渾等股數甚多近來未嘗入犯其入犯者多甯靈鹽固一帶及秦州各屬敗殘土匪之遷徒河州者人數零雜並無大股其入犯也必由洮河下游三甲集康家莊渡洮船小溜急雖有大股亦難徑渡且賊之所以能逞其巖忽狎至之技者正以人少則運掉易靈若多至數千復盤踞一處則官軍合力攻取尙易

續編卷三七

畢

爲功矣如果三千賊騎盤踞甯遠新寺馬塢則西北踞鞏昌不過百餘里東南踞秦州亦不過二百餘里鞏秦豈無急報何以兼旬之久臣處迄無所聞大抵軍中探報踞賊較近各營尙有可信若州縣營汛報則皆塘兵差役道聽塗說數十里百餘里外捕風捉影之談毫不足據至隔省所得傳鈔探報又事後捕風捉影之談更無論也前此劉典因西北兩路甘肅探報互異遽報陝回大股回竄范銘叛卒各處探報傳聞異詞卽其明證臣雖隨時一一陳明至今仍可覆按尤賴

朝廷主之於上浮詞無能英惑

聖聰臣壹意仔肩得支全隴敗壞殘局不致因多所顧

忌易其初心然曾參殺人慈母投杼樂羊敗敵謗書盈

篋古已有之臣固不敢援此以自解竊惟軍事尚質實

忌虛浮虛浮之弊起於訛誤者有之起於意見者有之

臣奏類軍事十有餘年收仗則報在人先勝仗則報在

人後經勘定地方從無大股竄踞重煩兵力之事蓋愚

拙之效可觀者如此至進規河州之舉臣前奏已畧及

之現時遞運三個月糧料草束尙未竣事若急於前進

續編卷三七

聖

則隨運隨耗後無可繼之糧河州夏收約在六月底秋

收約在七八月若急於前進則未及成熟前無可因之

糧非穩善也又洮河深淺廣狹隨處不同而溜勢湍急

與黃河無異由狄道安定隴西進兵每路皆須造船架

橋所需器具亂後人物凋殘勢難咄嗟立辦而鹽固東

西兩山餘匪及甘南一帶餘氛均應趁此閒暇逐加料

理以免後顧之虞防軍未移之先無旬不有戰事亦非

坐食虛糜可比察看近日軍情並未稍涉驕惰臣亦不

敢因

臣明詰責之嚴故為諉謝也所有統籌全局進止遲速
機宜容候詳呈謹先附片馳報伏乞

聖鑒訓示謹

奏 同治十年五月十二日

軍機大臣 字寄同治十年五月二十日奉

上諭左宗棠穆圖善奏南路各軍剿賊獲勝等語鹽固

一帶敗殘餘孽尙合河州回逆竄擾秦州徽縣伏羌甯

遠禮縣各屬經在事各軍相機截剿殲逆首馬秀馬

貨郎劉羊等多名餘孽亦擒斬畧盡其另股竄回亦經

續編卷三七

聖

提督張仲春總兵田連考兩軍分路兜擊斃賊極多敗

賊向通渭回竄會甯卽著左宗棠穆圖善督飭各軍實

力防剿務將殘賊搜捕淨盡勿使賊氛再有紛擾以固

南路邊防左宗棠另片奏遵覆河州等處軍情並進規

河州一時未能進取各情形覽奏均悉軍營探報遠近

不一傳聞容有異詞朝廷既有所聞卽不能置之不問

該大臣惟當仰體朝廷西顧之殷將進兵機宜悉力籌

畫並激勵將士殺敵致果迭奏膚功用副委任正無容

瀆辨爲也將此由五百里各諭令知之欽此

軍機大臣 字寄同治十三年五月十三日奉

上諭定安金順奏甯夏西岸三縣回匪剿辦完竣請將道員汪景度簡用定安奏西來回匪滋擾烏拉特旗界內金順奏請將管站各員獎勵各摺片覽奏均悉納家聞賊巢業經攻克甯夏甯翔平羅一律肅清本日已明降諭旨將定安金順張曜交部從優議敘出力各員照請獎勵矣其投出回民業經定安金順分起發交地方官安置靈州逃來之回亦解交該州收管著左宗棠張曜仍隨時密為查察妥為鎮撫毋令再滋事端金順現

續編卷三七 聖

應前赴烏里雅蘇台將軍新任甯夏一帶如尚有潛匿餘匪著張曜統率各營認真搜捕務絕根株陝回尚有老弱男女五百十五名口應否解至平涼安插著左宗棠會商金順張曜妥籌辦理甯夏軍事現已完竣金順張曜所部兵勇應如何分別撤留或包頭纏金一帶須添兵防剿之處著定安金順張曜悉心會商妥速籌辦阿拉善鄂爾多斯等旗並殺虎口等處管站各員接遞文報尚無貽誤著定安查明擇尤請獎毋許冒濫道員汪景度已交軍機處存記密片一件留中西來回匪

由阿畢爾密特旗亂至白任濠資及古爾班賽坎一帶分路搶掠嗣有賊匪三百餘人竄至烏拉特中公旗境內在庫克鄂爾濟巴克那等處擄掠續又在中公所屬之洪庫勒塔拉民屯盤踞烏拉特旗在黃河之北直達歸綏無險可恃亟應派兵兜剿以期就地殲除薩薩布帶隊前進計正與賊相遇著定安飛催該副都統親督全軍星速進行迎頭截擊逆氛並催直字營馬隊迅赴包頭之西一面分飭駐紮纏金之卓勝營暨大同鎮總兵馬陞各派勁旅由東南而節節兜剿毋任分竄

續編卷三七 聖

杜嘎爾務當偵賊所向躡踪追剿與薩薩布等軍前後夾攻為一股聚殲之計其餘各股現竄何處著定安杜嘎爾確切查明認真剿辦烏城軍情緊要非有知兵大員前往不足以資調度金順諳練戎機戰功卓著著即迅速起程前往妥籌防剿以副委任土爾扈特漢布彥鄂勒哲依圖有赴杜嘎爾官營之說該副都統與該汗是否素識曾否前來謁見來見時如何情形著杜嘎爾即行據實奏聞將此由六百里諭知左宗棠定安金順杜嘎爾並傳諭張曜知之欽此

軍機大臣 字寄同治十年五月十九日奉

上諭金順奏甯夏回務已竣現籌分兵布置一摺甯夏爲北路巖疆刻下雖臻靜謐而西路賊氛尙熾自應分佈設防以資捍衛金順會商張曜分派各隊扼紮磴口橫城等處所籌尙屬周密金順啟程後卽著張曜督飭派出各軍嚴密防剿毋稍疏虞河西三縣投誠之回均已造冊交地方官編立保甲妥爲安置其附逆之徒均由受害漢民指名控告者亦經金順等搜獲正法至四百五十餘名之多該回經此痛剿自當懷德畏威不至

續編卷三七 聖

再生反側惟附近漢民亦不得有意尋仇致成衅隙本日明降諭旨一道著張曜刊發膾黃通行曉諭俾漢回永遠相安以副朝廷一視同仁至意阿拉善旗地方既有西來竄匪搶掠牲畜之事張曜自當飭令馬步隊伍進紮防剿勿任蔓延花馬地一帶亦有匪踪出沒左宗棠當嚴飭東路官軍實力剿捕張曜仍妥籌兼顧毋稍疏懈河州等處逆敵方張左宗棠總當激勵諸軍鼓行河西滅此朝食豈可頓兵不進致軍心懈弛將士思歸以勝兵而轉成暮氣該大臣自金積堡克復後久未據

報進兵機宜實深屢系著懷遵登次諭旨迅將籌辦情形據實具奏不得粉飾遷延致誤大局金順另片奏軍營設局鼓鑄礮子需費甚鉅無款歸還請飭部撥銀二萬兩以清欸項並請飭河南撫臣覆發張曜局費等語著袁保恆卽於西征糧台籌撥銀二萬兩清還金順鑄礮局費其張曜營中礮局之需卽著李鶴年如數籌撥作正開銷前據曾國藩奏續飭上海製造局造備洋火藥二萬磅洋礮藥五千磅金底大銅帽二百萬顆二十四磅開花彈子四千箇藥引六千箇木心六千箇委員解交天津道查點收存由金順委員迎提赴營籌籌著金順張曜迅速派員赴津提解到營以應急需金順現須前赴烏城此項軍火應如何分撥應用之處著與張曜妥商辦理將此由五百里諭知左宗棠金順李鶴年並傳諭張曜袁保恆知之欽此

續編卷三七 吳

覆陳甘涼肅等處情形會籌布置摺

奏為覆陳甘涼肅州等處情形會籌布置恭摺仰祈

聖鑒事竊臣等查准軍機大臣字寄同治九年十二月

二十三日同治十年正月初二日欽奉

上諭以甘涼肅一帶兵力單薄恐北路敗逃餘匪乘隙

肆竄致成延蔓著即派兵分投截剿等因欽此仰見

聖慈垂念邊陲無遠弗屆曷勝欽感查北路金積堡既

平所有悍黨兇酋概經誅戮其老弱悉已安插平固之

間通昌通貴等巢窟併納中寨現經金順張曜率軍圍

續編卷三七

聖

攻據金順張曜等並勢窮蹙業已告成餘匪西趨當

可無慮而目前東西兩山零匪搜除未靖北路中路各

軍連難抽撥南路叛卒已平尚須留駐勁旅俾資鎮壓

且各軍將士血戰頻年久役者不免思歸積勞者亦宜

小息又西甯河州逆巢未掃蘭垣糧價高昂數月之內

臣等須籌辦糧食一面派兵進攻一面督率後路趕運

芻糧兼與屯墾庶不致因飢潰退欲速反遲西路相距

遙遠宗棠衰病之軀照料恐難周到非慎擇良將勁

軍足以調當一面者何敢率爾遣行而臣穆圖善所部

二十餘營駐守省垣分紮金縣平番及五道峴大靖土

門等處分布尚屬不敷刻亦難於抽調臣等彼此咨商

擬於河西肅清東西兩山零匪一律搜除淨盡臣宗棠

一面派兵進規河州一面挑選得力之軍遵

旨派赴西路分投截剿應懇

天恩飭下豫師瑞雲暫就現有兵力嚴密堵遏狂氛勿

任豕突狼奔致滋延蔓所有奉

旨派撥兵勇前赴甘涼肅一帶截剿竄匪刻難遵辦緣

由謹合詞恭摺具陳伏乞

續編卷三七

聖

皇太后

皇上聖鑒訓示施行再此摺係臣宗棠主稿合併飛明

謹

奏 同治十年五月三十日

軍機大臣 字寄同治十年七月初六日奉

上諭前因甘肅甘涼肅一帶兵力單薄諭令左宗棠穆

圖善派兵截剿茲據奏稱現在東西兩山尚未肅清南

路亦須留兵駐紮西甯河州逆巢未掃左宗棠現駐紮

甯西甯西路遠穆圖善所部兵勇駐守省垣分紮金縣

等處均難抽撥請俟河西肅清零匪搜除淨盡再由左宗棠撥兵前赴西路等語甘涼肅地方緊要亟應妥為設防即著豫師瑞雲就現有兵力於各該處緊要隘口嚴密防堵遇有匪徒竄入即行實力剿擊毋任該匪蔓延惟豫師瑞雲所部兵力無多如有大股竄入殊難堵禦仍著左宗棠移圖善妥籌兼顧如西路緊急於無可抽撥之中設法派兵赴援以資得力將此由五百里各諭令知之欽此

續編卷三七

異

恪靖奏稿續編三十八目錄

周開錫病故請卹摺

剿除竄回餘眾攻拔階州匪巢摺

敬陳進兵事宜摺

劉錦棠請假回籍摺

甘肅道府州縣再請展限片

剿賊獲勝暨搜捕零匪片

續編卷三八目錄

周開錫病故請卹摺

奏為道員在營立功積勞病故恭摺馳陳仰祈

聖鑒事竊總統南路諸軍前著福建布政使延建邵道

周開錫自本年三月以後舊患翻胃疾復發且劇然籌

兵籌餉籌運造車船購騾馬一切鉅細諸務必躬親裁

度措措不休每上臣緘牘商榷進兵事宜娓娓千言並

未詳及病狀臣亦不知其病之深也嗣得鞏昌隨員來

稟言總統病久不愈近亦不肯服藥佛鬱之餘肝氣上

衝復添呃逆腹泄諸證病骨支離殊形委頓日間判行

續編卷三六

案牘接見僚屬雖均如常然不能遠離卧榻五月初十

日忽命昇疾赴秦州料理餉事行四十里氣垂絕復蘇

提督嚴華廷復護歸鞏昌臣聞其疾甚亟遣人負藥往

視甫行旋得涼州鎮總兵傅先宗署鞏昌知府湯聘珍

馳報周開錫已於五月十五日寅刻身故先日得臣議

進兵緘牘傳示諸將領並自云病不可為惟活一日盡

一日心幹一日事而已諸君勉之因口占一詩中有

國事中興日家親垂暮時及何以報吾師之句神識湛

然是夜氣絕無一語及私臣得報悲不自勝念甘南統

將勢分等吏周開錫既已病故正當進軍之際若別派

總統必不相宜即飭總理營務前山西按察使陳湜馳

赴靜甯會諸將領籌辦一切臣俟北路中路布置定妥

諸營填紮畢即率親兵繼進督之並飭駐陝總理軍需

局沈應奎由秦赴鞏銷算周開錫經手糧餉轉運各項

以免淆混察着甘南軍情於周開錫病時祈禱備至死

後哀吟勿絕似人心尙或可待也竊惟周開錫師事臣

久素以古義相切劘自臣奉撫浙之

命周開錫辭會國藩隨臣入浙官溫處道臣入閩調其

續編卷三八

補閩以延建邵道署福建藩司臣奉調督陝甘之

命周開錫又辭福建輪船局提調來隴按其繼繼相隨

皆在臣艱危患難之日其在溫處道本任及福建藩司

署任內諸所施措成效均尙可考至總統甘南諸軍時

屢致人言周開錫於三月二十四日上稟懇請終養臣

批未准而上年六月克復狄道渭源兩城本年二月收

撫范銘瀆勇各案臣確知周開錫勞績卓著始終未為

請

叙茲周開錫已盡瘁而死臣不忍稍有掩抑謹照錄呈

以見外臣任事之難也所有總統南路諸軍二品頂戴前署福建布政使道員周開錫應否照軍營立功後病

飭剖從優議給卹典之處出自

聖裁謹據實馳

奏伏乞

皇太后

皇上聖鑒訓示施行謹

奏 同治十年六月十四日

續編卷三八

三

軍機大臣奉

旨周開錫著交部照軍營立功後病故例議卹欽此

剿除竄回餘衆攻拔階州匪巢摺

奏為南路官軍剿除竄回餘衆階州攻拔階匪堅巢各情形恭摺陳仰祈

聖鑒事竊前將三月下旬河州零賊出竄南路各軍節節剿捕殲除逆首情形於五月十二日據實馳陳在案旋據總統南路諸軍道員周開錫稟報各軍賊狀大畧相同惟前此竄賊雖經剿滅殆盡而後路運道所開周開錫猶慮西禮徽成深山窮谷尚有伏莽兼除飭總兵蘇家良等各率馬步分途搜剿四月十三日蘇家良

續編卷三十八

四

等訶知成縣屬任家莊山頂有賊窩匿遂改騎為步圍之忽一賊自賊中手提首級一顆跪陣前乞降蘇家良訊之自稱姓海名富兒所提首級則所殺小頭目看老五也看老五本陝回楊生公所部悍賊上年崔三等逆敗後楊生公潛赴提督傅先宗軍營求撫行至中途事覺為崔三所殺餘衆復欲就撫又為看老五所阻滋海富兒憤其屢梗撫議遂斬之以降蘇家良受之海富兒並呼願投誠者三十人呈繳旂幟伏地求撫其不願投誠者約尙八九十人仍偃蹇如故蘇家良等率隊猛撲

皆中礮墮崖死無一脫者遂收降回海富兒三十八以歸點驗降人大半籍隸陝西年力精壯當飭令安插隊伍中充餘丁立功自贖緣蘇家良以良回積功擢王總兵所部本回騎也階州山谷叢雜最易藏奸向有結匪一種據險爲巢時出肆掠爲地方患署知州道銜知府洪惟善訪有段世才瞿煥周李奎者均積年渠惡自恃險僻已甚白馬關雖有官軍分防無如何也前此逆回闖入白馬關時段世才乘隙擄搶三月初二日回逆敗竄洪惟善飭楚勇哨長副將彭德沅會商守備周正秋

續編卷三八 五

率隊合力圍攻段世才匪巢並派哨往扼李奎洞口與小關嶺兩處另募卡勇六隊分紮距州城百八十里之太石山三十里之兩水里以防外寇一面派役訪拏著名匪徒褚正武黃萬明等防其勾結爲患知會白馬關州判烏堯松阿集團協剿嚴防竄逸布置既定彭德沅等於三月十二日逼近匪巢駐營出隊攻巢巢中礮石兩注迄不能下二十五日併力攻破頭卡立斃匪等十餘名餘黨縮退二卡拚死抗拒官軍據其頭卡以擋牌護劈山礮向二卡連番轟擊賊不能支是夜五鼓遂率

其黨繞巖潛遁官軍燬卡而入起獲大礮三座抬鎗六桿小鎗二十三桿其扼李奎洞口之哨勇亦於是日攻破李奎巢穴生擒匪首李奎李俊張昭蒲煥軍楊仕得等五犯烏堯松阿亦拿獲匪首段世才之母段楊氏及其雇工鞏正明夥犯李毛娃之父李應收訊明後當將李奎李俊張昭蒲煥軍楊仕得五犯就地正法餘均分別省釋惟段世才尙未就縛洪惟善詢知該匪逃匿瞿煥周所據之石崖洞內地勢尤險四月二十一日派縣丞李芝瑞率隊掩捕是日抵瞿家溝分路進攻連破數

續編卷三八 六

卡斃匪二十餘名比官軍攻擊達且忽洞中喧嚷聲起均向洞左深林行走李芝瑞知賊潛逃揮所部突入匪眾滾崖跌斃與鎗矛擊斃斃命者約二十餘名生擒段世才之父段明德段世才之妻段李氏餘匪王三胖子蒲友娃子王偽元帥等數名又沿途追斬二十餘名搜獲鎗礮十餘件火藥數十斤當將王三胖子王偽元帥蒲友娃子訊明正法惟段明德一犯及段李氏暫留未誅訊據擒賊供稱段瞿兩逆已於是日四更時縋巖遁走段世才有赴陝西畧陽漢中之說瞿煥周則擬起四

川廣元縣臣得報後當即分別咨行四川陝西轉飭所屬一體協緝以淨根株所有南路官軍剿除餘黨階州攻拔匪巢情形謹據實馳陳伏乞

皇太后

皇上聖鑒訓示施行謹

奏 同治十年六月十四日

敬陳進兵事宜摺

奏為敬陳進兵事宜仰祈

聖鑒事竊甘肅回亂雖由陝回構衅牽連而起實則新

續編卷三六

七

教久懷不軌即無陝回牽連而亦不能保其不變適因漢回結怨得所借口以迫脅其族類其變乃益速時值東南兵事方殷重兵鉅餉難於分布不得不勉事羈縻而玉關內外竟無完土矣茲幸

皇威震疊金積蕩平陝回窘蹙歸誠又經畫地安插

朝廷仁育義正之懷天下共喻回民雖善詐多疑自忖黨堅耐戰孰如陝西堡寨之密鎗礮之多孰如金積其不敢妄肆鳴張固意中事也春間清水縣張家川撫回李得昌自請赴河川諭撫馬尒大馬占臣知為州回

央托而來諭令聽其自投不准招致蓋自行投首准與不准官操其權苟由招致而來設有不可撫者礙難處置一涉操切轉無以信而服其心也李得昌行至洮河東岸馬尒大等遞呈求撫適聞河西用兵心懷驚懼疑李得昌之給已李得昌亦疑撫局有變念懼而歸詢西路各郡縣見蕩平金積緣起告示又探知靈州平涼固原化平川等處安插陝甘各起回民安居耕墾適然無驚始悟撫局終無可疑馬尒大馬占臣求撫之心乃益切觀其於李百寬馬彥隆等投入河州時拒不容

續編卷三八

八

留亦可概見此時言招撫固可省兵力而速戎機然以地勢言之河州西南即漢唐河湟故地為歷代戰爭之場蘭州東西南三面均緊連河州河州賊氛不靜蘭州不能解嚴以賊勢言之河回嗜利輕生性喜剽掠無事時即常騎馬遠出鈔掠變亂十年未受懲創更無畏忌此等嗜亂之民非剗鉅痛深固難望其永久帖服也現甯夏平涼慶陽涇州鞏昌秦州階州各屬大致實已肅清販撫耕墾安插遷徙兵屯民屯善後諸務實已具有端緒雖中衛鹽固一帶時有遊匪出沒不常甘南之

徽甯西禮等縣亦時有伏匿之匪伺劫運道然統計實不過數起人馬多者實不過數百少者僅數十而已倏隱倏現如螭蝨著體殊費爬搜然固無能為害現擬留黃鼎雷正綰魏光燾左日升等各營自中衛至平涼扼要分駐其南路徽甯一帶加派提督殷華廷馬隊護運接緝遊匪一面慎選地方官會同各防營嚴密掩捕以淨根株而重後路據各路稟報浮橋渡船已辦各營務糧軍用粗備道路修治已平乃檄各將領尅期會師而前進規河州記名提督涼州鎮總兵傅先宗率所部馬

續編卷三十八

九

步由狄道進以其半渡洮而西修立堅壘以其半駐洮東岸爲中路記名提督楊世俊率所部馬步隊及提督張仲春宗岳馬步隊取道南關坪進峽城爲左路記名提督劉明燾由馬營監進紅土窰由紅土窰進安定縣掃除零匪以扼康家崖之要記名提督徐文秀由靜甯州進會甯繼之爲右路俟中路渡洮之師修壘畢左右兩路乃渡洮繼進其岷州及洮州廳地居河州西南山

靖邊縣地境當北竄之衝檄黃鼎分所部步隊八營益以副將桂錫楨馬隊三營歸記名提督徐占彪統領由中衛進靖遠南搜會甯安定遊匪西顧蘭州俟諸路布置畧定卽率親兵由隆德赴靜甯安定督剿俟河州大定乃圖西甯也西甯著名遊首馬尒三已於三月內自伏真誅陝西崔三禹得彥白彥虎等遊近時兇焰頗形消阻至甘肅涼州肅州本無大股耐戰之賊惟未覩兵威故爾時形倔強如果鋤其桀黠寬其良原辦理悉當人心則剿足令其畏撫足令其懷自可永期安謐

續編卷三十八

十

惟殫誠盡瘁慎以圖之不敢遷延以誤事機亦不敢草率而貽後患以求仰紓宵旰憂勤於萬一伏乞皇太后

皇上聖鑒訓示謹

奏 同治十年六月十

劉錦棠請假回籍片

再前據三品卿銜總統老湘金軍道員劉錦棠請該軍自臨淮選練整理以來時閱十載同治七年直東肅

清奉檄由洛趨晉由晉入秦掃蕩而西直平陝北土匪
逼金積血戰頻年各分統營官隨已故提督劉松山先
後死事者十居其四將士陣亡者約千數百名其傷殘
成廢積勞成疾者實二千有奇留其在軍不能出力而
徒耗軍食亟應分別撤遣回籍從新選補以期士氣常
新幸金積蕩平巨寇夷滅安插遷移諸已就緒懇請給
假六箇月扶劉松山遺櫬並帶撤回傷殘疲病將弁勇
丁回籍一面在籍選募有根著的保勇丁來管補額庶
免遊勇混雜致壞軍律臣維甯靈大局既定各軍宜酌

續編卷三十八

十一

量遣撤湘軍傷病弁勇較多宜及時休養勇丁宜就原
籍選募所稟均屬實在情形自應照准惟時河西軍務
尙未告竣應否添兵助剿須詢明金順張曜得其覆音
乃可定局飭劉錦棠先將傷病將弁勇丁分起資遣一
面函詢金順張曜旋得覆緘知河西亦將蒞事無須增
調劉錦棠復申前請臣飭將挑留之精壯勇丁併爲十
一營董字三營馬隊三營交記名提督蕭章開統帶分
駐金積吳忠靈州甯夏各屬以資鎮壓劉錦棠卽扶劉
松山櫬回湘道出平涼臣與商布一切並飭令到籍選

募假滿卽來擬備西北一路之用也該軍餉由金陵解
給除每月六萬兩尙源源報解此外惟會國藩調在兩
江後每月加解銀五千兩而積欠額餉及新四營月餉
並車價馬價棚價米價柴草卹賞養傷等項約四十餘
萬兩概屬虛懸茲當遣撤傷病之時臣不得不勉籌鉅
款代爲墊發將來仍於金陵解到該軍月餉銀六萬五
千兩內劃扣撤勇薪糧等項陸續歸款庶該軍積欠不
致久懸而金陵亦可無須籌積欠矣其金運昌一軍
已遵

續編卷三十八

十二

旨調歸綏遠城將軍定安調度黃鼎一軍留五營駐中
衛各處並益以知州黃立煇一營總兵馮南斌一營撥
黃鼎所部馬步八營歸提督徐占彪統帶並益以副將
桂錫植馬隊三營檄由中衛赴靖遠爲進規河州北路
之師陝西提督雷正綰還駐固原其固原以北至馬家
河則以雷正綰所部馬步七營及豫軍強營毅營分紮
填防臣率親軍西進當調提督周紹濂五營自隨由固
原以南至平涼則調平慶涇道魏光燾率所部五營填
防以昭周密所有布置北路中路各情形謹附片陳明

卷三

聖鑒謹

奏同治十年六月十四日

軍機大臣 字寄同治十年六月二十三日奉

上諭左宗棠奏南路官軍剿除竄回餘眾攻拔階州匪巢現籌進兵事宜劉錦棠請假回籍各摺片覽奏均悉成縣任家莊匪匪經總兵蘇家良搜剿投誠者三十人著左宗棠飭令蘇家良妥為安插毋令再滋事端此外有無伏莽仍著認真搜捕毋留餘孽階州緝匪經副將

續編卷三十八 三

彭德沅等率隊圍攻破賊巢惟段世才暨煥周在逃未獲該大臣當飭彭德沅等實力查拿盡法懲治賊供既有段逆赴陝躍逆赴川之說著左宗棠咨照吳棠蔣志章飭屬一體協緝毋任漏網中衛鹽固一帶時有遊匪出沒徽兩西禮等縣亦有伏匪伺劫運道左宗棠即派出各軍嚴密掩捕以淨根株現在該大臣規取河州分中左右三路進兵布置尙屬周密左宗棠擬赴靜甯安定督剿即著督飭傅先宗等軍分道前進實力掃蕩毋任河州逆匪日久盤踞惟河州一經進兵恐該逆被

左恪靖侯奏稿續編 卷三八

剿窮蹙勾結西甯回眾竄甘涼等處該大臣於西路一帶尤宜妥籌兼顧以免匪勢蔓延劉錦棠現在請假回籍並將傷病弁勇遣撤另行募補著飭令到籍後認真挑選假滿即行回甘以資得力其所留各營分駐金積靈州等處即飭蕭章開等妥為鎮撫前由金順遣回靈州回民當諭左宗棠飭令劉錦棠黃鼎遇此項回民抵籍剗行地方官稍束安置現在辦理是否完竣著左宗棠查明具奏將此由六百里諭令知之欽此

甘捐道府州縣再請展限摺

續編卷三十八 四

再臣前因前項奇絀於同治九年五月初六日奏請將甘局收捐之道府州縣無論省局分局均展限一年於是年五月二十日奉旨著照所請戶部知道欽此欽遵通行知照在案茲准西征糧台兼辦甘捐翰林學士袁保恒咨稱各省甘捐除湖南湖北廣東三省改歸黔省專辦江蘇浙江福建改由各本省統收分解甘黔皖三省收用四川一省係甘黔皖各設捐局其捐收甘捐省分僅山東山西河南陝甘等省統計甘捐省分已減過半若再將道府州縣

七一九

雙月三班及班次分發等項收捐停止則所收捐款無多軍餉愈形支絀請再為奏懇展限一年等因臣查甘捐之設原為接濟軍餉今專收甘捐省分僅山東山西河南陝甘等省若再將道府州縣雙月三班及班次分發等捐遽行停收則捐項愈少於餉精更屬無補現屆展限期滿捐生未免觀望相應請
旨再容展限一年如蒙
俞允臣即通行省局及各分局一體遵照以廣招徠於軍需莫有裨益理合附片具陳伏乞

續編卷三八

五

聖鑒訓示施行謹

奏 同治十年六月十四日

軍機大臣奉

旨著照所請戶部知道欽此

剿賊獲勝及搜捕零匪片

再臣 前調提督劉明燈一軍進駐馬營監轉搬軍糧以規進取據報五月二十日親督所部各營隊伍護送回秦州運濟蘭省軍火並擬使道搜剿零回途中訶知先夜四更時有賊數十名襲據通渭安定隴西交界之界

家溝廢堡劫掠糧畜當派正中右後三營隊伍分途馳剿僅留前左副中三營隊伍護送軍火旋據各該營官回報軍抵該處賊已遠颺居民均已歸堡二十二日將軍火交替接護前進二十四日率隊回防當據花鼓樓堡民報稱隴西屬之八里灣有竄賊馬步數百名意圖攻堡劉明燈當派正中營總兵王前程率正中營步隊及參將楊正茂西征馬隊馳往援剿是夜三更後步隊先抵距花鼓樓二十里張家堡詢知賊伏深峽溝廟內王前程當令各哨即夜圍攻乘其不備四鼓銜枚疾進

續編卷三八

六

黎明步隊悉已抵廟前賊倉卒出敵官軍鎗礮齊施刀矛並進立斃賊七十餘名生擒十四名奪獲牲畜十餘頭賊悉棄械狂奔官軍乘勝追殺斃屍四五十名前賊回顧追兵甚緊倉卒開躍避土洞以圖苟免官軍結繩放下擬絕出斬之殊賊固匿不出僅一人附繩而上訊係義岡川漢民吳香香子據供賊匿土洞者約尚有八九十名知繩上必死希俟官軍收隊再出也官軍計無所施乃傾土石入洞中但聞洞中號呼之聲甚慘迨填厚約數尺許聲止而賊已絕矣復追搜餘賊行十餘

里不見踪跡始收隊回防提訊活賊據供此股頭目馬老五本鞏昌回民上年逃入河州五月初六日始由康家崖竄出其西山遊匪據提督周紹濂稟稱五月二十日後營總兵周玉林率步隊及王鎡萬馬隊搜山至駝駝堡小有斬獲六月初一日搜至奧蒿灣斬賊數十名生擒逆目田如貴等四名奪獲刀矛二十餘件牲畜十餘頭訊知田如貴本馬化澂之戚屬五月十五日甫由河州竄出圖勾結黨夥劫掠糧運斬之左營管帶官總兵李良穆稟稱六月初二日黎明謂有騎賊二百步賊

續編卷三十八

七

七八十名由後河竄至官軍整隊迎擊陣斬步賊二十餘名騎賊中礮落馬者甚夥賊敗竄後河官軍跟跡緊追賊分十餘起拚命衝突官軍隨賊所向擊之適大風捲地雨雹交作賊悉由北路竄出比雹止復追則賊去已遠五月十九日平慶涇道魏光燾飭前營副將魏紀盜搜捕趙家塬踞匪擒斬回目馬得魁等十餘名二十一日後營副將鄭連拔擊賊中田溝斬賊十餘名奪馬七匹六月初二日賊目馬彥澂所裹良回楊保俊手刃首賊馬柏森之賊馬成禮並帶同馬勇十八名赴總兵

于奇洋營前乞撫受之現正飭各軍上緊搜捕各起零匪計可漸次肅清所有中路官軍剿賊獲勝暨搜捕西山零匪緣由理合附片陳明伏乞

聖鑒謹

奏 同治十年六月十四日

續編卷三十六

六



ZW 2110100584888

軍機大臣 字寄同治十年六月初十日奉

上諭左宗棠穆圖善豫師奏陝回勾結西甯回族滋擾
派兵堵剿一摺陝回分竄西甯攻破高家成遠等堡接
及高家堡董家寨一帶經總兵黃武賢派隊堵剿疊獲
勝仗惟逆首白彥虎率黨攻陷小南川漢堡據為巢穴
崔三一股仍踞曹家堡分黨潛伏高家馬生彥股眾與
為犄角並有金積堡敗匪竄至與西甯回民聯為一氣
河州回目馬占鰲等亦率散回攻陷民莊西甯回族就
撫本不足恃現在外匪紛至與之勾結勢恐蔓延穆圖

續編卷三六 九

善現已檄令黃武賢率領三營會同豫師原駐威遠營
勇調集西甯各路團丁相機堵擊即著督飭派出兵團
認真剿辦毋任賊勢鴟張西甯地方賊股充斥豫師兵
力既單穆圖善駐省各營勢又不能遠調左宗棠當統
籌全局迅即撥隊馳往助剿痛堵妖氛其應如何籌辦
希置並現擬進紮何處河州回巢應如何進兵分路進
剿均著詳悉具奏赴滬通商路雖梗豫師仍當設法剋期
前進不得濡滯中途以重職守私圖善另片奏未能撥
兵兼顧西路等語甘省北路雖漸肅清而敗殘餘匪聚

向河州西甯等處陸續由甘涼遁入肅州若左宗棠進
兵規取河州賊勢窮蹙必以西路為遁逃藪自應添撥
兵勇扼守西路方足制賊死命穆圖善所部保守省城
護運糧石未能移調前往自係實在情形甘涼兵力過
單難資扼剿左宗棠統轄全省西路應早籌及仍著迅
速撥兵協剿毋得稍涉遷延致滋貽誤穆圖善亦應督
率近省各軍隨時扼剿竄匪與左宗棠和衷商辦不可
稍分畛域左宗棠穆圖善另摺奏剿辦山丹土匪及甘
州賊股情形已明降諭旨將出力及畏縮各員分別獎

續編卷三六 三

勵懲辦矣仍著左宗棠等飭令楊占鰲督率所部加意
防範毋令賊匪乘間奔突以靖地方將此由五百里各
諭令知之欽此